

ELIZABETH QUEEN OF ENGLAND FRANCE AND IRELAND, &c.



ELIZABETH QUEEN OF ENGLAND FRANCE AND IRELAND, &c.



DIEU ET MON DROIT.



80

ANNALES
RERVM ANGLICARVM,
ET HIBERNICARVM,
REGNANTE
ELIZABETHA,

A D
ANNVM SALVTIS
M. D. LXXXIX.

GVILIELMO CAMDENŌ
AVTHORE.

L O N D I N I,
Typis *Guilielmi Stansbij*, Impensis *Simonis Watersoni*,
ad insigne CORONÆ in Cœmeterio
PAVLINO.

M. DC. XV.

ANNALS

OF THE

REIGN OF

ELIZABETH

THE FIRST

BOOK

OF THE

REIGN

OF

ELIZABETH

LONDON

Printed by J. Stansfeld, at the Press of the
Royal Society, in Cornhill

PAVING

M.D.C.XV



LECTORI.



N T E annos octodecim, Guilielmus Cecilius Baro Burghleius, Summus Angliæ Thesaurarius, mihi ne cogitanti quidem, primum sua, deinde Regia tabularia aperuit; atq; inde primordia regni ELIZABETHÆ filo Historico contexere iussit. Nescio, quo consilio, nisi dum ille pro-

speræ Reginae famæ consuleret, ut industriæ etiam meæ hoc in genere præludium videret. Obsecundavi, nec inuitus quidem, ne optimæ Principis memoriæ, eius expectationi, & VERITATI, quæ mihi vtriusq; instar, defuisse viderer. Illam enim subterfugientem, & sese occultantem, aut ibi, aut nullibi, deprehendere speravi.

Primo autem limine, implicatissima difficultas quodammodo absterruit. In condensas enim omnis generis scriptorum, & instrumentorum strues, pro temporum ratione satis digestas, pro argumentorum varietate confusissimas incidi. In quibus excutiendis, dum pulvere oblitus, totus desudo; materiamq; idoneam sedulo quaesitam, sed expectato rariùs inventam, conveho; & ille vivere desijt, & industria mea admodum deferbuit. Post-

quàm Incomparabilis etiam illa Princeps coelestem animam coelo reddiderat, spe avidissima aliquandiu expectavi, non solum si quis, sed etiam si aliquis è tanto eruditorum numero, qui eius beneficio, & opibus & otio abundant, hanc debitam gratiam, meritamq; rependeret. Sed cum certò comperissem, alijs, qui optimè poterant per graviora negotia non licuisse, alios, nescio quibus de causis, etiam deprecando speciosè recusasse: ad intermissum studium denuò me accinxi, & acrius, quàm antea, incubui. Omnia vndiq; ad scribendum subsidia conquisiui, Regum & Magnatum Diplomata, Literas, Consultationes in Regio Consistorio, Legatorum documenta, & Epistolas sedulò volui, & revolui: Parliamentaria Diaria, *Actus* & *Statuta* percurri, & singula Edicta perlegi. Quorum omnium longè plurima, Clarissimo viro *Roberto Cottono Equiti Aurato, & Baronetto*, qui rei Historicae & Antiquariae lectissimam supellectilem magnis impensis, & felici industria sibi comparavit, ut debeo: (Lumen enim maximum mihi libetissimè de lumine accendit suo) ita, L E C T O R, si te hac in parte iuvero, aut delectavero, eidem gratias meritissimè referre debes.

Mea etiam ipsius scrinia excussi, qui, etiamsi Venerandae Antiquitatis admirator, recentium tamen non incuriosus, multa vidi, observavi, à maiorib⁹, atq; fide dignis qui rebus gerendis interfuerunt, & partium vtrinque, in hoc Religionis discidio, studiosis accepi. Quae singula iudicij mei (quantulumcunq; est) statèra examinaui, ne quando fallaci credulitate ad falsa propenderem. V E R I T A T I S enim studium mihi ad hoc opus aggrediendum, ut solus stimulus; ita & scopus vnicus. Quam Historiae detrahare, nihil aliud est, quàm pulcherrimo animanti oculos effodere, & pro salubri succo, Lectorum animis venenum propinare.

Quae *Veritatis* igitur lumini obstruere solent, amoliri statui singula. *Inscitiam*, & quae inde existunt *Dubietatem* & *Falsitatem* incorruptae fidei splendore ex monumentis illis omni exceptione maioribus, quantum possum, dispuli;

discipuli; & fortean, non minorem inde rerum illarum notitiam, quam qui in Repub. diu multumq; versatus, mihi comparavi. *Praejudicium* vitæ, quandoquidem iudicium tollit; & mentes cum in Religione, tum in Repub. ita perstringit; ut perinde ac oculi glaucomate obsessi, nihil clarè intueantur. *Periculum* non metui, ne quidem ab ijs, qui præsentis potentia succedentis ævi memoriam extinguere posse opinantur. Et meminerint, quotquot in scriptores veri cultores sæuierunt, sibi dedecus, illis gloriam accumulasse. *Spes Lucelli* transversum non egit, Historiæ dignitatem promercalem habere, mihi (cui cum composita paupertate semper bene convenit) sordidum visum, & seruale. *Suspicioni gratiæ, aut similitudinis* locum reliqui nullum. Qui enim mihi memorandi, vix vnus & alter beneficio, iniuria ne vnus cognitus; ut inter *obnoxios*, vel *insensos* non habear. Superstites vix brevi elogio memoravi. Patriæ hostes insectando, boni ciuis laudem cum mali Historici nota aucupari, ridiculum existimavi. Hæc curavi, ut quod Polybius iussit, *soli VERRITATI* litarem. Nec ΠΑΡΡΗΣΙΑΝ, ingenuam illam cum modestia loquendi libertatem Historico dignam aliquis, ut spero, in me desiderabit. Illam, quæ cum obrectandi malignitate falsam libertatis speciem induit, & propitijs auribus vbique excipitur, ex animo detestor. *Manifesta* non reticui, *dubia* mollius sum interpretatus, *occultiora* non indagavi. *Abditos Principum sensus* (inquit magnus ille Historiarum Antesignanus,) *& si quod occultius parant, exquirere illicitum; anceps, nec ideo assequare.* Atq; cum Halycarnassæo curiosulis succenseo, qui plura quam legibus permixtum, quærere, aut cognoscere volunt.

Ad cætera quod spectat. Quamvis me minimè lateat ΠΟΛΕΜΙΚΑ & ΠΟΛΙΤΙΚΑ maximè propria esse Historiæ, Ecclesiastica tamen nec potui, nec sanè debui prætermittere. (Inter Religionem enim, & Rempub. diuortium esse non potest.) Sed cum Ecclesiasticæ Historiæ scriptor hæc suo sibi iure vendicet, ego non nisi leui, & quasi pendenti

LECTORI.

pendenti quidem manu attigi. Cùm ex Historiæ lege & dignitate sit, *per negotiorum celsitudines discurrere, non minutias indagare*, minutijs non institi. Minutula tamen sunt, quæ si non hunc, alium scire iuuet. *Circumstantias* verò haudquaquàm omisi, vt non modò rerum eventus, sed rationes etiam, causæq; noscerentur. Illud Polybij mihi perplacet. Si tollas ex Historia *QVARE, QVOMODO, QVO FINE*, quidq; fuerit actum, & an ex ratione res gesta successerit; quicquid reliquum est, ludicrum magis erit, quàm documentum. Et in præsens quidem oblectet, in posterum non proffit. Iudicium affectibus non tradidi, dum sedato animo scribens, aliorum potius exquisiui; nec meum ferè vsquàm, ne aliud quidem agens, interposui; cùm an Historico liceat, controvertatur. Suum cuiq; pro captu per me liberum esto. Orationes, nisi ipsissimas, vel in pauciora redactas non admiscui, multò minùs finxi. Sententias rariùs adpersi, nec observationibus illis, quas Græci *ΕΠΙΣΤΑΣΕΙΣ* appositè vocant, narrationes exornaui, dum occultè animum erudire fategi. Digressiones vitavi. Verba formalia adhibui. Topographica, & Genealogica non neglexi: nec Chronologica; temporum seriem quantum fieri potuit, sequutus; annum à Calendis Ianuarij, vt nostri Chronographi olim soliti, exorsus.

ANNALIVM nomine inscripsi, quòd quæque in suum annum retulerim, quòd res illustres Annalibus mandandas, Tacitus docuerit; & eorum munus esse præcipuum, ne virtutes sileantur, vtq; ex prauè dictis factisq;, ex posteritate, & infamia metus proponatur. Imò etiam, quòd in Annalibus aridius & contractius scribendi genus, quale hoc meum, maximè requiratur.

His initijs animum ad scribendum appuli, hoc consilio porrò perrexi, & in his concinnandis, limandis, & perpoliendis, omne subeisiuæ industriæ curriculum conficere: atque supremis tabulis, amplissimo viro Iacobo Augusto Thuano, qui historiam sui temporis summa fidei, & modestiæ laude inchoavit, legare destinaui. Ne quod exteri solent, ille mihi cum primis charus, in rebus nostris,

stris, tanquam hospes in Republica aliena, peregrinaretur.

Ecce autem, hoc consilium, nescio quo fato, mihi præreptum, & magna pars eorum ante aliquot annos ad eum transmissa, dum adhuc primis lineamentis adumbrati, & vix inchoati iacerent, lituris & lacunis deformati, segmentis hinc inde assutis, mendis, vt tumultuante calamo exciderunt, scatentes; & à librario pessimè accepti. Ex his ille Tomo suæ Historiæ Vndecimo, & Duodecimo, paucula demendo, mutando, addendo, sed recto sanè cum iudicio, inter-polata, intexuit. Cùm autem ille pro suscepti operis ratione (Vniversalem enim sui temporis Historiam aggressus) pauca *Anglica & Hibernica* decerpserit, plurima quæ nostros cognoscere iuuet, & forsan intersit, prætermiserit: & ego rerum nostrarum notitiam ab exteris non sine convitio efflagitari audiverim; humeros oneri aliquandiu subductos iterum apposui, totos relegi, recognoui, plurima addidi, & aliquem orationis cultum adhibui, sed sine conquisitis verborum lenocinijs. Satis enim mihi videtur, si tanquam tabulam dilutioribus coloribus minùs eleganter pictam, bono lumine collocauero.

An publici tamen iuris facerem, inter ancipites curas suspenso animo hæsitavi. Verumenimverò *Iudicia, Præiudicia, Odium, Obtrectatio*, quæ signa efferre, & classicum canere prævideo, non tantùm deterruerunt: quantum *Veri studium, Patriæ charitas, & Principis illius memoria* (quæ apud Anglos grata & sancta esse debeat) contra eos excitârunt, qui cùm fidem in *Patriam*, & *Principem* exuerint; tam huius existimationem, quàm illius gloriam atterere famosis apud exteros libellis, ex animis malevolentia suffusis, non desistunt; & nunc, quod non dissimulant, improbitatis suæ monumentum iusto volumine posteris sunt prodituri. Nihil ego malim quàm me mei similem esse, & illos sui. *Suum cuiq; decus rependet posteritas.* Quod argumenti sublimitas postulat, dolens fateor, non præstiti: operam verò quam potui, sanè lubens impendi.

LECTORI.

impendi. Mihi, vt in alijs, ita in his nequaquam satisfeci.
Satis superq; tamen habebo, si ex propensa voluntate
memoriam rerum conseruandi, vera narrandi,
& animos ad probitatem, aut prudentiam e-
rudiendi, inter minutos magnarum
rerum scriptores locum tan-
tisper inuenero.

Quicquid sit

DEO, PATRIÆ, ET POSTERIS,
AD VERITATIS ARAM
DEDICO, CONSECREOQ;





Apparatus.



LIZABETHÆ Angliæ Regina
genus paternum vere Regium erat,
illa enim Regis Henrici Octavi fi-
lia, Henrici Septimi neptis, Ed-
wardi Quarti proneptis; maternum
impar quidem, nobile tamen, &
multis magnisq; affinitatibus per
Angliam & Hiberniam diffusum.
Abavus erat Galfredus Bole-
nus clavis in Norfolcia natalibus, Prætor Urbis Londini,
Anno M. CCCC. LVII. eodemque tempore Equestri
dignitate ornatus. Vir integer, ea existimatione, ut Tho-
mas Baro Hoo, & Hastings, ex Ordine Georgiano, filiam
& heredum vnam illi in uxorem dederit, ea opulencia, ut fi-
lias in splendidas familias Cheneiorum, Heidonorum, &
Fortescuorum elocauerit, filio tantum patrimonium reliquerit;
& mille libras monete Angliæ egenis in Vrbe Londino, & du-
centas in Norfolcia erogandas legauerit. Huic natus Guiliel-
mus Bolenus, inter octodecim lectissimos Equites Balnei ad in-
augurationem Regis Richardi III. adscitus, cui Thomas Comes
Ormondia (qui ea dignatione apud Angliæ Reges fuit, ut solus
ex Hiberniæ Proceribus, sedem & suffragium in Comitibus Par-
lamentarijs Angliæ, & supra Angliæ quidem Barones habuerit)
filiam & heredum alteram connubio iunxit. Ex hac ille (præter
filias Sheltono, Calthropo, Clero, & Sackvillo, opibus &
genere conspicuis enuptas, liberosq; alios) genuit Thomam Bo-
lenum, quem iuuenem Thomas Howardus Comes Surria, qui
postea Dux Norfolciæ, bellica laude celeberrimus, in generum
delegit, data Elizabetha filia in matrimonium: & Henricus

Elizabetha
genus pater-
num.

Maternum.

Fortescue

Anna Bolena
nata M. D.
VII.

A Rege vxorem
repudiatur
amata.

Repudij
causa.

VIII. vna & altera amplissima legatione perfunctum, primum Aula Regiae Quaestorem, Ordinis Georgiani Equitem, & Vicecomitem Rochfordium; deinde Comitem Wiltoniae & Ormondiae, priuatique Sigilli Custodem constituit. Ille, inter alios liberos, Annam Bolenam procreauit, quae tenella in Galliam missa, famulabatur primum Mariae Anglicae Ludovici XII. deinde Claudiae Britannicae Francisci Primi uxori; eaque defuncta, Margaretae Alenconiae, quae enascenti Protestantium Religioni cum primis in Gallia fauit. In Angliam reuersam, & inter honoratas Reginae Virgines admissam, iam ad viginti duos annos natam, Henricus duodequadragesimum agens, ob formam venustam, & modestiam Gallica festiuitate temperatam efflictim deperijt. Cum verò pudicitiam expugnare non potuisset, in uxorem spe prolis masculae ambiuit.

Jam antea, ut rem paulò altius repetam, ille Catharinam coniugem, faminam moribus sanctissimis, & Hispanica gravitate; sed saepius abortientem, & quae filiam unicam superstitem habuit Mariam, fastidire, post XVII. annos, coeperat; idque artibus Thomae Wolfæi Cardinalis, qui iam in fastigio potentiae apud Regem, sui quodammodo erat impotens. Ille enim Carolo Quinto Imper. Catharinae è sorore nepoti infensor quòd Archiepiscopatum Toletanum negasset, & ad Papatum aspiranti non fauisset; Galloque in Caroli inuidiam adeò iam deuotus, ut uxorem è Gallia Henrico destinaret; Regi in suas cupiditates prono scrupulum iniici curauit, nuptias illas cum Catharina, quae prius fuerat Arthuri fratris ipsius uxor, lege diuina esse prohibitas, licet Iulius II. P. R. dispensasset. Postea ipse in aures inculcanit, quàm grauiter in Deum commisisset Catharinam ducendo, quanto peccato volutaret illam retinendo; Excommunicationis sententiam incurrisse, Deumque in has tam iniustas nuptias iram effudisse, qui prolem masculam semel atque iterum susceptam, superesse noluit: nec aliud quidquam expectari posse, quàm ut funesta illa bella nuperrimè consopita, nouis cladibus resuscitarentur, nisi de legitimo regni herede certò constiterit. Illam igitur repudiandam, ut omnis scrupulus Regi ex animo tolleretur, eiusque animae tot annos incestu pollutae, & simul Regni saluti ex certa legitima prolis successione consuleretur.

Hinc

Hinc Rex Clementi VII. Pontifici Rom. supplicat, ut delegaret qui de causa cognoscerent, utq; vel dispensatio Iulij PP. sacrarum literarum auctoritate confirmaretur, vel ipse ab Excommunicationis sententia absolueretur, & matrimonium ipsum nullum, & invalidum fuisse, ipsique licere cum quacunque alia muliere (alio non obstante Canone) matrimonium contrahere, declararetur. Delegavit ille Wolfæum, & Cardinalem Campegius, cui & Bullam clam tradidit, in qua Regis votis favorabiliter annuens quantum cum Deo potuit, singula concedit si contingat matrimonium cum Catharina aliàs contractum nullum fuisse, & esse declarari: Verùm hanc Bullam, prout res Imperatoris in Italia succederent, vel celandam, vel publicandam. Agitabantur iam passim quæstiones, An iure diuino liceat fratri relictam fratris accipere in uxorem? Si hoc iure diuino vetitum, an Papali interveniente dispensatione non possit fieri licitum. Cum autem huiusmodi matrimonium, Sacrosanctis utriusq; Testamenti legibus adversari, etiamsi Pontificis Rom. accesserit dispensatio, plures Orbis Christiani Academiae, viriq; doctissimi suis suffragijs comprobaissent: Rex in amorem Annæ Bolenæ exardere cœpit, simulq; Cardinalis (incepti serò penitens) ira incitatus, clandestinò effecit ut Pontifex Rom. Academiarum sententias Pontificia auctoritate confirmare abnueret, & causa Romæ, & in Anglia de die in diem ampliando protraheretur. Cardinalis enim à Bolena quæ doctrinæ Euangelicæ addicta fastum ipsius pompa plenissimum oderat, timebat; itidem & Pontifex ab Imperatore iam in Italia præpotente, qui Catharinæ materteræ causam acerrimè defendebat. Nec Pontifex Henricum irritare volebat, qui ipsum iam pridem à Cesarianis captum sua opera & pecunia liberauerat. Henricus, etsi hinc animus ira æstuarer, occultauit tamen, & primum ipse assidue & humilimè per legatos & literas, deinde præsules & procures Angliæ per libellum supplicem chirographis suis subsignatum demissis precibus ad Pontificis pedes aduoluti obsecrarunt, ut Apostolica auctoritate firmaretur (ipsorum verbis utor) quod duæ Academiae Angliæ, quod Academia Parisiensis, quod multæ aliæ A-

Ad PP. relata.

In Academijs agitata.

Ampliando dilata.

Rex ut expediretur, rogat.

Præsules etiam & procures.

cademiæ, quod doctissimi & integerrimi viri domi forisq; verum esse affirmarant, ac pro vero defendere tam verbo quàm calamo paratissimi erant. Infelicitatem autem singularem esse, si à sede Apostolica hoc ille Princeps non obtineret, cuius solius ope sua stat sedi Apostolicæ autoritas à multis impetita, quibus partim ferro, partim calamo, partim voce atque autoritate sæpius restitit, & tamen solus illius autoritatis beneficio non frueretur. Vt frueretur iterum atque iterum obtestati sunt, ne intestina bella de iure successionis denuò recrudescerent.

Et Præsules
seorsim.

Præsules etiam veriti ne Pontifex regnum Interdicto, aut Regem excommunicatione innodaret, suis seorsim literis triste inter Alexandrum Tertium Pontificem Romanum, & Henricum Secundum Angliæ Regem dissidium in memoriam revocarunt, & inter alia rationum momenta, his ipsissimis ferè verbis, quibus Gilbertus Episcopus Londinensis tunc temporis usus erat, infimis cum precibus admonuerunt. Zelum vestrum accensum vt ad tempus intra fines modestiæ cohibeatis, submississimè supplicamus: ne vel Interdicti sententiam, vel vltimum illud præcisionis elogium proferendo, Ecclesias innumeras subverti miserè patiamini, & tam regem ipsum, quàm innumeros cum eo populos, à vestra, quod absit, obedientia irrevocabiliter auertatis. Melius est membrum capiti cohærere, vel faucium, quàm à corpore proijci, iam præcisum. Redeunt ad sanitatem faucia, vix corpori coalescunt iam præcisa. Adducit desperationem præcisio, cùm sanet vulnus sapissimè cautè medicantis operatio. Vnde si placet, consultius est, vt sanando vulnere, si quod est, ad præsens operam detis, quàm Ecclesiæ Dei partem nobilissimam præcidendo, quæ turbata sunt hoc tempore, longè suprâ quàm possit exprimi, perturbetis. Sanguis regius tunc scit demum vinci, cùm vicerit. Nec erubescit cedere cùm superauerit. Mansuetudine leniendus est, monitis & patientia superandus. Quid enim si iacturam quandam temporalium infert vel exhibita, vel in tempus exhibenda

hibenda adhuc etiam patientia? Numquid non feueritati retrahendum est, cum strages imminet populorum? Numquid non in mare multa iactanda sunt, cum iam spondet interitum confusio foeda maris & fluctuum? Verum cum hæc surdis auribus Pontifex & Cardinales per quinque plus minus annos negligerent, agerrimè ferentes Pontificiam in dispensando potestatem in questionem deuocari, Regemq; Romam citandum censerent; perpulerunt Principem animi plenissimum, proteruia Ecclesiasticorum quorundam domi irritatum, qui pro causæ aequitate iniquissimè, pro Regia dignitate indignissimè, & pro meritis in Ecclesiam Rom. ingratisimè secum agi existimauit, ut vno ferè eodemq; tempore Catharinam repudiaret; Wolfæum Cardinalem bonis exueret, Episcopos, quod Legatinam eius auctoritatem in Regiæ præeminentie fraudem agnouerant, ingente pecunia mulctaret, Pontificis Romani auctoritatem profligaret, titulum SUPREMI CAPITIS ECCLESIE ANGLICANÆ SUB CHRISTO à Synodo, & Angliæ Academijs delatum admitteret. Annam Bolenam trabea honoraria indutam, sertog; aureo redimitam honore Marchionissæ Pembrochiæ cum assensu procerum Regni ob generis nobilitatem, virtutumque meritum (ita se habent verba) exornaret, in uxorem duceret, Reginamq; sacrari iuberet; Clemente VII. frustra indignante, matrimonium prius validum & Canonicum esse decernente, & Regem maioris excommunicationis poenam incurrisse, pronuntiante.

Ex his nuptijs nata est Elizabetha Greenwichi ad Tamisim die VII. Septembris M. D. XXXIII. Mox verò nuptiæ illæ cum Catharina contractæ, irritæ, & incestuosæ: hæc cum Anna licitæ, & ex iure diuino, Parlamentaria auctoritate iudicantur. Elizabetha, si mascula Regi soboles defuerit, regni hæres declaratur, & in Regis fidem, & hæredum ex Anna à singulis iuratur. Cumq; Paulus Tertius in has nuptias denuo Romæ pronuntiare statueret, & domi Virgo sacra in Cantio à religiosis subornata quasi diuino furore percita, in easdem atq; Regem multa effutiret, titulus Supremi Capituli Ecclesiæ Anglicanæ, cum omnimoda auctoritate errores, hæreses, &

Rex neglectus Pontifici Rom. renunciat.

Annam ducit.

Elizabetha nata.

Regni hæres declarata.

Holy Maid of Kent.

Autoritas in Ecclesiasticis Regi delata.

Anna ob-
truncata.

Iana postri-
die nupta.

Maria & E-
lizabeta il-
legitimæ de-
claratæ.

Iana in par-
tu obiit.

Rex in Pon-
tificios, Lu-
theranos, &
Monasteria
scivit.

Legem 6.
articulorum
fancit.

& abusus in eadem reformandi. Regi à regni Ordinibus deferatur, & iusiurandum illud in fidem heredum Regis ex Anna confirmatur. Anno tamen tertio vix exacto, ille in amores, suspiciones, iram, cædem, & sanguinem proiectus, ut nouo Ianæ Seimoræ amorì viam patefaceret, Annam quæ abortum masculum fecerat, violati thori ex leui suspitione insimulatam in iudicium vocat. Illa obiecta ita diluit ut multitudini adstanti innocens circumventa videretur, Pares tamen damnarunt. Damnata Regi per nuntium bellè & festinè singulares gratias de cumulatis in eam beneficijs egit, sc. quòd genere minùs illustri ad illustrem Marchionissæ dignitatem, consortis honorem, & Reginae celsitudinem euexerit: quodq; longè maximum, cum in terris sublimiùs euehere non possit, in cælum, ubi æterna inter innocentes gloria fruatur, extollere iam voluerit. Supplicium placidè & Christianè subiit, prospera quæq; regi comprecando, & inimicis ignoscendo.

Ille postridie Ianam in vxorem ducit, nuptias cum Anna non minùs quàm cum Catharina planè illicitas & irritas Parliamentaria authoritate declarat, earum filias Mariam & Elizabetham inde esse illegitimas, & regni successione excludendas. Illa Edwardum, qui patri in regno successit, ex utero excisum enixa, statim perijt. Rex de vxoris morte parùm sollicitus novis amoribus & in Italia & in Gallia, ut sibi amicos conciliaret, statim vacat. Animi tamen ambiguus & ad singula pauidus, dum à Pontificijs ob rebelliones excitatas timet, ex nobilio-ribus ne seditiones commouerent, aut exteris hostibus se coniungerent, alios leuiculis de causis, alios inauditos capite truncat. Religiosos ob peruicaciam in Pontificia potestate asserenda proditorum supplicio crebriùs afficit, & ex avaritia, Monasteria maiora, ut antea minora, venerandæ vetustatis & maiestatis plenissima diruit, opesq; tot annos congestas diripit, causis ex humane fragilitatis vitijs, & solutiore vita quæsitis. Simulq; Protestantes ut Hæreticos comburit ex lege, quam vocarunt, sex Articulorum, contra eos qui Romanæ Ecclesiæ doctrinam de Transubstantiatione, vna in Sacramento Eucharistiæ specie, Sacerdotum celibatu, Votis, Missa priuata, & Auriculari Confessione impugnarunt. Adeò ut vno eodemq; loco & tempore in Pon-

Pontificios laqueo & dilaniatione, & in Protestantes viuicom-
burio scuiretur. Vnde cum domi terribilis & foras tyranni-
cus haberetur, primum reiectus à Maria Lotharinga Ducis Gui-
sij filia, quam Iacobo Scotorum Regi nepoti riualis factus am-
biuit, deinde à Christiana Danica Ducissa Mediolanensi Caroli
v. nepte, egrè Annam Cliuensem, dum Protestantum in Ger-
mania amicitia se applicaret, in uxorem obtinet. Eam autem
statim atq. duxerat, quasi forma principe indigna auersatus abij-
cit, in fastidium ac libidinem iuxta lasciuus, causatus illam Ducis
Lotharingie filio prius fuisse desponsatam, & nescio quam mulie-
brem impotentiam, vt Catharinam Howardam Edmundi
Howardi filiam, Thomæ Ducis Norfolici neptem superindu-
ceret, quam anno vertente, pudicitia iam antè violatæ ream per-
actam obtruncat, thorumq. regum Catharinæ Parræ ex eque-
stri familia iterum vidua aperit.

Cum iam ex intemperanti iuuentute corpus effœtum sentiret,
irritatior in Gallum quod Scotis subsidia contra Anglos submise-
rat, & æquior Carolo Cæsari qui Catharinæ materteræ repu-
dium penitus oblitus, spem certam reconciliandi ipsum Ecclesiæ
Romanæ occultè fecerat, (qua in re Gallus iam illuserat) cum Ca-
rolo fœdus contra Gallum inijt. Deinde Galliam cogitans, vt
maiores apud Carolum gratiam iniret, & simul conscientia ex-
ulceratæ satisfaceret, Regni Ordinibus in Comitij proposuit, vt
si ipse & Edwardus filius sine sobole diem obirent; primum Ma-
ria, & si ei proles deficeret, Elizabetha deinde in regno succede-
ret. Sin autem hi sine prole obirent, Corona Angliæ ad eos de-
volueretur, quibus ille vel literis Patentibus, vel supremis tabu-
lis assignauerit, quod lubentissimis omnium animis scitum et sanc-
tum erat, læsæ Maiestatis pœna contraeuntibus inflicta. E Gal-
lia Bononia capta, & ingenti pecunia profusa reuersus, dum ipse
anxius Angliam nouis quotidie suborientibus opinionibus distra-
ctam ingemisceret, & ipsa Anglia opibus exhaustis, pecunia ere
intermixto deprauata, Monasterijs prisca pietatis monumentis di-
rutis, Nobilium, Præsulum, Pontificiorum, & Protestantium
cruore promiscuè effuso, & Scotico bello implicata, luctuosa suspi-
raret, supremum spiritum pinguedine diffluens ex virulenti her-
petis in crure inflammatione, Anno M. D. XLVII. inchoante
exhalauit.

*Annam Cli-
uensem du-
cit, & repu-
diat.*

*Catharinam
Howar. ducit
& capite
plectit.
Catharinam
Parram du-
cit.*

*Carolo Imp.
reconcilia-
tur.*

*Successio-
nem in libe-
ris stabilit.*

*Bononiam
capit.*

Moritur.

exhalauit. Princeps magnanimus, in cuius maximo ingenio inerant confuso quodam temperamento, virtutes magnæ, & vitia non minora.

Edwardus
Sextus suc-
cedit.

Euangelij
doctrina
inducitur.

Infelix sub
puero Rege,
regnum.

Protektor è
medio tolli-
tur.

Et ipse Rex.

Edwardus filius vix decennis successit, Edwardo Seimoro Duce Somerssetti eius avunculo, Protektore constituto. Cuius auspicijs insignis victoria de Scotis ad Muselburgum reportatur, dum Angli pacti fœderis fidem de Maria Scotorum Regina Edwardo desponsanda armis repetunt: & feralis lex Sex Articulorum aliæq; ab Henrico VIII. contra Protestantes late refiguntur, illæ ad Pontificiam authoritatem profligandam confirmantur, Missa abrogatur, Imagines è templis emouentur, vtriusq; Testamenti libri vulgari lingua procuduntur, Officia diuina in eadem celebrantur, & vtraq; species in Eucharistia præbetur. Cæterum sacrilega auaritia in res Ecclesiasticas, Collegia, Cantarias, Nosocomia, & pauperibus dicata, quasi superstitiosa, rapaciter inuolauit, ambitio & æmulatio inter proceres, audacia & inobedientia inter plebeios addeò insolenter exultarunt, vt Anglia quasi lymphata intemperijs agi sibi videretur, rebellionibus, tumultibus, partium studijs, pecuniæ deprauatione & omnibus malis quæ sub Rege puero accidere solent, intus miserè intabescens. Accesserunt etiam damna foris accepta, propugnacula Anglorum in Scotia, necnon in Gallia amissa, Bononia quæ tanti constitit, & omnes arces in agro Bononiensi ab Anglis extructæ cum tormentis & omni apparatu bellico pacta pecunia, non sine insigni Anglici nominis probro, Gallis tradita: cum Anglia seditioibus diuulsa defendere non valeret, Carolus Imperator ex fœdere rogatus auxiliari negaret, (vtpote quæ Anglis post initum fœdus acquisita) etiam gratis oblatam recusaret. Et ad infelicitatis cumulum, Protektor aduersus Dudlæi Ducis Northumbriæ fraudes incautus felonix damnatus ex lege recenti de consilio inito occidendi Consiliarios Regios, Northumbrium scilicet, & alios, capite plectitur, filius ex priuata lege, maxima patrimonij parte & paternis honoribus spoliatur; & ipse Rex suorum præsidio nudatus, ambitiosorum immanitati expositus, immaturè (morbo an veneno incertum) præripitur; incredibili ob eximias supra ætatem virtutes desiderio apud populum relicto.

Tristi

Tristi hoc tempore cum Dudleyus malis artibus fratrum amorem inter Protectorem & Thomam Seimorum fratrem dissoluisset, occasione arrepta ex muliebri emulatione inter Reginam Dotariam Thomæ coniugem, & Ducissam Somersetti Protectoris uxorem, inter alia ad Thomam læsæ Maiestatis convincendum, obijciebatur illum cogitasse de Rege in suam potestatem redigendo, & Elizabetham Regis sororem in uxorem ducendo. Illa autem totius rei ignara, & longè ab omni suspitione interea adolefcebat, summa apud Edwardum fratrem, (qui non alio quam dulcis sororis TEMPERANTIÆ nomine salutavit) & singulari apud proceres, & plebem gratia, Forma enim erat inprimis venusta & imperio digna, gravitate modesta, ingenio splendido, animo regio, memoria fœlici, & optimarum literarum studio indefesso; adeo ut ante XVII. ætatis annum Latinam, Gallicam, Italicam linguam calleret, & Græcam mediocriter. Nec Musicam, quantum Principem deceret, neglexit, ut quæ scitè & iucundè caneret, psalleretq. Cum Rogero Aschamo qui eius studijs admotus, Locos communes Melancthonis, integrum Ciceronem, magnam partem Historiarum T. Liuij, selectas Isocratis Orationes, (quarum duas in Latinum convertit) Sophoclis Tragedias, Novumq. Testamentum Græcè legit, è quibus & linguam purissimæ dictione, & mentem aptissima præceptione instruxit, bonisq. literis non ad pompam, sed ad vitam & virtutem ita fuit assidua, ut ad miraculum usq. fuerit inter sui sæculi Principes erudita.

Liberalia autem hæc studia fratris Edwardi mors interrupit (vix dum expirauerat, cum à Dudleyo Northumbriæ Duce qui regnum Iaræ Greiæ, cui filium desponderat, affectabat) internuntij interpellarunt, ut pacta pecunia, & latifundijs quibusdam assignatis, iure suo in regnum cederet. Illa modeste respondit, cum Maria sorore natu maiore prius transigendum, qua superstite, se nihil iuris sibi posse arrogare. Mox publica præconis voce Iana Greia Henrici VIII. è secunda sorore pro-neptis, Regina Angliæ promulgatur. Cause quæsitæ, scil. Quidam Maria, & Elizabetha illegitimæ Parliamentaria lege iudicatæ, quæ nunquam ritè abrogata, (licet illas Rex pater suo ordine post Edwardum VI. si soboles deficeret, successuras eadem

*Elizabetha
apud fra-
trem gratia.*

Studia.

*Iana Greia
frustrâ Re-
gina decla-
ratur.*

eadem lege declarasset.) Quodq; sorores illæ civili Anglorum iure Edwardo successores hereditario esse non possent, quia non germanæ, sed (ut Iurisperiti nostri loquuntur) of the halfe blood. Subinnuitur etiam Henricum VIII. supremis Testamenti tabulis jus regni in Ianam illam Greiam transcripsisse, simulq; demonstratur quanti sit periculi, si Maria aut Elizabetha exteris Principibus nuberent, qui Pontificis Romani auctoritatem iam Angliā eliminatam revocarent, externoq; iugo Anglos subijcerent. Et in eandem sententiam Literæ Patentes Edwardi Sexti paulo ante mortem confectæ, plurimq; Procerum, Episcoporum, Iudicum, & aliorum chirographis munitæ proferuntur.

Maria Regina promulgatur. Elizabetha se adiungit.

Nihilominus propensissima procerum & plebis in Henrici VIII. filias voluntas hanc tempestatem fato Duci & Ianæ funesto intra vicesimum diem dissipuit, Mariaq; per vniuersam Angliam Regina declarata. Cui ad Urbem Londinum cum exercitu accedenti Elizabetha (ne sororis, & suæ etiam ipsius causæ quæ tunc agebatur, deesset) cum quingentis equitibus obviam processit. Primis quæ Maria habuit Comitibus Parliamentarijs, quæcunq; contra matrimonium inter Catharinam Reginæ matrem & Henricum Octauum decreta fuerant, antiquantur, illudq; legi diuinæ consonum & ad omnia validum esse ex his rationibus iudicatur; quod cum parentum ipsorum, Principum prudentissimorum consensu, virorum grauissimorum tam Angliæ quàm Hispaniæ consilio, & matra eruditissimorum in Orbe Christiano deliberatione contractum, celebratum, & liberorum procreatione consummatum fuisset. Idem etiam religionis cultus, & Sacramentorum administratio quæ in usu fuerant moriente Henrico VIII. revocantur, sine vlla tamen omnino Pontificiæ potestatis agnitione vel mentione. Quod Regiam, & Cardinalem Polum in primis sollicitos habuit, qui in re matrimonij parentum consensum & prudentum iudicium non aliunde quàm ex P. P. Iulij II. dispensatione dependere crediderunt; & Sacramentorum usum nondum in Ecclesiam rite receptis sine Pontificis auctoritate permitti succensuerunt. Verùm Ordines Regni, quod Maria deprehendit, auctoritatem Pontificis Romani iam excusam denuò admittere & agnoscere verebantur.

bantur. Nec ferebant ut Regina titulum Supremi Capitis Ecclesiæ Anglicanæ deponeret, in quem ipsorum plerique Præsules, Proceres, & plebey Henrico VIII. hæredibus, & successoribus iurauerant, & plurimi rem ex Ecclesiæ bonis auxerant. Illa autem deponere ex animo gestijt, persuasa vniuersum jus suum ad regnum non aliunde quàm ex potestate Pontificis Rom. qui pro ea sententiam tulerat, firmari; postquàm pater eam illegitimam pronuntiari curasset. Certè plurimi hoc tempore Pontificiam potestatem & externum iugum adeò exosi sunt, ut Thomas Wiatus & Cantiani nonnulli decimo die post nuptias Mariæ cum Philippo Hispano pactas, in rebellionem proruperint, persuasi non alio consilio pactas, quàm ad Anglorum ceruices Hispanorum viribus grauius sub Romano iugo deprimendas, atq; ad Elizabetham proximam regni Angliæ hæredem è medio tollendam. Et Carolus V. Imperator gnarus animorum in Anglia, eiusmodi moras Polo Cardinali cum Legatina à Pontifice potestate Angliam cogitanti iniecit (nec sine Regine consilio) ne rebus nondum constitutis offensionem concitaret, ut in Angliam non veniret nisi post quindècim menses, cùm iam tertium Parlamentum haberetur, nuptiæ inter Mariam & Philippum essent celebratæ ex Iulij I. Pont. Rom. dispensatione, eò quòd secundo & tertio consanguinitatis gradu fuerint coniuncti, & CAROLVS ipse Imperator sponsalia cum MARIA impubere de futuro quondam contraxisset. Tum demum ille ab Imperatore dimissus in Angliam venit, & natalibus restitutus, Ordinibus rogando & obtestando proposuit, ut leges contra Hæreticos restabilirentur, omnes leges à vicesimo Regis Henrici VIII. anno contra Romanam sedem promulgatæ abrogarentur, & vniuersum regni corpus Ecclesiæ Rom. reconciliaretur. Quæ egrè impetrauit, nec prius, quàm bona Monasterijs, Collegijs, Episcopatibus, &c. ab Henrico Octauo, & Edwardo Sexto ablata, Regina, & possessoribus simul eadem sanctione confirmarentur, ne quies regni turbaretur. Hinc ille statim Clerum populumq; schismatis crimine absoluit, Romæ præ gaudio solennis Missa ab ipso IULIO III. P. P. celebrata, supplicationes decretæ, Iubilæum indictum, & plenaria concessa indulgentia singulis

Angli Pontificis potestati ægrè se subijciunt.

Qua Lege Ecclesiæ Rom. reconciliati.

Lætitia inde Romæ.

Hibernia à
P. R. in reg-
num erecta.

Pontificij ab
Elizabetha
timent.

Eam exagi-
tant.

lis qui pro vnione Regni Angliæ Deo gratias egerint. Eoq; missi Antonius Vicecomes Montisacuti, Thomas Thurlbeius Episcopus Eliensis, & Edwardus Carnus ad gratias de schismatis venia agendas, debitamq; Papæ & sedi Apostolicæ submissione & obedientiam Regis, Reginae, Regniq; nomine præstandam. Quibus in Palatio Apostolico & Aula Regum publicum datur à Paulo IIII. (Iulius enim iam obierat) Consistorium, obedientia admissa, venia & absolutio à Cardinale Polo data, approbata & denuò data. Atq; ad Mariam & Philippum magis demerendos, Papa Hiberniam in Regnum ex Apostolicæ potestatis plenitudine perpetuò erexit, & titulo dignitate, præminentijs regijs, &c. insigniuit & decorauit. Quæ tamen singula Ordines Hiberniæ ex sua authoritate Henrico VIII. cumulatè detulerant, & ipsa Regina iam antea utebatur & fruebatur. Sed hæc non huius loci.

Religio Romana nunc in Anglia constituta videbatur, Ecclesiastica tamen hominum natio cum ex Regina iam quadragenaria, exsucca, & valetudinaria prolem vix sperarent, ab Elizabetha etiamnum timuerunt. Illam enim Protestantium religioni innutritam norunt, & in illam quasi Solem orientem omnium animos & oculos coniectos perspexerunt. Serio igitur à primordio regni Mariæ consultarunt, ne religio iam reuocata quid detrimenti per illam caperet. Prolem regiam scelere tollere sanioribus, & ipsi Mariæ Principi pientissimæ (licet in illam ob maternas simulates iniquiori) piaculum visum; contra quibusdam male sanis qui ad religionem Catholicam stabiliendam nihil non audendum, nihil non perpetrandum quo iure, qua iniuria censuerunt. Per commodum verò illis acciderat, quòd Thomas Wiatus, Petrus Carewus, Iacobus Croftus, & alij è Protestantium numero turbulenta & temeraria seditiosè moliti essent, & Elizabetham Edwardo Courtenæo Devonæ Comiti matrimonio iungere satagissent. Hinc illa quasi conscia in carcerem contrusa, seditionis affinem esse primum incerti rumores sparsi, deinde nonnulli ad quæstionem in caput abrepti, alijs tormenta adhibita. Croftus minimè consciam fuisse & extra omnem seditionis culpam religiosa asseueratione coram affirmavit.

mauit. Wiatus item (qui subaccusasse ferebatur) extremum supplicium subiturus, idem palam professus est: Nihilominus illa adpositis custodibus huc illuc raptata, famulisq; & ancillis in vincula subinde adductis, durius quàm pro dignitate tractata.

Interea Henricus 11. Rex Galliarum clandestinis literis amore plenissimis recreat, multa & magna pollicitus in Galliam evocat; an ex amore, aut dolo ut maius periculum crearet, Scotorumq; Reginae nurui destinatae viam ad Angliæ Coronam post Mariam muniret, non dixero. Christianus etiam tertius Rex Daniæ, qui iampridem Protestantium religioni nomen dederat, studium omne defert, simulq; de nuptiis eam Frederico filio clandestinò agit. Quod cum Pontificis in Anglia subolisset, minas & pericula denuò intentant, & sibi timentes clamitant, omnia religioni Romanæ, Reginae, & regno intuta esse, dum illa superesset: itaque vel læsæ Maiestatis, vel hæreticæ prauitatis necessario damnandam. Eaq; tempestate dum in minoris notæ Protestantes seuiretur, I. Storius Legum D. & alij ingenio immuti per circulos passim diçitarunt, Hæresis radicem (illam innuentes) exscindendam, non ramusculos amputandos. Cum tamen illa, ut nauigium ingruente tempestate, sese moderans, ad Romanæ religionis normam sacra audiret, & sæpius confiteretur, imò Cardinale Polo asperius interpellante, se Romanæ Catholicam præ terrore mortis profiteretur. Hoc Maria tamen haud credidit, non oblita se mortis terrore propulsam literis sua manu ad patrem scriptis (quas ipse vidi) & Pontificis Romani authoritati in Anglia in æternum renunciasse, simulq; agnouisse patrem Supremum sub Christo Ecclesiæ Anglicanæ caput, matrisq; suæ nuptias cum Henrico patre incestuosas & iniustas fuisse. Nec Cardinali ipsi cæterisq; præsulibus hoc persuaderi poterat, qui eam in Romanæ religionis securitatem sublatam optarunt. Quod tamen Philippus Mariæ maritus, & Hispani æquis auribus audire non poterant, in Elizabetham æquiores, non tam quòd afflictæ Principis Virginis fortuna misericordiam allexerit, quàm suis rationibus providè consulentes. Præuiderant etenim, Elizabetha sublata, per Mariam Scotorum Reginam hæredem regni Angliæ proximam,

Gallus & Danus consolantur.

Ad Rom. religionem terrore cogunt.

iam

iam Gallia Delphino desponsatam, Anglia, Hibernia, & Scotia regna sceptro Gallico posse adiungi, quo nihil Hispanorum magnitudini, quibus continentia iam erant cum Gallis bella, formidolosius erat.

Regno e-
mittere, &
successione
excludere
satagunt.

Cum igitur Elizabetham tollere sine impietate non possent, longè ex Anglia amouere consultissimum nonnullis visum, & Emanueli Philiberto Saubaudia Duci elocare. Nec hoc Hispano placuit, qui Carolo filio eam antea destinauerat. Et Thomas Cornwallius Regina à Consilijs dissuasit, utique populum Anglicum agerrime laturum, imo minimè passurum, ut proxima regni haeres à regno peregrè abduceretur. Quo quidem tempore Maria pro inveterato in Elizabetham odio, & quòd illa à nuptijs cum Sabauda alienior esset, ita ira excanduit ut contumelijs oneraret, & Mariam Scotorum Reginam certam & indubitatam esse Anglici Imperij heredem sibi proximam subinde affirmare non dubitauerit. Has in Elizabetham consultationes intervertit bellum à Maria in mariti gratiam Gallo denuntiatur, quæ licet prima & præcipua causa, aliæ tamen additæ, & illæ quidem verissimæ, sc. Quòd Gallus contra fœderis leges, Ducis Northumbriae & Thomæ Wiatti rebelliones, Dudley & Ashton machinationes in ipsam per administratos fouerit, Piratas in Anglicos Mercatores emisit, Staffordum armis & nauibus ad Castrum Scarburgum occupandum instruxerit, Caletum malis artibus tentauerit, Anglicam monetam in Gallia adulterari permiserit, Belgiumque, quod Angli ex pacto tueri tenentur, inuaserit. Hoc bello flagrante, & Scotis quos Gallus excitarat, limites Angliæ infestantibus, Caletum, arces Risbank, Newnambrig, Mere, Oye, Hammes, Sandgate, arx & oppidum Guinarum amittuntur, & inter crebra præsulum funera, quæ tristi omine iram diuini numinis denuntiassè videbantur, Maria à marito neglecta, & mærore ex Caeto amisso (quod annos c c. iuris fuerat Anglici) confecta, febre semestri & aqua intercuti die xviij. Novembris è vita migravit M. D. LVIII. cum quinq. annos & IIII. menses regnasset. Princeps apud omnes ob mores sanctissimos, pietatem in pauperes, & liberalitatem in nobiles atq. Ecclesiasticos nunquam satis laudata. Caterum tempus infame fuit ex immani præsulum

Caletum a-
mittitur.

Maria
obit.

præsulum ſeuitia qui Proteſtantium viuicomburijs Angliam
 triſtiſſimo ubiqꝫ ſpectaculo funeſtarunt. Plures enim ex omni
 ordine, Episcopos, verbi Miniſtros, & plebios hoc diro ſupplicio
 quinquennio abſumpſerunt, quàm (vt quidam obſervarunt)
 Henricus VIII. totis XXXVII. annis, vel Anglia viderit,
 ex quo regnante Ioanne, Chriſtiani in Chriſtianos apud nos
 flammis ſeuire cæperint. Eodem quo Maria obiit die, poſt pau-
 culas horas Polus Cardinalis Archiepiſcopus Cantuarienſis
 quartana conſictatus expirauit. Vir quem pietas, do-
 ctrina, & integritas multò magis quàm Regij ge-
 neris ſplendor illuſtrarunt, licet ille Georgij
 Ducis Clarentiæ, fratris Edwardi
 Quarti Regis Angliæ è filia
 nepos.

Et Polus
 Cardinalis.



presbiteri. Item qui Protestantium sinodibus Anglican
 trinitatis obis spectando fuerant. Pater enim ex omni
 ordine Episcopos, verbi Ministros, et presbiteros hoc sine supplicio
 quinquennio absumptum, quibus (si quidem observantur)
 Henricus VIII. totum XCVII. annis, vel Anglia subverti
 ex quo regnante Iohanne, Christiani in Christianos apud nos
 statum sentire cepimus. Eodem quo Mortis erat, post pau-
 culas horas Solus Cardinalis Archiepiscopus Cantuariensis
 quartana constituta expiravit. Qui quem prius de-
 ferens, et integritas mentis usque ad mortem Regi ge-
 neris fidei illustravit, hic ille Georgij
 Ducis Clarence, fratris Edwardi
 Quinti Regis Anglie filius
 nepos.

Ex Pater
 Cardinalis





ELIZABETHA
ANGLIÆ RE-
GINA.

PARS PRIMA.

M. D. LVIII.



Ors Mariæ aliquot horas celata, Præsulibus & proceribus in Camera Parliamentaria (ordines enim Regni ad Parlamentum iampridem conuenerant) primum annuntiatur. Illi ex præcipuo quodam dolore aliquantisper obmutescunt, mutua tamen consolatione se breui colligunt, & luctu lætitiā miscētes, ne vel de successura trīstari, vel de mortua lætari viderentur, ad publicas curas conuersi, ELIZABETHAM, veram legitimamq; regni hæredem ex successionis lege anni xxxv. Henrici viii. declarandam, summa animorum conspiratione decernunt. Mox illis ex inferiori confessu conuocatis Heathus Archiepiscopus Eboracensis Regni Cancellarius, inter medios singultus significat optimam Reginam religioni, & Reipub. morte immatura præreptam esse, singulos inde dolorem tantum hausisse, vt omnem consolationem vinceret, nisi Deus Optimus Maximus ex sua in Anglorum gentem misericordia, Elizabetham, alteram Regis Henrici filiam, incolumen conseruasset. De cuius

Mors Mariæ significata.

x Heath.

D

cer-

M.D.LVIII

Elizabetha
Regina pro-
mulgatur.

certissimo in successione iure cum nemo dubitare possit, nemo debeat; præsules & procures una voce & una mente Reginam iamiam promulgare decreuisse, modo illi assenserint. Vix dixerat, cum omnes undiq; uno ore conclamantes ingeminarent: *Uivat Regina ELIZABETHA; Regnet diutissime, Regnet felicissime.* Nec mora, Parlamento soluto, eam tubis clangentibus in maiori Westmonasterij Palatio, & statim in primario urbis Londini foro, Reginam Angliæ, Franciæ, & Hiberniæ, fideique propugnatricem faustis populi acclamationibus & lætissimo applausu promulgarunt. Fœlicissimis sane auspicijs, nec alterum unquam Principem populus proniore & constantiore mente & amore, maiore observantia, lætiori applausu, & votis repetitis, quoties in publicum prodiret, toto vitæ decursu, unquam prosecutus est.

Consiliarios
sibi adsciscit.

Iam illa annos xxv nata, usu & adversitate efficacissimis Magistris edocta, prudentiam supra ætatem comparauerat, cuius primum specimen in Consiliarijs deligendis dedit. In sanctius enim consilium sibi adscivit Nicholaum Heathum Archiepiscopum Eboracensem, quem dixi, magna prudentia & modesto ingenio virum, Guil. Powlettum Wintoniæ Marchionem summum Angliæ Thesaurarium, Henricum Fitz-Alanum Arundeliæ, Fr. Talbottum Salopiæ, Edwardum Stanleium Derbiæ, Guil. Herbertum Penbrochiæ, Comites, Edwardum Baronem Clintonum maris præfectum, & Guil. Baronem Howardum Effinghamium Cubicularium; Thomam Cheineium, Guil. Petrum, Iohannem Masonum, Richardum Sackuillum ex ordine Equestri, & Nicholaum Wotonum Decanum Cantuariensem, qui omnes fuerunt Mariæ à consilijs, & eiusdem cum ea religionis. His è suis adiunxit temperamento quodam pro temporum ratione, Guil. Parrum Marchionem Northamptoniæ, Franciscum Russelium Comitem Bedfordiæ, Tho. Parrium, Edwardum Rogers, Ambrosium Cauum, Fran. Knolles, & Guil. Cecilium, qui Regi Edwardo

wardo sexto fuerat à secretis, virum longè prudentissimum & instar multorum; paulòq; post Nicholaum Baconum (cui custodiam magni Sigilli commisit) singulos Protestantium doctrinam amplexos, nulloque sub Maria loco; quos vt reliquos in eorum locum iam inde suffectos ita temperavit, & cohibuit, vt sibi essent devotissimi, & ipsa semper sui iuris, nulli obnoxia.

Primis auspicijs primam curam, sed cum pauculis intimis adhibet de Protestantium religione restauranda, quam sacris literis, & primævæ Ecclesiæ synceritati maximè consonam & verissimam esse tum ex informatione à teneris, tum ex iudicio, ad veritatem sibi persuaserat; & restaurare quidem certa & stabili sententia apud animum statuerat: Deinde cum reliquis, vt portus intercluderentur, Arx Londinensis alicui probatæ fidei committeretur, novum Diploma ad Thom. Comitem Suffexiæ Hiberniæ Proregem transmitteretur (qui Hiberniam non aliàs pacatiorem cccxx. equitibus, dcccxlx. peditibus præsidarijs in officio continebat,) Diplomata itidem iuridicis Magistratibus renovarentur, (ne iuridicus conventus qui tunc agebatur, solveretur) cum clausula adiecta (*ne aliquod Officium conferrent,*) novi Iustitiarij & Vicecomites per Comitatus constituerentur, pecunia in *excambium* in transmarinas regiones non exportaretur, & concionatores à controversis in religione quæstionibus abstinerent. Quod ad externa, vt legati ad Principes orbis Christiani mitterentur qui Mariæ obitum significarent. Ad Ferdinandum igitur Imperatorem protinus mittitur Thomas Chalonerus cum literis, quibus Regina sua ipsius manu edocuit, *Sororem obijisse, se Dei benignitate, iure hereditario, & subditorum consensu in regna successisse; nihilq; magis exoptare, quàm vt vetus inter Anglicam & Austriacam familiam amicitia nō solum conservetur, sed etiam augeatur.* Ad Hispanum in Belgio mittitur Baro Cobhamus cum documentis in eandem sententiam, necnon cum diplomate, quo Comes Arundeliæ, Thurlbeius Episcopus Eliensis, & D. Wottonus a

M.D.LVIIJ

*De religione
prima cura.*

*Domestica
dispositio.*

*Externa
curat.*

1558.

Maria ad pacem Cameraci tractandam nuper delegati, Regina nomine denuò delegantur; illisque Guilielmus Baro Howardus Effinghamius adiungitur. Henricus etiam Killegreus ad Germanorum Principum animos expurioris religionis studio conciliandos clam submittitur, D. B. ad Danorum Regem, & Armigillus Waadus ad Ducem Holsatiæ.

*Ab Hispano
ambitur.*

Philippus morte Mariæ vxoris comperta, veritus ne Regni Anglici vires & nomen, quæ sibi inprimis vsui erant, amitteret, & regna Angliæ, Hiberniæ, & Scotiæ per Scotorum Reginam Galliæ coalescerent: per Comitem Feriæ, quem ad ægrotantem vxorem, atque Elizabetham inuisendam miserat, seriò cum Elizabetha agit de nuptijs cum illa contrahendis, pollicitus se gratiam peculiari dispensatione à Pontifice Romano impetraturum. Hoc eam admodum anxiam habuit, potentissimum Europæ Principem de se optimè meritum, nuptias vltro ambientem reiicere, cum minùs prudentis, tum parùm gratæ videretur. Sollicitum hoc etiam habuit Gallorum Regem, qui Galliæ non poterat non timere, si Anglia novis nuptijs Hispano hosti denuò accederet. Ille igitur Romæ nihil non agit per Episcopum Engolismensem, vt nulla huiusmodi dispensatio impetraretur, quandoquidem Elizabetha Protestantium doctrinæ fauere crederetur, imò etiam vt illegitima pronuntiaretur; Sed hæc occultissimè, ne Anglos, rebus nondum compositis, irritare videretur. Comes Feriæ vt has nuptias conficeret, Pontificijs in Anglia ubiq; inculcat, non aliam superesse illis rationem ad Catholicam religionem conservandam, & pristinum honorem tuendum; quibus neglectis, se non posse non misereri Angliæ, quasi opibus exhaustæ, militaribus viris indigæ, præfidijs & munimentis malè firmatæ, ab apparatu bellico minus instructæ, & quasi Consiliarij regni consilij erant inopes. Et sanè res Anglica afflictissima nunc iacuit, hinc Scotico, inde Gallico bello implicata, ære alieno quod Henricus VIII. & Edwardus Sextus contraxerant, oppressa, ærario exhausto, Caletio & re-

1558.

& regione *Oyensi* cum magno apparatu bellico non sine Anglici nominis dedecore amissis, populo discordibus de religione sententijs distracto, Regina ab amicis potentibus nuda, & nulla exterorum principum cognatione munita.

Illa cum de his nuptijs animo attentius agitasset, mox apprehendit matrimonium mulieris cum relicto sororis, *ex rationis paritate*, æquè ac viri cum relicta fratris, sacra autoritate prohiberi, ideoq; illicitum esse, etiamsi summi Pontificis accederet dispensatio: perspexitq; huiusmodi matrimonium ex dispensatione contrahendo, non posse non agnoscere se ipsam iniustis nuptijs natam esse, quam pater Henricus (abdicata Catharina Hispana quia fratris relicta) genuerat. Quas tamen orbis Christiani Academiae & Synodus Londinensis ex lege diuina iustissimas comprobauerat, ut illas cum Catharina iniustas & omnino indispensabiles. Proci itaq; Philippum responso modestissimo, honesto, & virginali pudore, sed verè ex conscientiae scrupulo paulatim amolitur. Cum autem ille crebris literis vrgendo instaret: & illa compositos tanti Regis mores modestissima grauitate, atq; gratia, Maiestate dignissimos subinde prædicando admiraretur, & imitari gauderet; prodierunt aulici qui contra Hispanos ut fastu tumidos declamitarunt; & nonnulli ex intimis Consiliarijs in aures assiduè insusurrarunt mollissimo ingenio Virgini, dum timerent ne animus in dubio facillimè impelleretur, actum de ipsa & amicis esse, conclamatum de Anglia, si Pontificiam autoritatem in dispensando, aut alia quacunq; re agnosceret; duos Pontifices matrem illegitimè Henrico VIII. enuptam pronuntiasse, & inde ex eorum sententia iam lata, Scotorum Reginam ius in regnum Angliæ sibi arrogare. Pontificem sententiam istam nunquam rescissurum, nec aliquid æqui à Romanis expectari posse, qui in matrem & illam fuerant iniquissimi; ad hæc, Gallum iam Romæ enixè agere, ut Maria Scotica legitima Angliæ Regina declararetur.

Eum amolitur.

Amolendi causa.

Illa

M.D.LVIIJ

*De Prote-
stantium re-
ligione indu-
cenda delibe-
rat.
Pericula
perpendit.*

Externa.

Interna.

Illā animo ab huiusmodi nuptijs averſiſſimo, & Proteſtantium religionem promouendi cupidiffima, nihil Deo gratius, nihil ad importunum procum amoliendum efficacius cenſuit, quā vt religio quamprimū muta- retur. Mutata enim religione, & eius de nuptijs ambien- dis animum mutatum iri minimè dubitauit. Conſulta- tionem itaq; inter intimos conſiliarios quomodo Prote- ſtantium religio, Pontificia proſtigata, reſtabiliretur, ma- turari iuſſit, omnibus periculis quæ inde exiſtere poſſint, perpenſis; & quibus rationibus depellantur. Illi hæc vel externa, vel interna fore præiuderunt. Externa, vel à Pon- tifice Romano, qui Excommunicationis fulmen emitte- ret, & regnum in prædam inuadentibus exponeret, vel à Gallo, qui occasione inde arrepta, pacis negotium Came- raci inchoatum procraftinaret, aut potius Reginae Scoto- rum nomine in Anglos bellum moueret, non ſolū vt in hoſtes, ſed etiam hæreticos; Scotiamq; ad idem excita- ret, quæ iam ad eius nutum: vel ab Hibernicis Romanæ religioni addictiſſimis, & ad rebelliones proiectiſſimis, vel ab Hiſpano in vicino Belgio præpotente. Illi Ponti- ficis excommunicationem, vt brutum fulmen minimè formidandum, pacem à Gallo ſi offeratur, amplecten- dam, ſi minùs ambiendam ſtatuerunt, quandoquidem eadem pax etiam Scotiam complectatur, Proteſtantes tamen Gallia & Scotia neutiquam deferendos; Berwi- cum, & limites ad Scotiam, vt etiam Hiberniam, præſi- dijs maioribus firmanda: cum Hiſpano verò amicitiam inprimis, quoquo modo colendam, & antiquum fœdus Burgundicum confirmandum. Pericula interna præui- derunt fore à Nobilibus regio conſilio amotis, ab Episco- pis, & Eccleſiaſticis de gradu deiiciendis, à Iudicibus qui pro tribunalibus federunt, ab Eirenarchis per ſingulos Comitatus, & à plebeijs qui regnante Maria re, & æſti- matione magni erant, quia Romanæ religioni deuoti. Hos loco deturbandos & legum ſeueritate coercendos, (quod & Maria contra Proteſtantes fecerat) nullosq; niſi Proteſtantes ad rerum adminiſtrationem adhibendos, & in

in Collegia vtriusq; Academiae cooptandos censuerunt, simulq; Pontificios Praefides ex Academijs, Scholarchas ex Wintoniensi, Etonensi, cæterisq; scholis submouendos. Protestantes illos, qui nouandi studio abrepti, nouam omnino Politiam Ecclesiasticam tunc procudere coeperunt, tempestiuè comprimendos, nec nisi vnam eandemq; religionem tolerandam, ne religionis diuersitas inter Anglos (gentem animosam & bellicosam) perpetuas seditionibus faces subijceret. Cura Liturgiam emendandi, quæ sub Edwardo vi. lingua patria edita, Parkero, Billo, Maio, Coxo, Grindallo, Whitheado, & Pilkingtono Theologis eruditis & moderatis, Thomæq; Smitho Equiti doctissimo demandatur, re nemini communicata nisi Marchioni Northamptoniæ, Comiti Bedfordiæ, Ioanni Greio de Pyrgo, & Cecilio.

Quidam autem verbi Ministri moræ impatientes, dum legibus præcurrere quàm expectare mallent, primùm per priuatas ades, mox per Ecclesias doctrinam Protestantium liberius proseminare, & plebs novitatis auida ad eos magno numero confluere, & de controuersis in religione quæstionibus adeò inter se, & cum Pontificijs rixari coeperunt; vt ad contentionum occasiones præcipientes Regina seuerè edixerit, ne huiusmodi quæstiones agitarent. Permisit verò vt Epistolæ, Euangelia, atq; Decalogus Anglica lingua, sine vlla tamen expositione, plebi prælegerentur, item Oratio Dominica, Symbolum Apostolorum, & Litania vernacula lingua haberentur. Romano autem ritu in cæteris omnibus vterentur, donec de religionis cultu ex autoritate Parliamentaria statueretur. Interim Mariæ sorori, iusta in Templo Westmonasteriensi magnifico apparatu soluit, & paulò post, Carolo Quinto qui ante biennium raro inter Cæsares exemplo, (sed quod omnibus victorijs gloriosius est) se vicerat, imperio renuntiauerat, & mundo viuere desierat, vt Deo soli totus viueret & vacaret.

M. D.

M. D. LVIII

*Ministro-
rum impa-
tientiam re-
primit.*

*Sacra in
parte vulga-
ri lingua
permittit.*

*Iussu Ma-
riæ, & Ca-
rolo v. soluit*

M.D. LIX.

M. D. LIX.

*Nobiles re-
stituit & e-
uehit.*



Inauguratur

*De sacris
quid sensit,*

Nno nouo ineunte, Guil. Parrum ob læsam Maieſtatem ſub Maria gradu deiectum, Northamptoniæ Marchionem denuò creat, Edwardum Seimorum magna parte patrimonij, & paternis honoribus ex priuata quadam lege, aduerſantium inuidia ſpoliatum, in Baronem Bellocampium & Hertfordiæ Comitem erigit, Thomam Howardum filium ſecundum Thomæ Ducis Norfolciæ, honore Vicecomitis Howardi de *Bindon*, Henricum Carium de *Hunſdon*, ex Maria Bolena conſobrinum, & Oliuarium à Sancto Ioanne de *Bletneſho* Baronum titulo exornat, qui ſinguli à Pontificia religione alieni. Iam regia pompa ab Arce Londinenſi per mediam urbem incredibili applauſu, quem (viſu & auditu iuxtà venerabilis) ſupra modum adauxit, Weſtmonaſterium deducitur, vbi poſtridiè patrium ritu inauguratur & inungitur ab Oglethorpo Epiſcopo Carliolenſi, cùm Archiepiſcopus Eboracenſis, & reliqui hoc munere deſungi recuſarent ex ſuſpicioſo & ſollicito de religione Romana metu, quem tùm prima eius inſtitutio in Proteſtantium religione illis iniecerat, tùm quòd nuperrimè Epiſcopum ſacra celebrantem, hoſtiam ad adorationem tollere vetuerit, & Litaniam cum Epiſtola & Euangelio populari lingua habendam (quæ illi inter piacula habuerunt) permiferit. Verè tamen illa pia, quæ Deo quotidie vbi primùm ſurrexit, aliquandiu vacauit, inde ſtatis horis in Sacratio priuato; ſingulis diebus Dominicis & Feſtis Sacellum adiit, nec vquam alius Princeps maiore cum deuotione ſacris interfuit. Conciones Quadageſimales atrata, & more priſci æui attentè audiuit, quamquam ſæpiùs dixerit quod de Henrico Terio prædeceſſore legerat, ſe malle deuotè precibus Deum alloqui, quàm alios de Deo diſertè loquentes audire. De Cruce autem, Beata Virgine, & Sanctis haudquaquam contemptim ſenſit, nec de ijs ſine quadam reuerentia vquam loquuta, nec alios loqui patienter audiuit.

Pauculis

Pauculis diebus interiectis, Comitia habentur Parliamentaria, in quibus primum omnibus omnium suffragijs sancitur Elizabetham esse, & iure diuino, ciuili Anglorum, & regni Statutis debere esse (vt ipsa formula vtar) legitimam, indubitatam, & certissimam Angliæ Reginam, & iuste legitimæq; è Regio sanguine progeneratam, iuxta successionis rationem ab Ordinibus regni Anno xxxv Henrici viii. præscriptam. Lex tamen ista, qua pater eam & Mariam successionem in regno excluderat, non refigitur: In quo Baconi prudentia (cui vt iuris oraculo in eiusmodi rebus Regina tota innitebatur) à nonnullis desiderabatur, maximè cum Northumbrius id contra Mariam & eam obiecisset, eoq; nomine, Maria quantum ad se refixerat; & seditiosi nonnulli hinc perniciosam in eam quasi minus legitimam Reginam postea arriperent; licet Iuris-prudentia Anglica iam olim pronuntiarit Coronam semel susceptam omnes omnino defectus tollere, Ab alijs autem hoc ipsum prudentiæ Baconi dabatur, qui in tanta legum atque Actorum perplexitate, & inconstantia, cum quæ pro Elizabetha facerent, cum ignominia & probro Mariæ coniuncta viderentur, vlcus vetustate obductum refricare noluit, atque ad eam igitur legem Ann. xxxv Henrici, se applicuit, quæ vtriusq; famæ & dignitati quodammodo ex æquo consulit.

In his Comitijs deinde post alia refertur de Corona Angliæ ad pristinam in rebus Ecclesiasticis iurisdictionem restituendam. Scilicet leges Henrici viii contra sedem Romanam, & Edwardi Sexti pro Protestantibus, à Maria abrogatas reuocando, atque etiam sanciendo, vt quæcunq; iurisdictiones, priuilegia, præeminentie spirituales, quacunq; Ecclesiastica auctoritate in vsu iam olim fuerant, ad Ecclesiasticos visitandum, & omnimodos errores, hæreses, schismata, abusus, enormitates corrigendum, imperiali Angliæ Coronæ in perpetuum adiungerentur; vt Regina & successores Literis Patentibus certos homines delegare possent, qui illam auctoritatem exerceant; ea tamen lege, vt nihil hæresim esse definiant, nisi quæ iam olim è sacris literis Canonicis, aut qua-

E

tuor

M.D. LIX.
Parlamentum habet.

Quæ in eo
statuuntur.

De religione
mutanda re-
fertur.

M.D. LIX.

tuor prioribus Concilijs Oecumenicis, aut alijs Concilijs ex vera & germana sacrarum literarum sententia, hæreses sunt definitæ, aut iam inde ex auctoritate Parlamenti cum assensu Cleri Anglicani in Synodo definientur. Singuli Ecclesiastici, Magistratus, pensiones ex ærario accipientes, ad Academicos gradus promouendi, pupilli emancipandi, & ad prædiorum inuestituram, atq; inter regios famulos admittendi, &c. iureiurando obstringerentur ad agnoscendam regiam Maiestatem vnicum & supremum esse suorum regnorum gubernatorem (titulus enim Supremi Capitis Ecclesiæ Anglicanæ minimè placuit) in omnibus tam spiritualibus rebus aut causis, quàm temporalibus: omnibus exteris Principibus & Potestatibus à causis intra suas ditiones cognoscendis, prorsus exclusis.

XVIII. Martij.

His legibus in superiori confesso nouem qui eo die aderant Episcopi (nec plures quàm quatuordecim in viuis iam supererant) Eboracensis scilicet Archiepiscopus, Londinensis, Wintoniensis, Wigorniensis, Lhandauensis, Couentrensis, Exoniensis, Cestrensis, & Carliolensis, Abbasq; Westmonasteriensis obfirmatè refragati sunt; E proceribus homo planè nemo præter Comitem Salopiensem, & Antonium Brownum Vicecomitem Montis-acuti, quem Maria regnante, regni Ordines cum Thurlbeio Episcopo Eliensi Romam legasse dixi, vt Anglia in vnitatem Romanæ Ecclesiæ, & Apostolicæ sedis obedientiam reduceretur. Hic ex quodam religionis ardore, & honoris ratione acriter instabat magno Angliæ dedecori esse, si ab Apostolica sede, cui nuper se submissè reconciliarat, mox deficeret: & maiori periculo fore, si excommunicatione effulminata, vicinorum hostium furori, ex huiusmodi defectione exponeretur. Se Ordinum Angliæ auctoritate vniversæ Angliæ nomine Pontifici Romano obedientiam detulisse, eandemque non posse non præstare. Maiorem igitur in modum etiam atque etiam obtestando contendit, vt à Romana sede non secederent, cui Christianam fidem primùm acceptam & perpetuò conseruatam debent. At in confesso inferiori cum de his referretur, longè plurimi vnanimis suffragati sunt Pontificijs

Pontificijs obmurmurantibus plures è Protestantibus data opera tum è Comitatus, tum è Ciuitatibus, & Burgis fuisse electos, & Norfolciæ Ducem, Arundeliæq; Comitem inter proceres potentissimos in suam siue rem, siue spem, Ceciliumq; sua solertia suffragia emendicasse.

Iam animis hominum de religione discordantibus, vno eodemq; edicto prohibetur, ne quis irreverenter de Sacramento Altaris loqueretur, & vtrâq; species permittitur. Colloquium etiam Westmonasterij inter Pontificios & Protestantes coram Regni Ordinibus in vltimum diem Martij indicitur. Pro his eliguntur Rich. Coxus, Whitheadus, Edmundus Grindallus, Rob. Hornus, Edwinus Sandes, Ed. Gueftus, Ioan. Elmarus, & Ioannes Iuellus: pro illis Ioan. Whitus Episcopus Wintoniensis, Radulphus Bainus Episcopus Couentrensis & Lichfeldensis, Th. Watsonus Episcopus Lincolnensis, D. Colus Decanus ad S. Pauli, D. Langdallus Archidiaconus Lewisensis, D. Harpesfeldus Archidiaconus Cantuariensis, & D. Chadseius Archidiaconus Middlesexia. Quæstiones propositæ erant. De sacris in lingua populari celebrandis, de authoritate Ecclesiæ in cæremonijs ad ædificationem constituendis & abrogandis, & de sacrificio Missæ. Verum hoc in nihillum recidit. Post pauca enim verba vltro citroq; de scripto recitata, cum de ratione disceptandi haudquaquam convenire possent, Protestantibus quasi parta victoria triumphantibus, Pontificijs conquirentibus durius cum illis actum esse, quod non nisi ante vnum & alterum diem de quæstionibus præmoniti essent, quodq; Baconus Custos Magni Sigilli (homo in Theologicis parum versatus, & Pontificijs infestissimus) tanquam Iudex præsideret; cum ille tantum ordinis vindex esset constitutus; Sed quod verissimum, illi rem ferius perpendentes, non ausi sunt, Pontifice Romano inconsulto, res tantas & in Ecclesia Romana minimè controversas in quæstionem vocare; vbique exclamantes, *Quando de fide constabit, si semper liceat de fide disputare?*

M.D. LIX.

*Disputatio
instituitur.*

Quo successu

M.D. LIX.

*Carnus Ro-
ma detinetur.*

Disputationes de religione eò semper quò sceptrā, vergere, & id genus alia. Adeoq; indignati sunt Lincolniensis & Wintoniensis, vt Reginam, & huius ab Ecclesia Rom. defectionis authores, excommunicationis censura feriendos censuerint, qui hanc ob causam incarcerati. Prudentiores autem Pontifici Romano hanc potius committendam statuerunt, ne ipsi subditi obedientiam in Principem exuere, & seditionis signum tollere viderentur. Nec fefellerunt hæc Pontificem Romanum, qui iam commotior iussit Edw. Carnum Cambro-Britannum Equestris dignitatis Iuriconsultum, qui legationem pro Henrico VIII. & Maria Regina Romæ, & nunc pro Elizabetha, egerat, Legati munus deponere, atq; (vt ipsissimis verbis utar) vigore mandati viua vocis sanctiss. D. Papæ oraculo facti, in virtute sanctæ obedientiæ, ac sub maioris Excommunicationis, necnon bonorum omnium amissionis pœna, ne vrbe excederet, sed Hospitalis Anglorum administrationem susciperet, (scilicet ne occultas Gallorum in Elizabetham molitiones edoceret, quod sedulò ante ex charitate in patriam fecerat.) A nonnullis tamen creditur solertem illum senem hoc exilium ex inflammato Rom. religionis studio sponte elegisse.

*De Caletō
disceptatur.*

Interea (vt temporis seriem sequutus, hæc Ecclesiastica & Parlamentaria aliquantisper omittam) Delegati Angliæ & Hispaniæ (qui Cameraci de pace tractabant) cum Gallis acriter de Caletō restituendo disceptantes, nullo modo vt Caletō cederent, consequi poterant, etsi supra tres aureorum milliones legitima obligatione à Gallis debitos è rationibus hoc nomine expungendos proponerent. Hispanus, cum sui causa Angli amiserint, & in Belgij vsum esse prospiceret vt Anglici iuris esset, verè quidem, & honestè ab Anglis stetit, alioqui pacem omninò detrectaturus. Obstiterunt contrà Galli, vnum Caletum non posse resarcire damna Gallis ab Anglis illata, oppidis eorum ope ab Hispanis captis, plurimis viculis Britanniae Armoricae ab Anglica classe incensis & direptis, nauibus interceptis, commercio (quod regni nervus) interrupto,

M. D. LIX.

rupto, & infinita pecunia ad prohibendas Anglorum ex-
scensiones profusa. Præterea Caletum vetustum esse
Imperij Gallici patrimonium, bello olim amissum, bello
iam recuperatum, minimè igitur restituendum: immo
& Gallia Ordines hoc decreuisse. Restituere enim nihil
aliud esse, quàm gladium hosti in manus reddere, & Gal-
lorum animos à rege suo æternum auertere; iniquè igi-
tur & absurdè Anglos repetere. Illi contrà, se æquissimè
& summa cum ratione repetere contenderunt, scilicet,
Caletum Regni Angliæ particulam vno & altero seculo
extitisse, nec tantum iure belli, sed hæreditariò acqui-
situm, & pactionibus pro alijs quibusdam locis, quibus Re-
ges Angliæ cesserant, concessum. Damna illa accepta
Hispanis imputanda, qui Anglos invitos in belli societa-
tem pertraxerunt, ex quo, locis munitissimis amissis, &
ducibus captis, detrimentum coeperunt longè maxi-
mum, commodum verò planè nullum: Quicquid Gallia
Ordines decernunt quia ipsis fructuosum est, non eo no-
mine iustum esse. Nec Caletum iustè posse detineri, cum
pactis iam conditionibus singula loca superiore bello ca-
pta cæteris Principibus restituantur. Responderunt Galli,
hoc fieri ratione nuptiarum quæ inter reliquos Principes
contrahendæ. Proposuerunt igitur, vt primogenita filia
Mariæ Scotorum Reginae & Delphini Gallia nuberet fi-
lio primogenito Elizabethæ, quæ Caletum in dotem re-
ferret, simulq; Scotorum Regina iure quod in Anglia ha-
bet, cederet; vel filia Elizabethæ primogenita nuberet
filio primogenito Reginae Scotorum, simulq; Angli iuri
ad Gallia regnum, quod vindicant, renuntiarent, omniaq;
quæ Galli Angliæ debent, remitterentur, Caletum inte-
rim penes Gallos esset. Hæc vt incerta, alterius ævi, &
ad moras neccendas excogitata, furda aure neglexerunt
Angli. Hucusq; deventum erat, cum Hispanus certis
nuntijs accepisset Elizabetham non solum oblatum con-
nubium amoliri, sed in religione pleraq; omnia vertere
& mutare: Inde studium eius de Caletum restituendo,
quod fixum ante videbatur, labascere coepit; Hispaniq;
delegati

M.D. LIX.

delegati moræ impatientes, cum de cæteris inter ipsos & Gallos quodammodo convenisset, præ se tulerunt se nolle diutius bello distineri de Caletō, nisi Angli in sexennale bellum, largius quàm antea pecuniam & copias conferrent. Hinc Cardinalis Lotharingus erectior, Scotorum Reginam neptim suam, veram & indubitatam Angliæ Reginam esse Hispani delegatis asseueranter affirmat, Hispanum igitur si modò iustitiam colat, eniti debere ut Caletum nepti, iustissimæ Angliæ Reginæ in manus traderetur. Hoc Hispani (quibus Gallorum potentia suspectior) haud libenter audiebant. Ideoq; Catharinam Greiam Hen. VIII. è sorore pro neptim ex Anglia tectè subducere tentabant, ut haberent quam opponerent Scotorum Reginæ & Gallis, si quid humanitùs Elizabethæ accideret, quò minùs Gallia Angliæ, & Hiberniæ accessione amplificaretur. Et admodum vrgebant ut induciæ inter Angliam & Galliam agerentur, donec convenirent, & interea temporis Caletum Hispano, ut honorario arbitro, aut sequestro committeretur, quod Galli & Angli non minùs abnuerunt.

Præsenferat hæc Elizabetha, quæ nuptijs cum Hispano neglectis, & religione mutata, nihil boni ab Hispanis sperare poterat. Noverat etiam Cameracensem Tractatum eo consilio susceptum, ut Protestantium religio excinderetur. Et sanè pax pro sexus ratione, & ob ærarij inopiam iustissimo bello optatior ipsi visa, quæ gloriosius esse pacem prudentia firmare, quàm bellum per acies conficere, dicere solebat. Nec è sua, vel nominis Anglici dignitate Hispani præsidio inniti existimavit. Suam igitur sibi pacem seorsim conficiendam, & cum Gallo de Caletō transigendum consultissimum putabat, eo etiam sollicitata crebris Galli, Montmorentij Galliæ Conestabilis, Francisci Vindocini literis, & nuntijs à Guisio per Baronem Greium quem ad Guinas captum ea de causa è carcere dimiserat. Ad hanc transactionem Guido Caulcantijs Patritius Florentinus in Anglia à pueritia educatus, adhibetur, quocum Gallus secretò collocutus, tutissimum

*Cum Gallo
de pace tra-
ctatur.*

simum existimauit, vt clam Hispanis in obscuriori aliquo vel Angliæ, vel Galliæ viculo per delegatos submissos hæc tractarentur. Contra Elizabetha masculi animi virgo professa est, se Principem esse absolutè liberam ad actiones suas per se & suos administratos gerendas. Licet regnante sorore, nihil nisi Hispano consulto fuerit administratum, se tamen velle inconsulto Hispano, non loco obscuro, sed ad Castellum Cameracense (quod parum ab vrbe Cameraco abest) inter suos & Galliæ delegatos hoc transigi. Et hinc sane non minorem apud Hispanum offensam subiit, quàm prius ob connubium spre- tum, & religionem immutatam. Gallus tamen cautus, vt exploraret quo esset in nuptias & Hispanum animo, duos rogauit scrupulos sibi prius eximi; alterum, si ille Caletò cederet, priusquàm certò sciret quem maritum Regina sibi assumeret, Caletum facile in Hispani manus deueniret, qui quantius pretij emeret, & vxores dilectis maritis nihil non concedant; alterum, an (quod Hispani iactant) Angli eiusmodi foedere Hispanis astringantur, vt vnà cum illis contra quoscunq; bella gerant? Ad hæc responsum est. Reginam eò esse in Regnum Angliæ materno animo, vt in mariti gratiam Caletò minimè cederet, & si maximè vellet, populum Anglicum nullo modo laturum. Foedus autem eiusmodi cum Hispano intercedere nullum, sed tantum necessitudinem; liberri- mamq; illam esse ad foederationem quæ Angliæ sit vsui, cum quocunq; Principe contrahendam. Hinc visum vt ad Castellum Cameracense de componendis controuer- sijs & pace concilianda agerent vtrinq; delegati. Pro Re- gina Angliæ Thurlbeius Episcopus Eliensis, Guiliel- mus Baro Howardus Effinghamius Reginæ Cubicula- rius supremus, & Nicholaus Wottonus Ecclesiarum Metropolitanarum Cantuariæ & Eboraci Decanus: pro Rege Galliæ Carolus Cardinalis à Lotharingia Archie- piscopus & Dux Rhemensis, Par primus Franciæ, Annas Dux Montmorentius, Par, Conestabilis, & Magnus Ma- gister Franciæ, Iacobus Albonus Dominus à S^t. Andrzæ, Marchio

M.D. LIX.

Chateau in
Cambresis.

M.D. LIX.

Pax cum
Gallo facta.Pacis Arti-
culi.

Marchio Fronfac, & Franciæ Mareſcallus, I. Moruill-
rius Episcopus Aurelianensis, & Claudius Albospinæus
in privato Consilio Secretarius. Inter hos conventum in
hæc ferè verba. *Neuter Princeps alterum inuadet, aut inua-
denti auxiliabitur. Si subditi quid contrà banc pacem attenta-
rint, ipsi punientur, & pax non violabitur. Commertium liberè
exercebitur, naues armatæ, priusquàm oram soluerint, cautionem
præstabunt, quòd alterius Principis subditos non deprædentur,
munitio apud Aimouth in Scotia diruetur. Rex Franciæ per octo
annos pacificè gaudebit oppido Caletò cum pertinentijs, & XVI.
tormentis maioribus. Quo tempore exacto, eadem cum oppido
Elizabethæ restituet. Octo mercatores exteri, non Gallo subditi
fidem interponent pro solutione quingentorum millium Coronato-
rum nomine pænæ pro non restituto Caletò. Elizabethæ tamen
semper remanebit ius suum in dictum oppidum. Obsides quin-
q; dabuntur donec mercatores se obligent. Si quid durante tempore
prædicto, per Reginam Angliæ, aut eius subditos ex eius autori-
tate, iussu, aut approbatione armis directè, vel indirectè atten-
tatum, aut innovatum fuerit contra Regem Christianissimum,
aut Reginam Scotorum, ab omni promissione fideq; data libera-
buntur & absoluentur, & obsides & mercatores liberati erunt.
Si per Regem Christianissimum, Reginam Scotorum, aut Del-
phinum quid attentatum, aut innovatum fuerit, itidem contra
Reginam Angliæ fuerit, possessione Caleti sine vlla dilatione
cedere tenebuntur.*

Pax etiam
cum Scota
facta.

Eodem loco, & iisdem diebus per eosdem delegatos
pax etiam confecta est inter Reginam Angliæ, Francis-
cum & Mariam Regem & Reginam Scotorum, quibus-
dam articulis de concessione *Saluorum conductuum*, homi-
cidis, latronibus, deprædatoribus limitaneis, & transfu-
gis, ad Anglos & Scotos relatis. De quibus cum inter
Tho. Comitem Northumbriæ, Cuthbertum Tunstallum
Episcopum Dunelmensem, Guil. Baronem Dacreum de
Gilleſlandia, & Iacobum Croftum Villæ & Arcis Berwi-
ci Capitaneum Anglos; Comitem Mortoniam, Baronem
Humium, & S. Clerum Decanum Glasciensem Scotos,
apud *Vpsatlington* conuenisset, pax inter Reginam An-
gliæ,

glia, Regem Gallia, Delphinum & Scotorum Reginam per Angliam promulgata, quæ averſis auribus tanquam in dedecus Anglorum ob Caletum amiſſum & non reſtitutum à populo excepta, dum Proteſtantes culpam in Episcopos & Pontificios, & illi identidem in Baronem Wentworthum Præfectum è Proteſtantium numero transferrent. Et eo fanè nomine, Maria regnante, ille abſens & inauditus in quæſtionem vocatus, nunc autem denuò temporibus mutatis, in iudicium revocatus, auditus, & *Parium* iudicio abſolutus. Radulphus autem Chamberlanus qui Caſtro Caletenſi, & Iohannis Harleſtonus qui munimento ad *Riſebank*, præerant, ob ſtationem deſertam, læſæ Maieſtatis poſtea damnati, ſed ſupplicium remiſſum.

Cùm iam Parlamentarius conventus ſoluendus, viſum eſt vniverſis, vt tertius ordo Reginam de nuptijs mature contrahendis moneret, nec proceres quidem ſe adiungere voluerunt, ne quis eorum in ſuam ſpem hoc proponere videretur. Thomas itaq; Gargrauius tertij ordinis Orator cum paucis delectis Reginam, impetrata priùs venia, accedit, & excuſatione à ſuo officio, principis manſuetudine, & rei magnitudine facta, & attentione hinc conciliata, in hanc ſententiam pergit. Nihil eſt quod Deum immortalem ardentiore ſtudio aſſidue comprecamur, quàm vt *ſælicitas* ex æquiſſimo tuo imperio hætenus percepta, Anglorum genti in omnem æternitatem perpetuetur. Hoc quæ fieri poſſit, dum animo & cogitatione plurima verſamus, comprehendere non poſſumus, niſi vel tu in æternum imperes, quod ſperare non licet, vel ex matrimonio liberos maternæ virtutis ac Imperij ſimul hæredes ſuſcipias. Quod Deus Opt. Max. faxit. Hoc ſimplex, hoc vnicum, cunètaq; complexum omnium Anglorum votum. Cæteris omnibus cuiuſcunq; loci & ordinis, maximè verò Principibus curandum eſt, vt licèt ipſi mortales exiſtant, Reſpublica immortalis perennet. Hanc verò immortalitatem Anglis donare poteris, ſi quod humana natura, ætas, forma, & fortuna poſtulant, aliquem in maritum adſciueris, qui ſit ſolatio & adiumento, ſecundarum aduerſarumq; conſors. Unius enim

F

mariti

M.D. LIX.

Baro Wentworth & alij in iudicium de Caletio vocati.

Ordines Reginam ad nuptias hortantur.

"

"

"

M.D. LIX.

mariti opera magis ad res gerendas quàm multorum coniuncta industria proculdubio valet. Nihil esse potest à publicis rationibus magis alienum, quàm eam Principem, in cuius matrimonio salus Reipub. & pax continetur, celibem, quasi Vestalem virginem viuere. Regnum è maioribus acceptum liberis relinquendum, qui regno futuri & ornamento & firmamento. Reges Angliæ nulla de re magis sollicitè vnquam cogitarunt, quàm ne Regia familia orbitate intercideret. Hinc recenti memoria Henricus VII. auus tuus, Arthuro & Henrico filijs de coniugio etiam ætate adhuc tenella prospexit. Hinc pater Edwardo filiolo vix octenni Mariam Scotorum Reginam in vxorem ambiuit, & nuperrimè Maria soror vetula Philippo Hispano nupsit. Si orbitas tam regijs, quàm priuatis familijs pro maxima pœna à Deo infligi soleat, quale & quantum sit piaculum, si Princeps eandem sibi vltro accersat, vnde infinita miseriarum moles Rempub. omnibus calamitatibus, quas meminisse animus horret, necessariò obruat? Quod ne eueniat, non solum pauculi qui coram adsumus, sed vniuersa Anglia, imo singuli Angli ad pedes prostrati supplice voce, crebrisq; suspirijs ex intimo animo demississimè efflagitamus & obtestamur. Hæc ille ornatè & pluribus.

Illa respondet

Illa paucis respondit. In re minimè grata perspectissima vestra populiq; mei beneuolentia pergrata est, vtique ab animo erga me & Rempublicam optimo profecta. De matrimonio quod tantopere suadetis, mihi iamdiu persuasum, me à Deo in hanc lucem editam, vt ea quæ diuinæ gloriæ cedant inprimis cogitarem & facerem. Hinc id genus vitæ delegi, quod à solitudine rerum humanarum liberrimum, vt vni Deo vacarem. A quo, si vel potentissimorum Principum oblata connubia, vel intentatæ mortis periculum dimouere potuissent, coniugis honore iam pridem potita fuisset. Et hæc quidem ego priuata cogitavi. Nunc verò cum publica regni administrandi cura accesserit, maritales etiam curas attrahere, inconsideratè videatur imprudentiæ. Imo, quod satisfacere posset, ego iam antea mihi maritum matrimonio coniunxi, Regnum scilicet Anglicum. Et ecce, inquit, quod vos obliuisci demiror, maritalis huius fœderis, & matrimonij mei cum regno meo pignus, (simulque digito extento aureum ostendit annulum, quo in inauguratione se regno

M. D. LIX.

regno in matrimonium conceptis verbis ritè dederat.)
 Respiratione hic facta. Nec mihi quaeso, inquit, miseram or-
 bitatem exprobrando obijcite : vos enim singuli, & quotquot ex-
 istunt Angli, mihi liberi, mihi cognati, quibus nisi me Deus or-
 bauerit (quod absit) orba sine iniuria censeari non potero. Vos
 autem laudo, quòd maritum mihi non præsstitueritis ; hoc enim
 Principis absoluta Maestate, & vestra prudentia qui subditi
 nati, indignissimum fuisset. Nihilominus, si diuino numini ita
 visum fuerit, vt aliam viuendi rationem ineam, promitto nihil
 me facturam quod Reipub. sit fraudi : sed eiusmodi maritum,
 quoad fieri possit, assumpturam, cui Respub. non minori sit quàm
 mihi ipsi curæ. Sin in suscepto vitæ genere permansero, non
 dubito, quin diuinum numen & mea & vestra consilia ita diri-
 gat, vt de successore non ambigatur, qui magis Reipub. sit vsui,
 quàm qui ex me enascatur, cum optimorum Principum soboles
 subinde degeneret. Caterum satis superq. mihi futurum, tum ad
 nominis memoriam, tum ad gloriam, si, cum extremum vitæ spi-
 ritum edidero, sepulchrali marmori inscribatur, HIC SITA
 ELIZABETHA, QVÆ VIRGO REGNAVIT,
 VIRGO OBIIT.

In hoc Ordinum conuentu, præter ea, quæ dixi, quæ-
 dam scita & sancita erant de Reginæ persona non violan-
 da, de Decimis & Primitijs Coronæ restituendis, de vni-
 formi precum publicarum ratione, Liturgia sc. & Sacra-
 mentorum administratione quæ sub Edwardo Sexto,
 pauculis immutatis, per singulas Ecclesias habenda ; pœ-
 na eandem deprauantibus, aut aliam quamcunque vsur-
 pantibus, inflicta. De sacris adeundis diebus Dominicis
 & Festis, mulcta duodecim denariorum absentibus in
 singulos dies imposita, eademq. pauperibus eroganda.
 Item de seditiosis contra Reginam rumoribus, mercimo-
 nijs, re nautica, pannaria, ferraria, de coitionibus tumultu-
 osis, & illicitis. Atque, vt cætera omittam (lege non
 impressa) de Archiepiscoporum & Episcoporum posses-
 sionibus. Ne illi Ecclesiæ fundos nisi ad x x i. annorum,
 aut trium, vt vocant, vitarum terminum, alijs quam Regine
 & successoribus darent, concederent, aut locarent, pristinis redi-
 tibus

Alia in hoc
 Parlamento
 statuta.

M.D. LIX.

*Nobiles restituti.**Liturgia in lingua populari.**Episcopi Pontificij abdicati.*

tibus reseruatis. Exceptio autem illa *pro Regina*, aulicis eius benignitate abutentibus, & Episcopis in rem suam attentis quæstiosa, Ecclesiæ verò admodum damnoſa ceſſit, donec Iacob⁹ Rex primis regni auspicijs magno Ecclesiæ bono prorsus sustulerit. Proscriptus autem planè nemo, quod sæpius primis Regum Parlamentis fieri aſſolet: natalibus restituti erant Gregorius Fines Baro Dacreus, Thomasque frater, quorum pater supplicium, regnante Henrico VIII. luerat, Henricus Howardus, qui postea Northamptoniæ Comes, & tres eius sorores, liberi Henrici Howardi Comitis Surriæ, qui ab Henrico VIII. iam morituro leuiculis de causis securi percussus, Ioannes Greius à Pyrgo frater Marchionis Dorsettæ, Iacobus Croftus, Henricus Gates, qui Maria regnante læsæ Maiestatis conuicti, & alij nonnulli.

Parlamento dimisso, ex eiusdem authoritate Liturgia lingua populari in Ecclesias illico inducitur, Imagines sine tumultu amouentur, Episcopis, Pontificijs, & alijs Ecclesiasticæ professionis iuramentum *Suprematus* proponitur, quod plerique omnes eorum, Henrico VIII. regnante, iurauerant. Quotquot iurare abnuerunt, Beneficijs, Dignitatibus, & Episcopatibus exuuntur. Nec illi sanè plures (vt ipsi pròdiderunt) in vniuerso regno, quod supra *IX M. CCC. C.* *Promotionum* Ecclesiasticarum numerat, quàm *LXX X.* Rectores Ecclesiarum, *L.* Præbendarij, *XV.* Præsides Collegiorum, Archidiaconi *XII.* totidem Decani, *VI.* Abbates, & Abbatissæ, & Episcopi *XIII.* omnes qui tunc federunt (præter vnum Antonium Landauenſem sedis suæ calamitatem) Nicholaus scilicet Heathus Archiepiſcopus Eboracensis, qui Cancellarij munere iampridem sponte ceſſerat, & in ſuo Chobhamiæ prædiolo in Surria Deo & bonis studijs securus plures annos vixit, tanta apud Reginam gratia, vt eum ſubinde mira comitate inuiſerit, Edmundus Bonnerus Londinensis, legationibus apud Imperatorem, Pontificem Rom. & Gallum defunctus, ſed qui authoritati tantam naturæ acerbitatem adiunxerat, vt crudelitatis notam apud

apud omnes subierit, & carcere magna vitæ parte detineretur, Cuthbertus Tunstallus Dunelmensis omni politioni literatura instructissimus, multis honorum gradibus domi decursis, & legationibus celebris, qui iunior Pontificium primatum acriter prolixa ad Cardinalem Polum epistola impugnavit, & grandævus Lambethæ in libera custodia obiit. Vbi etiam Thomas Thurlbeius Eliensis Romana legatione de obedientia sedi Romanæ deferenda, & Cameracensi Tractatu magnam prudentiæ laudem consequutus, vitam exegit, Gilbertus Bournus Bathoniensis & Wellensis de sede sua benè meritus, Ioannes Christopheronus Cicestrensis, qui Græcè doctissimus, in Reipub. Christianæ vsum multa Eusebij, & Philonis fidelissimè transtulit, Ioannes Whitus Wintoniensis vulgariter doctus, & poetica facultate, vt tempora ferebant, tolerabilis, Thomas Watsonus Lincolnienfis, spinosa Theologia eruditus, sed austerâ gravitate morosus, Radulphus Bainus Couentrensis & Lichfeldensis, qui alter Hebraicæ linguæ restaurator, & eiusdem Lutetiæ Professor Regius; cum sub Francisco primo bonæ literæ reflorescerent, Owenus Oglethorpus Carliolensis, Iacobus Turbervillus Exoniensis, & Dauid Polus Petroburgensis. Postea Fekenhamus Abbas Benedictinorum Westmonasterij, vir doctus & bonus, qui longo tempore vixit, & publicè benè de pauperibus merendo animos aduersariorum ad benevolentiam allexit, loco motus erat. Hi primùm in carcerem dati, sed plerique mox amicorum, vel Episcoporum custodiæ commissi, præter duos istos proteruiore, Lincolniensem & Wintoniensem, qui Reginam excommunicare minabantur. Tres verò, Cuthbertus Scotus Cestrensis, Richardus Patus Wigorniensis, & Thomas Goldwellus Assaphensis solum sponte mutarunt, necnon Virgines aliquot velatæ, vt postea Nobiles nonnulli. E quibus notæ melioris erant, Henricus Baro Morleius, Fr. Inglefeldius, Robertus Peckhamus, ambo ab intimis consilijs Mariæ Reginæ, Thomas Shel-leius, & Ioannes Gagæus.

M.D. LIX.

In

M.D. LIX.
*Protestantes
 Episcopi sub-
 stituti.*

In Episcoporum demortuorum, & profugorum loca, suffecti fuerunt Protestantes qui reperiri poterant doctissimi. Matthæus Parkerus, vir pius, eruditus, & moribus modestissimis, qui Henrico VIII. à sacris, Collegiatæ Ecclesiæ *Stoke-Clare* Decanus præfuerat, ad Archiepiscopatum Cantuariensem ritè electus, concione habita, Spiritu Sancto invocato, & Eucharistia celebrata, impositione manuum trium quondam Episcoporum, Guil. Barloui Bathoniensis, Ioh. Scoriij Cicestrensis, Milonis Couerdalli Exoniensis, & Ioh. Suffraganei Bedfordiensis Lambethæ consecratur. Ille postea consecrauit Edmundum Grindallum Theologum præstantem in Episcopum Londinensem, Richardum Coxum qui Edwardi Sexti pueritiæ informator, in Eliensem, Edwinum Sandes in concionibus expeditum & profluentem in Wigorniensem, Roulandum Mericum in Bangorensem, Tho Youngum eruditum vtriusq; Iuris Professore in Meneuensem, Nicholaum Bulinghamum LL. etiam Doctorem in Lincolniensem, Ioannem Iuellum omni liberali doctrina instructissimum in Sarisburiensem, Richardum Davis in Afaphensem, Edwardum Guestum in Roffensem, Gilbertum Barcleium in Bathoniensem, Thomam Benthamum in Couentrensem & Lichfeldensem, Guilielmum Alleyum disertum sacrarum literarum interpretem in Exoniensem, Ioannem Parkhurstum humanioribus literis excultissimum in Norwicensensem, Robertum Hornum valido, & foecundo ingenio in Wintoniensem, Richardum Cheneium Lutherò addictissimum in Glocestrensem, & Edmundum Scamblerum in Petroburgensem. Confirmauit autem Guilielmum Barlouum (qui regnante Henrico VIII. fuerat Meneuensis & postea Wellensis) in Cicestrensem, & Ioannem Scorium virum erudito iudicio, qui prius fuerat Cicestrensis, in Herefordensem. Itidem in Provincia Eboracensi Youngus à Meneuensi ad sedem Eboracensem translatus, Iacobum Pilkintonum, doctrina & probitate præstantem in Dunelmensem, Ioan. Bestum in Carliolensem, & Guilielmum Downhamum in

M.D. LIX.

in Cestrensem consecrauit. Quales hi fuerint, & quanta sub Maria vel in Germania exulantes, vel in Anglia latitantes perpeffi sint, Ecclesiastico historico enarranda relinquo.

Cum autem viri docti rariùs invenirentur, multi ex officina mechanici, & non minùs illiterati, quàm ipsi Pontificij sacerdotes, Dignitates Ecclesiasticas, Præbendas, & opima sacerdotia consequuti sunt. Plurimis tamen Pontificiorum sacerdotum magis ipsorum, & religionis etiam suæ vsui visum est, obedientiam Principi, Papæ auctoritate renuntiata, iurare, vel hoc consilio, vt Protestantes Ecclesijs suis excluderent, simulq; suorum qui abdicati erant, inopiæ subvenirent. Hanc illi piam prudentiam, instarq; meriti existimarunt; ideoq; Pontificem Rom: de iuramento pro sua auctoritate dispensaturum sperarunt.

Ita religio in Anglia mutata, orbe Christiano mirante, quòd tam facilè, & sine motu; Sed illa non subita mutatio, (quæ haud vnquam facilè feratur) verùm lenta, & gradatim. Mensem enim integrum & amplius à Mariæ obitu (vt summatim quæ iam dixi, repetam) Romana religio eodem quo prius stetit loco. Vicesimo septimo Decembris permissum vt Epistola, Evangelia, Decalogus, Oratio Dominica, Symbolum, & Litanie vernacula lingua haberentur, vicesimo secundo Martij, cum Ordines regni convenissent, ex revocata Edwardi Sexti lege, integer vsus Coenæ Dominicæ, scilicet sub vtrâq; specie conceditur, vicesimo quarto Iunij, ex auctoritate legis *De vniformitate precum publicarum, & Sacramentorum administratione*, Missæ sacrificium aboletur, & Liturgia in lingua Anglica constabatur. Mense Iulio, Episcopis & alijs iuramentum *Suprematus* propositum, & Augusto Imagines è templis emotæ, fractæ, aut combustæ. Cum autem calumniantia ingenia Reginam fugillarent, quasi titulum *Supremi Capitis Ecclesiæ Anglicanæ*, & auctoritatem sacra in Ecclesia celebrandi arrogarit: illa edito scripto declarat se nihil aliud arrogare, quàm quod ad Coronam Angliæ

Quibus gradibus religio mutata.

Regina in Ecclesiasticis auctoritas explicata.

M.D. LIX.

*Utilitas ex
religione mu-
tata.**Regina in re-
ligione &
Repub. tueren-
da cura.**Symbolum.**Principibus
exteris pro
Pontificijs
intercedenti-
bus respondet*

glia iam olim iure spectavit, scilicet se sub Deo summam & supremam gubernationem & potestatem in omnes regni Anglici ordines, siue illi sint Ecclesiastici, siue Laici habere; quodque nulla extranea potestas ullam in eos iurisdictionem vel auctoritatem habeat, aut habere debeat.

Ex hac religionis mutatione, ut observarunt Politici, Anglia facta est omnium regnorum in orbe Christiano liberrima, scepro ab externa Pontificis Rom. servitute quasi manumisso; & opulentior quam seculis superioribus; immensa pecunia domi retenta, quæ pro Primitijs, Indulgentijs, Appellationibus, Dispensationibus, Pallijs, & id genus alijs, Republica supra fidem exhaustæ, Romam assiduè exportari solebat.

Religione Protestantium auctoritate Parliamentaria iam constabilita, Elizabethæ prima & præcipua cura fuit, ut eandem sartam tectam contra omnes omnium machinationes inter medios eo nomine hostes constantissimè tueretur; nec tantillum quidem unquam innovari permisit. Secunda, ut æquabilitatem in univèrsa vita, singulisq; actionibus conservaret. Unde pro Symbolo usurpavit SEMPER EADEM. Reliqua consilia in his steterunt, ut suorum securitati providè consulere, ut enim, quod sæpe in ore habuit, Respub. semper esset tutà, illa nunquam fuit secura. Utq; apud suos amorem, apud hostes metum, apud omnes gloriam compararet. Illa enim nôrat firma & mansura ea esse, quæ prudentia inchoat, & cura conservat: Quomodo his virilibus curis & consilijs sexum superavit, & quid effecit prudentissimè prævertendo, divertendo, & fortissimè resistendo, ex ijs quæ incorrupta fide ex ipsis (ut ita vocem) regni commentarijs tradentur, præsentibus & posteris iudicant.

Hoc tempore cum Imperator & Catholici Principes crebris literis intercederent, ut clementer cum Episcopis abdicatis ageretur, & templa in urbibus seorsim Pontificijs permitterentur, respondit. *Etsi Pontificij illi Episcopi insolenter & palàm contra leges latas, & regni quietem relactati fuerint; & obstinatè nunc eam doctrinam reiiciant, quam*
pleriq;

M.D. LIX.

pleriq; ipsorum sub Henrico Octauo & Edwardo Sexto mente & manu publicè concionibus & scriptis, cum ipsi non essent priuati, sed publici Magistratus, alijs vtrò proposuerant: se tamen velle cum illis in tantorum Principum gratiam leniter agere, quamuis non sine suorum offensa. Tempia autem in quibus sua diuina officia seorsim celebrent, salua republica, & illeso honore atq; conscientia, concedere non posse. Nec causam subesse vllam cur concederet, cum Anglia non nouam aut alienam amplectatur religionem, sed eam quam Christus iussit, prima & Catholica Ecclesia coluit, & vetustissimi patres vna voce & mente comprobarunt. Permittere verò templa cum ritibus diuersis, præterquam quòd legibus Parliamentaria authoritate sancitis aperte repugnet, nihil aliud esset, quàm religionem ex religione ferere, mentes bonorum variè distrabere, factiosorum studia alere, religionem atq; rempublicam conturbare, & diuina humanaq; commiscere: quod esset re malum, exemplo pessimum, suis perniciosum, & illis ipsis quibus permissum, nec admodum commodum, nec planè tutum. Statuisse igitur ex insita clementia, & potissimum ipsorum rogatu, paucorum priuatam insolentiam non nihil conniuendo velle sanare, ita tamen vt præfractas eorum mentes indulgendo haudquaquam foueret.

Hispanus spe nuptiarum cum Elizabetha excussus, & Galli filiam iam ducturus, de Anglia nihilominus seriò cogitat, quam Gallico sceptro cõiungi neutiquam voluit. Vtq; tanti regni dignitatem in sua familia retineret, Ferdinando Imperatori patruo author erat, vt alterum è filijs Elizabethæ in maritum commendaret, quod ille literis amore plenissimis quamprimùm fecit, & per Gasparum Preinorum liberum Baronem in Stibing sedulò egit. Ipseq; Hispanus vt hoc efficeret, eximium & singulare studium Elizabethæ benignissimè pollicetur, & illa vicissim ei iam Hispaniam per mare cogitanti, & naues, & portus, & omnia summa necessitudinis officia per Tho. Chalonerum cumulatè defert.

Gallus ex altera parte in regis Delphini filij sui & Mariæ Reginae Scotorum gratiam (coniectis in Angliam oculis) præfidiarios Gallos è Scotia non deduxit, quod ex

G

pacto

*Ferdinandus
Imp. Carolum filium
Regina in
maritum
commendat.*

M.D. LIX.
*Gallus Angliæ regnum
 Scotæ vendicat.*

*Bellum dum
 apparat, occi-
 ditur.*

pacto promiserat, sed plures clam submisit, & cum Pontifice Romano vehementius quàm antea egit, ut Elizabetham hæreticam & illegitimam, Mariamq; legitimam Angliæ Reginam declararet. Quod tamen Hispanus & Imperator per suos Romæ studiosissimè, sed occultè contranitando impedierunt. Nihilominus Guisij Gallum ambiciosè credulum in tam blandam spem Angliam sceptro Gallico adiungendi per Scotorum Reginam ipsorum neptim impulerant, ut ille apertè filio & nurui Angliam vindicaret, iuberetq; cum Romæ hoc consequi non posset, ut in omnibus Diplomatis hoc titulo vterentur. FRANCISCUS, ET MARIA, DEI GRATIA, SCOTIÆ, ANGLIÆ, ET HIBERNIÆ REX ET REGINA. Insigniaq; Regni Angliæ coniunctim cum Insignibus Scotiæ in supellectili, & parietibus ubiq; depicta, & fœcialium paludamentis intexta passim proposuit. Legato Anglico frustrà conquerente, hoc fieri in insignem iniuriam Elizabethæ, quacum amicitiam nuperrimè contraxerat, quandoquidem Maria Angla superstitè, quæ illi bellum denuntiabat, hoc non fecerat: Equitum præterea peditumq; delectus in Gallia, Germaniaq; habuit, qui in Scotiæ partes Angliæ vicinas transveherentur. Adeò ut Elizabetha non potuerit à Gallo non timere, qui nihil iam nisi sanguinem & cædem Protestantibus anhelabat. Sed conatus eius mors inopina in hastiludio inter festivitates nuptiales filiae cum Hispano, & sororis cum Sabaudò, præcidit; & peropportunè quidem Elizabethæ rebus, quam cum ut hæreticam, tum ut illegitimam, hinc è Scotia, inde è Gallia omnibus viribus oppugnaturus erat. Illa tamen (ut mortuo constaret regius honos) exequias ut regi amico in templo Paulino Londini magna pompa persolvit. Simulq; per *Qui nunc Magnus Angliæ & Hiberniæ Admirallus* Carolum Baronis Howardi Effinghamij filium Francisco successorì de patris obitu condolet, & de successionè gratulata, ut amicitiam nuper initam sanctè coleret, admonet.

Franciscus autem, & Scotorum Regina eius vxor,
 (Guisijs

(Guifijis consultoribus, qui rerum quodammodo in Gallia nunc potiti) pro Angliæ & Hiberniæ Regibus se publicè gerunt, nec arrogatis Angliæ Insignibus abstinere, sed magis magisq; ubiq; ostendant, Nicholao Throc Mortonno Ordinario legato, viro acri & prudenti, vehementius de his expostulanti primùm responsum est, licere Scottorum Reginæ illa gestare, aliqua differentiæ notula adiecta, ad generis propinquitatem qua regium Anglorum genus attingit, ostendendam. Pernegavit ille ex *Armorum*, quam vocant, *Lege*, licere cuiquam alicuius familiæ Insignia vſurpare, qui ex certo eiusdem hærede non sit natus. Postea retulerunt eam non alio consilio Insignia illa arrogare, quàm vt Angliæ Regina Galliæ Insignibus abstineret. Ad hoc ille recoluit, quod antea in Tractatu Cameracensi, D. Wottonus, duodecim Angliæ Reges Galliæ Insignia gestasse, iureque adeò indubitato, vt omnibus inter Anglos & Gallos fœderibus nihil contrà cautum fuerit. Euicit tandem, intercedente Momorantio Guifianorum æmulo, vt ab Angliæ & Hiberniæ titulo & Insignibus omninò abstineretur. Ille enim neutiquam honori regni Galliæ esse censuit, vt alius titulus, aut Insignia assumerentur, aut in Sigillo Regio insculperentur, quàm *Regis Franciæ*. Hunc vnum titulum instar esse multorum, nec superiores Reges alio titulo vſos fuisse docuit, cum ius in Neapolim & Mediolanum &c. persequerentur. Verum enim uerò ex hoc titulo, & Insignibus, quæ, Guifijis authoribus, Henricus Galliarum Rex Scottorum Reginæ iam tenellæ imposuerat, omnia mala quæ illam postea inuoluerunt, quasi à fonte profluxerunt. Hinc enim Elizabetha & indictas inimicitias cum Guifijis, & tacitas cum illa gessit, quas vafra hominum malitia vtrinque ita fouit æmulatione gliscente, nouisq; occasionibus indies emergentibus, vt non nisi cum morte extinguerentur. Regnum utique socium non fert, & Maiestas iniurias grauius intelligit.

Tempore interiecto, tres tantum pro Caleto obsides, quum quatuor ex Tractatu exhibendi, transmittuntur,

M.D. LIX.

Franciscus
II. & Scotta
titulum regni
Angliæ assu-
munt.

*Simultatum
inter An-
glam & Sco-
tam origo.*

M.D. LIX.

*Galli iniqui-
us cum An-
glis agunt.**Milites in
Scotiam mit-
tunt.**Scoti Regenti
 parere rech-
 sant.**Opem ab E-
lizabet ha
implorant.*

Mercatores Angli iniuriosius in Gallia tractantur, famulus Throcmortoni legati à Fr. Magno Galliae Priore Guisij fratre è publico vi abreptus in Triremes conijci-
tur, in ipsum legatum bombardulae intra suos parietes dis-
ploduntur, nec alijs, illi in mensa vasculis quam quibus
Insignia regni Angliae iunctim cum Gallicis insculpta,
contumeliose ministratur. Brossius etiam cum delecta
militum manu in Scotiam mittitur, & Triremes è Massi-
lia & mari Mediterraneo in Britannicum accersuntur.

Iam Protestantium Religionem in Scotia professi,
qui *Congregationis* nomen sibi assumpserant, à ministris
quibusdam importunis, & inprimis à Knoxo praefervido
Regiae auctoritatis impugnatore persuasi, procerum esse
sua auctoritate Idololatriam tollere, & Principes intra
legum praescripta per vim reducere; obsequium Regenti,
Reginae matri, matronae modestissimae praestare de-
tractarant, religionem, tumultuose loca sacra incendendo
& diripiendo, mutarant, Hamiltonium Ducem Ca-
stri-Heraldi, virum totius regni potentissimum, Gallo-
rum iniurijs irritatum, & è primaria nobilitate plures spe
prouentuum Ecclesiasticorum inescatos in suas partes
pertraxerant. Adeo ut non religionem cogitare, sed de-
fectionem planè moliri Regenti, Gallisque in Scotia mi-
litantibus viderentur: & Iacobus Prior S. Andreae no-
thus Reginae frater (qui postea Comes Moraviae) inter il-
los antesignanus affectati contra sororem regni ab illis
insimularetur. Ille suspicionem amolitur sanctissime pro-
testando se nihil aliud quam diuinam gloriam, & patriae
libertatem sibi proponere, eandemq; à Regente, & Gal-
lis oppressam, non posse non dolenter deplorare.

Domini Congregationis apud Elizabetham per Guiliel-
mum Maitlandum Lidingtonium Secretarium luctuosa
oratione iam conqueri coeperunt. Scilicet ex quo Sco-
torum Regina Delphino nupserit, regni administratio-
nem immutatam esse, milites externos omnia vastare, su-
prema regni munia Gallis esse delata; castra & muni-
menta in eorum manus tradita, puriorem regni pecuni-
am.

M.D. LIX.

am in eorum quæstum adulteratam. Gallosque his & huiusmodi artibus viam adoticum regnum occupandum subdolè sibi munire, si quid humanitùs Reginae acciderit. Cecilius (quo in his & alijs rebus omnibus pro singulari prudentia præcipuo administro vsa est Elizabetha) per Henricum Percium postea Northumbriae Comitem agit, vt intelligeret quem scopum illi *Domini Congregationis* sibi proponerent, quibus rationibus quod vellent, assequi valerent: & si quando suppetiæ ferantur, quibus conditionibus amicitia inter duo regna coalesceret. Respondent illi oculis in cælum sublatis, non alium sibi propositum scopum, quàm vt Iesu Christi gloriam, sinceram verbi diuini prædicationem promouerent, superstitiones & Idololatriam extirparent, persequentium furorem cohiberent, auitamque libertatem conseruarent. Quibus rationibus hæc conficere valeant planè nescire, sperare autem diuinum numen, quod incoepit, cum aduersariorum confusione ad optatum finem perducturum. Mutuam verò inter regna amicitiam, summam esse votorum, atque ad eam firmandam opes, fidem, & constantiam deuouent.

Lentè de his rebus in Angliâ deliberatur, quia Scoti ab armis, & pecunia minùs instructi, & inter se fluxæ fidei; tantùm admonentur ne temerè Martis aleam tentarent. Quamprimùm autem compertum erat Marchionem Albeufium Reginae Scotorum auunculum delectus per Ringrauium in Germania ad bellum oticum habere, tormenta maiora ad portus conuehi, maiores apparatus fieri, quàm ad pauculos inermes Scotos reprimendos (hoc enim prætexebatur) Gallos etiam Dano vt in societatem pertraherent, promittere Lotharingum iure suo in regnum Daniae cessurum; necnon censuram Pontificis Romani contra Reginam & Sententiam Declaratoriam pro iure Reginae Scotorum in Angliam denuò importuniùs vrgere: Radulphus Sadleirus vir prudens ad Scotiae limites mittitur, vt Northumbriae Comiti limitis Medij Custodi, & Iacobo Crofto

*Hæc de re
deliberatur.*

M.D. LIX.

*Gallos à Sco-
tia submo-
vendos de-
cernitur.*

Crofto Berwici Praefecto consilio adesset. Quorsum enim hæc spectarent, consiliarij in Anglia videre non poterant, quam ut Angliam inuaderent, & armis id persequerentur, quod titulis & Insignibus præ se ferebant.

Seriò igitur hac de re consilia in Anglia habentur. Pessimi exempli videbatur Principem patrocinium præstare tumultuantibus alterius Principis subditis, at impietatis eiusdem religionis cultoribus deesse. Præpositæ verò esse prudentiæ, permittere ut Galli iurati nominis Anglici hostes qui regnum Angliæ vendicant, & secura ubique pace iam gaudent, armati hæreant in Scotia vicina, tam opportuna ad Angliam inuadendam ex ea parte qua Angliæ nobiles & plebs Romanæ religioni sunt addictissimi. Hoc nihil aliud esse quam singulorum salutem, & vniuersorum quietem hostibus ignauè prodere. Non segnibus igitur consilijs acquiescendum, arma expedienda, Anglicæ prouidentiæ semper fuisse hostes præuertere, non expectare; semperque licuisse pericula tam præuertere quam repellere, & iisdem artibus propugnare quibus hostes oppugnant. Angliam nunquam securè tutam esse, nisi cum armata sit & potens; potentiorē verò futuram, cum à Scotia nihil timeat. Ne timeat, eiusdem religionis professoribus subueniendum, & Gallos à Scotia exturbandos, contra quos non consilia, sed arma valeant. Quibus non ita pridem supinè posthabitis, Caletum non sine damno & dedecore fuerat amissum; & paulò antè, dum isti pacis studium egregiè simularent, Ambletum & vicina Bononiæ propugnacula ex improviso intercepta; vnde Bononia ex necessitate reddita. Nec aliud de Berwico & limitaneis oppidis expectandum, nisi arma primo quoque tempore sumantur, & Gallis in Scotia pacis studium præseferentibus non credatur, cum Gallorum consilia sint occulta, ambitio infinita, & prouentus immensi; adeo ut in prouerbum apud Anglos iam olim cesserit, Galliam totum triennium nec inopem esse posse, nec bello abstinere. Elizabetha etiam sæpè illud Valentiniani Augusti

gusti vsurpauit, ΤΟΝ ΦΠΑΥΚΟΝ ΦΙΑΟΝ ΕΧΟΙΣ, ΓΕΙΤΟΝΑ ΟΥΚ ΕΧΟΙΣ. *Francum amicum habet, at non Vicinum.* In hanc igitur sententiam itum, iustum, honestum, necessarium, & vtile esse Gallos è Scotia quàmprimùm exturbare.

Hinc Guilielmus Winterus machinarum classicarum Præfectus cum classe in Bodotriam (*Edenborough Frith* iam vocant) mittitur, qui magno Gallorum terrori, bellicas eorum naues per littus dispositas, & præsidium Gallicum in *Inchkeitb* insula adoritur; Dux Norfolciæ mox *Locum-tenens Generalis* in partibus Borealibus Scotiam versus constituitur, Guilielmus Baro Greius vir bellicosissimus (qui Guinas nuper animosè contra Gallos sed infœliciter defenderat) limiti Medio & Orientali præficitur. Et Thomas Comes Suffexiæ, qui Hiberniæ, Maria regnante, Deputatus in Hiberniam remittitur cum titulo *Locum-tenentis Hiberniæ*, & mandatis, vt ante omnia prospiceret, ne gens Hibernica inculta, & ideò magis superstitiosa, in rebellionem Gallorum artibus religionis prætextu concitaretur. Vt Ophaliam castellulis, muneret, latifundia veteranis concederet *habenda sibi, & hæredibus masculis de corpore*; *Surlj-Boyum* Scoto-Hibernicum in possessiones quas iure hæreditario in Vltonia vendicavit, feudali iure ad seruitia præstanda admitteret, Principis prouentus moderatè adaugeret, Fiscumq; regium ad formam Fiscalem in Anglia redigeret.

Inter hæc è vita migravit, qui inter primarios regni consiliarios, Franciscus Talbottus quintus ex hac familia Salopiæ Comes, vnico filio Georgio è Maria Thomæ Baronis Dacræi Gilslandij filia, successore relicto.

M. D. LIX.

*Angli terra,
marisq; in
Scotiam
mittuntur.*

*Res Hiberniæ
constituntur*

*Franciscus
Salopiæ Co-
mes moritur.*

M. D. LX.

M. D. LX.

M. D. LX.

Fœdus Bar-
wicense.

QUamprimùm Norfolcius Berwicum peruenerat, occurrunt illi Iacobus Nothus Prior S. Andree, Baro Rethuenus, & alij qui nomine Ducis Castri-Heraldi, & Confœderatorum, cum illo nomine Reginae Angliæ fœdus, in hanc sententiam paciscuntur. Cum Galli Scotiam subiugare, & Gallie scepro adunare quo iure qua iniuria moliantur, Angliæ Reginae Ducem Castri-Heraldi regni Scotiæ heredem designatum, proceres, populumq; Scoticum in patrocinium suscipiet, dum Gallie Rex Mariam Scotorum Regina in matrimonio habeat, & altero post anno. Exercitum terra mariq; cum omni apparatu bellico ad Gallos à Scotia expellendos & excludendos submittet: pacem cum Gallis nisi ea lege ut Scotia pristina libertate utatur fruatur, non inibit: munimenta Anglorum auxilio à Gallis recuperata mox subruentur, aut Norfolciæ Duci pro eius arbitrio, in manus tradentur: Angli in Scotia nulla loca munient, nisi ex Ducis Castri-Heraldi & Procerum Scotiæ assensu; Illi Anglis opem ferent quam possunt maximam. Hostium loco habebunt quicumq; Anglis hostes fuerint. Scotiæq; regnum Gallie adunari alia quauis ratione, quam quo nunc matrimoniali iure coniungitur, non permittent. Si Anglia cis Tinam flumen à Gallis inuadatur, Scoti duo millia Equitum & mille peditum Reginae Angliæ stipendijs mittent, sin inuadatur ultra Tinam, omnibus quibus poterunt copijs se Anglis in subsidium adiungent, suisq; impensis totis triginta diebus, ut assolent ad Scotiam defendendam. Comes Argatbeliæ Scotiæ Iustitiarius operam dabit ut pars Hiberniæ Septentrionalis in ordinem redigatur, certis quibusdam conditionibus, de quibus inter Hiberniæ Proregem & ipsum conueniet. Deniq; præscribitur quod uterq; præstabit, si Iacobus Mac-Conellus, aut alij Hebridiam in Scotia, vel Hibernia aliquid mouerint. Ad hæc firmanda, priusquam Anglicus exercitus Scotiam ingrediatur, obsides sexto vel quarto quoquo mense pro Scotorum arbitrio mutandi, in Angliam mittentur, durante inter Gallum & Regina Scotiæ matrimonio, & altero post anno.

no. Dux Castri-Heraldi, & Confederati Comites & Barones
Parlamentarij suis subscriptionibus & sigillis hæc intra viginti
dies rata habebunt, Simulq; declarabunt (quandoquidem Regi-
na Angliæ non alio quàm amicitie & vicinitatis nomine ad ser-
vitutis iugum à Scotis depellendum hæc suscipiat) se obedienti-
am Regine Scotorum & Regi marito in omnibus præstituros,
quæ ad pristinam libertatem opprimendam non facient.

Iam crebris Principum exterorum nuntijs, & literis
interceptis certò innotuit Gallos statuisse Angliam inva-
dere; simulq; Sebastianus Martiguius, è familia Luxen-
burgica iuvenis præstantissimus, cum copeditibus veteranis,
& una ac altera equitum ala in Scotiam appulit. D'Oise-
lius Gallus, qui Scotiæ Regenti ab intimis consilijs nimio
plus præfidens, Scotiæ proceribus apud *Aimouth* prope
Berwicum proposuit, ut iunctis iam viribus Regem &
Reginam Scotorum in Angliæ possessionem mitterent.
Illi autem perspecta rei difficultate, & ne pacem nuper
initam violare viderentur, recusarunt. Martiguium ta-
men iuveniliter exultantem, & ardore Angliam inva-
dendi flagrantem sanum Regentis consilium vix cohi-
buit. Sed mox restinctus est ille ardor, cum Marchio
Albeufius, qui maioribus cum copijs Scotiam versus ve-
la faciebat, violentia tempestatis ad Hollandiæ littora
conflictatus, amissis aliquot navibus, & militibus pluri-
mis, Deipam vnde solverat, rejiceretur.

In Angliam ab Hispano iam venerat Ph. Stauelius à
Glaion aurei velleris Eques, & Machinarum bellicarum
præfectus, ut querelas Gallorum contra Reginam de re
Scotica explicaret, regisq; sui nomine pacem & concor-
diam suaderet. Ille tamen clam monuit, ut Regina in-
coeptum in Scotia strenuè vrgeret, etsi Hispanus contrà,
bellicum apparatus de quo illa Antverpiæ contraxerat,
in Angliam transvehi palam vetuerit; ita ut illa novum
apparatum è Germania necessario fecerit. Nec suspicio-
ne caruit quod Stauelius proposuit, ut quædam Hispa-
norum vexillationes in Scotiam mitterentur quæ cum
Gallis Scotos rebelles coercerent, simulq; Gallos cohi-
berent,

M.D.LX.

Martiguius
cum Gallis
in Scotiam
venit.

Albeufius
tempestate
rejicitur.

Hispanus
pacem suadet

Anglorum
apparatum
detinet.

M. D. LX.

*Galli sata-
gunt ut An-
gli è Scotia
reuocentur.*

*De pace vio-
lata prote-
stantur.*

Respondetur.

*Hostilis Gui-
siorum in Eli-
zabetham
animus.*

berent, si quid in Angliam tentarent. Per id tempus Michael Seurius Ordinarius Galli legatus subinde cum Regina agit, ut classem & exercitum è Scotia reuocaret. Nec illa abnuuit, modò Galli itidem domum reuocentur. Sed dilationibus hinc inde quæsitis, res de die in diem producit, donec I. Monlucius Episcopus Valentinus à Protestantium professione non alienus è Gallia adueniret, qui cum huc advenisset, nulla se instructum ad hanc rem autoritate respondet. Ille tamen vir vberi facundia, quantum posset, suadet ut exercitus & classis è Scotia reuocarentur: contenditq; gestationem illam Insignium Angliæ neutiquam fraudi esse Reginae, sed potius honori Regiæ Angliæ familiæ. Verum cum nec hoc quod absurdum, nec illud quod periculosum videbatur, persuadere potuisset; Seurius Stauelium & Episcopum Aquilanum Hispani in Anglia legatum ordinarium rogat, ut coram testes adessent, quo tempore contra Reginam de violato pacis fœdere protestaretur, quod abnuerunt illi, quia hoc in mandatis non habuerant. Protestatur tamen ipse satis prolixa oratione, cui responsum redditum typis evulgatum: in quo illa *uniuerso orbi testatum voluit violationem fœderum & causas omnes belli à Gallis omninò proficisci, & nihil sibi magis molestum, nihil magis odiosum hoc bello posse accidere; & id genus alia quæ ex iam dictis facilè colligantur, atq; ex alio scripto iam antea edito.* Quo declaravit, quanquam indignis affecta esset iniurijs, regni titulo & Insignibus arrogatis; nunquam tamen induci potuisse ut crederet, hoc Regis, aut Reginae Galliae, aut regij sanguinis Principum assensu factum fuisse, sed malis artibus Guisiorum, qui Regis, & Gallorum opibus abusi per Scotorum latus iam Angliam fauciaturi. Se autem non posse suæ & suorum saluti oscitanter deesse. Et proculdubio Guisij ex amore in Scotam neptim, odio in Elizabetham religionis causa, & ambitione benè merendi de Gallia, nova regna adiiciendo, freti pollicitationibus Anglorum quorundam, qui à religione Protestantium averse, in Elizabethæ perniciem acerrimè incubuerunt.

Sed

Sed averterunt offensiones & similitates exortæ in Gallia de publica rerum administratione à Principibus regij sanguinis ad Guisios translata ; & illa hostilibus eorum & aliorum consilijs tam maturè & cautè se obiecit, vt amicis admirationi, inimicis terrori iam inde fuerit.

Quo die Greius Scotiam cum exercitu ingressus, eodem Seurius, Monluciusq; de reuocando exercitu summo perè vrgent, etiam spe Caleti restituendi proposita, modò reuocaret. Illa planè respondit, se Caletum piscatorium oppidulum præ vniuersæ Britanniae salute & securitate nihili aestimare. Eodemque ipso diè in Hispaniam misit Antonium Brownum *Montisacuti* Vicecomitem virum spectatæ prudentiæ, sed Romanæ religioni deditissimum, eoque nomine Hispano gratiorem futurum, qui cum Tho. Chamberlano assiduo ibidem legato Hispanum inter alia edoceret, quàm iustis de causis exercitum in Scotiam miserit, ijs scilicet quas modò dixi, nec non monstraret Scotorum Reginam tenui valetudine iuuentulam enuptam in Gallia esse regi valetudinario sine spe prolis, Hamiltonio Duci Castri Heraldi Parliamentaria authoritate hæredi regni Scotiæ designato, & filio eius in Gallia peregrinanti insidias Guisiorum machinationibus structas esse ; eorum consilia eò tendere, vt Scotiæ Coronam Galliae regno adiungerent, & non Reginae conseruarent, quod quanti sit periculi Belgicis prouincijs, & Hispaniæ, ipse seriò perpendat. Contra confederationi procerum Scotiæ rebellionis notam non inurendam ; quæ non alio consilio inita, quàm vt (quod pro officio debent) regnum Reginae, & iustis successoribus conseruarent, quod Guisiorum molitionibus labefactari vel ad Gallos transferri, sine sua & suorum iniuria non patiantur.

Ineunte Aprili Anglorum exercitus in quo equites c. i. c. peditum vi. c. i. c. prope Letham accedunt. Hæc sita est ad Bodotriam maximum Britanniae æstuarium, vbi Letha fluuius diffusior exoneratur, stationemq; nauibus præbet opportunam vix altero ab Edenburgo

M. D. L. X.

Caletum à Gallis offertur.

Recusatur.

Montisacuti Vicecomes ad Hispanum mittitur.

Belli Scotici causas edocet

Scotos confederatos excusat.

Letha obfideatur.

M. D. L X.

Arthurus
Greius vul-
neratur.

Angli re-
pelluntur.

Croftus cul-
patur.

primaria Scotiæ vrbe milliari; & ob hanc situs commo-
ditatem Galli in perfugium & receptum auxiliaribus
fufcipiendis communierant. Anglos, qui primùm ac-
cefferunt, Martiguius eductis peditum cohortibus ador-
tus est, vt colle, quo illos castrametaturos existimauit,
prohiberet; sed postquam quatuor plùs minùs horas ve-
litatum, nonnullis vtrinq; cæsis, in oppidum reijcitur.
Vallum deinde ducitur, moles aggeruntur, e quibus non
minùs quàm è nauibus in oppidum affiduè effulmina-
tur. Galli subinde maioribus animis quàm viribus erum-
punt, & multa fortitudinis specimina edunt. Inter alia
xv. Aprilis vallo potiti tria tormenta maiora obtura-
runt, & Mauritium Berkleium captiuum abduxerunt.
Sed Iacobus Croftus, & Cuthbertus Vaghanus eos mox
expulerunt, & in oppidum non sine strage repulerunt;
quo tempore Arthurus Greius filius Baronis Greij, qui
summum imperium in Castris habuit, glande humero
traiectus. Castra deinde propius oppidum admouentur,
cùm effulminationes ob interuallum plerumq; irritæ
caderent. Paulò post fortuito igne pars aliqua oppidi,
& horrea nonnulla magno terrore conflagrarunt, quem
Angli maioribus machinis in eam partem obuerris ad-
auxerunt, & interea fossas ingressi murorum altitudi-
nem sunt dimensi. Sexto die Maij (quod inter An-
glos & Scotos communi consensu conuenit) vndiq;
scalas ad motis muros occupare acerrimè totis viribus e-
nixi. Verùm cùm scalæ essent iusto breuiores, & aquæ
occluso emissario altiores, magna vi glandium supernè
obruiti repelluntur, quamplurimi desiderantur, plures
vulnerantur. Acceptæ cladis culpa in Crofto resedit,
quòd quasi inceptum improbens (an ex iudicio, vel stu-
dio in Gallos, vel odio in Greium non dixerim) in parte
sibi destinata spectator otiosus desedisset, & laboranti-
bus opem non tulisset. Certè Norfolcius & Greius il-
lum non hoc solum nomine, sed etiam occulta consilia
cum Scotiæ Regente habuisse, & huic expeditioni se op-
posuisse, literis ad Reginam subaccusarunt. Vnde in
quæstionem

quæstionem in Sacro Consistorio postea vocatus, præfectura Berwici erat amotus, & Greus in eius locum suffectus. Reginae tamen gratia non excidit, quæ postea Regiæ Contrarotulatore meritò constituit. Hac prima fortunæ destitutione, Anglorum Scotorumque animos deiectionis Norfolkii novis cohortibus auxiliaribus illicò submissis confirmavit : leuiculis aliquot pugnis deinde decertatum est, donec Rex Galliarum certior factus, suos Lethæ ita incingi, ut omnes terra marique aditus intercluderentur, & ob disiectam locorum intercapedinem suppetias opportunè ferri non posse, seditionibus domi indies gliscentibus, auctoritatem concessit Episcopo Valentino, & Carolo Rochfoucaldo Randano, rem transigendi cum Elizabethæ delegatis, quæ statim in Scotiam misit Guilielmum Cecilium & Nicholaum Woottonum Decanum Cantuariensem & Eboracensem. Galliarum enim & Scotiarum Regi & Reginae infra Malestatem visum est in æquam disceptationem cum subditis descendere. Quo tempore Moravius ea proposuit, quæ Cecilus nec à subditis præponenda, nec à Principibus concedenda censuit. Dum disceptatur, obiit Maria Lotharinga mater Reginae, & Regens Scotia, Princeps pia & prudens, indignis contumelijs ab æstuosis quibusdam concionatoribus exagitata (ut in ipsorum Ecclesiastica Scotia historia, quam Elizabetha inter imprimendum suppressit, videre est) necnon à Dominis Congregationis, qui ut Regni Consiliarij nati eam pro sua auctoritate, ut Dei gloria, Scotiarumque libertati aduersantem, Reginae Scotorum, & mariti nomine ab omni rerum administratione suspenderant.

Articuli de quibus delegati tertio mense post obsidionem inchoatam convenerunt, hi sunt. *Tractatus pacis in Castello Cameracensi inter Elizabetham & Henricum Secundum Galliarum renouabitur & confirmabitur. Tractatus ibidem inter Angliam & Scotiam ratificabitur. Apparatus bellici utrinque cessabunt. Munimentum apud Aymouth in Scotia diruetur. Rex Franciæ & Regina Maria titulo & Insignibus Angliæ*

M. D. L. X.

Gallus pacem proponit.

Regens Scotia moritur.

Tractatus Edenburgensis.

M. D. L X.

Pax publi-
cata.Proci Eliza-
bethæ.Carolus Au-
striacus.Araniæ Co-
mes.Erricus Rex
Sueciæ.

glia & Hiberniæ abstinebunt. Disceptatio super compensati-
one iniuriarum Elizabethæ illatarum, & super cautione quinti
articuli, rejicitur in alium conuentum Londini habendum. Quod
si nec tunc conueniri potuerit, res Regi Catholico committetur.
Rex & Regina cum nobilibus Scotiæ subditis suis reconciliabun-
tur. Confæderati, præcipue Rex Catholicus, comprehenduntur.
Hic Tractatus intra sexaginta dies confirmabitur, & iuramen-
tum vtrinq; de eo obseruando præstabitur.

Publicata hæc pax in castris & oppido communi om-
nium lætitia, cum Anglos agro circumvicino perpopu-
lato, Gallos omni com meatu exclusos, Scotosq; stipen-
dijs minimè solutis, belli tæderet. Et sanè vniversæ Bri-
tanniæ illa salutaris habebatur, qua Scotiæ libertas avita
retenta, Angliæ dignitas conservata, & securitas parta,
quæ iam inde nihil à Scotia timuit : vsque adeò vt An-
gli Elizabetham securitatis fundatricem, Scotique Pro-
testantes libertatis vindicem lætanter agnouerint.

Illa toto hoc tempore publico bono, singulari in pa-
triam amore, ita fuit attenta, vt interim potentium Prin-
cipum amores ex animo ferè deleuerit. Ambierunt enim
eodem tempore eius nuptias Carolus Archidux Austriæ
filius Ferdinandi Imperatoris iunior per Comitem El-
phenstenium, Iacobus Comes Araniæ à Protestantibus
Scotiæ commendatus proposito consilio vniendi per
eum diuisa Angliæ & Scotiæ Regna, quod tamen cum
hominis laude mox reiectum. Erricus Rex Sueciæ per
Ioannem fratrem Finlandiæ Ducem, quem Gustavus
pater paulò ante mortem in Angliam eo nomine mise-
rat, in spem pronior, quòd eiusdem cum Elizabetha re-
ligionis, ea credula importunitate vt ipse Angliam cogi-
taret, etsi Danus hostili in eum animo, intercipere sta-
tuisset, qui è re sua non existimavit vt Anglia & Suecia,
quibus Dania interposita, his nuptijs coalescerent. Ag-
nouit illa summum & singularem eius amorem & lau-
dauit, aduentum gratum futurum respondit, verum ani-
mum non posse adhuc inducere, vt cælibem vitam lon-
gè gratissimam in coniugalem mutaret. Rogavit igitur

vt

M. D. LX.

ut quavis alia re benevolentiam experiretur, etiamsi voti compos non fuerit, amorem non malè collocatum sentiret. Monuit etiam ne tempus vxorem eligendi longius differret, quam optavit ut nanciscatur ipso dignissimam. Huiusmodi cum responsis Ioannes Dux Finlandiæ Sexto post mense domum redijt, cum nihil non fecisset ut nuptias promoveret, apud Reginam assidue procando, aulicis largiendo, & infimorum benevolentiam captando, inter quos nummos argenteos subinde sparsit, dictitans fratrem ubi adveniret, aureos plebi divisurum. Nihilominus frater suspicax eum reversum malè excepit, quasi ille sibi ipsi nuptias ambijsset, propositiq; tenax toto ferè biennio missis conditionibus per Nicholaum Guldensteinum ambire non destitit. Simulq; qua erat inconsiderata levitate, Philippi Lantgrauij Hassiæ filiam in vxorem petijt, à qua etiam rejectus, cum mediocris conditionis muliercula matrimonium contraxit.

Carolus autem Austriacus sperauit & expectauit, tum ut accessione Angliæ Austriaca familia quæ maximarum Principum connubijs foelicissima, adaugeretur; tum ut auita religio per eum, si non revocaretur, saltem toleraretur. Nec spem eius statim præcidit Elizabetha. Palam enim præ se tulit, & coram Elphenstenio, & literis ad Imp. protestata est, inter plura splendidissima proposita coniugia, nullum splendidius esse quàm hoc Caroli Austriaci. Veruntamen nec iam antè periculi procellam, nec dum honoris auram de instituto vitæ cursu dimouere potuisse; non eò usq; tamen ut coniugali vitæ omninò renuntiaret. Seq; certò sperare Numen diuinum, cuius bonitati tota innititur, in his & cæteris, consilia ad suam, suorumq; salutem directurum. Adolphus etiam Dux Holsatiæ patruus Frederici i. Regis Daniæ à Dano excitatus ut nuptias cum Sueco inturbaret, in spem etiam matrimonij raptus ex literis quibus Elizabetha optaverat, ut ille eadem qua olim Hispanis necessitudine Anglis coniungeretur, & studium amantiſsimè promiserat; in Angliam venit. Quem lautissimè exceptum periscelidis honore,

Adolphus
Dux Holsatiæ.

&

M. D. LX.

Guil. Pickeringus.

Comes Arundelia.

Robertus Dudleius.

Favor in eum.

knights of the

Montis-acuti in Hispania legatio.

Hispanus foedus renovare recusat

& annua pensione munificè donavit, atq; singulari benignitate principem bellica gloria, Dithmaris nuper debellatis, clarissimum in perpetuum sibi devinxit.

Nec defuerunt domi, qui quod amantes solent, de eius coniugio vana sibi somnia finxerunt, scilicet Guilielmus Pickeringus Ordinis Equestris, cui nonnulla generis claritas, mediocres opes, sed ex bonarum artium studijs, vitæ elegantia, & legatione Gallica atq; Germanica honor aliquis; Henricus Comes Arundelia multarum imaginum, magnarum opum, sed ætatis iam divergentis; & Robertus Dudleius Ducis Northumbriæ filius natu iunior, in integrum à Maria Regina restitutus, ætate florente & conspicua lineamentorum compositione, qui quanto odio pater eius & avus apud populum, tanta apud Principem gratia flagravit, rara & regia Elizabethæ clementia, quæ eum servatum honoribus cumulavit, cuius pater ipsam perditam voluerat. An hoc ex eius virtute, cuius adumbrata signa præ se tulit, an communi carceris sorte sub Maria Regina, an ex Genesi, occultoq; syderum consensu hora natali, & inde arctissima animorum cognatione, non facile quis dixerit (Principum certè in hos propensio, ab illis averfio fatalis videatur) In auspiciis honoris, & primum benevolentiae argumentum, eum quem equis præfecerat, cum Duce Norfolciæ, Marchione Northamptoniæ, & Comite Rutlandiæ primo regni anno in Georgianæ periscelidis ordinem, qui apud Anglos longè est honoratissimus, non sine omnium admiratione cooptavit.

In Hispania interea Vicecomes Montisacuti apud Regem belli Scotici necessitatem explicat, rebellionis notam à Scotis quantum potest, eluit; religionem non aliam in Angliam inductam esse, quam quæ sacris literis, & quatuor prioribus Concilijs Oecumenicis sit consona, ex documentis frigidè docet (vtpotè qui Romanæ religionis cultor admodum devotus) Burgundicum foedus inter Angliæ reges & maiores eius olim pactum vt renovetur, rogat. Hispanus foederis renovationem minimè necessariam

fariam esse respondet, (cùm tamen fœderum renovatio sit apud Principes usu receptissima, quæ fœderibus ipsis quasi vitam infundit, atq; mutuam eorum benevolentiam orbi terrarum contestatur, & ipse paterq; Carolus in Tractatu de nuptijs cum Maria Regina Angliæ Anno M. D. LIII. se obstrinxerant ad fœdus illud confirmandum.) Religionem in Anglia immutatam deplorat, exercitum in Scotiam emissum & rebelles sublevatos dolet, seq; de his rebus seriùs edoctum conqueritur. Molitionibus tamen Gallorum qui Elizabetham excommunicandam voluerunt, occultò se opponere non destitit, efficitq; per suos Romæ vt nulla sine eius consensu Ecclesiastica censura innodaretur. Submonuit etiam in rem suam, sed seriùs, vt articulis cum Gallo infereretur, licitum fore Anglis Gallos è Scotia si denuò redierint, exturbare; atq; de Caleto restituendo disertis verbis cautio interponeretur. Offensum nihilominùs eius animum sensit Vicecomes, & Regina perspexit, tum ex his quæ dixi, tum maxime ex insignium Ordinis Georgiani in Vicecomites manus redhibitione. Hac enim amicitiam cum Anglis prorsus eiurare videbatur. Offensiores autem reddidit repulsa, quam postea tulit, cùm per Legatum in Anglia intercederet (curante Comite Feriæ qui filiam Guil. Dormeri ex Maria Sidneia duxerat) vt Iana Dormera filia Tho. Newdigati, Vidua Roberti Dormeri Ordinis Equestris, & auia Comitissæ Feriæ, *Clarentia* anicula, quæ Mariæ Reginæ fuit intima, & à privatis erga pauperulas elemosynis, Richardus Shelleius *Ordinis S. Ioannis in Anglia Prior*, postea dictus, & Th. Haruæius Pontificiæ religioni devotissimi, & Hispano chari, bona cum venia in Belgio & Hispania, quò se licentia non impetrata, religionis causa subduxerant, permanerent. Antiquis enim Angliæ legibus sub pœna publicationis bonorum cautum erat, vt nulli nisi regni magnates, & mercatores sine speciali Regis venia regno exirent, nec in exteris regionibus nisi ad præfinitum tempus, permanerent, idq; vel ad valetudinem in calidiori tractu recuperandam, vel ad vberio-

I

rem

M. D. LX.

Elizabethæ
tamen contra
Gallos fauet

Periscellidem
remittit.

Repulsam in
parvis agrè
fert.

M. D. LX.

*Feria Comes
eum magis
abalienat.*

*Et Papam in
Elizabetham
excitat.*

*Papa ad eam
litera.*

rem ingenij cultum in Academijs capiendum, vel ad militarem disciplinam ediscendam; utque illa ad Hispanum rescripsit, *Exemplo caruit ut eiusmodi venia perpetua à patria absentiae mulierculis concederetur. Et quanquam res ipsa per se nullius momenti videretur, cum tamen illi non tantum inde boni caperent ad commoditatem privati beneficij, quantum alij sumerent animi ex exemplo ad Reipub. detrimentum, non permit- tendum censuit.* Comes Feriæ hoc in suam iniuriam interpretatus, ne ultum dimitteret, servulum Chamberlani affidiui in Hispania legati Anglici in Inquisitionem tanquam hæreticæ pravitatis reum rapuit, Reginæ, Angliq; offensior offensi Regis animo (uxore frustra obn- tente) faces subiecit. Quin etiam perhibetur cum Pio Quarto Pontifice Romano recens electo de ea excom- municanda egisse. Ille autem nescio qua spe, Vincentium Parpaliam Abbatem S. Salvatoris cum arcanis mandatis, & literis blandissimis ad eam submisit: Quas integras hic subiiciam, etsi in historiæ leges peccare nonnullis videar.

Charissimæ in CHRISTO filiæ ELIZA-
BETHÆ Reginæ Angliæ.

Charissima in Christo filia nostra, Salutem & Apostoli-
cam benedictionem. Quantopere cupiamus, nostro ita
Pastorali officio postulante, salutis tuæ consulere, & ho-
nori tuo, simul Regniq; stabilitati prospicere, & scrutator cor-
dium nouit Deus, & ipsa intelligere poteris ex mandatis quæ
dilecto huic filio Vincentio Parpaliæ Abbati Sancti Saluatoris,
homini tibi noto, nobisq; probatissimo, ad te dedimus. Proinde
hortamur & monemus Celsitudinem tuam etiam atq; etiam,
Charissima filia, ut repudiat malis suasoribus, qui non te, sed
seipsos amant, suisq; ipsorum cupiditatibus inferuiunt; Dei ti-
morem in consilium adhibeas, tempusq; tuæ visitationis agnoscens,
paternis nostris monitis, salutaribusq; consilijs obtemperes; om-
niaq; de nobis tibi polliceare quæ non modo ad animæ tuæ salutem
con-

M. D. LX.

conseruandam, sed etiam ad dignitatem Regiam stabiliendam & confirmandam pro authoritate, pro loco, ac munere quod nobis à Deo commissum fuit, à nobis desideraris. Qui te, si ut optamus, & ut speramus, in Ecclesiæ gremium redieris, eodem quo Euangelicus ille pater reuersum ad se filium amore sumus, & honore, ac letitia recepturi. Quanquam eò maior nostra letitia futura est, quòd is vnius filij salute gauisus est, tu tecum vnà vniuersos Angliæ populos trahens non solum ex tua, sed ex totius nationis salute, nos & vniuersitatem fratrum nostrorum, quos propediem, Deo iuuante, ad tollendas hæreses in Oecumenico Generaliq; Concilio congregatos audies, vniuersam Ecclesiam letitia gaudioq; complebis. Quinetiam cælum ipsum exhilarabis ex tam memorabili factò admirabilem nomini tuo gloriam, & multò splendidiorē ea quam geris coronam adeptura. Sed hac de re pluribus verbis idem Vincentius tecum aget, & nostrum tibi paternum animum declarabit, quem ut benignè excipias, diligenterq; audias, eandemq; ut eius orationi fidem habeas, quam haberes nobis ipsis, Serenitatem tuam rogamus. Datum Romæ apud Sanctum Petrum, &c. die quinto Maij M D L X. Anno Primo.

Quæ Parpalia proposuit non comperi, nec enim scriptis mandata credo; comminisci verò cum vulgo Historicorum minimè lubet. Elizabetham sui similem, SEMPER EANDEM perstitisse, & rem pro Pontificis voto non successisse, omnes norunt. Fama obtinet Pontificem fidem dedisse, sententiam contra matris nuptias, tanquam iniustam, rescissurum, Liturgiam Anglicam sua authoritate confirmaturum, & vsum Sacramenti sub vtraque specie Anglis permissurum, dummodo illa Romanæ Ecclesiæ se aggregaret, Romanæque Cathedræ Primatum agnosceret, imo & hæc curantibus aliquot aureorum millia fuisse promissa.

Iam tempus confirmandi Tractatum Edenburgensem advenerat, quem cum Elizabetha præstito iureiurando solemni ritè confirmasset, idemque ad Regem & Reginam Galliæ transmisisset, ut illi itidem ex pacto ratum

Gallus & vxor Tractatum Edenburgensem confirmare abnuunt.

M. D. L X.

*Quibus de
causis.**Franciscus
II. Rex Gal-
lorum mori-
tur.**Elizabetha
edicit contra
Anabaptistas**Et Sacrile-
gos.**Collegiatam
Westmona-
sterij Eccle-
siam fundat.*

tum haberent; Throcmortonus ordinarius in Gallia Legatus eos nullo modo inducere poterat, nec Petrus *Mewtas*, vir Equestris dignitatis, qui hoc nomine in Galliam postea missus; licet in Diplomate, quo Episcopus Valentinus ad illud foedus ineundum delegatus erat, disertis verbis *se bona fide & verbo Regio* confirmaturos spondiderint. Causas cur confirmare abnuebant, has attulerunt. Quod Scoti non autoritate regia, sed sua ipsorum, quod minimè debuerant, foedus Berwicense cum Anglis inijsent, quod illud à rebellibus initum, & ementitis fidelium subditorum sigillis & chirographis subsignatum, quodque obsequium in foedere illo promissum haudquaquam praestitissent. Dum hæc disceptantur, Franciscus Secundus Rex Galliae anno ætatis xviii. nondum exacto, regni secundo, è vivis exemptus, Scottorum Reginam viduam reliquit, maiori Pontificiorum dolore, aut Protestantium per Britanniam gaudio, non dixero.

Elizabetha iam securior, ut Ecclesia incorrupta perstaret atque propagaretur, & Respublica gloria & opibus magis floreret, duo salutaria edicta promulgavit. Altero Anabaptistas & id genus hæreticos qui in maritima Angliæ oppida ex transmarinis regionibus specie declinandæ persecutionis convolarant, & sectarium virus in Anglia sparserant, è regno intra viginti dies excedere imperavit, siue illi indigenæ, siue exteri, sub pœna incarcerationis & bonorum amissionis. Altero sacrilegum hominum genus coercuit, qui superstitionis tollendæ obtentu antiqua sepulchra demoliri, Epitaphia & dignata clarissimarum familiarum, cæteraque venerandæ antiquitatis monumenta, quæ prophanorum furori sub Henrico Octavo & Edwardo Sexto supererant, denuò delere, campanas è templis tollere, & templorum tecta plumbo devestire cœperunt.

Monasterium etiam Westmonasteriense Regum Angliæ inauguratione, sepultura, & Insignium Regalium custodia celeberrimum, in Ecclesiam Collegiatam, imo Ecclesiæ

Ecclesiæ plantarium convertit; ibique Decanum, Præbendarios duodecim, Didascalum, Hypodidascalum, Scholasticos quadraginta, (Alumni Regij vocantur, è quibus sex aut plures ad Academias singulis annis promoventur) Ministros, Cantores, duodecim pauperes, &c. ad Dei gloriam, veræ Religionis, & bonarum literarum incrementum instituit; foelici sanè eruditorum in Ecclesiam & Rempub. proventu.

Quodque maiori, imo maximæ gloriæ cedit, æratam pecuniam paulatim tollere; probamque ex puro puto argento restituere cœpit ad regni gloriam restaurandam, & ad prævertendam fraudem eorum qui domi forisque nummos adulterarunt, optima regni commodo adulteratis nummis permutarunt, probamque pecuniam in exteras regiones exportarunt; necnon ad rerum venalium pretia laxanda quæ admodum intendebantur, summo cum Reipublicæ detrimento, & inprimis stipendiariorum, militum, seruatorum, & omnium qui diurna pro labore accipiunt. Et hoc quidem intra paucos menses foeliciter sine motu præstitit, primùm prohibendo ne quis probam aut æratam monetam eliquando dissolveret, aut regno eveheret, deinde æratam ad suum valorem vocando, scilicet æratum denarium ad obolum cum quadrante, nummum duorum denariorum ad tres obolos, *Testonum* sex denariorum ad quatuor denarios, alios *Testonum* ad duos denarios & quadrantem, nec enim plus argenti inerat. Demùm eandem, si intra statutos dies in officinam monetariam inferatur, proba pecunia à possessoribus non sine suo dispendio redimendo: vt Elizabethæ acceptum referatur, quod probior & purior fuerit in Anglia pecunia, quàm totis ducentis ante annis visa, aut alibi per Europam in vsu. Pauloque post probam pecuniam, quam *Sterlingam* vocamus, pro Hiberniæ Regno procudit, eo valore, vt solidus x i i. denarios in Hibernia, & i x. in Anglia valeret. Magnum sanè hoc & memorandum, quod nec Edwardus Sextus potuit, nec Maria ausa, postquam Henricus v i i i. pecuniam

M. D. LX.

*Pecuniam ad
suum valo-
rem reducit.*

*Quam Hen-
ricus VIII.
corruptat.*

M. D. L X^o.*Eius luxur.**Huntingdonia Comes obit.**Shamus O-Neal in Hibernia tumultuatur.*

am primus Regum Angliæ subarauerat, magno regni dedecori, successorum, populiq̃ue damno, & insigni luxur atque profusionis exemplo, cū plures illi opes pater reliquerit, quā quivis alter Rex Angliæ successori, plurimas ex tributis exegerit (nec tamen Polo Cardinali credamus, qui prodidit plures quā omnes Reges à Normannicæ victoria exegisse) infinitasq̃ue corraferit, cū Parlamentaria authoritate latifundia omnia in Hibernia quæ Angli absentes tenuerunt, omnes Ecclesiasticorum Beneficiorum Primitias, & Decimas in Anglia & Hibernia, omnes Monasteriorum redditus, donaria, & bona sibi arripuisset.

Supremus hic annus fuit Francisco *Hastings* Huntingdoniæ Comiti ex hac stirpe secundo, qui ē Catharina Pola filia Henrici Baronis *Montisacuti* fratris Reginaldi Poli Cardinalis, Henricum successorem, pluresq̃ue alios liberos procreavit, fraterno inter se amore, at non religione vnanimes.

In Hibernia *Shamus*, siue Ioannes *O-Neal*, potentissimus Ultoniæ Dynasta, verus & legitimus Coni *O-Neal*, cognomine *Bacco*, i. *Claudi*, (quem Henricus VIII. Comitē Tir-Oeniæ creauerat) filius, cū Matthæum Baronem *Dungannoni* fratrem nothum, legitimum filium falsò creditum, è medio sustulisset, patrem dominatu, qui ex mœrore mox obiit, spoliasset, & barbara electione, calceamento supra caput proiecto, titulum *O-Neal* assumpsisset: veritus ne secum ex lege ageretur, in rebellionem prorupit. Vnde quingenti pedites ex Anglia missi, & alæ Equitum in Hibernia conscriptæ. Sed post levia certamina, cū se Anglorum viribus imparem, suis exosum, & *Surly-boium*, Iacobum *Mac-Conellum*, & *O-Donnellum* in ipsum excitatos videret, à Comite *Kildariæ* affine persuasus, arma deposuit, & in Angliam culpam deprecaturum venire promisit. Quod etiam præstitit, vt suo loco dicemus.

M. D. L X I.

M. D. LXI.



Nno ineunte, Franciscus Comes Bedfordiæ in Galliam missus vt Francisci Regis mortem deploraret, Caroloq; 1x. successori congratularetur, & seorsim & simul cum Throcmortono Scotorum Reginam de Tractatu Edenburgen- si confirmando sæpius frustra interpellavit, quæ nihil aliud respondit quàm de re tanta deliberatè statuendum, se nisi ex consilio procerum Scotiæ nec posse, nec velle confirmare. Throcmortonus tamen eam, Cardinalem Lotharingum, cæterosq; Guisios avunculos, & Iacobum fratrem eius nothum qui recens in Galliam venerat, omnibus quibus poterat rationibus sedulò vrgere minimè destitit. Cum autem contextis excusationibus indies procrastinarent, Elizabetha suspicata illos exitiosa in Angliam meditari, antevertere statuit. Thomam itaq; Randolphum in Scotiam mittit, qui proceres ad mutuam amicitiam, quæ solidissimè religionis vnitæ fundatur, hortaretur, doceretq; Germaniæ Principes in foedus contra Pontificem Romanum coisise, & Elizabetham inprimis optare vt Angli Scotiq; in eodem comprehenderentur. Iam commodissimum tempus adesse (cum Scotorum Regina sit vidua) consopendi omnem inter Anglos & Scotos discordiam, qui multo & mutuo sanguine tot seculis concertarunt: vel ineundo perpetuum cum Anglis foedus, vel amputando huiusmodi pacta ex antiquo cum Gallis foedere, quæ inter Anglos & Scotos discordiam ferere solent. Deniq; vt submoneret Scotos, ne permitterent viduam Reginam alium exterum Principem in virum denuò adsciscere, cuius viribus & eos vl-cisceretur, qui nuperrimè Gallis restiterunt, & libertatem in servitutis periculum revocaret.

Scotorum Regina interim Scotiam cogitans (præmissa d'Oisellio Gallo) Elizabetham rogavit, vt ipsa fide publica per mare in Scotiam trajiceret, & d'Oisellius per Angliam

M.D. LXI.

Scota Tractus confirmationem differt.

Suspicio inde enata. Et Randolphus in Scotiam mittitur.

Scota transitus in Scotiam negatur.

M. D. LXI.

*Illa de hoc
expostulat.*

gliam transfret. Sed Elizabetha, magna adstante multitudine, & hoc & illud omninò negavit, causa addita, quòd illa Tractatum Edenburgensem iuxta fidem datam nondum ratum habuisset. Si ratum haberet, singula promisit, siue per mare, siue per Angliam iter haberet, quæ à Regina, à cognata, & vicina expectari possent. Hac repulsa Scotorum Regina commota Throcmortonum accersijt, quocum longos hac de re habuit sermones, quos summatim ex ipsius Throcmortoni literis hîc inferam (etsi nonnulla iam dicta retexenda) vt initia & progressus simultatum inter maximas & prudentissimas nostri ævi principes clariùs elucescant. Illa arbitris amotis, ita Throcmortonum affatur. *Quæ mea sit muliebris infirmitas, & quò animi æstus abripiat nescio; tot tamen infirmitatis meæ testes adhibere non lubet, quot tua Domina nuper adhibuit, cum D'Oisellium Legatum meum alloqueretur. Nihil est quod me tam angit, quàm quòd ea rogauerim quibus opus non erat. In patriam (Deo fauente) licentia ab illa non petita, redire potero, vt inuito & obstante fratre illius Edwardo, huc veni. Nec desunt amici qui me domum reducere, vt huc deduxerunt, & valent & volunt. At malui eius amicitiam, quàm alterius cuiuscunq; experiri. Sæpius à te audiui amicitiam inter me & illam nostris vtriusq; regnis imprimis esse necessariam. Illa tamen secùs sentire videtur, aliàs in re tantilla repulsam non tuleram. At maiori forsan fauore Scotos mihi rebellantes prosequitur, quàm me Scotorum Reginam, eadem Regiæ Maiestatis sublimitate parem, sanguine coniunctissimam, & heredem certissimam. An tu existimes eam bonam fidem & amorem inter Scotos mihi rebellantes & illam posse intercedere, quæ inter illam & me intercedat? An opinatur me ab amicis destitutam iri? Certè illa me iam eò adegit, vt ab ijs opem petierim, à quibus libens nollem. Nec illi satis demirari possunt, quo consilio illa meis subditis iam pridem opem in me tulit, & nunc viduæ reditum ad meos impedit. Præter amicitiam nihil planè ab illa expeto, nullum illi negotium faceffo, nec rebus Anglicis me interpono. Me tamen haud latet plures esse in Anglia qui præsentibus non acquiescunt. Exprobrat quòd exigua mihi sit experientia. Fateor,*
Expe-

M.D. LXI.

Experientiam ætas adfert. Ætatem tamen eam habeo, ut me erga cognatos & amicos amice, beneuole, & iuste geram, nihilq; in illam effutiam quod Regina & cognata sit indignum. Liceat etiam mihi bona cum illius venia dicere, me perinde ac illam, Reginam esse, nec ab amicis nudam, animumq; non minus excelsum gerere, ut æqualitate quadam nōs inter nos metiri deceat. Sed à comparatione abstineo, cum parum absit à contentione, & inuidia non careat. Quod ad Tractatum Edenburgensem, factus erat Rege marito meo superstite, cui in omnibus pro eo ac debui, mihi obtemperandum erat; & cum ille eiusdem confirmationem distulerit, in illo, non in me culpa resideat. Illo defuncto, Consiliarij Gallie me meis consiliarijs reliquerunt, nec auunculi mei se rebus Scoticis immiscere voluerunt, ne Elizabethæ, aut Scotis offensionem afferrent. Scoti qui mihi adsunt, priuati sunt, nec eiusmodi, ut eos in consilium de rebus tantis adhibeam. Quamprimū Ordines regni mei consulero, responsum quod sit rationi consentaneum, reddam, utiq; maturius reddam, iter domum accelero. Illa autem iter intercludere statuit ne reddam; ut ipsa in causa sit quod nōn satisfaciam, aut satisfieri nolit; forsane eo consilio ut nullus sit nobis inter nos discordiarum exitus. Me inuenculam esse quasi probro sæpius obycit & inuenculam sanè inconsultam meritò censeat, si res tanti momenti sine Ordinum consilio tractarem. Mariti factis, ut accepi, vxor nec ex honore, nec conscientia tenetur. Sed hoc non disputo. Verè tamen hoc dicam: Nihil charissimæ meæ sorori feci quod mihi fieri nolim. Omnia summa necessitudinis officia detuli, verum illa aut non credit, aut contemnit. Utinam tam illi essem chara, quàm propinqua, hoc enim pretiosum esset propinquitatis genus. Ignoscat illis Deus, si qui sunt, qui inter nos lites serunt. Tu autem qui Legatus, dic sodes, qua de causa illa in me sit offensior, quæ nec verbo, nec facto hæcenus lesi.

Ad hæc Throcmortonus, Ut respondeam in mandatis non habeo, sed ut audiam quid respondeas de Tractatu Edenburgensi confirmando. Ceterum offensionis causam audire si lubet, deposita Legati persona, paucis explicabo. Statim atq; Regina Domina mea erat inaugurata, in Insignia & titulum Regni Angliæ inuasisi, quod prius Maria regnante non fecisti. Si

K

qua

Throcmor-
tonus respon-
det.

M.D. LXI.

Disceptatio
inter eos
altera.Illa satisfacere
conatur.

qua maior iniuria Principi inferri possit, tu pro prudentia indicaris. Eiusmodi sanè iniuriam privati quidem nunquam conquant, nedum Principes.

At, inquit illa, mariti pater, ipseque maritus hoc voluerunt, hoc iusserant. Ex quo illi diem obierunt, & ego mei iuris facta, Insignibus illis & titulo omnino abstinui. Veruntamen haud scio, an fraudi sit Regina, si ego etiam Regina, cui avia Henrici Octavi soror maior natu, Insignia illa geram, quandoquidem alij genere remotiores gesserunt. Certè Courtenæius Marchio Exoniæ, & Ducissa Suffolciæ Henrici Octavi è sorore natu minore neptis, Insignia Angliæ cum limbis ad differentiam speciali gratia gestarunt.

Cum hæc Elizabethæ non satisfacerent, quæ persuasissimum habuit illam nihil nisi moras in aliquam spem novam interponere, quandoquidem de confirmatione Tractatus nihil Ordinibus Scotiæ proposuerat, qui semel atque iterum à morte mariti convenerant: illa iam in via, iterum Throcmortonum Abbeuillam accersit, ibi comiter percunctatur, quomodo Elizabethæ verbo aut facto satisfaceret? Ratificando, inquit ille, Tractatum Edenburgensem, quod iam toties dixi. Cui illa. *Audiigitur ut dijudices an iustissimæ non sunt rationes quas illa moras, & vanas existimat esse excusationes.* Primus in illo Articulus de ratificando Tractatu ad Castellum Cameracense, inter Angliam & Galliam, nihil ad me spectat. Secundus de ratificando Tractatu ibidem facto inter Angliam & Scotiam, ratificatus erat per maritum & me; nec denno ratificari potest, nisi meo solius nomine concludatur, cum maritus expressè in illo nominetur. Articulus tertius, quartus, & quintus, suam vim iam sortiti sunt. Apparatus enim bellici cessarunt, Galli prædijarij è Scotia sunt reuocati, munimentum ad Aimouth solo æquatum iacet. Insignibus & titulo Angliæ à mariti morte abstinui. Ea ex utensilibus, edificijs, & Diplommatibus per Galliam delere mihi integrum non est; uti nec penes me est Valentia Episcopum, & Randanum qui mihi non sunt subditi, ad disceptationem sexti Articuli in Angliam remittere. Quod ad postremum articulum, spero seditiosos meos subditos de mea inclementia non

con-

conquesturos. Verum quo minus clementiam meam experiantur, illa, ut video, interueniet, quæ reditum impedire cogitat. Quid in Tractatu isto iam restat, quod fraudi sit tuæ Regine? Ut cumulatius tamen satisfaciam, literas vberiores hac de re manu mea scribam, licet illa non dignetur nisi per amanuensem ad me rescribere. Tu autem, Legate, quod Legati est, velim præstes, hoc est, res potius lenias, quam exasperes.

Sed nec literis illis Elizabethæ satisfactum, cuius in animo altè inhæsit iniuria ex titulo & Insignibus arrogatis, & anxie iam sollicita erat ne denuo arrogaret, nisi Tractatus confirmatione, & iurisiurandi religione, ut iisdem abstineret, obstringeretur.

Interim Scotorum Regina idoneam nacta tempestatem, à Caleto soluit, & in Scotiam appulit, prætervecta coelo caliginoso naues Anglicas, quas alij ad eam honoris causa deducendam, alij ad Piratas coercendos, alij ad eam intercipiendam emissas existimabant. Iacobus enim nothus per Angliam nuperrimè rediens intercipiendam submonuerat, si Elizabetha religioni, & suæ securitati consultum vellet. Idem Lidingtonius lætatus D Oiselim in Angliā detineri, suaserit, ne (ut scripsit) illa reuersa tragedias excitaret, omne commercium literarum & nuntiarum cum Anglis intercluderet, factionem Anglis addictam labefactaret, & demum in Protestantes Scotiæ non tanquam in proditores, sed tanquam in hæreticos, perinde ac Maria Anglica non ita pridem, seuiret. Verum enim verò illa reuersa, omni benignitate in subditos vsa, in religione (etsi tumultuose inducta) nihil mutauit, & Rempublicam optimis institutis temperare cœpit. Ad Elizabetham verò Lidingtonium cum suis & procerum Scoticorum literis misit, quibus omne pacis ineundæ, conseruandæque studium detulit, rogauitque ut certa aliqua pacis ratio inter Angliam & Scotiam iniretur; certio rem autem nullam esse, quàm si Elizabetha, modo nullam susciperet prolem, illam authoritate Parliamentaria hæredem in regno Anglico proximè successuram declararet.

Hoc novum Elizabethæ visum, quæ Tractatus Eden-

M. D. LXI.

At frustra.

In Scotiam
redit.

Hæres regni
Angliæ de-
clarari petit.

M.D. LXI.

Elizabetha
respondet.

burgensis confirmationem, chirographo, & verbis promissam expectauerat. Respondit tamen, Quod ad successionem, se sperare Scotorum Reginam sceptrum sibi & liberis, si qui nascantur, non erepturam. Iuri eius ad Angliæ sceptrum nihil se derogaturam spondet, quanquam illa Angliæ titulum & Insignia præpropere aliorum ambitione arrogauerit, pro qua iniuria æquum est, vt satisfaciat. Successorem designando veretur ne amicitia potius dissocietur, quàm consolidetur, quandoquidem dominantibus successores semper sint suspecti & inuisi, populus, qua est inconstantia, præsentium fastidio Solem orientem respiciat, occidentem deserat; ipsiq; successores designati intra æqui boniq; terminos suas & aliorum spes prauas cohibere haudquaquàm possint. Adeò vt si successionem illi confirmaret, securitatem sibi præcideret, & sepulchrale linteum ante oculos viuæ proponeret, imò sibi viuæ videntiꝫ funus duceret.

Tractatus
confirmatio-
nem urget.

Postquàm hæc respondisset, iterum literis ad illam datis per Petrum Mewtas, blandè admonet vt Tractatum confirmaret. Nec illa directè negauit, non tamen commodè posse innuit, donec res Scoticæ constituerentur. Interea Elizabetha illius avunculos, Aumalium scilicet, Magnum Priorem, Albeufium, & alios nobiles Gallos, qui illam in Scotiam deduxerant, per Angliam redeuntes, nullo non humanitatis genere benignissimè excepit.

Guissos be-
nignè excipitIlli Anglos
durius.Excommuni-
cationem ur-
gent.

Nihilominus Angli Mercatores, Guisio authore, in littore Armoricano navibus direptis indignè tractantur, & de Excommunicatione in Elizabetham effulminanda Romæ iterum tectè agitur. Pius autem IIII. Pontifex Rom. mitius cum ea agendum censuit. Ille enim literis blandis, vt dixi superiori anno, egit, & nunc cum ad discidia in religione tollenda Concilio Tridentino quondam inchoato, & crebris bellis interrupto, diem dixisset, omnesque Principes etiam à Pontificia religione aversos eò allectaret, Abbatem Martinegi in Angliam cum literis amore plenissimis destinavit. Ille autem in Belgio substitit, veniamque vt in Angliam admitteretur rogavit. Lege enim antiqua cautum erat, ne Pontificis Nuntij Angliam (nisi prius venia impetrata) ingrederentur, iuramento

Papa Anglos
ad Concilium
Tridentinum
allectat.
Eius Nuntio
aditus in
Angliam ne-
gatur.

iuramento etiam præstito, ne quid in Anglia molirentur, *quod fraudi sit Regi, aut regni libertati.* Consiliarijs verò Angliæ minimè tutum visum erat, eum admittere, cum tot vndique Pontificiæ religioni innutriti rebus turbandis domi forisque sedulò incumberent. Cum Abbati illi in Angliam trajcere non permetteretur, Episcopus Viterbiensis Pontificis apud Gallum Nuntius cum Throcmortono studiosè egit vt Elizabetha suos Oratores ad Concilium mitteret, suadentque literis plures Orbis Christiani Principes, Gallus, Hispanus, Lusitanus, Henricus Cardinalis Lusitanus, & maximoperè Dux Albanus (cuius adhuc impensa in eam voluntas) vt Oecumenico Concilio Tridentino potius in re religionis, quæ vnica Christianorum anchora, & regnorum fulcrum, acquiesceret, quàm privatis paucorum quantumvis eruditorum opinionibus. Respondet illa, se ex animo Concilium Oecumenicum optare, ad Pontificium non missurum, nihil sibi cum Romano Pontifice esse, cuius authoritas ex Anglia Ordinum regni consensu profligata erat. Nec illius esse, sed Imperatoris, Concilia indicare; nec maiorem in eo authoritatem, quàm in quovis alio Episcopo se posse agnoscere. Quo tempore huic Abbati postremo Pontificum Romanorum in Angliam Nuntio accessus erat negatus, eodem Edwardus Carnus, iam antea dictus, vir prudens, & iure Cæsareo eruditus, qui Equestri dignitate à Carolo Quinto Imp. donatus, & postremus Regum Angliæ apud Pontifices Orator, ex hac vita Romæ emigravit.

Chamberlanus Anglicus in Hispania Legatus cum Hispanum ex hoc responso vt cum Pontificis iniuria coniuncto, animo indies magis magisque alieno sentiret (ille enim Francisco Gallorum Rege defuncto, metu iam solutus, ne Anglia, Scotia, & Hibernia in Galli potestatem redigerentur, Anglos negligere cœpit) bona cum venia domum redijt. In eius locum Thomas Chalonerus suffectus, qui quamprimùm in Hispaniam appulit, homo iniuriarum impatiens, & apud Germanos subinde

M.D. LXI.

*Ius Concilij
convocandi
non Papa
esse.*

Carnus obit.

*Hispanus of-
fensor.*

M.D. LXI.

*Legato quo-
usque iniuria
ferenda.**Elizabetha
bello necessa-
ria parat.**Ad hac eris
vena reperta.**Et lapis Ca-
laminaris.**Stipendia
praefidiarijs
auget.
Berwicum
munit.**Classem ap-
parat.**Angli naues
aedificant.*

inde Legatus, nihil nisi humanitatem expertus, datis li-
teris vt revocaretur vehementius contendit, eò quòd
(pro more regionis) arculae eius excuterentur. Verum
monuit Elizabetha Legato omnia æqui boni ferenda,
dummodò Principis honor non directè violetur.

Iam illa consultrix & provida fœmina (religione quo-
dammodo constituta) vt remedia ad vim compararet, &
suæ suorumque securitati prospiceret, paceque placidius
frueretur, quamvis ærarium exhaustum invenerit, arma-
mentarium omni bellico apparatu instruere incipit, ma-
gna vi pecuniæ in arma & tela per Germaniam impensa;
cum ea de quibus Antuerpiæ contraxerat, Hispanus de-
tineret: Maiora tormenta ex ære & ferro fundit plurima,
ærisque puri & nativi venam opulentissimam diu negle-
ctam divinum numen (quasi incepto faveret) iuxta
Keswicum in Cumberlandia aperuit, quæ illi vsui abundè
sufficit, & alijs etiam regionibus æs suppeditat. Lapis
etiam Calaminaris, qui ad æraria opera inprimis neces-
sarius, nunc primum in Anglia (propitio Dei favore) co-
piosè inventus: & pulverem tormentarium (ne prece &
precio à vicinis emeret) domi confici prima curavit. Præ-
sidio Berwici quod prius quingentis constabat militi-
bus, plures auctioribus stipendijs addidit vt veteranis &
viris bellicosus prospiceret. Berwicum oppidum magna
munitionum mole armare cœpit, & brevi tempore effe-
cit. Viros nobiles & prudentes ad munimenta, intra xx.
mill. pass. à limite Scotiam versus, instauranda delegat.
Classem ab omni nautico & bellico instrumento appa-
rat, quam Britannia vidit, instructissimam; ad eam tu-
endam propugnaculum in Meadweagi ripa iuxta *Upno-
ram* (vbi statio est) erigit, nautis & classiarijs stipendia ad-
auget, adeò vt naualis gloriæ restauratrix, & *Arctoi Re-
gina maris* meritò ab exteris nominaretur. Neque iam illi
opus erat (vt patri & antecessoribus) naues ex Hambur-
go, Lubecca, Dantisco, Genua, & Venetijs in vsum con-
ducere. Maris etiam accolæ opulentiores Principem ala-
critate quadam imitati, naues bellicas certatim constru-
unt,

unt, adeò vt breui tempore regia cum subditorum classe coniuncta, tam numerosa fuerit, vt x x. c. Io. belligerantium in nauale bellum educere potuerit. Nobiles & plebeij arma non minùs alacri diligentia passim comparant, ita vt armamentaria completissima per nobilium ædes instruerentur. Armilustria etiam creberrima habita, & iuventus ad rei bellicæ scientiam, & dimicandi audaciam sæpenumerò iam inde exercita. Rustici etiam, licentia rem frumentariam exportandi facta, acriùs quàm antea in agriculturam incumbere cœperunt, imò & suprà quàm leges postea latae exegerint, sola quæ ex omni memoria inculta iacuerant, subigendo. Iisdem etiam diebus Regina mercatorum avaritiæ, qui bellica instrumenta Russiæ Imperatori contra Polonos, & Christiani nominis hostibus subministrabant, seuero edicto occurrit: necnon Rationalium auiditati qui pensiones religiosis è Monasterijs eiectis assignatas subtraxerant. Edixit enim vt singulis quos in viuis esse, & non promotos ex certis testimonijs constaret, ad assen numerarentur.

Authoritates siue *Commissiones* ad rem annonariam pro classe, & præsidio Berwicensi exigendam revocauit, pecunia prouisoribus numerata, vt emerent, nec populum gravarent. Cogitauit etiam illas pro aula Regia tollere, nonnullis Comitatus postea consentientibus iusto pretio præbere, vt ab exactoribus siue *Prouisoribus*, malefico hominum genere (quos illa Harpyas dixit) liberarentur. Per hoc etiam tempus, ni malè memini, Iustitiarijs ad *Assisas capiendas* stipendia adauxit, atq; viaticum primùm concessit. Et quamvis ad rem attentior, novit tamen ubi, quantum, & quando liberalitas exercenda, benè meritis sanè providè benefica. Cum enim Henricus pater licèt tres liberos haberet, multa è Regio *Domanio* profusè elargiretur; Edwardus etiam & Maria, cum liberos non haberent: illa licèt nullos haberet, paucissima è *Domanio* donavit, nec quicquam aliud ferè nisi ea cautione, vt masculis deficientibus, ad Coronam reciderent. Quo nomine & regnum & successores hanc providam curam grata memoria prosequi debent.

Op-

M.D. LXI.

Arma comparant.

Agriculturam acrius exercent.

Edictum in gratiam Poloni. Et religiosorum.

Commissiones Prouisorum revocata.

Stipendia Iustitiarijs aucta.

Prouida Regina curat.

M. D. LXII

Templum
Paulinum
deflagrat.

Optimis his Reginae & populi studiis, dum respublica communi omnium laetitia reviviscere videretur, hoc triste intervenit. Pyramis pulcherrima Cathedralis Ecclesiae S. Pauli Londini, quae singulari urbis ornameto in suspiciendam edita altitudinem, D. XX. scilicet pedes à solo, & C. C. LX. à turre quadrata, cui imposita erat, è materia lignea plumbo vestita, de coelo propè fastigium tacta deflagravit, tantaq; violentia magno civium terrori vorax ignis descendit, ut totam vna cum tectis Ecclesiae illius longè amplissimae omnibus, quae plumbo etiam obrecta, quinque horarum spatio penitus hauserit, fornicibus tamen (qui è saxo solido) integris. Munifica autem Reginae benignitate quae vim magnam pecuniae, materiamq; largè suppeditavit, & collatitia Ecclesiasticorum atq; aliorum stipe tecta brevi tempore instaurata sunt, pyramis solummodò desideratur.

Bathonia
Comitis
obitus.

E vita hoc anno emigravit Ioannes Bourchierus, vir antiquae nobilitatis, secundus huius cognominis Bathoniae Comes, & Baro Fitz-Warinus, qui ex Eleonora filia Georgij Baronis Rosi numerosam progeniit sobolem. Successit è filio primogenito nepos Guilielmus adhuc superstes.

M. D. LXII.

Primum
bellum civile
in Gallia.



Motus iam in Gallia exardescere coeperant, dum in minori Caroli Noni aetate privatae Principum aemulorum ambitioni speciosum religionis nomen utrinque praeponderaret, & reformatae religionis cultores gravissimè premerentur. Cumq; inde Pontificij in Anglia nescio qua vana spe Protestantes itidem in Anglia opprimendi, multa & magna per circulos occultis colloquijs mussitarent, omnia suspicionibus erant plenissima. Margareta Comitissa Lenoxiae, Henrici VIII. è sorore maiore neptis Richardo Sackvillo, maritusq; Comes Lenoxiae, qui cum Regina

Lenoxia &
maritus cu-
stodia dati.

gina Scotorum literarum commercium occultè habuit, Custodi Rotulorum in custodiam traditi, & aliquandiu detenti. Arthurus Polus & frater pronepotes Georgij Ducis Clarentiæ fratris Regis Edwardi IIII. Antonius Fortescuus qui eorum sororem duxerat, & alij in iudicium tracti, quod conspirarint ad Guisium in Galliam se subducere, inde cum exercitu in Walliam redire; Scotam Angliæ Reginam, & Arthurum Polum Clarentiæ Ducem declarare. Quæ singula pro tribunali ingenuè sunt confessi, protestati tamen non hæc suscepturos, Elizabetha superstitite, quam anno vertente morituram illicitis ariolorum artibus seducti crediderant. Vnde capitis damnati, vitæ tamen ob regij sanguinis reverentiam parcitum. At seuerè, vt multi existimarunt, cum Catharina Greia Henrici Greij Ducis Suffolciæ filia, quæ Reginæ agnatione multò propinquior, actum. Illa enim Henrici VIII. ex altera sorore proneptis, Henrico filio natu maximo Comitis Penbrochiæ enupta, & mox legitime repudiata, diu neglecta, iam grauida & ad pariendum vicina in arcem Londinensem conijcitur, professsa se cum Edwardo Seimoro Hertfordiæ Comite legitimo matrimonio nexu coniunctam esse, & ab eo grauidatam. Ille e Gallia revocatus quo animi gratia, bona cum Reginæ venia profectus erat, idem palam professus, in eadem arce conditur. Archiepiscopus Cantuariensis, & alij ad causam cognoscendam & determinandam, omni appellatione remota, delegantur. Cumq; testes matrimonij intra præscriptum tempus producere non posset, definitiva sententia ab Archiepiscopo pronuntiatur, illum illicitam & illegitimam carnalem copulam cum illa habuisse, & pro huiusmodi excessu & illum & illam debite puniendos. Hanc sententiam vt iniustam, iniquam, & nullam Ioannes Halesius homo opinosissimus, sed eruditione multiplici impugnavit, eos legitimos esse coniuges ex solo ipsorum consensu argumentatus. Vnde & ille in custodiam datus. Illa mox filium primogenitum in carcere peperit, posteaq; & alterum, corruptis custodibus, ex Hertfordio

M.D. LXII

Poli in iudicium vocati.

Catharina Greia incarceratur.

Et Hertfordia Comes.

Sententia in eos.

M.D. LXII

*Ille multatur.**Illa moritur.**Guisy in Elizabetham
machinantur**H. Sidneius
in Galliam
missus.**Et in Scotiam.*

progeniuit, quod Edwardus Warnerus arcis Praefectus quasi conscius luit, loco emotus custodiaeque traditus. Et ipse Hertfordius in *Camera Stellata* triplici de crimine accusatur, quod Virginem Regia stirpe natam in Regia vitiat, carcerem effregerat, & iterum compresserat. Ille protestatus se matrimonium cum ea legitime contraxisse, non dissimulauit quin per fores carceris patentes eam adierat ut de sententia pronuntiata merentem solaretur, debitumque coniugale soluisse; Vnde pro singulis criminibus quinque millibus librarum multatus, & novem annos in custodia detentus. Non destitit tamen à Iurisperitis persuasus contra Archiepiscopi sententiam, *Appellationem* interponere & clandestinè continuare, quam tamen his temporibus sponte & publicè renuntiavit. Illa post aliquot annos (ut quæ tempore disparata, hinc semel coniungam) gravi morbo correpta; coram Hoptono Arcis praefecto culpam à Regina, quod matrimonium, ea inconsulta, contraxerat, deprecata, liberosque & Hertfordij libertatem eius fidei obtestando commendans, pie & placidè in Christo obdormivit.

Recrudescente iam in Gallia inter Principes è Regio sanguine & Guisios bello, religionis furore, ut dixi, ad partium firmamentum utrinque quaesito: Elizabetha vereri coepit ne vicini belli incendio Anglia etiam involueretur. Acceperat enim Guisios Antonio Borbonio Navarrae Regi, ut in partes allicerent, Navarrae regnum & Reginae Scotorum connubium, una cum Angliae regno in dotem occultè ostentasse, idque Hispani opibus & Pontificis Rom. autoritate qui matrimonium Navarri cum haeretica uxore dissolueret, simulque Elizabetham ob haeresim regno abdicaret. Hinc illa Henricum Sidneium virum spectatissimum eò misit, ut hæc certiùs edisceret, & ad pacem partium duces hortaretur. Verum eò res devenerat, ut utrinque aures paci occluderent. Sidneius è Gallia reversus, illicò amandatur ad Scotorum Regiam, ut colloquium quod illa cum Elizabetha in Anglia expetierat, in annum insequentem prorogaretur, vel donec bellum Gallicum deferuisceret.

Iam

Iam consultatum an ex usu foret, ut hæ principes in colloquium descenderent. Quod Scotorum Regina prima expetit, suspicione non caruit illam suis commodis seruire, & temporibus insidiari, vel ut ius in Angliam sibi firmaret, vel Pontificijs in Anglia, & Guisjs cognatis in Gallia spem præberet, & animos augeret. Contrà alijs visum erat, hinc firmissimam inter eas amicitiam posse conglutinari, fœdus inter Gallos & Scotos paulatim labefactari, & Scotorum Reginam ad Protestantium religionem prolectari. Alij adnotarunt ex eiusmodi colloquijs semina æmulationis potius, quàm amoris spargi, inuidiosam semper alteri opum & potentia ostentationem esse, præsentiam opinioni, & famæ de corporis pulchritudine, oris venustate, animique dotibus non respondere, & reprehensioni locum alterutri relinquere. Nec Scotorum Regina iam tutum videbatur se Elizabethæ potestati, quacum de regni iure concertauerat, committere. Ancipiti etiam cogitandi cura hæsitauit cum iam audisset Elizabetham à Protestantibus Galliaæ aperte stare, in quam partem propenderet, *Dum secum (ut ipsa scripsit) perpenderet, se paternum genus ex Anglia, maternum è Gallia ducere, in Gallia coronatam Reginam fuisse, & Dotariam esse, in Anglia certissimam esse heredem, & regnum expectare; plurimum se auunculis in Gallia, qui educarunt, debere, plurimum etiam amori sororis Elizabethæ velle debere.*

Timuit tamen, qua fuit perspicaci intelligentia, ne si ad amicitiam arctiorem cum illa se applicaret, malam gratiam à Rege Galliarum iniret, à Guisjs avunculis destitueretur, pecuniamque è Gallia dotalem amitteret, dum certum Gallorum amorem incertæ Elizabethæ amicitia posthaberet, quæ (ut ipsius verbis utar) *personam non transgreditur.* Hinc colloquium de quo pluribus mensibus agitatum, etiam articulis propositis, tandem in nihilum recidit, maximè cum illa datis literis omnino interuifere recusauerit, nisi hæres regni Anglici Parliamentaria autoritate designaretur, aut in filiam ab Elizabetha adoptaretur, ad certissimam pacem, & unionem reg-

M.D.LXij.

*De colloquio
cum Scota
deliberatur.*

*Quæ etiam
dubitat.*

*Nisi certis
conditionibus*

M.D.LXij.

Card. Lotharingus nuptias Scotiae proponit. Elizabetha deterret.

norum toties expetitam, fundandam. Hæc si concederentur, se Elizabethæ deuotissimam futuram, etiam Guisij avunculis neglectis, pollicetur. In his etiam literis innuit se vehementius hæc vrgere, quod accepisset nonnullos occultè cogitare de alio successore subornando, nec alio quàm religionis nomine, etsi illa Protestantium in Scotia toleraret religionem.

Verùm cum Cardinalis Lotharingus eodem tempore ageret cum Ferdinando Imperatore vt illa nuberet Carolo Archiduci filio, qui Elizabethæ nuptias tunc ambiuit, Elizabetha per Thomam Randolphum denuntiavit, si Cardinali capitali Anglorum hosti de illis nuptijs auscultaret, & amicitiam inter Angliam & Scotiam posse dissolui, & forsitan spem regni Angliæ intercludi. Quæ ne excideret, amicè monuit vt eiusmodi maritum in Anglia deligeret, in quo ipsa sibi in primis placeret, deinde suis, & Anglis in pace colenda satisfaceret, sibi quæ viam ad successionem certam in Anglia præmuniret, quæ declarari non possit, nisi prius constaret, quem in maritum illa adscisceret.

Pactum cum Protestantibus Gallie init.

New hauen.

Rationes pacis reddit.

His curis etsi Elizabetha non nihil suspensa, tota tamen in Gallicum bellum ne è Normannia Angliam afflaret, fuit intenta; & post maturam deliberationem, subditos Regis Gallie in Normannia opem implorantes, in patrociniū recipit, pactione cum Principe Condæo, Rohano, Colinio, & alijs confecta, vt illis c. millia Aureorum numeraret, VI. C. I. militum in Galliam transmitteret, quorum III. C. I. ad Diepam, & Rothomagum defendenda adhiberentur. Illi autem Franciscopolim ad Sequanæ ostium à Rege Francisco Primo constructam, quam Angli *Novum Portum*, Galli *Portum Gratia* vocitant, in cautionem traderent, quam III. C. I. præfidiarij Angli Regis Gallie nomine tuerentur, donec Caletum restitueretur. Ipso die quo hæc pactio inita, illa rationem consilij sui edito scripto explicat; Nimirum se in Normanniam exercitum mittere, non vt prouinciā illam auitum Regum Angliæ patrimonium, quo iure,

re, quæue iniuria ereptam recuperaret, sed vt Gallorum Regi ætate nondum adulta conseruaret, & à Guisiorum tyrannide vindicaret, qui in purioris religionis cultores immaniter sæuire, ipsam suo in Caletum iure iniuste spoliare, & iam Normanniæ portus occupare incoeperant, vnde Angliæ proximæ imminerent, quam iam spe deuorarent. Adeò vt illorum conatibus non posset non obuiam ire, nisi Regi iuueni, fratri, & confœderato, eiusque subditis oppressis deesse, orbis Christiani tranquillitati inuidere, quodque maximum, suam religionem, securitatem, & salutem ignauè prodere videretur. Cùmq; Paulus Foixius Galli Orator in Angliâ apud illam ageret, vt Carnutum Vicedominus, Haijus, & alij qui pacti-
oni subscripserant, quasi patriæ proditores ex Castelli Cameracensis Tractatu, Regi dederentur; literis ad Regem excusauit, culpamque ab illis in turbida Guisiorum ingenia reiecit, qui Regis patrem, fratrem, & eum ipsum bellorum turbine inuoluerant.

Mense Septembri exercitus Anglorum pars altera ad Franciscopolim appulit, Adriano Poiningo ductore, qui Marefcallus designatus, & ab incolis lætanter admissa. Altera pars ad Diepam. Comes Warwici, qui exercitui præfectus, seriùs Franciscopolim aduenit, aduersantibus ventis bis in Angliam reiectus. Excursiones deinde nonnullæ in agrum vicinum factæ, ad quas prohibendas Rhingrauius propiùs accessit, & castrametatus est. Angli & Galli nihilominus leuia certamina subinde seruerunt, & classarij toto mari prædantes opima spolia intulerunt, naues Gallicas è vicinis stationibus indies abripi-
entes.

Vitam hoc anno naturæ reddidit Ioannes *Verus* Comes Oxoniæ ex hac illustri prosapia decimus-sextus, qui ex vxore priore filia Radulphi Neuilli Comitis Westmorlandiæ Catharinam Edwardi Baronis Windesforij coniugem tulit, ex secunda Margareta Goldinga Edwardum Oxoniæ Comitem, qui patrimonium profligauit, & Mariam Peregrino *Berty* Baroni Willoughbæio enuptam.

M.D.LXij.

Gallos profugos excusar.

Milites in Galliam mittit.

Oxonie Comes.

Ex

M.D.LXij.

*Shannu O-
Neal in An-
gliam venit.**Causam su-
am defendit.*

Ex Hibernia iam venerat Shannus *O-Neal*, ut quod ante annum promiserat, præstaret, cum securigero *Gallaglassorum* satellitio, capitibus nudis, crispatis cincinnis dependentibus, camisijs flauis croco, vel humana vrina infectis, manicis largioribus, tuniculis breuioribus, & lacernis villosis: quos Angli non minori tunc admiratione, quam hodie Chineses & Americanos, prosequerantur. Ille omni cum humanitate exceptus, & ad Reginae pedes prouolutus, rebellionis crimen eiulando confessus veniam impetrauit. Comiter interrogatus quo iure Hugonem Matthæi fratris filium auita hæreditate excluderat, ferociter respondit, ut iam antea in Hibernia, optimo. Scilicet, se certum & legitimum Coni filium & hæredem, utique ex vxore legitima natum, paternam adiisse hæreditatem, Matthæum fabri ferrarij Dundalkiensis fuisse filium, à fabro genitum, natum post nuptias eiusdem cum Alifona vxore, à matre tamen pro filio Cono subdolè obtrusum, ut hæreditatem & dignitatem *O-Neali* interuerteret; quod licet ille pateretur, alium tamen neminem ex *O-Nealorum* familia vnquam perpeffurum. Cessionem quam pater Henrico v i i i. & redhibitionem quam ille eidem per Diploma fecerat, instar nihili esse, cum Conus nihil iuris haberet in ijs quibus cesserat, nisi ad vitam suam; nec sine consensu procerum & populi à quibus ad *O-Neali* honorem electus erat, cedere potuisse. Diplomata etiam eiusmodi nihil valere, nisi certus familiæ hæres iureiurando x i i. virorum prius comprobetur; quod hac in re minimè factum. Se verò iure diuino & humano certum esse hæredem, primogenitum scilicet patris legitimo matrimonio procreatum, atque vnanimi procerum populiq; consensu *O-Neal* designatum ex patria *Tanistria* lege, qua vir matura ætate puer, & patruus illi nepoti, cuius auus patri superuixerit, præferendus. Nec quicquam authoritatis in Ultoniæ procures sibi arrogasse, quam maiores retroactis temporibus, ut prolatis tabulis probare poterat, iure suo exercuerant. Sed de his alibi dixi. Quæ cum fidem apud Regiam

Reginam invenissent, ille cum honore domum remis-
sus, contra prædones Hebridianos strenuam & fidelem o-
peram aliquandiu nauavit.

M.D.LXIIJ
Domum re-
mittitur.

M. D. LXIII.

Mense Ianuario regni Ordines Westmonaste-
rij convenerunt, legesq; salutes tulerunt ad
pauperes sublevandos, rem nauticam, & a-
griculturam adaugendam, erroneos, falsarios,
nummorum adulteratores, hariolos, Necromanticos
Sodomitas, periuros coercendos, Biblia sacra, & Litur-
gias in Cambro-Britannicam linguam convertenda. Nec
non ad Reginæ regniq; maiestatem conservandam, &
detrimenta cum dedecore, quæ ex usurpata Pontificis
Romani autoritate obvenerunt, avertenda: atq; ad pro-
rumpentem eorum, qui eandem propugnant, audaciam
comprimendam, eos læsæ maiestatis reos esse sanxerunt,
qui scripto, typis, verbo, factovè externi cuiuscunq; Prin-
cipis, Prælati, aut *Status* auctoritatem in Spiritualibus in
Anglia vel alijs Reginæ ditionibus tertio asseuerabunt,
quiq; iuramentum de suprema Reginæ in causis Spiri-
tualibus, vel in personas Ecclesiasticas potestate secundo
oblato recusabunt. Ita tamen, ut neq; sanguis corrup-
tatur, nec bona fisco cedant, nec hoc iuramentum ab ali-
quo regni Barone, aut eminentioris dignitatis (cùm de
fidei eorum obsequio Regina minimè dubitaret) exigat-
ur, nec ab alio quopiam, nisi qui est, erat, aut erit ex ordine
Ecclesiastico, aut munia Ecclesiastica nunc gerit, gerebat, aut
geret: aut moniti ritus Ecclesiæ Anglicanæ non observabunt, aut
eosdem verbo aut facto publico depravabunt, aut Missas celebra-
bunt, vel audient, & cætera, quæ in lege videre est. Ordi-
nes præterea temporum foelicitati congratulantes, Regi-
næ ob religionem reformatam, pacem restitutam, An-
gliam cum Scotia ab externo hoste liberatam, pecuniam
repurgatam, classem restauratam, apparatus bellicum
&

Parlamen-
tum habetur.

Leges lata.

M.D.LXiiij

Quindena
& Decima.

Subsidium.

Throcmor-
tonus captusAngli auxi-
liares in
Gallia.Elizabetha
Hispanum
de auxilijs in
Galliam mis-
sis docet.Quid ille re-
spondet.

& nauticum supra expectationem comparatum, & lau-
datum in Gallia inceptum ad securitatem Angliæ, iuve-
niq; Galliarum Regi præstandam, atq; Caletum recupe-
randum, concesserunt Ecclesiastici vnum *Subsidium*, Lai-
ci itidem alterum cum duabus *Quindenis*, & *Decimis*.
Quindena & Decima (vt in exterorum gratiam adnotem)
taxatio certa est, olim imposita singulis Civitatibus, Bur-
gis, & Oppidis non viritim, sed generatim pro ratione
decimæ-quintæ partis facultatum locorum. *Subsidium*
vocamus quod singulis capite census viritim pro ratione
bonorum & agrorum imponitur. Verum nec hæc, nec
illa taxatio vnquam imponitur nisi ex Ordinum consen-
su in Parlamento.

Interim Princeps Condæus dum ad auxiliares Anglos
in Normania festinato itinere contendit, memorabili il-
lo Druidensi prælio interceptus, à Guisio captivus abdu-
citur, & vnà inter alios Nich. Throcortonus, qui sponte
à Protestantibus antea captus (vt occulta quædam confi-
lia cum illis communicaret) prælio interfuit. Ille autem
paulò post dimissus, pecuniam pactam Colinio represen-
tavit, qui cum auxiliaribus Anglorum cohortibus ad
Castrum Cadomense quòd tunc obsedit, profectus, eo-
rum ope Cadomum, Baiotassas, Falesiam, & S. Laudi
Fanum ad deditionem facilius adegit.

Dum hæc in Gallia geruntur, Elizabetha per Chalo-
nerum in Hispania Legatum Regi significat, se exercitum
in Galliam transmisisse, vt Guisys in ipsam insultantibus,
& exitiosa meditantibus tempestiuè occurreret, prius-
quam in Angliam bellum transferrent; & Franciscopoli-
m in manus traditam detineret, donec de Caletum satis-
fieret. Respondet ille, Si Caletum tantummodò repeta-
tur, hoc se primis votis optare, sin religionis causa bellum
suscipiatur, religionem auitam se non posse negligere:
Quod ad Guisios, quantuli sunt, inquit, illi, vt potentissima
Angliæ Regina ab illis timeat, quibus nulla iam, vt prius, cum
Gallo intercedit affinitas. In Anglia etiam Episcopus A-
quilanus Hispani Legatus Hispanum nec velle, nec pos-
se

se Gallum fratrem hoc bello deferere, sæpiùs Reginae denuntiavit. Cui illa nihil aliud, quàm Adagio illo Anglico respondit. *Sua cuiq; domus tuenda est, & mihi mea.* Nec Hispanum latuit, Reginam, eodem tempore sedulò agere cùm Protestantibus Germaniæ Principibus per Henricum *Knolles*, & Christophorum Montium de Condæo subleuando, & communi religionis causa propugnanda. Vnde & ille infensior causas in eam occultè religionis etiam nomine quæsiuit.

Inter hæc, obsides Galli, qui in Angliam dati pro quingentis millibus *Coronatorum* de Caletò restituendo, cùm omnia ad bellum spectare viderent, fugam adornarunt; sed navem conscensuri, retracti sunt cum Ioanne Ribaldo Nauarcho illo celebri, qui ad eos subducendos in Angliam clam aduenerat. Pax intereà in Gallia inter Regem, & Condæum spe summæ rerum in Gallia administrationis & matrimonij cum Scota lactatum, atq; Protestantes convenit, nulla habita Reginae Angliæ ratione. Qui omnes vno ore protestati sunt, nisi Angli mox Franciscopoli abscederent, pactum in Tractatu Castelli Cameracensis de Caletò restituendo irritum fore, publicaq; præconis voce omnibus Gallis facta erat potestas omnes Anglos invadendi, capiendi, & depradandi dum Franciscopolim tenerent. Eandem potestatem Regina Anglis itidem concessit, vt hostium loco omnes Gallos (præter Londini incolas) haberent, dum illi Caletum detinerent. Hinc incredibile est quanta classe Angli maria invaserint & Gallis præcluserint, imò & Hispanis, vt necessarium fuerit Reginae prædatoriam eorum in Hispanos insolentiam per Legatum excusare, & edicto cohibere.

Warwicensis Franciscopolis Præfectus cùm vacillantem Gallorum incolarum fidem perspiceret, qui iam ex tenui pacis rumore de oppido prodendo, & excludendis Anglis clandestina consilia, & inter se, & cum Ringrauiò qui cum copijs in vicina egit, agitabant; omnes Gallos tam Protestantes quàm Pontificios sine discrimine ex oppido emouet, eorumq; nauigijs manum iniicit, quod

M

æger-

M.D. LXiiij

*Obsides pro
Caletò fugam
adornant.*

Pax in Gallia.

*Protestantes
Galli Anglos
desistunt.*

*Bellum vtrinque
indicitur.*

*Galli incola è
Portu Novo
eiciuntur.*

M.D.LXiiij

*Pro Caletō
offertur.**Pestis inter
milites.*

ægerimè Galli tulerunt quiritantes Anglos non tam afflictorum Gallorum protectionem, quàm loci possessionem cogitare, & eos ut exteris iniquiores fugillarunt. Certè nihil olim Normannos, Aquitanos, Pictones, & reliquos Anglici iuris in Gallia magis abalienavit, quàm quòd eos non alio quàm exterorum loco habuerint. Iam ad oppidi oppugnationem Galli omnia sedulò comparant, simulque Rex & Condæus per Briquemotium & D'aluium de Franciscopoli reddenda solerter in Anglia agunt, nec Regina abnuuit hisce legibus. *Si Hispanus fide iuberet de Caletō ad præfixum tempus restituendo, Tractatus ad Castellum Cameracense interpositis Regis, Reginae parentis & Principum è sanguine Regio iuramentis confirmaretur, singulisq; Gallia Parlamenti comprobaretur, & obsides è primaria nobilitate traderentur.*

Interim Franciscopoli pestis in præsidarios gravissimè grassatur, & è subsidiarijs eò missis ducenti cum ductore Thoma Fincho viro Ordinis Equestris, & duo Baronis Wentworthij fratres naufragio perierunt. Vnde cum spes tenuis esset oppidi retinendi, Thom. Smithus Ordinarius in Gallia Legatus iubetur proponere de restituenda Franciscopoli pro Caletō, utque res, vel Hispano, qui Galli sororem duxerat, arbitro componeretur. Illi autem prorsus abnuerunt, dictitantes *Gallum superiorem agnoscere nullum, nec res suas cuiuscunq; Principis arbitrio permissurum.* Nicholaum verò Throcmortonum cum mandatis & documentis ad hæc missum comprehenderunt, suspicati hominem rebus miscendis gnarum ad turbas concitandas rediisse, causati illum sine fide publica in Galliam venisse, cum tamen & literas fiduciarias, & alias à Gallico in Anglia Legato haberet. Nec audire quidem illum voluerunt, certò persuasi Franciscopolim pestis sæuitia breui expugnata iri. Eò iam accesserat Momorantius Constabularius cum primaria nobilitate, & paulò post ipse Condæus cum flore Protestantium. Anglis mutatam Gallorum Protestantium mentem summo perè demirantibus responsum fuit, non de religione, sed

sed de patria iunctis viribus, pace iam confecta, dimicandum. Tubicinem ad Warwicensem Momorantius mittit, qui deditioem imperaret, ille eum remittit cum Hugone Powletto, qui ostendit Anglos paratos extrema quæque subire, potius quàm Reginæ iniussu locum dedere. Excitatis itaque aggeribus, continuata per plures dies machinarum disposure, ruinis apertis, aquæductibus interclusis, & aqua è fossa quæ mari altior deriuata, expugnationi instant Galli, animosa fide pro viribus obfistunt Angli, pluribus quotidie vi pestis, quàm hostili gladio pereuntibus.

Hæc ut Elizabetha comperit, afflictissimæ suorum forti illachrymans, ne diutius pesti & cædi viros fortissimos exponere videretur, ductorum & militum virtute publico scripto laudata, Warwicensi mandat ut honestis conditionibus cum Gallo de deditioe transigeret, qui Powlettum, Mauritium *Dennis* præsidij Quæstorem, Horseium, & Pelhamum ad Momorantium de deditioe delegat, breuique in has conditiones conuenerunt. *Vt oppidum cum vniuerso apparatu bellico, & nauibus & bonis, quæ ad Gallia Regem eiusq. subditos spectabant, redderetur, maior oppidi turris illico in manus Momorantio traderetur, capti vtrinq. sine pretio dimitterentur, & Angli cum omnibus, quæ ad Reginam & ipsos spectant, liberè intra sex dies, si venti permitterent, exirent.* Obsides dati Oliuarius Manours Comitiss Rutlandiæ frater, Leightonus, Pelhamus, & Horseius. Vltimus mansit Edwardus Randolphus Tribunus militum, qui pietate nunquam satis laudata misellos milites ægros & peste laborantes suis humeris in naues conuehere non destitit. Ita Franciscopolis grauius peste quàm ab hoste oppugnata, Gallis relicta, postquam Angli x i. menses tenuissent. Quo tempore præter gregarios milites, Somersettus, Ioannes Zouchus, Albericus Darcus, Drurius, Entwessellius, Ormesbeius, Vaghanus, Crokerus, Cocksonus, Proudus, Saulus, Kemissius, egregij militum ductores, peste absumpti. Interfecti duo fratres Tremaini, Sanderus, Bromfeldus, machinarum præfectus,

M.D.LXiiij

Obsidentur.

Deditur.

M.D.LXIIJ

*Publica inde
in Gallia la-
tuitia.**Pestis Lon-
dini sanat.**Scota nuptia
denuò propo-
nuntur.**Angla Dud-
leium in ma-
ritum com-
mendat.*

præfectus, Robinsonus oppidi Balliuus, Strangwaius, nauali laude clarus, & Goodalus in cuniculis agendis vir longè peritissimus.

Ob hoc oppidulum receptum Rex Galliarum immortalis Deo gratias publicè egit, Pontificij per Galliam præ gaudio exultarunt, gloriantes Anglos Protestantium eorundem ope è Gallia esse eiectos, à quibus in Galliam vocati, & inde semina diffidij inter Anglos & Protestantes Galliarum sparsa esse. Hospitalius Cancellarius copiosa oratione hanc foelicitatem Gallis congratulatus, vt amplificaret, ex falso rumore retulit Anglicam classem cum auxiliaribus copijs in conspectum oppidi postridiè quàm dederetur, aduenisse; & pronuntiauit Anglos hoc bello iure suo ad Caletum repetendum omninò excidisse. Milites peste laborantes in Angliam reuecti, ita contagiosa lue vim morbi disperferunt, vt vniuersum regnum grauitè affligeret, & vna vrbe Londino quæ cxxi. Parœcijs constat, intra annum xxi. c. i. c. i. c. xxx. plus minùs cadauera elata fuerint.

Cùm bello ciuili in Gallia flagrante, Guisus Reginae Scotorum auunculus cecidisset, dotalis pecunia è Gallia non solueretur, Hamiltonius Dux Castri Heraldi Ducatu exueretur, & Scoti præfectura satellitij in Gallia excluderentur; illa sanè ægerrimè tulit. Cardinalis Lotharingus alter ex auunculis veritus ne hinc illa Gallis relictis, ad Anglorum amicitiam se applicaret, per Crocum iterum nuptias cum Carolo Austriaco, Comitatu Tirolis in dotem oblato, proponit. Illa rem Elizabethæ impertit, quæ per Randolphum, eadem, quæ priùs dixi, de marito adfiscendo monuit, & deinde explicatiùs Robertum Dudleium in maritum commendauit, (cuius vxor Roberti hæres iam pridem præcipitio perierat) promisitque, si illum duceret, eam Parlamentaria auctoritate declarandam esse sororem, aut filiam, Angliæq; hæredem, modò ipsa improles obiret. Quamprimum hoc per Foixium Gallicum in Anglia Legatum Regina parens, & auunculi comperissent, coniugium cum Dudleio adeò dedignati

dedignati sunt, quasi omninò impar, regio genere, regia-
que Maiestate prorsus indignum, vt promiserint non
modò dotalem pecuniam rependendam, sed Scotis om-
nes pristinas libertates, imo & ampliores, si illa in Galli-
ca amicitia firmiter persisteret, & oblatum illud coniu-
gium respueret. Suggesterunt etiam Elizabetham non
feriò, sed simulatè has nuptias proponere, quasi ipsa
Dudleium sibi in maritum destinarat; nec esse cur illa
in Parlamentaria autoritate spem poneret, cùm in An-
glia quod alterum Parlamentum sanxit, alterum refigat.
Præterea Anglorum consilia nihil aliud spectare, quàm
quauis arte ne omnino nuberet, distingere. Hanc tamen
rem illa ad colloquium refert, grauibus molestijs domi
interim conflictata, dum Morauius Archiepiscopum S.
Andreas in carcerem conijceret, quia Missis celebrandis
non abstinuisset, cui veniam lachrymis profusis ægrè ex-
orauit, & feruidi Ecclesiæ Ministri, Morauij autoritate
suffulti, vim facerent impunè Sacerdoti qui Missam in
aula (quod lege permissum erat) celebrarat. Nec tumul-
tuantes illa cohibere potuit, quamuis tota in Reipublicæ
curam incumberet, Amnestiam concedendo, stipendia
Iudicibus adaugendo, salutare leges sanciendo, capitali
pœna adulteris inflicta, & in tribunali sæpè causas audi-
endo, vt æquabili iure summos cum infimis contineret.

Funesto hoc anno magno cum Protestantium dolore
obiit Guil. Baro Greius *de Wilton*, Berwici Præfectus, vir
militari gloria florens, patrimonio admodum acciso ex
grauī redemptionis pretio quod captus in Gallia perfol-
uit: cui in Berwici Præfectura Franciscus Bedfordiæ Co-
mes suffectus.

Obijt etiam non minore Pontificiorum desiderio Al-
uarus à *Quadra* Episcopus Aquilanus Hispani in Anglia
Legatus, qui eorum spes de Romana religione restau-
randa fouerat, & Polos, quos dixi, sibi intimos habuerat.
Vnde adeò suspectus, quasi rebus in Anglia turbandis,
& amicitia inter Reginam & Hispanum discindendæ
totus incumberet, vt Regina de hominereuocando apud
Hispanum

M.D.LXiiij

*Galli disua-
dent.*

*Scoti Regina
sue insultant.*

*Baro Greius
moritur.*

*Et Episcopus
Aquilanus.*

M.D.LXiiij

*Hispanus in
Anglos com-
motior.**Baro Page-
tus moritur.**Summi hono-
rum gradus.*

Hispanum egerit. Ille autem pietatis nomine excusauit, & incommode cum Principibus agi rescripsit, si ex qualibet offensa Legati domum reuocarentur. Indignabatur sanè hunc ipsius Legatum, ipso inconsulto, fuisse domi conclusum, interrogationibus subditum, & publicè reprehensum, nec alia de causa, quàm quòd Italum qui in alterum bombardulam disploserat, in ædes fugientem admiserat, & clam emiserat. Iam inde Hispanus in Anglos commotior erat, arrepta occasione quòd Angli piratæ Gallos in ora Hispaniæ infestarent, & nauigationem in Indiam occidentalem cogitarent: iramque conceptam manifestò prodidit Richardum Shelleium Anglum religionis nomine profugum auersissimo à suo Principe animo honorifica legatione Maximiliano Romanorum Regi designato, congratulatum mittendo, & in quasdam Anglorum mercatorum naues in Boeticæ portibus manus iniijciendo, quia Angli dum Gallos persequerentur, Hispanorum naues intercepissent.

Vitam etiam cum morte commutauit hoc anno, ætate iam ingrauescente, Guilielmus Baro Pagetus, quem ad amplissimos honores sua virtus extulit; præclara enim eruditione & prudentia meruit, vt Henricus vii. in Secretarium adsciuerit, Legatum ad Carolum Imperatorem, & Franciscum primum Galliarum Regem miserit, & inter regni curatores tenella filij ætate nominauerit; Edwardus Sextus Ducatus Lancastriæ Cancellarium, Aulæ Regiæ Censorem siue *Contrarotulatorem* constituerit, ad Baronis honorem euexerit, & Georgiana periscelide donauerit, (quam tamen Dudleius Northumbrius ignominiosè detraxit, & Maria, cum honore vt *prudencia & consilio optimè de Repub. promerito*, restituit) Custodiæque Priuati Sigilli præfecerit, qui inter summos ciuiliū honorum gradus quartus. (Henricus enim viii. ex lege Parlamentaria primum locum Cancellario, secundum Thesaurario, tertium Regij Consilij Præsidi, & quartum Priuati Sigilli Custodi detulit, & supra quidem omnes Duces, Regum filijs, fratribus, patruis & nepotibus

tibus exceptis.) Elizabetha negotijs iam præ ætate impar-
rem, publicis curis, quod expetijt, laxavit, charissimum-
que habuit, licet Romanæ religioni deditissimum. Filios
reliquit Henricum, & Thomam qui invicem in Baronis
honore successerunt, & Carolum sæpius dicendum, filias
etiam aliquot in elariores familias elocatas.

Illum ad meliorem vitam comitatus est Henricus
Manours, siue *de Manerijs* Rutlandiæ Comes, Thomæ
primi ex hac familia Comitis filius, Georgij Baronis
Roos, nepos ex filia Thomæ à * *S. Leodegario*, Annæq;
vxo-
ris quæ soror Regis Edwardi Quarti plurimum splen-
doris attulit, & pronepos Roberti, qui ducta filia & hære-
de perantiqui Baronis *Roos* opimos redditus, & titulum
Baronis *Roos* in familiam intulit. Progeniit Henricus ex
Margareta Neuilla Radulphi Comitis Westmorlandiæ
filia, duos filios, Edwardum & Ioannem suo ordine Rut-
landiæ Comites, & filiam Guilielmo Courtenæio de
Pouderham enuptam.

Miseram etiam vitam exiit Francisca Ducissa Suffol-
ciæ filia Caroli Brandoni Ducis Suffolciæ ex Maria altera
Henrici Octavi sorore, & Dotaria Galliæ Regina, cum
primùm Ianam filiam Reginam Angliæ promulgatam,
& paulò post capite obtruncatam, mox maritum suum
eodem supplicio sublatum, Catharinam secundam filiam
Comitis Penbrochiæ filio nuptam, repudiatam, & iam
carcere conclusam, Mariamq; filiam tertiam impari con-
iugio cum Keio * aulico aleatorum arbitro coniunctam
vidisset, & ipsa generis oblita Adriano Stokes minorum
gentium nobili, suo dedecori, sed tamen securitati, nup-
sisset.

M.D.LXIIJ

Comitis Rut-
landia obitus

* *St. Leger*,
siue *Sellen-*
ger.

Et Ducissa
Suffolciæ.

* *Groom-Por-*
ter.

M. D.

M.D.LXIV

M. D. LXIIII.

GAllia iam exultabat domestica pace recuperata, quam quodammodo Regina Angliæ debebat. Eam enim libentius inter se conciliabant, ut influentibus Anglis viam obstruerent, non immemores quantas olim strages dederint, à Burundo ex privata similitate in Galliam euocati. Cum hinc inter Gallos & Anglos potius belli ardor restrinctus, quam pax coaluerit, Regina à Protestantibus Gallis male gratis neglecta, statuit non amplius rem alienam suo periculo curare, sed deliberatè ad pacis cogitationem se recepit, quam per Thomam Smithum virum prudentem & apprimè eruditum tentauit, & Galli perlibenter audierunt. Throcmortonus, qui libera quasi custodia in Gallia tunc egit, illi in pace procuranda adiunctus. Gallia Moruillerio Episcopo Aurelianensi, & Iacobo Burdino à secretis rem commisit, qui in has pacis leges Tredecis Campaniæ mense Aprili consenserunt. *Neuter inuadet alterum: Inuadenti alter non auxiliabitur. Priuatorum facta solum eos tenebunt. Commmercium liberum erit. Proditores & rebelles non recipiuntur. Literæ Reprisalium non conceduntur. Iniuriæ obliuione sepelientur. Reseruatio iurium, Iura, Actiones, Petitiones, Prætensiones quæ inuicem respectiue habent, aut habere prætendunt, remanebunt eis saluè & integrè, & pari modo Defensiones & Exceptiones reseruabuntur.* Postridiè seorsim de his convenerunt. *Certa pecunia summa statis temporibus Reginae rependetur, obsides ex Anglia D C XX. millibus Coronatorum numeratis, liberabuntur, & Throcmortonus liber in patriam post fæderis confirmationem reuertetur.* Lætitiâ ex hac pace Gallus accensis publicè pro more pyris testatus est. Eam Regina Angliæ coram Gonoro & Foixio iureiurando confirmauit, & paulò post Gallus itidem coram Barone Hunsdonio, qui cum in Georgianum Ordinem adscitum eodem tempore periscelidè, trabea honoraria, torque rosato cum S. Georgij imaguncula dependente & cæteris ritè inuestiuit.

Diegus,

*Pax inter
Gallum &
Anglam.*

*Pacis Arti-
culi.*

*Gallus in
Ordinem
Garterij
adscitus.*

Diegus, siue Didacus Gusmanus de Sylua, Canonicus Toletanus, his diebus in locum Episcopi Aquilani, qui ante aliquot menses obierat, Legatus in Angliam venit grauitate & Sacerdotali habitu venerandus. Hoc temporis intervallo durius cum Anglis in Hispania, auctore Roderico Gomezio de Sylua, odio religionis actum, sed temperauit Dux Albanus, an studio quod præ se ferebat in Anglos, an æmulatione in Gomezium non facile quis dixerit. Duriter etiam agebatur cum Anglis in Belgicis Hispani Provincijs, dum ex religionis itidem odio Granuellanus Cardinalis Anglos & Belgas mutuo commercio beatos committere studet. Eò enim curante, Belgæ anno superiori per Assonuium querebantur vectigalia solito maiora mercimonijs in Anglia esse imposita (quod tamen Philippo & Maria regnantibus factum) necnon plurima mechanica Belgarum opificia Parlamentaria auctoritate esse interdicta. Querebantur vicissim Angli sua in Belgio bona pro rebus minutissimis confiscari ex auctoritate quorundam novorum edictorum, quibus etiam quædam merces exportari vetantur; transitum per Belgicas Provincias cum equis, nitro, puluere tormentario, ex Italia & Germania prohiberi, grauissima vectigalia, nec prius audita pro cibarijs, anchoris, ædibus, &c. rigidissime exigere; & hæc omnia contra fœdus Commercij (*Intercursum Magnum* vocant) olim initum.

Interea Ducissa Parmensis Belgij Gubernatrix primum vetat materiam prohibitarum in Anglia mercium è Belgio in Angliam euehi, & mox pannos Anglicos in Belgium inuehi, colore quæsito à peste quæ in Anglia nuperimè grassabatur, reuera subdolo Granuellani Consilio, vt pannarij Angli, & qui ab ijs magno numero dependent, ad tumultus concitarentur, cum panni non exportarentur, & res pannaria interim in Anglorum detrimentum in Belgio constitueretur. Angli stomachantes, arrepta hac occasione, quasi ab Inquisitione Hispanica iam in Belgium illata sibi temerent, & tumultus in

N

Belgio

M.D.LXIV

Angli duriter in Hispania habitant.

Et in Belgio.

Querela mutua Belgarum & Anglorum.

Anglica merces in Belgio prohibita.

M.D.LXIV
Angli Empo-
rium Emdæ
constituunt.

Gusmannus
conciliare
studet.

Anglica lana
Vellus Aureū
Burgundie.

Opulentum
inter Anglos
& Belgas
commercium.

Gusmanni
opera restitui-
turus.

Belgio futuros prævidentes, Emdæ ad Amasim fl. in Fri-
sia Emporium pannorum & mercium Anglicarum con-
stituunt. Contrà Gubernatrix Belgij edixit ne quis Bel-
ga commercium cū Anglis Emdæ aut alibi exerce-
ret, aut merces ab ijs emptas in Belgium sub confisca-
tionis pœna importaret.

Hæc vt acria & vtrinq; damnosa censuit Gusmannus.
Vir ille prudens novit quantæ opes ex Anglorum com-
mercio in Belgium redundarint, ex quo Lodouicus *Ma-*
lanus Flandriæ Comes, circa annum M. CCC. XXXVIII.
Anglos immunitatibus amplissimis concessis ad Empo-
rium lanæ Anglicæ Brugis Flandriæ constituendum il-
lexerit. Iam inde enim ex concursu omnium ferè gen-
tium in Flandriam ad pannos ex Anglica lana, aliasque
Anglicas merces emendas, & suas distrahendas, incredi-
bile est quantum res mercatoria, institoria, naualis, & pis-
catoria apud Belgas floruerit. Adeò vt lana Anglica ve-
rum fuerit Belgis *Vellus Aureum*, cui inclytus ille Militaris
Ordo Velleris Aurei, suam originem & Burgundiæ Duces
magnas opes debuerunt. Certè hoc nostro tempore (ex
rationum tabulis loquor) commercium inter Anglos &
Belgas xii. Milliones Aureorum in singulos annos su-
perauit, & panni Anglici (vt plumbum, stannum, & cæ-
tera taceam) Antuerpiam quotannis exportati v. Millio-
nibus Aureorum sunt æstimati. Hinc ille ad rem com-
ponendam enixus, effecit vt commercium interclusum
in pristinum statum restitueretur, & quæcunq; à Calen-
dis Ianuarij anno primo Elizabethæ vtrinq; contrà de-
creta & instituta, suspenderentur, donec à Delegatis v-
trinq; plenius prouideretur.

Anno autem insequente, cū Vicecomes *Montisacuti*,
Nicholaus Woottonus, & Gualterus Haddonus, à Sup-
plicum libellis pro Anglis; Montignius, Affonuilus, &
Ioachimus Egidius pro Belgis hæc Brugis semel atque
iterum tractare inciperent, tumultus Belgici incrudesc-
centes colloquium interruperunt, postquàm convenisset
vt commercium liberè exerceretur, donec Princeps alter
alteri

alteri contrà denuntiaret, mercatoribus quadraginta antè diebus vtrinque præmonitis, vt sibi & mercibus confulerent.

His foràs compositis, ruris amœnitates quæsiuit Regina, & Cantabrigiam Academiam alterum Britanniaë lumen inuifit, vbi à studiosis nullo non honoris genere excepta, Comoedijs, Tragœdijs, & Scholasticis digladiationibus oblectata, singula Collegia perlustraui, & habita Latinè oratione propensam eorum beneuolentiam agnouit, multiplicem eruditionem laudauit, exhortata vt in pietatem & bonarum literarum studium omni cogitatione incumberent, de quibus se benè merituram spondit.

Reuerfa Robertum Dudleium Hippocomum summa gratia apud ipsam florentem, quem maritum Reginaë Scotorum, vt dixi, tacito consilio destinauerat, vt ad tantas nuptias commendatior esset; Baronem Denbighiaë (data illi Denbighia cum latifundijs) creat, & postridiè Leicestriaë Comitem, *sibi & hæredibus masculis de corpore legitimè natis*. Cuius etiam in gratiam fratrem eius natu maiorem Ambrosium titulo Baronis Insulæ, siue Lisle, & Comitis Warwici antea ornauerat, *sibi & hæredibus masculis legitimis, Robertoq; fratri ac hæredibus suis masculis legitimè de corpore procreatis*. Dudleius his honoribus auctus, vt gratiam apud Reginam Scotorum, quam omnibus officijs ambiuit, & demereri studuit, iniret, illicò Baconum Magni Sigilli Custodem apud Reginam insimulauit, quòd in causa successionis se contra Scotorum Reginam immiscuerit, consciusque fuerit libelli quo Halesius, quem dixi, ius Coronæ Angliæ, si Regina improles obiret, Suffolciensi familiæ asserere conatus. Vnde ille in carcerem coniectus, Baconum verò (licèt inficiaretur) ægrè & seriùs apud Reginam in gratiam restituit Cecilius, qui suum hac de re iudicium sepositum & reconditum apud se habuit, & semper habere statuit, nisi quod professus est, ipsa Regina expromere imperaret: quæ sanè nihil magis auersis auribus vnquam audiuit,

M.D.LXIV

VIXIT.

Elizabetha
Academiam
Cantabrigiam
inuifit.

Rob. Dudleium ad honores euehit.

Ille Baconum subacusat.

M.D.LXIV

*Diversa de
successione
studia.**Scota Lenoxium in Scotiam renocat.**Lenoxij generis.*

quàm ius successionis in disceptationem vocari. Prudentiores autem & opulentiores nulla cura magis exercuit, dum in Religionis discidio, Protestantes effervescentes Scotorum Reginam, quia alterius religionis, etsi iuris minimè dubitati, ex apicibus & versutis legum reijciendam, Pontificiorum alij, & plerique omnes æqui bonique illam, ut veram & certam ex iure hæredem admittendam censerent: & nonnulli Margaretam Scotæ amitam uxorem Matthæi Stuarti Comitis Lenoxiæ, & eius liberos præferrent, utique de quibus in Anglia natis optima quæque sperabant. Hæc Scotorum Reginam non latuere, utque quantum poterat, præuerteret, ex consilio Comitissæ Lenoxiæ amitæ, Matthæum Comitem Lenoxiæ in Scotiam accersit specie in auitum patrimonium restituendi, reuera ut de his rebus consulendi, qui uxoris opera & veniam, & etiam literas commendatitias ab Elizabetha impetrauit, cum patria iam totos x. annos exulasset.

Ille (ut ad maiorem perspicuitatem altius rem repetam) ex eadem *Stuartorum* stirpe qua regia Scotorum familia, & etiam regio eorum sanguine natus erat. Maria enim, Iacobi Secundi Regis Scotorum filia, peperit Iacobo Hamiltonio Iacobum primum ex hac stirpe Araniæ Comitem, & Mariam filiam uxorem Matthæi Stuarti Comitis Lenoxiæ, huius prænominis primi. Iacobus Comes Araniæ primæ uxori repudiatæ & superstiti superinduxit Ienettam Betoniam Cardinalis Betonij amitam, è qua Iacobum Castri-Heraldi Ducem suscepit, quem hinc pro illegitimo æmuli habuerunt. Maria soror Comitis Araniæ enixa est Matthæo Ioannem Comitem Lenoxiæ, qui ab Hamiltonijs dum Regem Iacobum 1111. in libertatem asserere voluit, occisus, reliquit hunc, de quo agitur, secundum Matthæum Stuartum Lenoxiæ Comitem Iacobo Quinto patris nomine longè charissimum. Matthæus autem Rege defuncto, & Hamiltonijs rerum potentibus, in Galliam se subduxit: vnde in Scotiam ab Henrico Galliarum Rege, ne quid detrimenti

detrimenti Respublica Scotica per Hamiltonium Proregem caperet, remissus, operam strenuè præstitit. Ille tamen vir verè bonus & apertus Cardinalis Betonij & Hamiltonij versutijs irretitus, Galli fauore breui excidit. Cùmq; nec domi manere, nec in Galliam redire potuerit, in Angliam venit, & Henrici Octauī fidei se permisit, qui eum clientelis in occidua Scotiæ parte potentem gratanter excepit, vt proximum hæredem Regni Scotiæ post Mariam tunc infantulam agnouit, (etsi Hamiltonij possessionibus in fiscum redactis damnauerint) Margaretamque *Douglassiam* suam è sorore natu maiori neptim in matrimonium dedit, cum latifundijs in Anglia quæ annis singulis valerent M D C C. *Marcis*, stipulatione facta vt ille Castrum Dunbritonium, Insulam Butham cum Castro Rothsaio Anglo in manus traderet. Quæ fortiter suscepta successu caruerunt.

Hunc Scotorum Regina, foemina prudens & prouida, quæque in spem Angliæ incubuit, in Scotiam, vt dixi, accersijt, exilium remisit, & in bona auita restituit, tum vt Iacobi Nothi fratris, quem Comitis Morauiaæ honore auxerat, conatibus opponeret, tum vt de successione in Anglia per huius filium Henricum Darlium alijs spem præcluderet. Si enim ille iuuenis regio sanguine in Anglia natus, Anglisque admodum charus, potentiori alicui familiæ Anglicæ coniungeretur, subtimuit ne ille Anglorum viribus subnixus, in iure successionis in Anglia obstaculo esset, cùm plurimorum opinione secundus ab ipsa regni Angliæ hæres haberetur. Nec illa quicquam magis in votis habuit, quàm vt Scotiæ & Angliæ regna ad aliquem Scotici generis per ipsam deuolueretur, & in auito *Stuartorum* cognomine per illum posteris propagaretur.

Hoc Elizabethæ subolet, vtque anteuerteteret, per Randolphum Scotorum Reginam edocet illas nuptias adeò ab Anglis vniuersis improbari, vt Parlamentaria Comitia, Consiliarijs inuitis, in aliud tempus prorogarit, ne regni Ordines irritati, contra ipsius ius in successione, vel

M.D.LXIV

*Renocandi
Lenoxium
causa.*

*Anglia ante-
uerrere stu-
det.*

M.D.LXIV

*Leicestrium
denuò com-
mendat.**Colloquium
de nuptijs
cum Leice-
strio.**Scotæ proci.*

vel hac de causa, statuerent. Quod ne postea fieret, utq; Anglis satisfaceret, monuit ut de alijs nuptijs cogitaret: iamque denuò Leicestrium in maritum maiorem in modum commendavit, quem ad Comitis honorem hoc præcipuè nomine euexerat.

Hinc Berwici mense Nouembri de nuptijs cum Leicestrio Bedfordius & Randolphus, Moravius & Lidingtonius delegati egerunt. Angli inconcussam amicitiam, perpetuam pacem, & spem certam successionis polliciti sunt, si illa Leicestrio nuberet. Hac enim lege promiserat Elizabetha illam filiam adoptiuam, aut sororem auctoritate Parliamentaria declarare, simul ac ipsa Elizabetha nupserit. Scoti contenderunt non è dignitate esse Reginae à Carolo Ferdinandi Augusti filio, Rege Galliarum, Principe Condæo, & Duce Ferrariæ in uxorem expetitæ, ad nuptias nuperi Comitis, & subditi Angliæ descendere, spe sola sine ullis dotalitijs proposita; nec ex honore Reginae Angliæ eiusmodi maritum tantæ Principi proximæ agnatæ commendare. Hoc autem fore certissimum amoris argumentum, si permetteret illam pro arbitrio virum sibi qui pacem cum Anglia colet, eligere, simulque annuam pecuniam assignaret, & ius successionis Parliamentaria auctoritate confirmaret. Toto hoc negotio percupijt Elizabetha ut his nuptijs utriusque regni successio in Anglico genere constabiliretur, licet lentè festinaret. Scotorum Regina, cum toto biennio res produceretur, & iam Darlium in maritum sibi destinaret, suspicata est dolo malo secum agi, & Elizabetham non alio consilio has nuptias proponere, quàm ut illa è procis potissimum sibi præeligeret, vel excusatiùs Leicestrio nuberet, si ipsa Regina absoluta in Leicestrij nuptias priùs consentiret. Delegati verò Scoti suis rationibus consulentes, ad suam apud Reginam potentiam tuendam, quasunque nuptias quouis modo interturbare statuerant. Ut illas cum Darlio impedirent, monuerat Elizabetha; ipseque Leicestrius spe potiundæ Elizabethæ plenus, clandestinis literis Bedfordium submonuit,

monuit, ne rem vrgeret, & in spem istam Darlio occultè fauisse creditur.

M.D.LXV.

M. D. LXV.

Darlius interea matre sedulo & suppliciter apud Elizabetham intercedente, veniam ad-eundi Scotiam, & ibi tres menses manendi aegrè impetrauit; quæsito colore, vt particeps esset paternæ restitutionis. Hyemeq; illa acerrima, qua Tamisis ita gelu constrictus, vt pervius esset, Edenburgum venit mense Februarii. Iuvenis forma imperio dignissima, aptissima membrorum compositione, ingenio mitissimo, & moribus suavissimis. Scotorum Regina vt vidit, statim adamare coepit, vtq; amorem occultaret, cum Randolpho Anglo in Scotia Legato de nuptijs cum Leicestrio subinde colloquia miscet, simulque Roma Dispensationem quærit, cum Darlius & illa eo gradu se attingerent, vt ex iure Pontificio dispensatione opus esset. Cum hæc diluxissent, Lidingtonium ad Elizabetham mittit, vt ipsa consentiente nuptiæ cum Darlio contraherentur, nec diutius vana expectatione à nuptijs detineretur.

*Darlius
Scotiam adit*

*A Scotia
adamatur.*

*Que Angla
adsensum ad
nuptias petit.*

Illam intimis consiliarijs rem proponit, qui ex occultis Morauj suggestionibus facile crediderunt Reginae Scotorum consilium, per has nuptias, ad titulum, & ius suum in regnum Angliæ suffulciendum, & deniò asserendum; simulq; ad religionem Romanam reducendam spectare: aliosq; ex certitudine successionis per liberos ex his nuptijs, alios ex studio Romanæ religionis illi adhæsuros; quandoquidem longè plures per Angliam Eirenarchas Romanæ religioni devotos esse certò comperissent. Ad hæc præuertenda, maximè necessarium censuerunt, primum vt Regiam exorarent aliquem in matrimonium sibi quamprimùm assumere, vt ex certitudine successionis per eam, & eius sobolem, & non aliunde res & spes

*De his deli-
beratio.*

An-

M.D.LXV.

Anglorum dependerent. (Timuerunt enim si Scotorum Regina prius nuberet, & prolem susciperet, ne plures in illam propenderent ob successionis certitudinem & securitatem) secundò vt professio Romanæ religionis, quantum poterat, per Angliam infringeretur, reformatæ autem sedulò promoueretur, & constabiliretur: hoc moderatiùs agendo cum præferuidis quibusdam Protestantibus de Adiaphoris, illud revocando Episcopos Pontificios abdicatos ad custodias, qui peste grassante per rura dispersi erant, deferendo Episcopis ampliorem authoritatem leges Ecclesiasticas exercendi contra terribilamentum illud *Præmunire* (quod Iurisperiti obiectarunt) supprimendo libros è Belgio in Angliam ab Hardingo & Theologis profugis emissos, submouendo quosdam Scotos Sacerdotes per Angliam latitantes, priuando profugos Anglos Beneficijs Ecclesiasticis, quibus hæcenus fruebantur, & adigendo Iudices regni, qui plerique omnes erant Pontificij, ad supremam Regiam authoritatem iureiurando agnoscendam. Ad nuptias autem cum Darlio disturbandas visum est, vt in terrorem delectus militum per limites Scotiam versus haberentur, & Berwicus maiori præsidio firmaretur. Comitissa Lenoxiæ Darlij mater, Carolusq; filius custodiæ traderentur, Comes Lenoxiæ, & Darlius filius è Scotia sub pœna amissionis bonorum in Angliam reuocarentur, priusquam aliquod fœdus cum Gallo aut Hispano iniretur. Scoti nuptijs aduersantes sustentarentur, & Catharina Greia cum Herefordiæ Comite in aliquam gratiam recipere, à qua sola vt ab æmula in regni successionem Scotorum Regina anxie timuisse credebatur. Nec aliud videbatur quòd maiorem moram & impedimentum istis nuptijs inferre poterat.

Throc-
morton
ad im-
pediendum
mittitur.

Hinc ad Scotorum Regiam mittitur Nich. Throc-mortonus, qui diu deliberandum, quod semel statuendum moneret, nuptias præcipitatas pœnitentiam comitem subsequi, & nuptias cum Leicestrio iterum atq; iterum commendaret; illas cum amitæ filio iuri Pontificio omninò

omninò aduersari. Percupijt enim Elizabetha vt per illam aliquis Anglici generis in vtroq; regno succederet, etsi non defuerint qui in rem religionis, & vtriusq; regni fore existimarunt, si sine prole obiret. Illa respondit, rem iam reuocari non posse, nec esse cur Elizabetha succederet, cum ex eius consilio non externum, sed Anglum elegisset: eumq; regio vtriusq; regni sanguine prognatum, & totius Britannia longè nobilissimum. Lidingtonius inter hæc in Anglia agens, subinde Reginae Scotorum matrimonium simulatè Leicestrio proposuerat, necnon Norfolciæ Duci vt Regijs nuptijs longè digniori, qui tunc temporis modesta recusatione declinauit.

Regina Angliæ, vt aliquod impedimentum his festinatis nuptijs interponeret, Lenoxium, & Darlium filium, tanquam subditos iuxta formulam licentiæ concessæ, reuocat. Pater modestissimè literis se excusat, filius ne suo honori aduersetur orat; innuit fieri posse vt Angliæ patriæ charissimæ vsui esse possit, atq; se Scotorum Reginae amatorem & cultorem præ cæteris omnibus esse deuotissimum palam profitetur. Quæ vt amoris responderet, eum mox Equitis aurati dignitate, titulis *Baronis Ardmannock, Comitæ Rossia, & Ducis Rothesia* exornat. Et quinto postquam in Scotiam venerat mense, in maritum cum plurimorum procerum assensu assumit, Regemq; declarat, Morauio qui suæ seorsim ambitioni incubabat, & sub specioso religionis prætextu Ducem Castri-Heraldi, hominem minimè malum in partes traxerat, fremente, & alijs tumultuantibus, quæstionesq; agitantibus, *An Pontificius in regem admittendus? An Scotia Regina maritum pro suo arbitrio sibi eligeret? An regni proceres ex sua autoritate non imposerent?*

Regina Angliæ, quæ mollissimum Darlij ingenium, probumq; & apertum patris animum nouerat, miserta iuuenis cognati, & Reginae adolescentulæ, quibus res erat cum turbulentissimis hominibus, qui Regio imperio annos iam ampliùs viginti soluti, Reges ferre nescierunt, placatiùs tulit. Nec ab ijs metuit, cum æmulæ Reginae

M.D. LXV.

Illi respondit.

Lenoxius & Darlius è Scotia reuocantur.

Se excusant.

Scota Darlio nubit.

Moravius & alij hinc fremunt.

Angla moderate fert.

M.D.LXV.

*Scoti nonnulli arma sumunt.**Fugantur.**In Anglia foveantur.**Angla ut nubat suadetur.**Imperator fratrem commendat.**Hinc simultates in Aula*

potentiam tam mediocri conditione minimè adauctam videret, Darlij matrem in sua potestate haberet, & turbas in Scotia hinc orituras prævideret, quæ statim concitatae. Nonnulli enim Scotiae procures, Hamiltonius in primis, & Moravius, nuptijs indignantes, hic quòd contractæ essent Angliæ Regina non consentiente, ille ex æmulatione in familiam Lenoxiam, sed vterque religionis conseruandæ obtentu, ad disturbandas nuptias signa extulerunt, vt Regina necessariò copias conscriberet ad nuptias securè celebrandas. Adeoque acriter ope Regis mariti rebelles persecuta est, vt in Angliam fugaret, priusquam cohortes Anglorum in eorum auxilium promissæ aduenerint. Regina verò Angliæ Morauio, qui Anglis erat addictissimus, coniuenter latebras concessit, & clam per Bedfordium pecuniam suppeditauit, donec postridiè quàm David Rizius trucidaretur, in Scotiam (vt suo loco dicemus) redierit. Causæ cur Morauium & Scotos rebelles in Angliam admisit, huiusmodi erant, quòd Regina Scotiae Yaxleium, Standonum & Walslum, Anglos profugos in Scotiam, & O-Nealum Hibernicum in patrocinium receperat, consilia cum Pontifice contra Anglos agitauerat, & iustitiam in prædones & piratas non exercuerat.

His nuptijs confectis, nihil consultius visum illis qui Euangelicæ religioni & Angliæ saluti maximè studuerunt, quàm vt ad Scotorum Reginae spem de Angliæ regno labefactandam, Elizabetha iam seriò animum ad nuptias applicaret. Commodumque iisdem diebus Maximilianus II. Imperator per Adamum Smircoriturum Legatum honorificas proposuit condiciones de nuptijs cum Carolo fratre contrahendis. Quo tempore, nescio quibus de causis, nisi hisce de nuptijs, simultates in aula exortæ sunt grauissimæ inter Suffexium, qui nuptijs impensè fauit, & Leicestrium qui in spem suam clam obstitit. (Spes sanè maximas & improbas amplectuntur, qui insperata sunt consecuti.) Sanè Suffexius illum vt hominem nouum iniuriosè contempsit, qui duos tantum, vt ille

ille detrahendo dicere solebat, ciere poterat maiores, patrem scilicet & auum, eosque patriæ hostes & perduelles. Vniuersa hinc aula in partium studia abiit, & Comites si quando prodirent, agmina asseclarum cum machæris & parmis ferratis prominentibus ex umbone cupidibus, quæ tunc in usu, quasi vltima experturi, secum traxerunt. Sed post pauculos dies in gratiam pristinam Regina reduxit, odiumque sepeliuit, potius quam sustulit. Vt omninò tamen tolleretur, nihil non egit. Dissensiones enim procerum, & illud diuerbium, *DIVIDE, ET IMPERA*, à nonnullis inculcatum damnauit, vim Imperij in obedientium consensu esse rata. Muliercularum autem æmulatione, & simultatibus subinde, nec inutiliter quidem se oblectauit.

Inter hæc, illa rerum Scoticarum non immemor, post vnum & alterum mensem à nuptijs in Scotia celebratis, Tamworthum è priuato cubiculo nobilem ad Scotorum Reginam misit, vt de pace non violanda admoneret, de præcipitato cum natiuo Angliæ subdito matrimonio sine suo consensu expostularet; simulque Lenoxium & Darlium filium in Angliam remitti ex fœderis formula, & Morauium in gratiam recipi postularet. Illa rem subodorata, hominem non admisit, sed articulis scripto traditis, verbo Principis pollicetur, nec se, nec maritum quicquam molituros, quod fraudi sit Reginae Angliæ, aut legitimis ex eius corpore liberis, aut regni tranquillitati, vel profugos admittendo, vel fœdus cum exteris sanciendo, vel quauis alia ratione; imò libentissimè eiusmodi fœdus cum Regina & regno Angliæ contracturos, quod vsui sit & honori regno vtrique, nec quicquam in religione, legibus, & libertatibus Angliæ innouaturos, si quando Angliæ regno potirentur. Hac tamen lege, vt Elizabetha eadem vicissim erga se & maritum plenè præstaret, & successionem Coronæ Angliæ in sua persona & legitima sua sobole, eaq. difficiente, in Margareta Comitissa Lenoxia, matre mariti, & ipsius liberis legitimis Parlamentaria autoritate constabiliret. Quod ad cætera, se de nuptijs cum Darlio (quamprimum nubere certò statuisset) Reginam certiore fecisse, re-

M.D.LXV.

Quas Elizabetha composuit.

Anglicus Legatus in Scotia neglectus.

Scripto respondetur.

M.D.LXV.

sponsum autem tulisse nullum. Se Reginae postulatis satisfecisse, quandoquidem non alienigenæ, sed Angligenæ nupsisset, quo non alium genere nobiliorem, nec se digniorem, in vniuersa Britannia nouerat. Illud autem nouum videri, vt Darlium apud se non detineret, quem sibi maritum sacro matrimonij fœdere iunxerat; aut Lenoxium in Scotia non retineret, qui sit natiuus Scotiæ Comes. Quod ad Morauium, quem experta est hostem infestissimum, blandè rogat vt suos subditos suo ipsius iudicio relinqueret, cùm ipsa in causis subditorum Angliæ se minimè intermisceat. Hoc responso redijt Tamworthus parùm pro dignitate, vt ipse putauit, acceptus, vtique ille homo procax Regiæ Scotorum existimationem obloquio nescio quo læserat, & maritum Regis titulo non dignatus.

Cecilia Suecica in Angliam venit.

Eodem tempore hæc honori Elizabethæ accesserunt, quòd ex consentiente omnium de virtute eius fama, Cecilia soror Errici Regis Sueciæ, vxor Christophori Marchionis Badensis iam grauida, ex vltimo Septentrione longo per Germaniam itinere ad eam inuisendam venerit, quam cum marito magnificè excepit, pensione annua assignata, filioque ex sacro fonte suscepto, cui *Edwardi Fortunati* nomen indidit: & Donaldus *Mac Carty More*, præpotens Hiberniæ Dynasta, supplex territoria amplissima in manus tradiderit, vt ab ea recepta, *iure feudali sibi & hæredibus masculis legitimè natis teneret*. Deficientibus autem illis, Coronæ Angliæ addixit. Illa eum pro humanitate benignissimè complexa, (Princeps ad beneuolentiam hominum alliciendam nata) ex prudentia honore Comitibus *Glencar*, & Tegum filium titulo Baronis *Valentiæ* solemni ritu inuestiuit, muneribus affecit, itineris expensas persoluit, vt instrumenta contra Desmonium rerum nouandarum iam suspectum haberet.

Glencaria Comes creatus.

Res Hiberniæ.

Præfuit Hiberniæ hoc anno Iustitiarij titulo Nicholas Arnoldus, vir Ordinis Equestris è Comitatu Glocestrensi, nec plures quàm M D X C. milites in præsidijs habuit; sed ille breui reuocatus, prouinciam tradidit Henrico Sidneio, qui regnante Maria aliquandiu Hiberniæ fuerat

fuerat Iustitarius & Thesaurarius, & iam Walliæ Præses. Primi Hiberniæ Præsides, quos *Proreges* hodie Latine dicimus, vt obiter adnotem, à primo Anglorum sub Henrico Secundo ingressu, vsque ad Edwardi Tertij tempora, dicti erant *Iustitij Hiberniæ*, & *Iustitij* atque *Custodes terræ Hiberniæ*; deinde *Locum-tenentes*, & eorum Vicarij *Deputati*. Postea pro Principis arbitrio, nunc *Deputati*, nunc *Iustitij*, nunc *Locum-tenentes*, (qui titulus honoris plenissimus) sed plerumque vna eademque auctoritate. Et proculdubio primi illi Hiberniæ Iustitij (vt Iustitarius Angliæ, qui etiam *Iustitia* in abstracto illo æuo dictus) *constituti erant ad pacem conseruandam & iustitiam vniuersis & singulis exhibendam* : vt Proprætores & Proconsules olim apud Romanos summo cum imperio in Prouinciã misi.

Sidneius Prouincia suscepta, Momoniam Australem Hiberniæ partem confusissimam inuenit, Giraldo Comite Desmonia, qui omnia officia fidelis subditi sanctè promiserat, & Thoma Comite Ormondia, alijsque atrociter inter se tumultuantibus, & in intestina bella prorumpentibus. Adeò vt Regina Desmonium in Angliam ad lites dirimendas acciuerit, & Præsidentem ad iustitiam administrandam per prouinciã illam constituerit, cum Adfessore, duobus Iurisconsultis, & Scriba, primumque Præsidentem nominauit Warhamum à *S. Leodegario*, siue *S. Leger*, virum in rebus Hibernicis longo usu versatissimum.

Medio Octobri hoc anno animam Deo reddidit Thomas Chalonerus, ex Hispanica legatione iampridem reuersus, vir clarissimus, patria Londinensis, educatione Cantabrigiensis, qui tam Musis quàm Marti se deuouerat. Iuuenis sub Carolo Quinto in expeditione Algeriana meruit, vbi naufragus cùm nataffet donec vires & brachia deficerent, tandem rudente mordicùs apprehensa, non sine dentium aliquot iactura euasit. Regnante Edwardo Sexto, in prælio Musselburgensi adeò strenuè pugnavit, vt Dux Somersetensis equestri dignitate ornauerit.

M.D.LXV.

Proreges & Iustitij Hiberniæ.

Discordia inter Desmonium & Ormondium.

Primus Momonia Præsides

Th. Chaloneri obitus.

M.D.LXVI

nauerit. Sub Elizabetha honorifica legatione ad Ferdinandum Imperatorem, & ordinaria in Hispania toto fere quadriennio perfunctus, ubi *De Republica Anglorum instaurando* terso & erudito carmine quinque libros composuit, dum, ut ille dixit, hieme in fumo, æstate in horreo degeret. Elatus est ad S. Pauli Londini, insigni, pro dignitate, funere, cui primario inter atratos loco interfuit Cecilius, cum filius eius Thomas, qui postea Henrici Walliæ Principis pueritiæ admotus, nondum adoleuisset.

M. D. LXVI.



Nno auspicante, Carolus I. Rex Galliarum Rambouletum cum insignibus Ordinis conchiliati S. Michaelis, in Angliam ad Reginam misit, ut duobus pro suo arbitrio Angliæ proceribus donaret. Selegit illa Ducem Norfolciæ, & Comitem Leicestriæ, hunc ut charissimum, illum ut longè nobilissimum; quos Rambouletus, postquam pro Rege suo inter S. Georgij Equites auratos honorificè Windsoræ collocatus esset, ritè in Regia Westmonasterij inuestiuit. Quod instar magni honoris tunc habuit, quæ meminerat nullos ex Anglis præter patrem Henricum VIII. fratrem Edwardum VI. & Carolum Brandonum Ducem Suffolciæ in illum ordinem fuisse adscitos; quem illa, omnium, quæ ad honorem spectant, obseruantissima, postea euiluisse indoluit, cum cuilibet sine discrimine quasi prostitui vidisset. Nec honorarijs rebus tantum vacauit, sed ante omnia ciuium saluti studiosissimè. Cum enim ex cœli intemperie annonæ difficultatem rerum periti timerent, non solum rem frumentariam ex Anglia euehi vetuit, sed magnam vim inuehi prouidè curauit.

Dum hæc aguntur, Henricus Comes Arundeliæ inter proceres regni præpotens, postquam vana spe matrimonij

Norfolcius
& Leicestrius
in Ordine
Gallico do-
natus.

Rei frumen-
taria prospe-
ctum.

Arundelius
peregrinè pro-
fectus.

monij cum Regina magnas opes profudisset, spesq; illa, Leicestrio iam apud Reginam potentissimo, & amicis in Aula fidem fallentibus, omnino infracta esset, impetrata venia, specie valetudinis recuperandæ, revera doloris muniendi causa solum sponte mutavit. At alij ex Anglorum gente, qui pro innata fortitudine se ad arma non ad otia natos existimarunt, cum nobiles ex omnibus Europæ partibus ad famam belli in Turcas essent excitati, in Pannoniam profecti sunt. Inter quos melioris notæ erant Ioannes Smithus Regis Edwardi Sexti consobrinus, scilicet ex sorore Ianæ Seimoræ Regis matre natus, Henricus Champernounus, Philippus Butshidus, Richardus Greenvillus, Guil. Gorgeus, Thomas Cottonus, & alij.

Iunio subsequente Scotorum Regina faustis auspicijs ad perennem Britanniaë foelicitatem, filium Iacobum (qui iam Britanniaë Monarcha) peperit, quod mox per Iacobum Meluinum Elizabethæ significavit. Illa etsi matris honorem ab æmula præreptum indoleret, Henricum Killegræum statim misit, qui partu leuata, & filio nato congratularetur, eamq; moneret, ne Shano O-Neal in Hibernia tunc rebellanti amplius faueret, aut Christophorum Rokesbeium ex Anglia profugum foueret, utq; in prædones quosdam limitaneos animaduerteret.

Elizabetha in agros iam exspatiata animi relaxandi causa, ut se non minus propitiam Musis Oxoniensibus, quam Cantabrigiensibus candidè inter se æmulis præberet, ad Academiam Oxoniam deflectit, ubi magnificè excepta, septem dies substitit loci amænitate, Collegiorum pulchritudine, studiosorum ingenijs, & doctrina exquisitissima inprimis oblectata, qui noctem ludis theatralibus, dies eruditis dissertationibus protruserunt, de quibus singulari Orationis suauitate Latinè gratias cumulatè egit, & benignissimè valedixit.

Quamprimùm Londinum redijt, Ordines Regni ad Cal. Nouembris diem scilicet indictum, frequentes conveniunt, & postquam vnam & alteram legem rogassent, de successionem acriter agitare coeperunt, cum iam

toto

M.D.LXVI

Et Angli in Hungariam,

*Iacobus VI.
Rex Scotorum natus.*

Angla congratulatur.

*Oxoniensem
Academiam
invisit.*

Parlamentum habetur.

M.D.LXVI

*Ordines Re-
ginam de
nuptijs, vel
successore
urgent.*

toto octennio Regina quasi virginitati deuota de marito nihil seriò cogitaret, & hinc Pontificij Scotorum Regi-
nam quæ modò filium pepererat, illinc Protestantes di-
uisis studijs alij alios sibi proponerent, & singuli suæ se-
curitati, & religioni seorsim consulentes, tempestates
formidolosissimi temporis, si illa sine certo successore
diem obiret, ominarentur. Et eò vsq; acria & feruida
ingenia proruperunt, vt Reginam quasi patriæ & poste-
ritati deesset, incusarent, Cecilium vt prauum hac in re
consultorem convitijs & libellis famosis proscinderent, &
Huicum Reginae Medicum, vt matrimonij disuasorem
ob nescio quam muliebrem impotentiam, diris devoue-
rent. Penbrochiæ etiam & Leicestriæ Comites alijq; pa-
lam, & Norfolcius occultissimè censuerunt Reginae ma-
ritum imponendum, aut successorem publicè Parlamen-
taria authoritate, vel Regina invita, designandum. Vndè
illi *Camera Præsentiali*, quam vocant, exclusi, & Reginam
accedere prohibiti; sed culpam cum submissione statim
deprecati, veniam exorarunt.

*Proceres
moderatè.*

Illi tamen cæteri; in superiori confessu de successore
soliciti, per Baconum Magni Sigilli Custodem ipsorum
Oratorem pro officio, quod Deo, fide quam Principi, &
charitate quam patriæ debent, omni animorum conten-
tione Reginam obsecrarunt, vt (quandoquidem per eam
omnibus pacis, iustitiæ, & clementiæ beneficijs iam pla-
cidè gaudeant) ijsdem & ipsi & posterij securè & semper
per eandem fruerentur. Frui autem non posse ostendunt,
nisi ipsa nubat, & simul successorem designet. Itaq; pri-
mis votis optant, & orant, vt cuicunque, vbicunque, &
quamprimùm libuerit, se sacro connubij vinculo coniun-
geret, quo liberos regni adminicula haberet: & simul
certum successorem, si ipsa, vel liberi ex ipsa suscepti
(quod absit) sine sobole obirent, cum regni Ordinibus
constitueret. Vt hoc tantoperè quod summè necessarium
efflagitarent, innuunt plures causas subesse; scilicet, ti-
morem recentem, qui omnes inuasit, cum nuperrimè va-
letudo eius tentaretur, temporis opportunitatem, cum
Ordines

Ordines regni iam convenissent, qui de rebus tantis mature deliberarent, terrorem quem inde adversarijs incuteret, & immortalem lætitiā, qua vniversos subditos perfunderet. Exempla maiorum qui in huiusmodi rebus posterorum securitati providē consuluerunt, laudant, damnata illa Pyrrhi voce qui dixit, se regnum illi relicturum qui gladium habuerit acutiorem. Præterea proponunt quanta malorum tempestas Angliæ impendeat, si illa successore certo non designato, mortalitatem exueret, Seditiones & intestina bella, in quibus ipsa victoria est miserrima, pruruptura; religionem eliminandam, iustitiam obruendam, leges proculcandas, cum non fuerit Princeps certus qui legis est anima, regnum in prædam exteris cessurum. Et alias id genus calamitates enumerando exaggerant, quæ, illa sine sobole defuncta, omnes omnium penates penitus involuerent. Ex sacris etiam literis præcepta, consilia, & exempla modestè adiungunt.

Tumultuosius autem nonnulli in inferiori confessu hæc egerunt, Bellus & Monsonus magni hominis Iuriconsulti, Duttonus, Paulus Wentworthius, atq; alij qui nimio plus Regiæ Maiestatis auctoritatem convellerunt, & inter alia disseruerunt, Reges ad successorem designandum teneri, subditorum amorem esse validissimum, imò inexpugnabile Principum propugnaculum, vnicum fulcrum & firmamentum. Principes autem amorem illum conciliare non posse, nisi efficiant, ut cum subditis bene agatur, non solum dum ipsi Principes vivunt, sed etiam post obitum. Hoc autem nullo modo fieri posse, nisi de successore liquido constet. Reginam successorem non designando, & iram numinis provocare, & animos civium abalienare. Ut verò numen propitium habeat, & ciues amantissimos & obstrictissimos, statuasq; sibi in animis hominum nunquam perituras erigat, successorem designet. Sin minus, non nutrix, non patriæ parens, sed noverca, imò patriæ parricida audiat, quæ Angliam eius spiritu iam spirantem simul cum ea expirare

M.D.LXVI

Plebei acerrime.

M.D.LXVI

*Regina agere
fert.**A successore
designato
pericula.**Et etiam
designatis.*

rare mavult, quàm superesse. Principes nullos nisi ignavos, suis exosos, & meticulosas mulierculas à successoribus vnquam timuisse, & pericula à successore designato, illi Principi, qui civium charitate circumseptus erit, minimè esse formidanda.

Hæc illa auribus iniquissimis audivit, aliquandiu tamen aut sprexit, aut occultè tulit. Nôrat enim vsu edocta quantum immineat à successore designato periculum, quandoquidem Maria regnante, plures è nobilitate & plebe oculos animosq; in eam successuram coniecerant, quæcunq; in Sanctiori Reginæ penetrati, aut intimo consilio dicta & facta, mox ei enuntiaverant, & Wiatus, alijq; sua sorte minùs contenti, & rerum novandarum avidi contra Mariam coniurarent, vt eam ne cogitantem quidem in folio collocarent. Nôrat competitorum spes meliùs cohiberi, eosq; officio contineri, dum singulos expectatione suspensos teneret, & nullum declararet. Nôrat liberos ex præpropera regnandi cupiditate arma in parentes sumpsisse, nec mitiora à consanguineis posse expectari. Obseruabat inter legendum, & hac de re differendo subinde memorabat, Successores in linea collateralis rarò fuisse declaratos; Lodovicum Aurelianensem Carolo Octauo, & Lodovico Franciscum Angolismensem successores in regno Gallico nunquam fuisse declaratos, successisse tamen sine strepitu. Designationem etiam in Anglia, designatis semper fuisse exitiosam. Rogerum enim de Mortuomari Comitem Marchiæ, regni hæredem à Regi Richardo Secundo designatum, breui fuisse extinctum, eius filium Edmundum, non alia de causa in Hibernico carcere conditum totos viginti annos contabuisse; Ioannem De-la-Pole Lincolnæ Comitem, à Richardo Tertio, cum filius obiisset, successorem designatum ab Henrico Septimo, semper fuisse suspectum, & demum nova molientem prælio occisum; fratremq; eius Edmundum capite sub Henrico VIII. obtruncatum. Sed hæc extra rem videantur.

Verùm cum ista quæ dixi, & magis aculeata, nonnulli
animis

animis incitatis & acri contentione indies magis magisque declamitare non destiterint : illa x x x. è superiori confessu, & totidem ex inferiori seligi iussit, & coram comparere, quos leni obiurgatione demulsi, & sua Maiestate, cui plurimum inerat authoritatis, ab incepto deflexit, prolixè pollicita non modò Principis sollicitudinem, sed & matris affectum. Cùmque subsidiariam pecuniam multò maiorem quàm solebant, ea conditione Ordines obtulerint, vt certum successorem designaret; oblatam illam supernumerariam omninò respuit, ordinariam, laudato illorum studio, accepit, quartamque Subsidij concessi solutionem omninò remisit, dictitans pecuniam in subditorum arculis esse perinde ac in suis.

Postremo horum Comitiorum die Ordines in hanc sententiam paucis affata est, quæ paucioribus perstringam. *Cum Principum verba in aures & animos hominum sæpe altius penetrent, hæc ex me audite. Ego simplicis veritatis cultrix, vos etiam ingenuos eiusdem cultores itidem fuisse semper existimaui. At frustra fui. Dissimulationem enim sub Libertatis & Successionis larvis in his Comitij obambulasse deprehendi. Ex vestro numero sunt, qui libertatem de Successione disputandi, eandemq; constabiliendi protinùs vel concedendam vel negandam censuerunt. Si concessissem, hi votis potiti de me triumpharant. Sin negassem, meorum in me odium, quod hostes infestissimi hætenus non poterant, concitare cogitarunt. Verùm intempestiua horum fuit prudentia, consilia præpropera, nec exitum prospexerunt. Hinc tamen qui mihi equiores, qui iniquiores, ego facile perspexi : & vniuersum confessum vestrum quadrifariam diuidi posse video. Alij enim fuerunt architec̃ti & authores, alij actores, qui verborum lenocinijs suaserunt, alij qui lenocinijs seducti annuerunt, alij qui huiusmodi audaciam demixati siluerunt ; & hi sanè sunt excusatiores. An existimatis me vestram salutem & securitatem per Successionem negligere, aut Libertatem velle infringere ? Absit. Ne cogitaui quidem. Verumenimverò mihi visum vos in foueam ruentes reuocare. Sux cuiq; rei inest tempestiuitas. Forteàn Principem post me prudentiorem habeatis, sed nunquam vestri*

M.D.LXVI

Blandè mitigat.

Subsidij partem remittit.

Ordines oratione perstringit.

M.D.LXVI

*Scota in suc-
cessionis iure
aperte fauet.*

*Episcoporum
ordinatio
confirmatur.*

*Promotores
cohibentur.*

amantiozem. An huiusmodi Comitia iterum videam, nescio; vos autem cauete ne Principis patientiam ledatis. Nihilominus hoc vobis ad veritatem persuadete, me de plerisque vestrum praeclare sentire, & singulos pristina beneuolentia ex animo complecti.

Ita mulieris prudentia hos motus cohibuit, quos dies adeò leniuit, quæ semper serenior illuxit, vt præter seditiosos aut meticulosos, admodum pauci de successore angerentur. Nec certè homines plerique omnes, quicquid præ se ferunt, plus in publicis sentiunt, quàm quantum ad res priuatas pertineat. Vt tamen certiùs constaret de successore quem illa ex iure minimè ambiguo cogitauit, Thorntonum iuris in Collegio Lincolnensi Londini hoc tempore prælectorem, de quo Scotorum Regina conquesta erat, quòd inter legendum ius suum in desceptionem vocauerit, in carcerem coniecit.

In hoc Ordinum conuentu (præter alia in vsum Reipublicæ) declaratum est vnanimi omnium consensu, Archiepiscoporum & Episcoporum Angliæ electionem, consecrationem, confirmationem, & investituram (quæ nonnulli calumniando in quæstionem vocarant) legitima esse, eosdemq; rite, & ex Actis, Statutisque regni, electos & consecratos fuisse. Sanctum etiam, & eos, & iam inde itidem consecrandos, rectè & rite esse, & fore consecratos, quacunq; Lege & Canone non obstante. Pontificij enim illis tanquam Pseudoepiscopis obtrectarunt, forsan eò quòd vinctio, annulus, pedum pastorale, cum benedictionibus, non adhibita; & quasi à tribus Episcopis non essent rite ordinati, qui suam ascendendo ordinationem ad Apostolicam authoritatem à Christo acceptam referre possent. Quod tamen, vt ex Regestis patet, verissimè poterant, pijs precationibus, deuota Spiritus Sancti inuocatione, manuum trium eiusmodi Episcoporum impositione, concione habita, & Eucharistia celebrata, consecrati.

Sub hoc tempus, cum salutarì feueritate insolentia quorundam prauorum, qui passim delatoribus illis (quos *Promotores* vulgus vocat) vim inferebant, cædebant, & vociferationibus per plateas exagitabant, compressa

pressa esset, dies Baptismo Principis Scotiæ constitutus aduenit, ad quem è sacro fonte suscipiendum Regina rogata, Comitem Bedfordiæ cum Baptisterio ex solido auro in donum honorarium misit, iussitque expresse, vt nec ille, nec Angli illum comitati, Darlium regio titulo dignarentur.

M.D.LXVI

Cæremonia peracta, Bedfordiæ Comes quæ in mandatis habuit cum Scotorum Regina agit, scilicet vt domesticæ inter eam & maritum lites componerentur (iucundissimam enim inter ipsos vitæ & amoris societatem maleuoli quidam iurati vtriq̃ue hostes subdolè diremerant) & Tractatus Edenburgensis ratus haberetur. Hoc illa pernegauit, causata in Tractatu nonnihil inesse, quod suo ipsius, & liberorum iuri ad Coronam Angliæ derogaret. Promisit tamen se delegatos in Angliam missuram, qui de confirmando, quibusdam immutatis, agerent, scilicet, vt titulo & Insignibus Angliæ abstineret dum Elizabetha superesset, & qui ex illa nascerentur, quasi in Tractatu conciperetur, vt omninò abstineret: necnon edocerent, quàm insigni iniuria fuerit affecta pessimis eorum artibus qui ingenua mariti credulitate nimio plus abutebantur. Iamque illa afflicta valetudine, filiolum Elizabethæ fidei & tutelæ per literas commendauit, in quibus (etiamsi nouerit, literarum verbis vtor, se indubitati iuris esse hæredem Angliæ post Reginam, & multos multa contra ius illud comminisci) promisit se nolle aliquam iuris sui declarationem amplius vrgere, sed summo cum studio contra omnes ipsi adfuturam & semper adhæsura.

*Bedfordij in
Scotiam le-
gatione ad
Principis
Baptismum.*

*Scotia Prin-
ceps Angla
fidei com-
mendatur.*

*Scotia Prin-
ceps Angla
fidei com-
mendatur.*

Hoc anno, vno eodemque die, vitam cum morte commutarunt duo à sanctiori consilio, Ioannes Masonus Regiæ Camerae Quæstor, vir grauis atque eruditus, Ecclesiasticorum Beneficiorum incubator maximus; & Richardus Sackvillus ærarij Proquæstor, vir providè prudens, ex matre Bolenia Regiæ cognatus. Huic suffectus Walterus Mildmaius, vir integer & consultissimus; illi Franciscus Knolles, qui Catharinam Cariam Regiæ ex Maria Bolenia consobrinam duxerat.

*Ioannis Ma-
soni & Rich.
Sackuilli o-
bitus.*

M. D.

MDLXVII.

M. D. LXVII.



Erùm priusquàm delegati illi à Scotorum Regina aduenerint, vno & altero mense post Scotiæ Principem baptisatum, Rex eius maritus altero & vicesimo ætatis anno, intempesta nocte, atroci & horrendo scelere, quod boni omnes sunt detestati, in lecto strangulatus est, & in hortum proiectus, ædibus puluere sulphureo subrutis. Rumor illicò latè per Britanniam sparsus, crimen in Mortonium, Morauium, & confœderatos contulit, illi imbelli sexui insultantes, in Reginam transtulerunt. Quid Georgius Buchananus hac de re cùm in *Historia*, tum in libello, cui *Detestio* titulum fecit, prodidit, ex libris impressis nemo non nouit. Cùm autem ille partium studio, & Morauij munificentia abreptus, ita scripserit, vt libri isti falsitatis damnati fuerint ab Ordinibus regni Scotiæ, quorum fidei plustribuendum; & ipse ingemiscens coram Rege, cui fuit pædagogus, subindè se reprehenderit (vt accepi) quòd tam virulentum calamum in Reginam benè meritam strinxisset, moriensque optauerit vt tantisper superesset donec maculas, quas maledicentia falsò asperferat, reuocata veritate, vel sanguine elueret; nisi (quod ipse dixit) hoc vanum esset, cùm præ ætate delirare videretur. Liceat mihi (vt altera etiam pars audiatur) rem omnem tum ex aliorum scriptis quæ eo tempore prodierunt, sed in Morauij gratiam & Reginæ odium in Anglia suppressa, tum ex Legatorum atque fide dignissimorum literis, quantum intelligere possum, sine omni amoris aut odij furore, paucis explicare.

Darius Rex
Scotorum occiditur.

Buchananus
ab Ordinib.
Scotiæ falsi
damnatur.

Ad Scotica
digressio.

Iacobus Prior
S. Andree.

Anno MDLVIII. in nuptijs Francisci Delphini & Mariæ Reginæ Scotorum, Iacobus frater nothus Reginæ, vulgò dictus Prior S. Andree, (Religiosis enim in Metropolitana Ecclesia Andreopolitana prapositus erat) religiosam illam appellationem dedignatus, splendidiorum honoris titulum ambiuit, quem cùm illa ex Guisiorum

rum

rum auunculorum consilio non concederet; ille animo offenso in Scotiam reversus, sub spetioso religionis reformandæ, & Scoticæ libertatis asserendæ prætextu, res turbare cœpit, effecitq; vt religio in confœderatorum conventu, Regina inconsulta mutaretur, & accitis Anglorum auxilijs Galli è Scotia emoverentur, Francisco Gallia Rege defuncto, ille in Galliam ad sororem aduolauit, quæcunq; contra eius rem, aut existimationem in Scotia facta, à se amolitus, omnia officia quæ à fratre soror expectare possit, Deum contestans religiosè promisit. Spe etiam concepta eam Gallicis delicijs à tenella ætate innutritam in Scotiam non reversuram, cum Guisij egit vt aliquis è Scotica nobilitate *Regens Scotiæ* designaretur, & se vt maximè idoneum quasi digito demonstravit. Cum autem in Scotiam remissus esset, non alia cum auctoritate quàm cum Diplomate, quo Regina regni Ordinibus conveniendi, & in Reipub. vsum consulendi ius fecerat. Ille spe deiectus animo percito per Angliam rediens Anglis suggessit, vt si Religionem in Scotia, tranquillitati in Anglia, & Elizabethæ securitati consultum vellent, quovis modo transitum Reginae in Scotiam impedirent. Illa tamen spes Anglorum naues cœlo nebuloso prætervecta in Scotiam appulit, fratremq; omni benevolentia complexa, summam rerum ei quadammodo detulit. Hæc tamen ambitionis sarmenta non amputarunt, quæ indies magis dictis & factis pullularunt. Nec enim continere se poterat, quin subindè apud suos deplangeret bellicosam Scotorum gentem non minùs quàm Anglorum muliebri subijci imperio, & ex doctrina Knoxi, quem pro Patriarcha habuit, sæpiùs differeret Regna virtuti non generi deberi, foeminas regnorum successionem esse excludendas, & earum imperium esse *monstruosum*. Per suos etiam cum Regina egit, vt quatuor è regia *Stuartorum* familia substitueret, qui, si illa sine prole obiret, sibi invicem in regno succederent, nulla habita ratione siue legitimi siue illegitimi; spe persuasus, se ex illis futurum, cum filius Regis esset, etsi illegitimè procreatus.

Regina

MDLXVII.

Administrationem regni Scotiæ ambit

Frustratus Regina Scot. se clam opponit.

Ambitionem prodit.

MDLXVII.

Moravia
Comes crea-
tur.

Proceres
Scotie perse-
quitur.

A nuptijs
dissuadet.

Regina autem cum pro prudentia perpenderet huiusmodi substitutionem iuri Regni adversari, rectis hæredibus fraudi fore, exemplo perniciosissimum, & ipsis substitutis periculosum, sibiq; obstaculo ne iterum nuberet; blandè respondit, se maturè cum regni Ordinibus de re tanta deliberaturam. Utq; se benignam & beneficam fratri præberet, illum titulo Comitis Marriæ, & postea Comitis Moraviæ (quia Marria controversi iuris erat) ornavit, & ad splendidas nuptias promouit, interim ignara illum, venditando se legitimum esse Regis Iacobi Quinti filium sibi regnum affectare. Ad quod, quò viam sibi facilius præstrueret, gratia qua apud Reginam pollebat, Gordoniam familiam nobilissimam, clientelis præpotentem à qua dum sibi, & religioni reformatæ timeret, oppressit, Hamiltonium Ducem Castri-Heraldi (qui proximus regni hæres reputatus) aula exclusit, Aranium eius filium carcere conclusit, Bothwellium in Angliam relegavit, & quos sibi adversari posse putavit, singulos de gradu deiecit. Ipsam etiam Reginam tanquam tutor pupillam in sua potestate habuit, ante omnia anxie sollicitus ne de nuptijs cogitaret.

Quamprimum autem comperisset, hinc Imperatorem pro fratre, inde Hispanum pro filio eam ambire, ab utroq; omninò dissuasit, utiq; libertatemoticam Principem externum nec posse nec velle ferre, & quandoque sceptrum ad femellas devolutum fuerit, illas non alios quàm ex Scotica gente maritos assumpsisse. Verum postquàm omnibus omnium Scotorum votis expeti videret ut illa nuberet, & præsentisceret effectum esse providentia Comitissæ Lenoxiæ ut in nuptias Darlij propenderet, ille etiam eum in maritum commendavit, sperans iuvenem facillimo ingenio ad eius nutum futurum. Ut tamen sensit Reginam Darlium vnicè amare, & suam gratiam apud illam elanguescere, consilij poenituit, monuitq; Elizabetham ut quacunque posset ratione nuptias impediret.

Nuptijs iam confectis & Darlio Rege declarato, quum
Regina

Regina donationes illi & alijs contra legem in minori ætate factas revocaret, arma cum alijs in Reges induit, causatus novum Regem Protestantium religioni adversari, & nuptias sine assensu Reginæ Angliæ contraxisse: Sed ne tentata quidem Martis alea, in Angliam, ut dixi, fugit, omnique auxilij spe ibi frustratus, egit per literas cum Mortonio homine profunda versutia, qui quasi alter idem, ut cum nuptiæ dissolui non possent, saltem amor inter coniuges occultis artibus dissolueretur. Et commoda quidem occasio se obtulit, cum illa domesticis simulatibus exortis, ut tumentem iuvenis animum cohiberet, & Maiestatis iura sibi integra conseruaret, mariti nomen in actis publicis postponere, & in nummis signandis omnino omittere cœpisset.

Mortonijs accendendis offensionibus artifex in Regis iuvenis animum blanditijs influit, persuadetq; ut regni Scotiæ Coronam, vel invita Regina, sibi imponeret, & foeminae dominatu se emanciparet, cum foeminarum sit parere, virorum imperare. Hoc consilio speravit ille non solum Reginam, sed etiam procures & plebem à Rege omnino abalienare. Ut Reginam abalienaret, primum varijs calumnijs Regem in Davidis Rizij Pedemontani cædem inflammat, ne ille sagax ipsorum consilia anteverteret. (Hic professione Musicus anno superiori in Scotiam cum Moretto Legato venerat, & à Regina in familiam & gratiam ob solertiam receptus, ad Gallicas Epistolas & intima consilia, Secretario absente, adhibitus erat.) Deinde, ut eandem infestius abalienaret, persuadet Regi ut ipse cædi præsens cum Reuueno, & percussoribus interesset. Qui una cum illo in Reginæ conclaue inter coenandum irumpentes, dum illa cum Comitissa Argatheliæ mensæ adsideret, hominem ad repositorium è sublati è regia mensa cibis delibantem (ut ministri interioris admissionis solent) strictis gladijs aggressi coram ipsa grauida, trepidante, sclopeto in pectus intentato, ut parum abfuerit quin abortum fecerit, in antithalamum rapuerunt, crudelissime trucidarunt, ipsamq; Reginam

Q

in

MDLXVII.

Nuptiam ex-
agitata.

In Angliam
fugit.

Discordiam
inter coniu-
ges diffemi-
nare studet.

David Ri-
zius necatur.

MDLXVII.

*Morauius
renocatur.**Mortonijs
in Angliam
profugit.**Regina à
marito aba-
lienatur.*

in conclaue concluderunt, Mortonio omnes aditus inter-
rim obsidente.

Hæc cædes perpetrata est pridie eius diei, qui Mora-
uio dictus, vt in Ordinum conventu iudicio de rebellio-
ne se fisteret, qui postridie se stetit, cum nemo expecta-
ret, & in tanta rerum perturbatione, nemo ex aduerso
appareret. Vt cædes Dauidis compositò maturata in Mo-
rauij salutem & securitatem videretur. Regina tamen,
marito exorante, eum gratanter excepit, & in fraterno
eius amore tota acquieuit. Regem verò, facinoris mag-
nitudine perspecta, & Regina iam iratissima, temeritatis
poenituit, ad eius clementiam cum lachrimis lamentisq;
supplex confugit, culpamq; deprecatus ingenuè fatetur
se, Morauio & Mortonio authoribus, tanto scelere ad-
strinxisse, Morauiumq; iam inde ita odio habuit (Mor-
tonius enim, Reuenus, & alij, ob Dauidis cædem in An-
gliam profugerant cum commendatitijs Morauij literis
ad Bedfordium) vt de illo tollendo cogitaret. Sed cum
ex iuuenili ardore nec cogitationes celare posset, nec
qua fuit in Reginam coniugem obseruantia, exequi au-
deret, illam edocet in Reipub. vsum, regiæq; familiæ se-
curitatem futurum, si Morauius è medio tolleretur. Illa
rem detestata ab eiusmodi consilijs etiam minando de-
terrui, spe iniecta gratiam inter ipsos componendi. Ille
tamen cum potentiam nothi apud Reginam ægris oculis
intueretur, præ impatientia idem consilium cum alijs a-
gitat, quod vbi Morauio innotuit, vt præuerteret, simu-
latione officij occultiores insidias iuueni opponit, Mor-
tonio, consultore, licet absente, vsum.

His visum ante omnia Reginæ animum à Rege, amo-
re nondum redintegrato, prorsus auertere, & Bothwel-
lium nuper Morauio reconciliatum, atq; apud Reginam
gratia pellentem in societatem pellicere, proposita spe
diuortij ab vxore, & nuptiarum cum Regina simul ac es-
set vidua. Et ad hæc præstanda, eumque contra omnes
defendendum obfignatis tabulis se obligarunt, persuasi,
si res succederet, se posse vna opera Regem tollere, Regi-
næ

næ exiltimationem apud proceres & plebem labefactare, Bothwellium pessundare, & ad se summam rerum attrahere.

MDLXVII.

Bothwellius homo nequam, ambitione obcœcatus, & inde ad audendum proiectus spem propositam facile arripuit, & cædem sceleratè perpetravit, cum Moravius vix ante x v. horas se ad sua longius subduxisset, ne qua suspitione perstringeretur, utque inde coniuratis, si opus, subueniret, & suspitio tota in Reginam caderet. Simul ac in aulam redierat, & ille, & coniurati Bothwellium ex familiæ splendore, opera contra Anglos fortiter nauata, fide spectata, ut eius amore dignissimum in maritum commendarunt. Suggesterunt illam solam & solitariam non posse tumultus excitatos compescere, insidias antevenire, molemq̃ue regni sustinere; in societatem igitur lecti, periculi, & consilij illum adsumeret, qui possit, velit, & audeat se opponere. Eoque adegerunt, ut mulier trepida duabus tam tragicis cædibus perculsa, & Bothwellij erga se & matrem suam fidei & constantiæ memor, quæ quò confugeret quàm ad fratris fidem non habuit, assensum præbuerit. His tamen legibus, ut tenelli filij saluti ante omnia consuleretur, deinde ut Bothwellius tam à Regis cæde, quàm à prioris coniugij vinculo legitimè liberaretur.

Ille occiditur.

*Bothwellius
in maritum
commenda-
tur.*

Quid hac de re statim publicè protestati sunt Georgius Comes Huntleius, & Comes Argathelius, inter Scotiæ proceres faciliè principes, libet hîc ex autographo ad Elizabetham, quod vidi, subtexere. Quandoquidem Moravius & alij, ad obuelandam rebellionem contra Reginam, cuius authoritatem sibi arrogant, illam tanquam cædis mariti consciam apertè calumniantur; nos hæc publicè protestamur & attestamus. Mense Decembri MDLVI. cum Regina Cragmilleriæ ageret, Moravius & Lidingtonius coram nobis agnouerunt, Mortonium, Lindscium, & Reuenum non alio consilio Davidem Rixum trucidasse, quàm ut Moravij saluti consulerent, qui eodem ipso tempore erat proscribendus. Ideò ne male grati viderentur, sibi in votis esse, ut Mortonius & reliqui ob Davidis cæ-

*Protestatio
de cæde Dar-
lij.*

MDLXVII.

dem exulantes reducerentur. Hoc autem fieri non posse innuerunt, nisi Regina à marito diuortio separetur; quod se effecturos sponderunt, modò nos assensum praberemus. Postea Morauus mihi Huntleio promisit auitum patrimonium restituendum, & aeternam gratiam apud exules ineundam, si diuortio fauerem. Itum deinde ad Bothwellium, vt ille vnà consentiret. Postremò ad Reginam accessimus, & Lidingtonius omnium nomine maiorem in modum orauit, vt exilium Mortonio, Lindseio, & Reuueno remitteretur, Regis errata & offensiones in Reginam & Regnum verborum atrocitate exaggerauit, monstrauitq; & Reginae & Reipub. omninò interesse, vt diuortium quamprimum fieret, quandoquidem Rex & Regina non possent simul cum securitate in Scotia versari. Illa respondit se malle ad tempus in Galliam secedere, donec maritus ætatis errata agnosceret; nolle enim quicquam fieri quod fraudi sit filio, aut sibi debonestamento. Ad hæc Lidingtonius; Nos qui tibi à consilio sumus, hæc cauebimus. At impero, inquit illa, ne quid faciatis, quod vel honori meo, vel conscientia maculam inurat. Res sit in integro donec Deus desuper medeatur. Quod vos mihi bonum futurum existimatis, in malum cedat. Cui Lidingtonius, Rem nobis committas, & nihil videbis nisi quod bonum, & Parlamentaria auctoritate comprobandum. Hinc cum post paucos dies Rex nefaria cæde fuerit extinctus, Nos ex interno conscientia testimonio pro certissimo habemus Morauum & Lidingtonium fuisse authores, machinatores, & suasores huius regicidij, quicumque fuerint regicidæ. Hæc illi.

Bothwellius
Regicidij ab-
solutus.

Confœderati iam toti in hoc erant, vt Bothwellius regicidij absolueretur. Protinùs igitur Parlamentaria Comitia nulla alia de causa indicuntur, & edicta prodeunt vt regicidij suspecti apprehenderentur. Cumque Lenoxius Regis cæsi pater Bothwellium vt regicidam accusaret, vehementiusque instaret vt priusquam Ordinum conuentus haberetur, ille iudicio sisteretur; hoc etiam concessum est, iussusque Lenoxius vt intra vicesimum diem se contrà sisteret. Quo die cum ille nihil ab Angliæ Regina intelligeret, & in vrbe hostium plena adesse sine vitæ periculo non posset, Bothwellius pro tribunali ficitur,

stitur, & Mortonio causam eius sustinente, Iudicium sententijs absoluitur.

Hoc negotio confecto, coniurati effecerunt, vt pluri-
mi è nobilitate nuptijs adfentirent, chirographis scripto
appositis, ne ille promissis nuptijs exclusus, eos vt totius
sceleris architectos insimularet. Ex his nuptijs cum Both-
wellio (qui Orcadum Dux creatus) suspicio Reginam
cædis fuisse consciam apud omnes inualuit, quam con-
iurati missis literis passim auxerunt, & occultis coitio-
nibus Dunkeldiæ in Reginæ abdicationem & Bothwel-
lij exitium statim conspirarunt. Morauius tamen vt to-
tius coniurationis expers videretur, exorauit Reginam
licentiam in Galliam proficiscendi, vtque omnem diffi-
dientiam tolleret, res suas vniuersas in Scotia Reginæ, &
Bothwellij fidei commendauit. Vix ille ex Anglia trans-
ierat, ecce qui Bothwellium à reatu cædis absoluerant, &
chirographis in nuptias consenserant, in eum arma sum-
pserunt, quasi apprehensuri; reuerà submonuerunt, vt
sibi fuga confuleret, non alio consilio, quàm ne appre-
hensus totam machinationem renudaret, & ipsius fugam
in argumentum ad Reginam regicidij accusandam arri-
perent. Illam autem interceptam contumeliosissimè in-
dignis modis exagitarunt, & vili palla amictam in carce-
rem ad *Locum Leuinum* contruserunt, sub custodia matris
Morauij, quæ Iacobi Quinti pellex incarceratæ Reginæ
calamitatem petulantissimè infectata est, gloriando se le-
gitimam fuisse Iacobi v. vxorem, filiumque Morauium
prolem esse legitimam.

Quamprimum hæc certis nuntijs Elizabetha compe-
risset, detestata ex animo hanc effrænem in Principem
fororem & vicinam subditorum insolentiam, (quos per-
fidios, rebelles, ingratos, & crudeles subinde appellauit)
misit Nicholaum Throcmortonum in Scotiam, vt apud
confoederatos de hac in Reginam insolentia expositula-
ret, & rationem iniret quomodo illa in pristinam liberta-
tem & auctoritatem restitueretur, supplicium de regici-
dis sumeretur, & Princeps tenellus in Angliam, quo se-
curius

MDLXVII.

*Reginam du-
cit.*

*In eum &
Reginam
conspiratio.
Morauius in
Galliam se-
cedit.*

*Bothwellius
fugatur.*

*Regina in
carcerem
traditur.*

*Elizabetha
de hoc expo-
stulat.*

MDLXVII.

curius eius saluti consuleretur, & non in Galliam mitteretur. Quæ hac de re deinceps dixerò, dum ille in Scotia hæreret, ex illius in literis fide qua sanè sanè optima & spectatissima habe.

Quid de Scotia captiva fiat consiliatur.

Ille plures in Scotia Reginae infensissimos inuenit, qui ipsi, ut etiam *Villeroio* & *Croco*, Legatis Gallicis, aditum ad Reginam planè negarunt. Quid tamen de illa ageretur, coniurati nequiquam inter se conuenire poterant. *Lidingtonius* & pauculi alij in auctoritatem restituendam censuerunt his legibus, ut Regicidæ ex lege punirentur, Principis saluti prospiceretur, *Bothwellius* diuortio separaretur, & religio constabiliretur: alij ut in Galliam aut in Angliam perpetuo exilio relegaretur, modò Rex Gallia, aut Regina Anglia fide-iuberent, quòd illa omnem regiam auctoritatem in filiolum & quosdam è proceribus, regno eiurato, transferret. Alij ut iudicio sisteretur, damnaretur, in perpetuo carcere conderetur, & filius in Regem inauguraretur. Alij denique ut regia auctoritate & vita semel simulque extremo supplicio spoliaretur. Et hoc *Knoxus* & aliquot verbi Ministri è suggestis intonarunt.

Throcmortonus Scotæ causam tenet.

Scoti contra differunt, ex argumentis Buchananani.

Contrà *Throcmortonus* è sacrarum literarum auctoritate de obsequio præstando *supereminetioribus potestatibus gladium gestantibus* multa proposuit, acriterque disse-ruit Reginam nullius iudicio, præterquam cælestis Iudicis subiacere, pro nullius Tribunali in terris posse sisti, nullam esse magistratus auctoritatem in Scotia quæ à Reginae auctoritate non est delegata, & ab ipsa reuocabilis. Illi peculiare ius regni apud Scotos opposuerunt, & in causis extraordinarijs extra ordinem esse decernendum, rationibus à *Buchanano* acceptis, qui tunc temporis, *Moravio* suatore, damnatum illum Dialogum *De iure regni apud Scotos* scripsit, quo populo ius esse Reges creandi & abdicandi contra Historiæ Scoticæ fidem astruitur. Nec destitit ille pro Regina restituenda, & accessu ad eam importunè interpellare, etsi à *Lidingtonio* subinde responsum erat, accessum non posse illi concedi, cum Gallis negaretur. Gallo
non

non displicendum, vt Angliæ Reginæ placerent, quam suis solummodò rationibus inseruire experti erant non ita pridem, cum Gallos in rem suam à Scotia demoueret, & nuperrimè cum Scotis exulibus ob cædem Daudis Rizij tantillum fauoris, & parca quidem manu præberet. Ad hæc, cauendum ne ex importunitate ista Scoti ad Gallorum amicitiam, Anglis neglectis, se reciperent; submonuitq; Gallico prouerbio: *Il perd le ieu, qui laisse la partie*, ne Angli Scotos amicos distituerent.

Deinde verboso scripto quod Throcmortono sine cuius subscriptione tradiderunt, protestati sunt se non alio consilio Reginam in secessum seclusisse, quàm vt à Bothwellio, quem perditè in ipsorum perniciem adamauit, seiungerent; donec impotens amor in illum, & muliebris iracundia in ipsos deferuesceret; & hoc responso vt acquiesceret, iusserunt, donec reliqui procures conuenirent. Reginam tamen indies arctiori custodia concluserunt, etsi lachrimis oppleta demissimis precibus obtestaretur vt mitius cum ea ageretur, si non vt Regina, tamen vt Regis filia, & Principis matre, quem, vt semel muiseret, sæpius frustra supplicauit. Sed ne sigillatim iniurias in illam persequar, tandem blandè aggressi sunt, vt regno sponte cederet, excusatione quæsitæ vel ex aduersa valetudine, vel regnandi molestia, vel quod alij subtilius monuerunt, vt cessione facta, illa negligentius custodita facilius euaderet. Cum hæc non succederent, minitati sunt illam publico iudicio ream peragere vitæ incontinentè actæ, Regicidij, & Tyrannidis hoc nomine, quòd leges & patria iura violasset, nominatim quæ Randanus & D'Oiselijs Regis Galliarum & ipsius nomine confirmarant. Tandem mortis terrore iniecto, eam inauditam compulerunt tribus Diplomatis chirographum apponere, quorum primo regnum cessit filiolo vix x i i i. menses nato, altero Morauium Proregem constituit dum filius in minori esset ætate, tertio, si Morauius onus recusaret, hos rectores filio nominauit Iacobum Castri-Heraldi Ducem, Matthæum Lenoxiæ, Gillespicum

MDLXVII.

Regni resignationem extorquent.

MDLXVII.

lespicum Argatheliæ, Ioannem Atholiæ, Iacobum Mortonij, Alexandrum Glencarniæ, & Ioannem Marriæ Comites. Nec mora, illa Regina Angliæ per Throcmortonum significauit se coactam cessisse, & cessionis instrumento inuitam subscripsisse, ex consilio Throcmortoni, qui persuaferat cessionem in carcere, *qui iustus est metus*, extortam, planè irritam esse. Sed de his plura anno sequente, ex vtriusq; partis accusationibus & defensionibus coram cognitoribus Eboraci.

Iacobus
Sextus in
Regem inan-
guratur.

Quinto à cessione die, Iacobus Reginae filiulus in Regem inungitur, & coronatur, Ioanne Knoxo concionante; protestatione ab Hamiltonijs interposita ne præiudicio esset Duci Castri-Heraldi in iure successionis contra familiam Lenoxiam. Elizabetha verò Throcmortonum interesse vetuit, ne illa tam iniustam Reginae abdicationem legati sui præsentia approbare existimaretur.

Morauius
in Scotiam
redit.

Die vicesima à cessione, Morauius ipse in Scotiam è Gallia redijt, tertia post die, cum nonnullis è coniuratis Reginam accessit, crimina plurima obiecit, & tanquam confessor religiosus pluribus egit, vt vera pœnitentiâ ad Deum se conuerteret, & illius misericordiam imploraret. Illa de antea actæ vitæ peccatis doluit, ex obiectis alia agnouit, alia extenuauit, alia ex humana fragilitate excusauit, & plura prorsus denegauit. Illum obsecrauit vt gubernacula rerum pro filiolo susciperet, vtque suæ existimationi & vitæ parceret iterùm atq; iterùm obtestata est. Ille hoc sibi integrum esse negauit, sed à regni Ordinibus efflagitandum. Si tamen illa vitæ & honori consultum vellet, hæc obseruanda præscripsit, Ne regni & Regis tranquillitatem interturbaret, ne è carcere se subduceret, ne Reginam Angliæ, aut Regem Galliæ excitaret ad Scotiam externo vel interno bello infestandam, ne ampliùs Bothwellium adamaret, aut de vlciscendis Bothwellij aduersarijs cogitaret.

Regina præ-
scribit.

Regens siue
Prorex con-
stituitur.

Iam Prorex siue *Regens* declaratus, se obsignatis tabulis obligat nihil acturum quod ad bellum aut pacem, Regis personam, & matrimonium, aut Reginae libertatem spectet,

spectet, sine coniuratorum assensu. Throcmortonum per Lidingtonium monet ne amplius pro Regina interpellat, se & cæteros malle omnia perpeti, quàm pati vt illa liberata Bothwellium retineat, filium in pericula, patriam in turbas conijciat, & ipsos proscribat. Nouimus, inquit, quid vos Angli bello possitis, nostros limites vastetis, & nos vestros; certoq; scimus Gallos pro antiquo inter nos foedere nos minimè derelicturos. Lignerolio tamen Gallico Legato aditum ad Reginam denegat, donec Bothwellius apprehenderetur; miseramq; Reginam asperius quàm pro meritis erga eum indies tractat, contra quàm Regi Gallorum promiserat. Hæc hætenus ex Throcmortoni literis.

Mox Morauius supplicium sumit de Ioanne Hepburno, Paride Gallo, Daglisho, & alijs Bothwellij famulis, qui Regis cædi intererant. Sed illi, quod minimè expectauit, ad patibulum coram Deo & Angelis protestati sunt, se ex Bothwellio intellexisse Morauium & Mortonium Regicidij authores fuisse, Reginam ab omni suspicionem exemerunt: vt & ipse etiam Bothwellius captivus in Dania, & viuens & moriens Reginam minimè consciam fuisse religiosa asseueratione sæpenuerò contestatus est. Et decimo quarto post anno, cum Mortonius extremum supplicium subiturus esset, fassus est Bothwellium secum egisse, vt in Regicidium consentiret, quod cum omninò abnueret, nisi Regina sub chirographo mandaret; Bothwellium respondisse, hoc neutiquam fieri posse, at facinus, ipsa inconsulta, perpetrandum esse.

Hanc præcipitatem Reginæ abdicationem atque coniuratorum in legatos peruicaciam & Elizabetha & Gallus, vt cum Regiæ maiestatis probro coniunctam ægerimè tulerunt, & Hamiltonijs qui à Regina steterunt, fauere cœperunt. Pasquierus etiam à Gallo Legatus egit cum Regina Angliæ vt vi & armis restitueretur, quæ consultius existimauit, vt commercia tum in Gallia tum in Anglia Scotis interdicerentur, donec liberaretur: vt ea ratione populus à proceribus disiungeretur, qui con-

R

iunctim

MDLXVII.

*De regicidis
quibusdam
supplicium
sumit.*

*Reginam
suspicionem
eximunt.*

*Angla, &
Gallus libe-
rare student.*

MDLXVII.

*Caletum re-
petitur.**Contrà disse-
ritur.*

iunctim in Reginam coniurasse videbantur. Sed hæc Scotica paulisper omittamus.

Cum iam octo annis expletis, Caletum ex Tractatu apud Castellum Cameracense, Anglis reddendum esset, Thomas Smithus in Galliam cum Guilielmo Wintero classicarum machinarum præfecto missus, clarigante tuba ante maritimam Caleti portam, oppidum Caletum cum territorio, & quibusdam machinis bellicis clara voce Gallicè ex Tractatu repetijt, & hoc in acta à Notario mox relatum, Germanis quibusdam mercatoribus, & Belgis qui fortè aderant, in testimonium adhibitis. Mox Regem Galliae accessit ad Castrum Fossatense, ubi cum Henrico Norrisio legato ordinario denuò repetijt. Rexrem ad Consiliarios reiecit, è quibus Mich. Hospitalius Cancellarius graui & composita oratione in hanc sententiam disseruit. *Quo iure Angli repetunt Caletum, eodem etiam Lutetiam Parisiorum repetere posse; hanc enim perinde ac illud bello acquisierant, & vtrumq; bello amiserunt. Anglos ius novum in Caletum prætere, Gallorum ius ipsi regno esse coænum. Quamvis Angli CC. XXX. plus minus annos possiderint, ius tamen penes Galliae Reges fuisse non minus quàm Ducatum Aquitaniae & Normaniae, quos Angli diu armis detinuerant. Gallos Caletum, uti etiam Ducatus illos non bello acquisivisse, verum recuperasse. Prescriptionem temporis quam allegant, inter Principes locum habere nullum, sed ius semper valere, & ex XII. Tabulis Adversus hostem æternam esse auctoritatem, Anglos in negotijs contrahendis admodum esse consultos, in recenti tamen Tractatu Trecensi, postquàm bellum de Caletum potissimum inchoassent, ne Caleti quidem meminisse, ut agnoscere viderentur se suo in Caletum iure omninò cessisse. Tractatum equidem Trecensem novationem fuisse, ita ut Tractatus planè tunc fuerit renouatus; Nec obstare clausulam illam de reservationibus iurium; cum tantum minutiora respiciat, & hoc de Caletum inter potissima censendum. Quicquid in Scotia Franciscus II. attentaverit, iuri Caroli IX. fraudi esse non posse. Quæ quis privatus attentaverit, in quibusdam causis legibus subijci; in Principum autem causis aliter se res habere. De attentatis in Scotia dotali regno, cum*

Scotorum

Scotorum Regina Angli expostulent, qui de Francisci & Reginae consilio ex coniecturis augurantur, cum Angli Franciscopolum in Gallia specioso obtentu Regi eam conseruandi ingressi, valido imposito praesidio, & bellico apparatu longè instructissimo, armis tenuerint, & Condeo, foederatisq; pecuniam suppeditarint; ideoq; suo in Caletum iure sua ipsorum culpa excidisse. Diuino numini visum esse vt Caletum à Gallis recuperato, bella inter Gallorum & Anglorum gentes consopirentur, quas interfluente pelago diuiserat, vt ille canit.

Et penitus toto diuisos orbe Britannos.

Reginam etiam Angliæ magis suo commodo consulturam, pacem cum Gallo colendo, quàm Caletum recuperando. Deniq; neminem vel audere Regi authorem esse, vt Caletum Anglis restitueretur; si quis autem sit illum extremo supplicio esse dignissimum, imo infra inferos amandandum.

Ad hæc, Smithus, Se non expectasse vt tam obsoletum Gallorum ius ad Caletum ex profunda antiquitate repeteretur. Iam tandem autem perspicere quicquid Galli quo iure qua iniuria in possessionem semel attraxerint, id pro suo iure deputare, tanquam ius ijs solum esset in armis, & nihil interesset bona an mala fide possideant. Gallos existimare se Caletum postliminij iure tenere, quod ex Conuentione tenent, nullam posteriorem Conuentionem admittere, & apud animum statuisse pactam de Caletum restituendo fidem neutiquàm præstare. Hæc verò omnibus omnium rationum momentis præponderare. Laudem quam tribuit Anglis quasi consultis in pactationibus faciendis, Gallos sibi semper arrogasse, & Anglis detraxisse, Nouationem contractus planè Antistrophon esse, & in Gallos verè posse retorqueri, scilicet quia Regina Caletum repetijt, eò quòd Galli innouando & attentando armis in Scotia, iure in Caletum exciderint. Galli contra Anglos iure in Caletum excluderent, eò quòd postea ad Franciscopolum armis Regina Angliæ attentauerit. Cum in his alter alteri nihil concederet, inquit, in pacem Trevis conuenimus, quæ si Nouationem induxerit, Nouationem illam ius Gallorum in Caletum extinxisse, & Anglorum confirmasse, quorum dies nondum venerat, quia Caletum vendicare non poterant, o Eternio tunc temporis non exacto. Hic assurgens, & ad Galliæ

MDLXVII.

Smithus
respondet.

MDLXVII.

Consiliarios conversus; *Vestram*, inquit, *fidem* qui adfui-
stis, appello, cum nos ius nostrum ad *Caletum* disertis verbis re-
servandum urgeremus, vos omittendum, quia tempus nondum
venerat; annon inter nos conuenerit, ut tacite reservaretur sub
clausula illa. Omnes aliae petitiones, & demandae invi-
cem remanebunt saluae & integrae: & pari modo excep-
tiones & defensiones, hinc inde reservabuntur. Quod ad
Franciscopolim, eam Anglos ingressos esse pacifice ab incolis &
nobilibus Normanniae rogatos, protestatione facta, se in usum
Regis Galliae conservaturos. Ita ut nihil armis contra Regem
Gallorum attentauerint, aut innouarint in *Traetatus* praein-
dicium; tenuisse autem non aliquo proprietatis iure, sed in va-
dimonium, ut aequa sibi fierent de *Caleto* detento, cuius ius tam
quoad possessionem quam proprietatem ad *Reginam* deuolutum
erat ex *Gallorum* in *Scotia* attentatione, plane contra *Traeta-*
tum. Quod ad pecuniam illam, Condeo & foederatis non alio
consilio mutuo datam fuisse, quam ut Germanis militibus de sti-
pendio tumultuantibus satisfaceret, ne Regis agris & vicis vasti-
tatem inferrent. Quae etiam Rex Edicto agnouit facta fuisse,
A bon fin. Et pour nostre seruice. Haec & eiusmodi Smithus.

Cum de instructissimo apparatu bellico Anglorum in
Franciscopoli, multa loqueretur Momorantius Consta-
bularius, gladio cum vagina Liliata (qui Officij est In-
signe) sublato, quasi non ad vnum opidulum propug-
nandum, sed ad vniuersam Normanniam expugnandam
sufficeret. Non est, inquit Smithus, cur hoc quis demiretur,
cum Angli gens maritima sciat se in ventos maris dominos im-
perium non habere, & igitur tempestiue & plene in posterum
providere. Galli postea grauissime conquesti Protestan-
tes à Gallia profugos Legato Gallico reposcenti, non
fuisse ex pactis redditos; in aliud tempus rem proroga-
runt, quae bello intestino in Gallia illico incrudescente,
quasi sensim silentio expirauit. Et proculdubio Galli a-
pud se statuerant *Caletum* nunquam reddendum. Sta-
tim enim atq; captum erat, vetera propugnacula subruie-
rant, noua inchoarant, aedes & fundos alios in quinqu-
aginta annos elocarant, alios in perpetuum donarant.

Dum

*Res dilatione
 euanescit.*

Dum hæc in Gallia tractantur, Comes Stolbergenſis à Maximiliano Imperatore in Angliam venit de nuptijs cum Carolo Archiduce acturus, quo nomine Regina Comitem Suffexiæ ad Imperatorem, cum Georgiani Ordinis inſignibus paulò antè miſerat, qui ex charitate in patriam, cum æmulatione in Leiceſtrium coniuncta, nulum non mouit lapidem vt Regina Principi alicui externo matrimonio coniungeretur, & Leiceſtrius ſpe depelleretur. Nec quicquam Suffexio crebrius in ore, quàm ſiue *Honor*, ſiue *Potentia*, ſiue *Opes* in Reginæ matrimonio ſpectentur, externum Principem vel nobiliſſimo Anglo præponendum. Adeò vt quidam qui contrà ſenſit, coràm lepidè dixerit, *Vbi tria illa, Honos, Potentia, & Opes in nuptijs ſpectantur: Diabolum & Mundum auſpices eſſe & pararios.* Leiceſtrius in ſuam tamen ſpem pronus Baronem Northum, quem ſibi itineris Comitem Suffexius adiunxerat, ſubornauit, vt quid diceretur ſubauſcultaret, quid ageretur obſeruaret; & quantum Suffexius nuptias cum Archiduce promoueret, tantum ille clam impediret, ſubinnuendo Regiæ animum à nuptijs eſſe auerſiſſimum, quicquid præ ſe ferret, & Suffexius oſtentaret. Nec ipſe domi deſtitit omnia externi coniugij incommoda auribus ingerendo, Reginam deterere.

Propoſuit illud recens Mariæ ſororis cum Philippo Hiſpano coniugium, quo illa in perpetuum mærorem & Angliæ in Hiſpanicæ ſeruitutis periculum fuerat coniecta: Diſſeruit exterorum mores, mentem, & ingenium perſpici non poſſe, quæ in marito qui indiuiduo nexu ſit vna caro, perſpici in primis intereſt. Cum lingua, moribusq; peregrinis aſſidè verſari, moleſtiſſimum eſſe & miſerandum. Liberis ex peregrino coniugio procreatis inſolens, & peregrinum quiddam innasci, exterorum conſortio nouos mores, noua inſtituta in Rempub. inuebi, Mulieres Principes externis nuptijs non ſuum ſed alienum regnum plerumq; augere, ſe ſuoſq; alieno imperio ſubycere, nec non regni arcana exteris prodere. Exterum maritum pro innata in patriam charitate Anglos ſuis poſthabiturum. Angliæ externo auxilio

MDLXVII.

*Suffexius ad
Imp. de nup-
tys miſſitur.*

”
”
”
”

*Leiceſtrius
ſe opponit.*

*Ex coniugij
externi in-
commodis.*

MDLXVII.

auxilio nihil opus esse, quæ ad se suaq; tuenda, & vim externam propulsandam satis habet in se præsidij, alterius regni accessione nihil nisi maiores expensas, curas, & solitudinem accedere; utq; corpora humana, ita & imperia mole sua laborare. Illud autem in nobilitatis contumeliam à nonnullis usurpari, domestico coniugio aliquid à Regia dignitate detrahi, cum Regia Maiestas quæ ad tantam sublimitatem viam sibi virtute aperuit, à nobilitate ortum repetat, nobilesq; familiæ Regiæ stirpis quasi radices existant, indeq; esse quod Reges Angliæ, Duces, Marchiones, Comites, & Vicecomites Consanguineorum titulo in literis semper salutarunt.

Articuli de
coniugio.

De religione
scrupulus.

Cum magno & splendido apparatu Suffexius interim per Antuerpiam, Coloniam, Moguntiam, Wormatiam, Spiram, Vlmam, Augustam Vindelicorum, in Austriam venit. Vbi honorificè exceptus, Imperatoris sumptibus quinq; menses hæsit, de rebus grauissimis, & Caroli nuptijs cum eò assidue collocutus: & statò die cum Georgiani Ordinis insignibus investiuit ad preces vespertinas; cum Missæ Sacrificio interesse ex conscientiæ scrupulo recusaret. In hoc negotio occurrerunt difficultates de religione, Ducis sustentatione, titulo Regio, & successione, de quibus multa vtrò citroq; agitata. De titulo conuenit ut Carolus Archidux Regis Angliæ titulo & nomine frueretur. De successione, ex iure regni non posse succedere, id enim liberis fraudi futurum, quorum tamen tutelam ut haberet, conuenit. Nec ampliora Philippo Hispano cum Mariam duceret, concessa fuere. De sustentatione, si aulicos quos secum adducet, & retinebit, suo ære alere voluerit, Reginam cætera, & illud etiam si requirat, prolixè pro Regia dignitate suppeditaturam. Verùm de religione scrupulus resedit. Postulauit Imperator, necnon ipse Carolus, ut templum concederetur publicum, quo sibi & suis sacra Romano ritu celebrarentur. Cum hoc non audiretur, medium quiddam excogitauit Imperator, ut loco aliquo priuato in Regia suis sacris pacificè vteretur (quod Pontificiorum Principum Legatis in suis ædibus permissum) idque his legibus, ut Angli

Angli non admitterentur, nec ipse aut famuli religioni in Anglia receptæ contrauenirent, aut contrauenientibus fauerent. Si propter sacra aliqua suboriretur offensa, ad tempus intermitteret, necnon, ut cum Regina sacris Ecclesiæ Anglicanæ ritu celebrandis adesset. Hac re maturè in Anglia deliberata (ne multis immorer) respondit Regina. Quod si hoc concederet, conscientiam suam læderet, & publicas regni leges apertè violaret non sine maximo tum dignitatis, tum salutis periculo. Sin autem Carolo placeret Angliam adire, ut præsentem videret, itineris suscepti dignos fructus relaturum. Ita Suffexium summo cum honore dimisit Imperator, & ille Gretzium deflexus Carolo valedixit, qui commodius responsum à Regina frustra sperauit. Iam inde enim dies hæc paulatim extenuauit, quæ toto septennio honorificis internuntijs adoleuerant. Necessitudinis tamen, & tantæ mutæ beneuolentiæ inter Principes charitas permansit, ut Imperator Pontificis Romani in Elizabetham molitiones semper impedierit. Carolus Archidux haud multò post in uxorem accepit Mariam Alberti v. Ducis Bauariæ filiam, quæ illi Hispaniæ & Poloniæ Reginas præter alios peperit.

Venerunt sub hoc tempus in Angliam Stephanus Twerdico, & Theodorus Pogorella, à potentissimo illo Ioanne Basilide Russorum & Moscouiæ Imperatore, cum pretiosis pellibus Zibellimis, Luserinis, & alijs quæ illo tempore, & superioribus seculis ab Anglis in ornamentum & salubritatem inprimis expetitæ; Omneque studium & operam Reginæ & Anglis prolixè detulerunt, quæ Imperator ille, iam ante cumulatè præstiterat ex his initijs.

Dum quidam Mercatores Londinenses, quorum primarij Andreas Iuddus, Georgius Barnesus, Guilielmus Gerardus, & Antonius Huseius, Anno M D LIII. viam in Cathaiam per mare illud glaciale siue Hyperboreum quærerent ductu Hugonis Willoughbæi, qui rigenti frigore enectus, Richardus Chancellor ab illo secundus auspicator

MDLXVII.

*Legati à
Mosco.*

MDLXVII.
*Angli viam
 per mare in
 Mosconiam
 aperuerunt.*

*Mosconitica
 mercatorum
 societas.*

*Arcana à
 Mosco Le-
 gatio.*

auspicatò in Russiam aditum priùs ignotum aperuit, delatus in ostium Duinæ flu. sub latitudine Poli Borealis LXIIII. vbi Monasteriolum S. Nicholao sacrum. Hinc trahis pro more regionis Moscuam Imperator accersijt, gratanter excepit, & benignè demisit amplas immunitates Anglis pollicitus, si in suo Imperio mercaturam exercerent, ex animo lætatus merces exoticas mari in Russiam posse invehì, quas Russi antea per Naruam & hostiles Poloni regiones difficulter acceperant. Cùm Chancellorus reuersus hæc docuisset, & quanti pretij Anglici panni in illo tractu essent, & quàm vili spartum, linumq; ad rudentes, cæra, & pelles præciosæ vendarentur: Mercatores illi in Collegium siue Societatem, annuente R. Maria coaluerunt, quam *Mosconiticam* vocamus, & multis immunitatibus à Basilide indultis, iam inde classe quotannis eò missa, quæstuosam mercaturam exercuerunt: quæstuosissimè autem postquàm Elizabethæ apud Basilidem gratia anno M. D. LXIX. impetrassent, vt nulli præter Anglos ex illa Societate in Septentrionali Russiæ parte negotiarentur, & illi soli per amplissimum eius Imperium merces distraherent, vt suo loco dicemus.

Cum his legatis Russicis reuersus est in Angliam Antonius Ienkinsonus qui Russiam diligentissimè perlustrauit, tabula Geographica descripsit, primus Anglorum mare Caspium nauigauit, & ad Bactros penetrauit. Huic Imperator arcana mandata, quæ suis non communicauit, dedit. Silicet vt cum Elizabetha sedulò ageret de mutuo defensionis & offensionis foedere contra omnes, ineundo, & naupægis, nautis, & bellico apparatu in Russiam mittendis. Vtq; iureiurando præstito Regina se obstringeret ad eum cum vxore & liberis humaniter excipiendum, si vel à rebellibus vel hostibus imperio eijceretur. Ita Tyrannus à quo nihil cuiquam tutum, ipse sibi minimè tutus videbatur. Et iniquè sanè tulit quòd Regina ad hæc circumscriptè responderit. Nec tamen destitit hæc literis etiam & legatione, vt suo loco dicemus, vrgere, subinde requirens, vt Antonius ille remitteretur, quasi in tanti momenti arcanis mala fide egerat. Primo

Primo huius anni mense animam Deo reddidit Nicholaus Wottonus vtriusq; Iuris D. Ecclesiæ Cantuariensis, simulq; Eboracensis Decanus, vir natalibus clarus, sed prudentia domi forisq; longè clarior: Regibus enim Henrico Octauo, Edwardo Sexto, Mariæ & Elizabethæ ab intimis consilijs, ad Imperatorem, Galliarum & Hispaniarum Reges, aliosq; Principes nouies legatus, ter pacis reconciliatæ inter Anglos, Gallos, & Scotos delegatus, & ob Henrico Octauo inter sedecim supremi testamenti curatores electus.

MDLXVII.
Nich. Wottoni obitus.

Diem etiam supremum obiit Elizabetha Leiburna Tho. Ducis Norfolciæ vxor tertia, quæ vidua Baronis Dacrei ante annum enupta liberos illi peperit nullos, sed priori marito Georgium Baronem qui adolescentulus periit equo ligneo desultorio oppressus dum insilire disceret, & tres filias tribus Ducis filijs de futuro desponsatas.

Ducisse Norfolciæ mors.

Shanum O-Neal filium legitimum Coni-O-Neal agnomine Bacco .i: Claudii potentissimum in Septentrionali Hiberniæ plaga, quæ Ultonia dicitur, Dynastam, in Angliam venisse, & supplicem rebellionis culpam deprecatum anno MDLXI. diximus. Ille domum reuersus eam Hiberniæ partem contra Scotos ex Cantira & Hebridibus irruentes fortiter defendit, eorū ductoribus Iacobo Mac-Conello, cui gener erat, & Angno eius fratre cæsis. Qua victoria insolentior, in minores Ultoniæ regulos tyrannidem exercere cœpit, Armacham Hiberniæ Metropolim in odium Archiepiscopi incendio deformavit, O-Donellum, qui in hoc tractu secundus ab eo, bonis spoliavit, captivum abduxit, & vxorem rapuit, Mac-Guirum ex auita hæreditate deturbauit, Mac-Genissum, & alios deprædatus. Quorum patrocinium cum Angli susciperent, rebellionis signum in Reginam sustulit, quod Thomæ Cusaci ex Ordine Equestri suasu mox deposuit, & filio in obsidem dato, in ordinem rediit. Utq; in officio contineretur, statuit Regina, Henrici Octauii Diplomate refixo, quo Matthæum falsò Coni filium creditum pa-

Shanus O-Neal tumultuatur.

Rebellat.

MDLXVII.

tris successorem declarauerat, huic Shano vt certo filio & hæredi titulum honorarium Comitis Tir-Oeniæ & Baronis *Dungannoni* conferre. Sed vir ingenio irrequieto cum videret se potuisse conscribere ex suis cIo. Equites, pedites 1111 cIo, & stipatores iam haberet septingentos; huiusmodi honorarios titulos præ *O-Neah* nomine, barbarico tumore dedignatus, pro Vltoniæ Rege inter suos se venditavit, Rusticos ad bellum exercuit, Hiberniæ regnum Scotorum Reginiæ obtulit; eoq; odio in Anglos exarsit, vt Castrum quod in Lacu *Eaugh* construxit, *Feoghnegall*, i. *Odium Anglorum* nominaverit, & quosdam è suis strangulaverit, quod Anglico pane vescerentur, de Regina tamen nunquam nisi cum honore locutus.

In hunc Henricus Sidneius Prorex iussus est mouere, & Edwardus Randolphus egregius Ordinum ductor in Septentrionalem Vltoniæ oram cum ala equitum, & septingentis peditibus per mare missus ad *Dirriam* exilem sedem Episcopalem prope *Logh-Foyl*, vt illum à tergo premeret, quodocunq; Prorex ex altera parte aggredere-
 tur. Shanus his cognitis Dundalkiam furibundus adortur, sed à præfidiarijs magna clade accepta repellitur, nec minori apud *Whites-Castle*. Comitatum *Louth* ferro flamma postea vastaturus à parua Anglorum manu, multis suorum desideratis, in fugam conijcitur. *Dirriam* deinde profectus agrum circumvicinum prædatur, Anglos præfidiarios ad pugnam provocat, qui acie instructa, incompositam multitudinem facile perrumpunt, fundunt, fugantq;. Victoria autem tristis ex infœlici fato Randolphi ductoris qui inter medias hostes magnanimè pugnans occubuit, Vir sanè nostra memoria eximius; nec fuit alius qui maiorem authoritatem cum maiore charitate apud milites conciliavit. Illi suffectus Edw. à *S. Laudo* siue *S. Lo* rebelles hac in parte gravibus affixit damnis, donec fortuito igne præsidium cum re annonaria & puluere nitrato, qui plures milites difflauit, deflagraverit. Tunc enim peditibus in naviculas, quas habuit, impositis, ipse cum ala equitum, cui Georgius Heruæius præfuit,

Profligatur.

fuit, per medios hostes insultantes, quatuor dierum itinere ad Proregem penetravit, qui Randolpho ob virtutem exequias ipse atratus soluit.

Prorege iam in Ultoniam movente, Shanus cum suis in sylvas & saltus se abdit, semel atque iterum extrema agmina prope *Clogher*, & *Salmon Turloghi Leinighi* Castrum, qui tunc à Shano defecerat, carpit. Postquam autem Prorex præsidij dispositis & *O-Donello* in sua restituto, ad lites inter Ormondia & Desmonia Comites sedandas, qui infestis signis concurrerant, rediisset, Shanus animo resumpto, agris latè populatis, Dundalkiam iterum obsidione incingit, quam, plurimis suorum cæsis, magno cum damno & dedecore mox soluere adactus. Vnde furore quasi quodam percitus barbara crudelitate in suos sæuijt, vsq; adeò vt plures eum diseruerint, & ipse cum numeros attenuatos (etenim præter desertores, IIII c. cæsi fuerant) aditus interclusos, perfugiaq; ab Anglis occupata videret, animum induxit, capistro collo alligato ad Proregis genua se aduoluere & culpam deprecari. Dissuasit autem qui illi ab Epistolis, monuitque vt prius amicitiam Hebridianorum Scotorum tentaret, qui ardente bello in *Clandeboiam*, vnde ille eos paulò ante deturbarat, redierant, ducibus Alexandro *Oge .i. iuniore*, & *Mac-Gillespico*, quorum fratres Agnum & Iacobum *Mac-Conellum*, ipse in pugna interfecerat. Ad hos præmissis eorum fratre *Surleyo Boio .i. Surleio Flauo*, quem captivum diu detinuerat, ad gratiam redintegrandam, accessit cum rapta *O-Donelli* coniuge.

Illi in vindictam fratrum, & cognatorum quos occiderat, exardentes, simulata comitate exceperunt, & mox in tentorium admissum inter pocula ad iurgia prolapsi de probrosis Shani in eorum matrem verbis, strictis machoeris aggrediuntur, ipsumq; & è comitibus plerosque contrucidarunt. Hunc cruentum vitæ exitum habuit medio Iunio Shanus qui patrem dominatu, fratrem notum vita spoliauerat, homicidijs & adulterijs contaminatissimus, helluo maximus, ebrietate adeò insigni, vt ad

MDLXVII.

In suos sauit.

De submissione cogitat.

Occiditur.

MDLXVIIIⁿ

Hugo qui
postea Comes
Tir-Oenia.

Momoniam
turbatur.

corpus vino, & *Aqua vitæ* immodicè hausta inflammatum, refrigerandum, sæpius mento tenus terra condere-
tur. Liberos ex vxore reliquit Henricum & Shanum, ex O-Donelli vxore & concubinis plures. Possessiones, & bona Parlamentaria regni Hiberniæ authoritate in fiscum redacta, Turloghus *Lenigh* ex O-Neali familia potentissimus, vir sedato ingenio, Regina volente, populari electione O-Neal salutatur. Hugo tamen Baro *Dungannoni* vulgo dictus, Shani ex Matthæo fratre notho nepos, iuuenis tunc dispectus, qui postea patriæ turbo, imo pestis, Reginæ in gratiam recipitur, vt haberet quem Turlogho opponeret, si forte ab officio recederet.

Pax ita Vltoniæ reddita, at interim in Momonia, res turbidæ ex praua inter Ormondia & Desmonia Comites cognatos æmulatione, & litigijs de finibus, vsq; adeò, vt prælium iuxta Dromelinum consererent, & in Angliam ad causam in Regio Consistorio dicendam evocarentur. Cum tamen res implicatior esset, ad Proregem in Hiberniam remissi, vbi testes & notoria præstò. Illi autem numerosis & bellicosis clientelis, animis, amicisq; in Aula pares, spreta legum authoritate, ferro rem decernere statuerunt. Prorex se authoritate & armata manu interposuit. Ormondus verò qui causa potior videri voluit, effecit vt Prorex tanquam in Desmonium pronior increparetur; & Desmonium intercipere iuberetur, quem ex improvviso apud Kilmalocum cum Ioanne Desmonio patruo interceptum in Angliam misit, vbi in custodiam traditi.

M. D. LXVIII.

Papista absolunt.

DVm Thomas Hardingus, Nicholaus Sanderus, & T. P. Theologi ex Anglia profugi strenuè exercerent *Episcopalem potestatem* à Pontifice Romano nuper acceptam, *absoluendi in foro conscientia omnes Anglos qui ad Ecclesiæ gremium reuertebantur,*

bantur, & dispensandi etiam in causa irregularitatis, exceptis ex homicidio voluntario provenientibus, seu deductis in forum contentiosum; etiam ab irregularitate ratione hæresis, dummodo absolventi abstineant per triennium à ministerio Altaris: ex altera parte Colmanus, Buttonus, Hallinghamus, Benfonus, & alij, qui synceriores religionem ardenti cum zelo professi, nihil nisi quod è sacrarum literarum fontibus haustum probarunt, siue ex purioris disciplinæ, novitatis, aut dissensionis studio, receptam Ecclesiæ Anglicanæ disciplinam, Liturgiam, Episcoporum vocationem in quæstionem palam vocarunt, imo damnarunt, vt quæ Romanam religionem plus nimio sapiant, quacum aliquid habere commune, impium esse declamitarunt; omnia versantes, vt ad Genevensis Ecclesiæ amussim singula in Anglica Ecclesia reformarentur. Hos quanquam Regina in custodiam dari iusserit, incredibile tamen est, quantum, consecranei, qui invidioso Puritanorum nomine statim innotescere cœperunt, obstinata quadam pervicacia, Episcoporum vecordia, & occulto quorundam nobilium Ecclesiæ opibus inhiantium fauore, ubiq; succreverint.

Cum Galli qui religioni reformandæ itidem incubuerunt, veriti sacrum fœdus à Pontificijs in ipsos initum esse, paulò antè Regem armata manu ex iusto metu cum supplice libello accessissent, secundum civile bellum erupit, ad quod dirimendum, Regina Norrisium Legatum intercedere iussit; & pax sanè simulata, insidiarum plena subsecuta est. Quo tempore Regina mater Regis Galliæ blanda & benigna humanitate erga legatum & alios Anglos vsa, tectè & quasi aliud agens de nuptijs inter Elizabetham & filium Henricum Ducem Andium vix x vii. annos natum verba facere cœpit; nec alio, vt plures existimarunt, consilio, quàm vt illam à sublevandis Galliæ Protestantibus distineret in tertio bello civili quod imminere augurabatur.

Inhumanius autem cum Manno Anglico in Hispania Legato actum, qui insimulatus minus reverenter de Pontifice

MDLXVIIJ

*Nonatores
prodeunt.*

*Secundum
civile bellum
in Gallia.*

*Andius Eli-
zabethæ in
maritum
cōmendatus.*

*Legatus in
Hispania
durius habe-
tur.*

MDLXVII]

*Et Hawkins-
sus in Ame-
rica ab Hi-
spanis.*

tifice Rom. loquutum fuisse, aula exclusus, postea Madrido in viculum rusticum extrusus, famulis Missæ adstare coactis, religionis suæ cultu vetito, odio maiori in Reginam, an religionem, non dixerim; cum interea illa Gulmano Hispani Legato, permissa sua sibi religione, omnem contulerit benignitatem. Hoc in legatum, ut in suam contumeliam ægre tulit, nec minus iniuriam Ioanni Hawkinso ab Hispanis hoc tempore illatam. Ille cum mercibus & Nigritis mancipijs quorum frequens iam erat per Hispanos, & eorum exemplo, per Anglos in Africa venatio, & in America venditio (nescio quam honesta) quinque navibus ad commercium ad portum S. Ioannis de Ullua in sinu Mexicano exercendum appulerat. Postridie ibidem etiam appulit Regia Hispani classis, quam licet portu facile prohibere posset, pacta tamen sibi & suis sub conditionibus securitate, admisit, ne foedus violasse videretur. Hispani admissi, qui conditiones sibi in suo dari dedignati, capta opportunitate in Anglos irruerunt, plures trucidarunt, tres naves occuparunt, bona diripuerunt: Victoria tamen haud incruenta. Hinc viri militares & natio nautica per Angliam fremuerunt, contra Hispanos bellum expoposcerunt, eos foedifragos esse clamitantes, quandoquidem foedere inter Carolum v. Imp. & Henricum viii. convenerit, ut liberum esset commercium inter subditos utriusque Principis in omnibus & singulis Regnis, Dominijs, Insulis, (America quidem quæ tunc ad Carolum spectavit, ne excepta.) Sed Regina his aures occlusit rebus Scoticis avocata.

*Regina Sco-
torum è car-
cere evadit.*

In Scotia etenim captiva Regina sub hoc tempus die secundo Maij è custodia in Lacu Leuino opera Georgij Douglassij, cuius fratri commissa erat, evasit ad Castrum Hamiltonium, ubi auditis Rob. Meluini, & aliorum testimonijs, lata est *Sententia Declaratoria* unanimi consensu omnium nobilium qui frequentes convenerant, Cessionem à Regina in carcere metu extortam, ab initio nullam fuisse; eandemque extortam fuisse ipsius Reginae præsentis iureiurando confirmatur. Hinc tanta multitu-
do

do vndiq; ad eam vno & altero die confluit; vt exerci-
tum v i c i o. hominum bellicosorum conseripserit, quos
tamen pugna conferta, cum impetu magis, quam consi-
lio pugnarent, Moravius facile profligauit. Hoc tristi suc-
cessu pauca mulier perterrita fuga sibi consuluit, confe-
cto eò die x. milliarium itinere, & postea nocturnis iti-
neribus ad ædes Maxwelli Baronis Herisij deuenit: ma-
luitq; se mari & Elizabethæ tutelæ, quàm civium fidei
committere. Præmisit tamen ad eam Ioannem Beto-
nium cum adamante, quem in mutuæ benevolentiae
symbolum ab ea prius acceperat, qui significaret se in
Angliam venturam, opemq; imploraturam, si subditi vl-
terius bello persequerentur. Cui Elizabetha amorem &
omnia sororis studia cumulatissimè promisit. Sed prius-
quàm nuntius rediret, illa amicis omninò dissuadetibus,
navigiolo conscenso, cum Herisio, & Flemingo Baroni-
bus, & pauculis alijs ad Wirkintonam in Cumberlandia
prope Derwentionis flu. ostium die x v i i. Maij appulit,
eodemq; die literas Gallicè sua manu ad Elizabetham
scripsit. Quam summa capita (cum historicam rerum in
Scotia contra ipsam gestarum narrationem plenius,
quàm dixi, complectantur) visum est ex ipso autographo
proponere, quod ita se habet.

Non te latet, Soror Optima, quomodo nonnulli ex meis sub-
ditis quos ad summum honoris fastigium extuli, ad me & mari-
tum opprimendum & incarcerandum conspirarint; quomodo e-
tiam ego eosdem vi & armis è regno eliminatos, te intercedente,
in gratiam receperim. Isti tamen in cubiculum irruperunt, fa-
mulum meum, me spectante & grauida; vita crudeliter spolia-
runt, & in custodiam me incluserunt. Cum iterum ignouissem,
ecce nouum crimen, quod ipsi machinati sunt, & chirographis
subsignarunt, in me affinxerunt, & iamiam instructa acie ad-
orturi: Ego autem innocentia freta, vt humano sanguini parce-
retur, me illis in manus dedidi. Euestigio in carcerem contruse-
runt, famulos omnes præter vnā & alterā ancillam, cocum,
& Medicum amouerunt, regno cedere minis & mortis terrore
adegerunt, & in Ordinum conuentu ex ipsorum authoritate

con-

MDLXVIII

Vincitur.

In Angliam
venit.

Ad Elizabe-
tham scribit.

MDLXVIIJ

conuocato, me aut procuratores audire abnuerunt, omnibus bonis penitus exuerunt, omniq; omnium colloquio excluderunt. Postea Deo duce e carcere euasi, & nobilitatis flore stipata; quæ undiq; ad me letanter aduolauit, inimicos officij, & fidei datæ admonui, Veniam obtuli, & proposui vt in Ordinum conuentu pars vtraq; audiretur, ne Respublica intestinis malis diutius conuelleretur. Binos hac de re nuntios misi, ambos in carcerem coniecerunt, qui mihi erant auxilio, proditores denuntiarunt, & edixerunt vt quamprimum derelinquerent. Rogavi vt Baro Boidus publica fide cum ijs de rebus componendis ageret, sed & hoc prorsus negarunt. Speraui tamen te intercedente ad obsequium potuisse reuocari. Sed cum viderim mihi aut mortem aut carcerem denudum subeundum, Dunbritonium cogitavi. Illi in via se obiecerunt, pugna meos fuderunt, fugaruntq;. Ego ad Baronem Herisium me contuli, quocum in regnum tuum perueni, spe certa in tua spectatissima beneuolentia, te mihi præsto adfuturam, & alios tuo exemplo excitaturam. Maximopere igitur rogo vt ad te quamprimum deducar, quæ in maximis iam versor angustijs, quod plenius edocebo quando tibi placuerit mei misereri. Deus tibi vitam longam & incolumem concedat, mihi patientiam, & consolationem, quam ab illo per te consequi spero & comprecor.

Elizabetha literis per Fr. Knolles & alios, consolata patrociniū ex æquitate causæ promisit, accessum tamen negavit, eò quod multorum criminum vulgò insimularetur, iussitq; vt Carleolum tanquam in locum tutiorem, si aduersarij quid in eam molirentur, à Loudero loci pro præfecto & nobilibus in eo tractu deduceretur. Hoc responso accepto, accessuq; negato, & per literas, & per Maxwellum Baronem Herisium iterum summopere obsecrat, Vt tum iniurias illatas proponeret, tum crimina obiecta coram elueret. Aequissimum esse vt Elizabetha sanguine coniunctissima eam exulem coram audiret, & in regnum restitueret contra illos, quos ob scelera in eam exulantes, Elizabetha intercedente, in integrum restituerat, & in suum quidem ipsius nisi tempestiuè auertatur, exitium. Obtestatur itaq; vt vel ad colloquium admitteretur, & adiunaretur; vel ex Anglia discedere ad opem aliunde implorandam bona cum Venia quamprimum per-

Iterum scribit.

permitteretur, nec tanquam captiua diutius in Castro Carleoli detineretur; quandoquidem sponte in Angliam venerit freta, amore toties literis, nuntijs, & symbolis honorificè promisso.

Ex his literis & Herisij verbis Elizabetha videbatur (abditos enim Principum sensus quis assequatur? & prudentes tacito sinu cogitationes coercent) Principis cognatæ & afflictissimæ seriò misereri, quæ à subditis vi & armis capta, in carcerem contrusa, in extremum vitæ discrimen deducta, inaudita condemnata, regno spoliata (cùm ne in priuatum inauditum sententia non ferenda) in Angliam spe certa auxilij ad ipsam confugerat. Ad hæc permouebatur quòd misera Regina causam coram ipsa disceptandam sponte obtulerit, atq; in se receperit adversarios reos omnium criminum peragere, quorum ipsam innocentem accusaverant.

Qualiscunq; autem fuerit Elizabethæ in illam misericordia, Consiliarij Angliæ maturè deliberant, quid de illa agendum. Si in Anglia detineretur, verebantur, ne illa quæ quasi Suadæ medulla, plures iuri quod ad Coronam Angliæ prætendit, faventes in suas partes indies pertraheret, qui ambitioni faces subijcerent, & nihil intentatum relinquerent, quo regnum illi assererent. Exteros legatos illius consilij adfuturos, nec Scotos tum defuturos, cùm prædam tam opimam oblatam viderint. Prætereà ambiguum esse custodum fidem, & si vel morbo diem in Anglia obierit, in calumniam raperetur, & Regina novis quotidie molestijs conflictaretur. Si in Galliam transmitteretur, timebant ne cognati Guisij, ius quo illa Angliam vendicarat, denuò persequerentur, ex quadam opinione illam multum posse in Anglia, apud alios religionis nomine, apud alios probabilitate iuris illius quod dixi, & apud plerosq; insano rerum novandarum studio. Porro amicitia inter Angliam & Scotiam, quæ imprimis est usus, dirumperetur, & antiquum inter Galliam & Scotiam foedus renovaretur, quod maiori iam esset periculo, quàm olim, cùm Burgundia firmo foedere Angliæ colligaretur, quæ hodiè amicos certos

T

præter

MDLXVIIJ

Illæ misere-
tur.

Consiliarij
deliberant.

MDLXVII]

*Detinendam
consent.**Lenoxia in
eam conque-
ritur.**Herisius pro
ea intercedit.**Moravius
iubetur ra-
tiones Regi-
nam abdi-
candi red-
dere.*

præter Scotos habuit nullos. In Scotiam si remitteretur, metus oboriebatur, ne qui Anglicarum partium de gradu deijcerentur, qui Gallicarum ad summam rerum attollerentur, tenellus Princeps periculis exponeretur, religio in Scotia mutaretur, Galli & alij exteri admitterentur, Hibernia à Scotis Hebridianis grauius infestaretur, & illa ipsa, in vitæ discrimen ab adversarijs domi devocaretur. Detinendam hinc pleriq; omnes vt iure belli captam censuerunt, nec dimittendam donec de titulo Angliæ arrogato satisfecerit, & de morte Darlij mariti, qui subditus Angliæ natus responderit. Darlij enim mater Comitissa Lenoxiæ iampridem lachrimis oppleta, suo, maritiq; nomine apud Elizabetham grauem instituerat querimoniam, vtque in iudicium de filij cæde vocaretur, obsecrarat. Illa autem benignè solata, monuit, *ne tantæ Principi, cognatæ coniunctissimæ crimen inferret, quod certis indicijs probari non posset; tempora esse iniqua & maligna, inuidiam cæcam, quæ innocentibus crimina affingit; ceterum Iustitiam oculatam esse, quæ scelerum vindex Deo assidet.*

Contra Baro Herisius, Reginam obtestatur ne quid contra veritatem, contra Reginam inauditam temerè crederet, nec Comitia in Scotia præcipitarentur à Moravio in expulsæ Reginæ præiudicium, & bonorum civium perniciem. Quod licet illa summoperè vrgeret, Regis tamen nomine Moravius Prorex Comitia indixit, nonnullos, qui à Regina steterant, proscripsit, & in eorum prædia & ædes sæuijt. Regina Angliæ hinc indignata, per Midlemorum Proregi verbis asperioribus significauit, se non posse pati vt perniciosissimo Regibus exemplo sacrosanctæ Regiæ Maiestatis autoritas apud subditos euilesceret, & pro factiosorum libidine conculcaretur. Quomocunque autem illi subditorum officium & fidem erga suam Principem obliti erant, se nullum nec studij, nec pietatis munus erga sororem & vicinam Reginam posse obliuisci. Veniret itaque ipse, aut homines idoneos delegaret, qui Reginæ Scotorum in ipsum & confœderatos querelis responderent, & iustas abdicandi rationes

rationes redderent; sin minùs, se illam liberam protinùs dimissuram, & viribus quibus poterat maximis in regnum restituturam. Simulq; monuit ne Regina mundum muliebre, & ornamenta pretiosa divenderet; etsi Ordines hoc permiserint.

Obsecundavit Moravi? cum nō aliunde quàm ex Anglia suspensas regendi rationes haberet, & regni procures ad hoc delegari recusarent. Ipse igitur Eboracum urbem huic negotio destinatam venit, & septem ex intimis; ut delegati pro Rege infante, sc. Iacobus Comes Mortonij, Adam Episcopus Orcadum; Robertus Commendator Dunfermelini, Patricius Baro Lindseius, Iacobus MacGillius, Henr. Balnauus. Et hos comitabantur, Lidingtonius pollicitationibus Moravij plectus (nec enim domi relinquere ausus) & G. Buchananus in Moravij verba iuratissimus. Eodemque ipso die eò accesserunt Thomas Howardus Dux Norfolciæ; Th. Ratcliffus Comes Suffexiæ, paulò antè Præses plagæ Borealis constitutus, & Radolphus Sadleirus Equestris dignitatis, & à sacris consilijs, cognitores dati ad causam abdicationis audiendam. Pro Regina Scotorum (quæ indignissimè tulit quòd Elizabetha ipsam coràm audire noluerit, subditos tamen contra ipsam audiri coram cognitoribus iusserit, quandoquidem illa absoluta Princeps subditis accusantibus respondere nisi ex suo arbitrio non teneretur) comparuerunt Ioannes Leslæus Episcopus Rossensis, Guil. Baro Levingstonius, Robertus Baro Boidius, Gawinus Commendator Kilwinini, Ioannes Gordonius, & Iacobus Cocburnus.

Postquàm convenissent die vii. Octobris, & Diplomata quibus autoritas ipsis delegata, invicem exhibuissent. Lidingtonius adstans ad Scotos conversus mira orationis libertate monuit. *Quandoquidem ex autoritate cognitoribus delata nihil aliud Regina Angliæ propositum esse videretur, quàm ut illi existimationem Reginae matris Regis inuaderent, famamq; dilaniarent, & illa ut arbitra honoraria sententiam ferret; ut pensiculate secum cogitarent, quantum*

MDLXVIIJ

*Delegati pro
Scotorum
Rege.*

*Cognitores
ab Elizabetha
dati.*

*Delegati pro
Scota.*

*Lidingtonij
ad Scotos
admonitio.*

MDLXVIIJ

cum periculo odium sibi attraherent eam criminose accusando, atq; in existimationis discrimen adducendo in hac publica & iuridica forma coram Anglis professis Scotici nominis hostibus, non solum apud Scotos Reginae deuotos, sed apud ceteros Orbis Christiani Principes, eiusq; in Gallia cognatos; & quam rationem huiusmodi insolentis accusationis non sine fraude Regni Scotici, Regi redderent, cum ille annis maturior hoc cum suo, matris, patrieq; dedecore coniunctum existimarit. Consultissimum itaq; videri odiosa hac tantae Principis accusatione super sedere, nisi Angliae Regina mutuam defensionis & offensionis fœdus cum illis inierit contra omnes qui hoc nomine negotium facerint. Et hæc, ut inquit ille, amicè ex officio admonuit qui Scotiae Secretarius. Illi obuersis inter se oculis conuolantes obmutuerunt.

Scotorum
protestatio.

Reginae Scotorum delegati, (primus enim honoris locus illis delatus) priusquam iuramentum præstarent, protestati sunt, quamvis Scotorum Reginae visum fuerit, ut causæ inter se & infideles subditos coram Anglis disceptarentur, non tamen inde agnoscere se alicuius imperio subesse, cum libera sit Princeps, & in nullius fide & clientela. Angli itidem protestati sunt, se nullo modo illam admittere Protestationem in fraudem iuris illius quod Angliæ Reges iam olim vendicarunt, ut Superiores Domini Regni Scotiae.

Delegatorum
pro Regina
Declaratio.

Postridiè delegati Reginae Scotorum scripto declarant, Quomodo Iacobus Comes Mortonij, Joannes Comes Mariae, Alexander Comes Glencarniae, Humius, Lindseus, Rethuenus, Sempillus, &c. exercitum nomine Reginae contra Reginam conscripserant, illam interceptam & indignissimè habitam in carcerem apud Lochlouinum contrusserant, in officinam monetariam irruerant, typos monetarios, aurum argentumq; factum & infectum rapuerant; filiumq; infante in Regem inaugurant, cuius auctoritatem Iacobus Comes Morauiae sub Regentis siue Proregis nomine usurpauerat, & omnia regni munimenta, opes, & prouentus occupauerat. Deinde exponunt. Quomodo illa, ubi primùm è carcere post undecimum mensem euaserat, publicè declarauerat iuramento adhibito, quicquid in carcere

cere fecerat, vi, minis, & terrore mortis ab inuita extortum fuisse. Vt publicæ tamen tranquillitati consuleretur, auctoritatem Comitibus Argathelia, Eglentonia, Cassilia, & Rothesia detulisse, vt res cum aduersarijs componeretur, qui tamen per auia Dumbrittonium cogitantem armata manu aggressi, plurimos fideles subditos occiderunt, alios captiuos abduxerunt, alios proscripserunt, nec alia de causa quàm quòd Principi fidelem operam nauauerant. His indignissimis eorum iniurijs adaectam, in Angliam se recepisse ad opem ab Elizabetha sæpius promissam implorandam, vt in patriam & pristinam dignitatem restitueretur.

Pauculis diebus interpositis, Morauius Prorex & Delegati pro Rege infante (ita se vocabant) respondent. Henrico Darlio Regis patre sublato, Iacobum Hepbernum Bothwellie Comitem (qui cædis author habebatur) eam apud Reginam gratiam iniisse, vt illam non inuitam rapuerit, Dunbarrum abduxerit, & priore vxore abdicata in vxorem assumpfserit. Proceres inde permotos, nihil se dignius existimasse, quàm vt in Bothwellium cædis authorem animaduerneretur, (quandoquidem cædes illa coniurationi plurium nobilium passim imputaretur) Regina in libertatem vindicaretur, ab iniustis nuptijs exsolueretur, & tenelli Regis saluti, regniq; tranquillitati prospiceretur. Cum iam ferè ad pugnam res deuenisset, Reginam Bothwellium amandasse, in proceres minas effulminasse, vindictam spirasse, vsq; adeò vt necessarium fuerit illam in custodiam dare, donec de Bothwellio inuento supplicium sumeretur. Illam autem regnandi molestijs lassatam regno sponte cessisse, & in filium transtulisse, Morauio Prorege constituto. Hinc filium ritè in regem inunctum & inauguratum fuisse, & hæc omnia ab Ordinibus Regni in Parlamento fuisse comprobata & confirmata, Scotticamq; Rempublicam iustitia æquabiliter administrata reuixisse, donec quidam publicæ quietis impatientes Reginam (contrà ac iurauerant) astutè è custodia eduxerint, atq; fide erga regem violata, arma sumpserint: De quibus licèt (diuino numine fauente) Rex victoriam retulerit, illos tamen in patriam, & Principem nihil non hostili animo præfidenter audere. Inprimis igitur necessarium esse, vt Regis autoritas facta tecta contra huiusmodi tumultuantes ciues conseruetur.

MDLXVIIJ

Responsio delegatorum pro Rege.

His

MDLXVIII
Replicatio
pro Regina.

His iterata actione (Replicationem vocant) Reginae Scotorum Delegati occurrunt, priore protestatione denudò repetita. Quod Moravius (inquiunt) & coniurati arma se sumpsisse dicant contra Reginam, eò quod Bothwellius quem ut regicidam insimulant, gratia & autoritate apud illam pollebat, perfidorum ciuium notam inde abstergere non possunt, cum illum Regem sustulisse Reginae minimè esset compertum; imo contra, illum Parium iudicio cædis fuisse absolutum, eamq; absolutionem autoritate Parliamentaria fuisse confirmatam cum consensu etiam eorum qui iam accusant, & tunc temporis Reginae authores fuerunt, ut illum in maritum acciperet: utiq; imperio gerendo, præ cæteris omnibus, parem; illiq; fidem Chirographis obligarunt, Nec nuptias vel verbo improbarunt, donec Præfectum Castri Edenburgi, & Urbis Præpositum in suas partes pellexissent. Tunc enim nocte intempesta Castrum Borthwicum (ubi Regina egit) hostiliter adorti sunt, cumq; illa per tenebras euasisset, statim conscripto exercitu, specie ad Reginam defendendam, ipsi Reginae Edenburgum cogitanti signis explicatis se obiecerunt, Grangioq; præmisso monuerunt ut Bothwellium dimitteret, donec iudicio sisteretur; quod illa ut humano sanguini parceretur, libens fecit. Grangius autem Bothwellium discedere clam monuit, fidemq; dedit neminem persequuturum, adeò ut ipsis volentibus ille discesserit, quem facile postea comprehendere possent. Verùm Regina iam capta, eum neglexerunt, ut suis ambitiosis rationibus consulerent. Cum illi subditi essent & Reginae fidem deuouissent, asperius autem quam pro Regia Maiestate tractassent, haud mirum videatur, si illa asperius istos alloqueretur. Cum causam ad vniuersos regni Ordines illa lubens referret, idq; per Lidingtonium Secretarium significaret, ne audire quidem voluerunt, sed noctu ad Lacum Leuinum secreto abduxerunt, & carcere incluserunt. Quod dixerunt illam regnandi molestijs lassatam regno cessisse, à veritate omninò alienum est; quandoquidem illa nec erat ætate affecta, nec valetudine infirma, sed animo & corpore par maximis negotijs. Hoc certissimum, Comitem Atholæ, Tullibardinum, & Lidingtonium (qui & ipsi à consilijs) monuisse ut Diplomati cessionis subscriberet, quo mortem certò intentatam subterfugeret, nec hoc capti-
ua,

ue, vel bare dibus fraudi futurum, cum carcer sit iustus me-
tus; & promissum ab incarcerato factum, ex Iurispernden-
tum sententia; non valeat. Nicholaum etiam Tbrocmorto-
num idem scheda sua manu scripta suasisse, quem & illa roga-
uerat, ut Regina Angliæ significaret se inuitam atq; coactam ces-
sioni subscripsisse. Ad hæc Lindseium, cum Diploma cessionis
subscribendum exhiberet, terrores mortis denuntiasset, & adegis-
se ut Diplomati ne lecto quidem lachrimans subscriberet. Do-
minumq; Castri Lochleuini testimonium subsignare abnuisse, quod
illam inuitam subscribere viderit, & certò nouerit. Iniquissimam
etiam esse illam cessionem qua nihil vnde viueret assignatum,
nec libertas concessa, nec vitæ securitas promissa; ut æquis rerum
æstimatoribus huiusmodi iniqua cessio Regiæ Maiestati præiudi-
casse non videatur, quam statim atq; libera fuit, ut coactam co-
ram multis regni Proceribus Declaratoria facta, renuntiavit.
Nec quæ Parlamentaria auctoritate se fecisse gloriantur, Regi-
næ præiudicio esse debere. Cum enim centum plus minus Comi-
tes, Episcopi, & Barones suffragia in Scotiæ Parlamenti ha-
beant, in tumultuario isto Parlamento non plures quàm quatuor
Comites, vnicum Episcopum, vnum & alterum Abbatem, &
sex Barones interfuisse, atq; ex tantillo numero nonnullos pro-
testationem interposuisse, ne quid in fraudem Regiæ aut Succes-
sorum fieret, quia illa captiua. Nec Legatum Anglicum nec Gal-
licum admissos, ut ex ipsa cognoscerent an sponte regno cesserit,
quamuis hoc iterum atq; iterum efflagitauerint. Tantum autem
abesse, ut sub vsurpante Prorege Respub. æquabiliter fuerit ad-
ministrata, ut impietas nunquam impuniùs grassaretur sacras
ædes subruendo, clarissimas familias euertendo, plebemq; mise-
ram affligendo. Maximopere igitur rogarunt, ut Angliæ Re-
gina cognatæ Regiæ indignissimè oppressæ, gratia, consilio, &
auxilio quamprimum opitularetur. Hactenus ex ipsis Dele-
gatorum autographis quæ vidi.

His auditis, cum cognitores postularent ut Moravius
causas eiusmodi seueritatis in absolutam Reginam in me-
dium produceretur, & solidiùs probaret; quandoqui-
dem quæcunq; hactenus prolata, testibus non essent mu-
nita, sed suspectæ fidei literulis; & Lidingtonius clam in-
nuisset

MDLXVIIJ

MDLXVIIJ
Moravius
rationes Re-
ginam abdi-
candi redde-
re recusat.

*Authoritas
cognitorum
renocatur.
Norfolcia
latante.*

*Noni cog-
nitores dati.*

nuiſſet ſe ſæpiùs Reginae characteres ementitum eſſe. Ille ſororem apud exteros ulterius accuſare deſugit, niſi Regina Angliæ repromitteret infantis Regis tutelam ſuſcipere, & Reginam Scotorum penitus derelinquere. Cum illi ex authoritate delegata hæc promittere non poſſent, accerſitur vnus & alter ex vtriuſq; partis Delegatis Londinum, quibus Elizabetha denuntiavit ſe nondum poſſe ſubditos à culpa contra Principem eximere, velle tamen pro illis apud eam intercedere, & audire ſi quid amplius habeant, quo ſe excuſent. Moravius qui illos ſubſequutus eſt, ſororem accuſare planè abnuitt, niſi ex ea lege quam Eboraci dixerat. Iam cognitores revocantur & authoritas abrogatur, Duce quidem ex animo lætante qui Reginae Scotorum in ſucceſſione iuri ſemper impenſè fauerat, & exiſtimavit nihil aliud nunc agi, quàm vt æternæ infamiæ nota ei inureretur, indeque cum filiolo omni iure ſucceſſionis in Anglia vt indigna excluderetur, ſeq; duplici periculo deſunctum putavit. Verebatur enim ſi contra eam pronuntiaret, ne conſcientiæ vim inferret, eamq; peſſumdaret, ſin pro illa, ne implacabilem Reginae indignationem, & omnium qui à Scotorum Regina religionis nomine, aut alijs de cauſis averſi erant, odium ſubiret.

Verùm cum ab amicis Reginae expulſæ res in Scotia turbarentur, & Moravij præſentia ibidem opus eſſet, ille coram Regina, Bacono Magni Sigilli Cuſtode, Duce Norfolciæ, Comitibus Arundeliæ, Suffexiæ, Leiceſtriæ, Clintono maris præfecto, Guil. Cecilio, Radulpho Sadleiro, qui cognitores nouo Diplomate conſtituti, accuſationem inſtituit, articulos coniecturales, quorundam reſtimonia, & decreta in Ordinum conventu facta in medium producit, inprimis autem amatorias quaſdam Epiſtolas, & carmina Reginae manu (vt aſſeruit) conſcriptas, vt eam cædis mariti conſciam probaret, & Buchanani libellum (cui titulus *Detectio*) legèdum exhibet, qui parum fidei apud maiorem partem cognitorum invenit, vt hominis partiarij, & fide promercali. Epiſtolis verò & carminibus

MDLXVIII

minibus (cū nomina, subscriptiones, notatio temporis deessent, & vbiq̃ plures sint falsarij qui aliorum characteres tam scitè assimilare & exprimere norunt, vt veri ab ementitis non internoscantur) Elizabetha vix fidem adhibuit licet muliebris æmulatio (quæ illum sexum transuerissimum agit) intercesserit; satisq̃ habuit quòd ex his accusationibus aliquid probri Scotorum Reginae adhæresceret.

Vbi autem, illius Delegati accepissent illam contumeliosissimè à Morauio accusari, respondere paratissimi erant, sed illa delegatam authoritatem iam abrogauerat, à Iurisperitis nonnullis Anglis clam edocta hoc ex iure licere, quandoquidem illa prior cognoscendi authoritas Duci & cæteris esset abrogata: novosq̃ cognitores, quorum vnum & alterum sibi iniquiores existimauit, planè recusauit, nisi Galli, Hispaniq̃ Legati adiungerentur & ipsa coram Regina, & illis ad suam innocentiam tuendam publicè admitteretur, Morauus detineretur, & iudicio sisteretur, quem cædis Darlij architectum probari posse affirmavit. Quæ cū Norfolcius, Arundelius, Suffexius, Leicestrius, & Clintonus non iniqua censerent, Elizabetha subirata palam dixit, Advocatū Scotæ nunquam futurum dum Norfolcius superesset. Satisq̃ habuit crimina à Morauio obiecta singulis à sacris consilijs, & etiam Comitibus Northumbriæ, Westmorlandiæ, Salopiæ, Wigornia, Huntingdoniæ, & Warwici convocatis impertiri sub Sacramento silentij ne alterutri parti præiudicarent. Cumq̃ Morauus domum revocaretur: & Boidus (quod vulgò ferebatur) Scotorum Reginam è carcere subducere moliretur, res in aliud tempus dilata est, Elizabetha Scotorum insolentiam in abdicanda Regina ex animo, vt videbatur, averfata.

Aduenerat hoc tempore è Gallia Hamiltonius Dux Castri Heraldi à Guisijis submissus, vt quæstionem contra Morauium de regno Scotiæ administrando, in pupillari Regis ætate moueret, qui coram Elizabetha, ex patriæ institutis se vt Regi genere proximum Morauio no-

V

tho

*Hic Scota
causam non
submittit.*

*Nisi condi-
tionibus.*

*Res in nihi-
lum recedit.*

*De admini-
stratione
Scotiæ qua-
estio.*

MDLXVII]

tho in administratione præponendum contendit. Contrà Moravius & Regis Legati edocuerunt regni gubernaculum non genere coniunctissimis, sed maximè idoneis Ordinum consensu electis committendum. Iniustissimum autem esse tenellum Regem ei in manus tradere, qui ex generis propinquitate regno ambitiosè inhians facile regnandi cupidine ius violaret. Id imprimis in Hamiltonijs verendum, qui grauissimas cum Regis maioribus Lenoxiæ Comitibus exercuerant inimicitias, Regis proavum paternum nefariè occiderant, Matthæum avum inopem è Scotia expulerant, & hic ipse Hamiltonius Henricum Regis patrem acerbo odio exagitauerat, matremq; vt regno faciliùs potiretur, Gallo tradiderat. Quibus auditis, Elizabetha Hamiltonio denunciat iniquissimum esse quod petebat, simulque iussit ne ex Anglia discederet, priusquam Moravius in Scotiam rediisset.

*Moravius
nuptias cum
Scota Nor-
folcio propo-
nit.*

Moravius paulò antè discessum, subdolè Norfolcio nuptias cum Regina Scotorum, & ipsi etiam Reginae spem restituendi in regnum per Meluinum clàm proposuerat (vt mox dicemus) simulque, vt Elizabetham à Scotorum Regina magis abalienaret, sparserat rumores illam transcripsisse ius suum in Angliam in Ducem Andinum, transcriptionemq; Romæ fuisse confirmatam. Literas etiam ostendit (veras an eumentas non dixerò) quas Scotorum Regina ad suos scripserat, in quibus & Elizabetham arguit, quasi contrà ac promiserat, ipsam tractasset, & aliunde spem auxiliorum ostentauit. Hoc sanè Elizabetham sollicitam habuit, nec coniectare poterat, vnde spes illa nova affulgeret, cum in Gallia bellum intestinum adeò recrudesceret, vt Episcopus Rhedonensis ad eam missus à Rege fuisset rogatum ne Gallicis rebus se intermiseret, & Ducem Albanum qui anno superiori in Belgium ad profligandam Protestantium religionem venerat, res admodum turbidæ distinerent.

*Rumores ta-
men contra
eam spargit.*

Verum, vt postea eluxit, (& Hieronymus Catena Alexandrino Cardinali ab Epistolis prodidit) Robertus Ridolphus Florentinus, qui diu institorem Londini egerat,

rat, subornatus erat à Pio Quinto Pontifice Rom. (quum *Nuntium* palam mittere non auderet) qui Pontificios in Anglia contra Elizabetham clandestinò concitaret, quod sedulò sanè & secretò fecit. Suspicio etiam, sed levis illa quidem, enata erat ex occultioribus colloquijs Eboraci inter Lidingtonium, Episcopum Rossensem, & Norfolcium, quem illi obtestati sunt vt consilium & studium ad afflictissimæ Reginæ salutem conferret, etiam eiusdem nuptijs oblatis, quas ille vt periculo plenas, modesto responso reiecit. Quantum tamen per honorem, fide in Principem & patriam integra liceret, afflictæ Reginæ non defuturum pollicitus. Suspicionem admodum auxit Ligonius Norfolcij famulus, vir summè Pontificius crebris ad Boltonam (Baronis Scropi Castrum) itationibus, vbi Scotorum Regina sub custodia Fr: *Knoles* detinebatur, quæsito colore ad inuisendam & salutandam Scropi vxorem quæ Norfolcij soror. Quamvis hinc nihil certi adhuc eluceret; Scotorum Regina à Boltona vbi omnes circumvicini erant Pontificij, in regni interiora ad Tutburiam abducitur, & Georgio Salopiæ Comiti in custodiam traditur. X X

Elizabetha autem de Religionis, Reipub. & sua ipsius salute curam iam adhibuit maiorem, eoq; magis quòd cum Guisij in Gallia, tum Albanus in Belgio consilia ad Protestantium religionem excindendam Baionæ inita acititare incoepissent. In Gallia enim pax principio huius anni proposita in fumum abierat, publicatis edictis quibus reformatæ religionis cultus penitus interdictus, eiusdem professores publicis muneribus abdicati, verbi Ministri regno intra statum tempus excedere iussi. Et iam vbique ad arma contra eos conclamatum, etiam & sævitum, licet Elizabetha multis obtestationibus per Norri-fium Legatum egisset vt pax solida & syncera conficeretur & subinde Regem monuisset ne intempestiuus remedijs animos accenderet, atq; ante omnia, vt ab illis caueret qui fideles subditos extirpando, Galliæ vires ita labefactare student, vt alijs in prædam exponeretur. Verum

MDLXVIIJ

*Suspiciones
de Norfolcio*

*Regina Scō-
torum Salo-
pia Comiti
commissa.*

*Tertium ci-
nile in Gallia
bellum.*

MDLXVIII

Elizabetha
Protestanti-
bus in Gallia
subuenit.

Belgas be-
nigne excipit.

Qui Anglia
benefici.

Belgici belli
initium.

Dux Al-
banus.

cùm ille nullum huiusmodi obtestationibus locum reliqueret, quin ex Italia, Germania, & Hispania pecuniam, & auxiliares copias contraheret, & illa ad Protestantes, ne communi causa coniunctis deesset, qui non iam contra Regem, sed ad sui defensionem arma sumpsisse sanctè protestabantur; centum millia aureorum (quos *Angelos* vocamus) & apparatus bellicum largè submisit, Gallosq; in Angliam confugientes nullo non humanitatis genere prosequuta est, ut etiam & Belgas, quorum magna multitudo, Albano nihil nisi cædem & sanguinem spirante, in Angliam ut in asylum se receperant. Qui Regi- næ permissu Norwici, Colcestriæ, Sandwici, Maidstonæ, & Hamptonæ sedes posuerant magno sanè Angliæ emolumento. Artem enim conficiendi leuidensas quas *Bayes* & *Sayes* vocant, & id genus alia linea & lanea varia textura primi in Angliam intulerunt.

Ab instituto non alienum videatur si paucis hîc perstringam quibus initijs bellum Belgicum hoc tempore proruperit, cuius sæpius necessariò meminero; quandoquidem cum rebus & rationibus Anglicis sit colligatum & implicitum.

Cùm Hispanus sanguinaria in re religionis edicta in Belgio nullis precibus mitigaret, sed Hispanica Inquisitione in hominum conscientias grauius sæuiret, Concilium Ordinum Belgicarum Provinciarum (quod ad res componendas vnicum & vsitatum erat remedium) haberi vetaret; decretisq; ex Hispania, & non ex indigenarum consilio, Rempub. administraret; pauci è fece plebis excitato tumultu, Imagines passim per templa furenter disturbarunt & comminuerunt. Et licèt tumultus iste statim compositus, ille tamen eorum consilio vsus, qui liberrimæ nationi iugum imponere percupierunt, arrepta occasione ex priuata paucorum temeritate, publicum rebellionis crimen populo vniverso intendit, & (quasi libertas iam esset planè amissa) Ferdinandum *Aluarez* Ducem Albanum, hominem efferum ad dominationem inuadendam misit, qui nullo sanguine Principem

pem attingens, in summa præfectura contra patrios mores constitutus, authoritate ordinarijs tribunalibus erepta, novis auditorijs erectis, proceribus à non suis iudicijs damnatis, & è medio sublatis, Hispanorum præfidijs per vrbes & oppida dispositis, arcibus impositis, vicesima rerum soli, mobilium decima in singulas alienationes per vim exactis, diuturnum & exitiosum bellum excitavit.

Per id temporis magna vis pecuniæ à Genuensibus, & alijs mercatoribus Italis, ex Hispania in Belgium ad rem fœnere faciendam in maiore navi Cantabrica, & quatuor minoribus nauigijs (*Zabras* Hispani vocant) mittebatur, quæ Turio Castelerio Gallo persequente, & Guilielmo Wintero Anglo defendente, in Plymutham, Falmutham & Hamptonam Angliæ portus ægrè euaserant. Quod ubi primum Regina audiuit, portuum Magistratibus imperavit vt Hispanos omni cum humanitate tractarent, nauesque contra Gallos defenderent, Gerardusq; De-Speius ex ordine Calatrauæ Eques, Hispani in Anglia Legatus à Gallis timens cum Regina egit, quæ ex eius fide Hispani pecuniam esse credidit, vt noua mandata mitterentur ad naves illas contra Gallos imminentes tuendas. Quibus impetratis, denuò egit vt pecunia illa per Angliam, & deinde mari Antwerpiam securè transmitteretur. Annuit illa, & terra mariq; securitatem promisit. Interea parùm abfuit quin Galli alteram è navibus abduxissent, nisi Angli repulissent. Consultissimum igitur visum est pecuniam, vt in tuto esset, è navibus in terram exponere. Nec dum tota in terram exposita erat, cum De-Speius malè credulus significaret Albano Reginam pecuniæ manum iniecisse. Dumque ille hac de re consulit Albanum, Odetus Castillioneus Cardinalis qui è Gallicis tumultibus huc se subduxerat, Elizabethæ innuit pecuniam illam non esse Hispani, sed Genuensium quorundam Mercatorum, quam in suos vsus in Protestantium exitium Albanus, mercatoribus invitis, attracturus erat. Hinc inter regni Consiliarios agitur, an hæc pecunia detinenda. Pleriq; in Belgium transmittendam

MDLXVIIJ

*Pecunia in
Belgium
missa detenta*

*Anglorum
bona in Bel-
gio detenta.*

*Et Belgarum
in Anglia.*

*Rogeri Af-
chami obitus*

tendam censuerunt: ne Hispanus potentissimus Princeps iam satis superq; Anglis infensus, irritaretur. Elizabetha autem certò edocta ab vno & altero pecuniæ proprietario (qui malè metuerunt ne Albanus involaret) illam vniuersam ad mercatores & nihil ad Hispanum spectare, qui tantum ex Hispania exportari permiserat, statuit fiduciaria cautione interposita, à mercatoribus mutuò sumere, quod Principes de bonis in ipsorum portubus deprehensis assolent, & Hispanus ipse nuper factitarat. Et hoc Legato Hispani literas Albani de pecunia illa transmittenda tradenti protestata est, sanctè pollicita se reddituram simul ac certò constaret propriam esse Hispani pecuniam. Quo ipso quidem die, 22. x x i x. Decembris, Albanus furenter impatiens in Anglorum bona passim per Belgium inuolauit, Anglosq; captos militari manu asservauit; vt cuius ex temporis obseruatione innotescere potuerit Albanum hoc contra Anglos in terrorem statuisse, quomocunq; Regina de pecunia satisfaceret. Illa imperterrita, nihilo segnius Belgas, & eorum merces & naves in Anglia capi iussit, quæ longè plures erant quàm Anglorum quas Albanus in Belgio deprehendit, vt illum seriùs incepti poenituerit, qui vulnus quod principio facilè sanari poterat, intempestiuè exulceravit.

Penultimus huius anni dies (digressiunculæ in boni viri memoriam ignoscite) vltimus erat Rogero Aschamo, qui in Eboracensi Comitatu natus, & Cantabrigiæ educatus, inter primos nostræ nationis literas Latinas & Græcas, stiliq; puritatem cum eloquentiæ laude excoluit, Elizabethæ studijs aliquandiu præfuit, eidemq; Reginae ab Epistolis erat Latinis: Cùm tamen alea & Alectryomachia plus nimio oblectaretur, re tenui vixit & obiit, relictis duobus libris elegantissimis ingenij monumentis lingua vernacula, quorum alterum *Toxophilum*, alterum *Scholarum* inscripsit. Sed ad rem redeamus.

M. D.

M. D. L X I X.

M. D. L X I X

Die sexto Ianuarij Programma Londini editum est de bonis Anglorum ab Albano detentis, in quo pleraq; iam dicta explicantur, & culpa in De-Spesium conijcitur. Ille Antigramma opponit, in quo innuit Programma illud non à Regina emissum, sed Reginae nomine à nonnullis qui Hispano iniquiores, & Belgis rebellibus æquiores. Pristinam Reginae erga Hispanos benevolentiam collaudat, eandem immeritò abalienatam deplorat, non maiorem fidem sibi legato, & Albani literis adhibitam stomachatur, pecuniam illam detineri demiratur, cum magis interesset Reginae (vt ipse dixit) pecuniam Hispano contra rebelles suppeditare, quàm detrahere. Deniq; eam, quasi prima iniuriam intulerit, taxat, Albaniq; factum & se excusat. Nec his contentus libellos famosos spargit, in quibus Reginae existimationem contumeliosè atterit, sub nomine *Amadis Orianae*. Vnde reprehensus, custodes ad vnum & alterum diem dati, & illa hæc, & huiusmodi fusè, sed frustra apud Hispanum queritur.

Ex hac pecunia detenta nonnulli Angliæ procures, inter quos Marchio Wintoniæ, Dux Norfolciæ, Comites Arundeliæ, Northumbriæ, Westmorlandiæ, Penbrochiæ, Leicestriæ, & alij in Cecilium causas vt semel atque iterum iam antea, de pecunia ad Galliæ Protestantes missa, quærebant, reverà autem quòd ægris oculis eius apud Reginam potentiam intuerentur, Suffolciensi familiæ in regni successione favere suspicarentur; & ne ipsorum conatibus viam obstrueret, vererentur. Occultumq; consilium inibant eum in carcerem conijciendi, Throcmortono æmulo suggerente, semel incarceratum pessundandi rationes fore expeditissimas. Sed nescio cuius indicio, Regina hoc opportunè rescivit, & Cecilius structas insidias animosa Principis fortitudine, quæ ipso temporis articulo interveniens nutu eos cohibuit, facilè superavit.

Simul-

*Programma
de bonis de-
tentis.**Antigram-
ma.**In Cecilium
conspiratio.*

M.D.LXIX

*Pecuniare-
petita.**Emporium
Anglor.
Hamburgi.**D. Storius
interceptus.**Albani in
Anglos furor.**Hispanus re-
belliones in
Reginam
concitare stu-
det.*

Simulq; illa infregit aliud occultius eorum consilium publice declarandi Reginam Scotorum indubitata Angliæ hæredem (contra libellum pro iure Suffolciensis emissum, si quid humanitus Elizabethæ accideret.

Ad detentam pecuniam repetendam iam venit ab Albano D'Assonvilius, cumq; literas ab Hispano haberet nullas, Elizabetha ad Consiliarios remisit, quos ille primum adire recusavit; mox tamen adiit, & auditus, post mensem re infecta rediit.

Mercatores Angli Hamburgū in Germania tanquam ad novum Emporium merces convehunt, Albanus omnia omnino commercia cum Anglis interdicat, & nequid in Belgium ab illis invehatur vel evehatur, exploratores instituit, inter quos, I. Storius profugus Anglus Legum Doctor erat sagacissime diligens, qui prius in Principis vitam Prestallum impostorem Magicum consuluerat, & de patria inuadenda Albano consilia suggererat. Sed ille dolo composito in nauem quæ merces Anglicas & libros hæreticos intulisse ferebatur, illectus, expansis mox velis in Angliam erat abductus, vbi tandem ultimo supplicio (vt suo loco dicemus) affectus.

Albanus non his contentus, imperat vt nullæ nisi armatæ naues è Belgio prodirent, & Anglis, vbicunque invenerint, manus iniicerent. Quod etiam in Hispania fieri curavit, vbi Angli Mercatores & nautæ, bonis fisco addictis, in Inquisitionem abrepti, & in triremes damnati, iussitq; Hispanus literis ad Comitem Montis Agundi Boeticæ præfectum, ne oleum, alumen, saccharum, aromata, & id genus alia in Angliam exportarentur, ratus si hisce Angli distituerentur, facile in rebellionem prorupturos, simulq; per clandestinos internuntios cum Duce Norfolciæ, & Ormondia Cornite agit, vt in Hibernia, ille in Anglia Reginæ negotium facerent, quod illi (qua fuerant in Principem fide) ingenuè aperuerunt. Quamprimum maritimi Angliæ populi hæc comperissent, incredibile est quanta alacritate maria insiluerint, & quàm latè piraticam in Hispanos exercuerint, adeo vt ad eos cohibendos

cohibendos edicta prodierint, in quibus prohibitum ne quis à deprædatoribus merces emeret.

Nec minùs impeditæ erant hisce diebus in Russia quàm in Belgio res mercatoriæ Anglorum, tam ex falsa institorum fide, & praua ipsorum interse, quàm Germanorum & Russorum in eos æmulatione; dum hi de dolo malo & mercium pretio adaucto, Angli qui è societate Moscovitica non erant, & Germani de Monopolio conquererentur. Ad hæc sananda, superiori anno missus erat Thomas Randolphus, qui licet minùs gratus Imperatori Russico, cum sedulo de re mercatoria & nihil de fœdere, cuius anno MDLXVII. meminimus, egerit. Illo tamen intercedente, Imperator pro singulari sua in Reginam & gentem Anglicam benevolentia, concessit Anglicæ in Russia societati immunitatem à vectigalibus, libertatem quacunq; vellent per amplissimi Imperij sui Regiones merces distrahendi, & in Persiam, Mediamq; per Mare Caspium exportandi; cum cæterarum gentium Mercatoribus non liceat mille passus vltra urbem Moscuam proficisci, domosq; dedit ad funes nauales torquendos, & territorium quinq; mill. pass. in ambitu cum syluis ad ferrum conflandum, Anglosq; in *Opprisney*, i. in *delectum semen populi sui suscepit.*

Nunc illi confidentiùs regiones illas perlustrare cœperunt, per Dwinam aduerso flumine remigio & helcario opere nauigijs monoxylis merces Vologdâ devehere, inde terrestri septem dierum itinere Yeraslauiam, deinde per Volgam (qui latitudine mille plùs minùs passus patet, & argillaceo solo quercubus & betulis redimitus defluit) ad Astracanam xxx diebus totidemq; noctibus flumine secundo. Ab Astracana verò vbi nauigia construxerunt, magno sanè & memorabili ansu Mare Caspium quod admodum vadofum, sæpiùs traiecerunt; & per vastas Hircaniæ & Bactrianæ solitudines ad *Teuerin*, & *Casbin* Persiæ vrbes penetrarunt, spe certa Cathaiam tandem apperiendi. Sed bella quæ inter Turcas & Persas mox flagrarunt, & barbarorum latrocinia hoc laudabile

M.D.LXIX

Pirata cohibiti.

Negotiatio in Russia impedita.

Anglorum in Russia libertas.

Eorum in Russia mercatura.

Et per mare Caspium in Persia.

M.D.LXIX
Legatio Rus-
sica in An-
gliam.

Fœdus Rus-
sicum.

Russi in An-
glos indigna-
tio.

Placatur.

dabile Londinensium institutum interruperunt. Imperator autem Randolphum cum lautijs remisit, & cum eo Andream Gregoriwitzium Sauienam splendida sanè pro more gentis legatione, qui lautè à Londinensibus, & honorificè à Regina exceptus.

Proposuit ille fœdus quoddam lingua Russica conscriptum, quod iisdem planè verbis, arcanis literis faciendum ipso præsente, atque in linguam Russicam cum omnibus literis transferendum, Reginaq; manu, Sigillo, & iureiurando muniendum postulauit: necnon vt Regina suum legatum in Russiam mitteret, qui iisdem verbis literas arcanas Imperatoris sigillo & crucis osculo coram confirmatas vicissim acciperet. Regina fœdus paciscitur cum clausula *reseruatiōis*, quoad sibi per fœdera cum alijs Principibus prius contracta licuerit, ad mutuam opem contra hostes communes præstandam, ita vt nihil contra ius fasq; fieret. Quod si ille quocunque casu solum mutare, vel à domesticis, vel externis hostibus adactus fuerit, illum, vxorem, & liberos omni honore tanto Principe digno excipere & tractare, locum perendinationi commodum assignare, suæ religionis cultum libere permittere, & facultatem discedendi pro arbitrio sanctissimè verbo Principis Christiani coram Legato, & intimis Consiliarijs promisit & sigillo confirmauit. Hæc enim ille arcanis illis literis summo perè efflagitauerat. Tantum autem abfuit vt hæc homini feroci, cui suus animus, sua libido ius erat, satisfacerent, vt longis literis omnia sua in gentem Anglicam beneficia enumerando indignanter exprobarer, Reginam, quod legatum cum suo non miserit ad iusiurandum recipiendum, stomachatur, eam quasi sui negligentem, & mercatorum negotijs Principe indignis nimio plus intentam arguit: quos suis rationibus aduersari suspicatus, vt fordidos & lucro potius inhiantes, quàm Principum honori cōsulentes contempnim, & contumeliosè perstringit, priuilegia indulta reuocare atrociter minatus. Quod tamen blandis Reginae literis per Ienkinsonum placatus non fecit; sed eam dum
vixit

vixit vt sororem diligentissimè obseruauit, de foedere illo solidius confirmando subinde interpellauit, Anglosq; præter cæteros eximiè dilexit.

Iam Morauius qui spe restituendi Reginam Scotorum ipsi Reginæ, Norfolcio, & alijs in Anglia proposita, securum sibi in Scotiam reditum parauerat. (Illa enim Scotos eius vitæ insidiantes cohibuerat, & ne reditum impedirent, iusserat.) Vbi primùm Edenburgum venit, nobiles Reginæ addictos quæsito colore consultandi de eadem restituenda convocat. Quò cum primi advenissent Hamiltonius Dux Castri-Heraldi Vicarius Regni à Regina constitutus, & Herisius persuasi credulæ Reginæ literis, ille eos dum fraudes timet, circumvenit, cæterisque quidem ne expectatis, in carcerem condit, & illicò Reginæ fautores omnibus belli iniurijs graviter exagitat.

Hinc rumores per Scotiam latè contra Morauium disseminati, scilicet eum in pactionem cum Elizabetha venisse vt tenellus Scotorum Rex in Angliam educandus traderetur, Castra Edenburgi & Sterlinij Anglorum præsidijs firmarentur, Dunbrittonum in Anglorum vsum expugnaretur, Morauius legitimus regni Scotiæ successor, si Rex sine sobole obiret, promulgaretur, regnumq; vt Elizabethæ beneficiarius teneret. Hæc ita increbuerunt, & probabilitate quadam animos hominum per vniuersam Britanniam perculerunt, vt Elizabetha & suæ estimationis, & etiam Morauij interesse putauerit has maculas abstergere. Scripto itaque edito hæc à veritate alienissima esse *verbo regio* declarat, & ab ijs conficta qui vtriusq; regni tranquillitati invident, nec vllam inter se aut suos administratos, & Morauium (quam nouit) pactionem verbo aut scripto intervenisse, ex quo postremò in Angliam venerit. Comitem autem Lenoxiæ avum tenelli Regis rogasse vt Rex, si ab improborum machinationibus in Scotia tutus esse non posset, in Angliam mitteretur. Præterea asseuerat se pro falso reputare, quicquid de pactione inter Morauium & Hertfordiæ Comitem perhibetur, scilicet illos mutuam operam ad vtriusq;

M.D.LXIX

Morauius
Scota ami-
cos opprimit.

Rumores
contra Mo-
rauium.

Eos Eliza-
betha refellit

M.D.LXIX

*Scota misere-
retur.**Dearesti-
tuenda agit.**De nuptijs
Norfolcijs
cum Scota
clam deli-
beratur.*

regni Coronam occupandam præstituros. Denique per se non stetisse quo minus res inter Scotorum Reginam & filiolum nondum sit transacta, ut verò transigatur elaboraturam. Et certè elaboravit, licet conflictaretur hinc metu ex æmulatione inveterata quæ inter Principes mulieres nunquam moritur, inde miseratione ex humana fragilitatis subinde repetita recordatione.

Miserationem hanc Scotorum Regina magis concitavit, metumq; minuit crebris literis amore plenissimis, in quibus sanctè promisit & pro humanitate quam fuerat experta, & arctissima quæ intercedit cognatione, se nihil in illam molituram, nec cuiquam alteri Principi restitutionem velle debere. Adeò ut Elizabetha cum Moravio, alijsque Scotis per Woodum qui ab Epistolis Moravio, maximoperè egerit de ea in pristinam regiam dignitatem restituenda, si nec hoc concederetur, ut tanquam privata, domi apud suos liberè, securè, & honorificè dies degeret. Verùm Moravium iam summâ rerum potitum nequaquam permovere poterat.

Ferebatur his diebus rumusculi aura inter homines melioris notæ, Ducem Norfolciæ Scotorum Reginam in uxorem ducturum, quod pro partium studijs variè expetitum, dum Pontificij hinc suæ per illam religioni, alij per illum Reipublicæ consultum iri sperarent. Certè plurimi qui Reginam à coniugio alienam viderunt, & externos Principes Angliæ hostes oculos, & animos in Reginam Scotorum, tanquam certissimam Angliæ hæredem conijcere: existimarunt magis ad quietem fundandam, & Scotorum Reginam intra terminos continendam, ut illa Norfolciæ Duci inter Angliæ proceres longè maximo, & nobilissimo, gratia apud plebem pollenti, & in Protestantium religione innutrito coniungeretur, quam Principi extero qui per eam utriq; regno periculum facceret, & utriusq; hæreditatem adiret, quam in Anglici sanguinis Principe consolidari primis votis exoptarunt, si quid humanitùs Scotorum Regi infantulo accideret.

Quem

Quem etiam in Angliam abducere proposuerunt, ut ille verus Angliæ hæres apud Anglos educatus Anglis charior esset, omnis de successione scrupulus tolleretur, Elizabetha nihil à Duce & Scotorum Regina timeret, cum illum in potestate haberet. Præterea ne quid Dux in illum attentaret, sed charius adamaret, statuerunt ut Margareta unica Ducis filiola eidem de futuro desponderetur. Inter hos fuerunt Arundeliæ, Northumbriæ, Westmorlandiæ, Suffexiæ, Penbrochiæ, Southamptoniæ Comites, Baronesq; complures, & ipse etiam Leicestrius, an falsò & infidiosè in Ducis perniciem, incertum, qui tamen omnes rem prius Reginæ communicandam, eiusq; arbitrio permittendam censuerunt. Utque leges illa præscriberet, quibus suæ ipsius, religionis, & regni saluti atq; securitati plenissimè consuleretur. Sed rem habe summam, si placet, ab ipsa origine, ex ipsius Ducis scripta confessione quam vidi, & Commentarijs Episcopi Rossensis, qui huius negotij pars maxima fuit.

Cum Delegati anno superiori Eboraci convenirent, Lidingtonius, & Episcopus Rossensis, inter aucupandum cum Duce egerunt de nuptijs inter eum & Reginam Scotorum contrahendis, ut postea Moravius ipse apud Hamptonam Regiam. Hic in privato cum Duce colloquio, & etiam cum alijs nonnullis, simulavit se nihil magis in votis habere, quàm ut rebus in Scotia compositis, Scotorum Regina soror sibi charissima in pristinam auctoritatem restitueretur, modò illa subditos in pristinam gratiam verè & ex animo reciperet, omnibus vtrinq; offensionibus oblitteratis: Vereri tamen, si illa pro suo arbitrio virum sibi adscisceret è Gallia, Hispania, vel Austria, ne iniurias acceptas vlcisceretur, religionem in Scotia receptam mutaret, & magnum Angliæ periculum conflaret. Ad hæc prævertenda, omnem operam pollicitus est, ut illa quæ primùm puero, postea iuveni improuido, & deinde furioso nupserat (ita enim se verba habuerunt) nunc tandem Duci, viro maturo iudicio, matrimonij vinculo coniungeretur, quod vtriusque regni tran-

M.D.LXIX

*Prima ba-
rum nuptia-
rum mentio.*

*Moravij præ-
positio ad
Norfolcium.*

M.D.LXIX

tranquillitati, vtriusque Principis securitati, & religionis firmamento inprimis cederet, cum ille, qua fuit in Regnam Angliæ observantia, foelicius Scotiam in amicitia Anglorum contineret, & Reginam Scotorum facilius ad veram Religionem, quam ille fuerat amplexus, perduceret.

Hæc eadem Moravius etiam Regina Scotorum per Robertum Meluinum occultè impertijt, & ad eadem conficienda operam perofficiosè detulit. Dux autem respondit, nihil se posse de nuptijs illis statuere, priusquam illa crimina obiecta elueret. Rossensis tamen sedulo quantum poterat quodammodo nolentem pertrahere non destitit.

Throcmorton
coni-
lium.

Paucis post diebus Nicholas Throcmortonus in Regiâ Westmonasterij Ducem conuenit, cui singulare studium in omni officij genere professus, significat se intellexisse Leicestrium cum Duce acturum de matrimonio inter eum & Reginam Scotorum, quod nouum sibi Throcmortonus dixit, cum easdem nuptias ipse Leicestrius non ita pridem ambijsset. Ducem verò amicè monuit, si id ageretur, vt Leicestrio, qui antea ambierat, huiusmodi nuptiarum honorem deferret, sin ille vehementius instaret, vt abnueret, eò quòd Scoti illâ plurimum criminum insimularint. Ego tamen, inquit Throcmortonus, inprimis opto vt illa tibi connubio coniungatur, tum vt veræ religioni consulatur, tum vt non aliunde quàm à Regina nostra illa tota dependeat. Hoc tamen præmoneo, si quid hac in re egeris, Leicestrius tibi consilio præeat, tu enim per te haud facile Regina assensum consequaris.

Vno & altero post die Leicestrius rem Duci proposuit, qui iuxta ac Throcmortonus præmonuerat, respondit, cumque ad crimina peruentum, Leicestrius illa extenuavit, idque ex fide Richardi Candilhi, cuius operam etsi suspectam, Duci commendavit. Leicestrius deinde rem Penbrochio communicat, & Dux Arundelio. Illi vnâ cum Throcmortono literis suis Ducem Regina Scotorum

rum in maritum (quod & Morauius antè fecerat, commendant) Ipse etiam Dux datis literis amorem suum singularem testificatus omne studium amantissimè defert. Iam inde quascunque ad illam scripsit, & ab illa accepit literas, illis impertit, & crebra colloquia de ratione matrimonij ineundi cum Rossensi habent, & per Richardum Candilhum hos articulos Leicestri manu conscriptos Reginaë Scotorum proposuerunt mense Maio MDLXVIII. *Illa nihil moliretur quod sit fraudi Reginaë Angliæ, aut liberis ex ea natis in successione regni Angliæ, fœdus offensionis & defensionis inter regna iniret, religionem Protestantium in Scotia constabiliret, Scotos qui iam aduersantur, in gratiam reciperet, assignationem regni Angliæ Duci Andium factam reuocaret, aliquem è nobilitate Anglica in virum adsumeret, nominatim Ducem Norfolciæ inter Proceres Angliæ longè nobilissimum.* His si adsentiret, promiserunt se effecturos vt Regina Angliæ etiam consentiret, illa in regnum propediem restitueretur, & in successione Angliæ confirmaretur. Hæc illa promptè admisit, nisi quod de fœdere nihil respondere posset, Galliæ Rege inconsulto. Assignationem verò nullam Andium Duci factam esse protestatur, curaturam tamen (si hoc postularent) vt Andinus renuntiaret. Monuit vt, ante omnia, assensum Reginaë procurarent, ne res in suum & Ducis detrimentum verteret, quod in Darlianis nuptijs sine eius assensu contractis illa prius experta. Illi tamen prius animos plurium nobilium tentandos censuerunt, quorum plerique assensum ita præbuerunt, *modò Regina non aduersaretur*, Nec improbarunt quidem Gallus & Hispanus, solummodo à Morauio timebant, ne qui primus rem proposuerat & omnem operam pollicitus erat, primus impediret. Veruntamen in hanc sententiam convenerant, vt Lidingtonius, qui tunc expectabatur, Elizabethæ animum primus tentaret. Interim Dux quicquid hac de re actum Baroni Lumleio impertit, agrèque à Leicestrio obtinuit, vt alios quosdam amicos de hac re consuleret; paulò tamen post cum Penbrochij assensu etiam Cecilio rem aperit.

Quo

M.D.LXIX

*Articuli de
nuptijs Scota
propositi.*

Illa dimittit.

M.D.LXIX
De Scota li-
beranda con-
siliū.

Regina de
his nuptijs
edocta.

Leicestrius
rem aperit.

Ducem de-
terret.

Quo quidem tempore Leonardus Dacraeus suscepit cogitationem captiuam Reginam è custodia qua tunc Whinfeldiæ in Comitatu Derbiæ sub Comite Salopiæ asseruabatur, subducendi. Northumbrius consilij particeps hoc Duci significavit, sed ille fieri prohibuit dum timeret ne illam Hispano in vxorem traderent, & speraret Elizabethæ assensum breui elicere.

Mox harum nuptiarum rumor per mulierculas aulicas quæ statim amatoria sagaciter odorantur, ad Reginæ aures clariùs peruenit. Quod cum Dux comperisset, obnixè ipse cum Leicestrio, & per Penbrochium & Throcmortonum agit, vt Reginæ protinùs res proponeretur. Ille moras neçtit & procrastinat quasi opportu- num tempus præstolaturus. Cecilius autem Ducem iam animo anxium admonet vt ipse rem Reginæ explicaret, quò & ipsi & Reginæ omnis scrupulus quamprimùm eximeretur. Leicestrius contra, qui promittit se rem propositurum Reginæ rusticanti; sed dum in alium atque alium diem blandè differt, Regina ad Farnhamiam Ducem mensæ adhibet, & falsè submonet vt caueret, cui puluino caput inclinaret. Tichfeldiæ tandem Leicestrius malè se habuit, vel certè simulauit. Reginæ inuisenti, consolatione permulcenti, & deprehendenti spiritum & sanguinem ex timore intrà retrahi, cum suspirijs & lachrimis culpam deprecatus, rem totam ab origine explicauit.

Quo tempore Regina Ducem in ambulacrum aduocauit, grauissimeque reprehendit, quòd, ipsa inconsulta, Scotorum Reginam in matrimonium postulasset: iussitque pro fide quam Principi debuit, vt incepto absisteret. Promisit ille libens lubensque, nec dubitauit asserere (quasi eam planè negligeret) proventus suos in Anglia non multò esse minores quàm Regni Scotorum iam miserè bellis exhausti; necnon cum in Sphæristerio suo Norwici esset, se nonnullis regibus quodammodo æqualem sibi videri. Verùm iam inde animo fractiori esse cœpit; cumque Reginam vultu & voce indies infensio- rem, Leicestrium quodammodo abalienatum, & plures nobiliores

nobiliore salutazione vix reddita, & sermone statim abrupto, à familiaritate sensim se subducere perspiceret; venia non impetrata Londinum cogitans diuertit ad Penbrochium, qui bene sperare iussit, & nonnihil solatij præbuit. Et eodem ipso die Elizabetha Scoticum Legatum de Regina captiua liberanda interpellantem indignanter reiecit, iussitq; vt illa tranquille se gereret, ne eos quibus maximè innititur, sine capite truncos propediem videret.

Cùm iam rumor ille de nuptijs magis magisq; cale-
ret, & Regis Galliarum Orator Reginae Scotorum liber-
tatem (magis suasu quorundam Anglorum, quàm iussu
Regis Gallorum, vt mox compertum) maximoperè vr-
geret, suspitiones novæ vndiq; arreptæ fuere, & Cecilius
qui rei publicæ & religioni sedulò semper excubavit, in-
tentum animum habuit, vt rem indagaret. Egit itaq; per
literas cum Suffexio Septentrionalis plagæ Præsides qui
Duci intimus & necessitudine coniunctissimus, vt si quid
de Ducis nuptijs intelligeret, Reginam faceret certiore.
Quid responderit, me latet. Cumq; observatum fuisset
Ducem cum Moravio Scotiae Prorege secreta colloquia
ad Hamptonam Regiam subinde conseruisse, Georgius
Carius Baronis Hunsdonij filius submissus est ad Mora-
vium, vt eliceret si quid Dux illi de his nuptijs impertij-
set. Dux interea territus rumore falso dissipato rebellio-
nem in Septentrionali plaga concitatam esse, & certior à
Leicestrio factus illum incarcerandum fore, in Norfol-
ciam secessit, dum tempestatem impendentem amici au-
lici interim auerterent, (qui hoc promiserunt) & ipse sup-
plicibus literis infensum Reginae animum emolliret. Ad-
hibiti autem erant qui eius motus & conatus, etiam &
nutus obseruarent. Cùm nihil solatij apud suos reperiret,
& Heidonus, Cornwallius, alijq; è primarijs eius tractus
viri suaderent, vt ad Reginae misericordiam si sibi malè
conscijs esset, confugeret, in ancipites curas distractus
fluctuauit. Aula interim suspicioso metu ne ille in rebel-
lionem prorumperet, tota erat suspensa, deliberatumque

Y

ferunt

M.D.LXIX

*Ille ex aula
se subducit.*

*Cecilius rem
expiscatur.*

*Norfolcijs
in Norfol-
ciam se con-
fers.*

*Hinc in aula
trepidatur.*

M.D.LXIX

ferunt si hoc faceret, Reginam Scotorum illico è medio tollere.

Ille autem ex innata bonitate & optimæ mentis conscientia in nullam Maiestatis legem peccasse, (Illam enim Henrici VII. de non ducendis Regis sororum, aut fratrum, aut amitarum liberis clam Rege, sub poena læsæ Maiestatis, Edwardus VI. refixerat) necnon ex timore ne durius cum Regina Scotorum ex suspitione ageretur: amicis in Aula dat literas quibus metu carceris subduxisse se domum significat, vt tempore & absentia remedium contra malignos rumores, qui pronis in aula auribus semper excipiuntur, compararet; culpamq; demissimè deprecatus, illico se itineri aulam versus accingit.

*Ad aulam
redit.*

*Moravius
rem aperit.*

In reditu, ad S. Albani, Owenus Arundellia Comitis famulus clam à Throcmortono, & Lumleio qui iam in custodia, missus; admonet vt ipse culpam in se omninò susciperet, nec in Leicestrium, aut alios derivaret, ne ex amicis inimicos redderet. Ibi Edwardus Fitz-Girald Comitis Kildariensis frater (cohortis nobilium stipatorum subpræfectus) obuius excepit & Burnhamam ad III. à Windesora milliare (vbi tunc Regina egit) abduxit. Quarto post die, Abbas Dunfermelini literas à Morauio Scotia Prorege Reginae tradit, in quibus significauit Ducem ad Hamptonam Regiam secretò cum ipso egisse, vt eius cum Scotorum Regina connubio faueret, nisi verò faueret, interminatum fuisse; se fauturum promississe, vt insidias in vitam à Nortono quodam dum rediret, structas anteveniret, à quo & alijs Dux securitatem redeundi spondit; & paulò post Ducem per literas furtiuis notis conscriptis ab ipso petijisse vt connubio assensum præberet suum. Ad hæc Ducem per Boidium significasse quòd nunquam Scotorum Reginam desereret; insuper eiusdem Reginae ministros Proregi quodammodo persuasisse Elizabetham in connubium consensisse, necnon spem regni Angliæ proposuisse. Deprehendit etiam Elizabetha, illam quibusdam Angliæ Proceribus intimasse vt in suas partes pelliceret, se id moliri quod
Regi-

Reginæ sit securitati, & vtriusque regni saluti certissimæ.
 Dux, qui occultè & cautè literarum commercia (quæ submissæ in lagenis cervisiarijs) cum Episcopo Rossensi, Leicestrio, & Throcmortono habuit, sub hoc tempus de hoc cum Scotorum Regina connubio, & clandestinis cum Episcopo Rossensi colloquijs examinatus, pleraque confessus, ad arcem Londinensem sub custodia Henrici Nevilli Equitis aurati mittitur, asperius reprehensus quòd venia non impetrata aulâ discesserat, & insimulatus quasi rebus novis studeret. Biduo post Episcopus Rossensis itidem examinatur, & Robertus Ridolfus patritius ille Florentinus quo Rossensis & alij familiariter utebantur, Francisco Walsinghamo custodiendus traditur. Penbrochiæ Comes domi suæ se continere iubetur & privatae examinationi subijcitur. Eius tamen nobilitati & senectuti datur ne confessio in scripta redigeretur, eum hoc peteret eò quòd scribere nesciret. Proceres aliquot è Regia submoventur, quasi conscij, qui supplices confessi se cum Duce in nuptias consensisse, quas Moravius primum proposuerat; ita tamen vt Dux, Regina Scotorum, & ipsi rem ad Reginam referendam senserint, priusquam contraherentur, delicti veniam petierunt: Similiter Northumbriæ & Westmorlandiæ Comites huius consilij participes, se Suffexio Septentrionalis plagæ Præsidi submiserunt, & vt pro ipsis apud Reginam intercederet, obsecrarunt. Varij etiam libelli prodierunt contra has nuptias, contra Reginam Scotorum, & ius quo illa Angliam vt proxima hæres vendicabat: tanta ingeniorum procacitate, vt Regina statuerit seверо edicto prohibere, & Rossensi Episcopo respondere connivens permiserit. Qui librum ad Reginæ suæ honorem, ius succedendi, & muliebre imperium (nam & hoc impugnabatur) asserendum statim opposuit sub nomine Morgani Philips. Argumenta verò pro successionis iure se ab Antonio Browno Primario in *Communibus Placitis Iustituario*, & Carello iuris Anglorum consultissimis clam hausisse postea in Commentarijs ingenuè agnovit.

M.D.LXIX

Norfolcijs
custodia da-
tur.

Et alij.

Conscij culpā
deprecantur.Libri aduer-
sarij de his
nuptijs.

M.D.LXIX
Chapinus
Vitellius in
Angliam cur
venit.

His diebus venit ab Albano Chapinus Vitellius Marchio Cetona cum obsoletis Hispani literis specie componendi lites de commercijs, revera ut observaret successum rebellionis iam futuræ, militibusque præesset, quos è Belgio Albanus clam promiserat; qui etiam ad portus explorandos *La-Mottum* Dunkirkæ præfectum (quod ipse postea testatus) nauicularij habitu præmiserat. Cum autem deprehensum esset hunc Marchionem tantum substitutum ab Albano, qui & ipse vicaria potestate substitutus, dubitatur an cum eo tanquam Legato ageretur. Attamen ut Hispani legatum se velle agnoscere Regina significavit. Verum cum non aliam ille ostenderet auctoritatem, quam pecuniam detentam repetendi, illa pacis percupida monuit, ut ampliorem auctoritatem ad res componendas compararet. Quam dum expectat, fama de rebellionem in Septentrionali plaga regni proruptura increbescit.

Rebellio Septentrionalis.

De hac, ut rem altius repetam, Autumno ineunte, per tenuis rumor exortus erat, qui primum neglectus quod sine capite, mox auctus ex frequentibus Comitum Northumbriæ, Westmorlandiæ, & aliorum coitionibus, adeo ut Suffexius Præses eos accersitos de rumore isto sciscitaretur. Qui se inaudisse non diffitebantur, verum confcios esse pernegabant, vitamque contra quoscunque rebelles pro Regina multis magnisque obtestationibus devovebant. Hinc domum remissi, etiam cum potestate in Authores huiusmodi rumoris inquirendi. Nihilominus adeo rumor ille rursus invaluit, ut Regina de tantis viris nihil temerè credendum rata, illos per Suffexium iuberet Londinum quamprimum accedere ad omnem suspicionem dimovendam. Suffexius tamen, nescio quo consilio, ipsum adire iussit tanquam de provinciæ negotijs cum illis consulturus. Illi primum tergiversantur, mox planè adire abnuunt. Hinc Regina festinatò literis peremptorijs omni excusatione deposita, statim coram comparere iubet, ut vel à rebellionem omninò absterreret, vel in rebellionem protinùs prouerent, priusquam

quàm copias contraherent, & res maturefceret: Cohortes enim auxiliares tum à Scotis coniuratis, tum ab Albano ad *Hertilpolum* in Dunelmensi Episcopatu portum exponendas operiebantur, vt postea innotuit.

Quamprimùm Northumbrius literas perlegerat, homo facili ingenio, sibi malè conscius, Romanæ religionis perquàm studiosus, iniuria, quam ille interpretabatur, de diuite æris vena in suo solo ex iure Maiestatis, siue *Prærogatiue in fodinis Regalibus abiudicata* exacerbat; & eximia tamen Regiæ clementiæ spe sustentatus, ancipiti cura fluctuabat, an Reginam adiret, an fuga sibi consuleret, an in rebellionem prorumperet. Fluctuantem & pavidum vt amici & famuli in rebellionem iam parati senserint, intempesta nocte ex improviso interpellant, clamitantes *Oswoldum Vlstropum*, & *Vaughanum* inimicos adesse cum armata manu qui captivum abriperent, Ne sibi, ne suis, ne religioni patrum deesset, obtestantur, Catholicos per vniversam Angliam ad Romanam religionem asserendam iam esse accinctos asseuerant, campanas per pagos tumultuariò ordine præpostero ad multitudinem concitandam pulsant. Ille trepidus è lecto ad pergulam in viuario iuxta *Topcliffum* se recipit; & nocte insequente *Branspethum*, ædes Comitis *Westmorlandiæ*, vbi plures rei non ignari iam conue-

Etenim vt multitudinem imperitam contraherent, alijs imperarunt vt armati se coniungerent ad Reginam tutandam, alijs innuerunt vniversos Angliæ Proceres secum ad Romanam religionem restaurandam conspirasse, alijs se necessariò adactos vt arma sumerent ne prisca Angliæ nobilitas à novis hominibus conculcicaretur, & patria exteris in prædam proderetur. Hinc apertè in rebellionem prouunt, & publicam regni pacem iam annos vndecim sub Elizabetha inconcussam primi turbant, *Nicholao Mortono* Presbytero strenuè impellente, qui à Pontifice R. missus vt denuntiaret Elizabetham hæreticam esse, & inde *omni Dominio & Potestate* excidisse.

Pro-

M.D.LXIX

*Rebellium
prætextus.*

*In rebellio-
nem prouo-
cant.*

Nich. morton.

*Eorum De-
claratio.*

M.D.LXIX

*Ad Pontifi-
cios litera.**In libros
sanctia.**Vexilla.**Numerus.**Recedunt.**Bernardi
Castrum
capiunt.*

Protinusq; scripto proposito declarant, *Se arma sumpsisse non alio consilio, quàm ut maiorum religio restitueretur, Consi-
liarij pravi à Regina submouerentur, Dux, & alij proceres fide-
les de gradu deiecti in libertatem & gratiam reducerentur; in
Reginam autem nihil moliri, cui obsequentissimos subditos se
esse, & semper fore deuouent; literasq; ad Pontificios cir-
cumquaq; per regnum missitant, ut vires coniungerent.* Tantum autem abfuit ut se consociarint, ut pleriq; accep-
tas literas cum latoribus ad Reginam transmiserint, suam-
que singuli ex omnibus regni partibus operam, & opes
contra illos, & ipse etiam Norfolcius, certatim obtule-
rint. Adeò ut summam certè & singularem subditorum
fidem in ipsam perspexerit, & hoc nomine divinam be-
nignitatem gratissimo animo agnouerit.

Rebelles Dunelmum Episcopalem sedem vicinam
primùm adeunt, vbi sacra Biblia, & Liturgiæ libros lin-
gua Anglica in Ecclesijs repertos dilacerant & procul-
cant. Inde Missam ubiq; celebrantes, paruis itineribus
sub signis, in quorum alijs depicta erant quinque vulnera
Christi, in alijs Calix Eucharisticus, Richardo Nortono
sene nobili & venerabili canicie Crucem cum labaro
præferente, turmatim vsque ad *Cliffordmore* haud procul
à *Wetherbeia* progressi. XII. rebellionis die exercitum
recensent; nec plures quàm sexcentos equites, & IIII
c. I. pedites numerant. Vbi cum certò comperissent
Scotorum Reginam (ad quam liberandam arma potissi-
mùm induerant) à *Tutburia* Couentriam urbem muni-
tam esse abductam sub custodia Comitum *Salopiæ*, &
Huntingdoniæ, *Suffexium*, à latere validum in eos con-
scripsisse exercitum, *Georgium Bowes* à tergo delectum
habuisse, & *Bernardi Castrum* firmasse, Baronem *Scro-
pum*, *Cumbriæq;* Comitem *Carleolum* communiuisse,
& manum militarem contrahere; signa retulerunt, &
eandem ferè viam remensi, ad *Rabiam* Comitis *West-
morlandiæ* ædes primarias deuenerunt. Vnde digressi,
Castrum Bernardi arcta obsidione incinxerunt, quod,
fame urgente, deditioe breui cœperunt, *Georgio Bowes*
cum

cum fratre Roberto, & præfidiarijs militibus cum armis ex pacto dimissis.

Quo ipso die, cum iam antea patriæ proditores voce præconis declarati essent, Suffexius in eos cum VII CIO militum signa mouet, Edwardo Comite Rutlandiæ, Hunsdonio, Euero, & Willoughbeio Parhamio Baronibus comitatus. Cum ad Aclandiam ventum esset, rebelles trepida fuga ad Hexhamam se proripuerunt, & protinus per avia palantes, ad Castrum *Naworthum*. Vbi audito, Comitem Warwici, Clintonumq; Maris Præfectum cum XII millibus ex australi Angliæ parte festinanter insequi; duo Comites cum pauculis (cæteris infcijs) in Scotiam vicinam illico se subdixerunt. Northumbrius ad *Harclawe* in tuguriolis delituit inter *Graibamos* famosos prædones, à quibus Morauio postea proditus. Westmorlandius latebras apud Carrum Femihurstium, & Buchluium invenit, tandemque in Belgium cum alijs Anglis euasit, vbi exili ab Hispano pensione, vitam satis inopem ad senectutem traxit. Reliqui dissipati fuga & latibulis saluti consuluerunt. Ad terrorem sexaginta sex pedanei Magistratus, & alij Dunelmiaë suspensi, inter quos Plomtreus Sacerdos fuit notissimus. Eboraci supplicio affecti erant, Simon Digbeius, I. Fulthropus, Thomas Bishopus, Robertus Penemanus; & Londini post aliquot menses Christophorus & Thomas Nortoni, & nonnulli alij alibi.

Postea qui ex rebellibus clarissimi læsæ Maiestatis conuicti & proscripti fuerunt, nominatim Carolus Comes Westmorlandiæ, Thomas Comes Northumbriæ, Anna Comitissa Northumbriæ, filia Henrici Comitis Wigorniaë, Edwardus Dacræus de Morton, Io. Neuillus de Leuersege, Ioannes Swinbornus, Thomas Markenfeldus, Egremondius Ratcliffius Comitis Suffexiæ frater, Christophorus Neuillus, Richardus Nortonus de Norton Coniers, Christophorus Marmeducus, & Thomas è familia Nortonorum, Robertus & Michael Tempesti, Georgius Staffordus, & quadraginta plùs minùs alij, natalibus

M.D.LXIX

*Fugiant.**Nonnulli
supplicio affi-
ciuntur.**Alij proscri-
buntur.*

M.D.LXIX

*Nona rebel-
lio.*
* Piets Wall

talibus clari. Horumq; convictio & proscriptio proximo Parlamento confirmata. Reliquis qui fundos non habuerunt, & è regno non profugerant, noxa erat remissa. Ita huius rebellionis flamma brevi tempore extincta est, Chapino Vitellio qui conscius, vt dixi, apud Regnam & Proceres palam demirante, tacite verò indignante, tam subito & tam facile extinctam fuisse, eiusq; in Angliam adventum irritum cecidisse.

Ex obruto huius rebellionis incendio novus quasi de cineribus igniculus *Naworthi* in Cumbria iuxta * *Kalum Seueri* prorupit, à Leonardo Dacreo, Guilielmi Baronis Dacrei *Gilleslandij*, filio secundo-genito accensus. Hic (cùm Baro Dacreus nepos è fratre natu maiore adolescentulus, vt dixi, expirasset) iniquissimo animo tulit opimum patrimonium neptibus quas Norfolcius socer suis filijs desponderat, ex lege obvenisse: litem contra neptes intenderat, quæ, cum ex voto non procederet, clam cum rebellibus consilia sociauit, & Scotorum Regnam custodia eripere frustra tentauit. Cùm autem illi rebellionis signa sustulissent, priusquam putaret, & patriæ hostes declarati, dum ille in aula, ad Regnam salutandam admissus, omnem operam contra rebelles detulit, eoq; nomine domum remissus. In itinere (vt postea deprehensum est) consilia cum illis per internuntios impertijt, animumq; addidit, multa à Legatis exterorum Principum pollicitus, & inter alia se (collectis Reginæ nomine militibus) Baronem Scropum Limitis Occidui Præfectum, Episcopumq; Carliolensem è medio sublaturum. Quod cùm efficere non posset, fugientes Comites literis cōmendatitijs ad Scotos persequutus, Castrum *Greistochum*, aliasq; Dacreorum aedes occupauit, Castrum *Naworthum* tanquam sui iuris communiuit; contraxitq; obtentu sua defendendi, & rebellibus obsistendi, tria millia limitaneorum prædonum, & alios qui Dacreorum nomini eo tractu longè clarissimo erant devotissimi.

Contra hos Baro Hunsdonius cum Veteranis præsidarijs

diarijs Berwici signa mouet : Illi munimentis non confisi obuiam procedunt, & triquetra acie equitibus circumpositis ad *Geltum* fluuiolum excipiunt. Pugnatum sanè vtrinque acriter, & Leonardus (gibbosus licèt) nihil non fecit quod in duce fortissimo requiratur, sed plurimis suorum cæsis, victoriam haudquaquam lætam Hunsdonio reliquit, & in Scotiam proximam se recepit. Vnde breui in Belgium transmisit, & Louanij diem supremum inops obiit : Vt pater qui moriens ei tristitia propter inobedientiam imprecatus erat, non falsus videatur. Hunsdonius castra recepta Norfolcij famulis custodienda commisit, & Regina multitudini quam in rebellionem excitarat, criminis gratiam publicato edicto fecit.

Quamvis illa hac rebellionē domi implicata, Protestantibus tamen Gallia non defuit, rebus eorum iam propè deploratis. Principes enim eiusdem professionis ad communem causam tutandam hortata, pecuniam, Navarreae Reginae monilibus pignori acceptis, suppeditauit, permisitque Henrico Champagnouo (cuius patruelis Gawinus Comitis Montgomerij filiam in uxorem coeperat) in Galliam turmam centum equitum volonum nobilium ducere, qui vexillo inscripsit *FINEM DET MIHI VIRTUS*. Inter quos erant Philippus Butshidus, Franciscus Barcleius, & Walterus Raleghus, admodum adolescens iam primum fatis monstratus. Hæc Gallum non latuerunt, qui ut Angliæ opes in Protestantium subsidium redundantes vel exhauriret, vel saltem aliorum deriuaret, statuit novum belli incēdium contra Angliam in Scotia excitare, sublevando Scotos qui pro Scotorum Regina Dunbritonium arcem tenebant. Et ad hoc Sebastianum Martiguium bellica laude florentem destinavit, sed illo in obsidione *S. Ioannis D'Angeli* sclopeti ictu extincto, hoc consilium prorsus evanuit.

Nec Hibernia hoc tempore rebellionibus vacauit. Edmundus enim & Petrus Boteleri, Comitis Ormondia fratres,

M.D.LXIX

Pugna fusi.

Elizab. reformatis in Gallia auxiliatur.

Rebellio in Hibernia.

M.D.LXIX

Sedatur.

Hibernia
infelicitas.

fratres, qui vicinos in Momonia iniuriosius tractauerant, legibus parere recusarunt, deprædationibus, & incendijs bonos ciues infestarunt, & cum Iacobo *Fitz-Morris* è familia Desmonia, *Mac-Arti-More*, *Fitz-Edmundo* Seneschallo Imokellia, & alijs qui cum P. P. Romano & Hispano de asserenda religione & deturbanda Elizabetha Hibernia regno sategerant, foedus inierunt. Vnde perduelles denunciati, & Petrus *Carew* senior eos varia fortuna velitationibus exercuit. Nihilominus contractis perditorum numeris Kilkenniam obsiderunt, ciuesque uxorem Warrhami *S. Legeri* in manus tradere iusserunt, sed à præsidiarijs erumpentibus repulsi, miserè regionem circumquaque deuastarunt. Ad hanc seditionem inflammandam, venit occultè ab Hispano Ioannes Mendoza, & ex Anglia ad extinguendam Comes Ormondia qui persuasit fratribus vt se submitterent. Illi tamen in carcerem coniecti, verùm ne iudicio sisterentur, quod eorum scelera efflagitarunt, impetrauit apud Reginam assidua Comitis intercessio, qui ægerrimè tulit eiusmodi maculam per eos nobilissimæ familiæ esse aspersam, & sanguinis etiam necessitudo inter eos & Reginam, quæ subinde illibatam huius familiæ nobilitatem in suam gloriam trahere gaudebat. Rebellionis autem reliquias Prorex per Humfredum Gilbertum acriter persequutus, brevi dissipauit.

In Ultonia etiam tumultuatum Turlogho *Leinigh* modò in bellum, modò in pacem pro sua leuitate, & administratorum lubidine præcipite. Verùm eum in officio continuerunt non tam Angli præsidiarij, quàm Hebridiiani subinde ex macris illis Insulis in eius agros effusi. Contra quorum in illa parte incursiones magna vis pecuniæ ad oram maritimam communiendam ex Anglia subinde mittebatur: sed frustra, ex infelicitate quadam tam Angliæ quàm Hiberniæ communi, vbi ad publica opera eiusmodi homines plerumque se ingerunt, & admittuntur, qui publica privatis sordide postponunt.

ELI-

M.D.LXX.



ELIZABETHA

ANGLIÆ, &c.

REGINA.

PARS SECVNDA.

M. D. LXX.



REBELLIONE iam in Anglia extincta, Moravius Scotiæ Prorex sedulo egit, vt Scotorum Regina sibi in manus tradetur, eoque nomine & obsides obtulit, & Northumbrium, Westmorlandiumq; restituere promisit; effecitque, vt Rossensis Episcopus tanquam rebellionis author, in custodiam apud Episcopum Londinensem traderetur. Deinde vt Elizabetham beneficio demereretur, Mense Ianuario in limitaneas Scotiæ versus Angliam provincias cum exercitu ingressus ad Anglos rebelles indagandum, pauculos, illosque nullius notæ intercepit; tandemque Northumbriæ Comitem apud limitaneos prædones latitantem hospitis indicio invenit, ad Lacum Leuinum custodiendum misit, limitaneosq; graviter afflixit.

Eodem autem mense, cum iam magnis laboribus perfunctus, securo animo videretur, Limnuchi (Lith-

Moravius
Scotam sibi
tradi petit.

Rebelles An-
glos persequi-
tur.

Occiditur.

M.D.LXX.

quo vulgus vocat) ex insidijs globulo plumbeo infra umbilicum dum per plateam equitaret, transfixus occubuit. Percussor erat Hamiltonius, qui in Galliam mox evasit, & annos aliquot superfuit, subinde protestatus se privatam de Moravio vindictam sumpsisse, postquam patientia ad iniurias diutius obdurescere non potuisset. Moravius enim hominem quod à Regina steterat, proscripserat, & carcere condiderat, patibulum subinde minatus, donec prædiolo quod per uxorem obvenerat, Moravij clienti cederet. Vnde vxor mente capta, & ille in furorem versus, carcere effracto, eadem admisit. Nec persuaderi postea poterat in Gallia cum homo ad facinus promptus videretur, ut in Admirallum Colinium idem auderet, dictitans, se iusti sui doloris fuisse vindicem, cuius poenituit; alieni verò, nec prece ne pretio vnquam futurum.

*Variæ de eo
indicia.*

Multus hinc de Prorege sublato per Britanniam sermo, plurimis vana mirantibus; utique somnium matris eius, postquam furtivo congressu à Rege Iacobo v. compressa, de Leone & Dracone in eius utero cõfligentibus. Apud prudentiores pro partium studijs, ab alijs ob religionem Rom. è Scotia profligatam, Regem puerulum conservatum, iustitiam æquabiliter administratam, & munificentiam in viros doctos, & Buchananum in primis, laudatus. Contra ab alijs culpatus, quasi religionem integumento sumpsisset, ut ex Ecclesiæ spolijs se suosque expleret, atque in sororem Reginam optimè meritam iniuriosissimè ingratus, muliebri imbecillitati inhumanè insultasset. Et hi ex suis suspicionibus & coniecturis, pravoque multorum Nothorum ingenio augurabantur, quasi filio minimè parciturus esset qui matrem regno exuerat. Ipsa Scotorum Regina indoluit illum tam repentina & violenta morte præreptum fuisse, priusquam ut dixit, peccata in Deum, patriam, & Principem seria poenitentia expiasset. Angli verò quotquot Norfolcio studuerunt, ut vasrum simulandi & dissimulandi artificem, quantum ausi incusarunt.

Nocte

Nocte quæ Proregis cædem subsequita est, Thomas Carrus Ferniburstius, & Walterus Scotus Buchhuius, viri inter limitaneos Scotos fortissimi, Scotorum Reginae devotissimi, quique ab illa usque ad exilium & fortunarum everfionem steterant, ultionem contra Reginam Angliæ spirantes, quod Prorex in eius gratiam limitaneos afflixisset, in Angliam cum Scotis & quibusdam Anglis rebellibus irrumpentes, pace violata, finitimum agrum ferro flammaq; quasi solitudinem facturi, devastarunt. Unde in Scotiam illicò missus Thomas Randolphus ut Scotiae Proceres in publico conventu de iniuria tanta doceret, quodque si illi (Scotia tunc tumultuante) pacis perturbatores cohibere non possent, Reginam suo milite illatas iniurias persequuturam, nec quempiam immerentem damno affecturam. Huic nullum datum responsum, eò quod Prorex nondum fuerat designatus. Suffexius tamen ut iniuria à limitaneis Anglis propulsaretur, & hostium insolentia comprimeretur, iussus est copias conscribere, & contra Buchhuium & Fernihurstium movere, eos autem solos bello persequi qui nuper cum Anglis rebellibus Angliam prædabundi incurfarant, aut Anglos rebelles contra fœdera foverant, aut fovebunt. Nec fisti poterat, quamvis qui Scotorum Reginae studebant Argathelius & Huntleius, misso Trebono, inducias postularent, donec res Scoticas Elizabethæ significarent; quam cum ab incepto dissuadere non possent, primum minas quodammodo iactarunt, & mox ad preces conversi rogarunt, ut quædam superiori biennio in Scotia scita, & sancita illa arbitra, refrigerentur.

Nihilominus medio Aprili Suffexius cum Barone Hunfdonio, Drurio Berwici Marefcallo, & Anglorum exercitu Scotiam ingreditur, per *Tiuidaliam* vicos, & villas Buchluij & Carrorum incendit, agros depopulatur, *Ferniburstium* & *Cralingum* propugnacula Thomæ Carri subruit. Ex altera parte Henricus Baro Scropus eodem ipso tempore occiduum Scotiae limitem intrat, Ionstoni & aliorum agros qui rebelles Anglos foverant, per Anandiam

M.D.LXX.
*Scotorum &
rebellium in
Angliam in-
curso.*

Angli ulciscuntur.

M.D.LXX.

diam latè devastat. Viculi trecenti incensi, propugnacula quinquaginta plùs minùs hoc tempore subversa fuerunt.

Pauculis interiectis diebus, Suffexius iterùm Scotiam ingressus cum Barone Hunsdonio, Humium Castrum rebellium Anglorum receptaculum admotis machinis obsidet, & deditione capit, in quo nisi vnus & alter ex rebellibus fuerunt deprehensi, quibus suspendio sublatis, Præsidioque imposito, Drurio imperat, vt *Fast Castle* alterum etiam Baronis Humij munimentum oppugnet, quod mox etiam deditionem fecit.

Cum rebelles Angli in interiores Scotiae partes iam se recepissent, & alijs id genus hominibus confociati ferum flammamq; limitaneis in Anglia, & Regijs in Scotia minarentur: Suffexius Drurium reuersum septimo post die in Scotiam remisit cum mille ducentis peditibus, equitibus quadringentis, qui apud Coldinghamam obsides recepit pro Comitibus Angusia, Mortonij, Marriæ, & Glencarniæ; atque pro Baronibus Reuueno, & Lindseio qui multis precibus Anglos evocarant. Postea Suffexius ipse comitatus Georgio Cario, Thoma *Manours*, Roberto Constabulo, quos simul cum Drurio dignitate equestri ornaverant, Hieronymo *Bowes*, Guil. *Krolles*, Thoma Brickwello, Roberto Gamo, Elringtono, Caruillo, & alijs ordinum ductoribus Edenburgum profectus, cum Comitibus illis, & Lenoxio ex Anglia iam recens reuerso, copias coniunxit, licet suspectior illis quasi in Norfolciæ & Scotorum Reginae partes pronus. Hi per Limnuchum Glasuam accedunt, vnde Hamiltonius Dux Castri-Heraldi se subduxerat, inde ad Hamiltonium Castrum deflectunt, quod maioribus machinis diuerberatum, breui deditum, & semirutum. Hamiltoniorum etiam Villæ magnificæ ignis iniectus, & in eorū prædia passim per *Cluidsdaliam* sæuitum, vt in reditu, in palatium Hamiltonij ad Limnuchum.

Iam Scotiae Procures qui à Rege, (submotis Hamiltonijs & reliquis qui à Regina abdicata steterant) de eligendo

Regijs in
Scotia auxi-
liantur.

Hamiltoni-
um Castrum
capiunt.

gendo novo Prorege conventuri Elizabethæ consilium exquirunt. Illa in Prorege creando se nolle interponere respondit, ne Scotorum Regina, cuius causa nondum iudicata, præiudicium afferre videretur. Illi autem Matthæum Lenoxiæ Comitem regis avum primùm Interregem, & mox Proregem crearunt, Elizabetha non refragante. Illum enim & tenelli nepotis ex natura amantissimum, Anglorumq; ex beneficijs studiosissimum fore cognovit, & ad nutum futurum non dubitavit, cùm eius vxorem in potestate haberet.

Dum Regijs in Scotia partibus Elizabetha ita aderat, Hispanus captivæ Regina non defuit, sed curante Hamiltonio Dunbarrensis Ecclesiæ Rectore, è Belgio magnum armorum apparatus, pulveris nitrati copiam, VII. tormenta maiora, & aliquantum pecuniæ ad Huntleium Regina in Borealibus Scotiæ partibus Præfectum submisit. Interim ille, Dux Castri-Heraldi, & Argathelius Locumtenentes Regina communi consilio, & Regina consensu Georgium Baronem Setonum ad Albanum legarunt, qui hæc coràm persequutus est. *Se missum e regno pace publica, & Principe optima infidelium subditorum perfidia orbato. Legationis summam in his constare, Ut suppetiæ ferrentur ad redimendam Reginam ex misera in aliena terra captiuitate, & regnum ab aliena oppressione. Ut Scoti rebelles à commercijs in Hispani ditionibus exercenda prohiberentur, & x millia aureorum Scotorum Regina assignata dependerentur. Reginam ad Hispani sinum confugisse, cui nihil aliud quàm, Honor, Iustitia, & Pietas (obiecta Principe Catholico dignissima) animo obuersantur, Albanum verò intercessorem adhibere, qui totus in hoc excubat ut salutaria illa Catholici Regis cogitata perficiantur. Vtilitatem hinc Hispano se proponere nullam, hoc enim esse tanta Maestate indignum; sed perpetuam Sere-
nissimæ Regina, fortissimæq; gentis amicitiam & certum obsequium animis gratissimis deferre. Caroli v. patris gloriam Duce Florentino, & Mahumetano Rege in pristinam dignitatem restitutis, longè lateq; inclaruisset. At si ille restituat Reginam Christianam, Christianæ religionis cultricem constantissi-*
mam,

M.D.LXX.

*Lenoxius fit
Scotia Pro-
rex.**Hispanus
fert opem
contra Re-
gios.**Setoni ad
Albanum
Legatio.*

M.D.LXX.

mam, Principem absolutam, maximis orbis Christiani Principibus sanguine & fœdere coniunctam, duorumq; florentissimorum regnorum heredem certissimam, quàm gloriosum fuerit, & quàm incomparabile pietatis argumentum? Posse hinc non solum de Gallia, Dania, Lotharingia, Guisys, Sanctissimo Patre, & vniuersa Ecclesia Catholica optimè mereri; sed etiam vestigijs paternis insistendo, Principes iniuste solio turbatos subleuando, & restituendo paternam celebritatem æquare, imò longè superare. Vt perniciosum autem hoc abdicandi hereditarios reges exemplum vindicetur, illius inprimis interesse, quandoquidem maximus sit Europæ Monarcha; eiusq; ditiones longè disitæ eiusmodi insolenti arrogantiae facillimas præbeant occasiones. Nec aliud præclarior aut fructuosius Iustitiæ exemplar posse extare. Eam enim restituendo arctissimo amicitiae & fœderis vinculo deuinciet Reginam Franciæ Dotariam, Scotiæ absolutam, Angliæ heredem indubitam, & nationem Scoticam cuius inconcussa fides in fœdere Gallico obseruando, iam inde à Caroli Magni temporibus vniuerso orbi est testatissima. Hinc præterea (modo animum se dignum gerat) patere viam ad vlciscendas acceptas ab Angla iniurias, quæ rebellibus in Belgio fauet, pecuniam interceptit, legatum male tractauit, & subditorum bonis manum iniecit. Torpere vltra donec Scotia se Anglæ submiserit, ignauæ & supinæ esse socordiae. Fœminam illam tanto imperij incremento, & securitate domestica parta, vicinis formidabilem futuram, animumq; masculum & sexum imperandi audum, Hispaniam diuturno bello inuoluendi rationes faciliè excogitaturum. In quo si præuertatur, illam sua ipsius formidine faciliè coerceri posse, quandoquidem pauci in Scotia captivæ Reginae aduersentur, Nobiles pleriq; & vniuersi vtriusq; regni Catholici faueant, omnes Scotiæ portus in ipsius sint potestate; inq; hoc tam sacrum bellum Pontificem Romanum Ecclesiasticis bonis haud parciturum. Nihil igitur reliquum esse, quàm vt Rex Catholicus in causa tam iusta, pia, & salutari vires suas exerat. Ab illo vno vniuersos Britanniae Catholicos solatium, vel exitium iam expectare.

Albani
responsum.

Albanus se pronum promptumq; ad hanc causam apud Hispanum quoquo modo promouendam respondit.
Com-

Commercia verò Scotorum rebellium (cùm sit contra libertatem Belgicam) interdicere non posse, pecuniam autem quamprimum repræsentandam pollicitus. Setonius interim, vt Hispanum & Albanum magis demeretur, ementito habitu ad confœderatos Belgas profectus, Scotos apud eos merentes verborum lenocinijs, convivijs, & corruptelis cæteris ad defectionem traxit, & ægrè cum summo vitæ periculo tormentis admovendus, ad Albanum evasit, qui decem millibus militum in sex menses stipendia frustra promisit, cùm rebus in Belgio turbatissimis, milites in Scotiam mittere non posset.

Interea Episcopus Rossensis (qui res Reginæ Scotorum in Anglia grauitè procurauerat, & Londinensi Episcopo eò quòd rebellionem faces clam subiecerat, in custodiam datus) iam liberatus, effecit vt Gallus per Oratorem, & Montlucium sedulò cum Elizabetha de Scota liberanda ageret, qui illam arctiori custodia detineri, idque sub Huntingdoniæ Comite adversario acerrimo & æmulo, (cùm non minùs ac illa, ius in regnum Angliæ non obscurè præ se ferret) grauitè conquerebantur. Idem etiam, curante Rossense, Hispani Legatus Regis sui nomine summopere vrget. Respondet Regina (postquam subdolas quorundam machinationes pro Scotorum Regina liberanda memorasset, (quam rebellionis nuperæ affinem fuisse tectè innuit) Inconsideratæ & imprimis periculosa esse imprudentiæ illam dimittere, quæ adeò apertè malis artibus ad Regnum Angliæ aspirat, vt necessariò adaucta fuerit, arctiori illam custodiæ mandare, è famulis quos plures attraxerat, nonnullos amouere, & Huntingdoniæ Comitem (in quo ius in Regnum agnouit nullum, cognitionem verò cum ipsa aliquam) Salopiæ Comiti, quem custodem constituerat, adiungere, qui iam pridem de suorum fide suspicari cœperat, & plures indies in Scotorum Regine fauorem pellectos senserat, Huntingdoniæ tamen Comitem iamdudum ab illa submotum fuisse. Promittit præterea Se nihil omissuram, quod ad rem inter Scotorum Reginam & Scotos componendam faciat, simulque protestatur, se iniurias acceptas non persequuturam. Ve-

A a

run-

M.D.LXX.

*Rossensis liberatus.**Scotæ libertatem querit.**Angla responsum.*

M.D.LXX.

runtamen per Gallum, Hispanum, & Scotam sibi licere sperat suæ & suorum tranquillitati & securitati consulere, quod Natura, Ratio, & Regia sua existimatio siue Honor suo iure exigunt. Si quis eorum magis explicatam rationem periculi amolendi rationem excogitauerit, se libentissimè audituram & amplexuram.

Consultatio
de Scota li-
beranda.

Comitis Pen-
brochie mors.

Posthæc crebrò agitantur in Aula consilia, an Scoto-
rum Regina sit ad suos remittenda, an in Anglia detinen-
da, & quomodo Regni, Reginae, & Religionis incolumi-
tati optimè consulatur. Inter hæc Guilielmus Herbertus
Penbrochiæ Comes, natus ex Richardo filio Gulielmi
Herberti senioris Comitis Penbrochiæ, mali sibi præsa-
gius, ex hac vita anno Climacterico demigravit, tribus li-
beris Henrico, Edwardo & Anna relictis, magnifico fune-
re specioso monumento in Templo Paulino conditus.
Vir eximius, qui quodāmodo fortunam sibi finxit suam,
magnam apud Henricum VI. gratiam iniit cui fuit à
cubiculo, opes prudentia adauxit, maximè postquam
Rex Catharinam Parram sororem vxoris eius in coniu-
gem accepisset. Sub Edwardo VI. dùm factionibus Au-
la distraheretur, Georgiani Ordinis periscelidem, Hip-
pocomi Regij dignitatem, titulum Baronis *Herberti de*
Caerdiff, honoremque Comitis Penbrochiæ consequutus.
Sub Maria copijs contra Wiatum, & ad S. Quintini, exer-
citui Anglorum summo cum Imperio præfuit, Walliæ
Præses, & Caletibis Præfectus. Sub Elizabetha Mag-
nus Aulae Magister constitutus, cuius gratia aliquantif-
per excidit, quòd nec mala mente, nec malo animo nup-
tias Norfolcij cum Scotorum Regina inprimis promove-
rit, parùmque abfuit quin mortuus proscriberetur ex in-
dicijs quibusdam prolatis & præsumptionibus arreptis.

Bulla contra
Reginam
publicata.

Pius V. Pontifex Romanus, qui hætenus insidias ab-
strusas Elizabethæ posuerat, atq; illam non priùs admo-
nitam, nec citatam per *Bullam Declaratoriam* anno supe-
riore clam Anathemate innodaverat, & rebellionem
concitarat, eandem nunc valuis Palatii Episcopi Londi-
nensis noctu affixam, in hæc verba publicari curavit.

S. D. N.

S. D. N. RII PAPÆ V. SEN.

TENTIA DECLARATORIA CON-

TRA ELIZABETHAM PRÆTEN-

sam Angliæ Reginam, & ei

adhærentes hæreticos.

Qua etiam declarantur absoluti omnes subditi
à iuramento fidelitatis, & quocunque alio debito.

ET DEINCEPS OBEDIENTES

Anathemate illaqueantur.

PIVS EPISCOPVS SERVVS SERVORVM

DEI, AD FUTVRAM REI MEMORIAM,

REGNANS in excelsis, cui data est omnis in cælo, & in
terra potestas, vnam sanctam Catholicam & Apostolicam
Ecclesiam, extra quam nulla est salus, vni soli in terris, vi-
delicet Apostolorum Principi Petro, Petrique successori Romano
Pontifici, in potestatis plenitudine tradidit gubernandam. Hunc
vnum super omnes gentes, & omnia Regna Principem constituit,
qui euellat, destruat, dissipet, disperdat, plantet, & ædificet:
vt fidelem populum mutue charitatis nexu constrictum, in v-
nitate spiritus contineat, saluumque & incolumem suo exhibeat
Saluatori. Quo quidem in munere obeundo, nos ad prædicta
Ecclesiæ gubernacula Dei benignitate vocati, nullum laborem
intermittimus, omni opera contendentes, vt ipsa vnitas, & Ca-
tholica religio (quam illius author ad probandam suorum fidem,
& correctionem nostram, tantis procellis conflictari permisit) in-
tegra conseruetur. Sed impiorum numerus tantum potentia in-
valuit, vt nullus iam in orbe locus sit relictus, quem illi pessimis
doctrinis corrumpere non tentarint: adnitente inter cæteros,
Flagitiorum serua Elizabetha prætensa Angliæ Regina, ad quam
veluti ad asylum omnium infestissimi profugium inuenerunt.
Hæc eadem, regno occupato, Supremi Ecclesiæ Capitis locum in
omni Anglia, eiusque præcipuam authoritatem atque iurisdictio-

M.D.LXX.

nem monstrosè sibi vsurpans, regnum ipsum iam tum ad fidem Catholicam, & bonam frugem reductum, rursus in miserum exitium renoucauit. Usu namque veræ religionis, quam ab illius desertore Henrico Octauo olim euersam, clara memoria Maria Regina legitima, huius sedis præsidio reparauerat, potenti manu inbibito, secutisq; & amplexis hæreticorum erroribus, regium consilium ex Anglica nobilitate confectum diremit: illudq; obscuris hominibus hæreticis compleuit, Catholicæ fidei cultores oppressit, improbos concionatores, atq; impietatum administratos reposuit. Missæ sacrificium, Preces, Ieiunia, Ciborum delectum, Cælibatum, Ritusq; Catholicos aboleuit: Libros manifestam hæresim continentes, toto regno proponi; impia mysteria, & instituta ad Caluini præscriptum à se suscepta, & obseruata, etiam à subditis seruari mandauit: Episcopos Ecclesiarum, Rectores, & alios Sacerdotes Catholicos, suis Ecclesijs, & beneficijs eijcere, ac de illis, & alijs rebus Ecclesiasticis, in hæreticos disponere, deq; Ecclesiæ causis decernere ausa: Prælati, Clero, & Populo, ne Romanam Ecclesiam agnoscerent, nèue eius præceptis, sanctionibusq; Canonicis obtemperarent, interdixit: plerosq; in nefarias leges suas venire, & Romani Pontificis auctoritatem atque obedientiam abiurare, seq; solam in Temporalibus & Spiritualibus Dominam agnoscere, iureiurando coegit: pœnas & supplicia in eos qui dicto non essent audientes, imposuit, easdemq; ab ijs, qui in vnitæte fidei & prædicta obedientia perseuerarunt, exegit: Catholicos Antistites, & Ecclesiarum rectores in vincula coniecit; vbi multi diuturno languore & tristitia confecti, extremum vitæ diem miserè finierunt. Quæ omnia cum apud omnes nationes perspicua & notiora sint, & grauissimo quamplurimorum testimonio ita comprobata, vt nullus omnino locus excusationis, defensionis, aut tergiuersationis, relinquatur: Nos multiplicantibus alijs atq; alijs super alias impietatibus, & facinoribus, & præterea fidelium persecutione, religionisq; afflictione, impulsu & opera dictæ Elizabethæ quotidie magis ingrauescente: quoniam illius animum ita obfirmatum atq; induratum intelligimus, vt non modò pias Catholicorum Principum de sanitate, & conuersione preces, monitionesq; contempserit, sed ne huius quidem sedis ad ipsam hac de causa Nuncios in Angliam trahere

M.D.LXX.

traicere permiserit, ad arma iustitiæ contra eam de necessitate conuersi, dolorem lenire non possumus, quod adducamur in vnam animaduertere, cuius maiores de Repub. Christiana tantopere meruere. Illius itaq; auctoritate suffulti, qui nos in hoc supremo iustitiæ throno, licet tanto oneri impares, voluit collocare, de Apostolica potestatis plenitudine declaramus prædictam Elizabetham hæreticam, & hæreticorum fautricem, eiq; adherentes in prædictis, anathematis sententiam incurrisse, esseq; à Christi corporis vnitatis præcisos: Quinetiam ipsam prætenso Regni prædicti iure, necnon omni & quocunq; dominio, dignitate, privilegioq; priuatam: & item Procures, subditos, & populos dicti Regni, ac ceteros omnes, qui illi quomodocunq; iurauerunt, à iuramento huiusmodi, ac omni prorsus dominij, fidelitatis, & obsequij debito, perpetuò absolutos, prout nos illos præsentium auctoritate absoluimus: & priuamus eandem Elizabetham prætenso iure Regni, alijsq; omnibus supradictis: Præcipimusq; & interdiciamus vniuersis & singulis Proceribus, subditis, populis, & alijs prædictis, ne illi eiusve monitis, mandatis & legibus audeant obedire. Qui secus egerint, eos simili anathematis sententia innodamus. Quia verò difficile nimis esset, præsentibus quocunq; illis opus erit perferre, volumus vt earum exempla, Notarij publici manu, & Prælati Ecclesiastici, eiusve curiæ sigillo obsignata, eandem prorsus fidem in iudicio, & extra illud vbiq; gentium faciant, quam ipsæ præsentibus facerent, si essent exhibitæ, vel ostensæ. Datum Romæ apud Sanctum Petrum, Anno incarnationis Dominicæ millesimo quingentesimo sexagesimo nono, Quinto Kl. Martij, Pontificatus nostri anno quinto.

CÆ. GLORIERIVS.

Hinc

M.D.LXX.

*Rebellio in
Norfolcia
incepta.**Feltonus
supplicio
affectus.**Bulla à Pon-
tificijs im-
probata.**Et à plerisq;
specta.**Dux ex Ar-
ce liberatur.*

Hinc novæ suspitiones increbuerunt aliquid monstri ali, & illico sanè altera rebellio in Norfolcia eruptura erat, sed quæ in primo ortu intercepta. Nobiles quidam Norfolciani Ducem liberaturi (in quem singularis erat omnium amor) consilia agitarunt, ut cum populus ad nundinas Harlstoniæ conflueret, clangente tuba multitudinem cogerent, quæsito colore expellendi ex Anglia Belgas, qui magno numero propter Albani Tyrannidem in illam oram se receperant. Ex his aliquot in iudicium tracti, & læsæ Maiestatis damnati, de tribus tantum (quæ erat Elizabethæ clementia) supplicium sumptum. Notissimus erat Ioannes Throcmortonus qui pro tribunali mutus substitit, ad patibulum autem reliquos excusaturus se primarium authorem & suasorem agnovit.

Ioannes Feltonus qui Bullam Pontificiam valuis Palatii Londinensis Episcopi affixerat, iam deprehensus cum fugere nollet, in iudicium vocatus, intrepido animo factum confessus, quod tamen crimen fuisse agnoscere noluit, suspendio iuxta locum quo affixerat, periit, inanem gloriosi Martyrij umbram consecutus. Cæterum hanc Bullam Pontificij pleriq; modestiores tacite improbabant, quod nulla ex iure admonitio præcesserit, & prævidentes molem malorum inde sibi impendere, qui prius privatim sua sacra intra parietes satis securè coluerunt, vel recepta in Ecclesia Anglicana sacra, sine conscientie scrupulo adire non recusarant. Multiq; illorum in debita deinceps obedientia firmi permanserunt, cum vicinos Principes & Catholicas Provincias assuetis cum Regina commercijs minimè abstinere, & Bullam tanquam vanum verborum fragorem contemni viderent.

Quo die Feltonus in iudicium vocatus, eodem Dux Norfolcius (qui per imprudentiam se lapsum confessus, poenitentiamq; tantam præ se tulerat, ut non solum animus à nuptijs, sed aures à commemoratione abhorrent; fidemq; scripto obligarat de matrimonio cum Regina Scotorum, inconsulta Elizabetha, nihil iam inde sibi futurum) ex Arce Londinensi, in qua pestis sæuire coepit,

cœpit, ad suas ædes magna cum omnium lætitia emittitur, vbi sub libera Henrici Neuilli custodia ageret. Nec sanè ex lege Maiestatis læsæ anno x x v. Edwardi Tertij in illum agi poterat, vt monuit Cecilius, qui Ducis studiosus fategit, vt ille aliquam aliam matrimonio sibi coniungeret, quò minus ab eo iam inde timeretur, & publicæ tranquillitati consuleretur. Non deerant tamen, qui illum compositò iam liberatum existimarunt, vt in maius discrimen impelleretur. Plura certè quàm ille suspicabatur, postea indies diluxerunt, & fides eorum, qui illi ab intimis consilijs, spe, aut corruptelis erat labefactata.

Tempora iam erant suspicionibus, & coniurationibus plenissima. Conspirarunt enim ad Scotorum Reginam e custodia liberandam, Thomas & Edwardus Stanlæi, filij iuniores Comitis Derbiæ, ex filia Thomæ Ducis Norfolciæ, Thomas Gerardus, Rolstonus, Hallus, & alij in Comitatu Derbiensi. Sed Rolstoni filius qui ex cohorte erat nobilium stipatorum, conspiracyem aperuit; & illi in carcerem coniecti præter Hallum, qui in Maniam Insulam evasit, & inde Episcopi Rossensis cōmendatione transmissus ad Dunbritonium, vbi, castro postea expugnato, deprehensus, Londini tandem extremo supplicio affectus. Ipseq; etiam Rossensis Episcopus nuper custodia emissus, iterum Londinensi Episcopo in custodiam traditur, quòd clandestina colloquia cum Southamptonio Romanæ religioni devotissimo conseruisset.

Suffexius interea comitatus Barone Scropo, & expeditis cohortibus Scotiam iterum ingressus, Viculos per vallem Annandiam incendit, Annandiam Heirisij, & *Caer-Laueroc* Maxwellij castra qui in Angliam prædatorias fecerant incursiones, subvertit; eosq; qui pro Scotorum Regina steterant, eò adegit, vt Dux Castri-Heraldi, Huntleius, & Argathelius Syngrapham suis subscriptionibus, & Sigillis firmatam ad eum miserint, qua se & à bello abstinere, & Anglos rebelles deferere obligarunt. Suffexius iam reversus Edwardum *Hastinum*, Franciscum

M.D.LXX.

*Cecilius ad nuptias suadet.**Multi incarcerati.**Expediio in Scotiam.*

Russell.
Musgrave.

M.D.LXX.
Sussexius in
Sanctius con-
siliium adsci-
tus.

Tractatus
cum Scota.

Anglorum
propositiones.

cum Russellum, Valentinum Brownum, Guil. Hiltonum, Robertum Stapletonum, Henricum Curwenum, & Simonem Musgravium equestri ordine ob fortitudinem decoravit, & ipse postea ob spectatam prudentiam & virtutem, in sanctius Reginae consilium admissus.

Elizabetha (animo varijs suspicionibus, ex illa Bulla, & Norfolciensi coniuratione suspensa) Cecilium, & Walterum Mildmaium ad Scotorum Regnam, quae Chatterworthi in agro Derbiensi tunc agebat, misit (qui eò difficili itinere, aquis ubique supra modum intumescen-
tibus, mense Octobri pervenerunt) ut cum ea consulta-
rent, qua ratione commodissime dissidium in Scotia componeretur, ipsa in pristinum statum restitueretur, & Elizabethae securitati, atque filioli incolumitati consule-
retur. Illa nihil nisi conditionem suam afflictissimam deplorare, de dolosis Moravij artibus conqueri, Norfolcium excusare, in Elizabethae benignitate spem omnem collocare, penes quam rerum summam in Scotia non minus, quam in Anglia esse acceperat. Proposuerunt illi, ut ad syncerum pacis foedus inter duo regna firmandum. Tractatus Edenburgensis confirmaretur, illa titulo & iuri in Angliam, dum Elizabetha & ex ea liberi legitime nati super-
essent, renuntiaret. Cum nullo Principe contra Angliam fa-
dus renouaret, aut observaret. Exteros milites in Scotiam non admitteret. Cum Anglicis aut Hibernicis nulla, inconsulta Re-
gina, consiliorum haberet commercia: Profugos Anglos & re-
belles redderet. Damna Anglis limitaneis illata resarciret. In-
cedem tam Darlij mariti, quam Moravij, ex lege inquireret. Fi-
lium in Angliam obsidem traderet. Cum nullo Anglo, nisi Re-
gina Angliae consulta, nec cum quovis alio, Ordinibus Scotiae in-
uitis, matrimonium contraheret. Scoti in Hiberniam, nisi im-
petrata ex Anglia licentia, non transmitterent. Ad haec firman-
da, Regina & Delegati constituendi syngraphas & sigilla ap-
ponerent. Sex obsides quos Regina Anglia nominaret, in An-
gliam mitterentur. Si Regina Scotiae aliquid contra Elizabe-
tham per se aut alium moliretur, ipso facto omni iure, quod in
Angliam vendicat, excideret. Castra Humium & Fast Ca-
stell

stell in tres annos ab Anglis tenerentur. Munimentum itidem aliquod in Gallovidia, vel Cantira Anglis in manus traderetur, ne Scoto-Hiberni inde Hiberniam infestarent. Postremò Ordines Scotiæ hæc singula Parliamentaria autoritate confirmarent.

Ad hæc illa primum pro sua prudentia providè sanè extemplò respondit, sed pleniorẽ responſionem retulit ad Episcopum Rossensem suum in Anglia legatum, Alexandrum Gordonium Episcopum Gallovidensem Comitæ Huntlæi patrum, & Guilielmum Baronem Levingstonium à suis in Scotia Locumtenentibus delegatos. Qui postea ex his articulis alios admiserunt, alios reiecerunt. Responderunt, Tractatum Edenburghensem confirmandum, titulum Elizabethæ superſtite renuntiandum, de antiquo illo cum Gallis fœdere considerandum, Quod si non observarent, Regina dotem amitteret, gens Scotica, è qua centum cataphracti Equites, centum viginti quatuor Sagittarij Satellites aluntur. Mercatores, studiosi, plures qui hæreditates in Gallia adierant, & sacerdotia tenent, pensionibus & immunitatibus, quibus gaudent maximis exuerentur, & eicerentur; Scotiaque potentissimæ gentis amicitia & subsidio nudaretur. Quæ nisi Angli cumulatè resarcirent, nullo modo se fœderi Gallico posse renuntiare, Milites autem externos nolle admittere, nisi eiusmodi rebellio proruperit, quæ domestico milite comprimi non poterit, Reginam Scotorum nulla cum subditis Angliæ consiliorum commercia in Angliæ damnum habituram, si modo Regina Angliæ vicissim cum Scotiæ subditis nulla in damnum Scotiæ habuerit. Si qui sint profugi Angli & rebelles in Scotia, illos pene Scotos rebelles esse, & ab iisdem repetendos, damna illata à delegatis examinanda, in Darlij & Morauj eadem ex legibus Scotorum inquirendum. Regem obsidem in manus tradere non posse, cum ille sit penes illos, qui Regis nomen rebellionem contra Reginam obtendunt. Novum & inauditum esse ut liberæ Principi in matrimonio contrahendo à Principe extero & suis subditis præſcriberetur. Scotos in Hiberniam in damnum Regiæ Angliæ; sine licentia non transmittendos, si reciprocè Hibernici eadem lege teneantur, ne in Scotiam transmittant. Ad securitatem firmandam, consen-

M.D.LXX.

Scotorum re-
ſponſa.

M.D.LXX.

serunt obsides dare, quoscunque Regina Angliæ nominaret, præter Ducem Castri-Heraldi, Huntleium, Argathelium, & Atholium. Præterea, Scotorum Reginam omni successionis iure in Angliæ excludendam adenserunt, si aliquid contra Reginæ Angliæ ius molitur; modò Regina Angliæ pari aliqua pœna vicissim teneatur, si illa quid contra Scotiæ Regim molitur. De Castro Humio, & Fast-Castello rogant, ut Baroni Humio proprietario Domino restituerentur, nec diutius ab Anglis tenerentur. Munimenta in Gallouidia, aut Cantira exteris tradere, nihil aliud esse quàm nouam bello materiam suppeditare.

Conuenire
non possunt.

Cùm de his conuenire minimè possent, nec Delegati à Scotiæ Prorege venirent, & interea auxilia ad Scotorum Reginam liberandam à Pontifice Romano, Gallo, & Albano efflagitari sparsis rumoribus divulgaretur, Anglique rebelles Westmorlandius, Northumbriæ Comitissa, & reliqui è Scotia subducerentur (quibus Pontifex Romanus per Episcopum Rossensem x i i. millia aureorum suppeditarat) planè nihil ex hoc Tractatu provenit: nisi quòd Elizabetha (quæ tanquam honoraria arbitra ad clauum totius Britannia sedit) Conuentum Ordinum Scotiæ prorogari, & inducias sæpius agitari, pro sua auctoritate iusserit. Partium enim Duces Scotiam grauissimè vbique affixerunt.

Rossensis o-
pem ad Sco-
tam liberan-
dam petit.

Articulos huius Tractatus Rossensis ad Pontificem, Gallum, & Hispanum misit, innuitq; Scotorum Reginam his necessariò consensuram, nisi auxilio & consilio tempestiuè adiuvarent, quæ vehementius, sed frustra efflagitavit. Illi enim alijs curis erant occupatissimi, & Hispanus totus in nuptijs apparandis cum Anna Austriaca Maximiliani Imperatoris filia, sua ipsius è sorore nep-te, quæ hoc tempore è Zelandia Hispaniam versus solvit. Ad quam per mare Britannicum in Hispaniam deducendam Elizabetha Carolum Howardum cum bellicosa classe, & selectis nobilibus misit summa cum honoris & amoris in Austriacam familiam testificatione.

Anniversari-
um Regni E-
lizabethæ ce-
lebrari cep-
tum.

Anno iam regni Elizabethæ duodecimo foeliciter exacto, in quo aureum, ut vocarunt, diem creduli Pontificij sibi

sibi ex ariolorum prædictione expectabant, boni omnes per Angliam lætanter triumphabant, & xvi. Novembris anniversarium regni inchoati diem, gratiarum actionibus, concionibus per Ecclesias, votis multiplicatis, lætifona campanarum pulsatione, hastiludijs, & festiva quadam lætitia celebrare cœperunt, & in obsequiosi amoris testimonium, dum illa viveret, non destiterunt.

Inter hæc fatis concessit Henricus Cliffordus, secundus huius cognominis Cumberlandiæ Comes, filius Henrici, quem Henricus vii. ad Comitis honorem Anno MDXXV. evexerat; Sed ex perantiqua & nobili familia, cui plurimum honoris accessit è coniugijs cum hæredibus tum *Vesciorum*, tum *Vipontiorum*, siue de *Veteri ponte* qui olim hæreditarij Westmorlandiæ Vicecomites. Genuit ille è priore vxore Eleonora filia altera Caroli Brandoni Ducis Suffolciæ è Maria Henrici octavi sorore Margaretam magna spe, & pompa enuptam Henrico filio Comitis Derbiæ vt vnicam familiæ hæredem. Sed hæc spes evanuit, cum ille è secunda vxore Anna Dacrea duos procreasset filios, qui in paterno honore invicem successerunt.

Debitum etiam naturæ persolvit Nicholaus Throcmortonus iam sæpius dictus, filius quartus Georgij Throcmortoni Equitis Aurati ex Catharina Nicholai Baronis Vaulxij filia. Vir magna rerum usu, iudicio acerrimo solertiaque singulari; qui multa movendo ægrè sub Maria, prudentia diserta vitæ consuluit, & sub Elizabetha indefessa opera, multis legationibus magna cum laude defunctus, nisi ad exiguas opes, & tenues illas dignitates, licèt nomine speciosas, Primarij *Pincernæ Angliæ*, & *Camerarij Fisci Regij*, emergere non poterat, dum Cecilio æmulatorem in Leicestrij gratiam se obiiceret. In cuius ædibus inter coenandum dum acetarijs affatim vesceretur, vt alij perhibent Peripneumonia, vt alij vehementi Catarrho oppressus, non sine suspitione veneni, mortem tempestivè sibi & suis oppetiit, in magno vitæ & fortunarum discrimine ex irrequieto ingenio positus.

M.D.LXX.

Comitis
Cumberlandiæ mors.N. Throcmortoni
mors.

M.D.LXX.
Hibernica.

*Rebellio cri-
tura occidit.*

Stucleius ex
Hibernia
fugit.

In Hibernia, Connogherus *O-Brien*, Twomundiae Comes, cum Edwardum Fittonum Connachtiae Praefectum ferre non posset, qui paulò seuerius Provinciam administrare, & spem expilandi subditos Hiberniae Dynastis praecidere coeperat, clandestina rebellionis consilia cum nonnullis inierat; cumq; iam iam eruptura, forte fortuna difflata fuit. Pridie enim quam arma essent sumpturi, Fittonus totius rei omninò ignarus, Twomundio comiter significavit se die crastino apud eum ut hospitem cum aliquot amicis diversurum. Ille conscientia convictus, metuque pessimo in dubijs augure correptus, consilia patere ratus, & Praefectum ut hostem, non ut hospitem adventurum, illicò in Galliam soluit, quid de illo factum omnibus demirantibus. Coniurati in Angliam ad rem aperiendam profectum subveriti, in obsequio permanserunt. Quod cum ille certò comperisset, seriò resipuit, & rem totam Norrisio in Gallia Legato ingenuè confessus, eoq; deprecatore usus, eam apud Elizabetham gratiam invenit ut ad sua restitueretur.

Thomas verò Stucleius Anglicus, ganeo, profligator, & ostentator insignis, qui rebus accisis in Hiberniam profugerat, spe Seneschalciae Wexfordiae excussus, cum indignissimas contumelias in Principem benè meritam euomisset, & homo contemptus res mouere non potuisset, ex Hibernia in Italiam ad Pium v. Pontificem Rom. elapsus, incredibile est, in quantam gratiam assentatiunculis apud senem perniciem Elizabethae anhelantem influxerit, magnifice ostentando, & pollicitando se cum tribus Italarum millibus Anglos ex Hibernia deturbaturum, & classem Anglicam incensurum. Quae, postea sceleratè suscepit, sed suo exitio, ut dicemus.

M. D.

M. D. LXXI.

M.D.LXXI

Rimo anni mense Elizabetha Regia pompa Londinum ingressa, Peristyllium pulcherri-
mum (*Bursam* vocant) quod Thomas Greshamus Eques auratus civis Londinensis, regiusq; mercator in mercatorum vsum extruxerat, inuisit, & *Excambium Regium*, voce præconis tubis clangentibus quasi dedicando nominavit.

Roiall Exchange.

Post aliquot etiam dies, illa quæ in honoribus dispensandis admodum parca (totis enim duodecim annis non plures quàm quatuor ad Baronis honorem extulerat) Guil. Cecilium à Secretis trabea Baronica investitum, huiusmodi formalibus verbis literis honorarijs Baronis Burghlæi titulo ritè exornavit. *Tam ob diutina seruitia tempore Progenitorum nostrorum Regum Angliæ, quàm etiam fidele & gratissimum obsequium semper ab ipsis regni nostri primis auspicijs non solum eximijs & grauib; consilij negotijs: sed præterea omnibus etiam alijs generaliter pro regno expeditionibus multipliciter impendit, indiesq; impendere non desistit: Nec non ob circumspèctionem, strenuitatem, prudentiam, dexteritatem, vitæ integritatem, prouidentiam, curam, & fidelitatem de gratia speciali, ac ex certa scientia & mero motu ad statum, gradum, dignitatem, & honorem Baronis de Burghley ereximus, præfecimus, & creauimus, eidemq; nomen, stilum & titulum Baronis de Burghley imposuimus, & dedimus, & præbui-
mus, &c. Habendum & tenendum sibi, & hæredibus suis masculis de corpore suo exeuntibus in perpetuum, &c.* Huius & aliorum quos ad Baronum statum prouexit libentiùs memini & meminero, quòd sit inter amplissimos honoris gradus. Parlamentarij enim Angliæ Barones sunt Regni Proceres, Magnates, & Consiliarij nati, plurimisq; gaudent immunitatibus, & privilegijs, quæ non est huius loci commemorare, & alibi nonnulla notavi.

Baro Burghleyus creatur

Barones creandi forma.

Eorum dignitas.

Paulò antè Florentinus ille Ridolfus iam dictus, qui mercaturam quindecim annos Londini exercuerat, occultè

M.D.LXXI
Pij v. ad
Scotam lite-
ra.

*Scotorum
contra Regi-
am potesta-
tem scriptum*

*Ab Angla
damnatum.*

cultè literas Pontificis Rom. ad Reginam Scotorum sub-
misit, in quibus omnia summa studia, opem, operamq;
ad religionem Catholicam, & ipsam promovendam
pollicetur, petitq; vt fauor & fides Ridolfo adhibeatur
in omnibus, necnon vt per illum intelligat, qui iam Ita-
liam cogitat, qua ratione Catholicæ religioni, & cõmu-
nibus malis in Britannia mederi possit. Ridolfus etiam
suis seorsim literis Reginam rogat, vt illa Ducem Nor-
folciæ, & amicos hæc edoceret; & iisdem ipsum com-
mendaret. Illa autem responsum distulit (licet Gallus,
Hispanus, & Albanus in eandem sententiam scripsissent)
donec videret, quò tractatus iam inceptus euaderet.

Venerant enim de rebus Scoticis nomine Regis Sco-
torum Comes Mortonius, Petcarnius Abbas Dunfermi-
lini, & Iacobus Mac-Gillius, qui Elizabethæ iubenti vt
causas Reginam abdicandi clariùs explicarent, & iustas
esse probarent, Commentarium prolixum exhibuerunt.
Quo insolenti quadam libertate, & verborum asperitate
populum Scoticum Regibus esse superiorem ex veteri
regni Scotici iure, exemplis obsoletis & nouis vndiquaq;
conquisitis, imo & ex Caluini autoritate, populares vbi-
que Magistratus ad libidinem regum moderandam con-
stitutos esse, ijsq; licere malos Reges carceribus coerce-
re, & regno exuere probare conati. De sua autem erga
Reginam abdicatam lenitate gloriosè prædicabant, quod
filium in suum locum subrogare, tutoresq; dare permise-
rint. Ex populi misericordia, non ex ipsius innocentia
fuisse, quòd supersit, & alia multa quæ tumultuantia in-
genia contra Regiam Maiestatem petulanter comminif-
cuntur. Hunc non sine indignatione legit Elizabetha,
atque vt in Regum iniuriam scriptum, tacitè damnauit.
Delegatis verò respondit: Se nondum videre iustam
causam ita exagitandi Reginam, velle itaque vt ad dis-
cordiam in Scotia extinguendam rationes quamprimum
inirent.

Hinc apud ædes Baconi Magni Sigilli Custodis, Epi-
scopo Rossensi, Episcopo Gallovidiensi, & Baroni Le-
uing-

uingstonio Delegatis Regina Scotorum proponitur ad securitatem Regno, Reginaq; Angliæ, & nobilibus Scotia à Regis partibus præstandam, vt priusquam Regina Scotorum liberaretur, Dux Castri-Heraldi, Huntleia, & Argathelia Comites, Humius, Herisius, & alter è Baronibus obsides darentur, & Castra Dunbritonium, & Humium in Anglorum manus ad triennium traderentur. Illi responderunt: *Non dubitandum quin Regina Scotorum, quæ se Regina Anglorum patrocinio sponte commiserat, etiam in omnibus quæ commodè fieri possent, lubentissimè satisfaceret. Tantos verò viros & munimenta tradere nihil aliud esse, quàm miseram Reginam omnium fidelissimorum amicorum, & tutissimorum locorum præsidio orbare, & aduersarijs in prædam exponere.* Obtulerunt autem duos Comites, quorum alter esset è tribus iam dictis, & duos Barones in obsides ad biennium. Munimenta autem ex fœdere Anglis non posse tradi, nisi alia Gallis itidem tradantur. *Atqui, inquit Baconus, vniuersum Scotiæ Regnum, Princeps, Proceres, & munimenta ad securitatem Regine, florentissimoq; Angliæ regno præstandam minimè sufficiunt; & ideò Reginam Scotorum non dimittendam ob quamcunq; securitatem à Scotis proponendam.*

Hinc illi statim collegerunt, palamq; dixerunt se planè iam tandem intelligere certum deliberatumq; esse Anglis Reginam in Anglia perpetuè detinere, & simul tractatum interrompere, cum eiusmodi securitatem, quam Scotia præstare nullo modo posset, tam rigidè exigerent. Cæteri tamen Angliæ Consiliarij protestati sunt, se Scotorum Reginam liberari percupere, modò sufficiens præstetur securitas. Et hoc quidem nomine postea egerunt cum Mortonio & collegis de his rebus, & rege in Angliam tradendo, qui planè responderunt, se nullam habere consultandi auctoritatem, vel de Regina in Scotiam recipienda, vel rege tradendo. Regina verò Scotorum delegati hanc vt friuolam tergiversationem reiecerunt, vtique illis satis auctoritatis esse consultandi de Regina liberanda, qui authores fuerunt Reginam abdicandi. Nec esse cur à cæteris

M.D.LXXI

*Postulata
Anglorum
de Scota li-
beranda.*

*Qui Scoto-
rum oblata
reijciunt.*

*Altercatio
inter Scotos.*

M.D.LXXI

*Querela in
Anglia consi-
liarios.*

*Scotæ partia-
rij oppressi.*

* Dunbrit-
ton Frith.

*Archiepisco-
pus suspensus*

*Scotæ ad
Norfolc. cum
cōmentariis.*

teris coniuratis auctoritatem requirerent, quandoquidem Facinus quos inquinat, æquat. Quod ad Principem, cum iam vix sit quinquennis, illum auctoritatem deferre non posse, quod ad Proregem, illum rem omnem Elizabethæ arbitrio permisisse. Obsecrarunt igitur ut isti ad consultandum adigerentur vel sine istis, res æquis conditionibus transigeretur. Verum Elizabetha cum perspiceret nihil posse confici in suam, Regis, Reginaeque securitatem, nisi vtraque factio consentiret, æquum putavit ut Ordines Scotiae iam conventuri certos homines seligerent qui paci componendæ operam darent. Hinc Rossensis & Collegæ palam quiritabantur, nonnullos Angliæ Consiliarios abufos esse Reginae Angliæ prudentia, & Reginae Scotorum patientia; Principes externos dolis delusisse, Scotosque spe damnosa lactasse. Et ipsa sanè Scotorum Regina stomachi & querelarum plena, eiusmodi moras pertæsa Gallovidiæ Episcopum, & Levingstonium reuocat. Rossensem, quem Regina Angliæ Londino abire iusserat, manere Londini ex Legati iure iubet, quod suspitione non caruit. Suis in Scotia præscribit ut arma capefferent, nec ulterius damnoſis inducijs aut colloquijs confiderent.

Dum enim hæc in Anglia agerentur, illi grauibus damnis fuere affecti, multi supplicio sublati, plures cæsi, Dunbritonium ad * Glottæ siue Cluidæ æstuarium, munitissimum Scotiae propugnaculum captum, & I. Hamiltonius Archiepiscopus S. Andreae, Ducis Castri-Heraldi frater, ut regicidij conscius, ne in iudicium quidem more patrio vocatus, ad patibulum suspensus, ex indicio sacrifici qui hoc quondam ex regicidis inter confitendum se audiuisse affirmarat.

Cum iam captivæ Reginae spes esset nulla, sed dolor longè maximus, famuliq; omnes præter decem, & Sacerdotem, qui sacra faceret, essent amoti, omnisque ratio expediendæ salutis & libertatis, quæ ducenatura, honestissima, præclusa videretur, non poterat non recludere, quod diu animo presserat. Commentarium igitur prolixum de consilijs suis, quem iam antè scripserat, & quasdam

M.D.LXXI

Ridolfi dis-
sertatio.

dam amatorias literas ad Ducem Norfolciæ, priuato inter ipsos caractere, latenter mittit, aliasq; literas ad Pontificem & Hispanum deferendas per Ridolfum, quem vt sui studiosissimum, maximeque necessarium commendat. Higfordius Duci amanuensis, qui hunc Commentarium & literas vsitato caractere descripsit, iussus igni tradere, sub storea in Ducis cubiculo occultauit, & compositò, vt videtur. Ridolfus ille semel cum Duce præsens, sæpius per Barkerum hæc disseruit. *Se obseruasse plures esse tam nobiles quàm plebeios in Anglia qui rebus nouandis student, & hos triplici esse genere, alios qui regnante Maria authoritate & gratia floruerunt, & nunc nullo sunt numero, alios qui Pontificiæ religioni addicti, eandem pro arbitrio colere non posse indignantur, alios qui in spem nouam proni sortem suam permolestè ferunt. His ad quoduis audendum nil deesse præter ductorem ex genere illustri, pecuniam, & externum auxilium. Ductorem verò genere illustriorem & magis idoneum quàm Ducem apud omnes hominum ordines gratiosissimum, reperiri posse neminem. Par etiam esse vt ille iniurias acceptas vlsceretur, qui tam diu in carcere contra ius patrium fuisset detentus, & nunc in contumeliam ad Comitiam Parlamentaria non vocatus, in quibus habet locum & suffragium, vt Princeps inter Proceres, & Comes Marescallus Regni Angliæ. Vt hæc efficacius persuaderet, exhibuit catalogum nobilium qui se & fortunas Duci deuouerant, si hoc susciperet. Quod ad externum auxilium, asseuerauit Pontificem velle (modò Catholica religio promoueretur) totius belli expensas facere, qui deposuerat centum millia aureorum superiori anno cùm Bulla publicaretur, quorum duodecim millia ipse Ridolfus inter Anglos profugos distribuerat. Promisit Hispanum Anglorum iniurijs irritatum auxiliares copias submissurum, Equitum scilicet quatuor millia, Peditum sex millia, qui transmitti possent ad Harwicum Essexiæ portum (in cuius vicinia Dux habet magnas & multas clientelas) commodissimè, & sine suspitione incunte æstate, cùm Dux Medinæ Celi iusta cum classe in Belgium sit aduenturus. Denique conclusit eiusmodi temperamentum posse adhiberi, vt omnis suspicio regni affectati à Duce amoneatur, & Regiæ Angliæ saluti consulatur,*

Promissa.

M.D.LXXI

Rossensis
consilium.

tur, si modò illa religionem Romanam amplecteretur, aut toleraret, & nuptijs Reginae Scotorum cum Duce assensum præberet.

Hæc Dux vt verisimilia audivit, literis tamen fidei, vt vocant, quas Ridolfus discessurus exhibuit, subscribere recusavit. Nec audire voluit consilium quod multis cogitationibus Rossensis evigilauerat, & per Barkerum suggestit. Ut Dux cum selecto nobilium numero Reginam ex improviso interciperet, & Parlamentaria Comitia interturbaret. Quod facile fieri posse monuit ex temporis opportunitate, cum tot nobiles Duci deuoti hæc alacri animo iam aggressuri essent, quot aliàs vno in loco sine suspitione non iterum conuenirent. Causas verò iustas subesse, quòd Dux diu contra patrias leges in carcere fuisset detentus, nec ad Parlamentum admissus, quòdque asperiores leges contra Pontificios fuerint excogitatae. Nec exempla deesse, Castrutium enim in Italia, aliosque passim magna ex inopinato aggressu fœliciter effecisse, quinque Nobiles in Scotia nuperrimè Parlamentum quo Moranius proscribendus erat, disturbasse, & Reginam in ipsorum potestatem redegissee, eademque ratione & facilitate (si oblata occasio arripiatur) Elizabetham posse intercipi, nuptias cum Regina Scotorum confici, & Pontificiæ religioni in Anglia cauere sine magno strepitu, sine externis auxilijs.

Aliorum in-
cepta.

Hoc consilium Dux (qui pro innata bonitate longè à scelere abfuit) vt perniciosum & periculosum ex animo averfabatur. At ijsdem diebus Henricus Percius operam suam Rossensi detulit ad Reginam Scotorum è carcere liberandam, modò Grangius, & Carrus Fernihurstius eam ad Scotiæ limites exciperent, & frater eius Northumbriæ Comes è Scotia liberaretur. Sed cum ille suspectior esset ob intimam cum Burghleio familiaritatem, & rem longiùs differret, hoc consilium labavit; vt etiam Powelli Sandfordiani è Nobilium stipatorum cohorte, & Oweni è clientela Arundellij qui hoc idem suscepturi erant, nisi Rossensis, vt tãto negotio impares, cum minoris essent notæ, inhibuisset. Cætera quæ occultissimè in hoc negotio acta, paulisper omittamus donec dies detexerit.

Dum

Dum hæc Londini occultè agitantur, prodigiosus terræmotus in Orientali Comitatus Herefordensis parte ad *Kiunnaston* viculum factus est. Duodecimo enim Cal. Martij vesperi, hora sexta, terra decessit, monsque cum subiecta caute (ingenti mugitu primùm & stridore vt à vicinis longè exaudiretur) tanquam si ex diuturno somno consurrexisset, se extulit, & in superiorem locum, relicto cubili profundo ascendit, secum vna deferens arbores infixas, caulas, & ouium greges. Arborum quædam terra obrutæ iacuerunt, aliæ monti accedendo adiunctæ ita coaluerunt, ac si eo loco primùm radices egissent. Quo loco discesserat, hiatum quadraginta pedes latum, longum octoginta vlnas reliquit. Ager omnis, viginti iugerum plus minus erat, inter eundem Sacellum obvium evertit. Taxum in cœmeterio sitam ab Occidente in Orientem transtulit. Eadem vi publicas vias cum caulibus, sepibus & arboribus insitis protrusit. Ex culta pascuam, ex pascua rursus cultam effecit. Terram eminentiorem, cui obviàm occurrit, provolutam, & vi maiori actam, in montem celsiorem tanquam aggere facto, redegit. Ita cum à Vespere die Saturni vsque ad meridiem die Lunæ obambulasset, tanquam ex itinere fessus, & mole sua laborans, substitit.

In Gallia paulò antè magna & regia pompa nuptiæ celebratæ fuere, Maseriæ ad Mosam fl. inter Carolum I. x. Regem Galliarum, & Elizabetham Austriacam Maximiliani Imperatoris filiam, quas vt honorifica gratulatione Elizabetha prosequeretur, ex interno animi affectu erga Imperatorem, quem parentis instar observavit, amore erga Gallum vicinum & fœderatum, atque sui honoris ergo, Thomam Sackvillum Baronem Buckhurstium in Galliam misit, qui pro principis & sua dignitate magnificè fuit exceptus. In eius comitatu erat Guido Caulcantius Patricius Florentinus, vir plurimo rerum usu, quicum Regina mater Regis Galliæ, quæ & ipsa Florentina, in rem suam & filiorum provida de nuptiis inter Elizabetham filiumque Henricum Ducem Andium a-

M. D. LXXI
Terræmotus.

*Buckhursti
Legatio.*

M.D.LXXI
Nuptiæ inter
Elizabetham
& Andium
propositæ.

Spes ex his
concepta.

Articuli.

Responsum.

pertè egit, articulos aliquot per eum ad Elizabetham de iisdem protinus misit; & postea Rex Galliarum pro fratre sedulo prosequutus est per Mauesseurum assiduum eius Oratorem, La-Motham-Fenellonum, Archantum, & Foixium qui seorsim & iunctim toto ferè anno Elizabetham sollicitarunt.

Has nuptias non nihil promovit spes concepta religionem Romanam non tam altas radices in Ducis mente egisse, tum quia adhuc iuuenis, tum quia sub Carvaletto à Protestantium religione non alieno fuerit educatus; eumque ad Protestantium professionem paulatim allectari posse. Quod si fieret, utilitates magnas, & multas ex his nuptiis, bono reformatæ religionis, consecuturas augurabantur; iuvenem utique militari ingenio, coniunctis Germanorum & Anglorum viribus, Pontificiorum debellatorem futurum, pacem æternam inter Angliam & Galliam fundaturum, Scotæ, Hispani, Pontificis, & rebellium Hibernicorum conatus infracturum: præterea Coronæ Angliæ opimos Andium, Borboniæ, & Averniæ Ducatus, & probabiliter maiora adiuncturum. Denique nunquam honorificentius connubium, si hoc negligatur, oblatum iri.

Post varias dissertationes Galli tres articulos proposuerunt, de Ducis Coronatione, de coniuncta regni administratione, & de toleranda eius religione. Responsum his tandem, *Reginam sine assensu Ordinum regni non posse concedere, ut post nuptias coronaretur, verum ratione matrimonij, ut matrimoniali (quam vocavit) Corona ornaretur sine præiudicio suæ Maiestatis, aut hæredis, aut successoris, si regni Ordinibus ita videretur, se lubentissimè assensuram; & nullo modo defuturam, ut marito honor decernatur quàm amplissimus. De coniuncta administratione, non iniquum censet ut quem Regis & mariti titulo dignata fuerit, eundem in regnis administrandis in consortem & adiutorem etiam assumeret. De religione autem toleranda, ob graves quasdam causas nondum posse assensum adhibere. Causæ illæ, ut ex Elizabethæ literis observavi, huiusmodi fuere. Quamvis externus religionis Christianæ*

na cultus diuersis ritibus inter eiusdem regni subditos tolerari posset, tamen diuersus, imo planè contrarius inter Reginam populi sui caput, & maritum, non solum periculosus, sed etiam omninò absomus videatur. Regem Galliarum & Reginam matrem rogat vt æqua lance perpenderent, hinc sui ipsius discrimen, inde Andini honorem. Eius religionem tolerando, leges sancitas violaret, optimis ciuibus offensam crearet, pessimis animum adderet; quæ sanè Andini honori præponderarent, Galli autem retulerunt minimè consentaneum esse, vt ille sine religionis cultu viveret, hoc enim irreligiosum plane videretur: nec Elizabetham pro honore velle vt Athei nota Duci inuretur. Elizabetha contrà, Si Dux insita religionis purioris semina plenius rigaret, & plura inseri pateretur, propediem videret sibi honori futurum longè maximo. Eò tandem deuentum, si modò Dux sacrorum celebrationi cum Regina adesse vellet, neque recusaret religionis Protestantium institutiones audire & ediscere, ipsa assentiret quòd neq; Dux neque domestici cogerentur vti ritibus Ecclesiæ Anglicanæ, nec molestarentur propter vsurpationem aliorum diuinorum rituum Verbo Dei non apertè repugnantium; modò certo loco & privato fieret, & nulla occasio Anglis ad leges constitutas violandas præberetur. Foenix ad illud, Verbo Dei, hæsit, cui vt Elizabetha satisfaceret, iussit pro Verbo Dei reponi Ecclesiæ Dei. Quod cum illi minùs placeret, & substitui voluit Ecclesiæ Catholicæ. Elizabetha prorsus noluit, & hinc res paulatim deferbuit

Crediderunt nonnulli hoc non seriò à Gallo & eius matre inceptum, verùm eo consilio vt mentio matrimonij cum Principe Protestante, sincerae suæ erga Protestantes voluntatis pignus esset, & occultum quem suspicabantur, tractatum matrimonij impediret inter Elizabetham & Regem Nauarræ, quem Gallus sorori suæ maritum expetebat. Nec in Anglia creditum erat, seriò ab Elizabetha susceptum; verùm vt Protestantes Galliæ haberent Regem, eiusque matrem & fratres æquiores, Scottorum Reginae spes infringeretur, Hispani & Hibernicorum per Cardinalem Lotharingum in Angliam machinationes

Quo consilio hæ nuptiæ propositæ.

M.D.LXXI

nationes contunderentur, & fulmina Pontificis, Gallo curante, diffarentur. Scripsit enim eo tempore, ad Walsinghamum in Gallia Legatum Leicestrius (quo non alius in intimos Elizabethæ sensus erat perspicacior) *studium nubendi Reginae inesse, sed illud quidem satis remissum; illamq; animum ita induxisse, magis in usum esse ut nuberet, quam quòd velit ultro nubere. Præterea si illud de toleranda religione Andinus in tractatu omitteret, Elizabetham tamen eiusmodi cautione eum astricturam, ut nec deinceps postularet.*

Nuptia Scotorum accelerantur.

Non maiorem curam & operam ad has nuptias faciendas adhibuerunt Galli, quàm Angli nonnulli ad alias accelerandas inter Scotorum Reginam & Norfolcium, quem pravis consilijs eò retraxerant, ut contra quàm promiserat, de nuptijs cum illa denuò cogitare cœperit, quod primum his initijs deprehensum est.

Quo casu hoc deprehensum.

Ridolfus Florentinus, quem in exterarum regiones ad Reginae Scotorum negotia obeunda missum diximus, impertierat Carolo Bailifo Belgæ, famulo Reginae Scotorum, quæcunq; cum Duce Albano egerat; eidemque literas furtivis notis ad eam, Legatum Hispanicum, Norfolcium, Rossensem, & Baronem Lumleium vno fasciculo compactas tradiderat; quas Bailifus, etsi Rossensis iusserat ut apud Caleti Præfectum transmittendas relinqueret, ipse secum attulit. Verum simul ac in portu Dubri siue *Douera* appulerit, apprehensus, & incarceratus erat; literarum verò fasciculus ad Baronem Cobhamum v. portuum Præfectum missus. Quod primus omnium Rossensis rescivit, adeoque accuratè & callidè cum Cobhamo, à Ducis consilio non alieno egit, ut fasciculus ille ipsi traderetur, & alter cum alijs obsoletis literis complicatus, regni Consiliarijs; & hoc etiam Bailifo significaretur. Ille tamen eculeo admotus, quædam confessus est, & inter alia fasciculum literarum ad Rossensis manus pervenisse. Nec hoc Rossensem latuit, qui mox cautè Cuthbertum amanuensè amandavit, furtivas notas; & quæcunq; officere possent, apud amicos seposuit; adeo ut cum Suffexius, Burghleius, Mildmaius, & Sadleirus ædes

ædes diligentissimè rimarentur, nihil invenerint, nihil interrogationibus ab ipso exprimere potuerint, qui pertinaciter contendebat, rationes à Legato non alteri quam suo Principi reddendas esse. Perendie tamen Rossensis Episcopo Eliensi in custodiam traditur, & aliquantò post in insulam Eliam traductus. Thomas etiam Stanleius, Thomas Gerardus viri Ordinis Equestris, & Rolstonus (de quibus dixi) in arcem Londinensem coniecti. Et Henricus Howardus qui ad Eboracensem Archiepiscopatum aspirauerat, ex suspicione, Archiepiscopo Cantuariensi in custodiam datus.

Miserat ijsdem diebus Regina Scotorum certam pecuniæ summam ad legatum Gallicum transmittendam ad suos in Scotia, ille Barkero & Higfordo tradidit, qui re Duci communicata, tradiderunt Brownò cui Salopiensi è Ducis clientela, perferendam per Banisterum & Lowderum in Scotiam ad Baronem Herisium. Brownus, homo suspicax, cum ex pondere deprehendisset nummos aureos pro argenteis sibi traditos, eam Consiliarijs cum literis in manus dedit. In hoc, prudentiores observarunt Ducem primùm in Maiestatem peccasse, quòd Herisio & Scotis denuntiatis hostibus, qui Angliæ limites depopulati erant, opem tulerit. Hinc in carcerem ducitur Higfordus, qui statim rem omnem de pecunia vltro confessus est, simulq; indicavit quibus in locis literas, & occultos characteres, necnon Commentarium, quem dixi, Reginae Scotorum sub storea & regulis absconderat. Illa in isto Commentario hæc fusè disseruit. Gallos colloquium cum Scotis institutum approbare, nuptias autem Andini cum Elizabetha non alio consilio proponere, quàm vt auxilia ad ipsam restituendam promissa speciosius negarent. Eosdem nuptijs cum Ioanne Austriaco tacite aduersari, illis cum Norfolcio impensius favere, in Hispanorum odium. Albanum ita damnare cōsiliū remittendi Reginam Scotorum in Scotiam, vt coniunctum existimet cum ipsius Reginae, & Catholice religionis in Britannia exitio. Eò quòd Reginae in Scotiam reuerse aut obsidionis periculum, aut Martis alea necessario cum rebellibus

M.D.LXXI

Rossensis in
custodiam
datus.
Et alij.

Col. Gerard.

Pecunia in
Scotiā missa.

*x Banist
x Brown*

*Commentarij
Scotæ breui-
arium.*

M.D.LXXI

bellibus sit subeunda, qui eam in suam potestatem Anglorum auxilijs facile redigant, priusquam externa copiae aduenerint. Cum itaq; in Scotia tuta esse non possit, & nihil spei è Gallia intestinis bellis implicata affulgeat; consultissimum videri, ut ipsa ad Hispani opem confugeret, qui nuptias cum Ioanne Austriaco obtulerat, quas recusatura tamen erat, fide data, quod per Norfolcium Pontificia religio in Britannia restitueretur. Nec non ut filius quamprimum è Scotia subduceretur, & in Hispaniam mitteretur. Ita enim ille incolumis conseruaretur, in religione Romana à teneris imbueretur, & simul Scotis, qui eius nomen rebellionis prætendunt, omnis prætexus adimeretur. Ad hæc obeunda, & auxilia externa procuranda Ridolfum protinus amandandum; qui submonendus erat, ut ante omnia, Gallos hæc celaret.

Norfolcius
in carcerem
reducitur.

Et alij.

Cum Consiliarij hunc Commentarium, literas quas dixi, & alias à Pontifice Romano missas accepissent, & Barkerus interceptus hæc singula confessus esset, Radolphus Sadleirus iussus est ad Ducis ædes Londini (quæ olim Carthusianorum fuere) armata manu excubare. Perendie Dux ipse examinatus (ignarus quid sui confessi erant, & ratus Commentarium illum cum literis conflasse) omnia inficiando reiecit, quæ illi confessi erant. Hinc vno & altero die interiecto, ad Arcem Londinensem (vnde ante annum liberatus erat) à Radulpho Sadleiro, Thoma Smitho, Henrico Neuillo, & D. Wilsono VII die Septembris magno cum populi mœrore reducit. Banisterus deinde quo iurisperito Dux usus erat: Comites etiam Arundeliæ, & Southamptoniæ, Baro Lumleius, Baro Cobhamus, & Thomas frater eius, Henricus Percius, Lowderus, Powellus, Godierus, & alij in custodiam traduntur, qui singuli spe veniæ indicarunt quæcunque norunt.

Vbi primum Consiliarij horum confessiones, Reginae Scotorum, & Rossensis literas cum Commentario coram Duce in medium protulerunt; ille vehementer quidem erat percussus, sed Commentarium & literas intuens, quas malè credulus flammis absumptas credidit, obstupuit,

puit, & in hæc verba prorupit. *A meis proditus & perditus sum, dum nescirem diffidere, quod nervus est sapientiæ.* Consiliarios autem submisit rogavit, ut deprecatores apud Reginam intercederent, pollicitus se nihil celaturum quod norit, & sanctè protestatus, se nihil approbasse, quod Reginæ esset fraudi aut regni detrimento, imo consilia intercipiendi Reginam, occupandi arcem Londinensem & liberandi Reginam Scotorum è custodia ex animo damnassee: nec cogitasse quidem de externis copiis in Britanniam accersendis, nisi ad cohibendos Scotos in Reginam rebellantes. Eodem die, de quinquaginta plus minus articulis examinatus, nihil dissimulavit. Series deinde totius rei in *Camera Stellata* frequenti nobilium conventu, Prætoribus & Senatoribus urbis Londini præsentibus enarratur, & postea universis civibus in Prætorio Londinensi, à Guilielmo Fleetwoodo qui urbi à memoria.

Cum autem omnibus omnium confessionibus, & ipsius etiam Ducis, Episcopus Rossensis tanquam rei machinator argueretur, quid de illo ageretur, qui legatus erat, seriò deliberatur. Ille enim dum (quod id genus hominum assolet) sibi licere res Principis sui quovis modo promoveri, & ex sacro & inviolabili Legatorum iure se alieno foro non subiiciendum existimaret, multa iam pridem turbulentè fecerat rebellionem accendendo, & cum Comite Southamptonio aliisque nocturna consilia agitando; & nunc demum cum profugis Anglis in Belgio, Duce Albano, Hispano, & Pontifice Romano de Anglia invadenda: Proponitur itaque Daudi Lewiso, Valentino Dalo, Guil. Drurio, Guil. Aubreio, & Henrico Iones Iuris Cæsarei consultissimis; Primum, *An Legatus qui rebellionem contra Principem ad quem legatus, concitat, Legati privilegijs gaudeat, & non ut hostis pœnæ subiaceat?* Responderunt, Eiusmodi Legatum iure gentium, & civili Romanorum, omnibus Legati privilegijs excidisse, & pœnæ subiiciendum. Secundò, *An Minister, aut Procurator Principis, qui publica authoritate abdicatus, & in cuius lo-*

D d

cum

M.D.LXXI

*Ille rem agnoscit.**De Legato
consultatio,**Dalo.**De Legato
questiones &
responsa.*

M.D.LXXI

cum alter est inauguratus, Legati priuilegijs gaudeat? Responderunt, Si eiusmodi Princeps legitime fuerit abdicatus, eius Procuratorem Legati priuilegia non posse vindicare, quandoquidem nulli, nisi absoluti Principes & qui Maiestatis iura habent, Legatos constituent. Tertio, An Princeps qui in alterius regnum venerit, & sub custodia habeatur, suum Procuratorem habeat, & an ille Legatus habeatur? Responderunt, Si eiusmodi Princeps Principatu non exciderit, Procuratorem habeat: Verum an Procurator ille Legatus reputetur, hoc ex autoritate Delegationis dependere. Quarto, An si Princeps eiusmodi Procuratori, & Principi sub custodia denuntiet, Procuratorem istum non amplius iam inde pro Legato habendum fore, an Procurator iste Legati priuilegia ex iure vindicet. Responderunt, Principem posse prohibere Legatum ne Regnum intret, & iubere ut regno exeat, si intra terminos Legato praescriptos se non contineat; interim tamen ille Legati priuilegijs pro autoritate delegata fruatur.

Legati responsum.

Ex his Iuris prudentum responsis, Rossensi ex Eliensi insula revocato, & acriter reprehenso, denuntiatur à Consiliarijs illum non amplius pro Legato agnoscendum, sed ut perniciosè meritum male mulctandum. Ille respondit, *Se Legatum esse Reginae absolutae, & iniuste abdicatae, Principis suae libertati, & vtriusque regni saluti studiosè pro officij ratione inuigilasse, in Angliam ex fide publica (quam exhibuerat) cum amplissima Legati autoritate aduenisse, & sacra Legatorum iura nullo modo esse violanda.* Burghleius grauissimè docet, nec iura Legationis, nec literas fidei publicae posse patrocinari Legatis, qui in publicam peccant Maiestatem, sed eos poenalibus actionibus teneri, aliter scelestis Legatis liceret in Principum vitam impunè grassari. Ille contra pertinax contendit iura Legatorum nunquam *Via iuris, sed Via facti* (ut eius verbis utar) violata fuisse, & falsè monet ut non asperius secum agatur quàm vel cum Legatis Anglicis, Throcmortono in Gallia, Randolpho & Tamwortho in Scotia, qui rebelliones excitant, & aperte fouerant; nec aliud grauius perpeffi erāt, quàm iussi

iussi vt intra statos dies discederent. Cùm testimonijs Anglorum eum vrgere cœpissent, ne facerent, blandè rogavit, quandoquidem consuetudine receptissima quæ in Legem invaluit, vt ille dixit, *testimonium Angli in Scotum, aut Scoti in Anglum non admittendum*. Post aliquot altercationes, an hoc locum habeat, nisi inter vtriusque Regni limitaneos, idque in causis limitaneis, & an Legati Anglici rebelliones excitaverint; Rossensis in arcem Londinensem deducitur, vbi arctissimè custoditus, breui ad omnia interrogata respondit, ea cautione, vt responsa nemini essent præiudicio. Excusauit Reginam Scotorum quòd illa captiua, & ætate optima, non poterat non omnes se expediendi rationes quærere, cùm Elizabetha omni aditu excluderet, omnem libertatis spem præcluderet, & apertè aduersarios sublevaret, Ducem excusavit, quòd nihil egisset de nuptijs cum Regina Scotorum, nisi cum consensu plurium è regio consilio, nec potuisse eam derelinquere, quamvis chirographo hoc promiserit, quandoquidem mutua repromissio futurarum nuptiarum prius intercesserit. Deniq; se excusavit, quòd cùm legatus & minister esset, non potuerit sine piaculo ab officio decedere, & Principi suæ in rebus afflictis deesse. Consilium autem intercipiendi Elizabetham proposuisse non alia de causa, quàm tentandi, an Ducis animus ad facinus armatus esset. Cæterorum verò crimina solerter extenuavit, sed nullo modo induci poterat, vt nobilium nomina, qui Duci operam in Regina intercipienda deuouerant, enuntiaret. Confessus autem erat, se Reginae Scotorum iussu consuluisse Ducem, Arundelium, Lumleium, & Throcmortonum per famulos intermedios, & Vicecomitem *Montis-acuti* per Lumleium de Castris in Scotia, obsidibus, & Scotorum Rege in Anglorum manus tradendis, de titulo renuntiando, & rebellibus Anglis reddendis. Hactenus de his rebus hoc anno, & singula ex Ducis confessionibus, & ipsius Rossensis Commentario autographo ad Scotorum Reginam misso.

Matthæus Comes Lenoxiæ Scotiæ Prorex, Regis
D d 2 auus

M.D.LXXI

*Anglorum
testimonia
declinat.*

*Ad articulos
respondet.*

Lenoxius
Prorex occi-
ditur.

M.D.LXXI

*Comes Mar-
ria Scotia
Prorox.*

*Leges in tur-
bulentos.*

auus hac ipsa tempestate Sterlinij Ordinum conventum nomine Regis indixerat, vbi (dum securus agebat) à Proceribus adversæ factionis, qui Reginae nomine Comitia Edenburgi habuerunt, ex improvviso oppressus. Et postquam se Daudi Spenfio Wormestonio dedidisset (qui dum eum sollicitè protegere satagebat) vna cum eo à *Bello & Cauldero* interemptus, cum xiiii. plus minus menses pro Rege nepote regnum laboriosè administrasset: dum hinc Gallus Reginae partes, illinc Elizabetha Regis foveret, non tam ut sui vincerent, quàm ne vincerentur, Elizabetha spe quadam ut Rex tenellus sibi in manus traderetur, Gallus ut Dunbritonium, & Edenburgus ipsi dederentur, qui Mercatores Scotos interdictis in Gallia commercijs graviter afflixit, & plures ut commercijs fruerentur, in Reginae Scotorum partes subinde pertraxit. In Lenoxij locum communibus Regionum suffragijs, Prorex electus erat Ioannes Areskinus Comes Marriae, qui cum non minus turbidis suorum consilijs, quàm adversariorum insultibus conflictaretur, vir animo tranquillissimo & patriæ amantissimus, præ mærore postquam tredecim menses præfuisset, fatis concessit.

Horum temporum iniquitas, & Ordinum Angliæ qui cōvenerant Westmonasterij, erga Principem & Patriam charitas Legem extorsit ad seditiosorum machinationes prævertendas, qua cautum erat ex veterum Legum auctoritate: *Si quis Reginae perniciem aut plagam molietur, bellum moveat, aut alios ad bellum contra illam excitet: si quis affirmet, illam non ex iure regno potiri, sed regnum alteri iustius deberi; aut pronuntiet illam esse hæreticam, schismaticam, aut infidelem, ius regni illa superstite usurpet, aut in alio quopiam, ius ad Coronam inesse asserat; aut leges, & Statuta non posse definire & astringere ius Coronæ, & eiusdem successionem, læsæ Maiestatis reus esto. Si quis superstite Regina, libro scripto vel impresso expressè affirmet quempiam esse, aut esse debere heredem aut successorem Reginae præter naturalem ex ipsius corpore sobolem, aut in eam sententiam libros vel schedulas publicet, aut typis imprimat, aut distrabat: ille eiusq; fautores prima*

vice

Vice annum integrum carcere, & altera bonorum parte luant: si iterum idem peccent, pœna Præmunire, i. omnium bonorum amissione, & perpetuo carcere, plectuntur.

Hoc graue nonnullis visum, qui certò designato hærede censuerunt regni tranquillitatem constabiliendam. Incredibile autem est quos iocos improbi verborum aucupes sibi fecerunt ex clausula illa, *præter naturalem ex ipsius corpore sobolem*, cum Iurisperiti liberos extra nuptias quæsitos, quos sola natura non coniugij honestas genuit, Naturales dicant, legitimos verò ex formula iuris Anglici, vocent *liberos ex corpore legitime procreatos*. Adeò vt tunc iuuenis audiuerim dictitantes verbum illud à Leicestrio in legem ingestam eo consilio, vt aliquem ipsius filium spurium pro Regina sobole naturali Anglis tandem aliquando obtruderet.

Sancitum etiam vt qui per Bullas, aut alia Pontificis Rom. rescripta aliquem Rom. Ecclesiæ reconciliauerint, & qui reconciliati fuerint, læsæ Maiestatis poenam subirent. Qui reconcilians sustentauerint, *Agnos Dei, Grana, Crucifixos*, aut alia à Rom. Pontifice consecrata in Angliam importauerint, poenæ *Præmunire* subiacerent. Qui reconcilians non detexerint, proditiōis celatæ (*Misprision of Treason* vocant) crimine tenerentur. Præterea convictio & proscriptio rebellium in Septentrionali plaga confirmatur, & eorum bona & possessiones intra Episcopatum Dunelmensem, contra Iacobum Pilkintonum Episcopum, qui *iura regalia* intra flumina *Teisam & Tinam* vindicauit, Regina & successoribus adiudicantur, quandoquidem illa, & Episcopum, & Episcopatum magnis impensis à rebellibus liberasset, ita tamen, vt hoc iuri Ecclesiæ Dunelmensis in posterum non sit præiudicio. Contrà eorum etiam insolentiam, qui Pontifici Rom. devoti, spreta legum autoritate, & in Principem obsequio, se in exteras regiones sine Regina venia, ad res novandas magno numero indies subduxerunt, cautum est poena amissionis bonorum, vt intra statum tempus redirent, & se submitterent, fraudulentæq; transcriptiones quas fecerant,

M.D.LXXI

In Pontificios

In Rebelles.

In Fugitivos

M.D.LXXI

*In Ecclesiasticos avaros.**In Puritanos.**In Scotam.**I. Storius damnatus.*

n

n

*Lites inter
Anglos &
Lusitanos
composita.
Guinea.*

fecerant, rescinderentur. Hæc contra Pontificios.

Ex altera parte salutaribus etiam legibus coercetur tùm Ecclesiasticorum quorundam avaritia, qui quasi sibi nati, insigni erga successores malitia Ecclesiæ bona dilapidarunt, & fundos in plurimos annos elocarunt, tùm aliorum petulantia qui Articulis Synodi Londinensis ad schismata tollenda, anno M D L X I I sancitis studio novandi se opposuerunt. Propositum etiam erat, vt, si Scotorum Regina denuò contra leges Angliæ peccaret, in ipsam ageretur ex lege tanquam in vxorem *Paris regni Angliæ*, verùm Regina sua autoritate intercessit, quo minùs hoc sanciretur.

Simul ac Iunio ineunte, regni Ordines dimitterentur, de Ioanne Storio Legum Doctore, Albani exploratore (cuius suprà memini Anno M D L X I X) consultatur. An ille natione Anglus, qui in Brabantia cum Principe extero consilia de invadenda patria contulerat, & rationes invadendi monstraverat, Maiestatis læsæ teneretur. Affirmarunt Iuris-consultissimi: Vnde in iudicium vocatus, Maiestatis postulandus, quòd Prestallum hominem Magicis præstigijs deditissimum in Principis vitam consulisset, in eius, Regisq; Scotorum perniciem coniurasset, eandem diris in gratiarum ad mensam actione quotidie deuouisset, & Albani Secretario rationes Angliam invadendi, Hiberniam in rebellionem concitandi, & Scotos in Angliam simul immittendi monstrasset. Ille iudicio, & Angliæ legibus se submittere recusavit, iudicesq; nullam in se potestatem habere affirmavit, eò quòd non Reginæ Angliæ, sed Regi Hispaniæ fuerit subditus iuratus. Verùm ille damnatus ex formula *Nihil dicit* (quandoquidem nemo patriam in qua natus sit, exuere, nec solum natale, aut Principem pro arbitrio eiurare possit) & proditorum supplicio affectus.

Controversiæ iam aliquot annos inter Lusitanos & Anglos mercatores intercesserant, dum hi lucrosam pro puro auro mercaturam in illa ora Africae quam *Guineam* vocant, cum Nigritis ab anno M D L I I exercerent, & illi

illi qui primi ea littora aperuerant, vi & armis, quantum poterant, prohiberent; adeò vt nonnunquam nauali bello depugnarent, & naves vtrinq; detinerent. Sebastianus autem Rex Lusitaniæ qui iam ex ephebis excesserat, vt paci consuleretur, Franciscum Gerardum in Angliam misit, qui cum Regina foedus in hæc ferè verba iniit. *Vt perfecta esset amicitia & liberum vtrinq; commercium. Neuter quicquam in alterius præiudicium attentaret, nec hostibus, rebellibus, aut proditoribus alterius auxilium præstaret. Merces, pecunie, naues sub arresto detentæ restituerentur. Et ad gratificandum Regi Lusitaniæ, Elizabetha Anglos prohiberet, ne quis navigationem institueret in maria & terras Conquestus Portugalliæ. Quod si aliter fecerint, istorum periculum esto, si bonis aut vita à Lusitanis priuentur. Excipiebantur Regna Portugalliæ & Algarbiæ, item Insulæ Azores, Madera, & littus Barbariæ, in quibus libera permissa negotiatio.*

Supremum vitæ diem hoc anno placidè egit Guilielmus Parrus, Marchio Northamptoniæ, amœnioribus studijs, Muscis, amatorijs & cæteris Aulæ iucunditatibus versatissimus, qui ab Henrico VIII primùm ad dignitatem Baronis *Parr de Kendalia*, deinde ad nuptias Annæ Bouchieræ Comitis Essexiæ vnicae hæredis, & simul ad Comitis Essexiæ titulum, cum Rex eius sororem duxisset; atq; ab Edwardo Sexto ad Marchionis Northamptoniæ *stylum & honorem* provectus. Sub Maria, quòd pro Iana Greia Regina subornata arma sumpserit, Maiestatis dānatus, ab eadem tamen mox condonatus, & ad patrimonium, vt postea ab Elizabetha ad honores restitutus. Liberos genuit nullos, sed Henricum Herbertum Penbrochiæ Comitem, ex altera sorore nepotem reliquit hæredem.

Animam etiam cœlo reddidit Ioannes Iuellus vix quinquagenarius, vir singulari ingenio, exquisita in Theologicis eruditione, & summa pietate. Ille honesto loco in agro Deuoniensi natus, Academia Oxoniensis in Collegio *Corporis Christi* alumnus laudatissimus, sub Maria in Germania exulauit, ab Elizabetha ad Episcopum Sarisburiensem

M.D.LXXI

*Marchionis
Northamptoniæ obitus.*

*Et Ioannis
Iuelli Episcopi.*

M. DLXXII

Res Hibernicae.
Ioannes Perottus.

Guil. Fitz-Williams
Hibernia
Prorex.

buriensem promotus, *Apologiam Ecclesiae Anglicanae*, Anno M D L X I I. edidit, Protestantiumque doctrinam contra Thomam Hardingum qui ab eadem defecerat, vno & altero volumine doctissime nostra lingua asseruit, quæ Latinè conversa extant.

Hibernia hoc tempore satis pacata, Iacobum enim *Fitz-Moris* qui Kil-Malocum diripuerat, Ioannes Perottus Momoniæ Præses ita exagitavit, ut in lustris iuxta *Ardagb* se occultauerit; & tandem, ut suo loco dicemus, eò adegit, ut supplex veniam exposceret. Sidneius Prorex in Angliam redijt, & Guil. *Fitz-Williams* qui eius forem duxerat, ei suffectus.

M. D. LXXII.



Oui anni principium nouum & triste spectaculum Londinensibus in Prætorio Westmonasterienfi exhibuit. Pegma enim ligneum per medium Prætorij a porta ad partem superiorem erectum, & ibi Tribunal sedibus vtrunque circumpositis, cuiusmodi totis octodecim annis viderant nullum. Ad hoc, die Ianuarij xvi. Thomas Howardus Dux Norfolciæ inter Owenum Hoptonum Arcis Londini Præfectum, & Petrum *Carew* Equites Auratos, funesta securi, acie averfa, prægestata, ducitur. In Tribunali sedit Georgius Talbottus Comes Salopiæ, summus Angliæ Seneschallus ad illum diem constitutus, vtrunque procures qui cognitores dati, quos *Pares* dicimus, Reginaldus Greius Comes Cantij, Thomas Ratcliffus Comes Suffexiæ, Henricus Hastings Comes Huntingdoniæ, Franciscus Russellus Comes Bedfordiæ, Henricus Herbertus Comes Penbrochiæ, Edwardus Seimorus, siue à *Sancto Mauro* Comes Hertfordiæ, Ambrosius Dudleyus Comes Warwici, Robertus Dudleyus Comes Leicestriæ, Walterus D'evereux Vicecomes Herefordiæ, Edwardus Baro Clintonus Admirallus, Guil. Baro Howardus

Norfolcius
 in iudicium
 vocatus.

Pares in hoc
 iudicio.

wardus Effinghamius, Camerarius, Guil. Cecilius Baro Burghleius Secretarius, Arthurus Baro Greius de *Wilton*, Iacobus Blountus Baro *Montionius*, Guil. Baro *Sandes*, Thomas Baro *Wentworthus*, Guil. Baro *Bourroughus*, Lodovicus Baro *Mordantus*, Ioannes *Powlettus* Baro à Sancto Ioanne de *Basing*, Robertus Baro *Richus*, Rogerus Baro *Northus*, Edm. *Brugè* Baro *Chandos*, Olivarius Baro à Sancto Ioanne de *Bletneshe*, Thomas *Sackvillus* Baro *Buckhurstius*, & Guil. *Westus* Baro *De La-Warus*.

MDLXXII

Indicto silentio, legitur Diploma quo Seneschallo auctoritas delata, deinde bacillum album à *Garterio* Armorum Rege illi in manus traditur, quod ipse paulo post primario atriensi porrexit, ille iuxta adstans toto iudicii tempore erectum tenuit: Deinde Comites & Barones nominatim cientur, & ad suum quisque nomen respondet. Silentio iterum indicto, Præfectus Arcis iubetur *Præceptum* suum redhibere, & Ducem pro Tribunali sistere. Mox sistitur, latera clauferunt hinc Præfectus Arcis, illinc Petrus *Carew*, proximus adstitit securiger, acie à Duce averfa: Indicto iterum silentio, Actuarius ad iudicia Coronæ, Ducem ita affatus est, *Thoma Dux Norfolciæ, nuper de Kenninghale in Comitatu Norfolciæ, manum attolle. Cum ille manum sustulisset, Actuarius crimina de quibus in iudicium erat vocatus, clara voce legit, Scilicet. Quòd anno Reginae Elizabethæ vndecimo & postea, Dux perfidè consilia agitauerit eam de solio deturbandi, & è medio tollendi, belloq; concitato, & externis copijs inductis, Regnum invadendi. Quòd cum certò cognouerit Mariam nuper Scottorum Reginam diadema Angliæ cum titulo & insignibus arrogasse, cum illa tamen (Regina inconsulta) de nuptijs contrahendis egerit, magnamque vim pecuniæ mutuò ipsi dederit, contra ac sub suo chirographo promiserat. Quòd cum illi compertum fuerit, Comites Northumbriæ, & Westmorlandiæ, Markenfeildum, & alios rebellionem contra Reginam excitasse, & in Scotiam fugatos, illos pecunia sublevarit.*

Formula Indicij.

Accusationis capita.

E e

auxiliares

MDLXXII

Patronum
dari rogat.

auxiliares copias à Pio Quinto Pontifice Romano, professore Reginae hoste, Hispano, & Duce Albano ad Scotiam liberandam & Pontificiam religionem in Anglia restaurandam per literas petierit. Postremò, quòd Herisio Scoto alijsq; in Scotia Reginae hostibus auxilium tulerit. His perlectis, Actuarius Ducem fiscitatur, an horum criminum sit reus?

Ille obsecrauit ut, si per legem liceret, patronus sibi ad causam defendendam constitueretur. Catelinus Primarius Iustitiarius respondit, hoc per legem minimè licere. *Sententiae Iudicum* (inquit Dux) *ut me submittam par est, verum plurimae sunt in hac causa ambages, nec ante quatuordecim horas me iudicio sistendum intellexi; à libris fui imparatus, mihi sine armis pro vita iam dimicandum video. Audiui tamen, Humfredo Staffordo (regnante Henrico Septimo) in causa laesae Maiestatis patronum assignatum fuisse. Dierus in Communibus Placitis summus Iustitiarius, respondit, Patronum assignatum fuisse Staffordo, de iure asyli, unde ille vi extractus; de crimine verò laesae Maiestatis, se sine patrono causam egisse suam. Mihi igitur, inquit Dux, pro vita, facultatibus, liberis, & quòd instar omnium pro honestate (faceffat autem Honor) hodie dicendum est. Si innocens peream, Deus ultum non dimittet. Hoc tamen unum percunctari liceat. An enumeratio illa criminum pro vera habenda sit qualibet in parte, & cui parti mihi sit respondendum?* Catelinus inquit, Cum causae verae sint, etiam enumeratio illa pro vera habenda est. *Edoceri cupio* (inquit Dux) *si singula illa sint crimina laesae Maiestatis. Fando enim accepi, in causa Baronis Scropi regnante Henrico Quarto. Plura loquuturum Actuarius interrupit, clamitans, Thoma Dux Norfolciae, reus ne es horum criminum? Negavit ille. Rogavit iterum Actuarius, Quomodo vis iudicari? Respondit, Deo & his Paribus causam commendo meam. Horum criminum atrocitas me percellit, Regia autem Maiestatis benignitas reficit, à qua plura expectare non poteram: A te verò, Domine Seneschalle, contendo, ut ex iure mecum agatur, & memoria quae sanè fluxa, tam confusa rerum varietate non obruatur. Quòd vos Pares & Iudices*

ces habeam, beatum me agnosco, quorum plurimum integritati vitam sanè libens lubensq; committerem. Ego innocentia fretus fuga mihi non consului. Non possum tamen non ingenuè fateri me officium erga Reginam deseruisse; at in rebus quibus Maiestas minimè ledatur. Obtestor ne leuiora illa, cum læsæ Maiestatis criminibus intermisceantur.

Iam Barhamus Regius ad Legem Seruiens, Crimina, inquit, læsæ Maiestatis quorum postularis, hæc sunt. Reginam regno & vita spoliare machinatus es, cum Scota nuptias cogitasti, externas copias in regnum evocasti, rebelles sustentasti, & Scotis Reginæ hostibus opem tulisti. Dux interponit, *Barhame, noli quæso obijciendo nuptias illas, & alia quæ inter Maiestatis crimina non sunt, rem verbis exasperare.* Barhamus ad Pares conversus vrget. Qui eam, inquit, vxorem vult ducere quæ regnum vendicat, idem regnum affectat. Hoc autem Dux incepit cum inter cognitores esset Eboraci ad Scotæ causam audiendam: quo tempore iureiurando astrictus erat, accusationes & defensiones vtrinque ex æquo perpendere. Dux ait, *Causa illa varias habet partes quæ sunt extra crimina læsæ Maiestatis.* Seneschallus Angliæ iussit Ducem ne digressiunculis à re proposita aberraret. Qui, Barhamo clamosè insistente, agnovit Scotam regnum Angliæ sibi vendicasse, sed iamdiu à vendicando abstinuisse. Barhamus contra, illam non desisse ostendit, quoniam hætenus iuri quod prætendit, non renuntiaverit; graviterq; Ducem accusat, quòd Scotæ Delegatos quid responderent, edocuerit, & hoc ex Rossensis Episcopi confessione. Dux fatetur Lidingtonium illi mentionem de nuptijs iniecisse, se tamen recusasse, & nihil edocuisse: rogauitq; vt Rossensis coràm in medium produceretur.

Multa deinde quæ ante diximus, Barhamus de nuptijs fusè persequitur, vt probaret Ducem regnum affectasse, & sæpius repetita instat interrogatione. Quid aliud poterat Dux sibi proponere, dum, Regina inscia, statueret Scotam in vxorem ducere, mulierem sine re, sine regno (filio in Scotiæ regno iam constabilito) quàm vt per eam

MDLXXII

Primus accusacionis articulus.

Secundus accusacionis articulus.

MDLXXII

Arx Londinensis.

Angliæ regno potiretur, & consequenter Reginam, & regno, & vita spoliaret? *Hæc altè repetita*, inquit Dux, *ut conuincas me Reginae abdicationem & perniciem cogitasse.* Ut propius accedam, inquit Barhamus, non incompertum est, te de Arce Londinensi (quæ certè regni Angliæ Acropolis) occupanda consilia inijsse, ut necessarium sit te Reginae perniciem tunc molitum esse, cum regnum consortis sit impatiens. Dux non diffitetur, Hoptonum quendam de Arce occupanda consilium suggesisse, se tamen reiecisse. Cur itaque, inquit Barhamus, de eadem re Penbrochiæ Comitem consulueris, qui dissuasit?

Pergit Barhamus, & vrget, quòd cum Regina postulauerit Regem Scotiæ infantem, quædam castella, & Anglos rebelles è Scotia sibi in manus tradi, Dux Scotos submonuerit, ne adsentirent. Accusat etiam, quòd molitus sit Scotorum Reginam è custodia subducere, idque postquam religiosè sub Chirographo promisisset nihil sibi cum illa futurum.

Candisus in medium iam producitur testis, Ducem obfirmato animo de nuptijs cogitasse, ipsumq; interrogasse, an si Regina Elizabetha diem obierit, pertraheret patrum in suas partes. Hæc Dux omninò negavit, illiusq; testimonium ut hominis indigi & testis proletarij reiecit. Porro demonstratur Ducem submisisse famulum ad Northumbriæ & Westmorlandiæ Comites, qui moneret, ne rebellionem excitarent, utiq; summè periculosum futurum. Prolatæ etiam erant Reginae Scotorum ad Ducem literæ, quibus illa interceptum Northumbrium indoluit priusquam ille arma ad rebellionem induerat. (Hoc enim ad illam rumore perlatum fuerat, an compositò, non dixerim.)

Ad hæc Dux respondit, *His rationibus non posse probabiliter confici, se in Reginae perniciem incubuisse, & nihil quod hætenus prolatum, alicuius esse contra ipsum momenti, præter Rosensis Episcopi testimonium: & hoc quidem, cum ille sit exterius, ex Bractoni iuris nostri consultissimi autoritate, neuti-*quam admittendum. Northumbrium & Westmorlandium nunquam

Exters testimonium non admittendū.

quam eo loco habuisse, ut illis vitam committeret. Suam innocentiam adeò tutum sibi fuisse præsidium, ut nunquam fugam meditaretur.

Gerardus Regius Procurator, Ducem, inquit, meditatio de nuptiis cum Scotorum Regina ad Reginae exitum cogitasse, satis superq; constat. De regno invadendo eum deliberatè etiam consultasse ex literis ad Pontificem Romanum, Hispanum, & Albanum liquet. Quæ cum Ridolfo egit, iam notuisse ex obscuris notis Characteristicis sub tegulis tecti in Howardianis ædibus occultatis; necnon ex literis (quas comburi ille iusserat) sub storea in vestibulo cubiculi repertis, hæc omnia facile probari posse ex eorum examinationibus, qui nec tormentis territi, nec perduellionis convicti. Ad hæc Dux, Consultationum illarum cum Pontifice & Hispano ego nec author, nec fautor fui, imò semper improbaui. Qui culpam commiserunt, culpam præstent; nec in me transferant, ut se excusent.

Gerardus porro Ducem accusat, quòd cum Ridolfo tractaverit de decem millibus militum è Flandria ad Harwicum Essexiæ portum exponendis, & hoc ex Barkeri examinatione; per Ridolfum etiam literas ad Hispanum & Albanum scriptas esse, quibus etsi Dux non subscripserit, eum tamen ex Rossensis consilio Barkerum amanuensum ad Hispani Legatum misisse qui suas ipsius literas esse, fidem faceret. Memoria mea, inquit Dux, vaillat, nec tam implexam rerum varietatem consequi potest. Vos Iuridici vestras habetis notulas, mihi ex tempore respondendum est. Hoc sanè improbable, me cum Pontifice Romano egisse, qui à Pontificia religione semper fui auersus. Malim equis discerpi, quàm à religione quam profiteor desciscere. Ipse Harwici situs omnem hanc accusationem facile diluat. Quis non videt quàm difficile sit exercitum per illam regionem ducere, quæ tota sepimentis clausa, & angustissimis vijs impeditissima? Si bellum in Principem cogitassem, me ab armis proculdubio instruxissem: Atqui toto iam decennio non plures quàm octo thoraces ferreos comparavi, nec quicquam omninò pulveris bombardarij. Ein-

MDLXXII

Tertius accusationis articulus.

Norfolcius à Pontificia religione auersus.

modi

M.DLXXII

modi literas Barkeri fidei nunquam commiseram, sed potius Banisteri qui mihi instar multorum Barkerorum.

Iam in medium prolatae erant Rossensis Episcopi literae à carcere ad Scotorum Reginam, interceptae, è quibus quae dicta confirmata. Postulavit Dux ut literas illas videret; eumentitas enim esse subvereri videbatur. Seneschallus autem Angliae, Non dubites, inquit, propria Rossensis manu literae sunt scriptae. Prolata est & alia literula octra exarata, à Duce ad famulum ut fasciculum literarum in loco certo occultatum igni traderet, et culpam in Rossensem conferret, qui Legati priuilegio, legem facile eluderet. Ad hæc ille, *Certior factus vulgo diuulgari me plures accusasse, literula illa respondi; & cum omnia curiosè excuti viderem, fasciculum illum comburi iussi ut periculum à nonnullis depellerem.*

Bromleius Regius Solicitator siue Procurator secundus Ridolfi literas exhibet, in quibus Albanum consilium approbasse significavit, necnon Pontificis Romani literas 1111. Nonas Maij ad Ducem datas. Wilbrahamus deinde elegantem de fide testimoniorum Episcopi Rossensis, & famulorum Ducis habuit orationem. Ad quam Dux, *Facultatis sanè non est mea orationem tam compositam, & perpolitam refellere. Orator tamen ille quantuscumq; est, inquit, interim omisit, quanta sit vis formidinis, quae firmum animum loco & statu sæpè dimouet, & Bractonum iterum contra exterorum testium fidem laudat & vrget.* Catelinus summus Iustitiarius respondet: In huiusmodi causis exterorum testimonia valere, & penes Pares esse, ut eiusmodi testimonijs fidem adrogent, an derogent.

Iam peruentum erat, ut probaretur, Ducem, rebelles fugatos sustentasse, quod apparuit ex literis Comitissae Northumbriae, quibus illa Duci gratias egit de pecunia marito & sibi subministrata. Quod postremò obiectum de Scotis Reginae hostibus subleuatis, probatur ex literis Ducis ad Banisterum, ex Banisteri confessione, & pecunia Browne Salopiensi tradita. Hic Dux Iudices rogauit,

Exteri testimonium.

Tertius accusationis articulus.

Quartus articulus.

uit, *An subditi alterius Principis cum Regina confederati in loco hostium Reginae sint habendi.* Catelinus habendos respondit, Reginamque Angliæ bellum posse gerere cum aliquo Galliæ Duce, & tamen interim cum Galliarum Rege pacem colere.

Cum iam advesperasceret, Seneschallus Ducem rogavit si quid amplius haberet quod pro se diceret? Respondit ille, *In legum equitate fidem colloco.* Seneschallus iussit ut Præfectus Arcis Ducem seorsim submoveret, & silentio indicto, ad Pares conversus, inquit: *Audiistis quomodo Thomas Dux Norfolciæ læsæ Maiestatis postulatus, nec se reum agnoscens, Deo & vobis causam submisit. Vestrum itaque est inter vos considerare, an reus sit peragendus, & ex conscientia & honore sententiam ferre.* Simulque iussit ut se seorsim subducerent, & invicem consultarent. Breui tempore interiecto, ad sua sedilia revertuntur. Tunc Seneschallus ab infimo exorsus, inquit, Domine *De-la-Ware*, Estne Tho. Dux Norfolciæ reus criminum læsæ Maiestatis de quibus in iudicium vocatur? Ille assurgens, manuque adpectus apposita, respondit, *Reus.* Itidem & singuli suo ordine rogati. Tunc Tribunali Dux denuò sistitur, quem Seneschallus ad hunc modum alloquitur, *Thoma Dux Norfolciæ, tu de diversis læsæ Maiestatis criminibus in iudicium vocatus, Deo & his Paribus te submisisti, qui singuli te reum pronuntiarunt. Ecquid habes cur iudicium non pronuntietur?* Dux respondet, *Fiat voluntas Dei, qui inter me & falsos accusatores iudicabit.*

Silentibus iam omnibus, securis acies adversa in illum convertitur. Mox Barhamus nomine Reginae, Seneschallum, ut iudicium pronuntiaret, postulat, quod ille in huiusmodi verba lachrimis obortis ex formula pronuntiavit, *Quandoquidem tu Thoma Dux Norfolciæ, criminum læsæ Maiestatis postulatus, te reum negaveris, teq. Parium iudicio qui reum declararunt, submiseris, hic confessus iudicat te hinc in Arcem reducendum, inde crati impositum per mediam urbem ad furcas trahendum, ibi suspendendum, semimortuum deponendum, eviscerandum, capiteq. abscisso, in quatuor partes disseccandum.*

M.DLXXII

Pares inter se consultant.

Sententia funesta pronuntiat.

MDLXXII

Barneius &
Matherus
supplicio affe-
cti.

Comites
creati.

Barones eno-
cati.

Lex ne quis
incarceratis
liberare ma-
chinetur.

dum. De capite, & corporis partibus fiat, quod Regina visum fuerit: Animæ autem tuæ misereatur Deus. Dux hoc iudicio audito, animo presenti, In me, inquit, ut in proditorē sententia lata est, in Deo & Regina confido, vestro consortio exclusus me cælesti fruiturum spero. Ad mortem subeundam me comparabo. Hoc unum peto, ut Regina liberis & famulis propitiam se præbeat, & nomina dissoluenda curet. Hæc quæ præsens audiui, exquisitiùs explicavi, cum in rebus magnis, & minima memorari posteritatis intersit.

Paucis post diebus Barneius, & Matherus morte affecti sunt, qui cum Herlo conscelerato de Consiliarijs quibusdam e medio tollendis, & Duce liberando coniuraverunt. Rem autem statim aperuit Herlus, cui Barneius (cum accusatorem productum videret) arridens, inquit, Herle me una horula anteuertisti. Aliàs ego tuo loco accusator, tu meo reus & suspendendus hic stetisses. Hæc coniuratio, & variae ad incarceratos liberandos in causa fuerunt, ut Comitum Parliamentaria haberentur. Ad quæ Regina Walterum D'euereux Vicecomitem Hertfordiæ honore Comitum Essexiæ, eò quod à Bourchieris Essexiæ Comitibus per proaviam genus duxerit; & Edwardum Baronem Clintonum qui opimos redditus in Comitatu Lincolnæ habuit, honore Comitum Lincolnæ ornauit. Ioannem verò Powlettum de Basing filium Marchionis Wintoniæ, Henricum Comptonum, Hen. Cheneium, & Hen. Norisium Barones per Summonitionem evocavit. Quo tempore Regni Ordines sanxerunt eos Feloniæ obnoxios esse, qui aliquod Regina munimentum intercipient, diruent, aut comburent. Læsæ autem Maiestatis reos, qui eadem contra Regnam per vim detinebunt, naues incendunt, aut portus obstruent. Item, Si quis machinabitur liberare quemcunque ob læsam Maiestatem, vel læsæ Maiestatis suspensionem expresso Regina mandato incarceratum, nec dum criminis postulatum, bonorum amissione ad vitam & carcere ad Regina libitum luet. Si postulatum, capite, sin damnatum, per duellionis tenebitur. Harum legum seueritas ut temporaria necessaria, ita Ordinibus visum ut non nisi temporaria esset, utique dum Regina superesset. Cæterum

rūm crebræ huiusmodi machinationes arreptæ fuerunt, ad Ducis supplicium accelerandum, quod tamen menses plūs minūs quatuor dilatum. Nec antea Reginae misericordiam, inferior in Parlamento confessus, Consiliarij aulici, & concionatores importuni, proposita periculorum magnitudine, expugnare poterant.

Quarto autem Nonas Iunij hora VIII matutina ad tabulatum in colle iuxta Arcem Londini denuò erectum Dux deducitur, cumque conscendisset, & Alexander Nowellus Decanus S. Pauli qui consolaturus aderat, circumfusam multitudinem ut fileret rogasset, inquit. *Homines hoc in loco extremum subire supplicium minimè nouum est, quamuis ex quo Serenissima Regina regnauerit, ego omnium primus, & faxit Deus, sim vltimus, (populus succlamauit, Amen.)* Deinde (ut compendio dicam, quæ illum fusiùs dicentem audiui) *Agnosco, inquit, Pares me morte dignum iustè iudicasse, neq; consilij est mei, ut me excusem. In rebus magni momenti, ingenuè fateor, me cum Scotorum Regina egisse, Regina mea inconsulta, quod minimè oportuit; vnde in carcerem fui coniectus. Verùm postea emissus, cum supplex me submissem, fide data, nihil ampliùs mihi cum illa futurum. Contra tamen fecisse fateor, & hoc quidem conscientiam discruciat. Verùm ad mensam Dominicam (ut vulgò perhibetur) nec promisi, nec iuraui. Ridolfum semel conueni, nec in Regina quidem perniciem. Quamplures enim norunt mihi cum illo rationes fuisse pecuniarias ex obsignatis tabellis. Illum Angliæ tranquillitati inuidere, & ad scelus excogitandum acutissimum deprehendi. Binas à Pontifice Romano literas vidi, quibus haudquaquam assensi, neq; rebellionì quidem in parte Septentrionali. Pontificius non fui ex quo aliquem religionis gustum habui; Sed Pontificiam doctrinam semper auersatus, veram Iesu Christi religionem amplexatus sum, atq; in Christi Redemptoris, & Seruatoris mei sanguine fidem omnem collocaui. Dissiteri tamen non possum me Pontificiæ religionis addictos inter famulos & familiares habuisse. Si in Deum, Ecclesiam, aut Protestantes inde peccauerim, Deum & ipsos comprecor ut mihi ignoscant. Deinde vno & altero Psalmo recitato, clariore voce dixit, In ma-*

MDLXXII.

*Norfolcius
Dux obtrun-
catur.*

*Mortui
verba.*

MDLXXII

nus tuas, Domine, commendo spiritum meum. Mox Henricum Leium amplexus in aures paucula insusurravit, necnon Nowello Decano, qui ad populum conversus, Dux vos rogat, inquit, ut una voce Deum comprecemini, ut illius misereatur, & simul sileatis, ne animus interpelletur. Carnifici petenti veniam concedit, linteum ad oculos obnubendos porrigenti recusans dixit, *Mortem minimè formido: flexisq; genibus, mente in Deum defixus procubuit, & cum eo Nowellus precibus intentus.* Mox in truncum ceruice porrecta, actutum vno ictu caput amputatur, & luctuosum spectaculum ingementi & collachrimanti populo à Carnifice ostenditur.

De eo Iudicia.

Incredibile est quanta charitate multitudo illum complexa sit, quam benignitate & comitate singulari, nec tanto Principe indigna, conciliauerat. Prudentiores variè affecti fuerunt, alij periculi (quod ab eo superstite, & eius factione imminere videbatur) magnitudine perterriti, alij misericordia commoti in virum summa nobilitate, summa naturæ bonitate, conspicua membrorum compositione, & vultu virili, quem nisi ab incepto vitæ cursu subdolæ æmulatorum artes, & spes lubricæ specie boni publici proposita deflexissent, patriæ firmamento pariter & ornamento fuisset. In memoriam etiam revocarunt infœlix patris fatum, qui literarum studijs & bellica gloria ornatissimus, eodem loco ante annos x x v obtruncatus leuiculis ex causis, utique de Insignibus Regis Edwardi *Confessoris*, cum suis coniunctis, quæ tamen Mowbraios Norfolciæ Duces, à quibus genus traxit, gestasse ex Regis Richardi Secundi permissu legimus.

H. Catenæ de hac re relatio.

Pij v. P. P. in Elizabetham machinatio.

Operæ prætium erit hîc paucis attexere, quæ hac de re prodidit Hieronymus Catena in vita Pij v. Pontificis Romani, author ob fidem Civitate Romana donatus, & Cardinali Alexandrino Pij Quinti nepoti à secretis, ut videamus è qua officina prodierit, & à quibus hæc coniuratio fuerit conflata. *Cum, inquit ille, Pius v. zelo religionem Romanam in Anglia restituendi, simulq; Elizabetham è regno submovendi flagraret, nec Nuntium Apostolicum, aut publicam*

publicam aliquam personam ad hæc conficienda habere posset; curauit, ut Robertus Ridolfus Patritius Florentinus (qui in Anglia sub specie negotiationis egit) animos hominum in Elizabethæ perniciem excitaret. Quod ille gnauiter fecit, non solum apud Catholicos, sed etiam Protestantes nonnullos, qui in hoc conspirarunt, alij ex priuato odio in eos qui ad regnum aspirabant, alij rerum nouarum studio. Dum hæc occulte agerentur, lis interuenit inter Hispanum, & Elizabetham de pecunia intercepta; arreptaq; hinc occasione, Pontifex Hispano persuasit ut coniuratis in Anglia opem contra Elizabetham ferret, quò res Belgicas securius prosequeretur, & Religio Romana in Britannia restauraretur. Idemq; Gallo suadet, quasi hoc deberet cognatae Reginae Scotorum cognatae, & Scotorum quidem meritò, qui Anglorum vires incursionibus retraxerant, quo minùs Protestantes Gallia adiutarent, necnon Procerum coniuratorum in Anglia promerito, qui suis artibus obstiterant, quo minùs Regina Angliæ Protestantibus Galliae apertè opitularetur. Quo etiam nomine Gallus illis auxilia ad liberandam Scotorum Reginam promiserat, & illuserat. Interim Ridolfus effecit ut coniurati Norfolcium in societatem pertraherent, ipsumq; præficerent, cui coniugium cum Scota (illa consentiente) promiserunt. Pontifex ut rem promoueret, Bulla publicata, Elizabetham regno abdicauit, & subditos omni iuramento & obsequio absoluit, missis exemplaribus impressis ad Ridolfum, quæ per Angliam dispergerentur. Hinc Comites Northumbriae & Westmorlandiae arma in Principem induerunt, qui mox, deficiente pecunia, se in Scotiam subduxerunt, Norfolcius & alij in custodiam dati, inter quos Ridolfus, quem Pontifex iusserat c. l. Millia aureorum coniuratis subministrare, quod in custodia detentus haudquaquam potuerat. Verùm cum Regina in coniurationis arcana penetrare non potuisset, ille cum cæteris custodia emissus, aureos illos coniuratis distribuit, qui eum ad Pontificem miserunt ut significaret omnia domi parata esse, & instructa contra Elizabetham, Hispanumq; rogaret, ut auxilium è Belgio quamprimum adiungeret. Pontifex inceptum laudat, etsi Dux Albanus minime probaret, ut difficultatis plenissimum, cum Ridolfus illi rem in itinere communicaret. Eundem Ridolfum ad Hispanum legat, alio quæsito

MDLXXII

Apud Anglos,

Apud Hispanum.

Apud Gallos.

M. DLXXII
Apud Lusitanum.

Albanus se
opposuit.

Quibus de
causis.

Irritus suc-
cessus.
Inde Papa &
Hispani do-
lor.

Expostulatio
cum Scoto-
rum Regina.

colore, & ad Lusitanum cum documentis, eodemq; tempore Norfolcio per literas subsidium promittit. Hispanum urget ut coniuratis opituletur, utq; vehementius urgeret, in eorum subsidium se profecturum, & vniuersa sedis Apostolica bona, Calices, Cruces, & sacra Vestimenta oppignaturum, si opus fuerit, pollicetur; difficultatem autem subesse nullam si Chapinum Vitellium, cum armata manu in Angliam & Belgio submitteret. Quod Hispanis alacritate expeditissima fieri iussit, & ipse Pontifex in Belgio pecuniam parauit. Albano hæc non placuere, qui tunc Vitellio hanc gloriam inuidit, filiumq; præferri voluit, tunc quod & Gallia impetum hostilem timeret, proposuitq; considerata an Anglia deuicta Hispano cederet, an Gallus non obsisteret, an Pontifex Rom. satis auxilij ad rem tantam ferre posset. Nihilominus Hispanus expressè iussit ut Angliam aggredieretur, ipso Ridolfo cum pecunia in Belgium remisso. Deo tamen permitte, res tota indicio cuiusdam extra regnum, Elizabethæ diluxit, Norfolcius captus & morte affectus. Quod Pontifex ægrè tulit, & Hispanus condoluit, qui coram Cardinale Alexandrino Pontificis nepote, dixit nullam vnquam coniurationem consultius fuisse initam, nec maiore animorum consensu & constantia occultatam, quæ tanto tempore à nullo coniuratorum patefacta: copiasq; XXXIII horarum spatio facile & Belgio potuisse transmitti, quæ Reginam, Urbemq; Londinum ex improviso opprimerent, religionem restituerent, Scotorumq; Reginam in solio firmarent; maximè cum Tb. Stucleius transfuga Anglus in se recepisset eodem tempore cum tribus Hispanorum millibus, vniuersam Hiberniam in Hispani fidem redigere, & cum vna & altera naue exploratoria Anglicam classem incendere. Hæc Hieronymus ille Catena, quorum nonnulla Anglis ignota priusquam ille Anno M D LXXXVIII libro Romæ impresso privilegio Sixti v. divulgauerit. Nunc ad rem si hæc extra.

Vix decimus à Ducis supplicio agebatur dies, cum ad Reginam Scotorum in luctu lamentisq; iacentem mitterentur Guil. Baro De-La-Warus, Radulfus Sadleirus, Tho. Wilsonus Legum Doctor, & Tho. Bromleius Procurator Regius secundus, ut cum ipsa criminosè expostularent

stularent quòd titulum & Insignia regni Angliæ vsurpasset, nec iisdem vt in fœdere Edenburgensi convenerat, renuntiasset, ad eadem plenius occupanda, nuptias cum Duce Norfolciæ, Regina inconsulta, ambiisset; ad quas vi armata conficiendas, & Ducem è carcere liberandum per ministros nihil non tentasset. Rebellionem in partibus Borealibus concitasset. Rebelles illos profligatos in Scotia & Belgio subleuasset. Externa auxilia ad Angliam impugnandam à Pontifice Rom. Hispano, & alijs per Ridolfum Italum implorasset. Cum quibusdam Anglis, qui custodia eriperent, & Angliæ Reginam declararent, coniurasset. A Pontifice Ro. literas accepisset, in quibus illam sicut Gallina, pullos futurum, & qui pro illa starent, veros Ecclesiæ filios habiturum promisit. Postremò, quòd Bullam Pontificiam contra Reginam procurasset, & passa esset se à suis in exteris regionibus Reginam Angliæ publicè nominari.

Ad hæc illa (prius protestata se liberam esse Reginam, & nulli subditam) mente & fronte firma respondet, *Se titulum & Insignia Regni Angliæ non vsurpassse, sed Regem Gallie & maritum sibi tenellæ & sub mariti potestate imposuisse, idèò crimini non vertendum; nec à mariti morte illa gestasse, nec velle arrogare dum Elizabetha aut ex ea liberi superfuerint. De nuptijs cum Duce Norfolciæ in detrimentum Regine ne quidem cogitasse, cum sibi persuasum esset Reipublicæ bono futuras: iisdem verò non renuntiasse, quòd fidem coniugalem obstrinxisset. Ducem vt custodia & periculo se eriperet, pro eo ac debuit coniugali amore, monuisse. Rebellionem minimè concitasse, nec eiusdem consciam fuisse, quæ paratissima semper erat molitiones contra Reginam aperire, si illa coràm audire dignaretur. Rebelles Anglos nunquam subleuasse, tantùm Northumbriæ Comitissam Albano literis commendasse. Ridolfum, quem gratia apud Pontificem valere nouerat, in re pecuniaria vsam fuisse, ab eo tamen nihil literarum accepisse, Nullos ad se liberandam excitasse. Audisse libenter qui operam in ea re detulerant, eoque nomine priuatum Characterem Rolstono & Hallo communicasse. Literas subinde à Pontifice Rom. accepisse pietatis & consolatio-*

M.DLXXII

Illius respon-
sio.

nis

M.DLXXII

*Seditiones in
Scotia.**Gallus &
Anglia com-
ponere studēt**Diversa in-
ter se sentiūt.*

*nis plenissimas, quibus nullae inerant eiusmodi loquendi formulae. Bullam haudquaquam procurasse, tantum eius exemplar impres-
sum vidisse, perlectumque igni tradidisse. Si qui aliter quam debent
in exteris regionibus scribant, aut nominent, ipsi culpam prae-
stent. Auxilia à Pontifice Rom. & Hispano ad Anglam impug-
nandam literis nunquam rogasse, opem verò ut in regnum suum
restitueretur ab illis implorasse, idque Regina consulta. Sin de
literis illis quaestio fiat, aut de conficiendis nuptijs vi armata, ro-
gat, ut (cùm sit Regio Angliae sanguine nata) in Angliae Par-
lamento quod proximè habendum praesens responderet.*

Scotia interim intestinis diffidijs miserrimè labora-
bat, dum hinc qui Reginae studebant, Gallorum favore,
inde qui Regi, Anglorum ope subnixi, infestis animis &
armis concurrerent. Egregium tamen diffidij compo-
nendi studium Angli Galli-que missis in Scotiam Legatis
prae se tulerunt. Galli non commodiorem esse rationem
rati proposuerunt, ut viri aliquot æqui bonique selige-
rentur, qui regnum Scoticum nec Regis nec Reginae no-
mine ad tempus administrarent. Illi enim Scotorum Re-
gem pro Rege agnoscere noluerunt, cùm non aliud in
regnum ius quàm à matre haberet, & matrem non iuste
à subditis potuisse abdicari censerent; Eam itaque iuste
Reginam agnoscendam, & foedus antiquum inter eam
& Gallorum Regem observandum. Angli contra ratio-
num momentis contenderunt eiusmodi administratio-
nem planè fore Anarchiam, multorum imperijs rempub.
geri non posse, in electione eiusmodi administratorum,
Scotos qui sub regio imperio semper fuerunt, nunquam
consensuros, Regni Ordines Reginam abdicasse, Regem
ritè constituisse & inaugurasse, & foedus illud antiquum
non inter personas, sed inter regna Galliae & Scotiae con-
tractum fuisse; imo Regem Christianissimum ex foede-
ris lege ad Scotorum Regem defendendum teneri. Di-
sertis enim verbis cautum esse, ut Galliae Reges, si quan-
do de successionem in Scotiae regno controvertatur, eum
defenderent, cui Scotiae Ordines regnum adiudicarint.
De causis verò Reginam abdicandi, Scotos qui abdic-
runt, consulendos.

Nihil-

Nihilominus Gallus Scotorum Regine partibus aperte fauit, & pro ea liberanda sedulo apud Elizabetham intercessit, ne quod Legati eius ingenuè professi sunt, videretur illam, quæ Regis fratris fuerat vxor, & iam Gallie Dotaria, negligere, vetustum inter Gallos & Scotos fœdus violare, familiam Guisiam iam in Gallia præpotentem posthabere, aut perniciosum abdicandi Reges exemplum approbare. Et quod potissimum erat, ne illa à Gallo in aduersis derelicta Hispano adhæreret, & tandem potentissima regna Angliæ, Scotiæ, & Hiberniæ per eam amicitia fœdere cum Hispania in Galliæ periculum coniungerentur.

Ad hæc Elizabetha comiter. *Viderit Gallus quo loco Scotam habeat, etsi Regina fuerit Gallia & iam sit Dotaria; ad nuptias tamen cum Andino disturbandas clandestina habuit cum Hispano consilia. Viderit an fœdus illud antiquum non violet si tenellum Regem non defendat. Viderit quid Guisiorum familie debeat Gallia, quorum consilijs & Gallia funestissimo bello fuerit inuoluta, Scotia à Gallis abalienata, & ipsa Scota in has angustias deducta. Abdicandi Principes exemplum sanè perniciosum est, & infra inferos amandandum, sed hac de re responderint Scoti. Ego quidem inuita hæc recolo quæ ex animo improbo. Nescio tamen an Galli olim improbarint cùm Pipinus Childericum, & Hugo Capetus Carolum Lotharingum regno auito spoliarent, Sceptro in nouas familias translato, & Philippus ille Bonus Burgundus Iacobam Hannonia & Hollandia exuerit, aut Dani cùm Christianum Secundum & filias regno eiecerint, aut Hispani cùm Vracam Reginam regno exclusam incarcerarint. Minime nouum est vt filij matribus exclusis ad imperium admitterentur. Sic Henricus Secundus Rex Angliæ, Alphonsus Vracæ filiolus Rex Castiliæ, & recenti memoria Carolus v. Hispaniæ & Siciliæ & ad sceptrum, matribus superstitis, admissi fuerunt. Reginas etiam incarceratas fuisse plena est exemplorum omnis memoria, & Gallia abundè testetur, quæ trium inuicem succedentium Regum, Lodouici Huttini, Philippi Longi, & Caroli Pulchri vxores incarceratas, ne quid grauius dicam, vidit. Ego, vt verum dicam Scotorum Reginam honesta in custodia*

de-

M.DLXXII
Causa cur
Gallus Scota
fauet.

Angla cum
Gallis disser-
tatiuncula.

MDLXXII.

detineo, in Anglia, meaq; securitatis tutelam; & à Gallis edocta, qui Chilpericum in Monasterium, Carolum Lotharingum in carcerem profundum, Lodouicum Sfortiam Mediolani Ducem in caueam ferratam abdiderunt, vt suis rebus consulere. Alia id genus ex Hispanica historia repetijt, vt in omnium gentium historijs erat versatissima. Perorans concludit, huiusmodi magna exempla semper aliquid ex iniquo haurire; Optavit verò, vt Gallus pro eo ac ex fœdere debuit, tenellum Scotorum Regem legitimè inauguratum defenderet. Hoc enim maiori gloriæ Gallico nomini cessurum, quàm infœlices Gallorum in causa famosæ Ioannæ Neapolitanæ expeditiones.

*Et Galli &
Anglia studium in Scotiam refriget.*

Belgæ coniurati Angliam prohibentur.

Illi Briellam capiunt.

Albani incuria.

Verum-enimverò cùm deprehensum esset, Scotorum Reginam eodem ipso tempore occultam fœderationem cum Hispano cogitare per Baronem Setonum qui in Effexia appulsus, ementito nautæ habitu, per Angliam in Scotiam redierat, atque auxiliares copias ab Albano Scotis, qui à Reginæ partibus erant, promiserat; & illa arctiori custodia attinebatur, & Galli erga illam studium paulatim refrigebat. Albanus certè nihil omisit, vt inclusum contra Elizabetham odium subdolè profunderet, & illa non minori solertia vt repelleret, & eius conatus disturbareret. Itaq; primis huius anni mensibus, cùm ille per Hispani Legatum in Angliam conquereretur, Belgas rebelles apparatus bellicum ex Anglia comparare, & in portus vbique recipi; illa seверо mox edicto, Belgas in quos rebellionis suspitio caderet, ex Anglia discedere, armatasq; eorum naves in portibus detineri iussit. Quod Albani damno inprimis vertit. Comes enim Marcanus Lumæus, & alij Belgæ hoc edicto vel perterriti, vel clam præmoniti, quasi desperatione adacti ex Anglia se subduxerunt, Briellam ad Mosæ ostium occuparunt, mox Flushingam, & alia oppida, expulsis Hispanis, cùm iam arces libertatis compodes imposituri essent, ad defectionem taxerunt, breuiq; Albanum mari quodammodo excluderunt. Vnde illi maris opportunitate tam diuturno bello Hispanum distinerunt, & exercuerunt, non sine insigni quadam (vt militares viri censuerunt) & indigna tanto

tanto Duce incuria, qui maritima Belgij totos quatuor annos supinè neglexerat.

Iam post celeberrimum Londinensium armilustrium, & ludicrum prælij spectaculum coram Regina apud Greenwichum, viri militares qui domi desides otio marcebant, ex Anglia in Belgium confluere cœperunt, alij pro partium studijs ad Albanum, alij & longe plures ad Principem Aurasionensem, qui religionis & libertatis nomine Albano se opposuit. Primus autem omnium Thomas Morganus c c c Anglos ad Flushingam deduxit, quorum adventus fama distinuissè Albanum creditur, cum in procinctu esset ad Flushingam recuperandam. Postea, curante Morgano, eò appulerunt novem Anglorum vexillationes sub Humfredo Gilberto, qui cum Gallis associatis primùm Sclusam & Brugas tentavit, & deinde *Tergoam* in *Switthevelandia* adortus. Sed cum scalæ essent breuiores, Galli & Angli malè inter se convenirent, & Mondragonius subsidio obsessis veniret, non sine clade, se Flushingam receperunt, quam & hi, & illi sibi occupare subdoli sategerunt, sed æmula similitate, Aurasionensis artibus, diuisi, non potuerunt.

In Gallia Protestantibus blanda hoc tempore illuxit serenitas, animusque Caroli Regis in bellum Belgicum, quasi vnicum belli intestini remedium, ut præ se tulit, totus conversus erat, & hoc quæsito colore, cum Germaniæ Principibus & Angliæ Regina in argumentum propensæ suæ erga Protestantes (quos tamen occultè exitio destinarat) benevolentia se velle foedus inire simulavit. Quod inter illum qui tum à Protestantibus Gallia, tum ab Hispano timebat, & Elizabetham quæ ab intestinis malis, Albaniq; insidijs sibi metuebat, per Franciscum Ducem Momorantium, Renatum Biragum, Sebastianum Laubespinum, Episcopum Lemouicensensem, Paulumq; Foixium Regis nomine; Tho. Smithum, & Franciscum Walsinghamum Reginae nomine delegatos, Blæsis 111 Idus Aprilis in hos articulos initum, qui compendio ipsissimis ferè verbis subiunguntur.

G g

Articuli

MDLXXII.

*Angli in
Belgicam
militiam
profecti.*

Morgan.

*Galli simula-
tio.*

*Fœdus Bla-
senſe.*

MDLXXII

Eiusdem articuli.

Articuli in hac fœdere non erunt recessus à præcedentibus Tractatibus, inter prædictos Principes, & prædecessores, quatenus non sunt contrarij præsentis fœderi. Hoc fœdus erit inter dictos Principes confederatio, Liga, atq; unio ad mutuam defensionem aduersus omnes cuiuscunq; sint ordinis, qui sub quocunq; prætextu, aut quavis de causa, nulla excepta, inuadent aut inuadere conabuntur personas, aut territoria ab illis possessa. Fœdus hoc permanebit firmum, non solum inter Principes dictos, dum vixerint, verum etiam inter successores, si successor superstiti significet intra annum per legatos & literas, se easdem conditiones accipere; alias superstes omni huius fœderis obseruatione solutus intelligitur. Hoc fœdus valebit contra omnes qui etiam affinitate coniuncti erunt alterutri Regi aut Principi, & contra omnia fœdera contracta, & contrahenda. Regina Angliæ post requisitionem per literas manu Regis Galliæ subsignatas opem requirentis intra duos menses in Galliam transmittere tenebitur VI. M. peditum armatorum, vel D. equites, pro eius optione, quibus ille stipendium persoluet ex tempore quo in Galliam appulerint. Pro bello & defensione nauali, Regina Angliæ mittet octo naues iustæ magnitudinis, in quibus MCC milites imponet cum necessarijs omnibus. Nautæ & milites solummodo erunt Angli, ille stipendium illis persoluet, & necessaria præbebit, providebitq; alimenta à tempore, quo seruire sibi incipiunt; parebunt tamen Admirallo Galliæ. Regina Angliæ in suas naues alimenta imponet ad duos menses, pro quibus Gallus intra duos menses soluet. Rex Galliæ post literas acceptas & subsignatas manu Regiæ Angliæ bello petita, intra duos menses in Angliam, vel Hiberniam transmittere tenebitur, VI. M. peditum; vel si ipsa maluerit D. cataphractos milites, qui equitum mille quingentorum, & peditum circiter trium millium numerum adimplebunt, equis validis, & armis more Gallico, quibus illa stipendium persoluet, ex quo in Dominia sua peruenerint. Pro nauali bello ille instruet octo naues quibus MCC milites imponantur, eo quo ante dictum, modo. Inseruient quàm diu Principes inuasus eos tenere placuerit. Forma auxiliorum & stipendiorum in schedula subiecta continebitur, Inuasor alteruter arma & cætera vendere tenetur. Nihil innouabunt in Scotia, sed

sed aduersus externos defendēt, nec externos ingredi patiantur, nec fouere factiones Scoticas; sed liceat Regina Angliæ armis prosequi eos Scotos, qui fouebunt vel receptabunt Anglos rebelles nunc existentes in Scotia. Hoc fœdus illum intellectum habeat, quem solum verborum vis & proprietas præ se fert. Uterque Princeps hos singulos Articulos literis Patentibus confirmabit, & legatis vtrinque intra tres menses bona fide realiter, & cum effectu tradet.

MDLXXII

Vt Gallus hoc fœdus ratum haberet, Edwardus Clintonus Lincolnæ Comes Maris Præfectus, in Galliam missus cum numerofo nobilium agmine, inter quos erant Barones, Dacreus, Richus, Talbottus, Sandius, & alij. Gallus itidem Ducem Momorantium, Paulumque Foixium in Angliam splendido apparatu misit, vt coram ipsis, & Bertrando Salignaco Mota-Fenelonio Oratore assiduo, Regina interposito iureiurando vicissim confirmaret. Quod Westmonasterij factum xvi. Kalendas Iunij. Postridiè Elizabetha Momorantium, patris Annæ Constabularij Franciæ in se benevolentiam grata memoria prosequuta, in Georgiam Ordinis societatem Galli permissu adscripsit. Quo honore Annam Henricus viii dignatus erat amoris ergo in illam familiam quæ *Primi Franciæ Christiani* titulum gerit, & in Gallia longè nobilissima habetur.

Confirmatio.

Momorantium in ordinem Garterij adscitus.

Momorantius dum in Anglia hæreret, paucis Galli nomine egit, vt fauor erga Reginam Scotorum quantus poterat, sine periculo exhiberetur, vt armorum esset in Scotia cessatio, & Parlamento ibidem concordia firmaretur. Sin Parlamentum commodè haberi non posset, vt quidam à Scotis vtrinque delecti de rebus componendis Londini convenirent, vnà cum Regis Galliarum & Regina Angliæ Delegatis. Responsum verò erat maiorem Scotorum Regina fauorem exhibitum fuisse, quàm illa promeruerat, & in Galli gratiam, exhibendum fore; licet Regni Ordines qui iam convenerant, censuerint Regina nullam posse esse securitatem sine aliqua in eam severitate. De concordia & armorum cessatione Regi-

Ille de rebus Scoticis componendis intercedit.

Responsum.

MDLXXII.

nam sedulò egisse, eoq; consilio Drurium Barwici Mare-
scallum cum Croco Gallico Legato nuperrimè in Scoti-
am misisse: Illos autem nullis rationibus Grangium &
præfidiarios in Castro Edenburgensi spe subsidij è Gal-
lia & Belgio lactatos ad pacem perducere potuisse,
quamvis Huntleius, & Hamiltonius Arbrothius pro pa-
tre Duce se Elizabethæ ad pacem colendam Syngra-
phis obstrinxissent, & reliqui à Regina partibus fidem
dedissent.

*De nuptijs
etiam cum
Andino.*

*Laniena Pa-
risiensis.*

Deinde Momorantius pluribus de matrimonio cum
Andino Duce denuò egit, sed cum de religionis cultu
haudquaquam conveniret, re desperata in Galliam re-
dijt, dum nuptiæ inter Henricum Navarrum & Marga-
retam Galli sororem magno conatu apparantur. Ad has
blandis promissis & credula spe pacis perpetuæ atque a-
moris redintegrandi, cum insigni quadam dissimulatio-
ne pelliecti erant Regina Navarra, & ex Protestantium
numero lectissimi quicq;. Invitati etiam ex Anglia hono-
ris specie Leicestrius, & Burghleius, è Germania Palati-
ni Electoris filij, vt in casses induiti, & illi & cum illis E-
vangelica religio si non vno ictu iugularentur, certè læ-
thali vulnere conciderentur. Nuptijs enim celebratis
speratam serenitatem illico dispulit sanguinolenta tem-
pestas, Laniena illa Parisiensis, & immanes Protestan-
tium cædes quæ in omnium ordinum homines per Gal-
liæ vrbes execrando scelere passim patrata. Species ta-
men iuris, imò & pietatis imposita, & fraudi impiæ late-
bræ edictis quæsitæ, quasi nefaria coniuratio aduersus
Regem, Reginam parentem, fratres, Navarrum, & Regij
sanguinis Principes à Protestantibus inita fuisset. Num-
mi etenim in rei memoriam signati, in quorum antica
parte cum regis effigie hæc inscripto, VIRTUS IN RE-
BELLES, in altera, PIETAS EXCITAVIT IVSTI-
TIAM.

Paulò antè Galli mater quæ propensæ in Protestantes
benevolentia simulationem egregiè sustinuit, mulier in
futurum curiosula, & Astrologorum prædictionibus cre-
dula,

dula, qui singulis filijs regna ex positu *Fixarum Regiarum* in schematibus natalitijs vaticinati erant, iusserat Mota-Fenelonium Elizabethæ nuptias cum filio natu minimo Francisco Duce Alenconio proponere, vt si posset, Regis titulum illi consequeretur, saltem hoc officio amoris plenissimo Elizabetham distineret, quo minùs Protestantibus in Gallia opem præstaret. Has Mota-Fenelonius Kenelworthi biduò ante Ianienam Parisiensem proposuit; Elizabetha autem *ex religionis diuersitate, & ætatis disparitate* se modestè excusauit. Ille enim vix xvi annum attingerat, illa xxxviii iam superauerat. De re tamen deliberaturam promisit. Nec destitit Alenconius per Fle-rium sedulò persequi.

Eodem mense Thomas Percius Comes Northumbriæ, qui rebellis in Scotiam profugerat, à Mortonio, de quo, dum ille in Anglia exularet optimè meritus erat (sed quis calamitosus gratus repertus?) pacta pecunia, Baroni Hunsdonio Berwici Præfecto redditus, paulò post Eboraci obtruncatur.

Vt hoc anno Norfolcium & Northumbrium florente ætate funesta securis, ita duos alios è primaria nobilitate, & à sanctioribus consilijs ætate extrema, placida mors abstulit, Guilielmum Powlettum summum Angliæ The-saurarium, Wintoniæ Marchionem, Wiltoniæ Comitem, & Baronem à Sancto Ioanne de *Basing*; maximis hono-ribus perfunctum, cum annos septem supra nonaginta compleisset, & sobolem ex eius corpore ad ciii. nu-merasset, (cui in Thesaurarij munere Guilielmus Ceci-lius Baro Burghleius suffectus) & Edwardum Comitem Derbiæ, Baronem Stanleium, & Strangium de *Knocking*, quocum hospitalis gloria quodammodo obdormiuit.

E viuis etiam excessit Guilielmus Petrus Eques Au-ratus è Sanctiori consilio, & à Secretis Henrico viii. Edwardo vi. Mariæ, & Elizabethæ, Ordinifq; Garterij Cancellarius; multis legationibus cum laude perfunctus, qui ex honesta familia Exoniæ natus, cum prudentia & doctrina magnas opes collegisset, ad doctrinam promo-vendam,

MDLXXII

*Nuptia cum
Alenconio
Elizabetha
proposita.*

*Northum-
bria Comes
capite plecti-
tur.*

*Marchionis
Wintonia
obitus.*

*Cecilius fa-
ctus Thesau-
rarius.
Comitis Der-
biæ mors.*

*Et Guil.
Petrei.*

MDLXXII

*Regina mor-
billis laborat.**Reip. inuigi-
lat.**Clientelas
coercet.**Et Concela-
tores.**Rebelliones
in Hibernia.*

vendam, Exoniense Collegium in Academia Oxonien-
si, in quo educatus, fauente Maria Regina, annuis pro-
ventibus beneficè adauxit.

Ipsa etiam Regina quæ hætenus valetudine fuit inte-
gerrima, (nunquam enim cibum coepit, nisi cum invita-
ret appetitus, nec merum gustavit) morbillis ad Hamp-
tonam laborauit. Sed convaluit priusquam vel laboras-
se auditum, & regijs curis invigilans iussit Portesmu-
tham nouis munitionibus firmari, classem bellicis naui-
bus augeri, delectus militum per Comitatus statis tem-
poribus haberi, iuventutemque armis exerceri, etiam
cum iam pacem agitaret altissimam. Pecuniam etiam
quam à subditis mutuò acceperat, gratè & gratanter re-
pendit. Nec minorem hinc benevolentiam apud popu-
lum conciliauit, quàm ex duobus salutaribus edictis in
anni principio promulgatis: quorum altero ex legibus
antiquis in nobiles agi iussit, qui plures quàm debent in
clientelam admiserant. Ita enim admissi se publicis
Reipub. munijs exemerunt, factiones fouerunt, & mul-
tifariam in leges peccarunt, nobilium quibus se in clien-
telam dederant, potentia freti. Altero rapacissimum ho-
minum genus coercuit (*Concelatores* vocant) eorum au-
thoritatem reuocando, & ad ablatorum restitutionem
adigendo. Hi enim instituti vt rimarentur, si qui agri iu-
ris Regij à privatis celarentur, in agros Ecclesijs Paro-
chialibus, & Ptochodochijs à pijs maioribus olim dona-
tos, nec non in campanas, & plumbea Ecclesiarum tecta
sacrilegâ avaritiâ involare coeperant. Verum enimuero
hæc mala quamvis subinde cohibita, subinde repullula-
runt.

In Hibernia nonnihil turbarum erupit, ex acerbo Ed-
wardi Fittoni Connachtiae Præfecti imperio, quod cum
Richardi Comitis *Clan-Richardi* filij è varijs vxoribus
progeniti libertate quidlibet agendi luxuriantes ferre
non possent, rebellionem concitarunt, & Senum flumen
transgressi per Midiam Occidentalem prædatoria info-
lencia in incolas immaniter sunt grassati. Pater ex prisca
Anglo-

Anglorum *de Burgo* progenie, vir canicie spectabilis & ingenio temperato Proregem adiit, rebellionis crimen à se abstergit, regnique Hiberniæ Consiliarios qua ratione grassantes liberos cohiberet, consulit. Regina verò, vt publicæ tranquillitati consuleretur, Fittonum sensim submouendum ex Connachtia censet, eumque Hiberniæ Thesaurarium constituit, & haud multò post Comitiss filij à Præsidiarijs exagitati Proregi se supplices submiserunt.

In Lagenia item *O-Mori* seditiosum hominum genus turbas dederunt, qui mox rebelles declarati, Comite Kildariæ suasore, in ordinem redierunt. Quo tempore Thomas Smithus Reginæ à secretis vir prudens & eruditus neglectæ Hiberniæ misertus à Regina impetrauit, vt colonia in Chersonessum Hiberniæ, quam *Ardes* vocant, in Vltoniæ ora orientali, sub filio notho quem vnicum habuit, ad imbuendos semibarbaros humanitatis cultu, deduceretur. Sperauit ille locum facile defendi posse præsijs in Isthmo angusta dispositis, qua reliquæ insulæ adiungitur. Cuilibet pediti c x x. iugera, cuilibet equiti c c x l. iugera, quæ d. iugeribus Anglicis respondent, concessit; pro quibus singulis singulos denarios quotannis dependerent. Sed optato successu caruit. Thomas enim filius cum Coloniam deduxisset, perfidia Neali Briani *Artho* interceptus & occisus erat. Nealum autem Malbeius Anglus qui Lecaliæ vicinæ præfuit, nullam iniustam necem perfido insidiatori afferri posse ratus, illicò occidit, & lupis vorandum reliquit.

Nescio an operæ pretium sit memorare, quòd historici nostri temporis omnes memorarunt, mense Novembri nouam Stellam, aut si mauis, Phænomenum conspectum fuisse in Cathedra Asterismi Cassiopeæ, quæ Iouem etiam in Perigæo Eccentrici & Epicycli, fulgore superauit, vt ipse obseruauit; eodemque loco diurno cœli motu circumlata, totos sedecim menses hæsit. In cœlesti, non elementari regione extisse ex Parallactica doctrina Thomas Digseius, & Ioannes Deius nobiles apud nos

MDLXXII.

O-Mori.

Colonia in
Ardes dedu-
cta.

Stella noua.

de Cassiopeia

MDLXXIII

*Theod. Bezz
vaticinium.**Classis His-
panica profligata.**Negotiatio
inter Belgas
& Anglos
restitut.**Elizabetha
Anglorum
damna resar-
cit.*

nos Mathematici eruditè demonstrarunt, sensimque ascendendo disparere opinati sunt. Post octauum sanè mensem paulatim extenuari omnes senserunt. Theodorus Beza, ad stellam illam quæ Christo nascenti præluxit, & internecionem infantium sub Herode, ingeniosè accommodauit, Carolumq; nouum Gallia Regem qui se Parisiensis lanienæ authorem fassus erat, vt timeret, hoc versiculo monuit. *Tu verò Herodes sanguinolente, time.* Nec vana quidem fide. Mense enim post Stellæ huius disparitionem quinto, ille sanguinis profluuium inter longos & graues dolores expirauit.

M. D. LXXIII.



Vm res Hispanica in Belgio admodū essent impedita, Flushinga amissa, Hollandia urbibus deficientibus, classeq; Hispanica (qua Dux Medinæ-Celi iussus cum Vitellio Chapino Pontificijs in Anglia, opem ferre) à Zelandis profligata: Albanus animum in Anglos æquiores nolens induit. Mense itaque Ianuario negotiatio, quæ inter Belgas & Anglos eodem mense anno MDLXVIII. interclusa fuerat, nunc tandem in biennium reclusa, capitaq; de quibus hac in re Bristolie conuenerat, mense Iunio ab Hispano confirmantur. Inter quæ hæc clausula. *Et si ad tempus mutua illa intelligentia & ætior amicitia fuerit obfuscata, nullo tamen modo vt intelligatur rupta aut dissoluta.* Quod si res intra præscriptum tempus per delegatos componi non potuerit, *dictus intercurfus finitis dictis duobus annis, cessabit.* Et tumultibus per Belgium incrudescen-
tibus, biennio quidem nondum expleto, paulatim cessauit, nouusque cum Ordinibus Fœderatis inceptus. Elizabetha autem (quod summo honori cessit) negotiatorum Anglorum damnis ex Belgarum bonis detentis, cumulatè satisfacit, cætera Albano reddidit, & cum Genuensibus Mercatoribus de pecuniâ intercepta, quæ pri-
mam

mam litis causam præbuerat, plenè transegit; cùm Albanus ex Anglorum bonis ne assem quidem Belgis reddiderit. Quodq; gloriosius, & subditis longè gratius, Angliam sub hoc tempus ære alieno, quod pater & frater apud exteros contraxerant, & scænebri malo admodum increuerat, liberauit, syngraphis Ciuitatis Londini toties renouatis, iam magna cum ciuium lætitia redhibitis.

Plurimum tamen molestiæ & Regine, & Ecclesiastico ordini facesserunt nonnulli ex ipsorum numero qui zelo feruidi, & nihil nisi puritatem Evangelicam spirantes, non solum Politiam Ecclesiasticam (vt Romana fœculentia impuram) quâ publicè, quâ priuatim concionando (etiam libros edendo, quos *Admonitionem ad Parlamentum, & Admonitionis Apologiam* inscripserunt) in calumniam rapuerunt: sed etiam sacra recepta adire recusarunt aliosq; sibi cultus diuini ritus efformarunt atq; vsurarunt. Adeò vt Regina istos tanquam homines inquieto ingenio, nouitatis auidos, & ad bene instituta conuelenda paratissimos improbens, ad schisma prævertendum seueritatem legis de *uniformitate publicarum precum* vbique abhiberi mandauerit. Libellosq; istos Episcopis, aut alicui è Consiliarijs Regijs in manus, sub pœna incarcerationis tradi, etsi Ioannes Whitgiftus, qui postea Archiepiscopus Cantuariensis eosdem solidè confutasset.

Prodiit etiam à rebellibus & profugis Anglis liber probrosus *Traëtatus de proditione* inscriptus, in quo Baconum Sigilli Custodem, & Cecilium Burghleium Regni Thesaurarium, proditionis in patriam accusarunt, vt odium apud Principem & populum conflarent illis, qui prudentia & industria sceleratos eorum conatus, & spem prauam præverterant, aut infregerant. Tantumque abfuit vt Regina istis accusationibus fidem habuerit, vt programme publicato easdem improbables, falsas, merasque calumnias declararit; nec alio consilio à professis veræ religionis & patriæ hostibus malitiosè esse confictas, quàm vt malis & occultis artibus regnum fidelissimis Consiliarijs orbarent. Quare monuit vt singuli libel-

Hh

lis

MDLXXIIJ

Patris et fratris debita soluit.

Nonatores Ecclesiam turbant.

Papista Rempub.

Bacon.

MDLXXIIJ
Eorum libel-
lus supprimi-
tur.

Gondij Le-
gatio.

lis istis fidem derogarent, negligenter, igni addicerent; nisi poenam seditionis fautoribus irrogandum subirema-
luerint. Veruntamen hi libri (insito humanæ curiositatis
vitio) quia prohibiti, lectitati; donec (quod fieri assolet)
spreti exoleuerint.

Superiori anno, mense Novembri, nata erat Carolo
Regi Gallorum filia, quam, ut è sacro fonte Elizabetha
fufciperet, Rex rogauit, tum ut illam sibi omni humanita-
tis officio firmitus retineret, tum ut Protestantibus in Gal-
lia omnem auxiliorum spem ex Anglia præcideret. Ad
hæc, & ad pecuniam mutuam sumendam Albertum
Gondium Radesianum (vulgò Comitem de Rhetz) au-
licum facundum in Angliam misit. Ille Regina, compo-
sita oratione persuadere conatur Parisiensem Ianienam,
(quam alij scelus, ipse remedium dixit) non in odium Re-
ligionis Protestantium, sed ad dissipandam coniuratio-
nem à Colinio Admirallo, & alijs initam, exarsisse; Re-
gem verò edicta Religionis sanctissime obseruaturum.
Illam obsecrat, ne querulis & pavidis sine causa homini-
bus aures patefaceret, sed pactum nuper foedus religiosè
seruaret, illosque ad Regis obsequium hortaretur, quem
experirentur clementissimum. Illa se memorem pacti
foederis pollicetur, nec Regem quicquam ab ea (quod
amantissimam confœderatam deceat) desideraturum;
De pecunia mutuò postulata, excusat. Nec ille de pecu-
nia nisi compositò egit, scilicet, ut, quam illa Regi nega-
vit, Protestantibus, si rogarent, non suppeditaret. Occa-
sionemq; sanè inde illa arripuit negandi pecuniam illis,
non immemor quàm mala fide secum in re pecuniaria
primo bello ciuili egerant. Pervicit Radesianus hac lega-
tione, ut Protestantes iam inde minorem gratiam & o-
pem apud ipsam aliquantisper invenerint.

Comitis Wi-
gorniensis in
Galliam.

Paulò post Guilielmus Somerfettus Comes Wigor-
niæ, cum Baptisterio ex solido auro in Galliam mittitur,
ut cum Mariæ Augustæ & Ducis Saubaudiaë procurato-
ribus, Baptismo filiaë Galli, Reginaë nomine sponsor inter-
esset. Quod cum comperissent piratæ Protestantes, Galli
&

& Belgæ (qui eum Catholicæ Religionis cultorem suspicabantur) parùm abfuit quin in traiectu intercoeperint. E socijs sanè navigijs vnum & alterum, vectoribus nonnullis cæsis, diripuerunt. Vnde Regina grauitè indignata Guilielmum Holstockum classis Regiæ* Censorem, cum paucis navibus armatis emisit, qui piratis captis, aut fugatis, & onerarijs nonnullis ab iisdem liberatis, maria purgavit. Cùm autem plurimi eorum operam Montgomerio, qui in Anglia tunc hæsit, condixissent ad opem Rupellanis obsessis ferendam; effectum est vt ille seriùs ex Anglia soluerit, & cum classe quidem tam exigua, vt nihil omninò præstiterit. Hinc Protestantes Galli in Angliam profugi, nimio plus commoti, in odium adversæ Religionis quosdam Gallos aduenas iniuriosius tractarunt, imò ferro aggressi sunt, & inter hos, famulos Flerij qui occultè in Angliam ab Alenconio de nuptijs venerat; ipsumq; Flerium Vidamus Carnutensis negotij ignarus, apud regios Consiliarios insimulauit, quasi ad tollendum è medio Montgomerium subornatus venisset.

Contrà Gallicus apud Reginam Legatus conquerebatur, Montgomerium Anglorum auxilijs contra fœdus, ad Rupellam navigationem suscepisse: & mercatores Anglos Rupellanis obsessis rem annonariam subministrasse. Cui illa, se fidem fœdere interpositam sanctè servare & servaturam respondit, auxiliares illos, piratas esse & extorres iniussu suo soluisse, signa eumentita prætulisse, atque vt in eos animaduerteretur, peroptavit. Ad hæc mercatores Anglos Burdigalæ duriùs tractatos, licentia non impetrata, Rupellam adnauigasse; id genus homines suo lucro vbique velificari: simulque rogauit vt pro Rupella commodior aliquis portus in Gallia ad eorum negotiationes assignaretur.

Gratissima Gallo fuerunt hæc responsa, Angliæ Reginam fidem servaturam, & à Protestantibus Galliæ iam esse alienam, adeò vt ab ea opem expectarent nullam. Hinc Gallus & mater illam animo magis magisq; amplexi sunt, quam verè amicitiam colere perspexerant, &

Hh 2

ad

MDLXXIIJ

*Piratis mare
purgatur.
* Controu-
ler.*

*Galli Gallos
malè tractās.*

*Legatus
Gallicus de
auxilijs in
Galliam mis-
sis queritur.
Regina se
excusat.*

*Solicitatione
de nuptijs
cum Alen-
conio.*

MDLXXIIJ

*Illa lubens
audir.**Ex duplici
metu.**Aulici con-
tra differunt.**Alenconio
cōneatus in
Angliam
veniendi
conceditur.**Submonetur
tamen ne
veniret.*

ad illam ab Alenconio plures literæ amatoriæ ex castris ad Rupellam sunt scriptæ, totoq; hoc anno nuptiæ sollicitè ambitæ, Gallo & matre obnixè intercedentibus per Mota-Fenellonium Legatum ordinarium & Castro-Novium siue *Chasteauneuf* eo nomine delegatum. Certè Elizabetham in serias de nuptijs cogitationes impulit duplex ex orbitate metus, hinc domestici contemptus, inde externarum molitionum, contra quæ maritum & liberos firmissima esse munimenta sibi persuaserat, & sæpiùs alijs dixerat. Contrà ab Aulicis in rem privatam intentis differitur. Religionem & æquitatem validissimam esse imperij munimenta contra omnia: Nec esse cur illa contemptum à suis timeret, quorum & res & spes in vna ipsa defiguntur, animi longa avorum serie devinciuntur, oculi virtutum splendore indies magis exhilarantur, & id genus alia Aulicis familiaria. Cum autem illa sæpiùs illud vsurparet, Plures solem occidentem negligere, palpones isti non destiterunt inculcare. Quis salutes solis clarè splendentis radios negliget, ut funestam & confusam minimarum stellarum simul exorientium (sic Competitores appellitarunt) scintillationem aspiceret?

Inter hæc Regina parens iterum atque iterum rogavit, ut filius Alenconius in Angliam liberè trajceret ad eam invisendam, quæ crebris fatigata literis, tandem assensum præbuit, modò nec fraudi, nec probro ille duceret, si re infecta rediret. At quamprimùm Elizabethæ subnotuit, Henricum Ducem Andinum eius fratrem in Regem Poloniæ esse electum, & Gallorum regem valetudine esse afflicta, per Edwardum Horseium Insulæ Vectæ Præfectum, Alenconium monet, ne præproperè Angliam adiret, rationesq; subiungit, ex laniena in Protestantes Religionis causa per Galliam inter nuptiales festiuitates immaniter commissæ, cum ille primùm nuptias ambiret, suspitionem apud Protestantes in Anglia enatam esse, nuptias has funestas fore. Eoq; magis, quòd ipse Alenconius protinùs ad Rupellæ obsidionem profectus, hostili contra Protestantes animo, & literis inde datis scripsisset, se tum demum Reginam inuisurum, cum Rupellam expugnatam viderit. Ut ira eius in Protestantium Religionem,

Religionem, quàm amor in Reginam inflammator videretur. Indeque quàm plurimos in Anglia suspicari, quasi venturus sit in Angliam ad nuptias ambiendas gladio eorum cruore intincto, qui eandem quam Angli, profitentur religionem. Quamobrem amicè & amatorie suadet, ut pacem in Gallia conciliaret, & studium in Protestantes insigni aliquo argumento prius declararet, quò gratior hospes & procus in Angliam veniret.

Pace postea in Gallia facta, & sua Protestantibus certis in locis religione permessa. Rex Gallia & Regina parens denuò nullam non operam dederunt, ut nuptiæ conficerentur (Alenconium etenim ut ingenio tortuoso, & ad res turbandas præcipiti, è Gallia submotum voluerunt) simulque Elizabetham rogarunt, ut si Andinus per mare Poloniam cogitaret, publica fide interposita, per Britannica maria navigaret. Quod illa non solum lubentissime concessit, verum etiam classem quæ deduceret, obtulit. Interim variolis laboravit Alenconius, quod mater eius per Gondium Radefianum Elizabethæ significavit, & per valetudinem, quò minus ille in Angliam veniret, excusavit. Gondius Cantuariæ Elizabetham offendit, quæ illum magnificè excepit. Quo tempore Matthæus Parkerus Archiepiscopus Cantuariensis in amplissima Archiepiscoporum aulâ, quam restaurauerat, diem natalem Reginae, septimum scilicet Septembris, celebrauit, inuitavitque Reginam, Gondium, Mota-Fenelonium, tanta nobilium conviuarum multitudine, quanta Anno salutis M D XIX Carolus Quintus Imperator, & Henricus Octauus eadem in aula conviuati fuerant.

In Scotia Iacobus Douglassius Comes Mortonij Scotiae Prorex in Comitibus Marriae locum, curante imprimis Elizabetha, suffectus erat, qui autoritate in Ordinem conventu constabilita, salutare leges ad religionem contra Pontificios & Hæreticos asserendam Regis nomine sanxit. Regis verò custodiam Alexandro Areskino, cum Comes Marriae (ad quem peculiari iure Regum Scotiae in tenella ætate custodia spectat) minor esset ætate, confirmavit his legibus, ut Pontificij & factiosi omni accessu exclu-

MDLXXIIJ

Gondius in
Angliam
redit.

Connio
excipitur.

Mortonius
Scotia Pro-
rex.

MDLXXII]

*Eum Gallus
opprimere
studet.**Elizabetha
defendere.**Et res Scosi-
cas compo-
nere.**Quibus con-
ditionibus.*

excluderentur, Comes cum duobus famulis, Baro cum vnico admitteretur, cæteri soli, & singuli inermes.

Gallus interim misso Viriaco, nullam non mouit machinam vt Proregem priusquàm inualesceret authoritas, supplantaret, & Atholium, Huntleium, & alios pretio proposito opponeret. Elizabetha contra obnixa, per Henricum Killegræum Scotos edocuit, Atrocem illam lanienam Parisiensem ex Pontificis Romani, Galli, & Hispani in Protestantium exitium coniuratione, perpetrata fuisse. Monuit itaque eos, vt nec Gallicis pensionibus corrupti, nec factionibus disiuncti viam externis copijs, quas Strozius ducturus credebatur, aperirent; sed fortiter vno animo se opponerent ad Religionem defendendam, quæ vnicum inter Anglos & Scotos concordiae vinculum: & ad Regem prouidè conservandum, vel in Angliam transmittendum, quò minus in Galliam subduceretur. Nihilominus nonnulli è Proceribus in captiua Reginae partes iurati, Regis, Proregisq; authoritatem omninò detrectarunt, donec Elizabetha sua interposita authoritate, Iacobum Hamiltonium Ducem Castri-Heraldi, Georgium Gordonium Comitem Huntleiae, qui inter eos erant primarij, opera Killegræi ad satis æquas condiciones perduxerit. Scilicet, vt religionem in Scotia constitutam agnoscerent, Regi se submitterent, nec non regimini Mortonij, & successorum eius in regimine; aliorum omnium authoritatem eiurarent: vt quicumq; contra religionem, Regem, vel Proregem aliquid molirentur, lege Parliamentaria proditores iudicarentur, vt sententiae contra Hamiltonios & Gordonios latae refingerentur, nisi illæ de cæde Morauij & Lenoxij Proregum, quæ Elizabethæ arbitrio relinquerentur. (Illa autem hoc ad Regem reiecit, ampliandumq; censuit donec Rex imperium per ætatem ex iure regni susciperet.) Vtq; singula crimina à xv die Iunij MDLXVII admissa, Lenoxij cæde excepta, veniam petentibus condonarentur. Visum tamen est ad securitatem tam Regis quàm Proregis, ne hic cædi exponeretur, ille in Galliam exportaretur,

taretur, vt Regina Angliæ publico instrumento fidem interponeret, nec Hamiltonios, nec alium quempiam de Proregum cæde in questionem, nisi illa consentiente, vocandos, aut bonis mulctandos. Quod etiam in Ordinum conventu ad publicam quietem tempore turbulento fundandam, sancitum. Has autem conditiones Guilielmus Kircaldius Grangianus (quem Castro Edenburgensi Moravius Prorex fide regis nomine accepta, præfecerat) Baro Humius, Lidingtonius, Episcopus Dunkeldensis, & alij qui iniquè cum Scotorum Regina agi existimarunt, nullo modo admittere voluerunt. Sed præfractis animis, Regis & Proregis autoritate sprete, Castrum illud Reginæ nomine tenuerunt & munierunt, vti Lidingtonio consultore, & freti prærupta loci firmitate, apparatu bellico (omnis enim regius apparatus ibi asseruatur) & promissis ab Albano & Gallo auxilijs, qui non nihil pecuniæ submiserat (cuius pars maxima ad *Blac-nessum* intercepta) & plus miserat, nisi diutina Rupellæ obsidione distentus fuisset. Cum hi ad nullas pacis conditiones nec pretio à Prorege proposito, nec Elizabethæ suasu, aut minis induci possent, quin castrum contra Proregem propugnarent, Urbem Edenburgensem iustitiæ sedem eiaculationibus & irruptionibus indies infestarent, & auxiliares copias è Gallia accersirent, Elizabetha quæ Gallos in Scotia nullo modo ferre poterat, tandem à Prorege exorata, copias, machinas, & apparatus bellicum ad Castrum expugnandum his legibus promisit.

Prorex nihil cum obsessis, Anglorum ductore inconsulto, transiget, nec ille vicissim, Prorege & regis Consiliarijs inconsultis. Si Castrum in Anglorum manus deuenit, Regi intra decem dies cum omni apparatu bellico, Vtensilibus, regni regisq; Commentarijs, & Archiuis tradetur; cætera oppugnantibus in prædam cedent. Angli nullum in Scotia locum munient, nisi cum consensu Proregis & Procerum. Prorex omnem quam poterit opem & com meatum Anglis præstabit. Obsessi, Castro capto, reseruabuntur, vt ex legibus in illos agatur, Regina tamen Angliæ prius consulta. Si qui Angli fuerint occisi, eorum vxoribus

MDLXXIIj

Grangius se
opponis.

Edenburgense
Castrum
defendit.

Angli ad ex-
pugnandum
missi.

Quibus legi-
bus.

MDLXXIIJ

Anglorum
auxilijs ob-
sidentur.

Le. w. c.

Deditur.

ribus & liberis stipendia in duos annos è rebellium bonis numerabuntur. Si qui vulnerati, stipendia etiam numerabuntur donec curabuntur. Tormenta Anglica, si qua pereant, sulphureus pulvis, & globi expensi, ex regio in Castro apparatu, aut rebellium bonis resarcientur. Et obsides decem in Angliam mittentur, in securitatem de copijs & tormentis remittendis, nisi fors belli communis interuenerit.

Ex his legibus Guilielmus Drurius Præsidij Berwicensis Marefcallus, cum tormentis aliquot maioribus, & militibus mille quingentis (inter quos fuerunt nobiles volones Georgius Carius, Henricus Carius, Thomas Cecilius, Henricus Leæus, Guil. Knolles, Suttonus, Cottonus, Kelwaius, Guil. Killegreus, & alij) Scotiam ingressus auxiliari Scotorum manu adiuncta, Castrum obsidione incinxit, postquam semel atque iterum deditionem Regis nomine frustra imperasset. Primum è quinque molibus aggestis quatuor continuis diebus in arcem effulminatum, & maximè in *Turrim Davidis* quæ post aliquot dies decidit. Impressione postea facta, propugnaculum quod *Spurr* nominant, captum, dum qui ex alterâ parte eodem momento arcem aggressi, non sine cæde reiiciuntur. Postridiè signo dato obsessi colloquium cum Drurio petierunt. Descendunt è castro funiculo demissi ipse Kircaldius, & Robertus Meluinus, Henrico Leæo & Flecco Scoto obsidibus in Castrum itidem acceptis. Postularunt ut vitâ & bonis liberè fruerentur, ut Humius & Lidingtonius, ob privatas quorundam inimicitias, in Angliam secederent, ut Kircaldius in Scotia maneret, si minus, bona cum venia discederet. Cum hæc non concederentur, sed tantum permetteretur ut milites inermes cum impedimentis abirent; perendie ob paucitatem Præfidiariorum, qui inter se discordes, vulnerati, vigilijs, & laboribus confecti, sine spe subsidij, necnon ob defectum aquæ (alter enim è fontibus ruinis maceriæ fuit oppletus, alter tormentis maioribus expositus) se suaque Regina Angliæ & Drurio die obsessionis xxxiii. in fidem dederunt: qui literis ex Anglia acceptis, Proregi

in Regis vsum Castrum cum omnibus dedititijs reddidit. E quibus Kircaldius, Iacobus eius frater, Mosmanus & Cokius aurifabri, qui pecuniam in castro adulterarunt, suspendio sublati: etsi ad Kircaldij vitam redimendam centum è familia Kircaldia obtulerint se fore in perpetua Proregis clientelâ, annuam pensionem 111 M. Marcarum, x x m. librarum monetæ Scoticæ propediem numeranda, & cautionem præstandam quòd ille in Regis obsequio iam inde fideliter persisteret. Humio, & cæteris in diversa castella dispersis, Elizabetha non sine clementiæ laude deprecante, parcitur. Lidingtonius Letham missus, vi morbi, nec sine suspitione veneni expiravit, vir inter Scotos maximo rerum vfu, & ingenio splendidissimo, si minùs versatili, quo nomine G. Buchananus æmulus eum viuentem scripto quodam cui *Camæleon* titulum fecit, vt Camæleonte mutabiliorem depinxit, nec non vt Regis auix, matri, Morauio, ipsiq; Regi & Patriæ hostem versicolorem asperrimè perstrinxit. Iam inde à bello intestino Scotia respiravit, & tam partium Duces, quàm milites in Sueciam, Galliam, & Belgium profecti magnam bellicæ virtutis laudem retulerunt.

Vt Anglia etiam ab internis (pro Regina Scotorum) molitionibus securior esset, Ioannes Lellæus Episcopus Rossensis, qui spectata fide, sed cum nonnullorum perniciæ, & plurium periculo, Regine suæ inseruierat, è custodia liberatus, & ex Anglia exire iussus, in Galliam se recepit malè sibi metuens à Southamptonio, quem in vitæ periculum suo indicio vocaverat, & ab Henrico Howardo Ducis Norfolciæ fratre, ad cuius iram leniendam, Apologiã pro se scripsit. Vix dum ille discesserat, cum occultus illius tabellio H. Cokinus apprehensus, & eius indicio Morganus detectus, qui ad occulta pro Regina Scotorum consilia erectus & agendi percupidus, mox aufugit. Atflous Pontificiorum archiater, Goodus Medicinæ Doctores, & Fran. Bertius, quòd clandestina literarum commercia cum ea habuerint, aliquot menses

MDLXXII)

Grangius
suspenditur.Lidingtonius
moriturPax Scotia
parita.Rossensis E-
piscopus ex
Anglia ex-
pellitur.

MDLXXIIJ

*Absens res
monas molis-
tur.**Albanus è
Belgio reno-
catur.**Requesenius
succedit.**Burchettus
morte affici-
tur.**Hawkins.*

in carcere erant detenti; & eadem de causa Henricus Godierus & Richardus Louderus in suspicionem vocati.

Rossensis interea nullum erga Scotorum Reginam fidelissimi subditi officium apud Imperatorem, Pontificem Romanum, Gallum, & Germaniæ Principes Pontificios, prætermisit, qui singuli spem fecerunt, nihil tamen prorsus præstiterunt. Sed hac in re incommodissime accidisse querebatur, quod Albanus in quo spem maximam collocarat, iam è Belgio discessurus erat, honesta missione impetrata, sub fucata incommodæ valetudinis reparandæ specie. Verum enimverò illum ad victoriam crudeliter progredientem, Hollandia ferè vniuersa in potestatem redacta, revocarat Hispanus, persuasus à Granvellano Cardinale, & Roderico Gomezio de Sylua hominis potentiam nimio plus invalescere, nomenque supra Principis attolli, & violenti imperij asperitate Belgas ad defectionem, imo desperationem adigi. Etsi sanguinarij nonnulli in Hispania non alium magis idoneum ad hoc bellum conficiendum, & Belgium in Prouinciæ formam subiugandum reperiri potuisse censerent. Qui, homines immites, misereri Regis videbantur si Aurasionensem & foederatos obfirmatis animis ad libertatem retinendam pervicaces, ab opibus firmos, & locorum situ tutos, in ordinem mansuetudine redigi speraret. Successor datus Lodovicus Zuniga Requesenius, Magnus Castiliæ Commendator, vir mitiori ingenio, qui omnibus officijs Elizabetham demerendi cupidus, suis intentus, rebus Scoticis aut Anglicis se immiscere noluit.

Vesana Petri Burchetti opinionem, qui sibi persuaserat, licitum esse Euangelicæ veritati adversantes occidere, nescio an memorem. Eò usque hominem huius opinionis error abripuerat, vt Hawkinsum classarium illum celebrem in publico pugione aggressus sauciarit, ratus Hattonum esse gratia tunc temporis apud Reginam florentem, & ab intimis consilijs, quem nouatoribus adversari audiuerat. Regina ad hoc facinus supra quam solebat,

lebat, ita excanduit, vt in hominem ex Iure Militari siue Castrensi, protinùs animaduerti iusserit, donec à prudentibus fuisset edocta, ius illud non nisi in castris, aut temporibus turbulentis adhibendum; domi autem & in pace ex processu iudiciarij formula agendum. In iudicium itaq; vocatus affirmauit quod fecerat, literis sacris consonum esse, ideoque licitum. Vnde hæreticæ prauitatis damnandus, opinionem renuntiare promisit, tergiversatus tamen noluit. Deinde in Arcem Londinensem coniectus, alterum è custodibus ligno è foco arrepto & in cerebrum impacto occidit, homicidijq; damnatus, dextra præcisa & ad patibulum affixa, reluctans, & silens, suspenditur.

Principio huius anni supremum spiritum edidit Guilielmus Baro *Howard Effinghamius*, Privati Sigilli Custos, Thomæ Howardi bellicosi illius Norfolciæ Ducis è secunda vxore Agnete Tilneia filius, vir fidei spectatissimæ & animi invicti, qui primùm Caleti Præfectus, in Baronum numerum à Regina Maria adscitus, & Magnus Angliæ Admirallus constitutus. Cui postea Cubicularius erat, vt etiam Elizabethæ, donec ætate fractus, Suffexio paucis ante obitum mensibus, cesserit, Priuati Sigilli Custos factus, qui in Anglia quartus est, vt dixi, honoris gradus. Successit in Baronix honore Carolus filius, qui postea Reginæ Cubicularius & Magnus itidem Angliæ Admirallus.

Obijt etiam haud ita post Reginaldus Greius, Comes Cantij, quem Regina, ante annum, è privato in honorem Comitis Cantij evocauerat, postquam ille titulus à morte Richardi Greij Comitis Cantij, qui patrimonium profligarat, maiorq; frater huius aui erat, annos quinquaginta iacuisset : successit verò in eo honore Henricus frater.

Nec tacendus Ioannes Caius Medicus celebris, patria Norwicensis, educatione Catabrigensis & Patauinus, hisce diebus defunctus, qui multa Galeni & Celsi Latine convertendo, & plura commentando, assiduam operam rei medicæ, & vniuersas opes Reipub. literariæ contulit,

MDLXXIIJ
*Ius Castrense
sine Mili.
tare.*

Guil. Baro
Howardus
Effinghamius
obiit.

Reginaldus
item Comes
Cantij.

Caius Medi-
cus.

MDLXXIIJ
Gonwelli
& Caij Col-
legium.

Turba in Hi-
bernia.

Perottus re-
belles coerces.

Comes Des-
monia è car-
cere euadit.

Comitis Esse-
xia in Hi-
berniam ex-
peditio.

adiungendo nouum Collegium veteri *Gonwelli Aula* Cantabrigiæ, & XXXIII. studiosos perpetuò alendos. Vnde Gonwelli & Caij nominibus in vnum Collegium coaluerunt, in quo ille tumulatur cum hac Epigraphe, FVI CAIVS.

In Hibernia *O-Conori*, & *O-Mori* familiæ quietis impatientes contractis prædatorijs turmis, atrociter grassati, Athlonum ad Sineum flumen diripuerunt, & incendunt. Sed quò minùs copias cum rebellibus in Momonia coniungerent, obstitit Io. Perottus Momoniæ Præses, qui Iacobum *Fitz-Moris* & *Fitz-Edmunds* Imokellia Seneschallum rebellantes ita assiduus incurfibus exagita- uit, pluribus cæsis, & Castello Maino cum præfidiarijs Gallis expugnato, vt adigeret in templo ad Kilma locum i. *S. Malachia Cella*, criminum gratiam submississimè exposcere. Eodemque tempore Comes Desmonia cum Ioanne fratre, qui rebellionis illius authores, in Hiberniam ab Edwardo Fittono ex Anglia reducti, in carcerem Dublinia conijciuntur, è quo tamen breui eruperunt.

In Vltonia Brianus *Mac Phelimus*, qui magnam partem regionis Clandeboia vsurpauerat, oppidum *Knoc-Fergus* i. *Fergusij rupem* incendit; & alij eo tractu tumultuari cœperunt. Contra hos *Walterus D'euerex* (quem Elizabetha nuper Essexia Comitem creatat,) expeditionem postulat; illis vsus consultoribus qui eum longiùs abesse, & in pericula, speciè honoris, præcipitare primis votis habuerunt. Quod illum haudquaquam latuit. Verùm vir impiger, & qui animum ab ineunte ætate bellicis studijs imbuerat, propositi tenax cum Regina transigit, vt, quibusdam cautionibus, pars altera Clandeboia, si rebelles submoveret, sibi & suis commilitonibus cederet: ad quam tuendam Equites c c. Pedites c c c c. suis sumptibus aleret, & in belli apparatus decem millia librarum monetæ Anglicæ à Regina, prædijs in Essexia oppigneratis, mutuò sumit. Guilielmus *Fitz-Williams*, Hibernia Prorex, veritus ne tanti Comitis splendor suo in Hibernia lumini officeret, Reginem monet ne mittatur, nescio quam vni-

vniversæ Vltoniæ defectionem sibi comminiscens. Veruntamen Essexius mittitur, atq; vt Proregi suus honos & autoritas constaret, Diploma à Prorege accipere iubetur, quo Vltoniæ fieret Gubernator, quod seriùs, nec sine importunis efflagitationibus impetravit.

Ad *Knoc-Fergus* graui tempestate iactatus, præcipiti Augusto appulit cum Darcio & Richo Baronibus, Henrico *Knolles*, & quatuor eius fratribus, Michaelē & Ioanne *Carijs*, Henrico, Guilielmo, & Ioanne *Norrisijs*, & tumultuaria militum manu. Priusquàm appulerat, Brianus *Mac-Phelimus* armenta, opes scilicet suas, in interiora abegerat (pecorum enim, præter oves & porcos, triginta millia numerabat.) Appulso gratulatur, & omne studium benignissimè defert, vti etiam *Mac-Gilespicus*, *Mac-Guilus*, Hugo Baro *Dunganoni*, alijq; Dynastæ circumvicini. Ille *Mac-Phelimo* rebellionis crimen condonare promittit, & beneficentia astringere studet. Verùm iste mox deficit, & ad Turloghum *Leinigh* se cum suis subducit; inde velitationes assiduæ aduersus Anglos. Baro Richus privatis negotijs avocatus in Angliam post mensem redijt, Henricus item *Knolles* ob valitudinem affectam, pluresq; indies alia atque alia causantes, ex inculta illa regione se sensim subduxerunt. Essexius grauitè apud Reginam & amicos literis conqueritur commilitones nobiliores languescere, expeditionem serò fuisse susceptam, annonam seriùs advectam, eamq; corruptam, gregarios milites inconsideratè delectos, eorum plures perijsse, *Mac-Phelimum* defecisse, idq; Pierfij Angli militum ductoris (qui priùs in hac parte inter Hibernicos dominatus erat) versutiâ, imo perfidia. Se belli expensis imparem esse, Proregem nondum Diploma misisse, adeò vt nullam auctoritatem in finitimas gentes posset exercere. Reginam itaq; precatur, vt rem suo ipsius nomine & imperio susciperet, quamvis ille alteram expensarum partem refunderet.

Postea Suffexium, Leicestrium, & Burghleium obsecrat, vt apud Reginam intercederent, vt illa c Equitibus, &

MDLXXIIJ

A suis defertur.

Difficultatibus affligitur

MDLXXIIJ

& d c peditibus stipendia numeraret, & *Maiam* peninsulam sibi concederet. Cùmq; Regina Essexium ex Vltonia revocare apud animum statueret, tumultibus in Momonia emergentibus, Leicestrius & alij pervicerunt ne revocaretur. Iussitq; Prorex, vt dum ipse in Desmonium è custodia cōtra fidem datam elapsus moueret, Essexius ad limites Vltoniæ accederet. Quod etiamsi graue erat, qui iam in *Clandeboia* munitionibus firmandis totus erat, paruit tamen, imo & in Momoniam profectus cum Kildario Desmonium ad pacem colendam persuasit, qui haud multò post se submisit.

Iam Essexius authoritatis Diplomate accepto, in Turloghum *Leinigh* longum suscepit iter, & *O-Donellus* se adiunxit. Cono autem *O-Donello* Turloghi genero, qui sub illo merere noluit, Lifferum castrum abstulit, & Hugoni *O-Donello* cōcessit, Turlogho interim tempus colloquijs protrahente, donec Essexio necessariò fuerit redeundum. Qui vt corpus laboribus & curis tota æstate fregerat, ita iam hyeme ingruente, altius cum animo reputat, qua ratione Vltonia tam diu neglecta, & efferata ad humanitatem revocaretur. Et re maturè deliberata docuit, si tria oppida Reginæ expensis, & decem propugnacula collatitia commilitonum pecunia in locis opportunis, quæ designaverat, construerentur, supra septem millia librarum monetæ Anglicæ quotannis colligi posse, nec post biennium regio præsidio opus fore.

Dum his & huiusmodi de re annonaria salutaribus studijs totus vacat, parùm aberat, quin ab Hibernicis opprimeretur. Brianus enim *Mac-Phelimus* qui Morum Anglum militum ductorem ex insidijs nuper peremerat, cum Turlogho & Hebridianis Scotis in eius perniciem coniuraverat. Quod vbiprimùm ei innotuit, illos non expectare, sed adoriri consultissimum ratus, tam animosè aggressus est, vt ducentis Hibernicorum cæsis, Brianum, Rorium *Oge* fratrem eius vterinum, & Briani uxorem cœperit. His negotijs in Hibernia annus, nullius bono, sed magno Essexij damno, protruditur: necnon insigni detri-

Mac-Phelimus
capit.

detrimto Chatertoni nobilis Angli, qui certis quibusdam cum Regina conditionibus Colonias Anglorum in *Fues*, & *O-Hanlani* territorium vicinum deducere infeliciter in se receperat.

MDLXXIV

*Chatertoni
irritus cona-
tus.*

M. D. LXXVIII.

Primo anni mense Franciscus Alenconius per literas amoris plenissimas & Maueiseirum Galli Legatum, vehementius quàm antè agitat, vt fide publicâ in Angliam veniret, & Elizabetham, quàm absens omni amore & honore prosequeretur, præsens saluaret. Illa efflagitationibus evicta cessit, licet aliud submoneret; fideq; interpositâ concessit, vt quandocunq; libuerit ante xx Maij, veniret, nec quicquam humanitatis desideraturum quod ab amantissima Principe expectari posset, prolixè promisit. Certè ardentiori amore & benevolentia iam prosequuta est, postquam illum infensiori animo in Guisios iuratos sibi hostes, exploratè comperisset. Verùm priusquàm hoc responsum Alenconio relatum, Valentinus Dalus Legum D. in Gallia Legatus (qui Walsinghamio iam Secretario suffectus) significavit Alenconium & Navarrum rerum novandarum suspectos teneri. Regina enim parens, vasti animi foemina, suspicari coeperat illum cum Navarro, Momorantio, & alijs occultè moliri, vt si quid humanitùs Regi accideret, ipsam à rerum administratione amoverent; suspicionemq; auxerunt Guisij suggerentes, Alenconium filium non ita pridem Colinio. Protestantium in Gallia antesignano intimo amico clam vsum fuisse. Alenconius interrogatus, inter alia vltro confessus est, se iam aliquandiu nuptias cum Regina Angliæ ambijsse, ad quas cum Colinij amicitiam vsui futuram existimaret, subinde de iisdem, & bello Belgico cum eo verba habuisse. Nihilominus ei & Navarro custodes apposit. Thomas autem Wilkesius, Dalo ab Epistolis, clan-

*Alenconius
Elizabethâ
inuifere petiit**Ille annis.**Ille domi
suspectus.**Custodia
datur.*

MDLXXIV
Illa solatur.

Carolus IX.
moritur.

*Baronis
Northi ad
Henr. III.
Legatio.*

*Ille & mater
Alenconium
Angla com-
mendant.*

*Scotia ta-
men Regina
contra Pro-
regem fa-
nent.*

clandestinò vtrumq; accessit, Reginaq; nomine conso-
latus spondit eam nullam illos leuadi, iuvandiq; occa-
sionem prætermitturam. Quod mox sagax illa vetula
deprehendit, Wilkesiumq; ita exagitavit, vt necessariò
in Angliam se subduxerit, querulisq; literis ita persequu-
ta, vt remitteretur in Galliam, & culpam supplex depre-
cetur. Huius consolationis Navarrus non immemor,
cùm iam Rex Galliae post xxv annos eum in Norman-
nia videret, dignitate equestri exornauit. Deinde Tho-
mam Randolphum Elizabetha in Galliam ad Reginam
matrem legavit, vt si fieri posset, Alenconium filium &
Navarrum in pristinam gratiam reconciliaret. Sed prius-
quàm ille in Galliam appulit, Carolus Rex diem obiit
vltimam, cui exequiarum iusta in Templo Paulino Lon-
dini summo cum honore persoluta.

Vbi primùm Henricus eius nominis Tertius, Rex
Galliarum è Polonia in Galliam successor rediisset, Ro-
gerus Baro Northus in Galliam mittitur qui Regnum &
reditum novo Regi congratularetur, Galliae intestinis
bellis convulsæ condoleret, pacem & edictorum obser-
uationem suaderet, Alenconium in gratiam reduceret,
odium in Momorantium, & Cossæum leniret, & benefi-
centiam in Charlotam Borboniam, Monpensierani Du-
cis filiam, quæ in Germaniam religionis causa se sub-
duxerat, excitaret. Verùm ille nihil effecit, cùm Gallia
quasi fato impulsæ, in bellum funestum præceps rueret.
Nihilominus Rex & mater iunctis literis Gardam in An-
gliam mittunt, qui matrimonij negotium pro Alenconio
filio prosequeretur. Illum enim iam excandescens,
quòd indignè tanquam captivus à matre circumducere-
tur, & arcana consilia cum Politicis in Gallia consocian-
tem, in Angliam ablegare spe nuptiarum cogitarunt, vt
iuuenis animum à belli & partium studijs diverterent.

Interea tamen nihil non clandestinis artibus in Scotia
egerunt, vt tenellus Rex in Galliam transmitteretur, &
Mortoni Prorex de gradu deijceretur; Scotis è Galli-
co satellitio ad hæc in Scotiam submissis. Et hoc Scoto-
rum

rum Regina percupijt, persuasa si filius extra periculum in Gallia esset, secum & Catholicis in Anglia mitius actum iri. Hinc enim illa futurum putavit, vt Anglica in Scotia factio, regij nominis autoritate hætenus subnixa, protinùs labasceret: & Angli tam è Gallia, quàm è Scotia indies ab eo, vt magis magisq; adolefceret, timerent. Nec minùs Galli hoc exoptarunt, subueriti ne Scotiæ Prorex Anglis devotissimus antiquum illud inter Gallos & Scotos fœdus dissolueret. Nihilominùs cum ille efflagitaret, vt fœdus mutuæ defensionis inter Angliam & Scotiam contra externos iniretur, minimè exauditus erat; forsitan quòd simul efflagitauerit, vt annua pensio sibi & quibusdam Scotis assignaretur. Illi autem exauditi sunt, qui tenui suspitione perstrinxerunt Regnam Scotorum, Salopiæ Comitissam, & etiam ipsum Salopiæ Comitem, quasi nuptias inter Carolum Regis Scotorum patrum (cui Rex Lenoxiæ Comitatum nuper in Parlamento confirmauerat) & Elizabetham Candisham, Comitissæ Salopiæ ex priore marito filiam, Regina inconsulta, confecissent. Quo nomine vtriusq; mater, alijq; in custodia aliquantisper detenti, & in Scotorum Reginam culpa omnis conijcitur.

Quò tenderent hæ nuptiæ, cum variæ enascerentur suspiciones, Henricus Comes Huntingdoniæ Præses Concilij in partibus Septentrionalibus cum novis documentis, & arcanis ad hanc rem, constituitur. Hic Magistratus qui iam honoris plenus, ex tenui origine ad tantam magnitudinē brevi emicuit. Vt enim libero breviq; digressu, quæ accepi, posteris tradam. Cum regnante Henrico Octavo, post Septentrionalium de Monasterijs subvertendis rebellionem consopitam, Dux Norfolciæ his partibus hæreret, multaq; querelæ de iniurijs in rebellionem deferrentur; ipse alias composuit, aliasq; sub sigillo suo viris prudentibus componendas commendavit. Quod cum Rex comperisset, peculiare sigillum quo in his causis vteretur, misit; idemque Duce revocato, Tunstallo Episcopo Dunelmensi cōmisit, atq; *Assessores*

K k

con-

MDLXXIV

*Angla cum
negligit.*

*Delatoribus
contra Sco-
tam credit.*

*Comes Hun-
tingdoniæ,
Præses Con-
cilij Septen-
trionalis.*

*Huius Con-
cilij origo.*

MDLXXIV

constituit cum authoritate *ad audiendum & terminandum pauperum querelas*. Ille tum primus omnium *Præses* nominatus, successorumque authoritas iam inde plurimum invaluit.

Vestium luxus coercitus.

Summus vestium luxus his temporibus in Angliam se infuderat, & patrius cultus peculiari gentis imitatricis vitio ita sordescibat, ut homines nova vestium forma, & apparatu nimis splendido, animorum deformitatem & insolentiam quandam proderent, dum sericati auro & argento, vel intexto vel bracteato rutilantes passim volitarent. In hunc luxum cum Regina observasset magnam vim pecuniæ ad sericum & alias exoticas merces quotannis è Regno, publico Reipublicæ incommodo, evehi; & plures ex nobilitate qui usus essent Reipub. aliosque; ut nobiles viderentur, privato damno non solum patrimonium profunderent, sed etiam ita æs alienum conflare, doloque malo uti, ut necessario in laqueos legum inciderent, & rebus novis studerent, cum sua prodegissent; licet ex legibus Henrici VIII. & Mariæ in hos agere posset, & inde magnam pecuniam exigere, ex imperio tamen agere maluit. Edicto itaque; imperat, ut quilibet intra XIIII dies vestitum ad præscriptam rationem conformaret, ne severitatem legum evocarent, & ipsa in aula incœpit. Sed temporis malignitate, & hoc edictum, & leges superbo huic luxui paulatim cesserunt, qui semper insolentior renascebatur; unaque; conviviorum luxuria irrepsit, & ædificiorum splendor. Plures enim & Nobilium & privatorum villæ, elegantia, laxitate, & cultu conspicuæ, iam passim in Anglia surgere cœperunt, quam alio quovis seculo, magno sanè regni ornamento, verum hospitalis gloriæ detrimento.

Anglia ædificijs ornatur.


Angli in Hollandia fusi.

Anglis, qui sub Edwardo Chestero & Gainsfordo in Hollandia militabant, hoc anno alijs virtus, alijs successus defuit. Qui enim ad Valkenburgum in præsidio erant, stationem deseruerunt, & postea hosti se dediderunt. Quibus tamen paritum est, ne Elizabetha classi Hispanicæ Belgium per Mare Britannicum petenti, receptum &

& com meatum negaret. Alij ad Goudæ-Sclufam siue Emissarium, cū post acre certamen Hispanos animosē repulissent, ex improvisò ab hoste qui flumen transnatarat, oppressi, & de præsidio deturbati, ducentis cæsis & tribus signis captis.

Nescio an operæpretium sit hæc minutiora memorare, piam quorundam ministrorum Londinensium credulitatem hoc anno à puella illusam, quæ se à Dæmone obsessam simulabat; Vastum Cete ad littora Taneti Insulæ aquis destitutum, cuius longitudo x x vlnis nostratibus, latitudo à ventre ad spinam dorfi x i i i pedibus, interstitium inter oculos x i pedibus mensurabatur; Tamisim fl. æstu bis intra vnam horam accedente refluxisse, fumantes igne nubes mense Novembri à Septentrione in Meridiem glomerasse, & nocte insequente cœlum ardere visum, flammis ab Horizonte in verticale punctum vndique concurrentibus. Hæc brevi digressionem pauculis memorasse mihi non sit culpæ, cū etiam historicorum gravissimi huiusmodi pluribus memorarint.

M. D. LXXV.

 ENRICVS III. Rex Galliarum è Polonia reversus, & iam Rhemis inauguratus, nihil prius habuit, quàm foedus Blesense inter Carolum fratrem & Elizabetham Anno M D LXXII initum, Sacramento & subscriptione confirmare, & Valentino Dalo Legato Ordinario tradere, quod itidem illa ratum habuit ad S. Iacobi propè Westmonasterium. Paulò tamen post ille literis percunctatus, an *mutua defensio contra omnes* in illo foedere memorata, causam Religionis comprehendat. Cui, cū illa disertè respondisset, comprehendere, & se præstò futuram ad mutuam defensionem contra omnes, etiam in causa religionis, si ex lege foederis requiratur. Ille ad bella contra Protestantes se accinxit, & Alenconio in adversas partes tracto,

MDLXXV.

*Ministri illusi.**Cete eiectum**Tamisifluxus insolitus.**Cœlum ardere visum.**Fœdus Gallicum renouatur.**Bellum in Gallia accensum.*

MDLXXV.

tracto, altum & diuturnum de nuptijs subsecutum est silentium. In Alenconij tamen gratiam Elizabetha grandem pecuniam Casimiro ad Equites Germanos in Galliam ducendos contra publice quietis perturbatores subministravit.

His Gallicis dum illa intenta, interuenerunt Belgicae, Lodovicus Zuniga Requesenius, qui Albano successit, totus erat ut maritima, si posset recuperaret, quae, Albanus insigni in tanto Duce errore, neglexerat, unde bellum Belgicum tot annos protractum. Cum autem à re classaria minus esset instructus (naues enim Hispanicae, quae Anglorum auxilio in Flandriam paulò antè eo consilio erant perductae, foeda tempestate laceratae perierant) Boisshotum in Angliam misit, ut cum bona Reginae venià naues & classarios contra Hollandos & Zelandos conscriberet, quod non impetrauit. Noluit enim Regina suas naues & classarios aliena in causa periculis obijcere, publiceque vetuit, ne quis naues armaret, nisi ipsius obtenta licentia, nec classarij Angli sub alijs Principibus mererent. Rogauit itaque Boisshotus, ut non iniquè ferret, si Angli in Belgio exules navali bello contra Hollandos Hispano militarent, utque ejusdem Angliae portus liberè accedere, & commeatum numerata pecunià accipere liceret. Illa haudquaquam probavit, ut Angli isti rebelles (sic enim vocavit, quos ille exules) Hispano militarent, imo nec Requeseniū illos gratia prosequi speravit, certè ne prosequatur, rogavit, nominatim verò Thomam Coplæium. Hunc enim titulis *Magni Magistri Mose, Domini de Gatten, & Roughtey* oneratum, ad Anglos & Belgas deprædandum Hispani emittere cogitarunt. Portus autem suos rebellibus & iuratis hostibus aperire, nihil aliud nisi extremae esse dementiae. Boisshotus ut æquiora ferret, Hispani nomine postulavit, ut Belge Hispano rebelles ex Anglia ejicerentur. Abnuvit illa, quandoquidem quos ille rebelles appellabat, nullius essent notæ, tenues & miselli quidam, qui nihil moliti erant, sed belli terrore patriâ & patrimonio spoliati in Angliam confugerant, quos

Requesenius
naues ex Anglia frustra
petit.

quos tortori in manus tradere inhumanum planè esset, & contra ius hospitij. Atq; illi in memoriam revocavit quàm perniciosum fuerit, rebus Hispanicis in Belgio, cum rogante Albano, Belgas Anglia excedere anno M. D. LXXII. iusserit. Tunc enim Marcanus Comes cum alijs ex Anglia soluere iussi, Brielam coeperunt, & bellum illud suscitarent. Veruntamen ne ab antiquo Burgundico foedere recedere videretur, (quod Hispanus cum illa tamen confirmare abnuerat) publicato programme imperavit, ne armatæ Belgarum naves Angliæ portibus egrederentur, neque Belgæ, qui arma in Hispanum induerant, Angliæ portus ingrederentur, expressè Princeps Aurasionensis & qui ex eius familia, Comites Culenbergius, Berghanus, Marchanus, & quinquaginta alij ex ea factione nominatissimi. Et hoc quidem libentiùs, quandoquidem Requesenius Wilsono Legato Anglico intercedente, Westmorlandiæ Comitem, & alios Anglos ex Belgicis Hispani ditionibus emovisset, atq; Anglorum Duaci Seminarium dissolvisset, pro quo alterum Rhemis, Guisij curante Gregorio XIII. Pontifice Romano statuerint.

Aurasionensis, cum se Hispani viribus imparem sentiret, & ex Anglia nihil boni speraret, consilium cum suis instituit, ad cuius fidem se conferrent. Cumq; oculos animumq; ad Gallum conijcere Elizabetha accepisset, primò Danielē Rogerium misit, qui dissuaderet Quod cum non posset (cum Colinio enim Galliæ Admirallo, & Gallo prius hac de re egerat) Henricum Cobhamum, Baronis Cobhami fratrem, ad Hispanum mittit, qui edoceret, quanti sit discriminis si Hollandia & Zelandia ab ipso ad Gallum deficerent, suaderetq; quantis poterat rationum momentis ut bellum pace mutaret, qui adnuere visus est, simulq; Requesenio per Robertum Corbettum eadem significat. Nec destitit Aurasionensem ab incepto demovere per Ioannem Hastinum, sed Vilerio Gallo Ecclesiaste obnitente, nihil perfecit, qui pauperculus obtrita lacerna in Angliam venerat, sciens dico, & col-

MDLXXV.

*Imperat ne
Fœderati
Belge in An-
glia portus
admittantur.*

*Anglos re-
belles e Belgio
emouet.
Seminarium
dissoluit.*

*Aurasionensis
ad Gallorum
fidem consu-
gere cogitat.
Angla dissua-
det.*

Rogers.

MDLXXV.
Villerius
suadet.

Fœderati de
Protectore
deliberant.

Ad Anglam
confugiunt.

collatitia stipe ex prælectione Theologica ditatus, veritus ne Aurasionensis Anglos respiceret, inter alia asseruit, quod & scripto prodidit, Elizabetham, virum militarem, cuius virtuti & fidei exercitum committeret, præter Suffexium habere neminem; & eum Protestantium religioni minùs benevolum. Inculcavit etiam quod à Colinio audiuerat, Anglos, si pedem in Belgio figerent, pristinum in Gallos odium resumpturos.

Veruntamen intestina apud Gallos bella omnem spem auxiliorum è Gallia Aurasionensi & Belgis præciderunt. Vnde ad cuius fidem & auxilium confugerent, novam instituunt deliberationem. Principes Germaniæ ab Hispanis iam animo esse averso nouerant, sed in commune non consulere, pecuniam parcè dispensare, cum Belgis in Religione non vndiquaque convenire, & Imperatorem Hispano agnatum impedimenta obiecturum. Gallos bello domestico ita implicatos viderunt, vt nullum finem prospicere possent; prætereà inveteratas inter Belgas & Gallos similtates intercedere, Brabantos, Flandros, & vicinos populos Gallis, quantum potuerint, obstituros: eorum Imperium esse acerbum non minùs ac Hispanorum; Galliaq; portus Belgarum nauigationi minùs opportunos. Anglos verò quasi sub eodem Paralelo, eiusdem cum illis esse ingenij, religionem planè eandem, linguam haudquaquam diversam, Regionem esse vicinam, portuosam, navigationi commodam, mercimonijs copiosam; Reginam terra mariq; præpotentem, mitem, benignam, immunitates conseruaturam, eiusq; Imperium temperatum, nec exactionibus graue futurum, differuerunt.

Mittuntur itaq; in Angliam Philippus Marnixius à Sancta Aldegonda, Ianus Douza à Nortwico, Guilelmus Nivellus, Paulus Busius, & D. Melsenus, qui splendida legatione & diserta oratione Reginae Hollandiam & Zelandiam vel possidendas, vel protegendas offerunt, utiq; Principi ex Hollandiæ Principibus prognatae, per Philippam Edwardi III. vxorem, filiam Guilielmi Bavari tertij,

tij, Hannoniæ & Hollandiæ Comitum, per cuius alteram sororem hæreditarium ius illarum Provinciarum ad Hispanum devenerat. Illa hæc libenter & perattentè audiit, primumq; causam quam contra Regem & Dominum susceperant, Hispani inimicitias, Galli æmulationes, expensas belli ingentes & casus ancipites; necnon quantà in offensa sit huiusmodi exempli insolètia, animo deliberatè perpendit. Tum dubitavit an ius sibi per Bauaricum genus in Hollandiam & Zelandiam competeret, atq; an cum alterius Principis subditis protectionis fœdus inire liceret. An etiam illi hoc iure possent, sine Cæsaris consensu qui *supremus Feudi Dominus*. Deinde haud credit quod nonnulli auribus inculcarunt, regiones illas ex subditorum electione non iure hæreditario Hispani maioribus obvenisse. Denique re maturè deliberata, respondit postquam de perspecta Aurasionensis, & ipsorum benevolentia gratias egisset; nihil sibi antiquius esse, quàm fidem cum honore coniunctam, & Principe dignam tueri; necdum sibi constare, quomodò saluo honore & conscientia integra, posset Prouincias illas oblatas in protectionem, multò minùs in possessionem accipere. Cæterum apud Hispanum sedulò acturam, vt pax fœliciter coalesceret.

Ioannes Perenottus Champignius Cardinalis Granvellani frater, iisdem diebus à Requesenio ad Elizabetham advenerat, qui eam de fœdere inter Angliam & Burgundiam observando modestè monet, & ne se rebus Belgicis interponeret, obsecrat. Illa, etsi fœdus illud Hispanus confirmare abnuerit, se servaturam promisit: suo tamen honori & incolumitati consulturam, si pristina Imperij Burgundici forma immutetur, & externi milites indies in vicinam provinciam tanto numero admittantur.

Priusquàm Champignius domum rediisset, Requesenius diem obierat, & confusa rerum facies in Belgio mox visa; militibus ferro & flamma vbique grassantibus, & Brabantia Flandriæ, &c. Ordinibus pristinam in Republica

MDLXXV.

*Illà de re
meditatò de-
liberat.*

Reijcit.

*Champignij.
Legatio.*

*Requesenius
moritur.*

MDLXXV.

*Angla res
Belgicas
componere
sudet.*

*Tumultus
in Scotia
limite.*

Forster.

*Heronus
occiditur.*

*Angli captivi
abducti.*

publica administranda auctoritatem resumentibus. Quam Hispanus etiam ex necessitate illis confirmavit, donec Ioannes Austriacus, quem Gubernatorem destinaverat, adveniret. Ad hos Elizabetha Guilielmum Davisonum legat, qui ad studia pacis diligentissimè hortaretur, sedulo sollicita, ne quid incommodi Hispanus pateretur, utque Belgicas Provincias factas tectas eidem quantum posset, conseruaret. Verùm Hispano milite atrociter tumultuante, nihil effectum.

In Anglia placida erat toto hoc anno quies, nisi quod in medio limite Scotiam versus, fortuitus acciderit inter collimitaneos, mense Iulio, hac occasione, conflictus. Ioannes Forsterus vir equestris Ordinis, Medij Limitis Praefectus, necnon hoc tempore Berwici Gubernator, infra dignitatem descendit in colloquium ad *Redsquirum* montem cum I. Carmichello Liddisdaliae in Scotia Custode. Nec enim Praefecti nisi cum Praefectis, & Custodes cum Custodibus, ut dignitate pares convenire solebant. Vtrumq; comitabantur, praeter quosdam nobiles, armata multitudo praedonum & maleficorum ex utroq; limite, pleriq; inveteratis & capitalibus inter se odijs dissidentes. Hi ex more equis circumquaq; ad pabulum dimissis, circumfundunt Praefectum & Custodem; quos cum de praedonibus redhibendis in verba asperiora prorumpere audirent, & ipsi quibus nullum ius nisi in armis, dum singuli malè conscij redhiberi timerent, rixâ de calcari surrepto exortâ, ad arma tumultuariò proruperunt, & quisq; in hostem peculiarem, quem oderat, involavit aut equos in praedam rapuit. Scotus an Anglus incoeperit, incertum est. Primo congressu Angli Scotos repulerunt & Carmichellum coeperunt: sed cum securi ad praedam & nugivendulos diripiendos se converterent, auxiliari Scotorum manu è Iedburgo adveniente, Carmichellus evasit, Angli fugati, Georgius Heronus vir Ordine Equestri, Tindaliae & Rhedesdaliae Custos, alijque occisi. Ipse Praefectus Forsterus, Franciscus Russellus Comitis Bedfordiae filius & Forsteri gener, Cuthbertus

tus Collinwoodus, Iacobus Oglus, Henricus Fenwickus, & plures alij capti, atq; in Scotiam usq; ad Dalkeitham, ubi Prorex egit, abducti, qui eos omni humanitate exceperit. Sed aliquantisper detinuit, veritus ne mox dimissi, sanguine ob recentem amicorum eadem iam ebulliente, in ultionem exardere, & belli incendia inter regna excitarent. Nec dimisit, nisi fide chirographis data, se ad diem statum in Scotia sistendi.

Ut certis nuntijs Elizabetha hæc intellexit, illa si unquam aliàs ira & stomacho plena, indignissimè tulit, Scotos, qui (ut ipsa dixit) sibi & Anglis libertatem & tranquillitatem debebant, pace violata, Anglos in Anglia invasisse, occidisse, Limitis Medij Præfectum, eundemq; Berwici Gubernatorem, & alios coepisse, in Scotiam captivos abduxisse, nec dimisisse priusquam de reditu chirographis cauissent. Hæc singula ut in Anglici nominis, & sui honoris contumeliam summa cum iniuria facta accepit. Eoq; magis quod Prorex constituisset ut de hac re intra Scotiæ limites inquireretur, & proposuisset an Delegati convenirent armati. Hoc verò animi hostilis, illud ambitiosi videbatur, scilicet ut Prorex Scotiæ, Reginae Angliæ locum conveniendi præscriberet, cum illa Moravio Proregi non ita pridem locum conveniendi apud Eboracum præscripsisset. Nec Prorex territus satisfacere poterat, donec inermis ad *Bondenrod* in ipso regnorum colimitio Huntingdonium Angliæ Delegatum conveniret, conceptissimis verbis cicatricem hanc optimis officijs obducere promitteret, & ad Anglici nominis honorem resarciendum, Carmichellum sibi charissimum in Angliam transmitteret, qui Eboraci aliquandiu in libera custodia detentus, & postea domum cum honore, nec sine donis remissus. Culpam enim in Forstero resedisse deprehensum erat, dum ille insigni malefico plus nimio patrocinaretur. Ita redintegrata inter Reginam & Proregem gratia, nec iam inde eius in amicitia constantia; unquam defuit, qui utriusque regni commodo limitaneos prædones magna cum laude coercuit.

Ll

Obijt

.MDLXXV.

*Angla fert indignissimè.**Res componitur.*

MDLXXV.
Dux Castri-
Heraldi mo-
ritur.

Essex in
Hibernia
angustia.

Sidneius
tertiò Hi-
berniam Pro-
rex.
Hiberniam
peragrat.

Obijt hoc anno, nobilioris notæ in Anglia nullus, sed in Scotia longè nobilissimus Iacobus Hamiltonius Dux Castri-Heraldi, & Comes Arania, qui Iacobi secundi Scotorum Regis è filia pronepos, tutor Mariæ Reginae Scotorum datus erat, regniq; Gubernator & hæres designatus, dum illa in ætate tenella, Deinde cum illam Gallis tradidisset, Dux Castri-Heraldi in Gallia factus; postea primus è tribus Scotiæ Præfectis à Maria captiva constitutus. Cuius causam dum constantissimè tueretur, vir apertus & placidissimo ingenio turbidorum iniurijs insidiosissimè fuit exagitatus.

Essexius in Hibernia Turloghi & Baronis Dungannoni insidijs petitus, & plurimis ex Anglia difficultatibus obiectis conflictatus, audito deliberatum esse ut revocaretur, miseras in quas per summam iniuriam incidit, tacitus deplorat, perditam suam & suorum fortunam conqueritur, Hiberniam eluget quam in ordinem cum bis mille militibus redigi posse sibi persuadet; iterum atque iterum petit ut rem cum Turlogho pro dignitate componeret. Cumq; iam suum in Ultonia imperium Proregi redhibuisset, quia parva illa militum manu quam Prorex assignavit, incoceptum persequi non valeret, iussus est ut resumeret. Vix autem resumpserat, & in Turloghum moverat, cum literæ intervenirent, ut à bello omninò desisteret, & quàm posset honorificè pacem iniret. Qua mox inita, in Scotos Hebridianos, qui Clandeboiam occuparant, perrexit, in latebras coniecit, Norrijs auspicijs Rachlinam Insulam adortus, c c c c Insulanis cæsis, castrum expugnavit, & præsidium imposuit. Iamq; in medio victoriæ cursu, iterum præter opinionem iussus est autoritate cedere, & quasi gregarius Ductor trecentis militibus præficitur: planeque nihil abstrusis Leicestrij artibus omittitur, ut molestiarum assiduitate mitissimus eius animus contabesceret.

Henricus Sidneius iam tertio Prorex in Hiberniam mittitur, cum pestis Insulam latè popularetur. Ille tamen Ultoniam adiit, pluresque occurrunt supplices & fidem

im-

implorantes, *Mac-Mahonus*, scilicet, *Mac-Guirus*, *Turloghus Leinigh*, & alij: itidem in *Lagenia O-Conori*, & *O-Mori* seditiosæ familiæ, quæ in *Leisa* & *Ophalia* avita patrimonialia quibus ex lege erant exuti, vi & armis denuò occuparunt. Cùm in Momoniam pervenisset Petri Carewi Equitis sanè nobilis & spectatæ virtutis (qui *Stephanidæ*, & *Reimundi Crassi* primorum Hiberniæ debellatorum, & *Baroniæ Ydroniæ* hæres, partem patrimonij postliminiò recuperaverat) funeri honoris ergò atratus interfuit. *Corcagij Desmonius* Comes eum invisens, promptissima quæq; obsequia magna cum observantia detulit. In *Connachtiam* inde profectus, rebelles Comitum *Clan-Richardi* filios demississimè in Ecclesia *Gallwaia* delictorum veniam implorantes in fidem accepit, & magna cum laude Provinciam administravit.

MDLXXVJ

Petri Carewi obitus.

M. D. LXXVI.

N Quo anno auspicante de matrimonio cum *Alenconio*, pararij illi duo *Mota-Fenelonus*, & *Porta* amatorijs illecebris *Elizabethæ* aures iterum mulcere cœperunt: quibus responsum est, alienum tunc tempus esse, cùm *Alenconius* advenire non posset, *Gallia* bellis civilibus flagrante, & *Alenconio* in ijs occupatissimo. Unus tamen & alter in *Galliam* mittitur ad fraternum inter Regem & *Alenconium* amorem redintegrandum, atque ad dehortandum à rebus *Belgicis*, ne *Hispanus* novum bellorum incendium per *Gallias* excitaret. Quàm facile verò illi fuerit, qui iam à bellico apparatu in *Italia* sit instructissimus, vel *Saluzias* occupare, aut copijs in *Provinciam* expositis, ora *Mediterranei Maris* potiri, *Gallia* ita opibus exhausta, & id genus alia admonet ad *Gallum* à *Belgio* deterrendum.

Aurasionensis enim *Gallos* ob suas privatas rationes, & spe Principatus *Aurasionensis* qui in *Gallia* situs, retinendi, non destitit *Gallos* in *Belgium* evocare, promi-

Galli nuptias Elizabethæ proponunt.

Illa pacem.

A Belgio Gallos auertere studet.

MDLXXVJ

*Coercetur.**In Belgio
confusio.**Antwerpia
diripitur.**Elizabetha
Belgica com-
ponere studet*

fitq; Zelandis & Hollandis qui quasi innati mari circum-
quaq; piraticis Mioparonibus maria infestant, merca-
torias Anglorum naves deprædari, quos causabantur ho-
stibus Dunkerkanis annonam subvehere, Antwerpien-
sium, aliorumq; merces in Hispaniam sub fucatis nomi-
nibus convehere, quas illi suo cum fructu exportare soli-
ti, & iam defectionis sibi malè conscij non audebant. Ad
hos cohibēdos Holstockus iterum armatis cum navibus,
missus supra ducentos piratas cœpit, & in carceres per
oram maritimam dedit. Ad res verò repetendas in Ze-
landiam ablegati sunt Guilielmus Winterus ex Ordine
Equestri, & Robertus Bealus Regio Consilio ab Episto-
lis vt lites æstimarent, & res pactis conditionibus resti-
tuerent. Sed ex Anglorum mercatorum avaritia & Ze-
landorum insolentia lites iterum recruduerunt, quæ y-
triusque gentis damno breui consopitæ.

In Belgio iam omnia confusissima, dum Hispani sine
imperio aliquot Consiliarios Ordinum in carcerem con-
trudunt, & in incolas ita direptionibus & omni iniuria-
rum genere grassantur, vt Ordines arma necessariò su-
merent. Et protinùs nuntijs circumquaque missis, per
Obignium has iniurias & causas arma sumendi, Elizabethæ
significarent. Illa per D. Wilsonum, & Ordines, &
Hispanos vt ab armis discedant obnixè hortatur, causasq;
cur Consiliarij Ordinum in custodiam raperentur stu-
diosè investigat. Interea Antwerpia vrbium ocellus, quæ
inter florentissima Europæ Emporia vix secundis ac-
quieuit, miserum in modum ab Hispanis diripitur, An-
glorum mercatorum domus expilatur, & illi, etsi nul-
lius culpæ conscij, coacti sunt redemptionis nomine
magnam vim auri militibus dependere. Obignius hac
occasione arrepta, ingentem pecuniam mutuam ad hu-
iusmodi Hispanorum insolentiam coercendam importu-
niùs ab Elizabetha Ordinum nomine efflagitat. Illa, quæ
eos opem à Gallo priùs petijssse certò acceperat, negat,
pro pace verò quamprimum apud Hispanum diligentis-
simè intercessuram pollicita. Eoque nomine Ioannem
Smithum

Smithum Regis Edwardi Sexti consobrinum virum, Hispanico gestu & Hispano benè notum in Hispaniam mit-
tit, qui à Rege benignissimè exceptus contumeliosas
Gasp. Quirogæ Archiepiscopi Toletani in Reginam ini-
urias ex religionis odio, & Inquisitorum Hispalensium,
qui attributum *Defensoris fidei*, in Reginæ titulo non ad-
miserunt, tanta prudentia retorsit, vt gratias ab Hispano
retulerit, qui Archiepiscopo offensior, Legatum, vt apud
Reginam dissimularet, rogauit, & attributum illud ad-
mitti seuerè imperauit. Reginæ enim consilium suis re-
bus expedire novit, etsi minimè sequutus, Belgij fato,
(si ita loqui liceat,) aliorum impellente,

Venerat his diebus in Belgium cum summo Imperio,
Ioannes Austriacus Caroli Quinti Imperatoris filius na-
turalis, ad quem Regina itidem Edwardum Horseium
Vectæ Insulæ præfectum amandat, vt adventui congratu-
laretur, & opem deferret, si modò Ordines Gallos in
Belgium vocarent, verum Sweuinghamo pro Ordinibus
importunissimè interpellante xix. m. librarum monetæ
Anglicæ ad eos transmittit, & lege, vt nec religionem,
nec Principem mutarent, nec Gallum in Belgium admit-
terent, nec pacem abnuerent, si Ioannes Austriacus ad æ-
quas pacis conditiones descenderet. Sin pacem ille am-
plecteretur, vt Hispano militi de stipendijs non numera-
tis tumultuanti dependerentur. Adeò erat illa studiosa
nutantes provincias in Hispani fide & obsequio retinen-
di, vt nullam benè merendi, & pacis conservandæ præ-
termitteret occasionem.

In Anglia passim his temporibus læta quies, & nego-
tiatio inter Anglos & Lusitanos, iterum reclusa, quæ ex
privata quorundam avaritia nuper fuerat interclusa: per-
missumq; Anglis in Lusitania, Algarbia, Insulis Madera
& Azoris, & Lusitanis in Anglia & Hibernia mutuam
exercere mercaturam in triennium. Quo tempore de
mercium detentionibus lites disceptarentur, & hoc pub-
lica præconis voce promulgatum.

Erudita etiam ingenia accensa honesto studio disun-
ctissimas

MDLXXVJ

Ioannes Au-
striacus in
Belgium ve-
nit.

Ordinibus
pecuniam
suppeditat.

Vt Belgas in
obsequio Re-
gis contineret

Comercium
inter Anglos
& Lusita-
nos restitutum.

MDLXXV]

Via in Cathaiam per Occidentalem Oceanum qua sita. Qua probabilitate.

HA TONNACI
VIA ADRIATICA
VIA ADRIATICA
VIA ADRIATICA

INDICIA
QUINTUS
TERTIUS

Forbisherii
ad fretum de-
gendum na-
vigaciones.

ctissimas orbis terrarum regiones & Oceani secreta explorandi, excitarunt benè nummatus habendi cupiditate non minùs inflammatus ad detegendum si quod esset fretum in Septentrionali Americae parte, quo ad opulentam Cathaiam navigaretur, & Orientis Occidentisq; opes mutuo commercio coniungerentur. Eruditi illi probabiliter disseruerunt ex ea parte fretum patere, pro concessio assumentes. Quò propriùs ad littus acceditur, eò minorem esse aquarum altitudinem, sed ab occiduo Islandiae littore navigantibus, experientia teste, mare altius occurrere, ut continuum Mari illi quod *del Sur* nautæ vocant, ex altera Americae parte videatur. Deinde quòd cum Oceanus diurno primi Mobilis motu feratur, Americae obiectu percussus, Septentriones petat ad *Cabo Fredo*, id est, *Promontorium, Frigidum*, ubi loci per fretum aliquod in *Mare del Sur* exoneretur, sin minus eadem violentia in Lappiam & Finmarchiam reverberaretur, qua in Australi mundi plaga à Fretò Magellanico insuloso & tantæ molis aquarum incapaci ob insulosas freti angustias, per Orientalia Americae littora ad *Cabo Fredo* percutitur. Testes adhibent Antonium Ienkensonum Anglum, quo non alter Septentrionalem mundi plagam plenius novit, qui docuit molem aquarum ex Mari Cronio in *Mare del Sur* necessariò effundi, Bernardum item *Le Torr* Hispanum, qui affirmavit se à Moluccis in Americam revertentem, supra Æquatorem Septentriones versus vi aquarum ab Aquilone in navem irruente in Moluccas fuisse reiectum, aliaq; producunt ut hoc comprobarent. Quibus illi nummati persuasi, Martinum Forbisherum ut hoc fretum detegeret cum tribus aphractis mittunt, qui Harwico soluens xviij. Iunij, ad ix. Augusti vel finem vel fretum intrauit sub latitudine lxii grad. ubi homines invenit capillitio nigro, facie lata, naso simo, colore subfusco, phocarum pellibus vestitos, mulieres circa oculos & per genas cæruleo colore, ut prisca Britanni, depictas. Sed cum omnia glacie mense Augusto ita constricta essent, ut inceptum cursum persequi

qui non posset, reversus VIII. Kalend. Octobris in Anglia appulit, quinque nautis desideratis quos Barbari intercoeperant. Annis tamen duobus sequentibus ut inceptum perficeret, in eadem littora nauigavit, sed glaciales conglomerationes instar montium ubique occurrentes penitus in sinum ingredi prohibuerunt. Tempestatibus igitur, nivibus, ventisque subinde vertentibus hinc inde agitato, collecta magna lapidum copia, quos *Minerales* esse putabat, vela vertit, e quibus cum nihil auri, nec argenti, nec cuiusvis alterius metalli elici potuisset, ad vias muniendas proijci vidimus. Sed hæc fusè descripta publicè prostant.

Maximilianus Augustus his diebus vitam cum morte commutavit, Princeps prudens, iustus, Imperio salutaris & de Elizabetha atque Anglis benè meritis. Quod simul ac illa certò acceperat, summo dolore affecta, Philippum Sidneium ad Rodolphum Regem Romanorum legat, qui & de patris morte dolorem, & de eius successione gaudium officiosissimè declararet. Necnon, ut in itinere filijs Electoris Palatini de morte patris Frederici III. condoleret, & Casimirum de pecunia, quam illa in bello Gallico expenderat, obiter submoneret. Bello enim illo pax Galliae reddita, Alenconio Ducatus Andium, Turo- num, & Biturigum in *Apennagium*, quod vocant, assignati, undecim decies centena millia Francorum ad Germanorum Equitum stipendia Casimiro promissa, ex Regina Galliae monilibus pignori ad aureorum trecenta millia data. Verum Elizabethæ nihil omnino repensum, quæ tamen quod benè bona causa impensum fuerat, cumulatè repensum existimavit. Casimirus ingenuè Germanica synceritate respondit, Gallum promissis defuisse, nec per se stetisse, quò minus pecunia repensâ fuerit.

Ut in Germania Maximilianus Imperator, & Palatinus Elector & Principes Christiana virtute, singulari moderatione, magni sui desiderium reliquerunt, ita non minus in Angliâ & Hiberniâ reliquit *Walterus D'Euereux* Essexiæ Comes, etsi loco longè inferior. Vir certè præcel-
lens,

MDLXXVJ

Maximiliani
Imp. mortis
Eliz. condole-
let.

Et Frederici
Elect. Pala-
tini.

Walteri Co-
mitis Essex-
iæ mors su-
specta.

MDLXXV)

lens, in quo morum probitas cum natalium claritate certauit, quæ tamen inuidiæ obsistere non poterant. Etenim postquam laudabili in Hibernia instituto desistere adactus fuerit, patrimonio admodum imminuto, in Angliam reuersus, apertè Leicestrio minaretur, quem iniuriarum suspectum habuit; aulicis eiusdem artibus qui ab illo timuit, & peculiari aulae mysterio homines per honores ferendi & evertendi, in Hiberniam rursus cum inani *Comitis Marescalli Hiberniæ* titulo ablegatus erat. Vbi merore contabescens ex dysenteria cum gravissimis torminibus animam Christo piè reddidit, postquam adstantes rogasset, vt filium vix tunc decennem monerent, tricessimum sextum ætatis annum sibi semper ob oculos proponere, tanquam vitæ metam supremam, quam nec ille nec pater superarunt: & filius quidem ne attigit, vt suo loco dicemus. Hæc nobilissimi viri mors veneni suspitione non caruit apud vulgus (qui semper quos charos habent, veneno extinctos suspicantur) etsi Sydneius Hiberniæ Prorex diligenti facta inquisitione, ad Consiliarios in Anglia scripserit Comitem cum primùm decumberet sepiùs dixisse, hoc sibi peculiare esse, vt quoties animo grauiùs ægresceret, dysenteria laboraret, nec illum quicquam de veneno suspicatum. Eundem corpori colorem in morbo, qui valetudine fuit integerrima, perstitisse; nullam labem, nullam tabem, nullum pilorum, nullum vnguium defluuium; exenterato nullum veneni vestigium. Medicis autem malè inter se convenisse, nihil tamen contra vim veneni adhibuisse, Pocillatorem verò de . . . in aqua intincto, vinoq; admisto, falsò fuisse insimulatum. Vidimus tamen, hominem tanquam venenarium, digito publicè demonstrari. Suspicionem auxit, quòd Leicestrius mox Douglasiam Shefeldiam (amariam an uxorem non dixerò) pecunia & ingentibus promissis amouerit, e qua filium procreauerat, & amorem in Lætitiâ Essexiæ viduam apertius præ se tulerit, cui postea iteratis nuptijs se coniunxit. Quamvis enim secreto illam in uxorem duxisse perhiberetur, Franciscus tamen

men *Knolles* Lætitiaë pater, qui Leicestrij vagos amores noverat, credere noluit, veritus ne filiaë illuderet, nisi ipse præsens cum paucis testibus, & Notario publico matrimonij foedus coniungi videret. Sed hæc post vnum & alterum annum.

Hoc tempore vitam in Anglia clausit Antonius Cocus septuagenarius, vir Equestri dignitate, antiqua seueritate, & doctrina multiplici, institutor pueritiæ Regis Edwardi Sexti, foelix filiabus quas Græcè & Latinè supra sexum eruditas clarissimis viris Guilielmo Cecilio qui Angliæ Thesaurarius, Nicholao Bacono Magni Sigilli Custodi, Thomæ Hobeio qui Legatus in Gallia obiit, Radulpho Rouletto, & Henrico *Killegrew* elocaverat.

Ante Essexij obitum, vt paululùm regrediar, Comitibus *Clan-Richard* filij, qui vix ante duos menses rebellionis gratiam à Prorege consequuti erant, rursus collecta nefariorum colluvie per Connacthiam immaniter latrocinia & prædas agitarunt, Athenriam quam iam incolæ instauraturi erant, succenderunt, & opifices trucidarunt ex barbaro in incolas odio qui leges & humanitatem colere cœperant. Prorege autem adveniente, prædatoriæ turmæ dissipatæ in latibula suo more convolarunt, & Comes ipse *Clan-Ricardi*, eorum pater quasi scelerti conscius in carcerem Dubliniaë truditur. Prorege reverso ipsi è latibulis emergentes *Balla-Reogh* castrum, primariam patris sedem, cui præsidium sub Thoma Strangio impositum, frustra suorum clade obsederunt, *Mac-Williami Eughter*, i. iunioris terras, Scotis Insularis sibi adiunctis devastarunt. Sed adventu Proregis iterum disparuerunt, lustris se occultantes.

Guilielmus Drurius qui nuper Berwici Marefcallus, Momoniaë iam recens Præfectus, prudentia, & fortitudine provinciam omnem ad legum cultum & obsequium perduxit, præter Kerriam Chersoneffum & Comitatum Palatinum, quo quasi in sentinam plures malefici, prædones, obærat, rerumq; capitalium suspecti confluxerant,

M m

ex

MDLXXVJ

Antonij
Coci obitus.

Tumultus in
Hibernia.

Guil. Drurius
Momonia Præfectus.

MDLXXV)

*Maleficos
persequitur.**Ceals, quid.**Hibernici de
exactionibus
queruntur.**Regina mi-
seretur.*

ex immunitate loci, impunitate quadam insolescentes. Concesserat enim Rex Edwardus Terti⁹ Desmonia⁹ Comitibus omnes Regales libertates, quas Reges Angliæ in illo Comitatu habuerunt, exceptis incendio, raptu, forstallo, & thesauro inuento. Præfectus tamen, qui libertates illas ad iustitiæ cultum, non ad scelerum impunitatem concessas iudicavit, ingressus lectissimas perditorum cohortes, quas Desmonius in insidijs locaverat, fortiter profligavit, per Kerriam maleficos vndiq; indagavit, atque in plures severè animadvertit, fremente Desmonio, & contra Druirium apud Proregem gravissimè tum de hoc, tum de pensitatione quam *Ceals* vocant, quiritante. Pensitatio illa est exactio rei annonariæ certo pretio (qualis Canon glebæ apud priscos) ad alendam Proregis familiam, militesq; præsidarios. De hac non solum ille, sed in Lagenia cultiore Insulæ parti Vice-Cornes Baltinglassus, Deluinius, Hothius, Trimlestonius Barones, & quicq; nobiliores conquerentes solvere abnuerunt, quasi non exigenda nisi ex autoritate Palamentaria. Qui hoc nomine in Angliam ab ijs delegati à Regni Consiliarijs auditi, atque in custodiam dati, & itidem in Hibernia qui delegarunt, donec se submiserint, cum antiquitus institutam fuisse ex Regni tabularijs constiterit, & ius quoddam esse Maiestatis (*Prærogatiuam Regiam* vocitant) quæ legibus non subijcitur, nec tamen legibus adversatur, ut Iurisprudentes iudicarunt. Regina autem iussit ut Prorex temperamentum in huiusmodi exactionibus adhiberet, veteri verbo, se velle *suos dum tondeantur, non deglubi*. Et dixisse perhibetur. *Ah, quàm malè metuo ne quod de Dalmaticis motibus à Batone olim Tiberio, nobis de Hibernicis obijciatur. Vos, vos in culpa estis, qui greges non pastoribus, sed lupis commisistis.*

M. D.

M. D. LXXVII.

IOANNES AVSTRIACVS cū se imparē sentiret Belgij Ordinibus à viribus instructissimis, & vicinorum Principum amicitia firmatis, Gastellum ad Elizabetham misit, qui gratias haberet de auxilijs contra Gallos oblatis, & propensum ad pacem studium explicaret. Illa per Edwardum Horseium iam denuò missum, pacis studium laudat, simulq; agit vt Anglorum bona Antwerpiae de-
tenta restituerentur. Lentē respondetur, quia ille alijs curis, vt præ se tulit, distentissimus, *Edicto pacis perpetuo*, vt vocarunt, quod tamen vix annum erat, totus intendit. Elizabetha pacis seriò cupidissima Thomam Leightonum ad Aurasionensem mittit, vt suaderet ne quid contra pacem moliretur, donec Ioannes Smithus ad pacem conciliandam ad Hispanum missus rediret. Aurasionensis qui perpetuum illud edictum ex animo damnavit, iam opportunè audierat Ioannem Austriacum meditari nuptias cum Scotorum Regina, quod libens arripuit, & per Famierum Elizabetham protinùs edocet, vt animum à pace detorqueret. Illa tamen quasi nescia, Austriaco per Danielelem Rogersium de perpetuo pacis edicto gratulatur, licet iam certò comperisset Austriacum Comitis Westmorlandiae & profugorum Anglorum suasu, pronòq; Pontificis Rom. & Guisiorum favore nuptias illas, & vnà Angliæ & Scotiæ regna spe devorasse; iamque constituisse Manniam Insulam in mari Hibernico occupare, vt opportunam ad Angliam invadendam ex Hibernia, & occidua Scotiæ ora, qua Regina Scotorum plurimos habuit sibi devotos, vti etiam in opposita Angliæ parte, Northwallia, Cumbriæ, Lancastriæ, Cestriæq; Comitatus, vbi incolæ plerique omnes Pontificiæ religioni addictissimi.

Et certè Austriacus (vt è Perefio, qui Hispano à secretis, didicimus) iam antea ambitione abreptus, cum Tunetani regni spe excidisset, de Elizabetha deturbanda,

M m 2

Sco-

M. D.
LXXVII.*Austriacus
ad pacem
propendet.**Elizabetha
ad hanc sua-
det.**Aurasionen-
sis eam di-
vertit.**Austriacus
nuptias cum
Scota ambit.**Et per eam
regnum An-
glia.*

M. D.
LXXVII.

Scotorum Regina in vxorem ducenda, & Anglia debellanda apud Pontificem Romanum clam egerat, & inscio Philippo peruicerat, vt Pontifex quasi ex publici boni studio Philippum ad bellum Anglicum excitaret, ipseque Austriacus in Belgium profecturus hoc ipsum in Hispania persequutus erat; & postea per Escouedum è Belgio missum petierat, vt sibi portus in Biscaia concederetur, vnde classe Angliam invaderet. Verum Philippus consilia hæc averfatus, hominem vt nimio plus ambitiosum negligere coepit. Nec hæc plenè intellexit Elizabetha, donec, vt dixi, Aurasionensis edocuisset.

Copleius à
Gallo factus
Baro.

Suspitione etiam non caruit, quòd Thomas Copleius è primarijs inter profugos Anglos, à Vaulxio Austriaci amanuensi Gallo commendatus, dignitatem Equestrem & Baronis titulum acceperat. Copleius tamen suspitionem depellere conatus est protestando obsequium erga Principem, nec alio consilio titulum accepisse, quàm vt maior honos vxori exilij consorti, & pensio auctior sibi ab Hispano accederet, quandoquidem nobiles *cum titulo*, potiori sint apud Hispanos loco; Baronisq; titulum sibi iure competere putaret, cui auia erat filia natu maxima Baronis *Hoo*, & proauia primogenita hæredum Baronis *Welles*.

Austriaci
disimulatio.

Bellum red-
integrat.

Austriacus interim has nuptias clandestinò persequitur, simulq; ad rem obuelandam, Vicecomitem Gandauensem ad Elizabetham legat, qui pacis leges demonstraret, & laxiorem diem ad pecuniam quam Ordines mutuò sumpserant, dissolvendam postularet. Hoc illa lubens concessit, & per Wilsonum cum illo denuò agit, vt damna Anglis mercatoribus in Antwerpiana direptione illata refarcirentur. Ille eludit, & dum *Perpetuo pacis edicto* vacare videretur, in bellum prorumpit, vrbes & castra versutè intercipit, & ad Hispanum scribit consultissimum esse prius Insulas Zelandicas quàm Provincias interiores oppugnare, Angliamq; in suam spem pronus faciliùs quàm Zelandiam expugnari posse per Escouedum qui ab Epistolis, persuadere conatur.

Hinc

Hinc cū omnia in Belgio ad bellum spectarent, Ordines Marchionem Haureum, & Adolphum Metker- cum ad Elizabetham legant, vt c librarum sterlingarum Millia ad VIII menses vtenda daret, quibus, illa respon- det, si aliunde mutuò sumere possent, se & Civitatem Londinum cautionem libentissimè interposituras, mo- dō civitates Belgij quas nominaverit, syngraphis obliga- rentur ad pecuniam intra annum renumerandam. Fœ- dus etiā mutui auxilij terra mariq; cum Ordinibus in has leges pasciscitur. Regina Equitum mille, peditum quinq; millia Ordinibus auxilio mittet, quibus tertio postquam naues conscenderint mense, stipendium & expensas Londini Ordines persoluent, belloq; confecto suis sumptibus in Angliam remittent. Huius exercitus imperator natione Anglus in. Ordinum consi- lium admittetur. Nihil quod ad bellum aut pacem spectet, Regi- na, aut illo inconsultis statuatur. Nullum fœdus cum quocunq; inibant nisi illa approbante; & in eodem, si velit, comprehen- detur. Si quis Princeps contra Reginam, aut regnum Angliæ quocunq; pretextu aliquid hostile moliatur, Ordines quantum poterunt resistent, & eodem numero & iisdem legibus auxilia- res ad Reginam mittent. Si qua inter Ordines discordia oboria- tur, Reginæ arbitrio permittetur. Si classis contra hostes à Re- gina sit apparanda, Ordines x l. naues iustæ magnitudinis cum nautis & singulis necessarijs instruent, quæ Angliæ Admirallo parebunt, & Reginæ sumptibus merebunt. Ordines neutiquam intra Belgium admittent Anglos quos Regina rebelles declara- nerit. Si pacem cum Hispano confecerint, curabunt vt hi Ar- ticuli simul, aut seorsim pro Reginæ arbitrio confirmentur.

Statim atque hoc fœdus initum, Regina, ne in calum- niam raperetur quasi rebellionē in Belgio foveret, Tho- mam Wilkesium ad Hispanum misit, qui hæc edoceret. Quandoquidem malè feriat non desunt qui amicitias inter Principes malis artibus dissuere, labeculamq; existimationi asper- gere iniquis suggillationibus student, quasi illa facies Belgico in- cendio subiecerit, primum Regem & Belgij Gubernatores rogat vt in mentem reuocarent, quoties & quantoperè de malis Bel- gio impendentibus amicè iampridem præmonuerit, deinde cū de-

M. D.
LXXVII.

*Ordines pe-
cuniam mu-
tuam ex An-
glia petunt.*

*Elizabethæ
cum Ordini-
bus fœdus.*

*Illa Hispanum causas
edocet.*

M. D.
LXXVII.

defectionem cogitarent, quàm studiosè operam dederit crebris ad Aurasionensem & Ordines missitationibus, ut in officio & Regis obsequio contineret. Imò cum opulentissimæ illæ Prouinciæ in possessionem delatæ fuerint, quàm syncerè ne in protectionem quidem susceperit. Postremò cum nuper omnia essent deploratissima, quàm largè pecuniam suppeditauerit, ne Ordines alteri Principi, urgente necessitate, se subderent, & pacis nuperrimè propositæ consilium turbarent. Cum verò accepisset Aurasionensem nolle pacem initam amplecti, se non solum ut amplecteretur monuisse, sed etiam interpositis minis quodammodo imperasse, sanctissimè protestatur. Si hæc Christiana Princeps, pacis studiosa, & benè merendi de confœderato Hispano cupidissima sint indigna, ipse Hispanus, orbisq; Christiani Principes iudicauerint. Ut bella autem consopirentur, & ille Belgas haberet obsequentissimos, admonet ut afflictum populum in pristinam gratiam reciperet, priuilegia restitueret, postremæ pacis leges seruaret, alium Governatorem è sua familia substitueret. Quæ fieri neutiquam posse innuit, nisi Austriacus submoueatur, cui Ordines odio plusquàm hostili & implacabili diffidunt; quemq; ipsa ex occultis cum Scotorum Regina machinationibus sibi infestissimum exploratè nouit. Adeò ut nihil nisi certa pericula ex Belgio expectare possit, dum ille Belgio præfuerit. Iam verò cum cerneret quantas copias Austriacus conscripserit, & quot Gallorum auxiliares cohortes in procinctu, profitetur se ad Belgium Hispano conseruandum, & periculum ab Anglia propulsandum opem Ordinibus promississe. Qui reciproce promiserant se in Regis obsequio perstituros, & in religione nihil nouaturos. Quòd si Regem hæc nolle senserit, sed priuilegiorum & iuris repagulis abruptis, miseras Prouincias quasi iure belli captas in seruitutem trahere statuisse; se non posse & vicinorum defensionem, & suæ securitati deesse. Sin autem Ordines fidem erga Reges exnent, & quid contrà ac promiserint, molientur, in ipsos protinùs signa conuersuram.

*Hispanus
baudiniq; auduit.*

Hæc haud lubens audivit. Veruntamen quum in Elizabetha plurimum momenti inesse noverit ad res Belgicas vel componendas, vel disturbandas; & certò sciuerit illam Austriaci insidijs peti, dissimulavit; simulq; rogavit

gavit ut consilium pacis constituendæ persequeretur, nec temerè crederet rumoribus falsò sparsis, aut se quicquam moliri Principe amico indignum.

Dum hæc Wilkesius in Hispania explicat, Ioannes Austriacus apud Elizabetham, quam simul verebatur & perijsse optabat, misso Gastello Ordines grauitè accusat & foeda criminum labe aspergit; causasq; cur suos iterum armaverit, fusè explicat. Ita illa quasi Heroïna, & honoraria arbitra inter Hispanos, Gallos, & Ordines sedit, ut illud patris usurpare potuerit. Cui adhæreo, præest. Et verum sit quod ille scripsit, *Galliam & Hispaniam esse quasi lances in Europæ libra, & Angliam linguam, siue libripendem.*

Iisdem diebus, dum Iudices ad *Assisas* Oxoniæ sederent, & Roulandus Ienkus procacis linguæ bibliopola de probrosis in Principem verbis in iudicium vocaretur; venoso & pestilenti halitu, siue ex pedore incarcerationum, siue ex solo, ita correpti sunt plerique omnes qui aderant; ut intra quadraginta plus minus dies ferè singuli, præter mulieres & pueros, obierint, nec contagione alij tacti. Inter hos fuere Robertus *Bellus* primarius Fisci Baro, vir grauis & iuris scientia clarus, Robertus D'oilius, Guilielmus Babingtonius ex ordine Equestri, D'oilius Comitatus Oxoniensis Vicecomes, Harcourtus, Wene-manus, Pheteplacius, viri in hoc tractu clarissimi, Barhamus iurisprudens insignis, *Iurati*, quos vocant, ferè omnes, & alij plus minus tercenti.

Hactenus serena tranquillitas Pontificijs in Anglia affulsit, qui quadam misericordi conniuentia sua sacra inter privatos parietes, licet illa legibus interdicta, pecuniaria mulcta inflicta, quodammodo impunè celebrarant; nec Regina vim conscientie afferendam censuit. Verum postquam illud fulmen Excommunicationis Romæ in Reginam fuisset eiaculatū in nubes & tēpestates serenitas illa paulatim abiit, legemq; elicuit anno MDLXXI. contra eos qui eiusmodi *Bullas, Agnos Dei, & Grana benedicta* Papalis obsequij tesseræ in Regnum intulerint, aut aliquem Ro-

ma-

M. D.
LXXVII.

*Anglia libri-
pens in Eu-
ropa.*

*Pestilens ex
pedore mor-
bus.*

M. D.

LXXVII.

Mainus:

Mainus sacerdos morte affectus.

Baronis Latimeri obitus.

Tho. Smithi Secretarij obitus.

* Saffron Walden.

manæ Ecclesiæ reconciliarint, vt diximus. Toto tamen sexennio in neminem ex ea lege actum, etsi nonnulli deprehensi qui contrà commiserant. Primus hac lege tenebatur Cuthbertus *Mainus* sacerdos, qui Pontificiæ contra Principem potentia assertor pervicax, ad *Fanum Stephani* (*Launstou* vulgò vocant) in Cornwallia supplicio affectus, & Trugionus nobilis qui eum hospitio acceperat, fortunis everlus perpetuoque carceri adiudicatus. Sed hæc & huiusmodi Ecclesiastica leuiter perstringam, cum alij Ecclesiasticam horum temporum historiam moliantur, & fide, spero, optima, licet ab exulceratis animis in hoc religionis discidio vix sperandum.

Hoc anno titulus Baronis *Latimeri*, cum in Neuillorū familia ab Henrici Sexti temporibus magno honore & opibus florisset, extinctus est in Ioanne Neuillo, qui nulla prole mascula suscepta, opimam hæreditatem quatuor filiabus reliquit; quarum prima Henrico Comiti Northumbriæ, secunda Thomæ Cecilio qui postea Exoniæ Comes, tertia Guilielmo Cornwallio, & quarta Ioanni Dauersio nupta, è quibus numerosa soboles propagata.

Thomas etiam *Smithus* alter è Regijs Secretarijs hoc anno sibi Climacterico fati ex Atrophia concessit, vir ob multiplicem eruditionem, & prudentiam in multis Legationibus, memorandus. Natus ille parentibus honestis * *Waldenæ* à croco denominatæ in Essexia, educatus in Collegio Reginae Margaretae Cantabrigiæ, annis maturior selectus vt in Italiam Regijs impensis mitteretur. (Ad nostra enim tempora nonnulli adolescentes optimæ spei ex vtrâq; Academia, ad vberiore ingenij cultum Regū sumptibus in exteris Regionibus alebantur.) Inde titulo Doctoris Iuris Civilis auctus redijt, eamq; apud Ducem Somersetti Edwardi Sexti Protectorem gratiam invenit, vt alter à Cecilio factus fuerit Regis Secretarius, rei Stannariæ Seneschallus, Decanus Carlionensis, & Ætonensis Collegij Præpositus, de quo optimè meruit. Maria Regina his dignitatibus eum exuit, pensione

fione annua centum librarum ad vitam assignata, ea tamen lege, ne regno excederet. Quamprimum Elizabetha sceptro potita, ad Rempub. revocatus, adfuit cum Theologis Liturgiæ Anglicæ emendandæ; Legationes deinde quas suis locis dixi, cum laude obivit. Anno MDLXXI. factus alter Regiæ Secretarius filium naturalem quem vnicum habuit, ad deducendam coloniam in *Ardes* Hiberniæ Chersonesum misit, qui infœliciter ut retuli ibi occubuit. Reipub. literariæ in Anglia lege anonaria pro studiosorum Collegijs, quam primus rogavit, inprimis consuluit; & magis sanè quàm scriptis, licet reliquerit imperfectum opus de Republica Anglorum, librum singularem de Linguae Anglicæ Orthographia, alium de Græcæ pronuntiatione; & accuratum de re nummaria Commentarium, dignissimum qui lucem aspiciat. In Secretarij Regij munere illi suffectus Thomas Wilsonus Legum D. Sanctæ Catharinæ prope Londinum Præfectus, qui intra quatuor annos è vita emigravit.

In Hibernia *O-Mori*, *O-Conori*, & alij, quorum maiores *Suffexius* Prorex, Maria regnante, patrimonio in *Leisa* & *Ophalia* ob maleficia exuerat, nec alium in quo viuerent locum assignaverat, in rebellionem *Rorio Oge*, id est, Roderico iuniore, duce proruperunt, *Naasum* opidulum incenderunt, *Lachliniam* adorti fortitudine *Georgij Carew* Præfecti repulsi, *Henricum Harringtonium*, & *Alexandrum Cosbeium* insidioso colloquio interceperunt; quos cum *Harpolus* militum ductor recuperaturus tuguriolum noctu aggressus esset, in quo *Rorius* cum illis ad postem vinctis egit, *Rorius* tumultu excitatus, *Harringtonium* & *Cosbeium* repetitis ictibus in tenebris fauciat, & audacia præceps, per medios milites qui illum circumfederant, noctis beneficio evasit. Sed post aliquot dies cum insidias *Baroni Osserie Superioris* posuisset, ipse interceptus, & coësim trucidatus vicinos formidine liberavit.

Nn

M. D.

M. D.
LXXVII.*In Hibernia
rebellio.**Rorius Oge.**Harrington.*

M. D.
LXXVIII.

Elizabetha
de Belgis so-
licita.

Angli in
Belgium pro-
fecti.

Fortiter
pugnant.

M D L X X V I I I .



Vanquàm Hispanus quæ Wilkesius propo-
fuit, auribus minùs æquis acceperit, & dissi-
mulaverit, vt modo dixi, Elizabetha tamen
feriò miserta Belgarum, quorum provinciæ
magna situs opportunitate, & mutua necessitudine, An-
glia, quasi maritali amore coniugata, pluribus seculis
adhæserant; ideoq; impatiens vt Galli patrocinium ea-
rum suscipiendo sibi arriperent, eundem Wilkesium ex
Hispania reducem ad Austriacum mittit, vt submoneret
Andium Ducem (ita iam dictus qui priùs Alenconius)
cum Gallorum exercitu ab Ordinibus esse evocatum; &
proinde tutissimum esse inducias pacisci, ne præsentì
discrimini provincias obijceret. Ille autem igneo & bel-
lico ingenio, atq; secundo ad Gemblacum contra Ordi-
nes prælio tumidus, vno verbo respondit, *se nec inducias
cogitare, nec Gallos formidare*: Nihilominùs illa in suam rem
& Belgij attenta Edwardum Staffordum in Galliam mi-
sit, vt exploraret siquid in Gallia limite Belgium versus
agrederentur, & qui militum delectus haberentur.

Ex Anglia iam traiecerant I. Northus Baronis Northi
primogenitus, Io. Norrisius filius Baronis Norrisij se-
cundus, Henricus Cavendishus, & Thomas Morganus
Chiliarchæ cum plurimis volonibus, vt prima militiæ ru-
dimenta ponerent. Casimirus etiam Palatini Electoris
filius Germanorum equitum & peditum exercitū in Bel-
gium magnis Reginae expensis trahebat. Austriacus Or-
dinum castra ad Rimenantum adoriri, aut ad pugnam la-
cessere ardens, priusquàm vniverfa auxilia è Gallia &
Germania convenirent, expectato celerius advolat, cum-
q; excubitores equites protinùs recessissent, quasi victo-
riæ certus involat: Sed illi mox animis resumptis Austria-
cos repulerunt. Qui conversi, sepimenta & senticeta
vbi Angli & Scoti volones dispositi, perrumpere conati,
haudquaquam potuere, fortissimè excepti ab Anglis, &
Scotis

Scotis qui vestibus feruente æstu abiectis, indusijs inter femora innodatis pugnarunt. Norrisio Anglorum ductori acerrimè pugnanti tres equi transfossi, magnamq; hoc prælio bellicæ virtutis laudem retulit, vti etiam Stuartus Scotus, Binghamus Cavendishi *Locum-tenens*, & Guilielmus Markhamus.

Vt his bellis intestinis afflictæ & iacentes Provinciæ Belgicæ erigerentur, venerunt in Belgium ab Imperatore Comes Swartzenbergius, à Gallo Pomponius Bellieurus, ab Elizabetha Baro Cobhamus, & Walsinghamus ad pacis rationes procurandas, sed re infecta, singuli redierunt, cum Austriacus religionem reformatam admittere, & Aurasionensis in Hollandiam redire planè recusaret.

Sub id tempus, Egremondus Ratcliffus filius Henrici Comitis Suffexiæ ex vxore secunda, vir turbido ingenio, & in rebellionem Septentrionali inter primarios, qui sub Austriaco meruit, à profugis Anglis accusatus quasi percussor ad Austriacum tollendum submissus; in castris ad Namurcum cum Greio Anglo, vt consilij non ignaro, capitur, & ambo morte afficiuntur. Produnt Hispani Ratcliffum supremis verbis sponte confessum se ex arce Londinensi liberatum, magnisque Walsinghami promissis ad hoc patrandum excitatum fuisse. Angli qui aderant confessum fuisse negant, etsi profugi vt huiusmodi confessionem extorquerent, nihil non fecerunt. Sed dissidentes in religione animi & probitatis, & veritatis lumini nimio plus vtrinq; officiunt, & profugos ex odio & obtrectandi studio multa comminisci quis ignorat?

Eodem ipso momento Austriacus ætatis florè, vi pestis, aut vt alij volunt, mœrore, quia à Rege fratre neglectus, stolidam ambitionem cum vita exuit, postquam primum regno Tunetano vnde Guleta in Africa amissa, deinde Anglico inhiasset; & clàm Gallo, Hispanoque, de vtriusq; Coronæ defensione foedus cum Guisijs pepigisset.

M. D.
LXXVIII.

*Legatio ad
pacem Bel-
gicam irrita.*

*Egremondus Ratcliffus & socius
morte puniti.*

*Austriacus
moritur.*

M. D.
LXXVIII.
*Andinus
nuptias cum
Angla per-
sequitur.*

*Leicestrius
hinc fremit.*

*Comitissa
Lenoxia
moritur.*

Res Scotica.

Andinus interea nuptias, quas, dum Alenconius erat, cum Elizabetha ambire coeperat, persequitur, licet bello Belgico intentus, ut ostenderet se & bellicis, & amatorijs posse simul vacare. Bachervilius primum hac de causa missus Elizabetham accedit ad Melfordam Cordalli ædes in Suffolcia rusticantem, mox à Gallo Rambouletus, & demum post mensem ab Andino Simierus aulicus lectissimus amatorijs levitatibus, facetijs, & aulicis illecebris exquisitè eruditus, multis è nobilitate Gallica comitatus, quos ad Richmondiam adeò amanter accipit Regina, ut Leicestrius iam fremeret longa spe nuptiarum omninò excussus. Equidem paulò antea cum Astleia à Reginæ cubiculo tectè Leicestrium in maritum commendaret, illa commotior. *Itane, inquit, me mei dissimilem & regie maiestatis immemorem putas, ut servulum, quem ego ipsa extuli, maximis Orbis Christiani Principibus mariti honore anteponerem?*

Eodem ferè tempore Margareta Douglassia, Comitissa Lenoxiæ, Henrici VIII è sorore natu maiore neptis, Matthæi Comitis Lenoxiæ vidua, Iacobi Regis Magnæ Britaniæ avia, octo quos suscepit liberis superstes, in celestem patriam anno Climacterico emigravit, magnifico funere Reginæ expensis Westmonasterij elata. Matrona eximia pietatis, patientiæ, & pudicitia, quæ ter in carcerem coniecta, quod ex ipsa audivi, non ob aliquod Maiestatis crimen, sed ob amatoria. Primum quum Thomas Howardus, Thomæ Howardi eius nominis primi Norfolciæ Ducis filius, ipsius amore captus, in arce Londinensi periret, deinde ob amorem Henrici Darlij filij in Mariam Reginam Scotorum, postremò ob amorem Caroli filij iunioris in Elizabetham Candisham matrem Arbellæ, quacum nuptias conciliaffe Scotorum Regina insimulabatur, ut iam antè dixi.

Ut Scotica iam libemus. Sub huius anni initium Thomas Randolphus in Scotiam ab Elizabetha missus erat, ut exploraret quo statu res Scoticæ erant, Regi de progressu in bonis literis (quem ex indole eximia & fœlicissima

suma memoria fecerat sanè supra ætatem, maximum) gratularetur, animumq; eius propositis Reginæ in illum beneficijs, & materno affectu Anglis conciliaret. Utque cum Argathelio ageret ne Hebridiani opem rebellibus in Hibernia ferrent, & Mortonio Proregi persuaderet, ut susceptas cum Argathelio, Atholio, & alijs inimicitias quamprimum deponeret, ne Procerum odia in ipsum intenderet, & Reginæ animum omninò abalienaret. Ille iam prudentiæ, & fortitudinis laudes avaritiæ fordibus inquinasse subaccusabatur. Et brevi communi odio ita laboravit, ut Ordinum unanimi consensu rerum administratio ab illo in Regem, licet præ ætate minus capacem, (vix duodennis enim iam erat) translata fuerit, atq; duodecim è primarijs proceribus, qui terni singulis tribus mensibus alternatim Regi consilio adessent, nominati; & inter eos ipse Mortonius, ut hominem deducere, non deijcere viderentur.

Rex regni administratione suscepta, illico per Dunfermilinium Elizabethæ in ipsum beneficia gratissima recordatione agnoscit, ut profecta non tam à sanguinis coniunctione, quàm communi veræ religionis professione. Rogat ut foedus Edenburgense inter regna anno M D LIX initum ratihaberetur, ad limitaneorum deprædationes foelicius cohibendas, & veræ religioni adversantium molitiones prævertendas, iustitia inter utriusque regni incolas ex æquo administraretur, piraticè ablata plenè restituerentur, & avitum in Anglia patrimonium (sc. latifundia Matthæo avo, & Margaretæ aviæ concessa) sibi hæredi proximo in manus traderentur, utiq; pecunia iam opus esse, rebus regni Scotici accisis, ad familiam & satellitium pro regia dignitate apparandum.

Regina priora illa promptè promisit, ad illud de patrimonio difficiliorem se præbuit. Nec tamen eos audire voluit, qui Arbella à Caralo regis patruo in Anglia natam, proximā hæredem ad prædia in Anglia asseruerunt, nec Legatum, qui ex historiarum fide docuit Scotorum Reges in Scotia natos, hæreditario iure in Comitatu Hun-

M. D.
LXXVII.

Mortonius
Prorex loco
mouetur.

Rex Legatū
in Angliam
mittit.

Legationis
summa.

Regina re-
sponsum.

M. D.
LXXVIII.

*Anglorum
postulata.*

*Mortoni-
us administra-
tionem resu-
mit.*

Huntingdonensi in Anglia sine questione olim successisse, & obnixè rogavit ut ciuium ius, quod sæpè ignotis alienigenis indulgerat, Principi proximo cognato non denegaret. Illa autem reditus è latifundijs illis à Burghleio pupillorum curatore sequestrari iubet, monetq; ut ex bonis Comitum Lenoxiæ in Scotia Rex auiæ creditoribus satisfaceret. Iniquè enim tulit, quòd Rex *infeofamentum* Comitatus Lenoxiæ Carolo patruo & hæredibus factum, post Caroli mortem reuocasset, in præiudicium, ut suggereretur, Arbellæ; licèt ex regio Scotorum iure, donationes regno damnosas, & in ætate minori factas, semper licuerit reuocare.

Consiliarij Angliæ foedus illud Edenburgense confirmandum non censuerunt, ut quod adhuc ratum firmumque consisteret. Postularunt ut Legatus aliquid proponeret quod aliqua ex parte Regina in Regem beneficia, (quæ Anglorum sanguini in Rege tutando non pepercerat) compensaret, & amicitiam consolidaret. Hinc ille è documentis proposuit, ut foedus non *Offensionis*, sed *Defensionis mutuiq; auxilij* contra Pontificem Rom. & confœderatos, certis legibus contra vtriusq; regni inuafores & rebelles religionis nomine, iniretur. Præter hæc Angli æquum censuerunt, quandoquidem Regina nihil omisit, nec omittet ad Regis defensionem, eaq; de causa in magna sit apud multos offensa, ut Ordines regni Scotiæ cautionem interponerent, ne Rex dum in minori esset ætate, foedus aliquod cum quouis faceret, aut renouaret, matrimonium contraheret, aut è Scotia transmitteretur, Regina inconsultâ. Hæc autem ut magni momenti accurate & circumspectè consideranda in aliud tempus à Scotis reijciuntur.

Interea Mortonius ingenio (quod sanè erat acerrimum) longo rerum usu, & numerosa clientela fretus, dum nihil rectè factum, nisi quod ipse faceret, putaret, & eundem non esse qui fuerat, ferre non posset; rerum administrationem Collegis, neglectis, & præscripta administrandi ratione posthabita, ad se retraxit, Regem in potestate

potestate sua in Sterlinij Castro detinuit, & quos voluit pro arbitrio vel exclusit, vel admisit. Vnde Proceres irritati Comitem Atholiæ sibi in Ducem præficiunt, & regis nomine edicunt, vt quotquot ex ephœbis excesserant, & sexagenarijs minores, cum armis & commeatu ad xv dies ad regem liberandum convenirent. Convenierunt sanè plures, & signis explicatis ad *Fawkirk* processerunt, vbi Mortonius cum suis se obiecit. Sed Robertus *Bowes* Legatus Anglicus intercedendo, & æquas condiciones interponendo à pugna continuit. Mortoniusq; statim quasi rerum pertæsus se domum subduxit, Atholiæq; Comes non sine veneni suspitione mox fatis concessit. Quod incensi contra Mortonium animi inter alia in invidiam rapuerunt, nec persequi destiterunt, vt dicemus, donec in exitium præcipitassent.

In Hibernia nihil hoc anno memoratu dignum, verum de Hibernia & Anglia simul invadenda, & Elizabetha quæ firmissimum erat religionis reformatæ præsidium, deturbanda Hispanus, & Gregorius XIII Pontifex Romanus clandestina habuerunt consilia suis rationibus sub religionis restaurandæ larua inferuientes. Pontifex, vt Iacobo *Boncampagno* filio, quem *Vineola* Marchionem fecerat, Regnum Hiberniæ acquireret. Hispanus vt rebelles Hibernicos occultè subleuaret, perinde ac Elizabetha Belgas, dum amicitia verbis vtrinque coleatur. Etiam vt Angliæ regno, si fieri posset, Pontificis auctoritate potiretur, indeq; Belgas confœderatos facilius in ordinem redigeret. Quod desperavit, nisi mari dominaretur, & hoc non posse videret, nisi prius Angliæ dominaretur. Nec dubium quin vt ille regna Neapolis, Siciliæ, & Navarræ Pontificum beneficentiæ debet, ita etiam Angliam libentissimè vellet, vt beneficiarius, debere.

His qui norant maximum Angliæ firmamentum in classe esse regia, & in Onerarijs mercatorum navibus quæ ad belli usum fabricatæ & instructæ; visum est vt mercatores Itali & Belgæ plerasq; harum onerariarum aliò

M. D.
LXXVIII.

*Proceres in
eum insur-
gunt.*

*Angliam in-
vadendi con-
siliū.*

M. D.
LXXVIII.
Thomas
Stucleius
*bellum in pa-
triam susci-
pit.*

* Ciuita
Vecchia.

*Bello Afri-
cano occupa-
bit.*

aliò atq; aliò quæsito colore, in longinquas navigationes conducerent, dumq; hæ peregrè abessent, illa regia clas-
sis maiore classe opprimeretur: eodemq; tempore Tho-
mas Stucleius transfuga Anglus, de quo anno M D L X X.
supra dixi, rebellibus in Hibernia cum copijs se coniun-
geret. Ille veterator insignis magnificentissimè se osten-
tando, & regnum Hiberniæ Pontificis filio notho polli-
citando, eam gratiam apud ambitiosum senem inierat, vt
eum titulis *Marchionis Lageniæ*, *Comitis Wexfordiæ*, & *Ca-
terlaughia*, *Vicecomitis Moroughæ*, & *Baronis Rosiæ* (insig-
nia hæc sunt in Hibernia loca) ornaverit, & D C C C. Ita-
lis Hispani stipendijs conscriptis in bellum Hibernicum
præfecerit: quibuscum ille è * *Centum Cellis* solvens, tan-
dem in Lusitania ad Tagi Ostium appulit, vbi diuini
consilij vis potentior hæc in Angliam, & Hiberniam de-
stinata diffilavit.

Sebastianus enim Lusitaniæ Rex, cui summa huius
expeditionis in Angliam commissa erat (quandoquidem
ille iuuenili ardore & ambitione tumidus, omnem suam
operam Pontifici Romano contra Mahometanos &
Protestantes iam pridem condixisset) à Mahomete Ab-
dallæ filio Fessæ Rege magnis promissis in Africanum
bellum illectus, cum Stucleio egit, vt prius cum Italis il-
lis in Mauritaniam vnà proficisceretur. Ille facile per-
suasus (quandoquidem Hispanus Pontificis filium Hiber-
niæ Regem designari dedignatus, non abnuerit) cum
Sebastiano in Mauritaniam profectus, memorabili illo
prælio quo tres Reges, Sebastianus ille, Mahometes, &
Abdal-Melechus occubuerunt, solutioris vitæ fabulam
honestâ catastrophe peregit.

Nisi hoc Sebastiani fatum Hispani animum ab An-
glia invadenda ad Regni Lusitaniæ spem deflexisset, ma-
xima belli tempestas (si qua fides profugis Anglis) in An-
gliam incubuisset. Produnt enim illi ingentes copias
quas in Angliam effundendas Hispanus ex Italia iam
conscribere cœperat, ad Lusitaniam occupandam de-
tentas fuisse. Nec adduci poterat ad Lusitaniam occu-
pandam

pandam totus intentus, vt de Anglia cogitaret, etsi pro-
fugi Angli maximoperè vrgerent, & Pontifex Romanus
Cruciatam ad hoc, tanquam in bellum sacrum pollicere-
tur. Cæterum cum certis nuntijs compertum esset Stu-
cleium, Italosq; in Mauritania perijsse, & Hispanum nihil
nisi Lusitaniam cogitare, classis Anglica quæ Stucleium
in Hiberniæ ora præstolabatur, revocatur; & Provinciam
Guilielmo Drurio Momoniæ Præsidi Henricus Sidneius
tradidit. Cum annos plùs minùs x i. diuisis temporibus
Prorex præfuisset: navemq; conscensurus Hiberniæ ver-
ficulo è Psalmis valedixit, *In exitu Israel de Ægypto, & do-
mus Iacob è populo barbaro.* Vir sanè ille eximius & inter
laudatissimos Hiberniæ Proreges, cuius prudentiæ & for-
titudini plurimùm se debere Hibernia non potest non
agnoscere, etsi de Proregibus plerumq; querula.

M. D.
LXXIX.

Guil. Dru-
rius *Hibernia*
Prorex.
Hen. Sid-
neius *Hi-
bernia vale-
dicit.*

M. D. LXXIX.

IOANNES CASIMIRVS Frederici III.
Electoris Palatini filius, qui numerosum Ger-
manorum exercitum in Belgium magnis Or-
dinum & Elizabethæ impensis superiori an-
no seriùs duxerat, & nihil præstiterat, à tumultuante ple-
be Gandavensi in partes allectus, mense Ianuario acri
hyeme & nivosa in Angliam venit, vt irritæ expeditionis
culpa in Gallos coniecta, se excusaret. Vbi splendidissi-
mè exceptus in urbem Londinum funalibus magna
pompa à Senatu Populoque deductus, in Regiam à Pri-
marijs nobilibus; hastiludijs, monomachijs, convivijs o-
piparis oblectatus, ordine Sancti Georgij, ipsa Regina
Periscelidem tibiæ astringente, ornatus, annua pensione
& plurimis honorarijs donis oneratus, medio Febuario
in Belgium regia nave revectus, mercenarium illum ex-
ercitum solutum invenit. Cum enim Alexander Farne-
sius Princeps Parmensis qui ad Belgij gubernaculum ab
Hispano admotus, Germanis immineret, & stipendia
non repræsentarentur, parua clade affecti, pecuniam ab

Casimirus
Pal. in An-
gliam venit.

*Eius exerci-
tus solutus.*

M. D.
LXXIX.

Elizabetha
Ordines pecuniae inuat.

Simierus
Andini nuptias promouet.
Leicestrius
cum periculo
se opponit.

illo ut è Belgio discederent, postularunt: à quibus cum ille pecuniam ut salua vita discederent, imperiosè sed falsè quidem repostularet, illi accepta securitate contenti, domum non sine famæ dispendio, sed maiori Ordinibus detrimento properarunt. Ordinibus tamen Elizabetha non defuit, sed magnam pecuniam suppeditauit, pro qua Guilielmus Dauisonus ad Gandavensium motus componendos, (qui in Ecclesias & Ecclesiasticos sæuierunt) iampridem missus, antiqua monilia & vasa pretiosa familiae Burgundicae pignori à Matthia Austriaco, & Ordinibus opposita in Angliam attulit.

Simierus interim Elizabetham de nuptijs cum Andino Duce amatoriè interpellare non cessat, & quamvis illa summoperè nuptias diu deprecaretur, eò tamen pertraxit, ut Leicestrius, qui nuptijs ex animo aduersabatur, & alij illum phyltris & illicitis artibus Reginae animo adrepssisse, & in amorem Andini pellexisse rumores sparserint. Et ille contrà ut Leicestrium de gradu & gratia apud Reginae deijceret, nihil non fecit, detectis eius cum Essexij vidua nuptijs: unde Regina ita iracundia effert, ut Leicestrium in castellulo *Greenwici* se continere iuberet, & in arcem Londinensem conijcere cogitaret, quod æmuli percupierunt. Sed Suffexius licet æmulorum primus, & infensissimus qui totus erat in nuptijs cum Andino promovendis, dissuasit, dum ex recto iudicio & innata nobili animo generositate, nemini molestiam ob legitimas nuptias, quæ apud omnes semper honestæ & honoratæ, exhibendam censeret: gavisus tamen eum his nuptijs omni spe nuptiarum cum Regina excussum iacere. Nihilominus Leicestrius ita hinc irritatus, ut ad acceptam iniuriam vlciscendam incumberet. Nec defuerunt qui eum infimularunt quasi Teuderium è Regio satellitio ficarium ad tollendum Simierum subornasset. Certè Regina edito programme iussit, ne quis dicto factoue Simierum, comites, aut famulos iniuria afficeret. Quo tempore accidit, ut dum Regina cum Simiero, Lincolnia Comite, Hattono Procamerario in phaselo

phaselo per Tamisim iuxta *Greenewicum* animi gratia de-
veheretur, iuvenis è scapha bombardula effulminata, bra-
chia remigis in Reginæ phaselo glande traiecerit, qui
mox captus, & ad patibulum in terrorem ductus. Cum
autem imprudenter se fecisse & nihil malitiosè cogitasse
religiosè affirmasset, dimissus. Nec Reginæ credere li-
buit, quod quidam insufurrarunt, illum compositò in ip-
sam, vel Simierum subornatum fuisse. Tantum aberat
vt suspicioni contra suos locum daret, vt subinde dicere
soleret, *se nihil de suis credere posse, quod de liberis parentes cre-
dere nolunt.*

Post pauculos dies in Angliam vno & altero comita-
tus clam venit ipse Andinus, & ad Reginam nè opinan-
tem quidem ad Regiam *Greenewicum* accessit, vbi sua
clausa inter se consilia remotis arbitris habuerunt, quæ
indagare non lubet (cùm arcana Principum sit Labyrin-
thus inextricabilis) & paucis conspectus redijt. Verùm
post vnum & alterum mensem illa iussit vt Burghleius
Thesaurarius, Suffexius, Leicestrius, Hattonus, & Wal-
singhamus periculis & commodis quæ ex nuptijs cum
eo emergant, seriò perpenſis, de tabulis matrimoniali-
bus cum Simiero consultarent. Pericula videbantur, ne
ille quid contra religionem receptam moliretur, regni
possessionem vel sibi ex Papæ donatione invaderet, vel
Scotæ in manus traderet, eandemque, Regina mortua,
duceret; aut fratre defuncto, in Galliam rediret, An-
gliaq; Proregem imponderet, quod Angli minimè ferant.
Præterea ne Anglos externis bellis involueret, Scoti an-
tiquo cum Gallis foedere freti, maiores animos in An-
glos sumerent, Hispanus tantæ potentia se opponeret:
postremò ne populus pensitationibus ad eius magnifi-
centiam tuendam oppressus seditiones concitaret. Com-
moda verò videbantur, firma cum Gallis confœderatio
stabiliretur, Pontificiorum rebelliones, si quæ fuerint, fa-
ciliùs comprimerentur, omnis spes Scotæ, & omnium
qui eius nuptias ambiunt, eiq; fauent, intercluderentur.
Hispanus ad rem Belgicam componendam & foedus

M. D.

LXXIX.

*Bombardula
in Regina
phaselum
exonerata.*

*Andinus in
Angliam
venit.*

*Pericula ex
eius nuptijs.*

Commoda.

M. D.
LXXIX.

*Incommoda
sinegigan-
tur.*

Amatus
Stewartus
Aubignius
in Scotiam
venit.

Aubignius
unde dictus.

Ad honores
euectus.

Protestanti-
bis suspectus

Burgundicum confirmandum perduceretur, & Anglia solida & læta securitate ex Regina liberis toties optatis tandem perfrueretur. Sin hæ nuptiæ negligerentur, vererantur ne Galli irritarentur, Scoti ab alienarentur, Andinus nuptias cum Hispani filia contraheret, quacum Belgicas Provincias in dotem acciperet, Gallus & Hispanus Scotam adiutarent, Scotorum Regem in suas partes pertraherent, eidem vxorem in rem suam procurarent, religionem reformatam excinderent, & Angli cum nullam liberorum ex Regina spem viderent, Orientem Solem adorarent. Vnde illa non poterat non animo ad mortem usq; discrucari, & contabescere.

Vt hisce diebus religionis mutationem ab Andino Angli nonnulli timuerunt, ita & Scoti ab altero Gallo, *Amato*, siue *Esmæo Stuardo Aubignio*, qui hoc tempore in Scotiam ad cognatum Regem invisendum venerat, (Ille enim Ioannis Stuardi fratris Matthæi Comitis Lenoxiæ, qui Regis avus, filius erat, & *Aubignius* ab *Aubignio* in Biturigibus cognominatus, quod Carolus Septimus Rex Galliarum olim largitus erat Ioanni Stuardo è familia Lenoxia, qui exercitus Scotorum in Gallia Constabularius, Anglos ad Baugium profligavit, ab ijs postea in prælio *Des Harrans* occisus; & iam inde ad iuniores ex ea familia spectavit.) Hunc Rex singulari benevolentia complexus opimis prædijs donavit, intimis consilijs adhibuit, Scotiæ Camerarium, Castri Dunbritonij Præfectum constituit (& postquàm ritè in Ordinum conventu honorarias literas, quibus, pupillari ætate, Robertum Episcopum Cathanessæ, fratrem avi tertio genitum Lenoxiæ Comitem creaverat, revocasset, & Marchiæ Comitatu compensasset) primùm Lenoxiæ Comitem, & deinde Ducem creavit. Florentissima hæc apud Regem gratia invidiam apud multos conflavit, qui illum Guisijs & Romanæ religioni devotum, ad veram religionem subvertendam in Scotiam missum obmurmurarunt. Suspicionem auxit quòd Mortonij adversarijs se applicaret, & de revocando Th. Carro Fe nihurstio Scotorum Regina,

Reginæ, si quis alius, addicissimo intercederet, frustra obnitente Mortonio, cuius potentia iam apertè divergebat, (etsi Hamiltonijs profligatis, & Castro Hamiltonio & Daffranio captis, præclare mereri videretur.) Erant qui hoc tempore Hamiltonijs odium apud Regem concitarunt maximum, eorum nomen quasi terriculamentum obiectando, & ita exagitando, ut ad necessariam sui defensionem contra Regem castra illa propugnaverint, sed ad deditionem coacti, & Parlamentaria autoritate cædis tam Moravij, quàm Lenoxij Proregum rei peracti, & proscripti. Horum nonnulli in Angliam confugerunt, pro quibus Elizabetha per Eringtonium tam ex honore, quàm iustitiæ ratione, sedulò interposuit, cum illa Anno M D LXXIII ad quietem fundandam fidem obligasset, illos in questionem, eas ob causas, nisi ipsa consentiente, non devocandos.

Illa etiam sub hoc tempus in altera Orbis parte intercedente, *Amurathes Cham*, siue Sultanus Turcarum opera Guilielmi Harbourni Angli & Mustaphæ Beg Bassæ Turcici concessit, ut mercatores Angli perinde ac Galli, Veneti, Poloni, Rex Germanorum, & alia vicina gentes mercaturam per omne eius imperium liberè facerent. Vnde illi regia autoritate in societatem coaluerunt, quæ *Turcica* dicta, quætuosissimam iam inde mercaturam Constanti-nopoli, Angoriæ, Chio, *Petrazzo*, Alexandriæ, Ægypti, Cypri, & alibi in Asia exercuerunt, pro Aromatibus, Cotoneis, Serico impexo, Tapetis, Indica tinctura, viis Corynthis, siue *Curantz*, Sapone, &c.

Execranda Matthæi Hamonti impietas, quæ in Deum Christumq; eius Norwici hoc tempore palam debacchata est, & cum illius viuicomburio, ut spero, extincta, oblivione potius est obruenda, quàm memoranda. Nec ego cum illis iuxta sentio, qui publicè interesse existimant, ut singula vitia, venena, & impietates propalentur: cum parum absit à docente qui huiusmodi narrat.

Hic annus supremus erat Nicholao Bacono Magni Sigilli Angliæ Custodi, sub quo nomine, honore & auctoritate

M. D.

LXXIX.

*Hamiltonij
deiecti.**Proscripti.**Ab Eliza-
betha suble-
nati.**Turcica
mercatorum
societas.**Hamonti
impietas.**N. Baconus
obiit.*

M. D.
LXXIX.

Tho. Brom-
leius *succedit*

Greshamus
obit.

*Eius Londi-
ni Collegium*

*Rebellio Ia.
Fitz-Moris
in Hibernia.*

*A Papa &
Hispano ex-
citata.*

thoritate Cancellarij Angliæ ex Parlamentario decreto
usus erat. Vir præpinguis, ingenio acerrimo, singulari
prudencia, summa eloquentia, tenaci memoria, & sacri
consilij alterum columen, cui Thomas Bromleius Can-
cellarij Angliæ titulo suffectus erat.

Baconum sequutus est Thomas Greshamus ciuis
Londinensis, Mercator Regius, & ex ordine Equestri,
Richardi Greshami ex eodem ordine filius, qui patriæ
ornamento, & Mercatorum vsui Peristyllium pulcherri-
mum (*Excambium Regium* Elizabetha nominavit) Lon-
dini extruxit, & ædes, quas in vrbe habuit amplissimas
bonarum literarum professioni dicauit, constitutis in ijs-
dem Sacræ Theologiæ, Iuris Ciuilis, Medicinæ, Astro-
nomiæ, Geometriæ, & Rhetoricæ prælectionibus cum
honestis salarijs.

In Momonia Hiberniæ provincia novam rebellionis
flammam accendit Iacobus *Fitz-Moris*, ille qui antea Pe-
rotto Momoniæ Præsidi ad genua aduolutus, lugubri e-
iulatu & supplici oratione veniam precatus, fidem obse-
quiumq; Reginæ sanctissimè voverat. Ille (inquam cui
nulla nisi in turbis quies) in Galliam se subduxerat, Re-
gi pollicitus si suppetias ferret, se Hiberniam vniversam
Gallico sceptro adiuncturum, & Romanam religionem
in insula restauraturum. Verum dilationibus fatigatus, &
demum irrisus, è Gallia in Hispaniam profectus, eadem
Regi Catholico promisit. Ille ad Romanum Pontificem
transmisit, à quo (Nicholao Sandero Præsbytero Anglo,
& Alano Hibernico Theologiæ Doctoribus maximope-
rè procurantibus) pauxillum pecuniæ, Legatinam San-
dero authoritatem, consecratum vexillum, & commen-
datitias ad Hispanum literas consequutus, in Hispaniam
rediit. Et inde cum illis Theologis, tribusq; navibus &
exigua militum manu ad *Sanctæ Mariæ vicum* (*Smerwic*
contractè vocant Hibernici) in Kerria Hiberniæ Cherso-
nesso circa Calendas Iulij appulit, vbi, loco ritè à Sacer-
dotibus consecrato, munimentum erigit, & iuxta naves
subducit, quas Thomas Courtneius nobilis Anglus, qui
cum

cum bellica naue in statione propinqua fortè hæsit, mox aggressus cœpit & abduxit; marisque beneficio Hispanos exclusit. Ioannes & Iacobus fratres Comitis Desmonia, paucis Hibernicis contractis, affini *Fitz-Moris* se protinus adiungunt, Comes autem ipse, qui impensè causæ fauit, simulatè suos convocat, quasi obstiturus, Comitem *Clancaria* selecta militum manu contra hostes & rebelles ad eum accedentem subdolè amolitus.

Prorex ut hostes appullos certis nuntijs accepisset, per Henticum Dauilium Anglum virum nobilem & fortem, Desmonijque perfamiliarem Desmonia Comiti & fratribus coniunctim imperat, ut munimentum quamprimum adorirentur. Quod cum illi tergiversati abnuerint, tanquam periculi plenum, Dauilium discedentem subsequitur Ioannes Desmonius. Ad *Trallium* opidulum assequitur diversantem in publico hospitio, nocteq; intempesta, hospite corrupto, cum sicarijs in cubiculum strictis gladijs irrumpit, ubi Davilius securè cum Arthuro Cartero Protribuno Momonia veterano fortissimo altum dormivit; sed tumultu excitatus, cum Ioannem Desmonium stricto gladio in cubiculo cospexisset, se levans, Quid rei (inquit) mi fili (ita enim illum familiariter compellare solitus) *Non amplius iam ego tibi filius* (inquit ille) *nec tu mihi pater, morieris.* Simulque & eum, & qui vna dormivit Carterum, multis vulneribus confossos trucidarunt, postquam Dauilij puer pedisequus obiectu nudî corporis dominum quantum poterat aliquantisper defendisset, & vulnera excepisset. Mox Dauilij famulos, qui hinc inde dispersi cubarunt, interfecit singulos, reversusque cruentatus, apud Hispanos de cæde gloriatur. *Et hoc,* inquit, *sit vobis pignus meæ in vos & hanc causam fidei.* Hoc Sanderus ut suaue coram Deo sacrificium laudavit, Iacobus *Fitz-Moris* cædis rationem improbavit, qui factum in via potius quam in lecto maluit. Comes ut audiuit, toto animo detestatus damnavit.

Hispani cum pauculos Hibernicos, eosque inermes & misellos se coniungere viderent, contra ac *Fitz-Moris* promi-

M. D.
LXXIX.

Desmonius
saue.

Dauilius in
lecto occisus.

Sanderus
cædem appro-
bat.

M. D.
LXXIX.

*Confilius
cum illis de
Burgo.*

*Fitz-Moris
occiditur.*

*Guil. & Bur-
go factus
Baro.*

*Præ gaudio
moritur.*

*Desmonius
fidem simulat*

promiserat, diffidere, se perijsse inclamare, & fortunam deplorare suam, cum nec mari, nec terra effugium viderent ullum. Vt patienter expectarent *Fitz-Moris* adhortatur, magnas copias auxiliares adventare affirmat, ipseque simulatè iter suscepit ad *Sanctam Crucem Tipporarie*, obtentu votum, quod in Hispania fecerat, solvendi, reverà ut seditiosos ex Connachtia & Ultonia contraheret.

Dum ille cum pauculis equitibus & XII peditibus iter habet per terras *Guilielmi à Burgo* affinis (qui in superiori rebellionem ipsi coniuratus) & iumentis iam deficientibus; equos ab aratris iuxta viam abripit. Agricola, clamore sublato, viciniam ad equos recuperandos convocat, inter quos filij *Guilielmi de Burgo* iuvenes animosi conscensis equis, adeò acriter persequuntur, ut anteverterent. *Fitz-Moris* conspicatus *Theobaldum de Burgo* & fratres, qui iampridem una secum fuerant rebelles, amicè affatus, *Cognati*, inquit, *de uno & altero equo strigoso ne concertemus, non dubito quin causa, cur ego in Hiberniam redierim cognita, vosmet mihi comites adiunxeritis.* Respondet *Theobaldus*, Prioris rebellionis & me, & patrem, & meos vehementer poenitet, fidem & obsequium benignissimæ Principi quæ vitam indulxit, iuravimus, & fidem præstabimus. Itaque redde iumenta, aut ut reddas adigam; simulque hasta contorta in illum irruit. Pugnatum est aliquandiu, *Theobaldus*, & alter è fratribus cum nonnullis suorum occubuerunt, simulque *Fitz-Moris* ipse hasta transfixus, & caput plumbea grande transfossus cum plerisque suorum cecidit. Cadaueri caput amputatum, corpus membratim dissectum, membra palis suffiguntur ad portas *Kilmaloci*, ubi prius fidem Principi in Ecclesia coram *Perotto*, ut diximus, magnis obtestationibus astrinxerat. Regina *Guilielmum à Burgo* literis dolore & amore plenissimis de filiis amissis consolata, titulo *Baronis Castri Conelli* ornavit, & annua pensione muneravit, unde senex inopino gaudio perfusus, haud multò post expiravit.

Drurius Prorex prope Kilmalocum iam advenerat, Comitumque;

mitemq; Desmonium accersit, qui coram advenit, fidemque & obsequium in Principem pollicitus, etiam iureiurando interposito, se cum suis contra rebelles militaturum obligat. Vnde dimissus ut suos colligeret, & ad Proregem rediret. Ioannes Desmonius Comitis frater qui in *Fitz-Moris* locum inter rebelles suffectus ex insidijs, Herbertum & Primum Anglos cum cohortibus quas duxerunt intercepti, & occidit, ipse in facie sauciatus. Numeros verò sexcenti milites è Deuonia supplerunt, Peroniusq; cum sex bellicis navibus ad oram tuendam ex Anglia missus.

Quo tempore Prorex morbo vehementius indies afflictatus necessario Waterfordiam, ad valetudinem curandam, recessit, & Nicholaum Malbeium Connachtiae Praefectum veteranae militiae gloria clarum bello & Momoniae praefecit. Recedenti Desmonij vxor supplex filium vnicum & heredem obtulit in obsidem pro patre. Nam postquam ille Kilmaloco discesserat, non comparuit, etsi Malbeius subinde officij, & promissi per literas admoneret, qui nihil cumctandum ratus in *Conilo Syluestrem* regionculam contra rebelles mouit: vbi Ioannes Desmonius acie disposita, & sacro Romani Pontificis vexillo explicato, illum excepit, signisq; collatis acerrimè utrinq; dimicatum. Cum virtuti Anglorum fortuna tandem faueret, Ioannes primus fugam capeffit & suos occidioni reliquit; inter quos repertus est Alanus ille Theologus, qui victoriæ promissa animos ad praelium incitauerat.

Ea nocte Comes Desmonius qui spectator è propinquo colle aderat, victoriæ Praefecto per literas simulatè congratulatur, monetq; sub amicitiae specie, ut inde castra moueret. Malbeius nuntio remisso per literas Comitem iubet ut accederet, viresq; coniungeret, quem cum quatrimum ibi frustra expectasset, ad *Rekelium* Desmoniae oppidulum promouet. Iam Comes, qui tam diu vultu & verbis simulationem egregiè sustinuerat, personam deponit, & rebellem animum apertè induit, eademq;

M. D.
LXXIX.

I. Desmonius
us Anglos
cadit.

Nich. Mal-
beius Mo-
monia praefi-
citur.

Rebelles
fundit.

Desmonius
apertè rebel-
lat.

M. D.
LXXIX.

Drurius
Prorex obit.

Rebelles inde
erectiores.

Guil. Pel-
hamus fit
Hibernia
Iustitiarius.

demq; nocte rebelles Malbeij castra per tenebras aggrediuntur, quæ tamen ita munita invenerunt, ut re infecta recesserint. Præfectus cum locus ille ad disiungendas rebellium copias opportunus videretur, præsidium ibi imposuit, indeq; ad *Askettenum* tendit, castrum Comitis in rupe *Asketteno* flumine circumfusus, & militari manu armatum. Priusquam tamen aggredere, literas ad Desmonium iterum dedit, eumq; hortatur proposita Reginae benignitate, prisca familiae Desmoniae dignitate, maiorum gloria, & apud posteros infamia, ut rebellionis maculam non subiret, sed ad officium rediret. Ille contra, ut animum peruiacia, ita & castra advenarum Hispanorum & Hibernicorum præsijs circumquaq; obfirmat. Quo tempore, ineunte Octobre, Drurius Prorex Waterfordiae expiravit, vir sanè spectatae virtutis & bellicis studijs ab ineunte ætate in Gallia, Scotiâ & Hibernia nutritus.

Prorege mortuo, intermoritur vna Malbeij in Momonia autoritas, qui militibus per præsidia dispositis in Connachtiam suam Provinciam recessit. Rebelles ex Proregis morte animos sumunt, & quomodo ab Anglorum imperio se penitus eximerent, deliberant, consultißimumq; visum præsidarios undique circumfidere, & fame premere. Iacobus igitur Desmonius *Adarum*, ubi Guilielmus Stanleius, & Georgius Carewus stationem habuerunt, obsidet, sed præsidarij famem extremum malorum, metuentes, obsessores tam crebris eruptionibus fatigarunt, ut obsidionem soluerint, & libertatem prædandi in agro vicino reliquerint, quod gnauiter & fortiter fecerunt, ipso Iacobo vulnerato.

Interea Consiliarij Regni Guilielmum Pelhamum in Iustitiarium Hiberniae cum Proregis autoritate, donec Prorex crearetur, elegerunt, & Ormondiae Comitem Momoniae præfecerunt, qui Desmonij filium, quem penes se obsidem habuit, Dubliniam custodiendum misit. Pelhamus Iustitiarius in Momoniam pergit, Desmoniumq; accersit; sed ille missis per uxorem literis, se excusat.

cusat. Mittitur itaq; Ormondus, qui illum moneret, vt Sanderum Theologum, milites extraneos, castella *Cari-go-Foylum*, & *Askettenum* Iustituario in manus traderet, absolute se submitteret, viresq; suas contra fratres & cæteros rebelles converteret: quæ si fecerit, rebellionis gratiam consequeretur, sin minus patriæ proditor & hostis declarandus. Cum ille tergiversatione hæc eluderet, proditor & læsæ Maiestatis reus ineunte Novembri declaratur, quod de patria debellanda & subvertenda cum externis Principibus egisset, Sanderum & Iacobum *Fitz-Moris* rebelles sustentasset, Hispanos è munimento ad *Smerwick* delapsos fouisset, fideles subditos suspendio sustulisset, Pontificis Romani vexillum contra Reginam explicasset, & exteros in regnum induxisset. Hoc promulgato, Iustitarius Ormondio bellum persequendum cõmisit, Desmonius in aliam Momoniæ partem conversus, *Yoghaliæ* oppidum maritimum satis munitum, nemine resistente, ex improvise occupat & diripit. Ormondus per *Conilo*, vnicum rebellium perfugium, omnia longè lateq; vastat, armenta abigit, & in prædam militibus concedit, Prætorem *Yoghaliæ*, quod præsidium Anglorum admittere recusasset, suspendi pro foribus iubet, præsidioq; oppidum firmat. Deinde Hispanos in *Strangicallia* obsidere parat. Illi autem se prius periculo subdlexerant, Angli tamen persequentes ad vnum interemerunt; rebellesq; vbique per Momoniæ gravissimè exagitarunt. Desmonius verò & fratres, etsi latitantes, Iustituario literis prolixis significant, se suscepisse Catholicæ fidei in Hibernia patrocinium, idq; Pontificis Romani auctoritate & Regis Catholici auspicijs, ideòque illum blandè submonent, vt in causa tam pia & *meritoria* ad animæ salutem se socium adiungeret.

M. D.
LXXIX.

*Desmonium
officij monet.*

*Proditorum
denuntiat.*

*Ormondus
rebelles per-
sequitur.*

M. D.
LXXX.

M. D. LXXX.

*Iustitarius,
& Ormondus rebelles
exagitant.*

*Iac. Desmonius captus
& morte affectus.*

*Desmonius
miserijs oppressus.*

*Arthurus
Baro Greius
Hibernia
Prorex.*

IUSTITIARIUS hæc suaviter irridens in Momoniam reversus, nobiles convocatos prudenter apud se detinet, nec demittit, nisi obsidibus datis, promitterent operam contra rebelles cum ipso & Ormondio navare. Qui mox divisis cohortibus, rebelles indagant, Baronem *Lixnavum* ad deditionem adigunt, *Carigofoylum* castrum obsidione incingunt, quod Iulius Italus cum paucis Hispanis defendit, macerieq; mœnium, vi maiorum tormentorum disiecta, irrumpunt, præfidiarijs cæsis vel suspensis vnà cum Iulio. Deinde castrum *Balliloghum* à præfidiarijs, cum Anglos adventare viderent, incensum & derelictum; vti etiam *Askettenum*, cui cum novo Anglorum præsidio Petrus *Carew*, & Georgius frater præficiuntur. *Mac-Aulei* territorium devastatur, & inde per vliginosum montem *Slewlougher* in Kerriam Iustitarius ingreditur, magnam vim pecorum abigit, rebellesq; plurimos perimit. Iacobus Desmonius Comitis frater *Muskeroiam* regiunculam Cormaci *Mac-Teg* (quem Iustitarius ea lege dimiserat, vt de patria contra rebelles benè mereretur) deprædatus, incidit in Donellum Cormaci fratrem, qui prædam pluribus cæsis, recuperavit, Iacobum vulnere lethali fauciatum coepit, Warhamoq; *Sancto Legero* Marescallo Momoniæ, & Waltero *Ralegho* (qui nunc primum ordines duxit) tradidit. Illi in iudicium vocarunt, & Maiestatis reum peractum vfitato proditorum supplicio affecerunt, capite *Corcagij* portæ in spectaculum præfixo. Desmonius ipse omnibus miserijs afflictissimus nusquam tutus, loca subinde mutat, vxorem ad Iustitarium mittit, ad veniam exposcendam, & cum Wintero qui armata classe Hispanos illa ora expectavit, per suos sedulò agit, vt in Angliam transveheretur, ad Reginae misericordiam implorandam.

Iam Iustitarius certior factus Arthurum Baronem Greium

Greium Hiberniæ Proregem designatum in Hibernia appulisse, Momoniæ exercitum Georgio Bouchiero Ioannis secundi Comitis Bathoniæ filio committit, ipseq; Dubliniam, modicis itineribus vt Prouinciā successorī traderet, reuertitur. Greius vbi primū appulerat, antequā gladium & Imperij insignia accepisset, audito rebelles quosdam sub ductu *Fitz-Eustatij*, & *Pheogi Mac-Hugh* principis numerosæ familiæ *O-Brinorum* latrocinia agitare, & perfugium sibi in *Glandilough* vicesimo quinto à Dublinia milliari ad Austrum habere, vt famiæ instaret, & acrioribus initijs terrorem incuteret, iussit ordinem duces qui salutatum hinc inde venerunt, vt contracta militum manu contra rebelles cum ipso pergeret. Isti illicò in *Glandilough* se recipiunt. Vallis illa est graminosa, saginandis pecoribus idonea, & magna ex parte subvuida, saxosa crepidine, & declivi præcipitio, arboribus arbutisq; densis vndiq; circumfita; tramites verò vix incolis cogniti. Cū ad locum ventum, Cosbeius Hibernicorum peditum expeditorum (quos *Kernes* vocant) Ductor, qui penitus loca novit, monuit reliquos quanti periculi esset vallem illam insidijs opportunam ingredi, audendum tamen virili animo suadet, ipseq; septuagenario maior præit, cæteri subsequuntur. Simul ac in vallem descendissent, ex arbutis, glandium quasi grandine à rebellibus circumquaque dispositis, quos ne viderunt quidem, obruuntur. Pars longè maxima cecidit, cæteri per crepidines impeditissimis vijs eluctari, ægrè ad Proregem evaserunt, eventum in colle expectantem cum Comite Kildariæ, & Iacobo Wingfeldio machinarum præfecto, qui non ignarus periculi, Georgium *Carew* alterum nepotem apud se detinuit invitum, ad maiores honores reservatum. Desiderati fuerunt Petrus *Carew* iunior, Georgius Morus, Audleius & ipse Cosbeius viri militari laude florentes.

Brevi tempore interiecto, appulerunt ad *Smerwicum* in Kerria sub Imperio *San-Iosephi* Itali septingenti plus minus Itali & Hispani à Pontifice Romano & Hispano sub-

M. D.
LXXX.

In rebelles
monet.

Angli cæsi.

More

Itali & Hispani in Hibernia appellerunt.

M. D.
LXXX.

*Munimen-
tum erigunt.*

Obsidentur.

Zouch.

submissi, specie Romanæ religionis restituendæ, reverà vt Elizabethæ vires diducerent, & animum à rebus Belgicis retraherent. Terram nemine prohibente conscenderunt, Winterus enim qui in illa ora eos cum armatis nauibus aliquandiu præstolatus erat, in Angliam Æquinoctio Autumnali iam præterito, redierat. Illi locum munitionibus firmant, & *Fort del Or* nominant. Sed simul ac Ormondium Momoniæ Præfectum accedere nuntiatum, Hibernicorum suasu, munimentum reliquerunt, & in *Glaningelliam* vallem præruptis montibus & syluis conclusam se receperunt. Nonnullos Præfectus interceptit, qui interrogati de numero & suscepto consilio, fassi sunt septingentos advenisse, arma verò quæ quinque millibus sufficerent attulisse, pluresq; ex Hispania indies expectari. Pontificem & Hispanum statuisse Anglos ex Hibernia exturbare, ad eam rem grandem pecuniam misisse, quam Sander Pontificis *Nuntio*, Comiti Desmonia, & Ioanni eius fratri in manus tradiderant. Eadem nocte Itali & Hispani, quò se verterent ignari, cum lustris latitare nescirent, per tenebras ad munimentum repedarunt, iuxtaque castrametatus est Ormondus. Sed à machinis, & cæteris ad oppugnationem necessarijs, destitutus, Proregis adventum expectat. Ille brevi advenit comitatus Zouchæo, Ralegho, Denio, Mac-wortho, Achino, & alijs militum ductoribus, eodemq; tempore Winterus cum bellicis nauibus ex Anglia non inculpatus redierat.

Prorex tubicinem ad munimentum misit percunctatum quinam essent, quid rei illis in Hibernia, quis miserat, cur munimentum in Elizabethæ Regno posuerant? simulq; imperaret, vt quamprimùm abscederent. Illi responderunt, alios à sanctissimo Patre Pontifice Romano, alios ab Hispano Rege Catholico missos esse, cui Pontifex Romanus Hiberniam donaverat, quandoquidem, iure in Hiberniam Elizabetha ob hæresim iustè exciderat. Itaq; se velle parta tueri, nec non plura si potuerint quærere. Cum de ratione obsidionis inter Proregem & Winterum consultatum esset, classarij *Colubrina* quædam è nauibus

navibus nocte silente educunt, aggereq; iuxta littus per-
fosso, compendiò pertrahunt, & disponunt. Milites iti-
dem ex altera parte muralia tormenta librant, simulque
infesta pulsatione in munimentum quatuor continuis
diebus effulminant. Hispani semel atq; iterum suo dam-
no erumpunt, ex Anglis verò ne vnus quidem periit,
præter Ioannem Checum iuvenem spetiosum & animo-
sum, Ioannis Checi Equitis eruditissimi filium.

San-Josephus qui munimento præerat, homo imbellis
assidua pulsatione territus, statim de deditioe cogitavit,
cumq; Hercules Pisanus, & alij Ductores enixè dissuade-
rent vt viris militaribus indignum, instarentq; vt ad de-
fensionem se pararent, ne sua ignavia animos Hiberni-
cis qui iam opem laturo, minuerent. Ille insigni ignavia
per suos, militum animos tentavit, effecitque, vi seditiosè
ductoribus intentata, vt deditioe adsentirent. Vnde die
quinto, cum nihil subsidij neq; ex Hispania, neq; à Des-
monio viderent, candido sublato vexillo, colloquium
petierunt. Quod negatum quia cum rebellibus se con-
iunxerant, quibuscum non fas sit aliquod colloquium
habere. Petierunt deinde vt cum impedimentis liceret
descendere; nec hoc concessum. Postea vt Præfecto, &
primarijs quibusdam viris hoc permetteretur, nec hoc
maximoperè rogantibus datum. Iussitq; Prorex (asper-
rimè in Pontificem Rom. inuictus) vt nulla adiecta con-
ditione, se dederent. Cumq; nihil aliud exorare possent,
sublato iterum candido vexillo, *Misericordia, Misericordia*
conclamitarunt, & se Proregis misericordiæ absolute
submiserunt, qui illicò quid de illis ageretur suos consu-
lit. Cum autem dedititij Anglos numero æquarent, pe-
riculum à rebellibus qui plures quàm mille quingenti,
imminerent, Angli victu & vestitu ita destituerentur vt
tumultuaturi essent, nisi ex munimento spolijs hostili-
bus sublevarentur, navesq; deessent, quibus hostes ave-
herentur: in hanc sententiam, Prorege invito & lachri-
mante, itum est; vt servatis ductoribus, reliqui in terro-
rem promiscuè occiderentur, Hibernici autem suspen-
derentur,

M. D.
LXXX.

Se dedunt.

*In eos san-
tur.*

M. D.
LXXX.

*Vestium lux-
us coercetur.*

*Et nona in
Londini
suburbijs
aedificia.*

*Mechlinia
capitur.*

*Angli sa-
crilegi.*

derentur, quod mox factum. Infectum tamen maluit Regina, scuitiam etsi necessariam, in dedititios ex animo averfata, & rationes cædis commissæ ægrè admisit. Hæc in Hibernia, quæ coniunxi, ne series narrationis interrumpetur, licet alia pro temporis ratione prius memoranda intervenerint.

In Anglia, hoc anno inchoante, collaria ornamenta, quæ supra modum ampla erant & involucris voluminosa, palliaq; ad talos ferè vsque promissa, non minùs indecora quàm magnæ impensæ, edicto coercerentur. Gladij item ad IIII pedum, pugiones ad XII, pollicum extra manubrium, & cuspides ex parmarum umbone prominentes, ad duorum pollicum longitudinem revocantur. Itidem, cum populo sa multitudine ad Londinum undiq; confluente, vrbs & suburbia aedificijs plus iusto, iam adeò intumuisse (dum reliquæ Angliæ vrbes & oppida contabescerent) vt nisi tempestivè occurreretur, nec ordinarij Magistratus regendæ multitudini, nec circumvicini agri pascendæ sufficere viderentur: & Epidemica contagio, si qua acciderit, latius & gravius per ædes condensas, & inquilinis refertissimas serperet, Regina edicto vetuit, ne qua aedificia ad habitationem intra tria millia pass. ab vrbs portis de novo extruerentur, sub poena incarcerationis & materiæ ad extruendum convectæ amissionis, nec plures quàm singulæ familiæ singulas ædes incoherent.

In Belgio Ioannes Norrius Præfectus Anglis, & Oliuarus Templeus cum aliquot Belgarum cohortibus Mechliniam opulentam Brabantiae urbem scalis primo diluculo admotis, multa civium & religiosorum strage coeperunt; aliqua sanè fortitudinis laude, sed quam foeda rapacitatis & sacrilegij macula inquinaverunt. Etenim non solum civium opes omni prædandi insolentia diripuerunt, sed etiam in templa, sacra, & sepulchra sæviverunt, vim mortuis inferentes. Vidimus enim (pudet dicere) plures sepulchrales lapides inde in Angliam transmissos, & venum expositos, vt impietatis publicè prostant argumenta.

Terræ-

Terræ-motus, qui iisdem diebus acciderunt, non alienum videatur memorare, cum in Anglia admodum raro accidant, & hi sanè potius Terræ-tremores dicendi. Octavo Idus Aprilis hora post meridiem sexta, coelo sereno & tranquillo, Anglia citra Eboracum & Belgium Coloniā ferè vsque, quasi momento ita tremuit, vt lapides ex ædificijs alicubi dilaberentur, campanæ in sacris turribus agitata sonitum darent, ipsumq; mare tunc placidissimum vehementius succuteretur. Nocte subsequente semel atq; iterum terra in Cantio contremuit, vt etiam denuò Calendis Maij nocte intempesta. An hoc factum vi ventorum terræ hiatus subeuntium, an aquarum subter terram vndantium, aut aliunde, viderint Physici. Motus verò subsequutus est in Pontificios per Angliam, sed ab ipsis excitatus his initijs.

Sacerdotes Angli, qui in Belgium profugerant, Anno M D L X V I I I curante Guilielmo Alano Oxoniensi inter eos doctissimo, Duaci convenerunt, & ad Collegij rationem in disciplinam communem se tradiderunt, quibus Pontifex Romanus pensionem annuam assignavit. Belgio deinde tumultibus agitato, & Anglis profugis iussu Requesenij Belgio eliminatis, alia eiusmodi iuventuti Anglicæ Rhemis à Guisjs Reginae Scotorum cognatis, & Romæ à Gregorio X I I I instituta. Quæ cum dies Pontificios Sacerdotes in Anglia absumeret, semper novos suppeditarent, qui Romanæ religionis semina in Anglia spargerent. Vnde *Seminaria* dicta, & qui in ijs educati vulgò *Seminarij*.

In his, dum inter alia de potestate Ecclesiastica & Politica disputaretur, Zelus in Pontificem fundatorem, odium in Reginam, & spes religionem Romanam per Scotorum Reginam restaurandi, nonnullos eò proriperunt, vt sibi ad veritatem persuaferint, & definierint Pontificem Rom. iure divino *plenitudinem potestatis* in vniversum Orbem terrarum tam in Ecclesiasticis, quàm Politicis habere; eumq; ex hac *potestatis plenitudine* posse Reges excommunicare, & excommunicatos, (subditis à fi-

Qq

delitatis

M. D.

LXXX.

Terræ-motus

*Pontificiorū
afflictionis
principium.*

*Seminariorū
Anglicorum
initium.*

M. D.
LXXX.

Nelson

Quo consilio
Seminarij in
Angliā missi.

Iesuite in
Angliam
subrepunt.

In Semina-
rios & Iesui-
tas edictum.

delitatis sacramento absolutis) folio deturbare. Hinc anno MDLXIX. *Bulla illa Declaratoria* Pij v. publicata, & ex illa rebellio in Boreali Angliæ parte, & ista Hibernica, quam modò dixi, exarserunt, plures à receptis sacris, quæ antea sine scrupulo frequentarent, abstinuerunt. Han-
sius, Nelsonus, Mainus Sacerdotes, Sherwoodusque Re-
ginam Schismaticam & hæreticam esse, ideoq; abdican-
dam obfirmatè docuerunt, quod morte luerunt.

Ex his *Seminarijs* primùm pauci iuvenes, mox plures, ut succreverunt, sacris præproperè initiati, & huiusmodi dogmatibus instructi, in diversas Angliæ & Hiberniæ partes emissi, ut ipsi præ se tulerunt ad Romanæ religionis sacramenta administranda, & conciones habendas. Regina autem & Consiliarijprehenderunt, submissos fuisse ad subditos à debita erga Principem fide & obsequio abstrahendos, eosdem ad Pontificis mandata præstanda per *Reconciliationem* obstringendos, intestinas seditiones sub *Confessionis Sigillo* concitandas, & planè ad sententiam Pij Quinti contra Reginam exequendam. Quò via præmuniretur Papæ & Hispano iampridem Angliæ expugnationem cogitantibus.

Ad hæc *Seminaria* cum pueri & adolescentuli plurimi omnis generis à Pontificijs, spreta legum authoritate, ex Anglia indies submitterentur, in eadem voto redeundi suscepto, admitterentur; atque inde alij clanculùm in Angliam irreperent, pluresque cum Iesuitis qui hoc tempore primùm Angliam ingressi expectarentur, prodijt mense Iunio Edictum, ut quicumque liberos, pupillos, cognatos, aut alios in transmarinis partibus habent, post decem dies eorum nomina Ordinario exhiberent, & infra quatuor menses domum revocarent, reversos Ordinario statim significarent, Non revertentibus pecuniam directè aut indirectè non suppeditarent, Sacerdotes ex *Seminarijs* emissos, & Iesuitas nemo hospitio exciperet, foueret, aut subleuaret, qui secus fecerit, rebellium & seditiosorum fautor habeatur, & Regni legibus teneatur.

Priusquàm hoc promulgatum, Pontificij se incommoda

moda ex Bulla illa serò perspexisse, emissamq; ægerrimè ferre simularunt. Defensionem eiusdè à Nic. Sanderò cōscriptam, versutè (vt exit⁹ docuit) suppresserunt, & quæstionem de Pontificis Rom. in excommunicandis & depōnendis Principibus potestate, in disputationibus agitari vetuerūt, quæ tamen in vetitum nitendo (ita natura cōparatum est) magis magisq; indies inter eos exarsit. Robertus item *Personius*, & Edmundus Campianus Angli è societate Iesu, ad rem Romanam in Anglia promovendam iam adventuri, ad temperandam asperam illam Bullam, *Facultatem*, à Gregorio XIII. Pontifice Rom. impetrarunt, in hæc verba. *Petatur à summo Domino nostro explicatio Bullæ Declaratoriæ per Pium Quintum, contra Elizabetham & ei adherentes. Quam Catholici cupiunt intelligi hoc modo, vt obliget semper illam & Hæreticos, Catholicos verò nullo modo, rebus sic stantibus. Sed tum demum quando publica eiusdem Bullæ executio fieri poterit. Has prædictas gratias concessit Summus Pontifex Patri Roberto Personio, & Edmundo Campiano in Angliam profecturis, die XIIII Aprilis MDLXXX præsentē patre Olinerio Manarco Assistente.*

Personius ille erat Somersfettensis, vehemens, ferox natura, & moribus incultioribus, Campianus Londinensis, vir suavis & politissimus; ambo educatione Oxoniensis, quos æqualis istorum temporum in Academia no-
ui. Hic è Collegio Sancti Ioannis, Procuratoris Academiae munere anno MDLXVIII. perfunctus, Protestantium religionem Diaconus factus simulavit, donec se ex Anglia subduxerit. Ille è Collegio Balliolensi, in quo Protestantium religionem palam professus, donec ob improbitatem cum ignominia expulsus, in Pontificiorum castra profugit. Hi clam in Angliam ingressi e mentito nunc militum, nunc nobilium, nunc Ministrorum verbi, nunc apparitorum habitu, per rura, & Pontificiorum nobilium ædes occultè perambularunt, quæ in mandatis habuerunt, strenuè verbis & scriptis peragentes. Personius qui *Superior* constitutus, seditioso & turbulento ingenio, audacia armatus, eò usque prorupit inter Pontificios, de Re-

M. D.
LXXX.

*Personius & Campianus
Iesuita in
Angliam ve-
niunt.*

*Facultas
Pontificijs
concessa.*

*Quales hi
Iesuita.*

M. D.
LXXX.

*Profugi ex-
teros in pa-
triam conci-
tant.*

In eos editū.

*Sellarij ex
Hollandia.*

gina deturbanda, ut nonnulli (ex ipsorum fide loquor) eum Magistratui in manus tradere cogitarint. Campianus etsi modestior, scripto tamen proposito Ministros Ecclesiæ Anglicanæ ad disputationis certamen prouocavit, & librum *Decem rationum* tersum & politulum ad Rom. Ecclesiæ doctrinā asserendam Latinè edidit, ut Personius alium Anglicè virulentum in Charcum, qui sobriè contra Campiani provocationem scripserat. Sed Campiani rationibus Whitakerus solidè respondit, & ille post annum captus, equuleo admotus, & postea ad disputandum productus, expectationem concitatam ægrè sustinuit.

Nec defuere alij ex Pontificia factione (Religio enim iam in factionem transierat) qui omnes nervos contenderant Romæ, & alibi per Principum aulas, bellum in patriam concitare, imo & typis publicarant, Pontificem Romanum & Hispanum conspirasse ad Angliam debellandam, prædæq; exponendam. Et consulto quidem, ut suis animos augerent, cæteros à fide in Principem & patriam deterrerent. Regina iam palam his Pontificis, Hispaniq; & armis & artibus impetita, scripto edito, quo (postquàm divini numinis bonitatem agnoscendo prædicasset,) declarat se nihil in quemcunq; Principem tentasse, nisi ad suum regnum conservandum, nec alterius cuiuscunq; provincias inuasisse, etsi subinde fuerit & iniurijs lacerata, & opportunitate inuitata. Si qui Principes oppugnauerint, non dubitare, quin (numine fauente) suos propugnare valeat; eoq; consilio vires terra mariq; lustrasse, & contra hostiles insultus iam apparasse. Subditos fideles hortatur, ut fide & officio erga Deum & Principem Dei ministrum immoti persistant. Cæteris qui charitatem in patriam & obsequium in Principem exuerant, imperat ut modeste se gerant, nec iustitiæ seueritatem irritent; se etenim nolle amplius committere, ut parcendo malis in se & bonos ciues sit crudelis.

Nec solum hi perfidi cives, sed etiam advenæ ex Hollandia (feraci Hæreticorum Provincia) per id temporis, pacem Ecclesiæ & Reipublicæ Anglicanæ turbare cœperunt, qui in imperitum vulgus singularis integritatis &

& sanctitatis specie se insinuarunt, & deinde damnatas hæreses fidei Christiana apertè adversantes in animos instillarunt, portentoso & novo loquendi genere, à Christiana professione alienissimo, quod homines potius mirarentur, quàm intelligerent. Hi è *familia Amoris*, siue *Domicilio Charitatis* se nominarunt. Sectatoribus persuaferunt solos in illam familiam adscitos electos esse & salvandos, reliquos omnes reprobos & damnandos; illisq; licitum esse negare iureiurando quicquid lubet coram Magistratu, aut quovis alio, qui non sit ex ipsorum familia. Huius fanaticæ vanitatis libellos è lingua Belgica in Anglicam conversos inter sectatores disperferunt, quibus titulos fecerunt *Euangelium Regni*, *sententias Documentales*, *Prophetiam Spiritus Amoris*, *Pacis supra terram publicationem Authore H. N.* Nomen authoris vt efferrent, induci non poterant, fuisse tamen Henricum Nicholai è Lugduno Batavorum postea compertum, qui *se Dei, Deumq; sue humanitatis esse participem* blasphemio ore prædicavit. Ad hos maturè ex lege comprimendos edixit Regina, quandoquidem Religio sit prima Principum cura, vt civiles Magistratus Ecclesiasticis adessent, & libri isti igni traderentur.

M. D.
LXXX.

Familia
Amoris.

In eos edita.

Sub id tempus in Angliam redijt Franciscus Dracus magnis opibus, & maiori gloria circumfluens, orbe terrarum foeliciter circum nauigato, omnium vtiq; si non primus qui hanc gloriam sibi asserat, certè primus à Magellano, quem in medio cursu fata præripuerunt. Hic, vt non alia referam, quàm quæ ab ipso audiui, natus est loco mediocri in Comitatu Deuoniæ, è sacro lauacro à Francisco Russellio, postea Bedfordiæ Comite, susceptus qui prænomenq; pro more indidit. Dum adhuc in annis teneris, pater Protestantium doctrinam amplexus, ex lege *Sex Articulorum*, ab Henrico Octauo contra Protestantes lata in quæstionem vocatus, solum vertit, & in Cantium se subduxit. Henrico demortuo apud Classarios in classe regia locum invenit, vt preces prælegeret, & mox Diaconus ordinatus, factusq; Vicarius Ecclesiæ

Fr. Dracus,

Eius origo.

Vpnoxa

M. D.
LXXX.
Educatio.

*Expeditio in
Americam
prima.*

Vpno ad *Medweagum* flumen (vbi classis statio) præ paupertate filium nauclero vicino tradidit, qui navicula, quæ oram legit, & nonnunquam in Zelandiam & Galliam merces deuexit, illum ad nautica officia duriter exercuit. Iuuenis gnavus & sedulus ita seni industriam probauit, vt coelebs moriens illi naviculam testamento legauerit. E qua cum paucillum nummorum corrasisset, & accepisset Ioannem Hawkinsum naves aliquot Plimuthæ apparare, atq; Americam, quam *Novum orbem* vocarunt, cogitare, navicula diuendita, eò cum strenuis quibusdam nautis è Cantio profectus, Anno M D L X V I I operam & fortunas Hawkinso in ea expeditione infelicitè contulit. Anglis enim in portu *S. Ioannis de Ullua* ab Hispanis, vt dixi, oppressis, ille fortunis amissis, ægrè evasit. Quinto post anno, scilicet M D L X X I I, cum ex opera nautica & piratica pecuniam satis magnam corrogasset, vt acceptum ab Hispanis damnum resarciret (quod licet Theologus classiarius facillè persuaserat) cum naue bellica quam *Draconem* nominavit, & duabus Liburnicis in Americam iterum, socijs tantum consocijs, navigavit, *Nombre de Dios* oppidum in Isthmo Darienæ coepit & mox amisit. Postea à Nigritis transfugis (*Cimarones* vocant) edoctus, magnam vim auri & argenti à mulionibus *Panama* deuehendæ, eos in via deprædatus, aurum ad naues detulit, argentum cum per montes asportare commodè non posset, reliquit, & partem sub terra occultavit. Inde opulentum mercium receptaculum ad *Chiragium* flumen (*Cruz* vocatur) incendit. Dumq; aliquantisper per vicina loca grassabatur, è montibus *Mare Australe* conspexit. Hinc homo gloriæ, opumq; cupiditate inflammatus, nauigandi mare illud tanto flagrauit ardore, vt eò loci in genua procumbens, diuinam opem imploreret ad Mare illud aliquando navigandum & explorandum, & ad hoc voti religione se obstrinxit. Iam inde noctes diesq; quasi stimulis concitabatur animus, vt votum solueret.

Dum ille abundè iam diues his curis tacitè incubuit,
Ioannes

Ioannes Oxenhamus qui superioribus navigationibus miles, nauta, & cocus sub eo meruerat, *Capitanei* nomen inter nautas ob fortitudinem & opes quas clam compa-
raverat, assequutus, vt præuerteret & muliones depræ-
dando, & illud Australe mare navigando, cum vnica na-
ve & nautis septuaginta ad eadem loca. Anno M D LXXVI
nauigat, reque cum Nigritis communicata, cum intelli-
geret muliones iam cum militari præsidio opes à Panā-
ma convehere, navem in terram subducit, in secessu auio
& nemoroso succēssis frondibus obtegit, maiora tormen-
ta & rem annonariam sub terra sepelit, cumq; suis omni-
bus, & sex Nigritis ducibus, ad flumen quod Australe
Mare influit, profectus, arbores succidit, phascloq; fa-
bricata ad *Insulam Margaritifera* in Mari Australi parum
distantem traiecit. In qua naues ex *Peru* adventantes x
dies præstolatus, vnā cum lx pondo auri, alteram cum
c pondo argenti intercæpit, & ad flumen cum captis
navibus regreditur. Re iam divulgata per Hispanos quos
dimiserat, Ioannes Ortega Hispanus cum c militibus
persequitur, cumq; triplex esset fluminis ostium, quā se-
queretur dubius substitit, donec plumæ volatiliū quæ
Angli comederant flumine delatæ viam ostenderent;
Quā Hispani insistentes, aurum inter arbusta, & Anglos
de præda partienda discordes reppererunt, qui tamen in
commune consulentes in Hispanos numero multo supe-
riores insiluerunt; sed plurimi cæsi, alij capti, & inter eos
Oxenhamus, qui *Limam* ductus & interrogatus an ex Re-
ginæ autoritate Regis Hispani ditiones fuerit ingressus.
Cum nullam auctoritatem exhibere potuisset, vt pirata,
generisq; humani communis hostis, supplicio vnā cum
naclero & alijs affectus, magno sanè ausu & memoran-
do excidit.

Dracus quid de Oxenhamo factum nescius, Anno
M D LXXVII Decembris, die xiii è *Plimutha*, vt Ma-
re illud Australe quod animo semper obversabatur, na-
uigaret, & fortunarum aleam iaceret, cum quinq; navi-
bus soluit, & classiarijs c lxi, quorum vix vnus &
alter

M. D.
LXXX.
Oxenhamus
in Ameri-
cam nauigat.

Isla de Per-
las.

Magno
excidit ausu.

Draci secun-
da expeditio.

M. D.
LXXX.

alter facienda sciuit, quod in expeditionibus tutissimum. Die vicesimo quinto Cātinum Barbariæ promontorium pervenit, inde in *Maio* Insula amœna, suavissimis vuīs feracissima se reficit. Ad *San-Iacobinam*, navem Lusitanam vino onustam cœpit, quam nautis dimissis abduxit, cum Nonnio Sylva Nauarcho qui vsui esset ad stationes, & aquationes in Brasiliæ littore, quas apprimè novit. Inde prætervectus est Insulam *Fogo*, sulphureas flammās evo-mentem, & *Brauam* sub qua mare esse altissimum nautæ perhibent. Iam prope Æquatorem, Dracus suorum salutem impensè fouens, singulis in classe ipse venam secuit, magnamq; ibi maris malaciam inter crebra tonitrua & fulgura expertus, tres ferè septimanas nihil aut parum promovit, totosque quinquaginta quinq; dies terram conspexit nullam, donec *Brasilia* se oculis obtulerit.

Doughteiu
morte afficit.

Die xxvi. Aprilis, ostium fluminis *Plate* ingressus, infinitam Phocarum copiam conspexit. Inde in Portum *Sancti Iuliani* delatus patibulum invenit, à Magellano (vt creditur) erectum, cum seditiosos quosdam puniret. Hoc eodem loco Ioannes Doughteius vir gnavus & animosus, & ab ipso secundus in crimen concitatae in classe seditionis vocatus, à xii. viris more Anglorum reus peractus, & ad mortem damnatus est, quam intrepidè capite abscisso subiit, postquam vnà cum Draco in sacra Synaxi participasset. Tumultuosius sane illum egisse, æquiores in classe iudicarunt, Dracumq; quasi suæ gloriæ æmulum amovisse, dum aspexit non tam quos navali laude superaret, quàm qui ipsum æquarent. Non deerant tamen qui nasutiores sibi visi, ferebant Dracum in mandatis habuisse à Leicestrio, vt Doughteium, quia Effexium Leicestrij artibus sublatum dictitaret, quovis quæsito colore, è medio tolleret.

Magellani
fretum transiit.

Vicesimo die Augusti, cum tribus navibus (nam duas minores armamentis & viris in alias translatis iam antè vndis reliquerat) ad *Fretum Magellanicum*, quod vocant, pervenit, Mare scilicet insulis refertum & editis montibus cōclusum, cœlo nivoso, & frigore rigenti: sexto Septem-

tembris freto superato, in apertum mare Australe, (quod *Pacificum* vocant) ingressus, turbidum verò supra modum expertus est; horridaq; tempestas classē in Occasum plus minus C. Leucas abripuit & disiunxit: Quo tempore observavit deliquium Lunare x v. Septembris hora vi. post meridiem, (in Mathematicorum gratiam noto.) Observavit etiam, contrā quam alij prodiderant, partem cœli Austrino Polo proximam pauculis ijsque minoris magnitudinis stellis ornari, tresque tantum primæ magnitudinis in illo Hemispherio conspici quas Anglia non vidit: Nubeculas autem duas eiusdem cum *Via Lactea* coloris à Polo non admodum remotas, quas nostri *Magellani nubeculas* vocarunt.

Ex abreptis tempestate navibus, altera cui Ioan. Winterus præfectus, per Fretum reecta, in Angliam redijt incolumis, primaq; omnium per Fretum illud remeavit. Ipse Dracus iam cum sua sola nave ad l v. Grad. Australis Latitudinis iactatus, ad Freti Latitudinem ægrè eluctatus, littus legit, deprehenditq; littora contrā quam in Tabulis depinguntur, in Orientalem plagam magno recessu retroagi.

Ad *Moucham* Insulam littori vicinam pridie Calendas Decembris appulsus, è nautis quos aquatum miserat, vnus & alter ab incolis intercepti. Hinc solvens incidit in barbarum cimbula piscantem, qui nostros Hispanos ratus, significavit magnam navem Hispanicam onustam in statione ad *Villa Parizo* subsistere, & eò direxit. Nautæ Hispani Anglos accedentes suos esse rati, tympano pulsato, & vino Chilino deprompto plenīs poculis invitant. Illi autem nauem ingressi, Hispanos infra foras illico detrudunt, oppidulum *Sancti Iacobi* adiacens diripiunt, vnā cum Sacello, cuius præda Fletcherō classario verbi Ministro cessit. Hispanis in terram expositis (qui non plures quàm octo cum duobus Nigritis) Navarchum natione Græcum, & navem secum abduxit, in qua c c c c. pondo auri Baldiuij, ita à loco dicti quod verè obrizum.

Ad *Taurapasam* deinde terram conscendit, vbi Hispani

R r

num

M. D.

LXXX.

*Eclipsim
Luna obser-
uat.*

*Stellasque
Austrinas.*

*Et Magella-
ni nubeculas.*

*Io. Winterus
primus omnium
per Fretum
redijt.*

*Dracus terra
marique præ-
datur.*

M. D.
LXXX.
*In opes for-
tuito incidit.*

*Cacofogam
capit.*

num securè dormientem in littore reperit, & iuxta, XIII. *barras* siue massas argenti ad c c c c m. Ducatorum valore, quas auferri iussit, homine ne experrecto quidem. *Portum Aricæ* postea ingressus, tria ibidem navigia nautis vacua reperit, & in ijs præter alias merces, LVI. lateres argenteos, quorum singuli x x. pondo pendebant. Hinc *Limam* delatus, naves XII. in statione offendit, armamentis in terram subductis, & in illis magnam vim ferici, & arculam signata pecunia plenam, sed ne puerulum quidem, tanta erat in illa ora securitas, ut à pyratibus disiunctissima locorum intercapedine, & mari incognito haudquaquam timerent. Nec sanè alius post Magellanum, mare illud ante Dracum, præter Hispanos navigaverat, qui quotquot habent in illo littore navigia, ibidem construxerunt. His navibus Oceano commissis, *Cacofogam* navem opulentissimam, quam inde *Panamam* versus soluisse intellexit, omnibus velis persequutus: obvium habuit mioparonem inermem, è quo LXXX. pondo auri, Crucifixum aureum, smaragdos nonnullos digitali longitudine, & armamenta nonnulla rapuit. Calendis Martij affecutus est *Cacofogam* illam & anteriori malo vi maioris tormenti deiecto, adortus facile coepit, atq; in ea præter gemmas, LXXX. pondo auri, XIII. arcas signato argento refertas, argenti autem vim tantam, quanta navi in saburram sufficeret. Quæ cum in suam navem transtulisset, *Cacofogam* illam dimisit, cuius Navarchus valedicens lepidè dixisse fertur, Nostræ navis nomen tuæ resignamus, sit tua *Cacofoga*, id est, *Ignicaca*, nostra *Cacoplata*, id est, *Argentacaca*. Deinceps nulla præda opima obvenit, vascula Chinenfia cum Aquila aurea, & bella Nigrita ab Hispano cuius navi pepercerat, donata, & *Agvatulcum* exiguum viculum direptum prætermitto.

*De reditu co-
gitat.*

Iam se abundè ditatum, & privatæ Hispanorum in se iniuriæ ad portum Sancti Ioannis de *Vilua* satisfactum existimans, de reditu cogitavit. Per *Magellanicum Fretum* redire planè periculosum videbatur, tum ob tempesta-

tes

tes creberrimas, & brevia incerta, tūm ne Hispani illum redeuntem ibidem in insidijs præstolarentur. Et certè Franciscus Toletanus Pervix Prorex Petrum Sarmientum cum duabus navibus eò miserat, vt redeuntem interciperet, & Freti angustias, si quæ essent, communiret. Cursum itaque in Septentriones ad Latitudinem XLII Grad. tenuit vt exploraret si quod fretum esset in illa parte, per quod compendiò domum rediret. Verum cum nihil nisi spissas nebulas, frigus intensum, littora aperta & niue canescentia videret, ad XXXVIII Grad. descendit, commodamq; nactus stationem, ibi aliquandiu mansit. Incolæ erant nudi, lepidissimi, assidue in orbem saltantes, sacrificia adolentes, quique suis indicijs Dracum in Regem eligere longa oratione videbantur; nec suspicari ille poterat Hispanos huc vsq; vnquam pertigisse. Regionem hanc vberi gleba, damis & cuniculis refertissimam, NOVAM ALBION placuit nominare, inscriptione posti infixæ, quæ annum Domini, nomen Elizabethæ Reginae, & eorum appulsum notaret, nummo argenteo Elizabethæ subfixo.

Hinc oram soluens mense Novembri ad *Moluccas* Insulas delatus, à Rege insulæ *Ternatæ* gratanter exceptus. Inde insulosum & scopulosum illud mare sulcanti, die IX Ianuarij navis scopulo aquis obtecto illata, horas XXVII hæsit, pro deplorata ab omnibus habita, qui in preces iam devotè effusi, quasi certò perituri cum congestis tanto labore opibus. Verum cum manum admonissent, & tormenta VII. mercesq; aliquot in mare proiecissent, ventus ferens à latere quasi diuinitus incubuit, & scopulo amovit. Appulit deinde *Jauam maiorem* Venerea lue graviter afflictam, quam in aprico contra Solem ad malignum humorem exsiccandum sedentes, curant. Vbi magnam Reguli humanitatem expertus, ad *Bonæ Spei* promontorium cursum tenuit, quod vt longè spectatissimum nautæ Angli, qui iam primùm conspexerant, celebrant. Ad occiduum eius latus, aquatum terram conscendit, sed fontem invenit nullum; iamq; aquæ dulcis defectu

M. D.
LXXX.

Novam Albion detegit.

Ad Moluccas venit.

Periclitatur.

Caput Bonæ Spei superat.

M. D.
LXXX.

*In Angliam
redit.*

*Navis quasi
consecratur.*

*Ille Ordine
Equestri
donatur.*

ctu laboratum esset, nisi providè aquam pluviam vasis exceptam reservasset. Sed hunc defectum ad *Rio grande* tandem supplevit. Vnde vento secundo in Angliam redijt III Novembris MDLXXX ad Portum *Plimutham* è quo soluerat, orbe terrarum tribus plùs minùs annis circumnavigato cum magna omnium admiratione, nec alia adversariorù criminatione, quàm quòd Doughteium supplicio affecisset, Lusitanum quem in *Africae* ora cœperat, ad *Aguatulum*, Hispanorum crudelitati reliquisset, & Nigritam illam puellam in naue gravidatam in insulam inhumanè exposuisset.

Regina benignè excepit, opes ut prætò essent, si Hispanus repeteret sequestrando seposuit, navem in monumentum orbis tam foeliciter circumnavigati, subduci iuxta *Depfordiam* ad *Tamisim* iussit (ubi eius cadauer adhuc cernitur) & in ea insigni ceremonia memoriæ sacra, epulata, Dracum equestri dignitate ornavit. Quo tempore pons contabulatus, quo in navem ascendebatur multitudini cessit, & simul cum c. hominibus cecidit, qui omnes tamen illæsi, ut navis illa salutari syderum conspiratione constructa videatur. In Draci verò laudem hi die illo inter alios affixi erant malo versiculi, à *Wintoniensis* Scholæ alumnis conscripti,

PLVS VLTRA, *Herculeis* inscribas, DRACE, *Columnis*,
Et magno, dicas, *Hercule maior ero.*

DRACE, *pererrati quem nouit terminus orbis,*
Quemque simul mundi vidit vterque Polus.
Si taceant homines, facient te sydera notum.
Sol nescit comitis non memor esse sui.

Digna ratis quæ stet radiantibus inclyta stellis;
Supremo cæli vertice digna ratis.

Sed hæc puerilia & ex vano hausta videantur, nec pro *Historiæ* gravitate. Nihil verò Dracum iam reuersum
magis

magis sollicitum habuit, quàm quòd primarij aliquot in Aula viri oblatum ab eo aurum respuerint quasi scelere piratico quæsitum. Vulgus hominum nihilominus admiratione & laudibus celebrant, qui non minùs gloriosum existimarunt Anglicæ laudis terminos, quàm Imperij promovisse.

Bernardinus Mendoza Hispani in Anglia Legatus fremens, res à Regina vehementius repetijt, Oceanum Indicum ab Anglis navigari conquestus. Responsum tulit, *Hispanos iniquitate in Anglos quos commercio contra ius gentium prohibuerunt, hæc sibi mala accersisse. Dracum præsto futurum ut in iure respondeat, si quid contra ius egisse certis indicijs & testimonijs conuincatur. Opes illas eo consilio sepositas esse, ut Hispano satisfiat, licet Regina grandiore pecuniam, quàm Dracus intulerit contra rebelles, quos Hispanus in Hibernia & Anglia excitarat, profuderit. Præterea illam non intelligere, cur sui & aliorum Principum subditi ab Indijs prohibeantur, quas Hispanici iuris esse persuadere sibi non posset, ex Pontificis Romani donatione, in quo prærogatiuam in eiusmodi causis agnouit nullam, nedum auctoritatem, ut Principes obligaret, qui nullam ei obedientiam debent; aut Hispanum Novo illo Orbe quasi infeudaret, & possessione inuestiret. Nec alio quopiam iure quàm quòd Hispani hinc illinc appulerint, casulas posuerint, flumen aut Promontorium denominauerint, quæ proprietatem acquirere non possunt. Ut hæc rei alienæ donatio quæ ex iure nihili est, & imaginaria hæc proprietas obstare non debeat, quò minùs ceteri Principes commercia in illis regionibus excerceant, & Colonias ubi Hispani non incolunt, iure gentium nequaquàm violato, deducant, cum præscriptio sine possessione haud valeat; necnon Oceanum illum vastum liberè nauigent cum maris & æeris vsus omnibus sit communis. Nec ius in Oceanum populo, aut priuato cuiquam possit competere, cum nec natura, nec vsus publici ratio occupationem permittat.*

Nihilominus Petro Seburæ Hispano (qui se procuratorem pro auro & argento recuperando gessit, etsi literas procuratorias habuerit nullas) grandis pecunia postea numerata erat. Quam illum non proprietarijs rependisse, sed

M. D.
LXXX.

*Hispanus
bona ablata
repetit.
Respondetur.*

Qua Hispano in America proprietates.

*Aliquantum
Hispano rependitur.*

M. D.
LXXX.

*Navigatio
per Mare ad
Indiam que-
rendam.*

*Comes Arundelia obiit,
qui rbedarū
quas Coches
dicimus v-
sum in An-
gliam in-
duxit.*

sed contra Reginam, & in vsum Hispanorum in Belgio militantium convertisse serò fuit deprehensum.

Dum Dracus orbem terrarum tam prosperè circumnavigaret, *Iacmanus* & *Pettus* insignes naucleri cum duabus navibus à Londinensibus emissi, viam compendiarium in Indiam Orientalem per Mare Cronium successu minùs prosperò quæsierunt. Insulas enim *Vaigatz* ad paucas leucas prætervectis tam incerti æstus, tot brevia, & tanta glacies conglomerata occurrerunt, vt ulterius eluctari non potuerint, & difficillimè redierint.

Sub principium huius anni animam Deo reddidit *Henricus Fitz-Alanus* Comes Arundeliæ, in quo nobilissimæ familiæ cognomen desijt, quæ hoc honore annos tercentos & ampliùs floruerat, à *Richardo Fitz-Alano*, qui ab *Albaneys* antiquis Arundeliæ & Suffexiæ Comitibus ortus (regnante *Edwardo primo*) ratione possessionis *Castri & Domini Arundeliæ absq; creatione*, Comititis titulum acceperat. Hic plenus honorum, à Sanctioribus fuit consilijs, omnibus Regibus sub quibus vixit, summisq; muneribus perfunctus. *Henrico VIII* Præfectus Caleti, *Marescallus* exercitus in obsidione *Boloniæ*, & *Cameraarius*, *Edwardo Sexto* in inauguratione *Angliæ* *Marescallus*, *Mariæ* itidem in inauguratione, *Constabularius*, postea *Regiæ Seneschallus*, Sanctiorisq; Consilij Præses: & *Elizabethæ* iterum *Seneschallus*, cuius nuptias annis vergens ambiuit, minusque charus postquam Ducis *Norfolciæ* rebus se immiscuisset, & iam nuptijs cum *Andino* se palàm opponeret. Ille enim homo apertus planè profitebatur, Gallos sibi minimè placere, dictitans se à patre in *Suffexia* *Gallis* vicina nato edoctum, ne *Gallis* crederet. Liberos ex vxore *Catharina* filia *Thomæ Greij* *Marchionis Dorsettiæ* tres suscepit, quibus erat superstes, *Henricum* qui iuvenis optimæ spei *Bruxellis* obiit, *Ioannam* vxorem *Baronis Lumlei*, & *Mariam* quæ enupta *Thomæ Howardo* *Duci Norfolciæ* peperit *Philippum* *Arundeliæ* *Comitem*, de quo suo loco.

Arthurus Baro Greius Hiberniæ Prorex contra *O-Co-*

noros

noros in Ophallia res novas molientes profectus, Hugonem *O-Moloyum* virum seditiosum ex lege morte afficit, regionem illam, etiam *Magobiganorum*, & *O-Caroli* pacat, coniurationemque maximam pullulantem in principio comprimit. Nonnulli enim ex claris in Lagenia familijs, & plerique Anglicæ originis, partim ex Romanæ religionis studio, partim ex odio recentium Anglorum (qui eos tanquam merè Hibernicos præfecturis & Magistratibus contra legis latæ sententiam subinde excluferant) conspirare cœperant, ad Proregem cum familia opprimendum, Castrum Dublinense (vbi omnis apparatus bellicus) ex improvise intercipiendum, & Anglos in Hibernia ad vnum è medio tollendos. Adeoq; tegenda conspiratione obscuri erant, vt nunquam nisi bini sermones inter se hac de re confererent. Verùm inter tot conscios in lucem prodijt, paucorumq; supplicio extincta, è quibus nominatissimus erat, I. Nogentus Fisci Baro, vir vita, famaue egregius, æmulum fraude (vt perhibent Hibernici) circumventus. Qui innocentia conscientia tutus, cum Prorex vitam, si se fontem profiteretur, sanctè promitteret, maluit insons infamè supplicium subire, quàm innocentiam prodendo, infamem vivere. Quomocunque veritas hac in re se habet, certè ob horum supplicium magna in offensa apud Reginam Greius fuit, quam Sussexius infensior excitavit (rarus enim inter magnos Duces amor) quasi sævitiâ pridem in dedititios Hispanos, & nunc in cives, & Principis gloriam minuerit, & inimicorum numerum auxerit. Prorex nihilominus Turloghum *Leinigh*, qui in Ultonia tumultuari cœperat, ad pacis conditiones terrore pertrahit. Vnde etiam *O-Brini*, *O-Mori*, & *Cauenaghi* in Lageniâ rebelles, obsidibus oblatis, pacem humilimè petierunt. Hæc Hibernica, etsi tempore nonnihil disiuncta, vt ad memoriam magis valerent, coniungenda existimavi.

In Scotia cum nonnulli verbi divini Ministri, Processusque animadverterent Lenoxium, de quo dixi, vim maximam in amicitia Regis habere; primum æmulum

in

M. D.

LXXX.

*Greius rebelles in Hibernia cor-
cet.*

*Et coniurati-
onem compri-
mit.*

*Innocentia
certum sola-
men.*

*Rebelles co-
erciti.*

*Lenoxia Du-
ci Scoti am-
ulantur.*

M. D.
LXXX.

*In Anglia
accusant.*

*In eum con-
sultatur.*

*Rumoribus
traducitur.*

in eum excitarunt Iacobum Stuartum è familia *Ochiltraea* Satellitij Præfectum, & Arraniæ Comitem (hunc enim titulum occupauerat, ex nescio qua cessione Iacobi Hamiltonij Comitis Arraniæ, cui mentis impoti ille tutor datus.) Verùm Rex inter eos gratiam breui composuit. Cùm hoc non succederet, & odium quantum poterant, domi conflagravit, & grauioribus verbis apud Reginam Angliæ accusarunt, quasi à Guisijis submissum, ad religionem labefactandam, captiuæ Reginae libertatem procurandam, & amicitiam inter Angliæ & Scotiæ regna dissociandam. His facile creditur, & hac de re seria in Anglia instituitur deliberatio, licet ille literis se apud Reginam purgauerit, & Protestantium religionem palam professus fuerit.

Timuerunt enim Consiliarij in Anglia ne Scotos Anglis amicissimos opprimeret, excursiones in limitibus foueret, & Regem Scotorum ad nuptias in Gallia, vel alibi clam Anglis pelliceret: quibus iuuenis fretus, negotium Angliæ faceretur, & ætate maturior Regni Angliæ titulum, vt iam antea mater, sibi assumeret. Quod si fieret, maius quàm à matre periculum immineret, quandoquidem ad spem certam vtriusq; Regni natus, plures sibi conciliaret fautores, & Scoti bellis internis & Belgicis innutriti, ad bellica munia iam essent exercitiores. Hinc visum est Lenoxij gratiam & authoritatem quouis modo apud Regem infringere, aut eum Scotia exturbare; idque nullâ morâ interpositâ. Quandoquidem rumores ferebantur illum cùm ad opprimendum Mortonium, Balfourium è Gallia (qui nescio quam Mortonij syngrapham nactus erat, qua Mortonium regicidij in Regis patrem, convinci posse sperabatur) accersisse, tùm Præfecturam Castri Dunbritonij obtinuisse non alio consilio, quàm ad externas copias in Britanniam admittendas, vel ad Scotorum Regem inde in Galliam transvehendum. Ferebatur etiam, illum Regi suasse, vt Regnum matri cederet, quasi illa iniuste, & pessimo exemplo à subditis fuisset abdicata, fide accepta, vt ab illa legiti-

tima

tima resignatione mox reciperet; qua regnum sibi solidissime confirmaret, & factionibus extinctis, Rex legitimus ab omnibus agnosceretur.

Hinc Robertus Bower Berwicensis præsidij Quæstor in Scotiam mittitur, qui de his Lenoxium coram Rege, & Consiliarijs postularet, & de malis impendentibus moneret. Statim atque ille admissus, rogauit vt Lenoxius tantisper loco amoveretur. Hoc Consiliarij omninò negarunt, vtique nouum & inauditum esse, vt Consiliarius regius (indicta causa) consilio amoveretur. Dubitarunt etiam, an Regina hæc expressè mandauerit, & documenta ad fidem faciendam exhibere iusserunt. Ille nisi Regi, & vni aut alteri exhibere abnuit. Vnde non auditus, statim domum revocatur, & Regi ne opinanti quidem valedixit, conquestus salutaria Reginae benè meritæ monita esse reiecta.

Mox è Scotia missus est Alexander Humius, qui hæc excusaret, & impendentia illa mala edisceret, verum ad Reginam ille non admissus, sed ad Burghleium Thesaurarium remissus, qui senili oratione, graui & breui significauit: *Non visum esse Reginae illum corammittere, non quòd illum negligeret, quem vera religionis, Principis, patriæ, & vtriusque regni pacis studiosissimum experta erat, sed ex iusto dolore, quòd eius Maiestas negligentius & Legati fides contemptius sit habita, qui intra præscriptos Legationis limites se continuerat; & tamen (quod inauditum) Legationis documenta exhibere iussus. Culpam omnem in Consiliarios novos, & minùs consultos confert, Regem ex ætate nondum vsu edocta excusat, optatque vt ille sanis & salubribus Reginae Consilijs, quæ animo in illum verè materno, auscultet, & non eam posthabeat cognato Gallico, Regis Gallorum subdito, Gallicæ mulieris connubio implicato, religione Pontificio; & qui forsan ambit (Hamiltonijs iam exultantibus) vt secundus à Rege designetur. Meminerit (inquit) Rex, non alium esse affectum ambitione flagrantior, & meminerint Scoti quas turbas Galli in Scotia dedissent, nisi Regina prudentia ac potentia præuertisset.*

Sf

Ita

M. D.
LXXX.

Rob. Bowes
ad eum accusandum missus, non admissus.

Scotise excusant.
Eorum Legatus non admissus.

Burghlei ad eum monita.

M. D.
LXXX.

Mortonius
in carcerat.

Ita Humius in Scotiam remissus, & hæc omnia compositò ad terrorem Regi incutiendum, & fidem faciendam Lenoxium perniciofa in Regem & regnum consilia suscepisse. Nihilominus non ita post, Mortonius Anglis additissimus, ab Arranio læsæ Majestatis accusatus, in carcerem conjicitur.

ELIZA-

M. D.
LXXXI.

ELIZABETHA

ANGLIÆ, &c.

REGINA.

PARS TERTIA.

M. D. LXXXI.



HINC Ianuario ineunte, Thomas Randolphus, Equorum dispositorum Præfectus in Scotiam mittitur cum mandatis, ut ad Religionem & amicitiam cum Anglis conseruandam, nihil non ageret, ne qua vis Mortonio inferretur, Lenoxius è Scotia submoueretur, & Proceres Anglicæ factionis ad spem erigerentur. Ille deprecatorem diligenter pro Mortonio agit, ex hominis erga Regem meritis, ex Elizabethæ honore, ne illa tam bene merita repulsam in tam iusta causâ pateretur, & ex delatorum invidia. Rex respondet, se pro munere regio non posse hominem Maiestatis postulatum non iudicio subijcere, se autem Reginae exploratam benevolentiam agnoscere, nec velle quicquam committere, quod quovis modo offensionem iuste concitare poterit.

Postea Randolphus in Ordinum conventum admissus, enumeratis Elizabethæ in Scotiam, & ipsum Regem beneficijs,

Sf 2

necicijs,

Randolphus
pro Mortonio & contra
Lenoxium
intercedit.

Eius ad Scotos
querela.

M. D.
LXXXI.

neficijs, scilicet, Regnum à Gallis Anglorum sanguine libera-
se, religionem, Regemq; propugnasse, de eodem subducendo (quod
falsò perhibetur) vel de iugere terræ in Scotia occupando, ne se-
mel quidem cogitasse; cum tamen occasiones non defuerint Sco-
tiam debellandi, Rege in cunis vagiente, matre in Anglia cap-
tiua, & Proceribus inter se discordantibus. Verùm contrà, il-
lam omnem curam impendisse, ut Regem cum regno, qui sibi arc-
tissimis sanguinis, vicinitatis & religionis vinculis erat coniu-
ctissimus, conservaret incolumem: cuius amorem, ut omnium
Proregum habuit perspectissimum, priusquam Aubignius ille
Lenoxius in Scotiam venisset. Iam inde illum in Regem impe-
rium exercuisse, animum ab Anglorum amicitia ad Gallos auer-
tisse, qui ipsum ne Regem quidem hætenus agnouerant: fidissi-
mos Regi subditos amovisse, alios minùs fidos induxisse, cum ex-
teris de Anglia inuadenda per literas, (quas protulit) egisse.
Ministris verbi diuini odium apud Regem tanquam turbulentis
& conuiciatoribus concitasse, nec de iustitia inter Limitaneos ad-
ministranda curasse. Quæ Elizabetha non poterat non egerrimè
ferre, cum tantæ virtutis Principem, eundemq; necessitudine
coniunctissimum, malis artibus abreptum & abalienatum videret.
Nihil tamen tunc effectum vel pro Mortonio, vel
contra Lenoxium, in quem crimina falsa, & literas pro-
latas ementitas fuisse, pleriq; suspicabantur.

*Seditionem
excitare
studet.*

Ad alias igitur artes Randolphus se convertit. Apud
Lenoxij æmulos & Mortonij amicos, infelicem Scotiæ
conditionem deplorat, pericula Regi, Reipub. & ipsis
impendentia proponit, Reginæ Angliæ intercessionem
ingratè neglectam conqueritur, utq; armis experiren-
tur, quod alijs rationibus non possent, clam submonet;
& copias, & pecuniam ex Anglia pollicitus. Et certè Ar-
gathelium, Montrossium, Angusium Mortonij ex fratre
nepotem, Marrium, Glencarnium, Ruthuenum, Lind-
seium, & alios in partes pertraxerat. Verùm illi statim
dissentientibus inter se animis, cum viderent Regem in
Lenoxium prono favore totum propendere, nec Anglo-
rum copijs ad limitem terreri, qui etiam suas opposuerat:
pleriq; regiam Maiestatem etiam in adolescente reveriti
nihil

nihil in Lenoxium audebant, satisq; putabant Mortonij misereri. Angusus tamen & Marrius cum Randolpho occultè pro Mortonio, & contra Lenoxium moliebantur, quod cum Regi per Wittinghamum innotuisset, Angusus iussus est ultra *Speam* flumen secedere, Marrius Sterlinium Castrum protinus Regi reddere. Randolphus sibi malè metuens, Berwicum se clam subduxit, monuitque Angusium & Marrium, rebus iam deploratis, ut sibi consulerent, vel Regis gratiam conciliando, vel ad Reginæ Angliæ patrocinium confugiendo. Copiæ verò Anglicæ iam à limite revocatæ, & non ita post Mortonius conscius cædis in Regis patrem patratae convictus obtruncatur. Confessus enim erat, ut perhibent, Bothwellium & Archibaldum Douglassium consilium tollendi Regem impertijisse, se verò tempore tam ambiguo non ausum aperire. Nec diffiteri poterat se (cæde peracta) Douglassium regicidam inter intimos habuisse, fidemq; chirographo dedisse ad Bothwellium defendendum, si quis regicidij accusaret. Angusus & alij, qui Mortonio studebant, in Angliam mox confugerunt.

In Belgicis Provinciis contra Comitem Renebergium pleno gradu victorijs pro Hispano progredientem, & Steenwicam Frisiæ arctè obsidentem, Ordines confederati Norrisium Castrorum præfectum cum Anglis, & alijs miserunt, qui fortiter & foeliciter commeatum semel atq; iterum intulit, Renebergicos profligavit, & obsidionem soluit. Sed postea conferto cum Verdugo Hispano prælio ad Northornam, cum victoria iam esset in manibus, hostium turmis à Rogero *Williams* fugatis, mutata Martis alea, profligatur, ipse vulneratur, plurimi cæduntur, & inter eos, ut alios taceam, Cottonus, Fitz-Williams, & Bishopus strenui ductores. Quomodo Thomas Epirotarum ductor Norrisium ad singulare certamen hoc tempore provocavit, & Rogerus *Williams* eius Vicarius conditionem accepit, cum ipsi supremo duci per leges militares non liceret, nescio an memorandum: cum tantummodò, utroque exercitu spectante, aliquandiu con-

M. D.
LXXXI.

*Se è Scoria
subducit.*

Mortonius
obtruncatur.

*Amici in
Angliam fu-
gunt.*

Norrisius in
Frisia vincit.

Vincitur.

Williams.

*Duellum
ridiculum.
Bishop.*

M. D.

LXXXI.

*Ebrietatis**vitium è**Belgio in**Angliam**deductum.**Hispanus**Lusitaniam**occupat.**Quo iure.**Titulus**Regina**Franciae ad**Lusitaniam**explosus.*

confluxerint, & neutro læso, haustis plenis poculis comiter discesserint. Hoc tamen non prætereundum, Anglos qui ex omnibus Septentrionalibus gentibus minimè fuerant bibaces, & ob sobrietatem laudati, ex his Belgicis bellis didicisse immodico potu se proluere, & aliorum saluti propinando suam affligere. Adeoq; iam inde ebrietatis vitium per vniversam gentem proserpsit, vt legum seueritate nostro tempore primùm fuerit cohibitum.

Dum de oppidulis in Belgio inter Ordines & Hispanum decertatur, ille opulentum Lusitaniæ regnum sibi arripuit. Anno enim superiori Henricus Rex Lusitaniæ ætate devexa fatum complerat, pluresq; *Competitores* regnum vendicarunt, & inter eos Philippus Hispaniarum Rex è sorore Regis Henrici primogenita natus, si non iure, armis potior. Nec sine specie iuris, quod ex omnibus *Cōpetitoribus* defuncto Regi fuerit genere proximior, ætate maior, & sexu virili, ideoq; fœmellis, ætate minoribus, & genere remotioribus in regni successione præponendus sibi & suis videbatur: Sabauda excluso, quod è sorore natu minore procreatus, Rainutio item Farnesio Principis Parmensis filio, qui ex prima Edwardi fratris Henrici Regis filia natus, & Catharina Bracantia altera eiusdem Edwardi filia; quandoquidem beneficio *Representationis* solummodo innitebantur. Quæ cum nihil aliud sit quàm fictio, veritatem perimere non posse contenderunt Hispani. Antonius verò *Prior Crati* filius Lodovici alterius fratris Regis Henrici quasi illegitimus, planè reiectus. Hæc tamen Hispanus Theologis & Iurisconsultis semel atq; iterum discutienda proposuit, per Deum & Fidem obtestatus, vt liberè quid sibi iuris dicerent. Cumq; omnes vno ore affirmarent, misso Albano invasit, Antonium à populo electum fugavit, & lxx diebus Lusitaniam totam subiugavit. Ius autem quod Catharina Medicea, Franciæ Regina in Lusitania ab Alphonso Tertio per Bononiæ Comites ante annos cccxx sibi asseruit, tanquam obsoletum, ab Euandri matre repetitum & tot Lusitaniæ iam inde Regibus, vt malæ

malæ fidei possessoribus iniuriosum, ab Hispanis & Lusitanis quodammodo erat explosum. Vnde illa commotior, & crescentem Hispani potentiam, Lusitaniæ, Indiæ Orientalis, & Insularum plurium accessione tam longè lateq; locupletatam ægrè intuens, sibiq; ac suis posteris metuens, tum alios Principes, tum Elizabetham commonefecit de eius ambitione cum potentia nimio plus se diffundente intra terminos tempestivè coercenda. Nec illa quidem, sibi & subditis consultrix, quæ præviderat quam periculosa sit immodica Principum vicinorum potentia, averfis auribus audivit. Sed Antonium è Lusitania in Galliam fugatum, indeq; in Angliam transmissum & commendatum benignè sublevavit, quod citra offensionem fore existimavit, cum illum è regio Anglorum sanguine & stirpe Lancastria agnosceret cognatum, & nullo vnquam inter Hispanos & Anglos fœdere de Lusitanis in Angliam non admittendis cautum fuisset.

Simulq; Regina illa Franciæ & Rex filius in maioris amicitiae cum Elizabetha firmamentum, nuptias cum filio Andium Duce vehementiori quàm hætenus studio persequuntur. Ad quas procurandas missi sunt in Angliam honorificentissima legatione, Franciscus Borbonius Princeps Delphinatum, Arthurus Cossæus Comes Segondinus Marescallus Franciæ, Lodovicus Lusignianus, S. Gelasij, Dominus à *Lansac*, Tanergius Venator Congius, Bertrandus Salignacus à Mota-Fenellonum, Michael à Castello-novo Dominus *Mannisser*, Bernardus Brisomius à Granela Senatus Parisiensis Præses (literatæ hominum nationis Princeps,) Claudius Pinartus primus Baro Valesiorum, Petrus Clausius, Curatiarum & Marcho-montis Dominus, & Iacobus Vraius ærarij Ducis Andium Secretarius. Hi viri honoratissimi, summo honore excepti, opiparis convivij in ampla domo huic vni Westmonasterij subitario opere extructa, & regio apparatu instructissima, hastiludijs à Philippo Comite Arundeliæ, Frederico Barone Windesoro, Ph. Sidneio, & Fulcone Grevillo contra omnes promulgatis, & profuso sumptu

M. D.
LXXXI.

Elizabethā
teste contra
Hispani concitā.

Antonium
Lusitania
eiectionem, in
Angliam
mittit.

Ad nuptias
cum Andino
quosdam
delegat.

M. D.
LXXXI.

Et Elizabetha
alia.

Matrimonij
pacta.

sumptu celebratis, ut alia aulica oblectamenta, quæ Historici non est memorare, taceam.

Qui cum his de matrimonio conferrent delegati sunt Guilielmus Cecilius Baro Burghleius summus Angliæ Thesaurarius, Edwardus Clintonus Comes Lincolnæ Angliæ Admirallus, Thomas Ratcliffus Comes Suffexiæ, Franciscus Russellius Comes Bedfordiæ, Robertus Dudleyus Comes Leicestriæ, Christophorus Hattonus, & Franciscus Walsinghamus Secretarius. Inter hos in matrimonialibus tabulis in hæc ferè verba conventum est.

Dux Andinus & Regina Angliæ infra sex hebdomadas post ratificationem harum conventionum matrimonium de presenti in Anglia contrahent. Dux & sui, modo non sint natiui Angliæ subditi, suam religionem liberè exerceant, in constituto aliquo loco in suis ædibus sine impedimento. Ille nihil mutabit in religione iam in Anglia recepta. Post matrimonium consummatum gaudebit titulo & honore regio, sed omnimodam rerum dispositionem Regiæ integram relinquet. Quod petijt, ut statim à matrimonio Rex coronetur, & gaudeat eo honore, tam constante, quàm soluto matrimonio, durante gubernatione regni in minoritate liberorum suorum; Regina promittit se petitionem Regni Ordinibus in primo Parlamento, quod infra x v dies post ratificationem conuocabit, proposituram, & quantum potest promoturam. Literæ Patentes & cetera vtriusq; nomine emanabunt, ut tempore Philippi & Mariæ. Regina ordinabit annuam pensionem Duci ex auctoritate Parlamenti, sed quanta illa fuerit suo arbitrio relinquetur, & efficiet ut Parlamentum ei pecuniam notabilem annuam assignet, si Regina supervixerit. Constituet ille Regiæ dotem ad annum valorem x l m. Coronatorum solarium, ex Ducatu Bituricensi, & mittet eam in possessionem statim. Quod de liberis in Angliæ Parlamento statuetur, in acta redigetur in Parlamenti Franciæ, ad hunc modum, Masculi siue feminae in maternam Angliæ hereditatem succedent. Si duo fuerint masculi, primogenitus succedet in regno Franciæ, secundo-genitus in hereditate materna. Si vnus masculus, si ad vtrasq; coronas peruenerit, morabitur in Anglia singulis biennijs v i i i menses, & si Dux non peruenerit ad ius regni Franciæ, liberi

liberi in Appanagium succedent. Si supervixerit Regina, habebit tutelam liberorum, si masculi non exceſſerint xviij annum, & fœminæ xv. Si antea Dux moriatur, tutela relinquetur auctoritati Parlamenti. Dux nullum extraneum ad aliquod officium in Anglia promouebit. Nihil in iure mutabit, ſed omnes conſuetudines conſeruabit. Non abducat Reginam nec liberòs extra fines regni Angliæ, niſi ipſus & Magnatum regni conſenſu. Si nullis relictis liberis Regina moriatur, Dux nullam ſibi proprietatem vindicabit in regno Angliæ. Localia Regalia ex regno non tranſportabit; loca ſingula, & regna per natiuos Anglos cuſtodiri faciet, nec inde apparatus bellicum amouebit. Non miſcebit Angliam aliquo externo bello. Pacem inter Angliam & alia regna curabit. Regina ſolummodò gaudebit ſuperioritate, abſq; omni titulo qui obuenire poterit Duci, tanquam tenenti per Angliæ conſuetudinem. Dux hoc matrimonio non intendit præiudicium facere iuri ſuo in ſucceſſione Regni Franciæ. Præſens contractus legetur, promulgabitur, & in acta referetur in omnibus Curijs Franciæ & Angliæ, poſt vi meſes à die matrimonij, accedente auctoritate Regis Chriſtiſſimi pro ratificatione horum articulorum.

Fiet tractatus ſeparatus de fœdere & liga inter Angliam & Franciam. Hæc omnia ratificabuntur intra duos meſes in fide ex parte Regis Galliæ & medio iuramento pro ſe & hæredibus, &c. ac quamprimùm poterit, literas Ratificationis tradet, quibus cauebitur, quòd hîc concluſa bona fide conſeruabuntur. Reſeruatîo etiam ſeorſim addita fuit omnium delegatorum Chirographis conſignata; Elizabetham verò non obligari ad nuptias conſummandas, donec illa & Dux Andinus in quibuſdam rebus ſibi inuicem explicatè ſatiſfecerint, & de iſdem intra ſex ſeptimanas Regem Galliæ ſcripto certiore reddiderint.

Priusquàm ſex illæ ſeptimanæ expletæ, miſſus eſt hac de re in Galliam I. Somerus ſacri conſilij ab Epistoſis, Rex audire abnuit, vrget vt nuptiæ iam contractæ actutum celebrentur, nec quicquam aliud iam ſupereſſe. Somerus contra Fœdus deſenſuum & offenſuum priùs ineundum ex tabulis demonſtrat, Gallus reclamât. Walsinghamus ad hæc componenda amandatur, qui iunctim

M. D.
LXXXI.

Reſeruatîo
addita.

Gallus nup-
tias vrget.

T t

cum

M. D.
LXXXI.
Elizabetha
differt.

Differendi
causa.

cum Henrico Cobhamo ordinario in Gallia Legato, & Somero, hæc & huiusmodi doceat.

Quamuis vulgus hominum nuptias protelatas minùs equè interpretaretur, Elizabetham tamen non alio consilio ad nuptias propendisse, quàm ut populo suo importunè ut nuberet, suadenti satisfaceret, ad certam in suis liberis successionem firmandam. Andinum autem Ducem nuptias ambientem, ob virtutem & Regij generis splendorem ceteris omnibus meritò in amore prætulisse, quem adhuc erga ipsum profitetur esse summum. In connubio tamen paciscendo eò usque assensum cohibere, donec populo suo rem gratam esse persentisceret, ne serò sapere videretur. Multa enim interuenisse impedimenta, scilicet internum illud in Gallia bellum, afflictas Andini fortunas, qui Regis gratia immeritò exciderat; in Anglia optimi cuiusque animum ab huiusmodi nuptijs esse aversum, ut hinc fuerint dilatae: cum tamen Regina in eum amor idem constet. Gallum nuptias in presentiarum consummandas intempestivè urgere, cum ab Andino iam bellum in Hispanum fuerit susceptum, quod sine honoris macula, & utriusque Regni Galliae in Anglia incommodo, Belgijq; perniciæ, deponere neutiquam poterat, Hispani potentia nimio plus indies augecente. Ad hæc cum populus Anglicus nihil maius in votis habeat, quàm regnum per has nuptias tranquilla pace conservari, in funestum bellum è letissima pace præcipitatum iri, cum Regina mariti bello necessario implicaretur. Quare de nuptijs non agendum ulterius, donec Andinus bello suscepto explicaretur, & Fœdus mutuæ defensionis & offensionis inter Angliam & Galliam sanciretur. Quod Elizabetha sanè in primis optauit. Gallus mutuæ defensionis Fœdus se lubenter initurum promisit, de offensiuo fœdere, priusquàm nuptiæ celebrarentur plura audire planè recusauit.

Andinus
iterum in
Angliam ve-
nit.

Haud multo post in Angliam venit ipse Andinus, (qui Belgij Gubernator ab Ordinibus designatus) postquam Cameraci obsidionem Elizabethæ pecunia foeliciter soluisset. Grandem enim pecuniam illa per Henricum Seimorum, Palavicinum, & Bexium Gallum clam suppeditauerat. Spe ille certus erat si nuptias præsens non conficeret, saltem efficeret, ut Elizabethæ gratia subnixus, Belgis

gis qui illam tanquam Divam fospitam colebant, gratior esset. Except⁹ erat humanitate quam sperare poterat maxima, nullaq; erant honoris & amoris argumenta, quæ illa non exhibuit cumulatissimè. Vsq; adeò vt mense Novembri quamprimùm regni anniversaria magnificè celebrasset, vis pudici amoris inter amatoria colloquia eò provexit, vt annulum suo digito detractum Andini imposuerit, certis quibusdam legibus inter ipsos adhibitis. Adstantes nuptias sponsione iam contractas interpretabantur. Inter quos Aldegondius vrbis Antwerpianæ Prefectus, missis illico in Belgiū nuntijs hoc significavit. Antwerpiaq; festis ignibus, tormentorumq; tonitru publicā lætitiā testata est. Aulicorum animos domi varij affectus occuparunt, alij lætitiā gestierunt, alij obstupuerunt, alij mœrore deiecti. Leicestrius qui ad nuptias impediendas coniurationem clandestinam inire cœperat, Hattonus Vicecamerarius, & Walsinghamus, quasi de regno, de Regina, de religione iam conclamatum, fremuerunt. Mulierculæ, quibus Regina familiariter utebatur, eiularunt, animumq; obiectis terroribus ita angoribus implicarunt, vt illa ancipiti cura noctem insomnem inter suas flebilibus modis concinentes, traxerit. Postridiè Andinum convenit, arbitrisque remotis, longos conferunt sermones. Ille tandem in cubiculum se recipiens, proiecto annulo illo, & mox resumpto, vno & altero dicerio muliebrem leuitatem, & insularium inconstantiam perstrinxit.

Illā anxia animo recoluit, quæ à Burghleio & Suffexio audiverat: nisi Andino nuberet offensionis fœdus à Gallo non posse sperari, Hispani magnitudini solam & solitariam, imparem esse, qui filia Scotorum Regi in nuptias oblata, omnes in Anglia Pontificios, profugos, rebelles, rerum præsentium pertæsos, & perdita fide homines, quorum magnus vbique numerus, in Scoti partes facile pertraheret; Spem bonorum, qui sobolem regiam ex his nuptijs sperarunt, infractam iri, qui ipsā posthabita, iam in *Competitorum* aliquem oculos conijcerent. Præterea

T t 2

ipsam

M. D.
LXXXI.

*Illi annulum
tradit Regina*

*Varij animo-
rum in Aula
habitus.*

*Regina animi
anceps*

*Incommoda
ex nuptijs
neglectis co-
gitat.*

M. D.
LXXXI.

ipsam in maximam offensionem apud Gallum, Andinumque non posse non incurrere, qui tanto tempore tot consultationibus habitis, tam honorificis legationibus missis, & tanta pecunia effusa, eludi ægerrimè ferant; ut cunque simulatione obtegant, quò sibi consulant, vel consequendo pecuniam præsentem Andino in bellum Belgicum, vel annuam in futurum pensionem. Nec minor hæsit in animo scrupulus, si Andinus neglectus vxorem ex Hispania assumeret quod aliqui insusurrarunt, tunc periculum vtrunque è Gallia & Hispania imminere, illa præfagijt.

*Cur celibatū
nuptijs præ-
tulit.*

Inter difficilimas has de nuptijs cogitationes, in quas temporum ratio ex quadam necessitate eam subinde coniecerat, illam apud animum certò constituisse opinati sunt nonnulli, quòd cælibatu magis quàm nuptijs, & Reipub. & suæ gloriæ posset consulere. Vtique prævidit, si subdito nuberet, sibi ex disparitate dedecus contracturam & ad domesticas simultates & turbas faces accensuram; si extero, & se & populum externo iugo subiecturam, religionemq; in periculum devocaturam; non obliça quàm infœlix fuerit Mariæ sororis cum Philippo extero connubium; & quàm infœustum illud proavi Edwardi IIII. qui primus Regum Angliæ à Normanica victoria, subditam in vxorem acceperat. Gloriam etiam quæ sibi innuptæ integra & indelibata mansit, in maritum nuptijs transcribendam timuit. Præterea pericula ex conceptione & puerperio à medicis & mulierculis ex abditis causis obiecta, quæ sæpè animo obversabantur, admodum deterruerunt.

*Liber contra
nuptias edi-
tus.*

Vrebat insuper animum liber stilo aculeato contra has nuptias, ex formidine ne religio immutaretur, editus & inscriptus, *Vorago qua Anglia Gallico connubio absorbenda.* In quo Consiliarij qui nuptijs faverunt, quasi ingrati in patriam & Principem fugillantur, ipsa Regina, inter medias adulationes, quasi sui dissimilis, obliqua insectatione perstringitur, Andinus convitijs indignis dilaceratur, Gallica natio odiosè proscinditur. Ipsæ nuptiæ ob religio-
nis

nis discrepantiam (vt filia Dei cum filio Antichristi) tanquam profanae, Ecclesiae exitiosae, & Reip. perniciosae è sacris literis miserè detortis, virulētis verbis damnantur. Nec persuaderi voluit Regina, authorem libri sibi aliud proposuisse, quàm vt subditorum odium in ipsam concitaret (quæ semper non minorem amoris apud populum, quàm authoritatis rationem habuit, & quodq; Principes solent, præcipuam curam ad famam direxit) & viam occultè aperiret ad aliquam prodigiosam innovationem: cum ad securitatem Reginae & Regno præstandam, & pericula propulsanda ne verbum quidem scriptor ille addiderit; & regni Ordines iam antea nuptias, vt certissimum contra impendentia mala remedium, maximopere efflagitassent. Hæc publico scripto declarat, in quo libelli authore, vt seditionis præcone, damnato, propensum Andini in se & Protestantium religionem animum prædicavit, tantam iniuriam tanto Principi & optimè merenti, qui nihil vel in republica vel in religione immutari postulauerat, illatam doluit: simulq; Simierum Andini administrum quem calumnijs nonnulli onerabant, ob prudentiam & modestiam collaudavit; populum autem monuit libellum illum nihil aliud esse quàm commentum proditorum, ad concitandam foris invidiam, domiq; seditionem; & coram Magistratu igne absumi iussit.

Iam inde Puritanis, siue Novatoribus paulò infensior esse coepit, à quibus hæc profluxisse facile credidit; & post pauculos sanè dies, Ioannes Stubbus ex Lincolnien- si Iuris Collegio feruidus religionis professor (cuius so- rorem Thomas Cartwrightus inter Puritanos antesigna- nus duxerat) huius libelli author, Guilielmus Pageus qui exemplaria dispersit, & Singletonus Typographus ap- prehenfi. In hos sententia lata, vt dextræ præciderentur, ex lege Philippi & Mariæ *contra seditiosorum scriptorum au- thores & disseminatores*. Quamvis sententiam fuisse erro- neam & irritam ex falsa notatione temporis quo lex illa lata, legemq; fuisse temporariam & (Maria moriente)

vna

M. D.
LXXXI.

*Ille contra
edidit.*

*Stubbs
Author libri
deprehensus.
Et dispersor.*

Page

M. D.
LXXXI.
Dalton.

*Dextra præ-
ciduntur.*

Edm. Cam-
pianus &
*Iesuita morte
affecti.*

vnà interiſſe Iuriſperiti nonnulli obmurmurent. E quibus Daltonus qui hoc clamitabat, in carcerem datus, & Monſonus in *Communium Placitorum* foro Iudex ita verbis aſperis exagitatus, vt loco ceſſerit; cùm Wraius Summus Angliæ Juſtitiarius in temporis notatione errorem fuiſſe nullum, & ex legis verbis docuiſſet, legem in eos qui Regem ſeditioſo ſcripto violabunt, ſancitam eſſe, Regemq; Angliæ nunquam intermori: imo legem illam anno primo Elizabethæ ad eius vitam & hæredum ex eius corpore revocatam fuiſſe. Inde ad pegma in rerum venalium foro Weſtmonaſterij Stubbo & Pageo dextræ cultro laniario vi mallei in carpum adacto, præciduntur. Typographo autem parcitur. Memini qui præſens aderam, cùm Stubbus, dextra abſciſſa, ſiniſtra caput nudaret; & clara voce diceret, *Vinat Regina*, multitudo circumfuſa omninò obticuit, ſiue ex huius novi & inſitati ſupplicij horrore, ſiue ex commiſeratione in hominem famæ integerrimæ, ſiue ex odio nuptiarum quas religioni exitioſas futuras pleriq; præſagierunt.

Hæc primis diebus poſt Andini in Angliam aduentum, dumq; hîc hæreret, Regina, vt formidinem demeret quæ multorum animos occuparat, religionem immutatam iri, & Pontificios tolerandos, importunis precibus evicta permifit, vt Edmundus Campianus, quem dixi, è Societate Ieſu, Radulphus Sherwinus, Lucas Kirbius, Alexander Briantus Sacerdotes iudicio ſiſterentur, qui accuſati ex lege Maieltatis xxv Edwardi III. Regi-næ Regnoq; perniciem ſtruxiſſe. Pontifici Romano Regi-næ hoſti adhæſiſſe, ad res novandas, viresq; colligendas in Angliam veniſſe: capitis damnati erant. Cumq; pervicaciter Papalem contra Reginam authoritatem defenderent, extremo ſupplicio affecti. Campianus enim iam damnatus, interrogatus primùm an Elizabetha eſſet Regina legitima, & de iure, reſpondere abnuit, deinde an à Regina vel Papa ſtaret ſi ille copias contra Reginam miſerit, à Papa ſe ſtaturum palàm profeſſus eſt, & chirographo teſtatus. Poſtea & alij nonnulli morte iſdem de cauſis

causis mulctari, cum toto decennio à rebellionē, de quinque tantum Pontificijs supplicium sumptum fuisset. Sed hæc Historiæ Ecclesiasticæ scriptori relinquo. Liceat tamen mihi bona cum eius venia paucula quæ cum Re- pub. colligata summatim hîc adnotare. Eiusmodi certè hæc tempora fuerunt, vt Regina, quæ vim conscientijs afferendam nunquam censuit, subinde quereretur se ad hæc necessariò adactam fuisse, nisi sub quæsito conscien- tiæ & Catholicæ religionis prætextu sibi & subditis per- niciem inferri maluisset. Plerosq; tamen ex misellis his sacerdotibus exitij in patriam conflandi conscios fuisse non credidit. *Superiores* autem hos vt sceleris instrumen- ta habuisse, quandoquidem, qui mittebantur, plenam ac liberam sui dispositionem *Superioribus* relinquerent. Cum enim qui nunc, & postea deprehensi, interrogati essent, *An ex auctoritate Bullæ Pij v. P. R. subditi à Sacramento fi- dei erga Reginam ita soluerentur, vt arma in Principem indue- rent? An illam legitimam Reginam esse censerent? An Sanderi & Bristoi sententiæ de Bullæ illius auctoritate subscriberent? An si Pontifex Romanus in Reginam bellum moueret, huius vel illius partibus se adiungerent?* Responderunt alij adeò am- bigue, alij adeò ferociter; nonnulli prævaricando, aut silendo ita eluserunt, vt eos aliquid perfidiæ alere non- nulli ingenui Catholici suspicari cœperint; & I. Bishopus Pontifici Rom. devotus contra hos scripserit & solidè do- cuerit. Constitutionem illam Concilij Laterani nomine obtrusam, ex qua tota subditos à fidelitate absolvendi, & abdicandi Principes auctoritas fundatur, nihil aliud esse quàm Papæ Innocentij IIII decretum, nec vnquam in Anglia admissam; imo Concilium illud planè nullum fuisse, nec quicquam omninò à Patribus ibi decretum.

Suspiciones etiam, magis magisq; excitatæ, ex maio- re numero Sacerdotum indies in Angliam subrepē- tium, qui hominum animos clam tentarunt, Principes excommunicatos deturbandos prædicarunt, Romanam religionem non profitentes titulo, regiaq; auctoritate excidisse, sacris initiatos Ecclesiastica quadam libertate

ab

M. D.
LXXXI.*Necessaria
hac in Catho-
licos animad-
uersio.**Suspicio in
eos aucta.**Tergiuver-
sando.*

M. D.

LXXXII.

*Perniciosa
dogmata
proseminando.*

ab omni Principum iurisdictione liberos esse, nec eorum legibus teneri, aut maiestatem revereri debere mussitarunt; Pontificem autem Rom. summum imperium & plenissimam potestatem in vniversum orbem, etiam in Politicis habere, Angliæ verò Magistratus, minimè esse legitimos: ideoq; pro Magistratibus neutiquam habendos. Imò quæcunq; Reginae autoritate acta fuerint, ex quo *Bulla Declaratoria* Pij v. publicata, iure divino & humano omninò irrita esse & instar nihili existimanda. Nec dissimularunt eorum nonnulli se non alio consilio in Angliam rediisse, quàm perinde vt *Bulla* ista omnes semel simulq; generatim, ita illi singulos seorsim ab omni fidelitatis & obsequij erga Reginam Sacramento, reconciliando inter confitendum absoluerent: & hoc factu facilius videbatur, cum ab omni mortali peccato simul absolutionem promitterent, & tutius quia occultius, & sub *Sigillo Confessionis*.

M. D. LXXXII.

*Novæ in
Pontificios
Leges.*



Æc & huiusmodi extorserunt à Regni Ordinibus qui Westmonasterij mense Ianuario convenerunt, novas & seueriores in Pontificios leges, quibus *Maiestatis rei declarantur*, quicunq; subditos ab obsequio in Principem & à religione in Anglia constituta dissuaserint, aut Rom. Ecclesiæ reconciliauerint; necnon qui ita dissuasi, aut reconciliati fuerint. Qui *Missam* celebrabunt, ducentis Marcis, & incarceratione per annum, & amplius donec persoluerint, mulctantur: qui *Missæ* sponte intererunt, centum Marcis & incarceratione itidem per annum: quiq; sacra in suis Parochijs adire recusabunt, viginti libris in singulos menses. Quod de Lunaribus mensibus iniquè interpretatum clamitarunt Pontificij, qui hactenus absentiam diebus Dominicis & Festis vno solido in egenorum vsum redemerant. Sed Ecclesiasticus historicus hæc fusius persequatur.

Andinus

Andinus, postquā tres totos menses in Anglia hēssit, mense Februario in Belgium iter suscepit. Ipsa Regina Cantuariam vsq; honoris ergō deduxit, Comitēq; Leicestrium, Carolum Howardum, Hunsdonium, Willoughbeium, Windsorium, Sheffeldium Barones, Philippum Sidneium, Franciscum Russellium, Georgium Bouchierum, aliosq; nonnullos ex equestri ordine clarissimos Antwerpiam vsq; comitari iussit: vbi in Ducem Brabantiae, Limburgi, Lotharingiae, &c. inauguratur. Ordines enim foederatorum Belgarum Hispanum ob leges violatas Principatu excidisse iam antea pronuntiaverant, sigilla fregerant, Insignia ubiq; deiecerant, & fidei sacramento populum ita absoluerant, vt liberum esset alium Principem sibi deligere. Ille Romanae religionis cultum omnibus qui sibi fidei iusiurandum praestarent, & Hispanum eiurarent, permisit. Deinde bello se accinxit, Aldenardam amisit, Alostum coepit; sexcenti Angli imperiosam Norrisij severitatem causati, ab illo ad Hispanos Thomae Norrisio, Barneio, Cornilho, & Gibsono ductoribus transfugerunt, qui omnibus periculis expofiti & cōtemptissimē habiti, sera poenitentia & infinitis miserijs perfidiae poenas solverunt. Norrisius tamen cum trecentis Equitibus & cohortibus reliquis singularem & fortitudinis & militaris scientiae laudem apud omnes retulit. Parmensem maioribus copijs irruentem animosē excipiendo, & consideratē ad mœnia Gandavi se recipiendo, Andino & Aurasionense ē mœnibus virtutem militarem admirantibus. Sed quid his immoror? Andinus cū ingentem pecuniam ex Anglia suppeditatam nullo successu in Belgio profudisset, & deprehendisset vmbra- tiles titulos sibi tantū delatos, rerum summam penes Ordines esse, praecipiti consilio Antwerpiam, aliasque vrbes armata manu frustra, non sine suorum cæde tentavit, & brevi inglorius Belgium reliquit.

Cometam Mense Maio in XII. Geminorum Gradu propē Capellam conspectum, radiante cauda supra & ultra Humerum dextrum Ericthonij proiectā, & horrendam in

Vu

Nor-

M. D.
LXXXII.
Andinus in
Belgium na-
ugatur.

Brabantia
Dux, &c. in-
auguratur.

Angli ali-
quot ab eo dis-
ficiunt.

Cornish.

Norrisius
strenuē se ge-
rit.

Andinus in-
glorius ē Bel-
gio discedit.

Cometa.

M. D.
LXXXII.

*Rex Daniae
fit Eques
Garterij.*

*Mercatorum
Anglorum
querelas
negligit.*

*Tractatus
cum Scot a in
aliud tempus
reijcitur.*

Norfolcia tempestatem crebro fulmine, tonitru, impetuoso ventorum furore, & densissima grandine trium pollicum crassitudine, stellularum in calcaribus figura efferatam, satis sit vel verbo memorasse.

Elizabetha, vt se foras firmaret contra Hispanum, quem ex subsidiaria illa pecunia Andino subministratam, exacerbatum noverat, Fredericum Secundum Daniae Regem, iam olim sibi charissimum, in Georgiani Ordinis societatem cooptavit, & Peregrinum Bertium, quem illa in deferendis honoribus admodum parca, ad honorem Baronis *Willoughbei de Eresby* ægrè admisit priusquam virtutis specimen dedisset; (etsi mater eius *Ducissa Suffolciae* vnica esset filia & hæres Baronis *Willoughbei*) ad eum legavit, qui insignibus investiret. Danus tor-que rosato collum circumdari, & periscelide tibiam substringi lætanter admisit; cætera insignia reponenda accepit, Induere verò quia exotica, & iuramentum præstare omninò recusavit, cum idem iam antea fecisset, quando in S. Michaelis Ordinem à Gallo conscriberetur. *Willoughbeius* dum in Dania ageret, Mercatorum Anglorum querelas Regi proponit: Graviter enim illi conquesti erant, vectigalia fuisse nimio plus adaucta, cum olim in transitu Freti Danici siue *Oresundi* pro singulis navibus *Rosatum Nobilem*, sc. quartam partem vnciae auri, dependerint, & tantundem pro mercibus, cum pauculis nummis in nocturnos ignes, ad cursum dirigendum, & doliola ad breuia & tænias denotanda. Egit etiam Mercatorum nomine, vt pensitationem *Lastgelt* remitteret, qua tricesima pars omnium mercium mutui nomine, ardente inter Danū & Suecū bello, exacta fuit, cum promisso, vt bello finito, refunderetur. Sed hæc vt magni momenti in aliud temp⁹ reiecta fuere. Principes enim vectigalia, quæ semel intenderunt, vix vnquam relaxant, qui huiusmodi *Regalia* (vt vocant) ad cuiusque regni ius & libertatem spectare, nec externæ moderationi subiacere iudicant.

Illa etiam vt domi securior esset, cum Scotorum Regina rem componere per *Walterum Mildmaium* cogitavit.

vit. Verùm deprehenso, Guisium ad eam liberandam consilia arcana cum quibusdam profugis Anglis agitare, & copias contrahere, specie quidam, vt Andino in Belgio militarent, reverà vt in Angliam ex *Auco* siue *Ew* obscuro portu Guisiani iuris in Normania, transmitterentur; (Quod Gallus primus edocuit, & pro suo erga Elizabetham amore impedivit) res in aliud tempus reiicitur, & illa negligitur.

Veruntamen, vt Guisij molitionibus in Scotia obviam iretur, qui Lenoxij opera, ad avertendum Scotorum Regem ab Anglis, abuti credebatur, Guilielmus Ruthuenus, quem Rex nuperrimè Gouria Comitem creaverat, turbas dedit. Ille, ne à patre degeneraret, qui infesto erat in Regis matrem animo, & alij coniurati, omnes ingenij vires in hoc contulerunt, vt Lenoxium & Arranium à Rege amoverent, sub obtentu vt religioni, Regis securitati, & amicitia cum Anglia caveretur; & hac techna vfi. Lenoxio, qui Scotiae Camerarius constitutus, persuadetur, vt obsoletam Camerarij iurisdictionem rigidè exerceret; nec alio cōsilio, quàm vt ille odium sibi imprudens apud multitudinem accenderet, verbi divini Ministri idem inflammarent, declamitando è suggestu contra eum tanquā Pontificium, Guisianum, & rigidum iuris exactorem, exitiumque palàm prædicerent. Cum itaq; Lenoxius à Pertho, vbi Rex tunc egit, Edenburgum profectus esset, ad Iurisdictionem illam exercendam, & Arranius peregrè abesset; Gourius, Marrius, Lindseius, & alij, arrepta opportunitate, Regem ad Castrum Ruthuenum invitarunt, ibiq; invitum detinuerunt, nec in agros exspatiari, terrore iniecto, permiserunt. Fidissimum quemque ex administris amoverunt, Arranium in custodiam abripuerunt, Regemque adegerunt, vt Angliæ Regina (quæ à consilio non aliena) intercedente, Anguisium exultantem domum revocaret. Lenoxium in Galliam remitteret, qui homo ingenio placidissimo vt publicæ quieti consuleretur, (Regis suasu ex eorum impulsu.) Dunbritonio, quod facile defendere poterat, cessit,

M. D.
LXXXII.

Gourius &
alij turbas in
Scotia exci-
tant.

Regem inter-
cipiunt.

Lenoxium è
Scotia emo-
vent.

M. D.
LXXXII.

Buchananus

*Gallus ad
Regem libe-
randū mittit.*

*Scota filij in-
terceptionem,
& suam con-
ditionem de-
plorat.*

& in Galliam redire non abnuit. Nec his contenti, Regem invitum compulerunt, hanc sui interceptionem literis ad Reginam Angliæ comprobare, & Conventum Ordinum ab istis indictum, iustum esse decernere. Buchananum tamen inducere non poterant, ut hoc eorum factum vel scripto libello, vel persuasione per nuntium approbaret, qui se factiosorum causam contra Principes iam antea suscepisse, dolenter ingemuit, & paulò post obiit. Vir qui *nec cælo, nec solo, nec seculo erudito*, ut ille cecinit, *natus*; ad summum tamen Poeticæ facultatis culmen tam foeliciter ascendit, ut Poetarum huius seculi Princeps meritò habeatur.

Cum hæc Gallus certis nuntijs comperisset, *Motta-Fenellonum* per Angliam & *Manninguillum* per mare cum iisdem documentis in Scotiam amandat, scilicet, ut rationes liberandi Regem quovis modo expedirent, factionem Gallicam confirmarent, Regis animum in Gallorum amicitiam pellicerent, & gratulantes significarent, Reginam matrem eius ex materna pietate regium titulum ei indulgere, atq; in regni societatem iam libentissimè admittere, scilicet, ut verus & legitimus Rex à Christiani Orbis Principibus, Scotisq; omnibus agnosceretur, & partium studia penitus tollerentur. Illa interim tota suspenso & sollicito animo, miserijs oppressa, & diuturni carceris calamitate sine vlla libertatis spe intabescens, grave suum fatum, afflictissimamq; filij conditionem longis literis Gallicè conscriptis, quas maternus amor & animi anxietas extorserunt, apud Elizabetham deplorat, in hanc sententiam, ut ex ipso Autographo in pauca contraham.

Cum certò acceperim filium meum à rebellibus interceptum (sicut & ipsa ante aliquot annos) ex iusto timore, ne communem mecum infelicitatis sortem subeat, non possum luctuosas meas querimonias non egerere, & easdem in tua, si fieri posset, conscientia insculpere; ut mea apud posteros constet innocentia, & eorum ignominia, quorum iniquitate in has miseras indignissimè fui coniecta. Verum cum istorum artes & machinationes (quan-
tum-

M. D.
LXXXII.

tumuis nefariæ) hætenus plus apud te valuerint, quàm querelæ meæ iustissimæ, potentia tuæ ius & æquum iam cedant, visq; veritatem apud homines opprimat; ad Deum immortalem provocabo, cuius solius in nos pari iure & honore Principes Imperium agnosco. Eundemq; invocabo, (apud quem, nec fuco, nec fraudi locus erit) ut nouissimo die, pro nostris inter nos meritis retribuatur, quomodocunq; adversarij mei insidiosas versutias apud homines (& forsân apud te) obvelare norunt. In eius igitur nomine, & quasi pro eius Tribunali, tibi in memoriam revoco, quibus artibus quidam tuo nomine emissarij Scotos mihi subditos in rebellionem contra me, dum in Scotia agerem, traxerunt, & omnia mala quæ iam inde ibi acciderunt, concitarunt. Quod (ut alia taceam) certò constat ex testimonijs prolatis & confessione ex Mortonij ipsius ore qui eo nomine ad honores eveetus. In quem si ex iure egissem, & tu opem rebellibus non tulisses, contra me & meos haudquaquam tam diu subsistere potuerant.

Dum in carcere, in Lacu-Levino detinerer, Nicholaus Throcmortonius tuo nomine mihi author fuit, ut signato Diplomate, regno cederem (quod irritum futurum ille assseueravit, irritumq; orbis vniversus habuit) donec tu prono favore & armata manu istius Diplomatis authoribus auxilium tuleris. Et dicas bona fide, an eiusmodi subditorum tuorum in te authoritatem & potestatem agnoscas? Inde tamen mea Regia authoritas tuo consilio & auxilio mihi ablata, & Regnum in filiolum per ætatem incapacem translatus. Cumq; ipsa non ita pridem Regnum illi legitime confirmare statuerim, à nonnullis proditoribus vi abreptus est, qui illum, perinde ac meipsam Regno spoliare, si non etiam & vita, proculdubio destinarunt. Postquàm ego è Lacu-Levino elapsa, & iam rebelles prælio aggressura, opem tuam imploraui adamante illo remisso, quem à te in amoris pignus iam antea acceperam, cum prolixa auxilij contra rebelles pollicitatione subinde repetita; etiam fide data, ut si me ad te reciperem, te ad limites accessuram & in persona adiuturam. Ego hæc tua pollicitatione toties iteratâ freta (etsi tui mihi sæpe verba dederint) ad te tanquam ad Anchoram Sacram in adversis confugere statui. Et confugissem sanè, si tam facilis aditus mihi patuisset, ac contra
me

M. D.
LXXXII.

Lidingto-
nius &
Grangius.

me rebellantibus semper patuit. Verum priusquam accedere potuerim, intercepta fui, custodibus stipata, in loca munita conclusa, & ipsa morte grauiora iam inde perpessa.

Scio te obiecturam quod mihi cum Norfolcia Duce intercessit, illud tamen tibi, aut regno tuo fraudi fuisse pernego. A primarijs enim Regni Angliæ Consiliarijs fuit approbatum, & eorum subscriptionibus, quæ proferri possunt, confirmatum, qui etiam tuum assensum affirmatè promiserunt. Et qui (quæso) potuerunt tanti viri assensum tuum ad illud promittere, quod te vita, honore, & Diademate spoliaret? Hoc tamen tu ab omnibus credi velis.

Cæterum cum nonnulli ex illorum rebellium numero sera penitentia resipiscerent, & plenius perspicerent è colloquio inter Delegatos nostros Eboraci, quam iniquè mecum egerint, illi statim tuis copijs in Castro Edenburgensi obsessi, & è primarijs alter veneno, alter suspendio misere sublatus. Et hoc quidem postquam tuo rogatu effecerim, ut semel atq; iterum arma posuerint spe pacis, quam Deus norit, an aduersarij mei vnquam cogitauerint.

Iam inde mihi deliberatum erat experiri, an patientia rigorem emollirem, perferendo singula quæ captivæ imperata. Omne tamen colloquium cum filio per literas, aut internuntios hoc anno iam vertente penitus interclusum erat, ut filius à matre tristissima animorum disiunctione, si fieri posset, diuelleretur.

Conditiones pacis & concordie inter nos ineunda sæpè proposui, Chateworthiæ ante annos vndecim, cum Delegatis, atq; tecum per Legatos Regis Christianissimi; & meos, & superiori hyeme cum Bealo sincerè egi. Sed conditiones illæ semper reiectæ, moræ quæsitæ, & interpositæ, consilia mea suspecta, & omnes animi mei sinceri affectus semper damnati. Nec alium ego fructum ex diuturna patientia tuli, quam quod præscriptione quadam inualuerit, ut asperius indies tractarer; nec quidem ut captiua, sed ut infimæ conditionis seruula. Certè hæc diutius perferre non potero, & quomodocunq; res cadat, si moriar, mortis meæ authores manifestabo; sin viuam, efficiam (spero) ut nefariæ in me molitiones & calumnie intermoriantur, ut maiore tranquillitate, quod vitæ reliquum sit, transigam.

Quare ad tollendas omnes inter nos offensiones, proferantur
Hispa-

M. D.
LXXXII.

Hispanorum qui in Hibernia nuper capti, in me testimonia, producantur Iesuitarum examinationes, permittatur cuilibet licentia me publicè accusandi, modò itidem & mihi me defendendi libertas concedatur, nec inaudita condemner. Malefici & incarcerati vilissimi, ad sui defensionem admittuntur, & accusatores coràm sistuntur. Cur non ita mecum agitur, quæ Regina inuncta, tibi cognatione proxima, & Regni hæres post te legitima? At hoc postremum illud est, quod aduersarios meos, qui nos inter nos committere student, imprimis angit, vritq;. Hei mihi, non est cur hoc eos angat, Deum & Honorem meum testor, me non aliud regnum quàm cæleste illud, iam diu cogitasse. Tu tamen religione obligaris, officij & iustitiæ ratione teneris, ne post mortem meam certissimum filij mei ius interturbes, nec illorum occultas molitiones promoueas, qui cùm in Anglia, tum in Scotia gnauiter in meam filijque perniciem incumbunt. Quod satis superq; elucet ex documentis nuntiorum tuorum in Scotia, qui seditiosissimè egerunt (te proculdubiò ignorante) sed Huntingdonio diligenter satagente.

Hocine æquum, vt ego mater prohibear non solùm filio oppresso consulere, sed etiam quo in statu sit intelligere? Si missi fuissent filij bono, forsitan consilio meo vsi, illi gratiores eo nomine aduenissent, cerè tu me tibi arctiùs obstrinxisses. Nec erat cur profectiorem tantoperè celares, aut mihi tunc temporis libertatem omnem planè adimeres. Vt liberè tamen loquar, obsecro vt eiusmodi ministris in rebus Scoticis non ampliùs vtaris. Etsi enim credam * Carium nihil se & suo honore indignum suscepturum, de Huntingdonio tamen, propter mala in me merita, nihil boni mihi promittere possum.

* Huntingdonium.

Per necessitudinem igitur inter nos coniunctissimam magno perè rogo, vt filij saluti seriò prospicias, vt Scoticis rebus, me inconsulta, aut Rege Gallie, non ampliùs te interponas; eos qui filium in custodia detinent, & quò volunt, inuitum cogunt, non alio quàm proditorum loco habeas. Deniq; per Christi Redemptoris Crucem & Passionem obtestor, vt æquis legibus post tot annos libertati restituta, alicubi extra Angliam, tantillo vitæ tempore quod supererit, post diuturnum carceris squalorem, corpus extenuatum refocillem. Ita me & meos, & imprimis filium in æternum

M. D.
LXXXII.

æternum tibi deuincies. Nec hoc omni contentione petere cessabo, donec annueris. Vt tantopere petam, afflictissima valetudo cogit. Efficias igitur vt humanius iam inde mecum agatur, alias perpeti planè non potero: nec me ad alterius cuiuspiam quàm tuum ipsius arbitratum remittas. Quæcunq; vel bona vel mala posthac mihi obtigerint, tibi vni accepta referam. Hoc me dignere fauore, vt quæ velis, à te vel per literulam, vel Legatum Gallicum intelligam. Acquiescere in illis quæ Salopiensis mihi significat non possum, quandoquidem indies immutentur. Cum ad tuos Consiliarios nuperrimè scripserim, iussisti vt tibi vni res meas impertirem. (Illis verò tantam auctoritatem ad me affligendam detulisse haud æquum erat.) Hinc tamen non possum non vereri nonnullos ex illis mihi aduersantes hoc procurasse, ne cæteri, postquam iustissimas meas queremonias exaudierint, se tam pro ratione tui honoris, quàm sui erga te officij, opponerent. Iam mihi restat inprimis efflagitandum, vt alteram vitam cogitans, aliquem reuerendum Sacerdotem Catholicum habeam, qui me in mea religione ad animæ salutem dirigat. Hoc supremum officium nec misellis infimæ conditionis denegandum. Tu exterorum Principum Legatis suum religionis cultum permittis, & ego meis subditis diuersæ religionis vltro permisi. Si hoc mihi negetur, apud Deum me excusatam iri spero, & aduersarios non impunè laturos timeo. Certè exemplo erit alijs Orbis Christiani Principibus eiusmodi in suos diuersæ religionis seueritatem exercere, si hæc exerceatur in me Principem absolutam & cognatam proximam. Ita enim sum, atq; tibi ita ero dum vixero, velint nolint aduersarij, & quantumuis stomachentur. Familiam augeri non expe-
to, duas autem famulas quæ mihi in hac valetudinis imbecillitate sint vsui, ex quadam necessitate peto: nec liceat aduersarijs suam in me crudelitatem in tantillo humanitatis officio explere. Quod à Salopiensi subaccusor, me contra ac Bealo promiserim, egisse cum filio de meo in Scotia iure in eum transferendo, te inconsulta. Ne Beali suggestionibus credas velim, nihil nisi sub certis conditionibus promisi, quibus non obstringor, nisi à vobis præstentur. Iam inde responsum accepi nullum, altumq; de illis subsequutum est silentium; sed machinationes in Scotia in mei, filijq; exitium non cessarunt. Silentium illud tam diuturnum nihil nisi repulsam
in-

interpretari potui ; quod tibi & Consiliarijs per literas significavi. Quæ Gallus & eius mater mihi impertierunt, ego tibi candidè impertij, & consilium exquisivi ; sed à te ne verbum quidem. Consilio tuo de rebus meis & mea de patria, priusquàm quale illud sit nouerim, me submittere ne cogitavi quidem. Hoc enim extrema imprudentiæ videretur. Quos triumphos de me & captiuo filio aduersarij mei in Scotia agunt, non te latet. Ego nihil ibi tentavi quod tibi sit fraudi, sed ad solidam pacem in illo regno conciliandam, quod mihi non minori sit curæ quàm tuis Consiliarijs ; quandoquidem hoc meâ, multò magis quàm illorum interfit. Filio meo Regis titulum gratificari, & confirmare, & discordias consepelire ex animo percipij. Hoccine est filio Diadema detrahère ? Verùm aduersarij mei & meâ familiæ confirmari nolunt. Hoc illi inuident, dum suum contra se testem in pectore gerunt, & male conscij malè sibi metuunt.

Ne liceat istis & alijs meis aduersarijs tibi oculos ita perstringere, vt te viuente videnteq̃, proximis cognatis funus ducant, & vtramq̃ Coronam subruant ; eoq̃ consilio, scelera contra me, contra filium meum, & fortè contra temetipsam concipiunt. Poteritne tibi bono, vel honori esse, vt illorum opera ego, & filius, & nos inter nos tam diu secludamur ? Te ad innatam lenitatem reuoca, te tibi oblige, Princepsq̃ cum sis, animum ad deponendam omnem offensionem erga me Principem sanguine coniunctissimam, & tui amantissimam placabilitate emollias, vt rebus inter nos compositis, placidiùs ex hac vita emigrem ; & afflictissimæ animæ meæ gemitus & suspiria ad Deum non penetrent. Cuius numini assiduas preces offero, vt hæ iustissimæ meæ querelæ & luctuosa lamenta locum apud te iam tandem aliquândo inueniant. Sheffeldiæ die VIII Nouemb. M D LXXXII.

Subscripsit.

Vostre tresdesolé plus proche
parente & affectioné seure Marie R.

Xx

M. D.

M. D.
LXXXII.

M. D.
LXXXIII.

Lenoxius
per Angliam
redit.

De Scota
liberanda
consultatur.

M. D. LXXXIII.



Is literis Elizabetha variè cōmota (postquam Mot-Fenellonum Galli Legatum vnà cum Dauifono suo Legato in Scotiam proficisci permisisset, observato tempore ex composito, vt Lenoxium è Scotia redeuntem ille præter opinionem obuium haberet, & ipsa Lenoxium benignè exceptum leniter de erroribus in rebus Scoticis culpasset) ad Scotorum Reginam Robertum Bealum Sacri Consilij ab Epistolis, hominem vehementem & austerè acerbum misit, qui de querulis illis literis acrius expostularet, iunctimque cum Salopiæ Comite de illa liberanda ageret, quandoquidem iam pridem etiam atq; etiam alijs literis rogaverat, vt præstita Elizabethæ securitate, libertate tandem aliquando frueretur, & cum filio in Scotia administranda consociaretur.

His de rebus seriò in sacro Angliæ consistorio deliberatur, & plerisq; placuit vt his legibus liberaretur. Si illa & filius sponderent se nihil molituros quod Regina Elizabethæ, aut Regno Angliæ sit fraudi, si illa quæcunq; à Francisco II. Rege Gallie marito contra Elizabetham facta fuerant, se inuita facta fuisse fateretur, eademq; vt iniusta omninò improbaret, confirmando fœdus Edenburgense, ceterasq; iam inde machinationes ingenuè renuntiando damnaret. Si obligaret se nihil directè aut indirectè contra regni Angliæ administrationem in Ecclesiasticis aut Ciuilibus machinaturam, aut facturam, sed quouis modo machinaturis, tanquam publicis hostibus obstituram; ius nullum in Angliæ regno sibi Elizabetha superstite arrogaturam, & postea ius successionis iudicio Ordinum Angliæ subiecturam. Ne præuaricationi sit locus, & se captiuam & coactam in has condiciones descendisse postea causaretur, non solum ipsa in eas iuraret, sed etiam curaret vt Ordines Scotiæ easdem publica authoritate confirmarent, Rex ipse iureiurando & scripto ratas haberet, obsidesq; darentur. Quod ad consociationem cum filio in rerum administratione, non visum est vt Angliæ Regina se interponeret. Hoc ad ipsum Scotorum Regem & Scotiæ Ordines retulerunt. Si verò consociarentur, vt iunctim cum

cum illis de fœdere ageretur, sin minùs, seorsim.

Hæc deliberata fuerunt, sed nullo successu, cum Scoti Anglicæ factionis prorsus reiicerent, clamitantes, Scotos nonnullos Anglico nomini hostes infestissimos Reginaë Scotorum consilio è Gallia esse revocatos, & Holtum è Societate Iesuitica Anglum ad ineundam rationem Angliam invadendi in Scotiam submissum.

Certabatur iam in Scotia inter Mot-Fenellonũ, & Maninguillum Gallicos, Bowes, Dauisonumq; Anglicos Legatos, quis penitiùs Regis animum in amorem suæ nationis insinuando alliceret, pluresq; in suas partes ambiendo attraheret, dum vtrinq; consilia consilijs transversis solerter exciperent. Rex se medium gessit, nec factionum fluctibus, quos componere studuit, se commiscuit, gnarus vtilia honestis temperare, nec interim religioni aut Reipub. deesse. Ministri autem verbi in Scotia ita contra Gallos zelo quodam excanduerunt, vt quo die Mot-Fenellonus à civibus Edenburgensibus ad convivium invitabatur, illi ieiunium indixerint, & tota die Gallum, Guisum, & Legatos convitijs ex ambone lacerarint; parumq; abfuerit, quin omnes convivas excommunicaverint. Sicut Ministri aperte, ita & Proceres nonnulli Anglorum partiarj tectè Gallicos Legatos persequi non destiterunt, donec primùm Mot-Fenellonus, & postea Maninguillus discesserint, discordiæ tamen seminibus inter Regis interceptores subdolè sparsis.

Statim atq; discesserint, Rex per Guilielmum Stuartum Chiliarcham, & I. Coluiliu omne studium Reginaë Angliæ detulit, consiliumq; turbas componendi & matrimonium contrahendi quæsivit. Iam, qui Regem interceperant, Gallicis Legatis è Scotia amotis, magnos animos sumplerunt, & mox maiores Lenoxij morte audita. Ille enim cum apud Gallum intestinis malis implicatum parum solatij inveniret, & Elizabethæ obsequio se occultè applicaret, Lutetiæ obiit, & in mortis articulo, vt antea, Protestantium religionem palam professus, eorum malitiam qui eum vt Papicolam falsò suggillarent, confutavit.

M. D.

LXXXIII.

*Anglo-Scoti
se opponunt.**Holt.**Angli &
Galli Scoto
se insinuant.**Angli per
partiarjos
prævalent.**Rex Eliza-
bethæ se
applicat.**Lenoxius
obiit.*

M. D.
LXXXIII.
Rex se libera-
rat.

Cum inter-
ceptoribus
leniter agit.

Suos in Au-
lam revocat.

Walsingha-
mus in Sco-
tiam venit.

Cui Rex li-
berè respon-
det.

Ex huius morte dum interceptores quasi certi & securi de Rege in potestate retinendo exultarent, ecce illis ne opinantibus quidem, Rex etsi XVIII ætatis annum vix compleisset, dedignatus cum Rex esset absolutus, trium Comitum imperio subesse; ut tempori prudenter antea cesserat, ita temp⁹ nactus opportunum, se in libertatem vindicavit, & in Castrum Andraeopolis cum paucis selectis subduxit. Occasione arrepta ex rumore nobiles animis inter se infestissimis, armatas cohortes in eas partes ad Conventum quem indixerat, trahere; atq; ex iusto inde timore ne inter tumultantes periculo exponeretur. Et in hanc sanè sententiam literas ad Elizabetham dedit, quibus etiam promisit se in amicitia cum ipsa colenda constantissimè permansurum, & consilia in rebus constituendis amplexurum. Hoc autem ita ex inopinato accidisse, ut illam nullo modo consulere potuerit. Postea nonnullos à quibus interceptus erat, bonis verbis & benigno vultu ad turbas vitandas ex Aula secedere monuit, veniamque, si modò rogarent, promisit. Solus autem Gourijs rogavit, & se submisit distinctiuncula usus se non *materia*, sed *forma* peccasse. Deinde Arranium ad Aulam revocavit, & inter intimos habuit; operamq; ad amicitiam inter nobiles componendam, & regnum domumque intestinis discordijs purgandam diligenter adhibuit.

Dum his curis ille assiduus, intervenit Franciscus Walsinghamus à Regina Angliæ missus ex amore sollicito, ne utriusq; regni damno ab Anglorum amicitia malefanis consilijs in ipso ætatis flexu averteretur. Ille Regem flore nobilitatis stipatum, & aliam quàm putarat rerum faciem in Scotia invenit. Admissus, eadem quæ Regina literis prius ex Isocrate paucis monuerat (scilicet *Imperantis esse ita veritatem colere, ut plus fidei eius affirmationi, quàm aliorum deierationi habeatur*) utq; à malis consultoribus providè cauere, & sibi constaret, pluribus admonuit. Rex cordatè respondit. *Quòd si aliàs scripserit quàm senserit, invitum, recusantem, & à coactoribus impulsus scripsisse.*

Se

Se liberum Principem in has angustias non redigendum, ut alij sibi Consiliarios quos nolit imponant; Nihil fecisse nisi quod sibi honori & securitati. Amicitia suæ primitias charissimæ sorori Regina Angliæ pridem vouisse, iam libens meritò offerre; & vberiores amicitia fructus proferre posse, cum omnes proceres sibi paruerint, quàm cum ipse vni & alteri pareret, & quasi precariò imperaret.

Egit deinceps cum eo Walsinghamus, ut quæ modò in Scotia acciderant, Elizabethæ non imputaret, ostendit quàm salutaris ei, & vtriq; Regno amicitia hætenus fuerit, & in posterum futura sit, modò non negligatur; & quæ solidè firmaretur, si lites inter Scotiæ proceres *Amnestia* quadam ex autoritate Parliamentaria oblitterentur, nobiles ab Aula amoti in gratiam reciperentur, religio facta tecta conservaretur, & firmum deinde foedus inter Regna sanciretur. Nec deerat Walsinghamo pecunia inter Regis administratos, ut hæc efficerent, distribuenda. Rex modestè, *se amicitiam cum Anglia amplexurum, in nullo erga Reginam officio defuturum, & religionem receptam constantissimè defensurum, respondit.* Walsinghamum deinde etsi sibi matriq; iniquiorem esse putaret, benignè demisit, rebusque suis supra ætatem providè intentus, magna cum clementiæ laude veniale rescriptum proposuit singulis qui interceperant, si intra tempus præscriptum veniam exposcerent. Verum tantùm aberat ut exposcerent, ut occulta consilia de eodè denuò intercipiendo inirent. Hinc intra statum tempus regno excedere iussi, è quibus Marrius, Glamius, Commendatarij Driburgius, Pasletensis, & alij in Hiberniam; Boidius, Zester-Wemius, Lochelvinius in Belgium, Dunfermelinius in Galliam se contulerunt. Angustus intra limites præscriptos in Angustia se continere iubetur. Solus Gourius nova parturiens, ultra præfixum tempus, suo, ut dicemus, exitio substitit.

Ita qui Lenoxium invitum expulerunt, anno vertente, ipsi inviti è Scotia expulsi. Rex ut Lenoxium viventem amore, ita mortuum grata memoria prosequutus, famam

M. D.
LXXXIII.

Walsingha-
mi monita.

*Interceptoribus veniam
offert.
Recusantibus
regno exire
imperat.*

M. D.
LXXXIII.
Lenoxio fa-
mam restituit
& liberos in
Scotiam vo-
cat.

*Ministri
Regis autho-
ritati se oppo-
nunt.*

Elizabetha
pacem Sueco
à Mosco im-
petrat.

Moscos vx-
orem ex An-
glia & foedus
absolutum
petit.
Hier. Bowes
ad eum Le-
gatus.

mam eius à malevolis obfuscata, libellis famosis sup-
pressis, in integrum restituit, liberos è Gallia evocavit,
Lodovicum filium in paterno honore successorem con-
stituit, filiasq; suo tempore Huntleio, & Marrio matri-
monio elocavit. Utq; se Regem ostenderet, Regiamq;
authoritatem tempestivè exerceret, cum coniurati isti in
Conventu ipsorum autoritate convocato, hanc Regis
interceptionem iustam fuisse decrevissent, & in acta
publica retulissent; ille contrà eandem proditoriam fuisse
frequenti Ordinum conventu declaravit. Etsi Ministri
quasi supremi in Regno Iudices, in Synodo sua authori-
tate convocata, iustissimam esse pronunciarent, & non
approbantes, excommunicandos censerent.

His diebus, quod oblivione minimè regendum, bello
inter Moscum & Suecum sub Climate Arctoo exardente
Ioannes Rex Suecorum tanti Imperatoris potentia im-
par, Ericum Wisimbrugensem cognatum suum, An-
drazam Richeum Consiliarium, & Raschium Secreta-
rium insigni Legatione ad Elizabetham misit, & per li-
teras rogavit, ut per Legatum de pace cum Mosco inter-
cederet. Quod quidem nulla mora interposita, præstitit;
& Moscum ad pacem æquis conditionibus induxit. Ille
enim de foedere cuius subinde memini, cum Regina, per-
fugioq; in Anglia si quid adversi sibi acciderit, iam de-
nuò egit, & vxorem ex Anglia sibi ambivit. His de re-
bus Hieronymus Bowes ex ordine Equestri Legatus missus
ægrè satisfacere poterat, cum Moscos foedus absolutum
suis ipsius verbis descriptum importuniùs exigeret, atq;
audire nollet, Christiani non esse, nec iure gentium lice-
re indictas inimicitias exercere, & bellum gerere prius-
quàm ille à quo iniuria sit orta, moneatur illatam iniu-
riam resarcire, & ab iniuria absistere. In vxorem Regi-
na A. sororem Comitis Huntingdonia destinavit, sed
cum certò comperisset, illi licitum esse ex patrijs legibus
vxores pro arbitrio repudiare, excusavit per virginis inva-
letudinem, parentis amorem, quæ filia absentiam in dis-
iunctissima Regione ferre non poterat, quodq; sibi nulla
esset

esset potestas subditorum filias in matrimonium elocandi, nisi cum parentum cōsensu. Nihilominus Legatus effecit, ut Mercatorum priuilegia constabilire annuerit, sed mors eius anno insequente intervenit, simulque res Anglorum in Russia paulatim conversæ, & Legatus remissus non sine vitæ periculo redijt, cum laude à Regina exceptus, primusque (si rem tantillam historico bona cum venia memoria liceat) *Machlin* animal non prius in Anglia visum Alci simile, sed nullo propaginum flexu velocissimum; damasq; nonnullas mirandæ velocitatis, quæ iugatæ hominem in traha sedentem concitato impetu trahebant, in Angliam intulit.

Successit (ut Moscovitica coniungam) in vasto illo Imperio Theodorus Ioannides Ioannis Basilidis filius, Princeps ingenio tardiori, qui tamen recta consulentibus parere nouit. Ille omnibus omnium gentium mercatoribus liberum in Russiam aditum aperuit, sapiusque à Regina interpellatus, ut priuilegia à patre Moscouiticæ Anglorum societati concessa confirmaret, Scilicet ut nulli præter Anglos ex illa societate ad Septentrionalia Russiae littora appellerent, & Mercaturam exercerent, idque sine vectigalibus, quandoquidem primi viam per mare aperuissent; ille subindè rogavit ut omnibus Anglis per illam liceret in Russia mercaturam facere. Iniquum enim esse alios permittere, alios inhibere. Principibus ius æquabile inter ciues conservandum, & commercium quod iure gentium omnibus commune esse debet, non in Monopolium & privatum pauculorum quæstum convertendum. Quod ad vectigalia, promisit se altera parte minora à societate illa, quam à cæteris exacturum, quandoquidem primi viam per mare aperuerint. In cæteris, privilegia priora confirmavit, & paucula adiecit in Reginae gratiam, non aliquo societatis, ut dixit merito, è qua multos mala fide cum suis egisse deprehenderat. Nec aliud responsum retulit Ægidius Fletcherus Legum Doctor hoc nomine postea Legatus, qui de Politeia siue Tyrannide Russica libellum, in quo plurima observanda, edi-

M. D.

LXXXIII.

Moscus mo-
ritur.Machlis ani-
mal.Theodorus
Moscus An-
glorum Mo-
nopolium in
Russia impro-
bat.

M. D.
LXXXIII.

Albertus
Alasco Po-
lonus in An-
gliam venit.

Terra-motus

Obitus Co-
mitis Sus-
sexie.

edidit; sed qui mox interdictus, ne offensam Principi amico crearet.

E Polonia Russia vicina hac æstate venit in Angliam, ut Reginam inviseret, Albertus *Alasco* Palatinus Siradiensis, vir eruditus, corporis lineamentis, barba promississima, vestitu decoro & pervenusto, qui perbenignè ab ipsa, nobilibusq; magno honore & lautitijs, & ab Academia Oxoniensi eruditis oblectationibus, atq; varijs spectaculis exceptus, post quatuor menses ære alieno oppressus clàm recessit.

Non minus ostentum in Comitatu Dorsettensi hoc anno visum, quàm M D LXXI. in Herefordensi. Ager enim trium iugerum in *Blackmore* cum arboribus & sepi-mentis è suo loco emotus, super alium transgressus est, hiatu ingenti relicto, & viâ publicâ, quâ ad *Cernam* itur, interclusâ. An hoc factum ex eiusmodi subterraneo turbine, quo Seneca Deorum capita in Iovis lectisternio in contrarias partes conversa fuisse prodidit; an ex multo humore, fontibus vberius scaturientibus, cum ager ille in declivi fuerit positus, alij investigarint.

Ultimus fuit hic annus Thomæ Ratcliffi tertio ex hac familia Suffexiæ Comiti, viro eximia animi & consilij magnitudine, fide erga patriam singulari, magno generis splendore, utiq; cui mater filia Ducis Norfolciæ, avia filia Henrici Ducis Buckinghamiæ Constabularij Angliæ. Qui summis decursis honoribus, Legatus à Maria Regina ad Carolum Quintum Augustum de connubio, cum Principe Philippo contrahendo in Germaniam missus, postea in Hispaniam ad Philippum de eiusdem pactis ratihabendis, & ad Maximilianum Augustum de nuptijs Elizabethæ cum Carolo Austriaco: Hiberniæ *Locum-tenens*, Præses Provinciarum Septentrionalium Angliæ, Camerarius regius, *Protoforestarius* Angliæ ultra Trentam flumen, clarus victorijs contra Hebridianos, & Scotos qui limites infestarunt, diuturno morbo conflictatus, Londini sine prole obiit, etsi duas vxores duxerit Elizabetham Wriothesleiam, & Franciscam Sidneiam; fratremque

tremque Henricum habuit successorem.

Fato etiam functus est Henricus Wriothesleius Comes Southamptoniæ, Romanæ religioni, & Scotorum Reginæ, si quis alius, devotus; quod & Principis indignatione & carcere luit. Ille filius erat Thomæ Wriothesleij, (quem ob spectatam virtutem Henricus Octavus ad dignitatem Baronis *Wriothesley de Tichfield*, Ordinem Periscellidis, summam Cancellarij Angliæ amplitudinem provexit; & inter supremi testamenti curatores constituit: Edwardusq; Sextus ad honorem Comitis Southamptoniæ extulit.) Reliquit verò ex vxore filia Anthonij Vicecomitis *Montis-acuti* Henricum filium vnicum successorem, & filiam Thomæ Baroni Arundello *de Wardour* enuptam.

Iisdem ferè diebus Oceano absorptus est Humfredus Gilbertus Eques auratus, vir acer & alacer, belli pacisq; artibus clarus, in reditu ex parte Boreali Americæ, quam *Newfound-land* dicimus; quò paulò antè patrimonio divendito, spe Coloniam collocandi, cum quinq; navibus navigarat. Verùm postquam regionem illam Anglici iuris esse voce præconis publicasset (Sebastianus enim Cabota auspicijs Henrici VII. anno MCCCCXCVII. primus aperuerat) & terras focijs viritim assignasset; naufragijs & rerum defectu afflictus, incepto desistere coactus, ferò didicit, & alios doceat, maioris esse difficultatis, Colonias privatorum opibus in disiunctas regiones deducere, quàm ipse, & alij credulo errore, & suo damno sibi persuaserunt.

Expiravit quoq; sub id tempus Edmundus Grindallus Archiepiscopus Cantuariensis, Metropolitanus, & totius Angliæ Primas, cæcus & sexagenario maior. Vir pius & gravis, qui ex exilio sub Maria reversus, primùm Londinensis Episcopus, postea Eboracensis Archiepiscopus, & tandem Cantuariensis, summa apud Reginam gratia diu floruit, donec subdolis artibus omninò excidit, quasi turbulentorum Ministrorum conventiculis, & *Prophetijs* (quas vocarunt) favisset; reverà quod Iulij medici Itali

Y y

illicitas

M. D.

LXXXIII.

Comitis
Southamp-
tonia obitus.

Humfredus
Gilbertus
demersus.

Colonia in
regiones re-
motas à pri-
vatis agrè
deducuntur.

Grindalli
Archiepisco-
pi Cantua-
riensis mors.

M. D.
LXXXIII.

* S. Bee.

Tamaricum
in Angliam
primum
translatum.

I. Whitgiftus
Archie-
piscopus
Cantuarien-
sis.

Vnitatem in
Ecclesiam
Angl. indu-
cere conatur.

illicitas cum alterius vxore nuptias, Leicestrio frustra obnitente, damnasset. Opes quas parauit tenues, ad Scholam apud * S. Bega in Cumberlandia, vbi natus, fundandam, & bonas literas in vtraq; Academia promouendas contulit. Eiusq; curæ (si rem tantillam memorare liceat) *Tamaricem* Angli debent, quam induratum lienis passionem eximiè iuvare expertus, primus in Angliam transtulit.

Successit Ioannes Whitgiftus, à Sede Wigornienſi translatus, vir optimus & eruditissimus, qui & iustitia in Walliæ Propræfectura, & doctrina in Ecclesiastica Angliæ politeia propugnanda singularem laudem consequutus; quam fortitudine, prudentia, & patientia indies adauxit. Huic Regina, (quæ vt in Politicis, ita & in legibus Ecclesiasticis nihil vnquam laxandū censuit) mandavit, vt ante omnia disciplinam Ecclesiæ Anglicanæ & vniſormitatem in sacris authoritate Parlamentaria sanctam restauraret, quæ Præsulum conniuentia, novorum pervicacia, & nobilium quorundam potentia luxata iacuit, dum quidam è Ministris regiam in Ecclesiasticis authoritatem tectè impugnarent, Sacramentorum administrationem à verbi prædicatione seiungerent, novos ritus pro arbitrio in priuatis ædibus vsurparent, Liturgiam, Sacramentorum administrationem constitutam, vt sacris literis in quibusdam contraria; & Episcoporum vocationem omninò damnarent; ideoq; templa adire recusarent, & planè schisma facerent, Pontificijs plaudentibus, multosq; in suas partes pertrahentibus, quasi nulla esset in Ecclesia Anglicana vnitas. Ad hæc tollenda, & vnitatem reducendam ille hos articulos à Ministris subscribendos proposuit. Primum, *Reginam summam & supremam potestatem in omnes intra sua regna natos cuiuscunq; sunt conditionis habere, nec alium quempiam Principem exterum aut Præsulem, vllam potestatem Ciuilem aut Ecclesiasticam in eiusdem regnis aut Dominijs habere, aut habere debere.* Secundum, *Librum precum publicarum, & alterum de Episcopis, & Sacerdotibus ordinandis nihil verbo Dei contrarium continere, sed*

sed posse legitime usurpari; quodq; illa, & non alia vel precum, vel Sacramentorum administrandi formula vterentur. Tertium, Articulos Synodi Londinensis M D L X I I. Regia auctoritate publicatos approbarent, & eosdem verbo Dei consonos crederent. Incredibile est quantum hinc controuersiarum, & disputationum exortum; quantum ille odium, quantum convitiarum à Ministris factiosis, & quantum molestiarum imo & iniuriarum à nobilibus qui promovendo minùs idoneos in Ecclesia rem fecerunt, aut in Ecclesiæ bona spem extenderant, pertulerit. Constantia tamen, fortitudine, & patientia tandem evicit, & Ecclesiæ pacem restituit, vt non temerè pro Symbolo usurpasse videretur. **VINCIT QVI PATITVR.**

Nec hi solùm domi Ecclesiam exagitârunt, sed etiam foras qui ex his prodierunt, Robertus Brownus Cantabrigensis in Theologia tyro, à quo noui sectarij *Brownistæ* dicti, & Richardus Harrisonus è triuio pædagogus. Hi enim ex suo spiritu de re religionis iudicare ausi, libris hac tempestate in Zelandia editis, & per Angliam dispersis, Ecclesiam Anglicanam quasi nullam damnarunt, multosq; novi schismatis laqueis irretierunt; quamvis eorum libri Regia auctoritate prohibiti & ab eruditis neruosè confutati, vnusq; & alter è sectarijs ad *S. Edmundi*, extremo supplicio affecti.

Ex altera parte Pontificiorum quorundam contra Reginam & Principes excommunicatos libelli, nonnullos Papalis potentiae admiratores ab obsequio abstraxerunt, & inter alios, Someruillum nobilem ita dementarunt, vt iter clàm ad Regiam arriperet, & nihil nisi sanguinem contra Protestantes spirans, vnum & alterum in via stricto gladio furenter aggrederetur. Apprehensus, professus est se Reginam sua manu occisurum. Vnde ille, & ex illius indicio, Edwardus Ardernus socer, vir antiquissimæ in agro Warwicensi nobilitatis, Arderni vxor, eorum filia Someruilla, & Hallus Sacerdos in iudicium rapti & damnati quasi conscij. Post triduum Someruillus in carcere strangulatus reperitur, Ardernus damnatus postridie

M. D.
LXXXIII.

Brownistæ
Schismatici.

Someruillus
se strangulat.

M. D.
LXXXIIL.
Ardernus
suspenditur.

Angli Alo-
stum Hispano
produnt.

Proditorum
infelix exitus.

Gayle
Walth.

Desmonia
Comes truci-
datur.

ad patibulum suspenditur & membratim disseçatur; mulieribus & Sacerdoti parcitur. Tristis hic exitus nobilis viri, qui Sacerdotis insidijs illectus, & eiusdem testimonio percussus, Leicestrij invidiæ vulgò vertebatur. Certum enim est illum Leicestrij invidiam, nec immeritò incurrisse, cui in omnibus quibus poterat se temerè obiecerat, quasi adultero obtreçtaverat, & vt homini novo detraxerat.

Hac domi, foràs verò postremo huius anni mense, Angli qui in præsidio erant Alofti Flandriæ oppido, neglecti, stipendijs non solutis, nec re annonaria subministrata, in eas angustias redacti erant, vt Pigottus qui præfuit & cæteri Centuriones fide violata oppidum pacta pecunia Hispanis prodiderint; & infamiam apud suos veriti se Parmensi coniunxerint; à quo tamen, cum nullam fidem invenerint, sensim diffugerunt. Singuli autem proditoris authores infœlicem exitum sortiti, Pigottus in Hispaniam spe præmij profectus, irrisus, in Belgium reversus à suis captus, & in Angliam remissus, in carcere miser expiravit, Daltonus ex proditore factus pirata suspendio in Anglia, & Vincentius in Brabantia sublatus, Taylorus à Comite Westmorlandiæ transfossus, & Walthus mille miserijs iactatus in Gallia occisus. Ita proditores ultor à tergo Deus insequitur. Quod exemplis illustrioribus Hibernia hoc anno vidit.

Famosus enim ille rebellis & patriæ Proditor Giraldus *Fitz-Girald* siue *Giraldides*, vndecimus ex hac familia Desmonia Comes, cum suis ferro & fame absumptis (qui barbarè voverant se prius Deum eiuratos, quam illum deserturos) cum incertis latibulis victores Anglos toto ferè biennio frustratus esset, nunc à gregario milite in casula deprehensus & ignotus, donec abscisso ferè brachio se prodidisset, multis vulneribus confossus trucidatur. Caput in Angliam transmissum, & palo ad pontem Londinensem affixum.

Hunc vitæ finem habuit vir in Hibernia præpotens, qui genus à Mauritio filio *Giraldi à Windesora* Anglo inter

ter primos Hiberniæ expugnatores anno MCLXX. celeberrimo deduxit, Latifundia, imò provincias integras, cum *Kerria* Comitatu Palatino, & plurima Castella, Clientelas magnas, & ex sua ipsius stirpe & cognomine quingentos plùs minùs nobiles ad nutum habuit. Quibus omnibus, & vita intra triennium spoliatus, pauculis è familia relictis, postquam fidem in Principem suasu Sacerdotum quorundam, violasset. Inter quos facile primus erat Nicholaus Sanderus Anglus, qui fame eodem ferè momento miserrimè periit, cum derelictus, & ex aduerso rebellionis successu mente motus, per syluas, saltus, & montes errabundus nullum reperiret solatium. In eius pera deprehensæ erant orationes quædam & Epistolæ ad rebelles confirmandos conscriptæ, amplis à Pontifice Rom. & Hispano promissis refertæ. Ita divina iustitia (si fas iudicare) os illud ad rebelliones concitandas & calumnias cum mendacijs eructandas semper apertum fame obstruxit. Ille enim primus omnium horrendum illud (vt alia taceam) contra matris Elizabethæ natales mendacium conflagavit, quod nemo temporibus illis, recenti in eam Pontificiorum odio novit, Anglia totis quadraginta postea annis non audivit, temporum ratio falsitatis & vanitatis liquidissimè convincit, & ipse sui immemor, quod mendacem non oportuit, planè coarguit. Sunt tamen malesani qui hoc tam impudenti mendacio chartas fœdare nondum erubescunt.

Infœlici horum fato Iacobus *Fitz-Eustace*, id est, *Filius Eustachij*, Vicecomes Baltinglasius magnæ inter Hiberniæ Proceres existimationis, perterritus, in Hispaniam fugit, vbi miser mœrore contabuit. Qui zelo religionis Romanæ arma in Principem paulò antè cum rebellibus induerat, & obscura brevitæ ad Comitem Ormondium vicinum (qui genus à S. Thoma Cantuariensis sorore trahit) vt idem pro religione Rom. faceret, inter alia his verbis falsè hortatus. *Nisi B. Thomas Cantuariensis pro Ecclesia Romana mortem oppetisset, ne tu quidem Comes Ormondia unquam extitisses.* Ad expiandam enim Thomæ cædem ampla

M. D.
LXXXIII.

Nich. Sanderus fame
perit.

Baltinglasius ex Hibernia fugit.

M. D.
LXXXIII.
Perottus
Hibernia
Prorex.

Coloni in
Momonia
missi.

Perotti res
gesta.

plain Ormondia prædia eius antecessoribus Henricus Secundus olim donaverat.

Ioannes Perottus ex ordine Equestri, qui Momonia cum laude præfuerat, Hiberniæ Prorex siue *Deputatus* hoc anno constitutus, simul ac gladium accepisset, Ordines Regni ad Parlamentum evocavit, in quo leges nonnullæ sancitæ & Desmonius iam pridem cæsus, læsæ Maiestatis damnatus, & latifundia omnia, tam eius quàm aliorum rebellium in Momonia fisco addicta. Quæ cum Regina satis vili pretio locare constituisset, ut colonos eò invitaret, ne agri feracissimi inculti iacerent (rebellio enim ista miseram vastitatem intulerat) nonnulli eorum qui in rebellium professiones inquirere iussi, & alij qui agros conduxerunt, fideles subditos possessionibus tanta violentia exturbare cœperunt, ut necessarium fuerit Regi næ istos edicto coercere, ne violenta privatorum avaritia novam rebellionis flammam excitaret. Qua in re Prorex operam laudabilem navavit, licet subinde ab Anglis insimulatus, tanquam Hibernicis indulgentior, & Anglis durior. Verum ille ius æquabiliter distribuendo, & Hibernicos æquè ac Anglos fovendo, pacem optatissimam provinciæ infudit, & incolarum immanissimos tranquilla potestate legibus subiecit, Scotos Hebridianos, qui in Hiberniam ex insulis irruperant, graviter exercuit. Donellum *Gormi*, id est, *Ceruleum*, & fratrem eius Agnum *Mac-Conell*, qui *Glinnes* regiunculam occupant, & *Surleium Boy*, id est, *Flauum*, eorum patrum, qui *Rout* tractum vicinum iuxta insulam *RICNEAM*, nunc *Racchlin* invaserat, eò adegit: plurimis ex ea familia fortitudine Merimani Centurionis occisis, ut in Regi næ fidem iurarent, & precario quædam terras in eo angulo ab ea acciperent, sub conditionibus, solis Regibus Angliæ militandi, nec alijs sine eorum licentia; aliquot Equites, & pedites in expeditiones mittendi, & certum numerum boum & accipitrum in singulos annos dependendi. Hæc in Hibernia.

M. D.

M. D. LXXXIII.

M. D.
LXXXIV.

EX Hibernia autem primo vere Scoti quidam domum latenter redierunt ex pacto cum Gourio, qui de Rege rursus intercipiendo noua cōsilia cum nōnullis susceperat. Hi palam professi sunt se nihil sibi proposuisse quàm Dei gloriam, religionis veritatem, Regis, Regni, & amicitia cum Anglis securitatē contra illos qui Regem ætate nondum firmata malis artibus transversum egerunt. Rex his auditis, protinūs Chiliarchæ Stuardo mandat, vt ante omnia Gourium coniurationis architectum interciperet, qui simulanter ad Dundesium portum quasi Regno abiturus se iam receperat. Ille malè sibi conscius, spreta Regis autoritate, obstinatè restitit, ædesque pugnando defendit, sed post vnam & alteram horam captus, in carcerem abducitur.

*Turba in
Scotia.**Comes Gou-
rie captus.*

Coniurati interim Sterlinium ex improvise irruptione, castrumque deditione capiunt, & mox relinquunt, cum Rex præsens in procinctu signa extulisset, pauciores quàm Gourius promiserat, convenissent, frustra que opem ex Anglia expectassent. Et dum quisque trepidè sibi consulit, Marrius, Glamius, Angusius qui se coniunxerat, & alij in Angliam per avia profugerunt, Regina supplices vt fortunam afflictam sublevaret, & pro illis apud Regem intercederet, quandoquidem suis fortunis, & Regis gratia non alia de causa exciderint, quàm quòd ipsi, Angliæq; bono studuerint. Contrà, Rex eos de atrocibus apud Reginam accusavit, & ex fœdere sibi in manus tradi postulavit. Sed erant in Aula, qui Reginae persuaserunt homines esse Regi obsequentissimos, eiusque salutis perquàm studiosos, quandoquidem in Regem, dum in potestate haberent, nihil tentarint. Legem autem illam de rebellibus reddendis in fœderibus expressam iampridem inter Principes exolevisse. Hi etiam Regi Scotorum persuadere conantur, vt cum tot tantisque viris

*Coniurati
dissipantur.**Elizabetha
aliquos sub-
leuat.**Rex ex fœ-
dere repetit.**Sed frustra.*

mitius

M. D.
LXXXIV.

Walsinghamus fauet.
* Holy Ilād.
Hunsdonius
aduersatur.

De Secreta-
ry authorita-
te discepta-
tur.

Gourius
reus sistitur.

mitius ageret, ne desperatione in peiora deturbarentur. Terrorem & violentiam infirma & inſœlicia eſſe poteſtatis vincula, triſtibus ex hiſtoria Scotica exemplis repetitis, ipſiuſq; matre & Francisco marito laudatis, quòd ciuili bello Gallico exoriente, iniurias & offenſiones potentum conniuerter præterierint.

Cùm Walsinghamus, qui profugis impenſè fauit, literis datis iuſſerit vt in * Lindiſfarnenſem ſiue *Sacram Inſulam* in ſecuritatem admitterentur, Hunsdonius, quo non alter Regi Scotorum amicior, ſe oppoſuit. Nec locum munitum Scotis qui hoſtes eſſe poſſent, aperiendum, nec Secretario in hoc ſatiſfaciendum, niſi Regina ſuis literis expreſſè imperauerit, cenſuit; cùm loci iuriſdictio ad ipſum Orientalis limitis Præfectum iure ſpectaret. Hinc altercatio, an Secretarius ex ſua authoritate non poſſet Principis negotia in ſingulis locis ſine ſpeciali Principis mandato, & locorum Præfectis inconſultis, dirigere & exequi. Quid determinatum non comperi, certè illi in inſulam non admiſſi. Viſum tamen aliquo fauore proſequi vt aduerſæ in Scotia factioni opponerentur, cùm Verbi Miniſtri, paſſim rumores ſpargerent, Regem iamiam à religione defecturum, nec alio probabili argumento, (etiãſi plura finxerint) quàm quòd filiali amore in matrem totus propenderet, & eos quos matri addiſtiſſimos novit, in intimam amicitiam admitteret.

Gourius intereà *Parium* iudicio Sterlinij ſiſtitur. Accuſationis hæc erant capita. Quòd cùm Rex eum ad ſummos honores, opes, & munia extuliſſet, & in loco cognati habuiſſet, novam in Regem, quem antea in ſuis ædibus captivum detinuerat, coniurationem iniſſet. Quòd nocturna conſilia cum famulis Anguſij de Pertho & Sterlinio occupando contuliſſet, Regiæ authoritati apud Dundeiũ vi & armis reſtituiſſet, cõiurationem in Regis matrisq; perniciem reticuiſſet, poſtremò *Maclenam* ſagam conſuluiſſet. Ille innocentiam & ſyncerum in Regem animum profeſſus, beneficia agnovit, Arranium Comitẽ vt aduerſarium & virum ſanguinarium aſperius perſtrinxit,

strinxit, conquestus eius artibus, cum iam discessurus, apprehensum esse; & vitæ venieq; spe proposita in fraudem illectum ut obiecta confiteretur, quæ ex æquitate obijci non debeant cum dolo malo fuissent extorta. Se ideo restitisse dixit, quod codicillos de apprehensione Arranij manu conscriptos minoris momenti putarit, quam literas quas habuit *protectionis* sub magno Regis Sigillo, Cōiurationem in regem matremq; tantisper reticuisse, non tam crimini vertendum, quam laudi, eandem aperuisse. Postremò Magos & Sagas ex animo odisse protestatus, palam dixit, si qui sint, se credere eos in Principum Aulis plerumq; versari. *Pares* verò postquam ritè iurassent, se non fuisse authores Regio Advocato ut accusaret, reum læsæ Maiestatis pronunciarunt, vesperique capite obtruncatur, quod à suis corpori mox adsutum sepulturæ traditur.

Quo tempore Scoti hæc contra suum Regem pro Elizabetha (ut præ se ferebant) tam adverso fato susceperunt, eodem Angli nonnulli non minora, nec meliori quidem successu, contra suam Reginam pro Scotorum Regina moliti sunt. E quibus primus erat Franciscus Throcmortonus, filius natu maximus Ioannis Throcmortoni *Iustitiarj Cestrie* (qui non ita pridem Leicestrij artibus de gradu deiectus, & mulctatus eò quod (si in his Iurisperitorum non me fallo) *Finem*, siue transactionem iudicalem ex Authentico siue *Originali* carie corrupto descriptam in quibusdam suppleisset, & non cum omnibus in eodem lacunis exhibuisset. Franciscus ille in suspicionem inciderat ex literis ad Scotorum Reginam interceptis. Simul ac ille in custodiam datus quædam fateri coeperat, Th. Baro Pagettus, & Carolus Arundellus aulicus solum clam verterunt, & in Galliam se subdixerunt, qui cum alijs Romanæ religioni devotis graviter ingemiscientes inter se conquerebantur Reginam malis Leicestrij & Walsinghamij artibus ab ipsis immeritò abalienari, se contumelijs & ignominijs indignis affici, singularia fraudis genera excogitari, tendiculas occultas poni,

M. D.
LXXXIV.

Obtruncatur

Fr. Throcmortoni
proditio.

Baro Pagettus in Galliam se subducit.

Catholicorum querela.

M. D.
LXXXIV.
*Emissarij
subornati.*

*Multi suspe-
cti.*

*Pontificiorum
in Regnam
malitia.*

*Regina in
eos clementia*

vt laqueis læsæ Maiestatis, velint nolint, improvidi irretirentur, nec domi spem salutis superesse vllam. Et certè ad explorandos hominum animos subdolæ artes fuere adhibitæ, literæ e mentitæ sub Regina Scotorum & profugorum nominibus clam submissæ, & in Pontificiorum ædibus relictæ, emissarij vbiq; ad colligendos rumores & verba captanda dispersi, vana deferentes admissi, plures in suspicionem vocati, & inter eos Henricus Comes Northumbriæ, & filius eius, Philippus Comes Arundellia domi se continere iussus, eius vxor, Th. Shirleio in custodiam data, Guilielmus Howardus Comitissæ frater, & Henricus Howardus eorum patruus Ducis Norfolciæ frater, de literis à Regina Scotorum, à Carolo Pagetto, & de Mopo quodam tunc ignoto sæpissimè examinatus, cui vix præsidio erat innocentia prudens. Nec huiusmodi quidem artes, & prona credulitas vana censenda, cum de Principis salute timeatur. Nefanda sanè Pontificiorum in Regnam iam proruperat malitia, libris enim editis exhortati sunt Reginae famulas idem in Regnam cõmittere quod Iuditha in Holofernem cum laude fecerat. Author non deprehensus, suspicio incidit in Gregorium Martinum Oxoniensem, virum Græcè, Latineq; perquam eruditum, de Cartero librariolo qui imprimendos curauit, supplicium sumptum.

Cumq; isti Regnam vt crudelem passim traducerent, illa quæ prosperam sui memoriam relinquere inprimis studuit, cognitoribus in Pontificiorum causis vt efferatè immanibus, & honori suo iniurijs indignanter succensuit. Vsq; adeò vt illis visum fuerit necessarium, se scripto divulgato excusare. Quo protestati sunt *mitius cum Sacerdotibus quàm pro meritis actum fuisse, nullam de religione questionem factam, sed tantummodò de perniciosis in patriam & Principem machinationibus ex vehementi suspitione, argumentisq; & indicijs probabilibus. Campianum nunquam ita tortum fuisse quin protinùs ambulare, & confessionibus subscribere valuerit, Brianto verò pernicaciter detrectanti dicere aut scribere, quisnam arcana apud eum deprehensa scripserit, cibum negatum*

gatum fuisse donec scripto peteret. At hæc Reginæ minimè satisfecerunt, quæ cognitores tormentis & Iudices supplicijs abstinere iussit; & non ita post septuaginta Sacerdotes, quorum aliqui capite damnati & singuli legum periculis illaqueati, ex Anglia deportari mandavit. Inter quos præcipui nominis erant Gaspar Heywoodus insignis illius Epigramatarij filius, qui primus Iesuitarum Angliam ingressus, Iacobus Bosgravius etiam è Societate Iesu, Ioannes Hartus præ cæteris doctissimus, & Edwardus Rishtonius ille qui impiè ingratus, in Principem cui vitam debuit, publicatis scriptis malitiæ virus illicò evomuit.

Baronem Pagettum, & Arundellum in Gallia appulso sedulo observavit Edw. Staffordus, Reginæ apud Gallum Legatus; quæ tamen moliebantur rimari non poterat. Egit ille nihilominus cum Gallo ut illi, Morgannus, & alij Angli in Principem & patriam machinantes è Gallia submoverentur. Responsum autem tulit, *Si quid in Gallia machinarentur, Regem ex iure in illos animadversurum, sin in Anglia quid machinati fuerint, Regem non posse de iisdem cognoscere, & ex iure agere.* Omnia regna profugis esse libera, Regum interesse ut sui quisq; regni libertates tueatur, imò Elizabetham non ita pridem in suum regnum Montgomerium, Principem Condaem & alios è gente Gallica admisisse, & hoc ipso tempore Segurium Nauarri Legatum novis rebus in Gallum studentem in Anglia hæere.

Dum hæc aguntur, Bernardinus Mendoza Hispani in Anglia Legatus, latenter in Galliam traiecit, fremens furensq; quasi violato Legati iure ex Anglia exturbatus fuerit, cum ipse homo violento & turbido ingenio, sacrasancto legationis iure ad proditionem abusus, antiqua severitate igni & ferro (ut multis visum) persequendus, è regno excedere iuberetur. Intermiscuit enim se sceleratis machinationibus cum Throcmortono, & alijs ad externos in Angliam inducendos, & Reginam deturbandam. Illisq; de rebus leniter reprehensus, tantum abfuit ut modesta responsione obiecta elueret, ut Reginam &

M. D.
LXXXIV.
*Sacerdotes
relegati.*

*Profugi à
Gallo repe-
riti.*

*Gallus profu-
gos submo-
vere recusat.*

*Legatus Hi-
spanicus ex
Anglia di-
missus.*

M. D.
LXXXIV.

*Waadus in
Hispaniam
missus & non
admissus.*

Consiliarios recriminationibus de pecunia Genuensium detenta, suppetijs Belgij Ordinibus, Andino, & Antonio Lusitano latis, & Draci deprædationibus oneraverit. Veruntamen ne Hispanus non scelera Mendozæ vindicari, sed Legati iura violari existimaret, Guil. Waadus Regio Consilio ab Epistolis missus est in Hispaniam, qui liqui-
dò edoceret, quàm malè legationis munus ille obierit. Simulq; significaret, ne Regina hunc relegando, antiquæ inter regna amicitiae renuntiare videretur, omnia humanitatis officia esse præstanda, si quem alium amicitiae conservandæ studiosum legaret, modò eadem suo in Hispania Legato itidem exhibeantur. Cum autem Hispanus Waadum alloquio non dignaretur, sed ad Consiliarios reijceret. Ille indignè ferens intrepidus declaravit more receptissimum esse, etiam bello flagrante, ut Legati vel ab hostibus coràm admitterentur. Carolumque v. Augustum Hispani patrem coràm admisisse fœciale qui bellum à Gallo denuntiavit, & Legationis suæ mandata Consiliarijs communicare planè abnuvit. Cumque nulla versutia Idiacius Hispani Secretarius quænam essent expiscari posset, à Mendoza in Gallia latitante rem totam tandem accepit. Tunc ille publica persona deposita, familiariter Waado significat se indolere, quosdam esse qui vafre amicitiam inter Principes dissociare, & inimicitias fouere satagunt, iniuriam ipsi Regi Catholico, non eius Legatis, Dispersio iam antea, & nunc Mendozæ esse illatam; nec esse cur Mendozam amplius apud Regem accuset, qui culpam, si quam admiserit, ignominiosa ex Anglia relegatione iam satis luit; aut conqueratur se non admitti. Regem verò Catholicum nihil nisi par pari retulisse, cum Mendoza inauditus à Regina fuerit dimissus; utq; illa Mendozam ad Consiliarios reiecerat, Regem itidem eum ad Cardinalem Granuellanum reijcere. Cum Waadus responderet plurimum interesse inter ipsum qui Regem Catholicum nunquam offenderat, & Mendozam qui in Reginam gravissimè peccaverat, longo tempore accedere insolèter dedignatus, & Legato indigna

indigna patrauerat; admitti tamen non poterat, inauditusque domum redijt. Crimina pleraque quæ in Mendozam obiecturus erat, è Throcmortoni confessione deprompta fuerunt.

Etenim cum ille apprehendendus, arculam arcanorum ad Mendozam submiserat. Reliquis arculis excussis, inventi erant duo Catalogi, in quorum altero nomina portuum Angliæ qui ad copias exponendas opportuni, altero nomina nobilium qui passim per Angliam, Romanam amplexabantur religionem, erant descripta. Hos ille ut prolatos vidit, supposititios esse nec sibi prius vi-
fos, & in eius perniciem ingestos clamitavit, etiam cum facta in eculeo quæstio. Iterum autem eculeo admotus, non abnuitt ad interrogata quæ sciret respondere. Interrogatus de catalogis illis, & quo consilio conscripti, huiusmodi historicam contexuit narrationem. *Se ante paucos annos ad Spadanas aquas profectum cum Leneio, & Fr. Englesfeldio consilia instituisse quomodo Anglia per externos oppugnaretur, & Imperij forma immutaretur; eo consilio portuum, & nobilium nomina descripsisse. Morganum per literas ex Gallia sibi significasse deliberatum iam esse Catholicis Principibus, ut Anglia invaderetur, Scotorumque Regina in libertatem vindicaretur auspicijs Guisij, cui nihil deerat nisi pecunia, & auxiliaris in Anglia manus. Ad hæc procuranda Carolum Pagettum sub ementito Mopi nomine in Suffexiam, ubi Guisius terram conscendere statuit, submissum esse. Se rem Mendozæ communicasse, portuumque, & nobilium nomina indicasse, qui à coniuratis hæc plenè iam intellexerat; nec diffitetur se suam operam promississe, simulque monuisse Mendozam quibus cum nobilibus de hac re ille publica persona tractaret, quod ipse priuatus sine periculo non poterat: rationemque cum illo inisse quomodo primarij aliquot viri Catholici simul ac externæ copiae appellerent, milites Reginæ nomine conscriberent, qui exteris se coniungerent. Hæc sponte passus est.*

Pro tribunali tamen in Prætorio Londinensi de his accusatus, singula præcisè negavit, asseruitque vana esse ipsius commenta, ne eculeo denuò subijceretur, Regi-
namque;

M. D.
LXXXIV.

Throcmor-
toni confessio

Ab earece-
dit.

M. D.
LXXXIV.
*Effugium
querit.*

*Damnatus
pleniùs confi-
retur.
Mortuus
inficiatur.*

*Nouns cum
Scota tracta-
tus.*

namq; crudelitatis, quæsitores falsitatis palam accusavit, effugium sibi comminiscens ex temporis intervallo, quod inter crimen admissum & iudicium intercessit. Quandoquidem anno Elizabethæ x i i i. quædam crimina læsæ Maiestatis criminibus accensebantur, de quibus nemo in iudicium vocaretur, nisi delinquens intra sex menses à crimine admissio postularetur, & crimen testimonio atq; iureiurando duorum, aut spontanea confessione sine violentia probaretur. Hoc autem tempus iam pridem elapsum, ideoq; in iudicium se non vocandum. Iudices autem docuerunt crimina illi obiecta non id genus esse, sed illum antiqua lege læsæ Maiestatis regnante Edwardo i i i. lata teneri, quæ nullam temporis aut probationis circumscriptionem admittit; & ex ea funesta in eum pronuntiata erat sententia. Persuasus postea ad Reginæ misericordiam confugit, scriptoque plenius omnia quodammodo quæ prius, denuò confessus est, quæ sibi parum constans ad patibulum iterum inficiari frustra coepit.

Guilielmus Waadus ex Hispania reversus, ad Scotorum Reginam sub hoc tempus mittitur, de tractatu inter eam & Gualterum Mildmaium habendo, qui ante biennium propositus, & interruptus, ut iam dictum. Cui illa quàm sincerè de isto tractatu egerit multis protestatur asseverationibus, simulque se, & omnem suam operam Reginæ devovet, & ex ipsa totam dependere spondet, si modò tanto amore & honore dignaretur: Ad hæc sanctè promittit, modò ille tractatus procedat, se intercessuram, imò effecturam ut filius Angustum, & cæteros nobiles Scotos in gratiam reciperet, tum ut Rossensis & Glasculensis Episcopi, sui in Gallia administri, nihil contra Reginam, aut Regnum Angliæ machinarentur, nec quicquam ipsis iam inde futurum cum Anglis rebellibus, & patria profugis.

Hæc Elizabetha lætanter audivit, cumq; eodem ferè momento Angustus, Marrius, I. Hamiltonius, & Glamius in Angliam fugissent, illa oblata vsa opportunitate, Bea-
lum

lum ad Scotorum Reginam misit, qui vnà cum Salopiæ Comite significaret, si in eadem persisteret sententia quam Waado impertierat, Mildmaium mox aduenturum, & de eius libertate tractaturum: deinde cum illa ageret, vt interim apud filium Regem intercederet de Scotis profugis restituendis, eosq; nihil contra Regem cogitasse doceret, sed contra violentos quosdam Consiliarios qui eum pravis consilijs corrumpunt, denique vt Guisij conatus quantum posset, ex illa investigaret. Illa prudens foemina respondet. *Se percupere vt tractatus ille procederet, idq; ab Elizabetha, tanquam à sorore natu maiore cui omnem defert honorem efflagitare. Nihil Waado nisi conditionibus circumscriptum proposuisse; nec illum aliter dicendum quem virum ingenue probum credit. Ad Scotos vero restituendos, operam suam perquam necessariam fore, nec defuturam si quid boni sibi & filio inde prouenturum certo sciret; atq; illi semet supplices Regi submitterent, & obsequerentur; sin minus Regina non illis, sed filio opem ferret vt in ordinem redigerentur. Prætereà non dissimulat, Cum valetudinaria esset, se semet, filiumq; in Guisij charissimi cognati fidem commisisse, de eius conatibus nihil omnino intelligere, nec si intelligeret, velle aperire, nisi de libertate certa securitas præstaretur, quandoquidem parum prudentis esset amicos certos spe incerta deferere. Rogauit vt non inhumanius in ipsam Principem liberam ageretur, quam Maria quondam in Elizabetham tum subditam & incarceratam, & Gallus in Navarrum etiam subditum armatum nuper egerint. Petijt etiam vt tractatus ad finem perduceretur, priusquam aliquis in Scotia ea de re legaretur. Cum autem Rex Christianissimus agnouisset ordinarium eius Legatum, & Setonium à filio in Galliam transmissum, tanquam Legatos à Principibus eiusdem authoritatis, & associatis, eum Regina detulit honorem, vt illa hanc ipsius & filij Associationem in Scotia publicaret, & ne eidem præiudicaret, obsecrauit. Hæc audita, sed illico obiectis terroribus elusa eorum opera qui odia inter infensas mulieres alere norunt, maximè ex indicio chartarum, quas Chreitonus Scotus è societate Iesu in Scotiam navigans, à piratis Belgis interceptus laceravit. Laceræ autem schedulæ*

M. D.
LXXXIV.
*Propositiones
ad eam facta*

Responsa.

*Associatione
in regno cum
filio petis.*

*Terrores tra-
ctatum rum-
punt.*

M. D.
LXXXIV.

Associatio
in Anglia
inita.

Hinc Propo-
sitiones à
Scota facta.

læ è nave proiectæ, reflante vento in navem fortè fortuna reiectæ non sine miraculo, (vt ipse Chreictonus dixit) & à Waado multo labore & singulari artificio conglutinatæ, nova Papæ, Hispani, & Guisiorum consilia de Anglia oppugnanda detexerunt.

Hinc, & ingruentibus vndiq; periculorum rumoribus, vt pravis seditiosorum consilijs insidijsq; occurreretur, & Reginae salutis à quo & Regnum & religio dependit, consuleretur: plurimi, Leicestrio authore, ex omni hominum ordine per Angliam ex communi charitate, dum non illam, sed de illa timuerunt, se *Associatione* quadam mutuis votis, subscriptionibus, & sigillis obstrinxerunt ad eos omnibus viribus ad mortem vsq; persequendos qui in Reginam aliquid attentauerint.

Scotorum Regina quæ facile intellexit perniciem sibi hac *Associatione* præstrui, diuturnæ miseriæ pertæsa, & graviora formidans, hæc per Nauum Secretarium Reginae & Consiliarijs proponit. Si libertas concederetur, & de sincero Elizabethæ animo & amore certò constaret, se velle arctissimam cum Regina amicitiam contrahere, eam præ cæteris orbis Christiani Principibus officiosissimè colere & obseruare, offensas omnes obliterare, veram & iustissimam Angliæ Reginam agnoscere, nullum ius ad Angliæ coronam, ea superstite, sibi assumere, nihil contra eam directè vel obliquè moliri, titulo & Insignibus Angliæ quæ iussu Francisci mariti arrogauerat, planè renuntiare, necnon Bullæ Pontificiæ de illius abdicatione: imo & *Associationem* illam, ad Reginae securitatem, & fœdus defensuum (saluo antiquo illo inter Galliam & Scotiam fœdere) inire. Ita tamen vt nihil fiat Regina viuentis, aut mortuæ, quod fraudi sit sibi, filio, & hæredibus in successione, priusquàm in conventu Ordinum Angliæ audiantur. Ad hæc confirmanda, se in Anglia ad tempus tanquam obsidem permansuram, sin Anglia exire licuerit, obsides daturam. Porro in Scotia nihil immutaturam, modò sibi & familiæ suæ suus religionis cultus permittatur, iniurias etiam omnes sibi in Scotia illatas obliuione deleturam, (ea tamen lege, vt quæ in eius infamiam sancita, refigantur) Regi Consiliarios pacis cum Anglia studiosos commendaturam, eidem

dem nobiles profugos, quantum posset, reconciliaturam, si culpam demisse agnouerint, & Regina fidem interposuerit, Regi contra illos opem ferre, si quando ab obsequio resilierint. De filij coniugio clam Regina nihil acturam, utq; filio inconsulto nihil erat factura, ita postulat, ut filius in hoc tractatu coniungatur, quo solidius confirmetur. Regem Gallie velle intercedere non dubitat, & fidem una cum Lotharingae familiae Principibus de pactis praestandis obligare. Ut his maturè respondeatur obsecrat, ne qua interim interveniant incommoda. Postremò obtestatur ut laxiori habeatur custodia, quo Reginae erga eam amor paulò clariùs elucescat.

Ex his, ut multi & officij & honoris, Elizabetha voluptatem magnam capere videbatur, nec aliena tunc putabatur à consilio illam liberandi, quamvis non defuerint in Anglia qui novis terroribus propositis deterruerint. Verùm rem propemodum explicatam maximè perturbarunt & impedierunt Scoti adversæ factionis, qui clamitarunt, actum esse de Elizabethæ salute, si illa liberaretur, actum de utroq; Regno si illa in consortium regni cum filio admitteretur, actum de vera religione in Britannia, si Romanæ religionis cultus vel intra Aulae parietes ipsi permitteretur.

Nec hoc contenti, Ministri nonnulli in Scotia, è Pulpitis, & per circulos Reginam indignissimis calumnijs infectati, ipsi Regi & Cōsiliarijs asperrimè obtrectarunt, & coràm comparere iussi, fastidioso quodam contemptu abnuerunt, quasi Pulpita à Regum autoritate essent exempta, & Ecclesiastici non Principis imperio, sed Presbyterio subessent; planè contra leges hoc anno in Ordinum conventu latas, quibus Regia autoritas in omnes subditos tam Ecclesiasticos quàm Laicos in perpetuum confirmata. Regem scilicet, & Consiliarios idoneos esse Iudices in omnibus causis; qui autem iudicium declinarent læsæ Maiestatis teneri. Presbyteriorum confessus (ut etiam Laicorum conventus) tam generales quàm speciales prohibiti, qui infinitam autoritatem & pro arbitrio, Rege inconsulto, conveniendi, & leges ipsi Regi & reg-

A a a

no

M. D.
LXXXIV.*Anglo-Scoti
adversantur.**Ministrorū
Scoticorum
insolentia.**Contra Le-
ges.**Leges Eccle-
siastica in
Scotia.*

M. D.
LXXXIV.
Buchanani
scripta im-
probata.

no præscribendi, sibi arrogaverant, Popularis etiam Ministrorum æqualitas sublata, Episcopis sua dignitas & iurisdictio restituta, quorum vocationem ut Antichristianam Presbyteria condemnauerant. Et probrosa in Regem, eius Matrem, & Consiliarios scripta, nominatim verò Georgij Buchanani Historia, & *De iure regni apud Scotos Dialogus, interdicta, ut quæ multa culpanda & delenda contineant.*

Hæc quidam è Ministris tam impatienter tulerunt, ut solum sponte verterint, & in Anglia omnia querimonijs complerint, quasi vera Christi religio è Scotia iam esset profligata. Sed Elizabetha hos ut novatores surda aure neglexit, nec in Anglia concionari permisit; eorum tamen opera subinde vsa, ne religio in Scotia quid detrimenti caperet. Quinimò cum Arranius qui summo loco & gratia apud Regem, operam suam cum omni abfervantia ad amicitiam cum Anglis conservandam officiosissimè detulisset; illa opportunè uti cogitavit, ut nec Scoti profugi in Comitijs quæ instabant, proscriberentur, neq; Rex ab Anglorum amicitia averteretur. Vnde colloquium inter Arranium & Hunsdonium Berwici Præfectum in collimitio regnorum indicitur. At priusquam haberetur, profugi, & quotquot expeditioni Sterlinensi interfuerant, Comitijs festinatis, proscribuntur; eosque in colloquio quod statim subsequutum est, Arranius gravissimis criminibus oneravit, & inter alia perniciem Regi nuperrimè struxisse. Cæterum sanctissimè in se recepit nihil omissum quo Reginae satisfaciat; nec quicquam facturum quod sit præiudicio dum ille fuerit in fide & gratia apud Regem. Nihilominus intra mensem Scoti limitanei occultis Hispani artibus qui Elizabetham à bello Belgico avertere sategit, in *Rbedsdaliam* immissi hostilem in modum sæviunt; iniuriamq; acceptam limitanei Angli haud multò post per *Liddesdaliam* cædibus & incendijs atrociter vlciscuntur.

Iam venit Legatus è Scotia Patricius Graius hæres familiæ, iuvenis comptus, & qui par maximis negotijs, si non

*Colloquium
simulatum.*

*Incurisiones
inter Scotos
& Anglos.*

Patricij
Graij Le-
gatio.

non suprà, sibi videbatur. Capita legationis erant, de incursionibus vtrinq; cohibendis, bonis piraticè ablatiis restituendis, & de profugis Scotis vel ex foedere remittendis, vel longiùs à Scotiæ collimitio submovendis, quandoquidem nova in Regem consilia cum alijs in Scotia indies commiscerent. Ad hæc faciliùs consequenda, & Reginae animum Regi plenius conciliandum, spem fecit occultas in Reginam molitiones manifestandi. Quæ voluit, ad primum & secundum caput retulit responsa. De Scotis remittendis, respondit Regina, *sibi esse persuasissimum, nobiles illos nihil mali vel cogitando concepisse. Quæ in Scotia nuper acciderunt, non ex aliqua in Regem malevolentia, sed ex mutuis inter nobiles dissidijs tenella Regum ætate semper emergentibus profluxisse, quæ Regis interest quamprimum conspire, & subditos vno obsequij vinculo, factionibus suppressis, sibi devincire.* Vt tamen iustæ Regis petitioni aliqua ex parte satisfaceret, & occultas illas, quas dixit, molitiones intelligeret, iussit vt Scoti profugi se longiùs à collimitio submoverent. Quæcunq; ille manifestaverit, Regina præ se tulit singula priùs rescisse; & plures Graium insimularunt, quasi pretio delinitus nonnihil in Regis, matrisque fraudem effutijsset; & impedijsset quo minùs conditiones illæ æquissimæ à Regis matre per Navum propositæ admitterentur.

Vnde illa, patientiâ sæpiùs iam læsâ, in dolorem & indignationem exardere cœpit, & præ libertatis studio tam insidiosis adversariorum, quàm perniciosis amicorum consilijs animum auresq; aperuit. Eoq; magis, quòd, vt *Associationem* in suum caput initam fuisse sibi persuaserat, ita iam inaudierat se quorundam artibus è custodia Salopienfis Comitissæ (qui homo rectus eorum cœptis minime fauit) abducendam, novisq; custodibus committendam. Quod vt speciosius fieret, & Salopienfis fides quæ spectatissima erat, minimè suspecta videretur; (nec enim visum est tanti viri existimationem palam lædere, quam tamen occultis calumnijs ex importunæ vxoris criminationibus minuerant) suspiciones quasi consilium eam li-

M. D.
LXXXIV.

Ille mala fide agit.

Scota patientia læsa.

Suspiciones in illam arreptæ

M. D.
LXXXIV.

*Illam nonis
custodibus
committitur.*

*Libertatem
acrius querit*

*Insidijs peti-
tur.*

*Consultatio
inter Catho-
licos.*

berandi iam initum esset arreptæ sunt, ex quibusdam Emblematicis ad eam transmissis. Hæc erant : Argus multoculus, omnibus oculis consopitus Mercurio tibiae modulatè inflante, cum hac sententiola ELOQVIVM TOT LVMINA CLAUSIT : Mercurius Argo Iö custodienti caput obtruncans. Surculus trunco insitus ligaminibusq; constrictus, tamen efflorescens, & circumscriptus PER VINCVLA CRESCO. Palma oppressa sed resurgens cum PONDERIBVS VIRTVS INNATA RESISTIT. Anagramma etiam VERITAS ARMATA ex eius nomine MARIA STEVARTA, literis transpositis, in peiorem partem acceptum. Præterea prolatae sunt literæ quasi interceptæ, quibus amici captivæ Reginae conquerebantur omnem spem illam liberandi penitus præcisam esse, si modò illa in Puritanorum custodiam traderetur. Hoc quæsito colore, illa à Salopienfi qui hoc sæpius efflagitarat, abducta, Amicio Powletto, Drugoniq; Drurio custodienda cõmittitur : & compositò, (vt aliqui opinabantur) vt in desperationem adacta, abruptis consilijs, & insidijs esset opportunior. Salopienfis etenim totis quindecim annis tam cauta providentia custodierat, vt nullus locus fuerit insidijs ab illa, vel in illam. Iam autem & illa importuniùs egit cum Pontifice Rom. & Hispano per Fr. Inglefeldū, vt inceptum primo quoq; tempore maturarent, quicquid de ipsa fieret, & Leicestrius (qui credebatur de præuertenda legitima successione cogitare) sicarios submisit (vt perhibent nonnulli) qui illam e medio tollerent. Drurius autem recti honestiq; cultor scelus ex animo perosus, omni accessu prohibuit. Subreperunt tamen emissarij, & submissæ sunt tam fictæ quàm veræ literæ, quibus muliebris impotentia in perniciem impelleretur, vt postea dicemus.

Vt Elizabetham totam ab ea auerterent, in aures suffurratur Alanum pro Catholicis Angliæ Ecclesiasticis, Inglefeldum pro Laicis, & Episcopum Rossensem pro Scotorum Regina communibus suffragijs cum Pontificis Rom. & Hispani consensu, decreuisse Elizabetham regno

M. D.
LXXXIV.

regno spoliandam, Scotorum Regem regno Angliæ ex-
hæredandū vt hæreticæ pravitatis manifestos, Scotorum
Reginam Catholico nobili Anglo enubendam : hunc ab
Anglis Catholicis in Angliæ Regem eligendum, electio-
nem à Pontifice Ro. confirmandam; huius ex Scotorum
Regina liberos legitimos in regno successores declaran-
dos; & hæc singula ex fide Harti Sacerdotis. Quis verò
fuerit hic Anglus sagacissimè indagavit Walsinghamus,
sed non invenit. Suspicio verò incidit in Henricum Ho-
wardum Ducis Norfolciæ fratrem, qui imprimis nobi-
lis, cælebs, summè Pontificius, & gratia apud Pontifi-
cios florentissimus.

Huius anni curriculo vitam in misero exilio obscure
clausit Carolus Nevillus, perfidus ille in Principem &
patriam rebellis, postremus ex hac familia Westmorlan-
diæ Comes. E qua nobilitatis fœcunda, præter sex West-
morlandiæ Comites, effloruerunt duo eiusdem cogno-
minis Comites Sarisburiae & Warwici, Comes Cantij,
Marchio Montifacuti, Dux Bedfordiæ Baro *Ferrers* de
Ousley, Barones Latimeri, Barones Abergevennæ, vna
Regina, quinque Ducissæ; vt Comitissas & Baronissas,
Archiepiscopum Eboracensem, & numerosam nobilium
propaginem omittam.

In Anglia nemo è vivis excessit memoria dignior,
quàm Edmundus Plowdenus, qui vt in iuris Anglici
scientia, de qua scriptis benè meruit, facile primus : ita
vitæ integritate inter homines suæ professionis nulli se-
cundus.

Cæterum in Gallia extinctus est Franciscus Dux An-
dinus morbo ex animi angore contracto. Et in Hol-
landia Guil. Princeps Aurasionensis tribus è sclopeto
glandibus à Balthasare Gerardo Burgundo insidiosè
transfixus.

Ex graui horum fato magnum dolorem percepit Eliza-
betha, misitq; in Galliam B. qui Regi significaret quàm
acerbè Ducis Andini mortem tulerit, quem fidissimum
& charissimum experta fuerat amicum; simulq; mone-
ret

*Westmorlan-
diæ Comes
obit.*

Plowdeni
mors.

Andinus
mors.

Aurasionen-
sis occiditur.

M. D.
LXXXV.
*Hispani po-
tentia formi-
data.*

ret quàm afflicta sit Belgarum conditio, Aurasionense sublatò, & quàm formidabilis Hispani potentia nimio plus invalescens, cum in Italia Principes singuli eius nutum observent, Pontifex Romanus sit addictissimus, Cardinales quasi clientes, præstantissimi quique & belli & pacis studijs, eius stipendiarij; in Germania, familia Austriaca longè latèque diffusa, aliæque eidem connubijs coniunctæ quasi famulentur; opes etiam & vires ex recenti Lusitaniæ & Orientalis Indiæ accessione terra marique adeò augeantur, ut patre Carolo Quinto sit longè potentior & formidolosior, nihilque absit si Belgium in potestatem redegerit, quin cæteri orbis Christiani Principes eius magnitudini necessariò cedant, nisi tempestivè occurratur.

M. D. LXXXV.

*Gallus in or-
dinem Gar-
terij adscitus*

ELIZABETHA, ut firmiori amicitiae vinculo sibi Gallum astringeret, quem superiori anno in Georgianæ periscellidis ordinem cooptaverat, Henricum Comitem Derbiæ cum insignibus in Galliam misit, qui eum ritè inuestiret. Ille cum summo honore accepit, ad preces vespertinas inuestitus, (cum Angli Missæ interesse recusarint) sanctèque promisit leges eiusdem Ordinis observare, quæ legibus *Ordinis S. Spiritus & S. Michaelis*, in quas prius verbis conceptis iurarat, non aduersantur.

*Parrius pro
Iesuitis inter-
cedit.*

Hoc tempore habebantur Comitia Parlamentaria, & Guilielmus Parrius natione Wallus, loco obscuro, tenuique ortus fortuna, titulo Iuris Doctor, licet semidoctus, homo elatè tumidus, comptus, & calamistratus, cum in inferiori confesso lex contra Iesuitas rogaretur, solus intercessit, declamando legem illum esse *seuam, sanguinariam, desperatione plenam, & Anglorum genti perniciosam*. Rogatus ut rationes redderet, obfirmatè recusavit nisi coram Regijs Consiliarijs: unde in custodiam datus, sed rationibus auditis, & submissione facta, in confessum iterum

terum admissus. Mox idem delatus est ab Edmundo Nevillo (qui hæreditatem Nevillorum Comitum Westmorlandiæ, titulumq; Baronis *Latimeri*, vt proximus hæres masculus vendicavit) arcana consilia de Regina è medio tollenda agitalse.

Parrius iste, vt rem aliùs repetam, ante biennium ex Italia reversus, ad gratiam apud Reginam aucupandam, fidemque præstriendam clàm indicaverat quæ Morgagnus, & alij profugi de ipsa nefariè tollenda tractarant, præ se ferens non alio consilio cum illis egisse, quàm vt occultos eorum conatus rimaretur, & Reginæ salutì consuleret. Hinc illa Nevillo delatori haud facilè credidit, iussit tamen vt Walsinghamus Parrium interrogaret, an tentandi gratia cum aliquo infenso & suspecto illa de re egerit. Ille planè negavit, nec vir alioquin perspicax, effugium vidit quod Reginæ lenitas aperuit. Si enim vel innuisset se tentandi gratia cum Nevillo egisse, quem suspectum & infensum fuisse virum iam antea Reginæ denuntiarat, periculum proculdubiò declinasset. Sed scelus semel conceptum etiam perspicacissimis animi aciem perstringit. Cùm autem Nevillus nullo teste niteretur, Parrius cum eo componitur, qui post aculeata vltro citroq; verba, paulò succubuit, & in Arcem Londinensem coniectus, sponte hæc confessus est quæ paucis complectar.

Anno (inquit) M D L X X. inter Reginæ famulos iureiurando præstito admissus, Maiestati eius deuotus permansi ad annum M D L X X X. quo tempore in vitæ discrimen, cum summa ignominia incidi. (Irruerat enim in cubiculum Hugonis Hari cuius in ære erat, illumq; vulneraverat, vnde ex lege damnatus, sed vitæ gratiam Regina fecerat.) Iam inde animo disruciatus dixi, licentiâ impetratâ, in Galliam me recipi; nec animo quidem reuertendi, quia Catholicæ religioni me addixeram. Lutetiæ Parisiorum Romanæ Ecclesiæ reconciliatus, Venetijs cum Benedicto Palmio Iesuita de afflictis in Anglia Catholicis sermones contuli, & subinnui me rationem illis subueniendi extogitasse, si Papa, vel aliqui eruditi Theologi licitam esse

M. D.
LXXXIV.
*Proditionis
accusatur.*

*Effugium
non videt.*

Eius confessio

*De Regina
perimenda
consulti Ie-
suitam.*

M. D.
LXXXV.
Et Papa
Nuntium.

Et Morganum.

Et Sacerdotes.

Atq; ipsum
Papam.

Rem Regina
aperit.

Animo
fluctuat.

esse edocerent. Ille hoc ut pium laudauit, Campegio Pontificis apud Venetos Nuntio me commendauit. Campegius Pontifici. Per literas, ut Romam fide publica venirem, petij. Literæ fidei publicæ ad me à Cardinale Comensi missæ sed minùs amplæ, & postea aliæ ampliores: Verùm iam tum ego Lutetiam redieram. Ibi in Morganum incidi, qui mihi significauit expectari à nonnullis ut egregiam aliquam operam Deo & Ecclesiæ Catholicæ nauarem. Respondi, me paratissimum esse vel maximum Angliæ subditum trucidare. At, inquit ille, Cur non ipsam Reginam? Et hoc inquam, facile fiat, modò licere constaret. Wattus enim Sacerdos (quocum de hoc personas reticens egi) minimè licere asseruit. (Et Chreictonus etiam Scotus Iesuita, docendo mala non perpetranda ut inde bonum proveniret, Deum magis Aduerbijs, quàm Nominibus delectari, magisq; quod benè & legitimè factum, quàm bonum ei placere; nec vnius exitio multas animas redimendas sine expresso Dei mandato.) Nihilominùs, mihi qui fidem meam literis & promissis in Italia obstrinxeram; ab incepto desistere piaculum visum, si modò Pontifex literis approbaret, & plenariam indulgentiam mihi concederet, quam per Ragazonium Pontificis in Gallia Nuntium literis ad Pontificem efflagitavi, ille inceptum laudauit literasq; Romam misit. In Angliam reuersus accessum ad Reginam mihi paravi, cui, remotis arbitris, coniurationem totam explicavi, arte tamen quàm potui maxima, obuelatam. Audiuit illa imperterrita, ego territus discessi; nec obliuisci possum quod tum dixit, Catholicos nullos de religione vel Pontificis Primatu in quæstionem vocandos dummodò se bonos ciues præstent. Interea dum Præfecturam S. Catharinæ assiduus in Aula ambirem, literas à Cardinali Comensi accepi, in quibus inceptum laudatum, & ego Pontificis nomine absolutus. Has Regina impertij. Quid apud illam effecerunt nescio, mihi sanè animum addiderunt, & scrupulum omnem exemerunt. Nec tamen in animo erat vim ullam afferre, si qua ratione persuaderetur mitiùs cum Catholicis agere: Ego autem ne cædem perpetrarem, pugionem deposui, quotiescunq; ad illam accesserim. Cum in ipsam & virtutes verè regias intuerer, ancipiti cura distrahebar; vota enim erant in cælis, literæ & promissa

promissa apud homines. Hæc tacitus apud me animo irrequieto voluebam. De me nunquam bene merita est, vitam sanè indul-
sit; at in illa causa vita spoliassè tyrannicum fuisset. Hinc sor-
te mea minimè contentus, ab Aula discessi. Incidi in librum D.
Alani contra Iustitiam Britannicam, qui docuit Principes prop-
ter hæresim excommunicatos, regno vitaq; priuandos, meq; ad
inceptum persequendum vehementer excitauit. Hunc Neuillo,
quem mensæ meæ adhibui, prælegi, sex integros menses prius-
quàm me detulerit. Postea accessit, & audeamus, inquit ille,
aliquid, cum nihil à Regina consequamur; & quædam de Scoto-
rum Regina liberanda in medium proposuit. Ego verò interpo-
sui, Atqui maius quiddam in animo ego voluo, & Ecclesiæ Ca-
tholicæ salutaris. Postridiè accessit, & tactis Biblijs iurauit se
velle reticere, & constanter persequi quicquid Catholicæ religio-
ni vsui foret, ego itidem iuravi. Constituimus sanè cum denis e-
quitibus Reginam per campos obequitantem aggredi, & peri-
mere. Quæ Nenillus ad hoc vsq; tempus reticuit. Nuntio autem
accepto Westmorlandiæ Comitem, cuius hæreditatem spe deuora-
uerat, obijisse, protinus iureiurando violato, in medium contra me
protulit. Hæc confessus est coram Barone Hunsdonio,
Christophoro Hattono, & Fr. Walsinghamo à sacris Cō-
silijs, & etiam suis ad Reginam, Burghleium summum
Thesaurarium, & Leicestrium literis culpam agnoscendo
deprecatus est.

20 Paucis diebus interiectis, in Prætorio Westmonaste-
riensi iudicio sistitur, capitibus accusationis perlectis, se
reum agnovit. Cum ex hac confessione in acta relata, iu-
diciū contra reum fatentem postularetur. Hattonus o-
peræ-pretium existimavit, quò circumfusæ multitudini
satisficeret, vt crimen signatè ex ipsius confessione expli-
cetur, quam ipse Parrius spontaneam agnovit, vtq; ipse
prælegeret, Iudices rogavit. Prælegit autem Actuarius
in iudicijs Coronæ, necnon literas Cardinalis Comensis,
& ipsius Parrij ad Reginam, Burghleium, & Leicestrium,
quas ipsissimas esse fatetur. Negavit tamen vnquam sibi
deliberatum fuisse Reginam tollere. Iussus vt iam dice-
ret si quid haberet cur iudiciū in eum non feratur, per-
turbatè

M. D.
LXXXV.

Alani liber
animum ad-
dit.
Nevillus o-
peram offert.

Et rem prodit

Parrius in
iudiciū
vocatur.

M. D.
LXXXV.

*Morte affi-
citur.*

*In Parla-
mento contra
Episcopos
rogatur.*

*Et non Refi-
dentes.*

*Associatio
sancitur.*

turbatè quasi suscepti sceleris conscientia exagitatus respondit, *Mihi moriendum video, quia mihi ipsi parum constiterim.* Rogatus ut explicatiùs diceret quid vellet: *Sanguis,* inquit, *meus sit inter vos.* Sententia mortis pronuntiata, Reginam furenter ad Dei Tribunal citavit. Quinto post die crati impositus per mediam urbem Westmonasteriũ trahitur. Ad patibulum cum iactantiùs ostentasset quàm fidus fuerit Reginæ custos, dixit se nunquam animum induxisse ut Reginam vita privaret. Ita gloriosulus, ne verbo Deo se commendans, proditorum supplicio ex lege affectus erat in area maioris Palatij Westmonasterij, vbi tunc frequentes Regni Ordines ad Parlamentum convenerant.

In hoc Parlamento quidam vel ex novandi vel reformandi studio, ordinem Ecclesiasticum, etsi Regina vetuerit, vehementer exagitarunt leges rogando ad Episcopalem iurisdictionem in *Facultatibus* concedendis, in sacris Ordinibus conferendis, in Censuris Ecclesiasticis, in *iureiurando ex officio* coercendam: & novum iuramentum Episcopis quod in Cancellaria & Banco Regio susciperent, proponendo, sc. ne Ciuili Angliæ iuri contravenirent. *Residentiam* etiam Pastorum exigendo, ut singuli Pastores singulis Ecclesijs residerent, & declamando quasi Anglicana Ecclesia eruditis Pastoribus destituta iaceret, quæ iam proculdubiò plures numeravit eruditos quàm alia quævis ætas, vel alia reformata Ecclesia. Sed Regina quæ Ecclesiasticis moderatis inprimis fauit, novatores ut in deterius semper mutantes improbavit; & hæc ut ad suam *Prærogatiuam*, & summam in Ecclesiasticis authoritatem sibi delatam subruendam excogitata, prorsus reiecit. Verùm omnibus omnium suffragijs *Associatio* illa quam dixi confirmatur. Et sancitur ut viginti quatuor, aut plures e *sanctiori Consilio & Proceribus* regni Regio Diplomate selecti in eos inquirerent, qui regnum inuadent, rebellionem concitabunt, aut Regiam personam ladere aut perdere attentabunt pro quocunq;, vel per quemcunq;, qui ius ad Angliæ Coronam vendicet. Ille autem pro quo, vel per quem

atten-

attentabunt, *Coronæ Angliæ omninò erit incapax, omni omninò iure priuabitur, & ad mortem vsq; ab omnibus subditis exagitabitur; si eiusmodi inuasionis, rebellionis, aut læsionis conscius ab illis xxi. viris iudicabitur, & publicè declarabitur.*

Leges etiam feruntur in Reginæ præsidium contra Iesuitas & Sacerdotes Pontificios, qui nefaria quidem ex Bulla Pij Quinti architectabantur, scilicet; *Vt intra xl. dies regno abscederent. Qui in regnum deinceps aduenerint, & manserint, læsæ Maiestatis teneantur. Qui eos sciens prudensq; receperit, aluerit, & fouerit, Feloniæ teneatur (ita omnia crimina capitalia infra læsam Maiestatem vocât.) Qui in Seminarijs aluntur, si intra sex menses post denuntiationem factam non redierint, & coram Episcopo, vel duobus Iustitiarijs se Regina non submiserint, læsæ Maiestatis rei habeantur. Qui autem se submiserint, si intra decennium Aulam Regiam accesserint, vel propius quàm x. mille passus, submissio sit irrita. Qui studiosis in Seminarijs pecuniam quocunq; modo submiserint, pœna Præmunire, i. perpetuo exilio, & omnium bonorum amissione, plectantur. Si quis ex regni Paribus, i. Ducibus, Marchionibus, Comitibus, Vicecomitibus, Baronibus Parlamentarijs in has Leges deliquerit, Parium iudicio subijciatur. Qui eiusmodi Iesuitas & ceteros in regno latere nouerint, & intra xii. dies non detexerint, pro Reginæ arbitrio mulctentur, & in carcerem conjiciantur. Si quis suspectus fuerit è Iesuitarum vel Sacerdotum illorum numero esse, & examinationi se non submiserit, pro contemptu carcere concludatur donec submiserit. Qui liberos vel quoscunq; alios ad Seminaria & Collegia Pontificiæ professionis miserit, c. libris monetæ Anglicæ mulctetur. Qui autem missi in hereditate non succedant, nec bonis fruantur, quacunq; ratione illis obtingant; Vt etiam qui intra annum à Seminarijs illis domum non reuertantur, nisi Ecclesiæ Anglicanæ se confirmauerint. Si portuum custodes permittant alios præter nautas & negotiatores mare trajcere sine licentia Reginæ, vel sex Consiliariorum, locis amoueantur, nauarchi qui euehent, nauigij & bonorum amissione, & carcere annum integrum luant.*

Harum Legum severitate quæ tamen tempori necessaria videbatur, admodum perterriti erant Pontificij in

M. D.

LXXXV.

*Leges contra
Iesuitas &
Sacerdotes.*

Felonia.

Præmunire.

*Arundelia
Comes fu-
gam cogitat.*

M. D.
LXXXV.

*Ad Regiam
scribit.*

Capitur.

*Northum-
bria Comes
mortuus re-
pertus.*

** Coroners
Enquest.*

Anglia, & inter eos Philippus Howardus Arundeliae Comes Ducis Norfolciae filius primogenitus, adeo ut ne in eas committeret, solum vertere cogitaverit. Hic ante triennium Reginae benignitate natalibus restitutus, & paulo post eius gratia occultis praepotentium quorundam insimulationibus deiectus, religioni Pontificiae se clam devoverat, vitam sane austeram amplexus. Hinc semel atque iterum in Regium consistorium vocatus, obiecta diluit, iussus tamen ut intra suos parietes se contineret. Post sex plus minus menses iuris sui factus, Comitum Parliamentaria accessit; primo tamen die, dum concio haberetur, e coetu se subduxit. Comitibus finitis, quasi certus abeundi, literis ad Reginam scriptis, quas tamen post abitum tradi iussit, longam & luctuosam instituit querelam de potentium adversariorum invidia, cui necessario cederet, cum de eius innocentia triumphos agerent, infelicia maiorum fata memorat, proavi scilicet qui indicta causa condemnatus, ani qui de rebus levibus securi percussus, & patris, quem ab adversariis circumventum, nunquam hostilem animum in Principem vel patriam induisse asserit. Se vero ne paternae infelicitatis haeres succederet, ut Deo vacaret, animaeque saluti consulere, patriam, at non fidem in Principem deseruisse. Priusquam haec literae traditae, ille in Suffexiam profectus, iamque navigium in obscuro finu conscensurus, suorum perfidia, & naucleri indicio comprehensus erat, atque in Arcem Londinensem conditus.

In eadem Arce tunc temporis attinebatur Henricus Percius Northumbriae Comes, vir vivido ingenio & animo (frater Thomae qui Eboraci capite plexus) suspectus clandestini consilij cum Throcmortono, Barone Pagetto, & Guisij de Anglia invadenda, & Scotorum Regina liberanda, cui semper impense studuerat. Ille mense Iunio mortuus in lecto repertus, tribus iuxta papillam sinistram glandibus traiectus, pessulo foribus intus obducto. * Quaesitores e vicinia ex more a Coronatore iurati, cadavere spectato, loco considerato, sclopeto cum nitrato pulvere in cubiculo invento, famulo qui sclopetum emerat,

M. D.
LXXXV.*Causa incarcerationis
exposita.*

rat, & venditore examinatis, Comitem sibi mortem conscivisse pronuntiarunt. Tertio post die Proceres Regni frequentes in *Camera Stellata* convenerunt, vbi Thomas Bromleius Angliæ Cancellarius succinctè declaravit, Comitem proditoria in Principem & patriam consilia inijsse, quæ cum iam dilucere comperisset, conscientia sceleris exterritum sibi vim intulisse. Vt verò multitudini in peius semper credulæ satisfieret, iussit ut Regius Procurator siue *Attornatus* & Regij in iure Consiliarij, causas cur Comes in custodia detentus fuerit, & mortis rationem dilucidè explicarent. Hinc Pophamus Procurator Primarius exordio à rebellionem in Septentrionali parte ante annos xvi. ducto, ex Actis publicis edocet illum de rebellionem ista, & consilio liberandi Scotam in iudicium vocatum fuisse, culpam agnovisse, Regine misericordiæ se submisisse, multamq; illi quinque millium Marcarum inflictam fuisse. Reginam tamen, qua fuit clementia, ne assem quidem exegisse; & post supplicium de fratre eodem de crimine sumptum, in Comitis Northumbriæ honore confirmasse. Illam nihilominus nova consilia de Scota liberanda, Angliam expugnanda, religione & Regina extinguenda suscepisse, Mendozam Hispanum Throcmortono significasse Carolum Pagettum sub Mopi nomine latenter de his cum illo in Suffexia egisse, Baronem Pagettum Throcmortono ferè eadem innuisse, ex Chreitonis Scoti Iesuitæ chartis eadem etiam constare, Carolumq; Pagettum Guilhelmo Shelleio cum redisset, à Gallia, hæc indicasse. Deinde Egertonus Procurator secundus (Sollicitator vulgò dicitur) Comitem horum reum fuisse ex circumstantijs & anxia celandi cura acutè arguit, scilicet, Quod Comes, cum nemo in Angliam illum horum insimulare potuisset præter Baronem Pagettum (quo Throcmortonus usus erat familiariter) Pagetto pauculis diebus post Throcmortonum interceptum per Shelleium nauigium apparauit, quo ille in Galliam transmisit. Cum Throcmortonus quædam confiteri cepisset, Comes Londino Petworthiam secessit, Shelleioq; accersito significavit, se in medium vitæ & fortunarum discrimen devenisse, rogavit ut rem reticeret, & conscios discessus Baronis Pagetti, & aduentus Caroli Pagetti amandaret, quod mox factum

M. D.
LXXXV.

Etum; ipseq; famulum quo apud Carolum Pagettum usus erat, procul amandavit. Addit Sollicitator, Illum iam in custodia, cum Shelleio per corruptos custodes sæpius egisse, ut quæ & qualia confessus erat, intelligeret. Postquam per mulierculam occultam inter ipsos internuntiam, Shelleius significasset se diutius reticere non posse, disparem esse eorum conditionem, se tormentis subiiciendum, Comitem pro loci & ordinis ratione nequaquam; & perscripsisset quæ confessus fuerat, Comes ingemuit, subindeq; dixit, quòd Pantinus à cubiculo famulus fassus est, ex Shelley confessione iam actum de se esse.

Post hæc ratio mortis ex testimonio iuratorum, Præfecti Arcis, quorundam præfidiariorum, & Pantini enarratur, indeque conficitur ipsum ex metu ne familia funditus subverteretur, & labes aspergeretur, in se sua manu sævijsse. Certè boni quamplurimi tùm quòd natura nobilitati faveant, tùm quòd præclaram fortitudinis laudem retulisset, tantum virum tam misera & miseranda morte perijsse indoluerunt. Quæ suspicaces profugi de Ballivo quodam ex Hattoni famulis, qui paulò ante Comiti custos adhibitus, mussitarunt, ut parum compertum omitto, nec ex vanis auditionib⁹ aliquid intexere visum est.

Vnde hæc malorum semina in Anglia sparsa fuerunt, non latuit Elizabetham, quæ Guisios exitiosam in Protestantium religionem, Gallorum Regem, & ipsam, coniurationem apertè iam fecisse viderat. Illa contra, ut fœdus à Protestantibus ad Religionem tuendam iniretur, Tho. Bodleium ad Danorum Regem, Electorem Palatinum, Duces Saxoniae, Wittenbergæ, Brunswici, Luneburgæ, Marchionem Brandenburgi, & Landgraviium Hessiæ mittit, iubetq; inter alia, ut Danorum Regem obiter moneret ipsius inprimis interesse, Guisiorum conatibus occurrere, cum cognato Lotharingæ Duci, Daniæ Regnum asserere non dubitauerint, utiq; Christierni Secundi Regis Danorum è filia nepoti, Nec ipsum Lotharingum hoc dissimulasse, cum Elizabethæ nuptias haud ita pridem ambiret.

In Scotiam autem, ne quid periculi inde quasi per posticum

*Fœdus cum
Germania
Principibus
expetitum.*

sticum in Angliam irrumperet, Edwardum Wottonum misit, qui Regi significaret quàm gratum fuerit eius erga ipsam studium, quod per Patricium Greium & Iustitiarium Clericum iam pridem declaraverat. Præterea ut eius animum ad mutuæ offensionis & defensionis fœdus, propositis periculis Evangelicæ professioni iam imminentibus, alliceret tantumque annuæ pecuniæ, quantum pater ipsi assignauerat; ei *tanquam filio* offerret. (Res enim Regni Proregum negligentia erant admodum accisæ) & nuptias cum Regis Daniæ filia commendaret. Item ut pro Scotis in Anglia exultantibus Regina nomine vehementius intercederet, quos illa si vel minimi erga Regem criminis affines comperierit, illico remittendos pollicetur. Wottonus propensum Regis ad huiusmodi fœdus animum perspicit (quantumvis Arranius & Gallicæ factionis nonnulli obniterentur) Ordinesq; Scotiæ, ut Religio facta tecta conservaretur, fœderi tractando sub suis Chirographis assensum præbuerunt, dummodo Regina certam fidem faceret, Regis iuri in Angliæ successionem non præiudicaturam, quamdiu ille amicitia colenda firmus permanferit. Moram tamen & impedimentum huic negotio intulit cædes Fr. Russelli filij Comitissæ Bedfordiæ, qui postridiè fatis concessit.

Etenim cum I. Forsterus & Th. Carrus Fernihurstius mediorum limitum inter Regna Angliæ & Scotiæ Præfecti, xxvii. Iunii diem ad conventum de rebus repetundis dixissent; & *Securitas* utrinq; de more iureiurando firmata esset, promulgatumq; ne quis alterum *verbo, facto, aut vultu laderet* (ita limitanei loquuntur) Scoti armati, acie instructa, vexillo explicato, tympano pulsato contra morem & præter expectationem ad locum accesserunt numero plus minus 111 M. Angli haud plures quàm trecenti aderant. Præfecti vix confederant querelas audituri, cum derepentè, Anglo in furto deprehenso, exortus est tumultus, Scotique glandium nymbo emissso Russellum cum alijs occiderunt, Anglos in fugam dispulerunt, & 1111. milliaria in Anglia acerrimè persequuti, non-

M. D.
LXXXV.
*Isidem cum
Scoto.*

*Russellica-
des remora-
tur.*

*Quomodo
pavata.*

M. D.
LXXXV.
Qui suspecti.

*Probationes
Limitaneæ.*

*Fernihur-
stius obiit.*

nonnullos captivos abduxerunt. Quis cædis author incertum. Angli in Arranium iam Regni Cancellarium, & Fernihurstium crimen conijciunt. Regina vt homicidæ sibi in manus traderentur, per literas & Delegatos vrget, quandoquidem Henricus Septimus Rex Angliæ Gulielmum Heronum, & septem Anglos ob cædem Roberti Carri Cesfordij die conventus commissam, Iacobo Quarto Regi Scotorum in manus olim tradiderit; & Mortonius nuper Prorex Carmichelum Scotum ob cædem Georgij Heroni in Angliam miserit. Rex innocentiam suam protestatus, promisit in Angliam protinùs transmittere Fernihurstium, imò & Cancellarium si præcogitatè *Securitatem* violasse, vel cædem conscisse liquidis & legitimis probationibus convincerentur. Fenwicus Anglus Fernihurstium coràm facti accusat, ille pernegando confutat, cùm nullum Scotum testem citare posset. In Limitaneis enim his iudicijs ex iure quodam inter Limitaneos rato, nullus nisi Scotus in Scotum, & nullus nisi Anglus in Anglum testis admittatur. Adeò, vt si singuli qui aderant Angli, homicidium factum suis oculis vidiissent, eorum testimonium cassum caderet, nisi aliquis Scotus idem etiam testaretur. Arranius tamen se suis in ædibus continere iubetur, & Fernihurstius custodia apud Dundesium committitur, vbi postea diem obiit, vir bellicosus, magnis ausis promptus, & qui ob immotam in Scotorum Reginam, Regemque filium fidem, semel atque iterum omnibus bonis, patriæ complexu & liberorum conspectu eiectus, patienter exilium tulit, totque adversis confluentibus, infractus, & sui similis semper perstitit.

Dum cædis quæstio comperendinatur, & leniter disceptatur, *An pecunia annua sub Aureorum nomine Regi oblata, ad rationem Anglicam, vel Gallicam numeranda*: Regina, quæ Russellii cædem, & *Securitatem* violatam indignè tulit, persuasa à Scotis Arranij æmulis eum Iesuitas fovere, & in Gallia & Scotia summoperè elaborare, ne foedus cum Anglis contraheretur, conniventer permisit vt profugi

fugi illi Scoti, Angufius, & qui illi ex communi exilio reconciliati Ioannes & Claudius Hamiltonij, Marrius Glamius, & cæteri in Anglia exulantes in Scotiam redirent, pecunia ad Arranium opprimendum suffulti.

Iam antea Comes Bothwellius, Baro Humius, Humius Coldingknollius, & alij in Scotia auxilia illis polliciti erant; sed inprimis Maxwellius nuper factus Comes Mortonij, ex certa spe declinandi poenam rebellionis quam in Anandia concitarat, si Arranius semel opprimeretur. In ipsa etiam Aula Regia Patricius Graius acerrimus Arranij æmulus, Belendenus *Iustitiarius Clericus*, & Maitlandus Secretarius in partes contra Arranium Wottoni solertia attracti sunt.

Illi Scotiam ingressi, verboso Programmate omnibus Regis nomine mandant, vt ad Evangelicam veritatem defendendam, Regem à prauis Consiliarijs liberandum, & amicitiam cum Anglis conservandam opem conferrent; *Fawkirkum* locum ad conveniendum edicunt, vbi VIII M hominum recensebantur.

Arranius (qui apud *Keneil* ex Regis iussu ob suspicionem cædis Russellii se continuerat) his auditis, ad Regem advolat, & Graium, vt huius machinationis architectum accusat, qui se coram Rege ingeniosè excusat. Dum Arranius omnia ad oppidi defensionem apparat, ecce, hostes aderant scalas mœnibus admoturi. Ille gnarus suum solius caput peti, & suorum fidem suspectam habens (plurimis enim exosus erat) cum vnico famulo per pontem se latenter subduxit. Reliqui mox, oppido relicto, in Castrum ad Regem se receperunt. Profugi forum occupant & adversus Castrum signa erigunt. Rex per Graium internuncium adventus causam sciscitatur. Respondent, *Vt se submitterent, & Regis manus demissimè exoscularentur.* Ille bonorum omnium restitutionem si abscederent, offert. Illi bona ne tantilli præ Regis gratia se aestimare renuntiant. Obsecrant vt coram admittantur. Annuit Rex his legibus, *Vt nihil in ipsius personam, aut eorum vitam quos nominabit, attentarent; & nihil in rerum administratione in-*

Ccc

nouarent.

M. D.

LXXXV.

Scoti profugi
domum re-
missi.

Sterlinium
occupant.

M. D.
LXXXV.

*Regi concili-
antur.*

Amnestia.

Maxwellius
*Missam eri-
git.*

Bourkorum
*in Hibernia
rebellio.*

nouarent. Illi vitam pro Regis salute devovent, de inno-
vatione ne cogitare quidem protestantur. Orant autem
vt adversarij, & munimenta Regni ipsis in securitatem
tradantur. Hac de re toto die deliberatur, vrgente tamen
necessitate, cum in Castro multitudo esset confertissima,
& annona nulla, demum ad Regem admittuntur. Proti-
nus Montrosius, Crawfordius, & Rothesius Comites,
Stuartus Chiliarcha, Downius, Arranij frater & alij illis
in manus traduntur, Arranius qui in Hebridis profuge-
rat, revocatur: illis, vt bonis ciuibus & bene de Rege
meritis venia indulgetur. Dunbritonio Hamiltonius Ar-
brothius, Castro Edenburgensi Coldingknollius, Tom-
tallano Angustus, Sterlinio Marrius, & Regio satellitio
Glamius praeficitur.

Deinde cum fideli obsequio omnia criminosè & suspi-
ciosè ab adversarijs obiecta ex animo Regis exemissent,
in Ordinum conventu omnes omnium proscriptiones
quibuscunque de causis à Regis inauguratione vsq; ad il-
lum diem *Amnestia* obliterantur, (praeter illas de caede pa-
tris Regis, necnon contra Archiepiscopum Glascuensem,
Episcopum Rossensem, & Dumblanensem) summaque
animorum consensione autoritas foedus cum Regina
Angliae ineundi & delegatos assignandi Regi confirma-
tur. Solus Maxwellius hac singulari Regis clementia ab-
usus est, qui *Amnestiae* beneficio impunitatem cruentae cae-
dis & direptionis contra Ihonstonios assequutus, eò vsq;
audaciae prorupit, vt sprete legum autoritate, Missae sa-
crificium iam XIX. annos in Scotia non permissum,
Dunfrisiae celebrari iusserit. Quod per tres menses postea
carcere luit.

Nec Hibernia vicina turbulento hoc tempore à rebel-
lionis tempestate libera fuit. Cum enim reliquae huius
insulae Provinciae altam pacem agerent, magna rebellio
in Connacthia occidua Hiberniae parte erupit, ex inquie-
ta gentis indole, & odio in Richardum Binghamum Prae-
fectum, quem Imperio acerbitatem adiungere quere-
bantur. Ille, cum videret Dynastas Hibernicos adeo
gravem

M. D.
LXXXV.

gravem in misellum populum exercere tyrannidem, ut non alium Principem quam ipsos agnoscerent: ut hanc coereret, & Regiam authoritatem confirmaret, nihil non omisit, quamvis odiosè apud Reginam & Proregem crudelitatis subinde accusatus. Thomas *Roe-Burke*, ex nobilissima Anglica familia *De Burgo* primus se opposuit, accersitus ad iuridicum conventum in Comitatu *Maio* venire noluit. Præfectus rem aliquantisper simulavit, postea illum vnumq; & alterum turbulentum ex illa familia intercipi iubet, ne in rebellionem prorumperent, Thomas priusquam interciperetur, inter pugnandum occubuit. Meilerius & Theobaldus à *Burgo* capti sunt & suspensi, ipsaq; rebellio iam primum erumpens compressa fuisset, nisi Angli quidem Præfecto infesti submonuissent, reliquos ex illa familia ut à Præfecto providè cauerent, nec illum quovis modo accederent. Illi ita animati *Ioy*s & *Clandonellis*, qui eo tractu clientelis præpotentes, persuaserunt Præfectum non mitius cum illis acturum, sed paulatim eorum potentiam labefacturum. Effeceruntque per amicos ut Prorex Præfecto imperaverit, ne quid asperius iam inde in familiam nobilem, etsi degenerem, se inconsulto ageret.

Interea Præfecto in *Twomundia* absente ubi Mahonum *O-Brean* tumultuantem, Castro capto, occidit, filij Edmundi à *Burgo de Castro Barrio*, & Richardus filius Richardi, qui ob scelera *Hamus Diaboli* ab Hibernicis cognominatus, contracta perditorum multitudine duo Castra in *Lacu Mascio* occuparunt & communierunt, è quibus Præfectus eos faciliè in sylvas, & montes expulit, Richardum à *Burgo* Thomæ fratrem qui supplex accesserat, quasi insidiatorem suspendi iussit. Cumq; cæteros per sylvas palantes ita persequutus esset, ut vix comparent, iussit Prorex ne ulterius persequeretur, sed obsidibus acceptis, in tutelam reciperet. Breui tempore interiecto, dum Præfectus *Dubliniæ* ageret, & delectus per Hiberniam in bellum Belgicum haberetur, denuò rebellionis signa sustulerunt, & plures qui Belgicam mil-

M. D.
LXXXV.

Mac-Wil-
liam.

Scoti Hebridi-
diani in Hi-
berniam vo-
cati.

litiam detrectarunt, *Clan-Gibboni Clandonelli*, & *Ioy* magno numero se confociarunt. Iam numero & robore auctiores palam profitentur se velle avito more suum habere *Mac-William*, id est, Dynastam populari electione è stirpe illa de *Burgo* qui Regioni præsit, vel alium quempiam ex Hispania evocatuos; se nolle Vicecomitem admittere, aut iuri in conventibus se sistere. Nec in Ordinem redire voluerunt etsi Archiepiscopus Tuamensis, Birminghamus Baro Athenriæ, & Dillonus à Præfecto delegati æquissimas proposuerint conditiones: sed ex improvise in viculos rusticanos in campestri planitie igne & rapinis sævire atque munimenta subruere cœperunt. Ad Scotos Hebridianos, I. *Itcleaum*, & Walterum *Kittagh* à *Burgo* submiserunt, ut Connachtiam cum auxiliaribus copiis ingrederentur, dum pauci iam essent per provinciam præsidarij; latifundijs promissis, si Anglos eijcerent, & rebelles defenderent.

Prorex his auditis, tandem Præfectum rebelles persequi iussit, qui copiis contractis misit Comitem *Clan-Richard* principem familie de *Burgo* & Birminghamum qui de pace tractarent, quam cum omnino abnuerent, obsides morte afficit. Et nullâ morâ interpositâ, cum lento bello nihil Anglis damnosius, nihil Hibernicis commodius nôrit, ipse & Comes *Clan-Richard* cum equitatu campestria ab iniurijs rebellium defendit, Ioannes Binghamus frater Præfecti cum peditibus sylvas ingressus eos vestigijs insecutus ita exagitavit, pecorum plûs minûs quinque millibus abactis (quorum pars maxima militibus viritim ex more regionis distributa) ut post XL. plûs minûs dies, fame gravissima quodâmodo confecti, è latibulis vix de facie inter se noti, prodierint, & demissimè obsidibus datis, se submiserint. Soli filij Edmundi à *Burgo de Castro Barrio* (quem *Mac-William* creare destinarant) rebelles perstiterunt, donec pater captus & ex lege reus peractus quòd liberos ad rebellionem excitasset, supplicio esset affectus, latifundijs fisco adiudicatis. Quo quidem tempore Præfectus certis nuntiis accepit 11 M. Scotorum

torum Hebridianorum Kittagho, & Itcleauo à *Burgo* ductantibus, iamiam in Connachtiam irrupturos. Hos ille tumultuario conscripto milite, & præsidarijs convocatis sedulò per avia & invia nocte dieq; indefesso labore indagat, dum illi in nemerosis saltibus iuxta lacū *Earuum* modò se occultant, modò hac illac anfractuosis itinerib⁹ accedendo, & recedendo tempus terunt, & ille à tergo, à frōte, à laterib⁹ sedulò observat, opportunam pugnādi occasionem captans. Tandē simulatē quasi impar numero recedit. Isti statim alacrius versus Ardanariam ad *Moin* fl. progressi, se Dominos Provinciæ proclamaverunt. Ille mox ab exploratoribus iter eorum edoctus, propè Ardanariam invenit, vbi acie disposita, tibijs vtricularijs inflatis, signa efferunt. Ille velitationibus paulisper exercet, donec ex vliginoso solo in firmitus retrocedendo attraxerit, & vniversæ copię magno silentio convenerint. Tum acriter invecus, pluribus cæsis, repellit, mox bombardarij à fronte impetunt, & à latere ipse cum Equitibus assultat adeò animosè, vt ipsorum aciem profligarit & ad flumen compulerit, vbi cæsi & submersi vniversi præter lxx. qui in *Tirauliam* tranarunt, & qui pridie aliò prædabundi secesserant, posteaquē à I. Binghamo, & incolis Comitatus *Slego* ferè omnes perempti. Perierunt plūs minūs lll. millia hominum, & inter eos præcipui ductores *Donellus Gormi*, & *Alexander Carrogh* filij *Iacobi Mac-Conelli* qui hanc partem diu infestant, atque illi à *Burgo* qui ad hanc infœlicem expeditionem eos excitarunt. Ex Anglis pauculi desiderati, plures autem sauciati. Clara hæc sanè victoria, in præsens & posterum vsui, extincto titulo *Mac-William* in Cōnachtia, & Scotorum insularium insolentia in Hibernia compressa, quæ olim tanta fuit, vt eos in Hibernia hospitio suscipere inter læsæ Maiestatis crimina accenseretur: & Perottus ad eorum rapinas coercendas certum numerum militum bellicis tyrōcinijs exercendum, Dynastis in *Ultonia* iampridem imposuerit.

Intereà Ordines in Belgio; rebus admodum afflictis, consultabant an ad Galli vel Reginæ Angliæ opem confugerent,

M. D.
LXXXV.

Rebeller pro-
fligati.

Titulus
Mac-Wil-
liam extin-
ctus.

Ordines
Belgici de
Protecore
deliberant.

M. D.
LXXXV.

*Rationes pro
Gallis.*

Pro Anglis.

*A Gallor-
ieſſi.*

*Angli, an
proteſſendi,
deliberant.*

fugerent, vterq; enim Hispano inſenſi, ſed ſibi invicem ſuſpecti. Nec Gallis Anglos, nec Angli Gallos veteres hoſtes acceſſione Belgij potentiores fieri æquo animo ferre poterant. Prunæus Gallicus apud Ordines Lega- tus, quo minùs Anglos ſpectarent, differebat, eos mari in- terfluente, ſitu eſſe diſiunctiores, quàm vt omni occaſioni ad-eſſe poſſent, eorum dominationem eſſe intolerandam, ideoq; Gallia o- lim eieſtos, & nunc in Hibernia periclitari; ſucceſſionem in in- certo, atq; ſive Maria Scotorum Regina, ſive Iacobus filius ſuc- cedat, & hunc & illam Belgium Hispano ad res ſuas firmandas redditurum. Apud Gallos autem eſſe vicinitatem opportunam, mitem dominationem, & certam in Nauarro eiſdem cum illis profeſſionis ſucceſſionem.

Qui Anglis favebant, contrà diſputarunt, Anglos non ita eſſe diſſitos, quin commodè, nemine prohibente, ſubuenire poſſent. Qualis fuerit Gallorum olim in Belgio dominatio ex hi- ſtorijs conſtet, & qualis nuper, Dixmunda, Dunkirca, Tenera- munda inſidioſè intercepta, Brugæ, Aloſlum, Neoportus & Antwerpia furenter & perfide impetita: qualisq; eorum fides, quæ edictis toties obſtricta & ſemper violata, & immanes per vrbes lanienæ loquantur. Succeſſionem in Anglia certam eſſe in Iacobo veræ religionis perquàm ſtudioſo. Prætereà Anglos eiſdem eſſe religionis, antiqui fœderis Burgundici obſervantiſſi- mos, eorum negotiationes immenſas opes in Belgium intuliſſe, & portus Belgis longè commodiſſimos eſſe. Nihilominùs Ordines ſplendida Legatione Galli opem implorant, à quo pavi- do quodam ſilentio excepti, & tam ex æmulatione in Anglos, quàm odio in Hispanos, procrastinationibus diu deluſi, domum tandem redierunt, & ſpe ex priſtina Re- ginæ Angliæ benevolentia concepta, ad eius patrocini- um confugere ſtatu- erunt.

Hinc in Anglia etiam conſultatur, an illi in patrocini- um recipiendi. Erant qui protinùs recipiendos, & ſuppettias ferendas, ne Hispanus, illis ſubiugatis, Angliam inde in- feſtaret: erant qui rebellium loco habendos, & auxilio indignos, quali fidem in Principem exuerant, cenſue- runt. Imo Hispanum nullos Læti introitus articulos violaſſe, quòd

M. D.
LXXXV.

quod rebellionis & Principis abdicationi quasi color quaesitum. Sin violasset, non inde Principatum amittendi pœna teneri. Et si verò aliqui putant obedientiam eitantissimè denegandam, donec quod peccauerat, correxerit, alios tamen ex iure diuino, cui humanum cedat, existimare Principibus vt Potestatibus à Deo ordinatis simpliciter propter conscientiam obsequendum. Deum illis summum imperij dedisse, subditis obsequij gloriam reliquisse. Principes optimos exoptandos qualescunq; ferendos. Prouincias illas Hispano non populi electione sed iure hereditario à maioribus, & Imperatorum donatione obuénisse. Adhuc ipsos Belgas privilegia quæ habent à Principibus accepisse, eademq; læsæ Maiestatis crimine amisisse, arma in ipsum iam antea sumendos. Qui iam patrociniū petaturi, non esse Belgij Ordines, sed plerosq; homines esse plebeios, qui Ordinum larnam induerant. Hi consultissimum iudicarunt, Si Regina se Belgicis rebus non amplius intermiseret, suum autem regnum firmissimè muniret, bonos innata benignitate indies arctius astringeret, malos coecerneret, pecuniam coaceruaret, classem ab omni apparatu instrueret, limites Scotiam versus præsidij firmaret, & veterem militarem Anglorum disciplinam (quasi ea iam Belgico bello corrupta) conseruaret. Ita Angliam futuram inexpugnabilem, illamq; omni parte securissimam & hostibus formidandam. Hanc commodissimam esse belli auertendi rationem ijs qui vicinos habent præpotentes. Neminem enim eos prouocaturum quos à pecunia, & viribus instructos, subditorum beneuolentiâ munitos, promptosq; & paratos ad vindicandum viderit. Præposterè igitur esse prudentiæ, pecuniam & viros militares, vitales belli spiritus, in aliena causa pro Principibus, aut populis egenis, iisdemq; aliorum subditis prodigere, qui semper sunt subleuandi, aut præ inopia, aut ingratitude tandem in rem suam sibi consulent, & adiutores negligent; Quod Angli in Gallia olim in causa Burgundi, & non ita pridem in Protestantium defensione suo damno experti fuerunt. Sed qui in hac sententia, vt in Hispani partes propensiores, degeneres, & ignavi grauem offensionem apud viros militares incurrerunt.

Ordinum delegati vbi primùm Reginam accesserant, pluribus obtestantur, vt Cōfœderatarum Belgij Prouinciarum

Belgæ Regi-
na se offerunt

M. D.
LXXXV.

Illa deliberat

*In patrocini-
um suscipit.*

*Quibus Le-
gibus.*

ciarum dominium, populumq; Belgicum indignissime oppressum in protectionem & perpetuam clientelam susciperet. Illa benigne audit, dominium, & protectionem recusat. Ad obsidionem tamen Antwerpiae solvendam, quae arctissime tum à Parmensi Principe pressa, paciscitur, ut Scusa cum machinis bellicis sibi in manus pignori tradita, 1111 M. militum illico submitterentur. Verum dum hoc agitur, Antwerpia (Scaldi flumine admirandis operibus intercluso) deditionem fecit.

Postquam Reginae curae & cogitationes in hoc aliquandiu excubassent, ipsaq; gravem Hispanorum in Belgas vicinos sauitiam, & odium in Angliam & religionem quam colit, perspexisset (Hispano enim persuasissimum erat Belgium in ordinem redigi non posse, nisi Angliam prius expugnata.) Ne bellum domum attraheretur (Scotia adhuc nutante,) Hispani potentia plus nimio diffunderetur in regionibus fere contiguis quae situ sunt percomodo ad bellum in Angliam transferendum, ad mercatorum negotiationes, tam per mare, quam per Rhenum exercendas, & ad omnem nauticum apparatus ne ad hostes devehatur, prohibendum, praeterea quae à classe validissima & fortissimis classarijs adeo instructae, ut si Anglicae classi coniungerentur, facile foret maris imperio potiri; adeoque opulentae, & potentes ut insultantes hostes iam diu sine ope externa cohibuerint; necnon ne Gallorum fidei se permetterent; statuit & Christianae pietatis esse, afflictis Belgis eiusdem religionis cultoribus subvenire, & prudentiae, exitiosas hostium machinationes praeventendo, populi sibi commissi incolumitati consulere; idque non ex gloriae cupiditate, sed quadam tuendae salutis necessitate. Hinc Belgarum patrocinium palam suscipit, Orbis Christiani Principibus masculam in muliere fortitudinem demirantibus, quae potentissimo Monarchae quasi bellum denunciare ausa. Adeo ut Suecorum Rex dixerit, Elizabetham capiti Diadema iam detraxisse, & dubiae Martis aliae exposuisse.

In huiusmodi Leges inter eam & Ordines confederatos

ratos conventum est : Regina mittet fœderatis Prouincijs auxiliares copias v m. Peditum, & m. Equitum sub Gubernatore Generali viro clarioris notæ, & durante bello stipendia soluet, quæ Ordines, pace restitutâ, rependent ; nempe primo pacis anno,expensa in primo belli anno, reliqua quatuor annis subsequentibus : in cautionem interim Flusſinga, & arx Ramekana in Walachria, & insula Briela cum vrbe & duobus propugnaculis in Reginae manus tradantur. Earum Præfeti nullam in incolas, sed tantum in præſidarios exerceant authoritatem, qui canones & impositiones perinde ac incolæ soluant. Loca illa postquam pecuniæ fuerint repensæ, Ordinibus, non Hispano, aut cuicunq; hosti, reddantur. Gubernator, & duo Angli quos Regina nominauerit, in Ordinum consilium admittantur, Ordines nullum fœdus, Regina inconsulta, ineant, nec ipsa Ordinibus inconsultis. Naues ad communem defensionem pari numero, sumptu communi, sub imperio Admiralli Angliæ instruantur. Portus vtrinq; pateant, &c. quæ typis excusa prostant.

In huius memoriam Zelandi gaudio triumphantes nummos cuderunt cum Insignibus Zelandiæ, Leone scilicet è fluctibus emergente & inscriptione LVCTOR ET EMERGO, in altera parte cum Insignibus vrbium Zelandiæ, & AVTHORE DEO, FAVENTE REGINA. Illa edito libello docet fœdera & societatem olim inter Reges Angliæ, Belgij Principes & vrbes seorsim fuisse contracta de mutua fide & defensione præstanda. Efferatam Hispanorum in misellos Belgas crudelitatem, nefarias ipsorum in se molitiones exponit, quæ tantopere pacem componere studuerat, & ne Belgæ omninò deficerent, efficerat. Nec aliud sibi propositum esse auxiliares copias mittendo, quàm vt Belgæ pristina libertate, ipsa subditiq; securitate, & vtraq; natio commercijs pacatè gauderet.

Simulq; ne bellum domi expectaret, sed Hispano negotium foras facesseret, Franciscum Dracum rei navali, & Christophorum Carlilum terrestribus copijs Præfectum cum classe xxi nauium, in qua iimccc milites volones, & nautæ ad Indiam Occidentalem misit, qui in

Ddd

Insula

M. D.
LXXXV.

Causas publicat.

Classem, vt Hispanum diuerteret, emittit.

M. D.

LXXXV.

*Angli
S. Iacobi
capiunt.**Calentura
morbo labo-
rant.**S. Dominici
capiunt.*

Insula *S. Iacobi* prope *Viride Promontorium*, oppidum *S. Iacobi* quod insulae nomen fecit, in depressa valle situm ex improvise occuparunt, anniversariumq; inaugurationis Elizabethae diem, sc. xvii Novembris tormentorum dispendio celebrarunt, Oppido direpto, ne tantillum auri repererunt; farinae, vini, & olei vim magnam, Decimoq; quarto post die oram soluerunt, multiq; qui sub dio excubarunt, morbo acuto correpti (*Calentura* vocitant) qui coelo isto insalubri familiaris est advenis sub dio vesperi agentibus, perierunt. Kalendis Ianuarij Hispaniolam appulerunt, ad decimum ab vrbe *S. Dominici* miliare, milites loco tuto Hispani intercepti indicio, expositi, instructis ordinibus urbem versus progressi, c. l. Hispanis Equitibus qui se obiecerunt, repulsis; & sclopetarijs qui in insidijs dispositi, fugatis, permixtim una cum illis, duabus quae ad Occasum patent portis, in urbem irruerunt, simulq; incolae omnes ex vrbe per portam Aquilonarem trepidi proruerunt. Angli ad forum iuxta Templum maximum agminatim incedunt, cumq; ad urbem amplam tuendam iusto numero non essent, aggeribus communierunt, postea loca alia opportuna occuparunt, iamq; vrbe potiti integrum mensem ibi haeserunt. Cum vero cives pro vrbe redimenda tantillam pecuniam offerrent, primum aedes suburbanas, deinde splendidissimas quasq; in ipsa vrbe incedere & demoliri coeperunt, donec cives xxv millibus aureorum quae aegre confecerant, aedificia redemerint. Praeda nisi ex bellicis machinis, farina, & saccaro, non magna, Aerei enim nummi, & vascula vitrea atque argillacea ex India Orientali solummodo ibi in usu. In Praetorio spectabantur inter alia, Insignia Regis Hispaniae, Orbisq; terrarum subiectus e quo equus pedibus anterioribus extra proiectis exilit, cum hac Epigraphe NON SUFFICIT ORBIS: Quod irrisum & arreptum in argumentum infinitae avaritiae & ambitionis Hispanorum, quasi nihil sufficeret.

Hinc in Continentem Americae delati, ad quintum a *Cartagena* miliare terram conscendunt, compositumq; agmen

agmen nocte silente per littus ducit Carlilus, dum Dracus portum vr̄bis propugnaculo, & catena protensa communitum frustra cum armatis actuarijs aggreditur. Carlilo turma Equitum se ostendit, & mox recedit. Ille insequitur, pervenitq̄ue ad isthmum inter stationem portus interiorē & Oceanum lapideo muro munitam, vno tantum aditu, qui vix plastro pervius, dolijs terra oppletis & quinque tormentis maioribus firmatus, quē directē in agminis frontem sapius in-cassum displosa, dum Carlilus periculi declinandi gnarus, beneficio tenebrarum, & captata opportunitate refluxus Oceani, suos inferius per sabulum duxerit ad ipsum aditum, quem Angli animosē pertruperunt, licet ex interiori illa portus statione binæ triremes vndecim tormentis maioribus & trecentis scopetarijs in latus intonuerint. Deinde sepimenta ad singularum platearum introitum providē præstructa, fugatis Hispanis, & Indis qui venenata tela sparserunt, facile superarunt, vr̄beq; potiti sex septimanas ibi egerunt, pacti pro vr̄bis redemptione c. x. m. aureorum, quæ in præsentiarum soluta, & nautis & militibus maximē indigis viritim distributa. Cæterum præda exilis obtigit. Ciues enim ex Hispaniola præmoniti pretiosa quæque in remotiora loca iam antea transtulerant. *Calentura* illa adhuc grassante, & numeros imminuente, consilium expugnandi *Nombre de Dios* abiectum, domumque versus vela verterunt per Cubæ insulæ promontorium S. Anthonio sacrum, vbi ē puteis aqua pluuiali aquarunt.

Florida littora deinde legentes, duo opidula S. Anthonij & S. Helena à præsidiarijs Hispanis derelicta occuparunt, & incenderunt; demumque per lancinatum littus provecti, invenerunt Anglos qui VIRGINIAM, ita in honorem Elizabethæ virginis denominatam, insederunt, quos Walterus Raleghus magna apud Elizabetham gratia florens, nunquam satis laudato studio remotas Regionē detegendi, & navalem Angliæ gloriam promovendi eò in coloniam iam pridem miserat. Horum Præfecto Radulpho Lano Dracus omnia humanitatis officia detulit,

Ddd 2

vnamq;

M. D.
LXXXV.
*Cartagenam
expugnant.*

S. Anthonij
& S. Helena
incendunt.

*Virginiam
adveniunt.*

Lano.

M. D.
LXXXV.

Colonos inde
deducunt.

Tabacca
primum in
Angliam in-
ducta.

Præda relata

Via in Indi-
am quaesita.
Davis.

vnamq; & alteram navem cum re annonaria virosq; non-
nullos, si visum ibi manere & inceptum persequi; sin mi-
nùs in Angliam revehere. Dum autem commeatus in il-
las naves transfertur, tempestas insolita abripuit, & vni-
versam classem ita dissipavit; vt non colligeretur prius-
quàm in Angliam appellerent. Hinc Lanus & deductitij
illi penuria conflictati, & omni spe commeatus ex An-
glia deiectioni, numeroque valde accisi, vna voce à Draco
efflagitarunt vt in patriam reveheret, quod lubens fecit.

Et hi reduces Indicam illam plantam quam *Tabaccam*
vocant & *Nicotiam*, qua contrà cruditates, ab Indis edo-
cti, vsi erant, in Angliam primi quod sciam, intulerunt.
Ex illo sanè tempore vsu cepit esse creberrimo, & magno
pretio, dum quàmplurimi grave-olentem illius fumum,
lij lascivientes, alij valetudini consulentes, per tubulum
testaceum inexplebili aviditate passim hauriunt & mox è
naribus efflant; adeò vt tabernæ Tabaccanæ non minùs
quàm cervisiariæ & vinariæ passim per oppida habeantur.
Vt Anglorum corpora, (quod falsè ille dixit) qui
hac planta tantoperè delectantur, in Barbarorum natu-
ram degenerasse videantur; cùm ijsdem quibus Barbari
delectentur, & sanari se posse credant. Hac expeditione
desiderati erant septingenti, omnes ferè ex *Calentura*, Præ-
da ad L X M. librarum monetæ Anglicæ æstimata, tor-
menta bellica ænea & ferrea C C X L. ab hoste relata.

Dum hæc sub *Zona Torrida* in America geruntur, Io-
annes Davisius cum duabus navibus, impensis Guiliel-
mi Sanderfoni de Geographicis studiis edendo Globos
benè meriti, & aliorum Londinensium, viam sub *Zona*
Frigida per superiorem Americæ partem ad Orientalem
Indiam indagavit. Ille Septentrionem versus cursum
tenuit, & ad quingentesimam à Notio Hiberniæ Pro-
montorio, Leucam, primùm aspexit *Groenlandiæ* littora
montibus nive candescentibus edita, & glaciali quasi an-
temurali per duas à terra leucas ita obseptam vt adiri
non posset. Huius igitur tractum primùm in Occasum,
deinde in Septentrionem vergentem ad LXIII. Latitu-
dinis

dinis Gradum sequutus, glaciem prætervectus inter vi-
rentes insulas incidit, incolaseque reperit mediocri statura,
oculis exiguis, imberbes & mitiori quàm pleriq; Septen-
trionales, ingenio. Hinc in Caurū mari à glacie libero na-
viganti ad LXVI. Gra. Latitudinem littus se obiecit, quod
sensim in Occasum patuit, freto æquali latitudine: in
quod quadraginta plus minùs leucas ingressus, exeunte
Augusto, spe plenus domum vela vertit. Insequenti
anno in idem fretum ad LXXX. leucas penetravit, ma-
re illud insulis hinc inde insterstinctum deprehendit, &
in reditu piscosissimum vidit. Hinc tertium repetita hæc
navigatio cum duabus nauibus ad piscandum, & altero
ad transitum inveniendum, quo ille ad LXXXIII. Gra-
dum in eodem freto quod XL. leucas patere observavit,
delatus, redijt.

Privatorum interim avaritiæ in Anglia edicto cave-
tur, qui arva & feracissima pascua ad ferendam Isatidem
herbam (*Woad* vulgo vocant) in vsum tinctorum conver-
terant, non sine pannariorum & colonorum damno qui
lacticinijs vescuntur. Vnde vetitum ne herbam illam fe-
rerent intra VIIII. milliaria ab ædibus Regijs, & IIII.
milliaria ab vrbibus, oppidis Mercatorijs, & alijs vbicun-
que pannificium exercetur.

Ad pannos autem Anglicos quæstuosius distrahen-
dos, licentia negotiandi in Mauritania Cæsariensi con-
cessa Ambrosio Comiti Warwici, fratrique eius Leice-
strio, Thomæ Starkio, Gerardo Goro, & alijs quibus-
dam Mercatoribus Londinensibus in duodecennium,
ad resarcienda damna quæ in Africa pertulerant, cæteri-
que omnes prohibiti ne in illa ora negotiarentur. Et hos
Mulleius Hamet Xerifus in suum patrocinium recepit.

Ineunte hoc anno diem obiit Edwardus Clintonus
maris Præfectus siue *Admirallus*, qui Comes Lincolnæ
anno MDLXXII. ab Elizabetha creatus, Windesoræ
sepultus, & *Fines* sepulchrali inscriptione falsò cognomi-
natus, (quod ad noto non vt arguam, sed ne ipse arguar)
Successit in dignitate Henricus filius, in maris Præfectu-

ra

M. D.
LXXXV.

*De glasto E-
dictum.*

*Barbarica
Mercato-
rum societas.*

*Obitus Comi-
tis Lincolnæ.*

M. D.
LXXXV.

Et Comitiss
Bedfordia.

Et Doct.
Caldwelli.

Comes Leic-
estria in
Hollandiam
missus.

Bayet.

Eius docu-
menta.

ra Carolus *Effinghamius* Reginae Camerarius. Illi autem eo in munere successit Baro. *Hunsdonius*, Berwici Praefectus, ante aliquot annos Francisco Russello Comiti Bedfordiae suffectus. Qui secundus ex hac stirpe Bedfordiae Comes, religionis virtutisque verus cultor, cum tribus filiis, Edwardo, Ioanni, & Francisco supervixisset, vnicusque superesset filius Guilielmus Baro Russellus de *Thornhaugh*, & tres filiae tribus Comitibus, Warwici, Bathoniae, & Cumbriae elocatae; è gangrena obiit (postri die quam filius Fran. in limite Scotiae fuerit occisus, vt dixi) & Cheneiae in agro Buckinghamiensi cum patre Ioanne contumulatur. Successit Edwardus è Francisco tertio filio nepos aetate pupillari.

Nec inter hos, licet minoris notae, filendus hoc etiam anno fato functus Richardus Caldwellus è Collegio Aenei Nasi Oxoniae, Medicinae Doctor, qui vt de Repub. bene mereretur (adscito in patrem honoris Barone Lumleio) Lectionem Chirurgicam honesto salario in Medicorum Collegio Londini à Thoma Linacro fundato instituit. Iuxtaque ad Sancti Benedicti inhumatur, monumento laqueis plintheis, & charchesijs, scamno Hippocratis, glossocomijs & alijs Chirurgicis ex Oribasio & Galeno machinamentis exornato.

Extremo iam anno, Comes Leicestrius ex titillante imperij & gloriae cupiditate facile ab ijs persuasus qui suae securitati & in aula potentiae, magis quam illius honori consuluerunt, titulo *Generalis Auxiliarium Reginae Angliae* in Hollandiam cum quodam quasi imperio in Angliae Admirallum, & vniversam classem Regiam, magno apparatu & splendore traiecit, Essexiae Comite, Audleio & Northo Baronibus, Guilielmo Russello, Thomae Shirleio, Arthuro Bassetto, Waltero Wallero, Gervasio Cliftono, aliisque ex Ordine Equestri; & delecto quingentorum nobilium agmine comitatus. Discedenti Regina inter mandata dedit vt nihil nisi quod ipsa, & eius loco dignissimum ne cogitaret quidem, vt edisceret diligentia quanta posset maxima, quae, & qua ratione Ordines pra-

præsidia alunt, qua arte rem nummariam intendunt, & remittunt (hoc enim illi præ cæteris callent) ne milites alio valore acciperent, alio expenderent. Monuit ut hosti commeatum omnem intercluderet, ut Dunkirkanos piratas qui mare admodum infestant, cohiberet, nobilesque illarum partium, potissimum Aurasionensis liberos maiorem in modum illius fidei intimè cōmendavit.

M. D.
LXXXVI.

M. D. LXXXVI.



Lle Flusſingam appulſus à nepote Philippo Sidneio loci Præfecto, & deinde à Zelandiæ & Hollandiæ urbibus nullo non honoris genere, fauſtis acclamationibus, arcubus triumphalibus, tabulis votiuis, conuiuijs, & id genus cæteris excipitur. Vbi Hagam Hollandiæ mense Ianuario pervenerat, ſummum imperium & abſoluta authoritas in fœderatas Provincias ab *Ordinibus Generalibus* (ut vocant) Diplomate illi committitur: cum titulo *Gubernatoris, & Capitanei Generalis Hollandiæ, Zelandiæ, Provinciarum vnitarum, & confœderatarum*. Iam ſplendido ſatellitio ſtipatus, *Excellentiæ* titulo ab omnibus ſalutatus, & aſſentationibus delinitus, quaſi in altiſſimo ampliſſimoq; honoris gradu poſitus, Regios ſpiritus ſumere cepit. Ecce autem Regina quæ Ordines tantum honorem detuliſſe, & illum admiſiſſe, indigniſſimè tulit, hominem extumeſcentem, vna quidem literula in hanc ſententiam ex improvifo compreſſit.

*Abſoluta
authoritas
illi delata.*

*Hoc Regina
agerrime tu-
lit.*

Quam contemptim erga nos te geſſeris ex hoc nuntio quem eo nomine ad te miſimus, accipies. Ne cogitavimus quidem hominem quem è pulvere excitavimus, & præ cæteris favore ſingulari complexæ ſumus, tanto cum contemptu mandata noſtra violaturum in re tanta, & quæ noſtra, noſtriq; honoris tanti interſit. Cuius quamvis tu ne tantillam habes rationem contrà quàm ex fide debes; ne tamen exiſtimes eius reſarciendi nos adeò ſupinè negligentibus eſſe, ut tantam iniuriam ſilentio aut obliuione inuoluamus. Itaq; mandamus ut omni excuſatione ſepoſita, protinùs pro
fide

*Cum eo ex-
poſtulat.*

M. D.
LXXXVI.

Item cum
Ordinibus.

Ille excusant.

Ille ad Gra-
uiam libera-
dam mittit.
Mansfeldt.

fide qua nobis obstrictus teneris, praestes quaecunq; Heneagius Procamerarius noster nostro nomine declarauerit, nisi maius periculum tibi attrahere malueris.

In alijs ad Ordines Generales literis exposulavit, quod in suam contumeliam absolutum Foederatarum Provincia-
rum imperium Leicestrio sibi subdito, ipsa inconsulta, detule-
rint, cum ipsa penitus recusauerit, & vniuerso orbi terrarum e-
dito scripto declarauerit se tantum suppetias afflictis vicinorum
rebus laturam, imperium nullo modo assumpturam. Monuit igitur
vt autoritate illa absoluta, Leicestrium, cui ipsa terminos
circumscripserat, exuant; non quod eorum causam non fouendam
censeat, sed vt honori suo quem vita potiore habet, consulat.
Rescribunt Ordines sibi dolori esse maximo quod absolutam
authoritatem Leicestrio, ipsa inconsulta, deferendo, offensionem
subierint, Vt rei necessitas leniat, orant; cum ad turbas vitandas
eiusmodi auctoritas alicui necessario fuerit deferenda; nec illa
sanè tanta sit, quanta verbum absoluta praese ferre videatur,
cum ipse principatus, & dominatio suprema & domini digni-
tas penes populum integra maneat. Auctoritatem autem delega-
tam reuocare, nihil aliud esse quam in extrema pericula rem Bel-
gicam praecipitare. His Ordinum, & flebilibus Leicestrij
literis qui lachrimis & simulato dolore mitissimae Princi-
pis gratiam reconciliare noverat, offensio paulatim ob-
literata evanuit.

Ille interim omnes Provinciarum contributiones ac-
cipit, leges militares sancit, dumq; negotiationibus, no-
ua imponere vectigalia molitur, magnam apud popu-
lum sibi concitat invidiam. Iam Grauiam Brabantiae op-
pidum ad Mosam fl. Parmensis Belgij sub Hispano Gu-
bernator per Carolum Comitem Mansfeldiae circumpo-
sitis propugnaculis menses aliquot incinxerat. Ad hanc
sublevandum Leicestrius Comitem Hohenloum Ger-
manum, & Ioannem Norrisium Anglum peditibus An-
glicis Praefectum mittit, qui vbi primum munimentum
proximè oppidum erigere ceperant, vnde commeatum,
& subsidium inferrent, Hispani aggressi repulerunt: &
mox Anglorum numeris supervenientibus illi magna
clade

clade repulsi, septem è ductoribus desideratis, Norrisio leuiter fauciato. Hohenlous paulò post perrupto aggere & vndis latè immisissis commeatum & subsidiariam manum cymbis invexit. Simul ac Parmensis ipse advenisset & in oppidum tormentis maioribus effulminasset, Hemartus loci Præfectus iuvenis rei militaris ignarus, ne impressione quidem expectata, sibi & ciuibus incolumitatem pactus, locum dedit; dum interea Leicestrius Bataviam propriè dictam (hodie *Betow*) insulam amnicam inter Rhenum & Vahalim interitam Hispanis expulsis liberat, & iuxta *Telonium* propugnaculum firmat. Grauiam deditam Hemartus ille in exemplar capite luit.

Parmensis in Geldriam Profectus ad *Venlonem* castra ponit quæ Skenkius Frisius, & Rogerus *Williams* Cambrobritannus, viri animosi magno ausu perrumpere intempesta nocte, & in urbem ingredi conati, cæsis hostium nonnullis, ad ipsius Parmensis tentorium penetrarunt. Sed reiecti, spe sua, non sine aliqua præcipitis audaciæ inter viros militares laude, exciderunt, & *Venlo* breui dedita. Interim Baro Willoughbeius *Bergæ* ad *Zomam* Præfectus rem frumentariam hostium intercipit, ex alia parte Philippus Sidneius, & Mauritius Principis Aurasionensis filius *Axelam* Flandriæ oppidum ex improvise capiunt. Sidneius ex hoc successu animo plenus *Grauelingam* à præfidiarijs nonnullis spe inescatus noctu tentat, sed elusus, paucisq; fuorum à *La-Motto* Præfecto qui fraudem composuerat, cæsis, cum reliquis incolumis euadit. Guilielmus Pelhamus Anglis Equitibus Præfectus Brabantiam persultat, Parmensis à *Venlone* *Bercam* iter dirigit, in qua M C C. Angli sub Morgano Chiliarcha, eamque obsidione incingit, ad quam solvendam Leicestrius properat, sed cum se numero imparem, à commeatu minus instructum, nullum in proximo esse receptum, & hostium castra munitissima videret: ut hostem ob obsidione diverteret, ipse *Duisburgam* obsidet, & postquam moenium parte tormentis disiecta, oppugnationem institueret, ad deditionis condiciones preventum, & vrbs in

E e e

potesta-

M. D.
LXXXVI.

*Qua tamen
deditur.
Betonia Hi-
spanos expel-
lit.*

*Audax in-
ceptum.*

*Venlo amit-
titur.*

*Axela capi-
tur.
Grauelinga
tentatur.*

*Duisburga
obsidetur.*

M. D.
LXXXVI.

Ph. Sidneius
occiditur.

potestatem recepta, priusquàm Parmensis à Berca retractus subvenisset.

Ille autem Zutphaniaë vrbi propinquæ metuens, com meatum subvehi iubet, qui dum iterum cœlo nebuloso subvehitur, incidunt Angli per nebulam in Hispanos qui com meatum immiserant. Hinc prælium tumultuarium confertum, Angli è loco munito glandium tempestate vna atque altera impetiti, firmi consistunt; Equitum turmam sub Georgia Cressiaco Albano emissam profligât, ipsum equo à Willoughbeio disiectum capiunt, Hannibale Gonzago cum multis alijs interfecto. Ex Anglis pauci desiderati, sed qui instar plurimorum Sidneius equo perfosso dum alterum ascendit, glande femur traiectus, vicesimo quinto post die magno sui desiderio bonis relicto, in flore ætatis expiravit vix quatuor menses patri superstes. Cui Leicestrius avunculus in Angliam reversus, exequias magno apparatu, & militari ritu in Templo S. Pauli Londini soluit, Iacobus Rex Scotorum Epitaphio parentavit, vtrâq; Academia *Lacrimas* consecravit, & Novum Oxoniaë Collegium elegantissimum *Peplum* contexuit. Hæc & ampliora viri virtus, ingenium splendidissimum, eruditio politissima, moresq; suavissimi meruerunt.

Edw. Stan-
lei ex illis de
Elford, forti-
tudo.

Leicestrius mœstus merensq; licet, propugnacula iuxta Zutphaniam acriter oppugnat, atq; vt foelicius expugnaret, insulam amnicam, & in ea munimentum primum intercipit, inde propugnaculum minus adortus, virtute Edwardi Stanlei cepit, qui arrepta Hispani lancea qua impetitus erat, adeò firmiter tenuit, vt per eam in ipsum propugnaculum attractus fuerit; vnde Hispani territi trepidè se subdixerunt. Stanleium ob fortitudinem Equestri dignitate ornavit Leicestrius, quadraginta libris monetæ Anglicæ in præsentarium, annuaq; pensione c. Marcarum ad vitam muneravit. Nocte insequente Hispani maius propugnaculum cum omni apparatu reliquerunt, & in Zutphaniam se receperunt. Nec Leicestrio visum est obsidere quæ, summa iam hyeme, præsidijs

præsidij in circumpositis oppidis satis obsessa videbatur, Dauentriæ enim intra vi. milliare Anglicum ad Aquilonem egit Guilielmus Stanleius cum m c c peditibus Anglis, & Hibernicis, in Zutphania propugnaculis iuxta Dauentriam Rolandus Yorcus cum viii c peditibus, & c equitibus, Duisburgi intra vi milliare ad Austram Ioannes Boroughus cum viii c peditibus, & c c equitibus, & ad Ortum præsidarij in Lockhamia, Sherenberg, & Doetico erant dispositi.

Leicestrius, cum reliquos milites in oppida deduxisset, & Parmensis longius abscessisset, Hagam revertitur, ubi querulis expostulationibus ab Ordinibus excipitur, *rem nummariam male fuisse administratam, aures eius prauis patere consilijs, auxilium Anglorum numeros non esse completos, extraneos milites nullo Ordinum consensu fuisse conscriptos, disciplinam militarem negligi, currus & cunicularios vi cogi, Prouinciarum privilegia contemni, nouas contributionum formulas excogitari.* Vt his salutare remedium tempestiuè adhibeat, orant. Ille iam Angliam cogitans spem blandè fecit. Quo autem die iam decessurus, Prouinciarum administrationem Ordinum consilio committit, eodem die alio *Restriktionis* Diplomate secretò confecto, authoritatem omnem in Gubernatores Prouinciarum, Urbium, & Arcium sibi reservat, quin imo solitas iurisdictiones Ordinum consilio & Prouinciarum præsidibus adimit, & in Angliam tertio Decembris die traicit. Ita toto hoc anno res Anglicæ in Belgio se habuerunt.

In Anglia verò Philippus Comes Arundeliæ, qui toto iam anno in carcere abditus iacuerat, in Camera Stellata accusatus erat, quòd Sacerdotes contra Leges fouisset, literarum commercium cum Alano & Personio Iesuita Regina hostibus habuisset, scripto publicato regni iustitiæ derogasset, & regno sine licentia exire cogitasset. Ille obsequium in Reginam, & charitatem in patriam professus, se ex religionis Catholicæ studio, & legum ignorantia modestissimè excusavit, iudicioq; confessus se submisit, qui eum x millibus Librarum mulctarunt, & carceri quamdiu Regina visum

M. D.
LXXXVI.

Yorke.

Ordines Leicestrii querelis impetunt

Ille in Angliam redit.

Arundelinus mulctatur.

M. D.
LXXXVI.

*Danici pro
pace interce-
dit.*

Elizabetha
respondet.

*Navarro
pecuniam
suppeditat.*

*Paci cum
Scoto fides.*

Quo consilio.

*Profugi &
Iesuita Scota
diversa sug-
gerunt.*

adiudicarunt. Sed de his anno M D LXXXIX plenius dicendum.

Venerat hoc tempore in Angliam à Frederico II. Danorum Rege Henricus Ramelius in rebus Germanicis Cancellarius, militari apparatu, & sclopetariorum satellitio stipatus, qui propensam Regis Danorum erga Elizabetham & Orbis Christiani pacem fusè declaravit, ad quam cum Hispano conciliandum omnem operam spondit, ne, ut inquit ille, *humani generis hostis sementem bellorum quam in Belgio fecerat, diutius sanguine humano irrigaret.* Illa benignissimè audivit, crebros cum eo sermones habuit, singulari cum humanitate hominem complexa, piumq; Dani animum inprimis laudavit. Respondit autem per Baronem Burghleium Thesaurarium, Carolum Howardum Admirallum, Henr. Baronem Hunsdonum Camerarium, & Fr. Walsinghamum à Secretis, *nihil sibi magis in votis esse, quàm pacem in qua nihil sit insidiarum cum vicinis Principibus colere; perspectis autem Hispani in ipsam molitionibus, non posse suæ saluti non prospicere, veram Christi religionem tueri, & priuilegia confœderatorum vicinorum sarta tecta conservare.* In eandem ferè sententiam, respondit etiam Bodellano quem Parmensis in Angliam de pace tentanda submiserat.

Navarro interim, per cuius latus Guisiani reformatam in Gallia religionem oppugnarunt, pecuniam per Horatium Pallavicinum largè suppeditavit. In nihil tamen magis intenta, quàm ut firmissimam inter Angliam & Scotiam consolidaret amicitiam, vnoque *mutue defensionis & offensionis fœdere* coniungeret, quo spem auxilij è Scotia non solum hostibus externis, sed etiam ipsi Scottorum Reginae præcluderet. Illam enim animo exulceratam periculosa consilia amplecti suspicabatur, ex quo conditiones oblatae reiectæ, *Associatio* inita, atque ipsa in custodiam Amicij Powletti & Drugonis Drurij, ut iam dixi, tradita. Et abrupta sanè consilia hinc Iesuitas, inde nobiles profugos divisim studiis suggestisse ex adversariis ipsorum scriptis satis superque constat. Iesuitæ enim cum nullam

nullam spem Romanam religionem restaurandi vel per illam aut filium superesse viderent, ad novas artes conversi, novum & commentitium ius in regni Angliæ successionem Hispano (cuius vnus magnitudini amplificandæ incumbunt) procudere ceperunt. Miseruntq; in Angliam, vt Pasquierus prodit, Samierum (si non sit nomen ementitum) ex eorum societate qui nobiles in Hispani partes pelliceret, illamq; ad periculosa impelleret, denuntiando quòd *si molesta fuerit, nec illa, nec filius regnaret*, & Guisios cognatos ne opem ferrent, ad novos motus contra Navarrum & Condæum concitando.

Ad fœdus verò conficiendum, quod à Wottono inchoatum Russelli cædes interruperat, & iam Desnevalus è Gallia Legatus, Corcelliusq; homo irrequieti ingenij, nuper ex Anglia ignominiosè eiectus, impedire ceperat, missus est Thomas Randolphus, cuius dexteritas in rebus Scoticis prudens & fœlix habebatur, licèt Regi ob turbas quas in Scotia iam antea dederat, minimè gratus. Proposuit ille Regi easdem fœderis conditiones quas antea Wottonus. Rex articulos de pecunia annua assignata, & de præiudicio in iure suo ad Angliæ Coronam ipsi non faciendo adijci voluit, & in fœderis tabulas referri. Hæc seorsim codicillis cavenda Legatus, vt edoctus erat, promisit, dummodò ille in amicitia colenda constans persisteret. Rex etiam ex charitate in suos proposuit, vt Scoti iisdem immunitatibus in Anglia quibus Angli gauderent. Quod cum Legatus docuisset fieri non posse nisi autoritate Parliamentaria, nec Ordines Angliæ hoc facile concessuros; ille articulis propositis deliberatè assensum præbuit, iussitq; eosdem Regni Proceribus impertiri, vt eorum etiam chirographis firmarentur, licèt Gallicus Legatus primùm obmurmuraret Reginam hoc fœdus expetere, non ex aliquo in Regem amore, sed ex iusto timore ne à coniuratis hostibus mox opprimeretur, postea terrores non sine minis iniiceret amicitiam cum Gallis, quæ Scotis fructuosissima, dissolvendam, postremò obtestaretur ne Galliarum Rege inconsulto, aliquid fieret.

Sed

M. D.
LXXXVI.

*Galli fœdus
impedire con-
stantur.*

*Conditiones
Scotorum
Rex proponit.*

*Nec à Gallis
deterretur.*

M. D.
LXXXVI.

Sed apud Regem qui vana hæc noverat, nec impedimentum nec moram interponere poterat. Noverat enim ille Anglorū vires ex Belgica confœderatione plurimum adauctas, serioque respondit, *Se fiduciam in divina benignitate, & non in eorum amicitia qui Dei gloriæ aduersantur, collocasse. Nec sibi minùs licere fœdus cum Regina pacisci, Gallo inconsulto, quàm Gallo nuper cum illa, ipso inconsulto.* Et quamvis Regina tenacior minorem quàm expectabat pecuniam, miserit, ne fœdus emere videretur, & minùs expressè de successionem caverit: ille tamen pro Zelo in religionem & singulari in illam, & publicam pacem studio, tùm fœdus confici, tùm Carros de Russelli cæde suspectos, vt satisfaceret, in Angliam mitti iussit. Sed illi pridie quàm mittendi, aufugerunt.

Paulò pòst, Iulio ineunte, Berwici convenerunt Edwardus Comes Rutlandiæ, Guilielmus Baro Everus, & Thomas Randolphus à Regina Angliæ; Franciscus Comes Bothwelliæ, Robertus Baro Boidius, & Iacobus Humius Coldenknollius à Scotorum Rege delegati; Fœdusque (quod *Arctioris amicitiae fœdus* appellatum, cum *offensionis* nomen Scotis displiceret) in hæc verba conferunt.

Cùm horum Principium regimen & gubernatio in ea dubia & periculosa tempora inciderint, quibus Principes vicini, qui Catholici dici volunt, Pontificiam auctoritatem agnoscetes, fœderibus mutuis ad veram, puram, & Evangelicam religionem non solum è suis territorijs & dominijs, verùm etiam è regnis alienis extirpandam ac eruendam, amicitias coeunt & fidem astringunt. Ne qui Evangelicam colunt religionem pro eius defensione & patrocinio minus esse solliciti videantur, quàm qui Romanam, pro eiusdem eversione iam serio nituntur: dicti Principes pro maiori suarum personarum securitate, à quorum salute totius populi salus pendet; & pro conservanda vera, antiqua & Christiana (quam nunc profitentur) religione, mutui & socialis fœderis arctius vinculum, quàm hactenus unquam inter suarum Maiestatum Progenitores coaluit, integrè eneundum censuerunt.

Primò

Fœdus Arctioris amicitiae initur.

M. D.
LXXXVI.

Primò igitur, vt hoc tam pium & necessarium vtriusq; Principis propositum in hoc turbulento rerum statu ad vtilitatem publicam, & Euangelicæ veritatis propagationem suum sortiatur effectum: Conuentum, concordatum & conclusum est, quòd ijdem Principes de vera, pura & Euangelica quam nunc profitentur religione, aduersus quoscunq; alios qui eiusdem religionis evertendæ causa, contra alterutrum eorum quicquam molientur, attentabunt, vel facient, tuenda ac conseruanda, hoc sociali & sacrosancto fœdere cauebunt, ac omni quo poterunt studio sedulo conabuntur, & operam dabunt vt reliqui Principes qui eandem colunt veram religionem, vnà cum illis, in hoc tam sancto proposito & fœdere conueniant, iunctisq; viribus, verum Dei cultum in suis ditionibus conseruent, ac sub dicta antiqua & Apostolica religione suum populum tueantur & regant.

Item, conuentum, concordatum & conclusum est, quòd hoc sociale fœdus pro tuenda & retinenda Christiana & Catholica religione, quæ hoc tempore ab vtroq; Principe seruetur, ac in Regnis & ditionibus eorundem diuino fauore colitur, & fouetur, sit & Defensionis & Offensionis fœdus contra quoscunq; qui liberum eiusdem exercitium in eorum Regnis & Dominijs impediant, seu quouis modo impedire conabuntur: non obstantibus quibuscunq; tractatibus, amicitiarum fœderibus, confœderationibus inter alterutrum eorum & eiusdem religionis infestatores seu aduersarios quoscunq; prius initis. Quòd si vllò vnquam tempore Principem aut Statum quemcunq; cuiuscunq; fuerit conditionis horum Principum alterutrius Regna Dominia, seu Territoria, vllamue eorundem partem inuadere aut infestare, suarumue Maiestatum personas aut subditos aliquo damno vel iniuria quauis afficere, eauè seu eorum aliqua attemptare contigerit:

Conuentum, concordatum & conclusum est, quòd horum Principum neuter ab inuaso aut iniuriam damnumue passo certior factus, dictis inuasoribus seu infestatoribus vllum auxilium, consilium, fauoremue vllò tempore palàm aut occulte, directè aut indirectè dabit vel præstabit, quouis consanguinitatis aut affinitatis vinculo, amicitiarum, vel fœderum necessitudine prius inita, vel in posterum ineunda non obstante: in quocunq; inuasionis genere per quemcunq; in posterum inferendæ, seu attentandæ:

Con-

M. D.
LXXXVI.

Conuentum, concordatum, & conclusum est, quòd præfati Principes sibi inuicem suppetias ferent, eo quo sequitur modo, videlicet. Rex Scotiae, si Angliæ Regnum ab externo milite in partibus à regni Scotiae remotis inuadatur infestetur, post requisitionem à Regina Angliæ factam, bis mille equitum & quinque mill. peditum, aut minorem aliquem militum numerum ad arbitrium & requisitionem dictæ Reginae absq. mora mittet, eosdemq. à limitibus Scotiae Angliæ proximè adiacentibus, in aliam quamcunq. Angliæ partem Reginae, sumptibus deduci curabit.

Item, quòd Regina Angliæ, si Scotiae regnum ab externo milite in partibus à regno Angliæ remotis inuadatur, infestetur; post requisitionem dictæ Reginae à Rege Scotiae factam, ter mille equitum & sex mill. peditum, vel minorem aliquem militum numerum ad arbitrium & optionem dicti Regis absq. mora mittet, eosdemq. à limitibus Angliæ, Scotiae, proximè adiacentibus, in aliam quamcunq. Scotiae partem dicti Regis sumptibus deduci curabit.

Item, conuentum, concordatum, & conclusum est, si Regnum Angliæ in Septentrionali plaga infra sexaginta milliaria à limitibus Scotiae disita à quocunq. inuadatur; quòd illustrissimus Scotorum Rex à Serenissima Angliæ Regina requisitus & interpellatus, vniuersas suas quas poterit vires & copias cogendas curabit, & cum effectu absq. vlla cunctatione coget, easdemq. cum Anglicis copijs coniunget, regniq. Angliæ inuasores eorumq. auxiliatores & fautores quoscunq. per triginta continuos dies, illisq. transactis, occasione vel rei necessitate ita exigente, diutius per illud temporis spatium, quo Scotiae subditi pro defensione Regni auxilia ferre antiquitus consueuerunt, & hodie iure tenentur, hostiliter persequetur & profligabit.

Item, quòd cum Scotiae Rex per Angliæ Reginam certior fuerit factus de aliqua inuasionem, aut infestationem quacunq. in regno Hiberniæ, non solum Comitatus Argatheliæ, Insularum, locorumq. eidem Comitatu adiacentium, aliarumq. regni Scotiae partium quarumcunq. incolis interdicit, ne in Hiberniæ Regnum ingrediantur, eosq. ab ingressu penitus arcebit. Verumetiam in posterum quocunq. tempore contigerit, incolas cuiuscunq. partis Regni Scotiae contra sententiam huius tractatus cum aliquo ex-

traor-

M. D.
LXXXVI.

traordinario, seu inusitato militum numero, more hostili in aliquam Hiberniæ regni partem intrare, idem Rex Reginam de huiusmodi ingressu certioratus, Edicto publico infestatores hostiliter in eo regno grassantes tanquam rebelles, publicæ pacis perturbatores, & perduellionis reos denunciabit & persequetur.

Item, quod neuter Principum futuris temporibus ulli perduelli, rebelli, seu ei qui ab alterutro Principe publicè defecerit, auxilium, fauorem, subsidiumq; præstabit, aut ab alijs quouis modo præstari permittet, eosdemuè in suis dominijs aperte vel clam moram facere patietur. Sed uterq; à tempore notitiæ seu primæ requisitionis à Principe, à quo idem defecerint factæ, dictos perduelles seu rebelles sine ulla mora, aut procrastinatione secundum conuentiones in prioribus nostris Tractatibus inter nos, & Prædecessores nostros expressas tradet, seu tradi curabit, vel saltem à limitibus & terminis suorum Dominiorum eosdem recedere coget. Et insuper quamdiu dicti rebelles seu perduelles moram in dictis dominijs traxerint, de omnibus iniurijs damnisq; ab dictis perduellibus illatis idoneè satisfaciet.

Item, quod pro omnibus & singulis iniurijs & controuersijs componendis, quæ à tempore quo Sereniss. Rex Scotiæ Regni gubernaculum in manus suas recepit, & per quadriennij spaciū, illud tempus proxime antegressum in limitibus, limitum occasione, aut inter limitaneos contigerunt, & interuenerunt, Principes utring; intra menses sex à conclusione huius fœderis numerandos, Commissarios aliquot idoneos, pacis studiosos, mandatis ad eam rem aptis & sufficientibus instructos atq; monitos, ad aliquem locum commodum, in utriusq; Regnorum confinio ablegabunt, qui omnes huiusmodi causas & controuersias honorificæ, & amica transactione component, & terminabunt.

Item, quod neuter dictorum Principum cum alio quocunq; Principe, Repub. seu communitate in huius præsentis Fœderis & vñionis præiudicium amicitiam paciscetur, confœderationemue inibit ullam, absq; expresso alterius fœderati Principis consensu, per dicti Principis literas vel propria manu subscriptas, vel priuato Sigillo firmatas prius habito & obtento.

Item, quod uterq; Princeps cum ad hoc per Oratores seu Commissarios alterius Principis, alteruter debite requisitus fuerit, &

M. D.
LXXXVI.

iureiurando & magno suo Sigillo hoc Sanctum Societatis fœdus approbabit & confirmabit ; & insuper in maiorem eiusdem stabilitatem, Diplomata Regia seu Literas Patentes , certo quodam tempore de quo mutuo vtriusq; Principis consensu constituetur, tradet, seu tradi curabit.

Item, quòd priores omnes amicitiarum tractatus & fœderum pacta inter prædictorum Principum Prædecessores, eorumq; Regna & Dominia quamvis in desuetudinem abuisse videantur , in suo robore, firmitate & vigore permanebunt. Et itidem quòd hic præsens mutui fœderis & ætioris amicitie tractatus prioribus, tractatibus & confœderationibus à dictis Principibus cum alijs fœderatis initis nullatenus derogabit, aut eorum pondus & auctoritatem vlla ex parte diminuet (purioris Religionis quam in suis Regni dicti Principes nunc tuentur & colunt defensione duntaxat excepta) quo casu præsens fœdus defensionis & offensionis ratum & inconcussum in suo robore intelligimus permanfurum.

Item, quòd Rex Scotiæ, quum vicefimum quintum ætatis suæ annum impleuerit, quamprimum id commodè facere poterit, per publicum Regni sui conuentum dictum Fœdus approbabit & confirmabit, approbari & confirmari faciet. Et item Reginalis sua Maiestas per Procures & alios Regnorum suorum Angliæ & Hiberniæ status , in Parlamento idem faciet & præstabit fieri & præstari procurabit.

Coniuratio
in Elizabethæ
vitam.

Eodem mense quo hoc Fœdus sancitum, coniuratio perniciosissima in Elizabetham deprehensa est, cuius ortum & progressum ex ipsis coniuratorum spontaneis cōfessionibus, quàm potero paucissimis proponam. In Anglico Rhemis Seminario quidam, dum omnipotentiam quandam in Pontifice Romano quasi attoniti admirarentur; Pij v. Bullam in Elizabetham à Spiritu Sancto dictatam crediderunt : Principesq; excommunicatos è medio tollere meritorium esse, imò & Martyrium, ea in causa vitam profundere, sibi & alijs Martyrij gloriam aucupantibus persuaferunt. Hæc Giffardus Theologiæ Doctor, Gilbertus Giffardus, & Hodgesonus Sacerdotes, Ioanni Sauagio (nothum fuisse perhibent) homini ma-
nu

nu prompto adeò penitus inculcarāt, vt ille Elizabetham perimere, libens lubensq; vouerit. Eodemq; tempore librum scripserunt (nec alio quidem consilio, quàm vt securitatem Reginæ & Consiliarijs speciosè præstarent, viamq; suis sceleribus occultè præstruerent) quo Pontificios in Anglia monuerunt, ne quid in Principem molirentur; sed Christianorum armis, lachrimis, rationibus spiritualibus, assiduis Precationibus, Vigilijs, Ieiunijs, contra aduersarios depugnarent. Simulq; rumorem falsum per susurrone diffeminarunt Georgium Giffardum è cohorte Nobilium Reginæ stipatorum in eadem Reginæ iurasse, & hoc nomine Guisium grandi pecunia emunxisse.

Ad Pascha, I. Ballardus è Rhemenfi Seminario Sacerdos, qui plurimos Pontificios per Angliam & Scotiam inuiserat, & animos tentaverat, in Galliam comitatus Maudo Walsinghami emissario, simulatore vaferrimo, qui illi imprudenti fucum fecerat, redit; & cum Bernardino Mendoza Hispani, iam ordinario in Gallia Legato, & Carolo Pagetto Scotorum Reginæ deuotissimo de invadenda Anglia agit; utiq; iam tempus esse peropportunum, viris militaribus in Belgio absentibus. Nec opportunius posse sperari, quando quidem Pontifici Rom. Hispano, Guisio, & Parmensi Angliam aggredi ad bellum ex Belgio divertendum, deliberatum erat. Et quamvis Pagettus Angliam frustra invadi, Regina superstite, dilucidè doceret, Ballardus tamen in Angliam remittitur iuratus, vt auxilia invadentibus, & libertatem Scotorum Reginæ quamprimum procuraret.

Ad Pentecostem in Anglia appulit ille sericatus Sacerdos militari habitu, & ementito nomine *Capitaneus Foscu* appellatus. Egit Londini hisce de rebus cum Antonio Babingtono à *Dethico* in Comitatu Derbiensi, iuvene natalibus claro, opulento, ingenio splendido, & supra ætatem erudito, qui Romanæ religioni addictus, nulla impetrata venia, in Galliam ignotus paulò antea profectus, familiariter vsus est Th. Morgano è Regiæ Scotorum

M. D.
LXXXVI.
*Qua arte
obtectæ.*

Ballardus
in Galliam
redit.

In Angliam
remittitur.

Babingtonū
conuenit.

M. D.
LXXXVI.

Insidias docet

Babingtonus
literis
Reginae Sco-
torum re-
spondet.

torum clientela, & Episcopo Glasguensi eiusdem Legato, qui cum heroicis tantæ Reginae virtutes assidue prædicando, certam spem magnorum honorum per illam ostentassent; quam ambitiosus iuuenis facile arripuit; eum etiam ne cogitantem quidem literis Scotorum Reginae commendarunt. Etenim ubi in Angliam rediisset, illa eum benigne literis salutavit, & iam inde Morganus eius opera usus erat in transmittendis ad illam literis, donec illa in Amicij Powletti custodiam committeretur. Tunc enim iuuenis perspecto periculo, destitit. Cum hoc, inquam, Babingtono, de rebus quas dixi, egit Ballardus. Ille invasionem Angliæ in nihilum abituram, dum Elizabetha superesset, planè putavit. Cum autem Ballardus illam non diu superfuturam innuisset, quippe Sauagium, qui è medio tollere vouerat, in Angliam iam venisse: non placuit Babingtono ut res tanta vni Sauagio committeretur, ne ausu excideret, sed potius sex viris nobilibus & strenuis, in quorum numerum Sauagium accenseretur, ne voti suscepti damnaretur. Itaque Babingtonus novam iniit rationem de regno per externos invadendo, de portibus ubi appellerent, de auxilijs quæ adiungerentur, de Scotorum Regina liberanda, & de tragica (ut ille vocavit) Reginae cæde patranda.

Dum huic cogitationi totus incumbit, per puerum ignotum literas familiari Scotorum Reginae inter ipsos caractere accipit, quæ illum diuturni silentij leniter incusat, & iubet ut literarum fasciculum à Morgano missum, & per Legati Gallici amanuensem traditum quamprimum mitteret. Quod fecit, unaqueque per eundem nuntium literas ad illam dedit, in quibus *silentium excusat quòd opportunitate mittendi destitueretur, ex quo illa in custodiam Amicij Powletti Puritani, merè Leicestriani, & Catholicae fidei hostis acerrimi* (ita enim vocavit) *data fuerit. Quæ cum Ballardo contulerat, explicat, docet sex Nobiles selectos esse qui cædem tragicam patrarent, se autem cum centum alijs eodem tempore ipsam liberaturum. Orat ut heroicis in hac re actoribus* (ita enim appellavit) *præmia proponerentur, vel posteris si in eadem*

*eadem interciderint. His Literis die xxvii Iulij respondetur, propensissimum Babingtoni in Catholicam religionem & ipsam studium collaudatur: Monetur autem. vt consideratè aggrederetur, vtq; Associatio inter ipsos, quasi à Puritanis time-
rent, iniretur; nec quicquam moueretur priusquàm de externis auxilijs certò constiterit: vt aliquis etiam in Hibernia tumultus excitaretur, dum in hac parte plaga infligeretur, Arundelius, & fratres, Northumbriusq; in partes pertraherentur, Westmorlandius, Pagettus, & alij domum clam reuocarentur. Ratio etiam liberandi præscribitur, vel currum in porta subuertendo, vel stabula incendendo, vel ipsam intercipiendo, dum per campestria inter Chartleiam & Staffordiam animi gratiâ obequitaret. Postremò Babingtonus iubetur sex Nobilibus & cæteris de præmijs fidem interponere.*

Ille iam sibi aggregauerat quosdam Nobiles Romanæ religionis studio inflammatos, inter quos primarij erant Edwardus Windesorijs, Baronis Windesorij frater, molli ingenio adolescens, Tho. Salisburius ex Equestri familia in agro Denbighensi, Carolus Tilneius antiqua generis claritate, vnica spes familiæ, è cohorte Nobilium stipatorum Reginæ, quem iam pridem Ballardus Romanæ Ecclesiæ reconciliauerat, ambo iuvenes spetiosissimi, Chidiocus Tichburnius ex Comitatu Southamptonensi, Edwardus Abingtonus, cuius Pater Aulæ Regiæ fuerat Proquæstor, siue vt vulgò vocant, Cofferarius, Robertus Gagæus è Surria, Ioannes Trauersus, & Ioannes Charnocus ex Comitatu Lancastrensi, I. Ionesus cuius pater Vestiarius erat Mariæ Reginæ, Sauagius quem dixi, Barnwellus ex nobili Hiberniæ familia, Henricus Dunus inter Rationales Primitiarum & Decimarum scriba. In Societatem etiam se insinuauit Pollius, in Regiæ Scotorum negotijs apprimè instructus, simulandi & dissimulandi peritissimus, qui omnia eorum consilia Walsinghamo indies aperuisse, & iuvenes in mala pronos peiora suggerendo præcipites impulisse creditur, licèt Navus Regiæ Scotorum Secretarius submonuisset vt ab eo cauerent.

His

M. D.
LXXXVI.
Respondetur.

Coniurationis participes

Charnock.

M. D.
LXXXVI.
*Sua partes
unicuiq;
assignatae.*

*Colloquia
inter eos.*

*Eorum vani-
tas.*

His rem communicat Babingtonus, sed non omnia singulis, literas suas & Reginae Scotorum Ballardo, Tichburno, & Duno ostendit, agit cum Tilneio, & Tichburno, ut percussores sint. Illi primum cæde Principis manus contaminare abnuunt, Ballardus, & Babingtonus conantur docere, licitum esse Principes excommunicatos è medio tollere, & si ius violandum, religionis Catholicæ causa violandum. Hinc ægrè persuasi assensum quodammodo adhibent, Abingtonus, Barnwellus, Charnocus & Sauagius prompti & alacres in cædem iurant. Salisburius ut esset Regicida nullo modo induci poterat, ad liberandam autem Scotorum Reginam operam ultro promittit. Percussoribus supernumerarium Tichenorum designat Babingtonus, de cuius fide & fortitudine sibi persuaserat, sed ille iam peregrè aberat. Iubet Babingtonus ne cuiquam nisi silentij iuramento prius præstito, rem impertiant. Conferunt coniurati subinde de his rebus in S. Ægidij Campis, in Templo Paulino, in tabernis vinarijs, per quas assidue convivia agitârunt spe magnorum honorum inflati; subinde collaudantes fortitudinem nobilium Scotorum, qui non ita pridem Regem Sterlinij interceperant, & Girardi Burgundi qui Aurasionensem è medio sustulerat. Eò etiam fatuæ vanitatis processerant, ut percussores designatos ad vivum in tabulis depingi voluerint, & inter eos Babingtonum medium cum hoc versiculo. HI MIHI SVNT COMITES QVOS IPSA PERICVLA DVCVNT. Sed cum hic versiculus, ut magis apertus minùs placeret, pro eo substituerunt QVORSVM HÆC, ALIÒ PROPERANTIBVS? Has tabulas incoeptas ferunt, Reginaeque clam ostensas, quæ nullos de vultu agnovit præter Barnwellum, qui sæpius accesserat in causis Comitissæ Kildariæ, è cuius erat clientela; verum alijs indiçijs edocta illa hominem novit. Certè cum prodeambulans Barnwellum cerneret, imperterrita hominem aspexit, & ad Hattonum Satellitum Præfectum, & alios, conversa dixit, Nónne ego pulchrè stipata quæ ne vnum in Comitatu habeo gladio accin-

accinctum. Hoc enim cæteris coniuratis retulit ipse Barnwellus, & quàm facilè illa è medio tunc tolli poterat, si coniurati adfuissent, demonstrat. Sauagius itidem hoc asseueravit.

Iam nihil magis anxium habuit Babingtonum, quàm ne fides data de externis auxilijs falleretur. Ad eam igitur firmandam statuit ipse in Galliam trajicere, & Ballardum, eo nomine occultè præmittere, cui numerata pecunia, facultatem proficiscendi sub ficto nomine procurauerat. Utq; omnem suspicionem longè à se amoveret, per Pollium quem dixi, se Walsinghamo insinuavit, maioremq; in modum contendit, ut sibi licentiam proficiscendi in Galliam à Regina impetraret, pollicitus egregiam operam in rimandis & aperiendis abstrusioribus profugorum pro Regina Scotorum molitionibus. Ille iuuenis consilium laudavit, nec solum licentiam proficiscendi, sed multa & magna promisit si hoc præstaret. Procrastinavit tamen rem totam, quam illi ne Solem quidem scire credebant, sua & aliorum solertia, sed præcipuè Gilberti Giffardi Sacerdotis indicio expiscatus.

Hic è clara familia apud Chellingtoniam in agro Staffordienfi haud procul à Chartleia, ubi Regina Scotorum asseruabatur, natus, à profugis missus erat hisce diebus in Angliam sub ementito *Lusoni* nomine, ut Sauagium voti suscepti admoneret, & internuntius lateret ad literas inter eos, & Reginam Scotorum transmittendas: cum in negotium tam periculosum nec Comitissam Arundeliæ, nec Baronem Lumleium, nec Henricum Howardum, nec G. Shirleium pertrahere potuissent.

Profugi, ut periculum facerent an per Giffardum tuta esset transmittendi ratio, primum paginas albas & vacuas (*Blacks* vocant) in fasciculos instar literarum compactas sæpiùs miserunt, quas cum traditas ex responsis comperissent, iam confidentiores etiam alias furtiuus notis de suis negotijs subinde miserunt. Verùm Giffardus siue conscientia discruciat, siue pretio priùs corruptus, siue terrore perterritus, iam antea Walsinghamum clam ac-
cesserat,

M. D.
LXXXVI.

Babingtonus de externis auxilijs sollicitus. Ballardum ad id mittere cogitat.

Walsinghamo simulatè se insinuat.

Ille simulatè simulatè fallit.

Giffardus coniurationem aperit.

M. D.
LXXXVI.

*Literas ac-
ceptas ad
Walsingha-
mum mittit.*

cesserat, qui sit, & quo consilio in Angliam missus edo-
cuerat, omnem operam ex charitate in patriam & Principem detulerat, & omnes vel à profugis, vel à Regina Scotorum literas acceptas communicare promiserat. Walsinghamus occasionem oblatam amplexus, hominem comiter excepit, in Comitatum Staffordiensem misit, scripsitq; ad Powlettum ut aliquem è famulis à Giffardo corrumpi conniventer permetteret. Ille quasi nolens quemq; è famulis *per simulationem proditorem fieri*, ut dixit, renitens tamen permisit, ut cervisarium, vel avenarium qui iuxta habitarent, corrumpere. Giffardus cervisarium pauculis aureis facile corrupit, qui per foramen in muro, cui lapis demptilis impositus erat, literas submisit & recepit quæ semper per compositos tabelliones ad Walsinghami manus devenerunt. Ille resignavit, descripsit, singulari arte Thomæ Phelipps furtivas notasprehendit, & Arthuri Gregorij artificio ita consignavit, ut nemo resignatas iudicaret, atque ad eos quibus superscriptæ erant, misit. Ita interceptæ erant illæ priores Reginae Scotorum ad Babingtonum, eiusdem ad illam responsoriæ, & alteræ ad eum (quibus subdole additum eodem Characterem postscriptum, ut nomina sex nobilium ederet, si non & alia) necnon quæ eodem die ad Mendozam Hispani Legatum, Carolum Pagettum, Baronem Pagettum, Archiepiscopum Glasguensem, & Franciscum Inglefeldum conscriptæ, quæ singulæ discriptæ, atque transmissæ.

*Ballardus
abitusus in-
tercipitur.*

Elizabetha, statim atque ex his literis tam horridam tempestatem hinc à domesticis, inde ab externis sibi impendere intellexit, iussit ad coniurationem maturè opprimendam Ballardum intercipi. Ex improvviso itaq; ille in Babingtoni ædibus capitur in ipso temporis articulo, cum iam ad Gallicum iter accinctus esset. Babingtonus hinc totus animo sollicitus & suspensus inter mille incerti animi fluctuationes æstuat, mentem huc illuc versat, ad Tichburnum se confert, & quid agendum consulit. Ille, ut coniurati protinus se segregarent, & diffugerent, monuit.

nuit. Visum autem Babingtono, Sauagium & Charnocum, ad cædem patranda illicò submittere; prius tamen, vt facilius pateret aditus, splendidiores & magis aulicas vestes Sauagio apparare; & hac de re sermones cum illis eodem die in Templo Paulino habet. Sententiâ mox mutatâ, intimos solitudinis aculeos occultans Walsinghamum in Aula absentem literis & importunis efflagitationibus vrget, vt licentia proficiscendi in Galliam iam tandem concederetur, simulq; interpellat pro Ballardo liberando, qui sibi in negotio suscepto inprimis esset vsui. Walsinghamus blandis promissis hominem de die in diem lactat. Quod Ballardus captus, in Youngum sagacem illum Pontificiorum venatorem, & apparitores transfert, atq; Babingtonum vt ab id genus hominum sibi caueret, quasi amicè submonet; facileq; iuueni persuadet, vt tantisper donec Regina licentiæ codicillum signaret, & ipse Londinum rediret, in ipsius Londini ædibus pernoctaret, quò occultius de tantis rebus inter se agerent, & ne qua suspicio ex crebris eò itationibus apud profugos, cum in Galliam veniret, oboriretur.

Interim imperatum est Scudamoro Walsinghami famulo vt eum diligentissimè observaret, & ubiq; comitaretur, scilicet, quò tutior esset ab apparitoribus. Hanc telam Walsinghamus clam cæteris Reginae Consiliarijs hætenus texuerat, & longius protendere voluit. Noluit autem Regina, Ne, vt ipsa dixit, *non cauendo periculum cum posset, Deum magis tentare, quàm in Deo sperare videretur.* Mittitur itaq; ex Aula schedula à Walsinghamo ad famulum, vt intentiori cura Babingtonum observaret. Hæc non consignata, ita tradita est, vt Babingtonus in mensa legenti iuxtà adsidens vnà legerit. Hinc malè sibi conscius, & singula diluxisse suspicatus, nocte insequente, cum in taberna vinaria ille, Scudamorus, & vnus & alter è Walsinghami famulis largius coenassent, quasi symbolum daturus, pallio gladioq; relictis, surrexit, & per tenebras Westmonasterium se proripuit, vbi Gagæus cum illo vestimenta permutavit, qui eadem mox in Charnoci

cubiculo

G g g

cubiculo

M. D.
LXXXVI.Babingtonus de eoli-
berando so-
licitat.Et ipse in
nassam inci-
dit.Ille tamen se
explicat.

M. D.
LXXXVI.

In sylvis la-
tet.

* Harrow-
hill.

Repertus.

Ceteri etiam
capti.

Singula de-
tegunť.

Gorge

Scotorum
Regina à
suis abduci-
tur.

cubiculo exuit, & Charnoci induit, simulq; in *Sylvam S. Ioannis* iuxta urbem se subdixerunt, quò Barnwellus & Dunus etiam se receperunt. Publica interim præconis voce proditores per vniversam Angliam declarantur. Illi in sylvis & avijs latitantes cum pecuniam mutuam à Legato Gallico, & equos à Tichburno frustra petijissent: Babingtono capillitium tondent, nativam faciei pulchritudinem virentibus iuglandium culeolis siue corticibus devenustant, fameq; adacti Bellamiorum ædes (prope * *Collem Harroum* petunt) qui Romanæ religioni admodum addicti. Ibi in horreis occultantur, aluntur, & rustico habitu vestiuntur. Decimo autem post die reperti, Londinum ducuntur, Urbisq; publicam lætitiā campanarum pulsationibus, pyris per plateas accensis, Psalmis-que cantandis testatur, vsq; adeò vt cives ingentes à Regina laudes, & gratias retulerint.

Ceteri coniurati mox capti, plerique in urbis vicinia, Salisburius in Comitatu Cestrensi equo à persequentibus transfosso, & Trauersus cum eo, postquam *Weuer* flumen tranassent; & in Wallia Ionesus qui invasionis destinatæ haudquamq; ignarus, eos ædibus suis postquam proditores declaratos cognoverat, occultaverat; & Salisburium fugientem equo, eiusq; famulum (qui sacrificus) pallio permutato instruxerat. Solus Windsorus non repertus. Plures dies in his examinandis insumpti sunt, qui se invicem suis confessionibus iugularunt, nihil veri reticentes.

Toto hoc tempore Scotorum Regina famulique, tam vigili custodia à Powletto obsepti tenebantur, vt hæc ipsam omninò latuerint, etsi per vniversam Angliam notissima. Simul autem ac isti capti, Th. Gorgius missus erat qui eam de his certiolem paucis faceret, quod ne opianti quidem ex composito fecit, cum illa iam equum ad venandum conscendisset; nec redire permissum, sed specie honoris per vicinas nobilium ædes circumducitur. Interea I. Manerius, Ed. Astonus, Rich. Bagotus, & Guil. Waadus, qui totius rei ignarus in has partes iam-
pridem

pridem missus, ex potestate Regijs codicillis delata, Nauum & Curlum Secretarios, aliosque famulos seorsim servandos custodibus tradiderunt, ne inter se, aut cum Regina sermones haberent. Et foribus conclavis effractis, omnes arculas in quibus chartæ repositæ, suis Siggillis munitas ad Aulam miserunt. Deinde Powlettus iussus, in pecuniam omnem invasit, ne quos illa pretio corrumpere, fidemque restituendi interposuit. Arculis coram Elizabetha excussis,prehenduntur multorum exterorum literæ, literarum etiam ad multos exemplaria, breviaria, & occultorum characterum indices plus minus sexaginta; necnon quorundam Angliæ Procerum ad illam literæ amoris & officij plenissimæ. Quod tamen Elizabetha silentio dissimulavit iuxta quod pro symbolo vsurpavit (V I D E O, T A C E O) Verum illi rem subodorati, ne eidem fauisse viderentur, deinceps infensè adversari ceperunt.

Iam Giffordus, cum huic scænæ inserviisset, in Galliam tanquam exul amandatur, relictâ prius apud Gallicum in Anglia Legatum chartula indentata cum documento, ut literas à Regina Scotorum, vel à profugis acceptas non alij cuiquam traderet, quàm qui parilem chartulam exhiberet, quæ ab illo ad Walsinghamum clam submissa. Iste in Galliam reversus, post aliquot menses in carcerem ob vitæ turpitudinem coniectus, & de his suspectus, miserè expiravit, pleraque iam dicta non gravatè confessus, quæ etiam ex scrinijs comperta.

Die xiii Septembris, septem è coniuratis in iudicium vocati, se reos agnoverunt, & læsæ Maiestatis damnati. Perendie alij septem itidem vocati, se reos inficiati, Deo & Patriæ ex more se iudicandos submiserunt, qui ex suis confessionibus rei peracti, & damnati. Pollius solus, etiamsi omnium conscius, cum affirmasset se Walsinghamo quædam indicasse, in iudicium non vocatus. Die mensis xx. priores septem in Campis S. Ægidij ubi convenire soliti, patibulo & tabulato ad id erecto, suspensi, demissi, genitalibus abscissis, vivi videntesque; exenterati,

G g g 2

&

M. D.
LXXXVI.

*Arcule cum
literis ad
Reginam
mittuntur.*

*Giffordus
in Galliam
remissus mi-
serè perijt.*

*Coniurati
iudicio si-
stuntur.*

*Supplicio
afficiuntur.*

M. D.
LXXXVI.

& membratim dissecti, non sine crudelitatis nota, scil. Ballardus architectus sceleris à Deo veniam deprecatus, & à Regina, adiecta conditione, si in illam peccasset. Babingtonus (qui Ballardii supplicium intrepidus spectavit, dum cæteri auersi in genua prouoluti precibus vacarent) peccata ingenuè agnovit; è patibulo dimissus, iam disseccandus clarè subinde exclamavit Latinè, *Parce mihi Domine Iesu*. Sauagius funiculo rupto, è patibulo decidit, & statim à carnifice arreptus, genitalibus abscissis, & vivus exenteratus. Barnwellus crimen religionis & conscientiae obtentu extenuauit. Tichburnus scelere demississimè agnito, magnam apud multitudinem circumfusam commouit misericordiam; itidem Tilneius modesto animo & spetioso corpore. Abingtonus turbido ingenio minas iactans, & terrores intendens de cruore propediem in Anglia effundendo. Postridiè reliqui septem ad eundem locum pertracti, eodem genere mortis sunt affecti, sed mitius ex Reginae iussu quæ superiorem fauittiam exosa. Singuli enim ex suspendio penitus expirarent, priusquam demissi & exenterati. Salisburius primus admodum poenitens, Catholicos monuit ne vi & armis religionem restituere molirentur. Similiter qui eum sequutus Dunus. Ionesus protestatus se Salisburium ab incepto dissuasisse, elatū, præcipitemq; Babingtoni animum, & inuasionis consilium omninò damnasse. Charnocus & Trauersius in preces defixi, se Deo & Sanctis commendarunt. Gagæus munificam Reginae in patrem benignitatem prædicans, & perfidam sui ipsius in Principem optimè meritam ingratitudinem detestatus. Hieronymus Bellamius, qui Babingtonum postquam proditor, publicè declaratus, occultauerat, (cuius frater eiusdem criminis conscius, se in carcere strangulavit) confusus & filens agmen clausit.

*Amannenses
Scota exami-
nantur.*

Supplicio de his sumpto, Navus Gallus, & Curlus Scotus, qui Scotorum Reginae ab Epistolis, examinati de literis, literarum exemplaribus, notulis, & characteribus in Reginae conclauis deprehensis, sponte suis subscriptionibus

nibus agnoverunt, sua ipsorum esse autographa; ab ipsa Gallicè dictata, à Nauo excepta, à Curlo Anglicè conversa, & occultis characteribus descripta. Nec inficiati sunt illam à Babingtono literas accepisse, & se illius iussu in eam quam dixi sententiam rescripsisse. An hi pretio hanc ad rem adducti fuerint, non dixero. Hoc tamen ex literis certum est, cum Curlus promissà à Walsinghamo hoc tempore exigeret; Walsinghamum illum ut immemorem *extraordinariæ gratiæ* arguisse, ut qui nihil confessus fuit, nisi quod Nauo socio coram premente, diffiteri non poterat.

Mox Edwardus Wottonus in Galliam mittitur, qui Regi coniurationis seriem explicaret, & literarum Reginæ Scotorum, & aliorum exemplaria testimonijs nobilium Angliæ ad veritatem asserendam confirmata exhiberet, ut Gallus videret quanta pericula molitionibus Morgani, Caroli Pagetti, & aliorum in Gallia contra Angliæ Reginam struerentur.

Quid de Scotorum Regina fieret, Consiliarij non vnum idemq; senserunt. Alij nihil asperius in eam statuendum censuerunt, sed arctissimè custodiendam tum quòd non criminis author, sed tantum conscia, tum quòd valetudinaria, nec diu superfutura. Alij ut religioni confuleretur, protinus è medio tollendam, & ex lege. Leicesterius veneno maluit, & Theologum submisit qui Walsinghamum hoc licere doceret. Protestabatur autem Walsinghamus tantum abesse ut vim afferri probaret, ut Mortonij consilium iam pridem fregerit, qui suaserat ut in Scotiam remitteretur, & in ipso regnorum collimitio occideretur. Variatum iterum è qua lege in illam ageretur, an ex illa anni xxv Edwardi Tertij (qua *Majestatis læsæ* tenetur, qui Regi aut Reginæ perniciem struxerit, bellum in eius regno mouerit, aut hostibus adhæserit) an ex illa anni xxvi Elizabethæ, quam dixi. Vicit tandem eorum sententia qui ex hac postrema maluerunt, utiq; ad hanc rem nata, ideoque accommodanda. Ex lege igitur illa superiori anno lata, ut inquireretur, & sententia pronuntiaretur

M. D.
LXXXVI.

*Gallus de his
edocetur.*

*Quid de illa
fiat, variatur*

*Et qua lege
inducetur.*

M. D.
LXXXVI.

*Delegati ad
causam an-
diendam.*

tiaretur in illos qui rebellionem concitaverint, regnum invaserint, aut Reginae vim inferre tentaverint, plures è Sanctiori Consilio & Angliæ Proceribus Diplomate delegati sunt. Quorum nomina (cùm seriem & attributa Procerum Angliæ, posterorum intersit cognoscere) ex ipso autographo subijcere visum. Quod formula forensi ita se habet.

Elizabetha Dei gratia Angliæ, Franciæ, & Hiberniæ Regina, Fidei Defensor, &c. Reuerendissimo in Christo Patri Ioanni Cantuariensi Archiepiscopo, totius Angliæ Primate & Metropolitano, & vni de priuato Consilio nostro, Ac prædilecto & fideli nostro Thomæ Bromley Militi, Cancellario Angliæ, alteri de priuato Consilio nostro, Ac etiam prædilecto & fideli nostro Willielmo Domino Burghley, Domino Thesaurario Angliæ, alteri de priuato Consilio nostro, Ac etiam charissimo consanguineo nostro Willielmo Marchioni Wintoniæ, vni Dominorum Parlamenti, Charissimo consanguineo nostro Edw. Comiti Oxoniæ magno Camerario Angliæ, alteri Dominorum Parlamenti, Necnon Charissimo consanguineo nostro, Georgio Comiti Salopiæ, Comiti Marefcallo Angliæ, alteri de priuato Consilio nostro, Charissimog, consanguineo nostro Henrico Comiti Cantia, alteri Dominorum Parlamenti, Ac etiam charissimo consanguineo nostro Henrico Comiti Derbiæ, alteri de priuato Consilio nostro, Charissimog, consanguineo nostro Willielmo Comiti Wigornia, alteri Dominorum Parlamenti, Necnon charissimo consanguineo nostro Edw. Comiti Rutlandiæ, alteri Dominorum Parlamenti, Ac charissimo consanguineo nostro Ambrosio Comiti Warwick, Magistro Ordinationum nostrarum, alteri de priuato Consilio nostro, Charissimog, consanguineo nostro Henrico Comiti Penbrochiæ, alteri Dominorum Parlamenti, Necnon charissimo consanguineo nostro Roberto Comiti Leicestriæ, Magistro Equorum nostrorum, alteri de priuato Consilio nostro, Ac charissimo consanguineo nostro Henrico Comiti Lincolnia, alteri Dominorum Parlamenti, Ac etiam charissimo consanguineo nostro Antonio Vicecomiti Montague, alteri Dominorum Parlamenti, Prædilectog, & fideli nostro Carolo Domino Howard magno Admirallo nostro Angliæ, alteri de priuato Consilio nostro, Ac prædilecto

prædilecto & fideli nostro Henrico Domino de Hunsdon, Domino Camerario nostro, alteri de priuato Consilio nostro, Necnon prædilecto & fideli nostro Henrico Domino Abergauennia alteri Dominorum Parlamenti, Ac prædilecto & fideli nostro Edw. Domino Zouche, alteri Dominorum Parlamenti, Ac etiam prædilecto & fideli nostro Edw. Domino Morley, alteri Dominorum Parlamenti, Prædilectoq; & fideli nostro Willielmo Domino Cobham, Domino Guardiano Quinq; Portuum nostrorum, alteri de priuato Consilio nostro, Necnon prædilecto & fideli nostro Edw. Domino Stafford, alteri Dominorum Parlamenti, Ac etiam prædilecto & fideli nostro, Arthuro Domino Grey de Wilton, alteri Dominorum Parlamenti, Ac etiam prædilecto & fideli nostro Ioanni Domino Lumley, alteri Dominorum Parlamenti, Ac etiam prædilecto & fideli nostro Ioanni Domino Sturton, alteri Dominorum Parlamenti, Ac prædilecto & fideli nostro Willielmo Domino Sandes, alteri Dominorum Parlamenti, Necnon prædilecto & fideli nostro Henrico Domino Wentworth, alteri Dominorum Parlamenti, Prædilecto & fideli nostro Lodouico Mordant, alteri Dominorum Parlamenti, Prædilectoq; & fideli nostro Ioanni Domino S. John de Bletso, alteri Dominorum Parlamenti, Necnon prædilecto & fideli nostro Thoma Domino Buckburst, alteri de priuato Consilio nostro, Ac prædilecto & fideli nostro Hen. Domino Compton, alteri Dominorum Parlamenti, Ac etiam prædilecto & fideli nostro Hen. Domino Cheney, alteri Dominorum Parlamenti, Dilecto & fideli nostro Francisco Knolles Militi, Thesaurario Hospitij nostri, alteri de priuato Consilio nostro, Necnon dilecto & fideli nostro Iacobo Croft Militi, Contrarotulatori dicti Hospitij nostri, alteri de priuato Consilio nostro, Ac dilecto & fideli nostro Christophero Hatton Militi, Vicecamerario nostro, alteri de priuato Consilio nostro, Ac etiam dilecto & fideli nostro Francisco Walsingham Militi, vni primariorum Secretariorum nostrorum, alteri de priuato Consilio nostro, Ac etiam dilecto & fideli nostro Willielmo Dauison Armigero, alteri primariorum Secretariorum nostrorum, de priuato Consilio nostro, Ac dilecto & fideli nostro Radulpho Sadleir Militi, Cancellario Ducatus nostri Lancastrie, alteri de priuato Consilio nostro,

M. D.
LXXXVI.

Morley

M. D.
LXXXVI.

nostro, Necnon dilecto & fideli nostro Waltero Myldmay Militi, Cancellario Scaccarij nostri, alteri de priuato Consilio nostro, Ac dilecto & fideli nostro Amicio Poulett Militi, Capitaneo Insule nostrae de Iersey, alteri de priuato Consilio nostro, Dilectoq; & fideli nostro Ioanni Wolley Armigero, Secretario nostro pro lingua Latina, alteri de priuato Consilio nostro, Ac etiam dilecto & fideli nostro Christophoro Wraie Militi, Capitali Iustitiario ad Placita coram nobis tenenda assignato, Dilectisq; & fidelibus nostris Edmundo Anderson Militi, Capitali Iustitiario nostro de Banco, Rogero Manwood Militi, Capitali Baroni Scaccarij nostri, Thomae Gawdy Militi, Vni Iustitiariorum nostrorum ad Placita coram nobis tenenda assignato, & Willielmo Periam, Vni Iustitiariorum nostrorum de Banco, Salutem, &c. Deinde ne verbatim describam. Post recapitulationem Legis (siue Actus vt nostri vocant) anno superiori sanctae, haec sequuntur. Cum post finem Sessionis Parlamenti, scilicet, post primum diem Iunij Anno Regni nostri vicesimo septimo, diuersae res compassatae & imaginatae fuerunt, tendentes ad lesionem personae nostrae Regiae, tam per Mariam filiam & heredem Iacobi Quinti nuper Scotorum Regis, ac communiter vocatam Reginam Scotorum & Dotariam Franciae, prae tendentem titulum ad Coronam huius regni Angliae; quam per diuersas alias personas, cum scientia, Anglice with the priuities eiusdem Mariae, prout datum est nobis intelligi. Cumq; nos intendimus & determinamus, quod Actus praedictus in omnibus, & per omnia foret rite & effectualiter executus secundum tenorem eiusdem Actus, quodq; omnes offensiones supradictae in Actu supradicto, vt praefertur mentionatae & circumstantiae earundem forent examinatae, & sententia siue Iudicium superinde detur secundum tenorem & effectum Actus illius: Vobis & maiori vestrum parti plenam & integram potestatem, facultatem, & auctoritatem secundum tenorem Actus damus, ad examinandum omnes & singulas res compassatas & imaginatas, tendentes ad lesionem personae nostrae Regiae, tam per praedictam Mariam, quam per quascunq; alias personas, vel quamcunq; aliam personam, cum scientia, Anglice with the priuities eiusdem Mariae, & omnes circumstantias eorundem, ac omnes alias offensiones supradictas, quascunq; in Actu supra-

supradicto ut prefertur mentionatas, & omnes circumstantias earundem offensas & earum cuiuslibet. Ac superinde secundum tenorem Actus prædicti ad dandum sententiam sine iudicium, prout super bonam probationem materia vobis apparebit. Et ideo vobis mandamus, quod ad certos dies, & loca quos vos, vel maior pars vestrum ad hoc prouideritis, diligenter super præmissa, in forma prædicta procedatis, &c.

Horum plerique Fotheringhiam Castrum in Comitatu Northamptoniæ ad Newst. ripam, xi die Octobris accesserunt, ubi Scotorum Regina tunc custodita. Postridie delegati ad eam miserunt Walterum Mildmaium, Powlettum, & Edwardum Barkerum Notarium publicum, qui Elizabethæ literas illi in manum tradiderunt, quas cum perlegisset, vultu ad Regiam dignitatem composito & animo sedato, *Male me habet*, inquit, *Reginam Sororem mihi charissimam perperam de me edoctam esse, & tot annos iam arctè custoditam, membrisq; captam, postquam tot æquas conditiones pro libertate obtulerim, neglectam iacuisse. Quanquam de pluribus periculis plenè præmouerim, fides tamen mihi nulla adhibita, sed semper ego spreta, licet sanguinis vinculo ei coniunctissima. Cum Associatio iniretur, & lex Parliamentaria inde sanciretur, prævidi quicquid periculi vel ab exteris Principibus foras, vel a maleficanis domi, vel religionis causa acciderit, mihi fore præstandum, cum in Aula multos habeam infestos aduersarios. Iniquè sane, nec sine causa ferrem fœdus cum filio meo, me inconsulta, initum esse; sed huiusmodi præmitto. Quod ad has literas, nouum mihi videtur, ut Regina mihi tanquam subdito imperet ut me iudicio sistam. Regina ego sum absoluta, nec quicquam committam quod Maiestati Regiæ, mei loci, & ordinis Principibus, & filio sit frandi. Nondum animus decedit, nec calamitati succumbam. Refero me ad ea quæ coram Bromleio nunc Cancellario, & Barone Lawaro protestata sum. Angliæ Leges & Statuta mihi sunt ignotissima, Consiliarijs sum destituta, qui mihi Pares planè nescio; chartæ & notulæ sunt ablatæ, nullus est qui patronum mihi se præbere audeat. Ego omnis contra Reginam criminis expers, neminem in eam concitavi, nec in crimen vocanda, nisi ex verbo meo aut scripto, quæ in*

Hhh

me

M. D.
LXXXVI.

*Illæ literis
exemplò re-
sponder.*

M. D.
LXXXVI.

Responso ad-
dit.

Comparere
recusas.

me haudquaquam produci poterunt. Diffiteri tamen non possum me memet, & causam meam exteris Principibus commendasse.

Postridie ad eam nomine Delegatorum redierunt Powlettus & Barkerus, qui monstrarunt hoc responsum in scripta relatum, & an in eodem persisteret, rogarunt. Cum distinctè perlectum audisset, ut probè & verè conceptum laudavit, & in eo se perstituram dixit. *At hoc,* inquit, *mibi animo excidit quod adjici velim. Quod Regina scripserit me subiectam esse Angliæ legibus, & ex illis iudicandam, quoniam sub earum tutela vixi. Respondeo, me in Angliam ad opem implorandam venisse, iam inde verò in carcere detentam, legum Angliæ tutela, vel beneficio frui non potuisse, imò nec à quopiam quales sint leges illæ, hæcenus intelligere licuit.*

A meridie nonnulli selecti è Delegatis cum Iuris Cæsarei, & Canonici peritis eam accesserunt. Cancellarius verò & Thesaurarius auctoritatem ex Diplomate declararunt, nec captivitatem, nec Regiæ Maiestatis prærogativam posse eam à respondendo in hoc Regno eximere docuerunt, utq; obijcienda audiret blandè monuerunt: sin minùs, se ex legis auctoritate, & posse, & velle in eam absentem agere interminati. Illa respondit, *Se subditam non esse, & malle millies perire, quàm se subditam agnoscere: quandoquidem agnoscendo, & Regiæ Maiestatis sublimitati præiudicium ferret, simulq; se omnibus Angliæ legibus etiam in re Religionis teneri fateretur; nihilominùs in libero & pleno Parlamento ad omnia paratam esse respondere, cum nesciat an dicis causa, & ad speciem, hic conuentus contra eam iam præiudicijs condemnatam instituat. Ut conscientiam igitur consulant, & meminerint orbis terrarum Theatrum Regno Angliæ longè ampliùs patere submonet.* Cepit deinde de iniurijs sibi illatis conqueri, & Thesaurarius interrumpens, Elizabethæ in eam beneficia enumerare; scilicet, quæ in nonnullos impugnantes ius quod in Angliam vendicat, animadverterat: & impedierat quò minùs ab Ordinibus Regni obnuptias cum Norfolcio expetitas, rebellionem in plaga Boreali, & alia, damnaretur. Quæ cum illa nihili æstimare videretur, recesserunt.

Post

Post aliquot horas per Powlettum & Sollicitatorem capita Diplomatis, & nomina Delegatorum exhibuerunt, ut videret ex æquo & bono, non ex versuto iure, & extra ordinem agendum esse. Illa nullam contra Delegatos exceptionem opposuit, at acerrimam contra legem nuperam, è qua autoritas Diplomatis tota dependit; utiq; iniustam esse, in se compositò excogitatam, exemplo carere, & cui nunquam se subijceret. Rogavit ex quo iure procederent, si ex Cæsareo vel Canonico, interpretes è Papia, vel Pictonibus, alijsq; externis Academijs accersendos dixit, cum idonei in Anglia non reperiantur. Addidit etiam ex disertis verbis in Reginae literis constare se criminis ream iam præiudicatam esse, etsi inauditam; ideoq; non esse cur se coram illis sisteret, postulavitq; ut satisfieret de nonnullis in istis literis scrupulis, quos confusè, & raptim sibi seorsim annotaverat, sed descriptos tradere noluit, cum è dignitate Regia non sit, ut dixit, scribæ partes agere.

Hac de re selecti illi Delegati rursus eam adierunt, quibus significat se non satis percipere quid velint illa verba, *Cum sit sub Reginae protectione.* Cancellarius respondit, *Hoc cuius intelligenti clarè patere, subditorum tamen non esse interpretari quid Regina sibi vellet, nec ad hoc se delegatos esse.* Postulavit illa deinde Protestationem quam quondam fecerat, ostendi, atq; approbari. Responsum, eam nunquam approbatam fuisse, nec iam approbandam, cum sit fraudi Coronæ Angliæ. Rogavit qua autoritate procederent. Responsum, ex autoritate Diplomatis & Iure Civili Anglorum. At, inquit, *vos pro lubito Leges sancitis, quibus non est cur ego memet submittam, quandoquidem Angli olim Legi Salicæ Gallorum se submittere recusarunt. Quòd si ex iure Civili Anglorum procederent, exempla cicerent, cum ius illud ex exemplis & consuetudine magnam partem constet. Sin ex iure Canonico, non alij quàm eiusdem conditores interpretari debeant.* Responsum est, quòd procederent nec ex iure Cæsareo, nec Canonico; sed ex Anglico. Ex Cæsareo tamen & Canonico demonstrari posse, quòd co-

M. D.
LXXXVI.

*Contra no-
nam Legem
excipit.*

*Protestationē
admitti ro-
gat.*

M. D.
LXXXVI.

ram illis comparere debeat, si hoc audire non recusaret. Nec recusavit illa quidem audire, sed *interlocutoriè*, vt dixit, non *iudicialiter*.

Hinc in alios sermones incidit, scilicet, se nihil in exitum Reginae cogitasse, iniurijs & indignitatibus succensuisse, se in offensionis lapidem futuram si tam indignè habeatur; per Nauum operam obtulisse de Pontificis Rom. Bulla revocanda, voluisse innocentiam per literas tueri, sed nec hoc permissum: deniq; singula quæ detulerat x x annis benevolentiae officia, reiecta fuisse. Huiusmodi digressiunculis longius proVectam revocarunt, & rogarunt vt dilucidè diceret, an coram Delegatis responderet. Illa retulit, *Authoritatem illam delegatam esse ex nupera Lege ad ipsam illaqueandam sancitam: se Reginae Leges quas meritò suspectas habet, non posse ferre. Se boni animi haëtenus plenam, nolle iam in maiores suos Scotorum Reges committere, agnoscendo se Anglicæ Coronæ subditam esse. Hoc enim nihil aliud esse quàm illos rebelles & perduelles palam profiteri. Non recusare tamen respondere, modò in subditæ ordinem non redigatur. Malle verò funditus perire, quàm vt Criminalis respondere.*

Hattonus
comparere
suadet.

Ad hæc Hattonus Elizabethæ Procamerarius. *Accusaris (at non condemnaris in perniciem Dominae nostræ, Reginae inunctæ coniurasse. Reginam te esse dicis. Esto. At Regium fastigium nec iure Casareo, nec Canonico, nec Iure gentium, nec Naturæ, à non respondendo in huiusmodi crimine eximitur. Omnis enim iustitia vacillaret, imò iaceret, si id genus flagitia impunè designarentur. Si innocens sis, tuæ existimationi vim inferis, iudicium declinando. Innocentem te protestaris, verum Elizabetha aliter sentit, nec sine causa, & dolenter quidem. Ad innocentiam itaq; examinandam, viros honoratissimos, prudentissimos, & integerrimos delegavit, qui ex æquitate cum favore te audituri, & ex animo gaudebunt si hoc crimen dilueris. Crede mihi, ipsa Regina magna letitia afficietur, quæ mihi discedenti affirmavit, nihil sibi accidisse tristius, quàm te huiusmodi criminis insimulari. Quare supernacaneo Regij fastigij priuilegio seposito, quod nulli iam sit*

sit vsui, iudicio te sistas, innocentiam ostendas, ne subterfugiendo, suspicionem attrahas, & eternam existimationi labem aspergas.

Non recuso, inquit illa, respondere pleno Parlamento coram Regni Ordinibus legitime conuocatis, modò successioni proxima declarer; imò coram Regina & Consiliarijs, modò Protestatio admittatur, & proxima Regine consanguinea agnoscat. Aduersariorum iudicio, apud quos scio omnem innocentie defensionem fore interclusam, memet submittere planè nolo. Cancellarius interrogavit an responderet, si Protestatio admitteretur. Nunquam, inquit, Legi nuperæ in Diplomate memoratæ me subijciam. Hinc intulit Thesaurarius, Nos nihilominus die crastino licet absens fueris & contumax permanseris, in causa procedemus. Conscientiam, inquit illa, excutite, honori consulite, Deus vobis & hæredibus pro vestro in me iudicio retribuat.

Die crastino, qui Mensis XIII. accersuit quosdam è Delegatis, rogauitque vt Protestatio admitteretur & approbaretur. Thesaurarius interrogauit an iudicio se fisteret, si Protestatio solummodò reciperetur, & in scripta redigeretur, sine approbatione. Annuuit tandem, gravatè tamen, ne, vt dixit, prædecessoribus aut successoribus derogare videretur, sed percupidam esse obiectum crimen diluendi, persuasa Hattoni rationibus quas cogitatè perpenderat.

Mox convenerunt in Camera Præsentali Delegati qui aderant. Solium in superiori Camerae parte, pro Regina Angliæ positum erat sub Vranisco. E regione inferius & remotius, iuxta transtrum Cathedra pro Regina Scottorum, ad parietes vtrinque sedilia, in quibus hinc confederunt Cancellarius Angliæ, Thesaurarius Angliæ, Comites Oxoniæ, Cantij, Derbiæ, Wigornię, Rutlandiæ, Cumberlandiæ, Warwici, Penbrochiæ, Lincolnæ, & Vicecomes Montisacuti; inde Barones Abergauennius, Zouchæus, Morleius, Staffordus, Greius, Lumleius, Sturtonus, Sandius, Wentworthus, Mordantus, de S. Ioanne à Bletsho, Comptonus, & Cheineius. Iuxta hos sederunt Equites

M. D.
LXXXVI.

Comparere
contenta est.

Forma sessio-
nis.

M. D.
LXXXVI.

c.
Hord.

*Cancellarius
illam affatur.*

*Illa protesta-
tur.*

*Protestatio in
scripta rela-
ta.*

Equites aurati à Sanctiori consilio, Iacobus Croftus, Christophorus Hattonus, Franciscus Walsinghamus, Radulphus Sadleirus, Walterus Mildmaius & Amicius Powlettus. Antrosum ante Comites sederunt Iustitiarj duo primarij, & Capitalis Baro Scaccarij: ex altera parte Barones duo, alij Iustitiarj, Dalus, & Fordus Iuris Ciuilis Doctores; ad mensulam intermediam Pophamus Procurator Regius, Egertonus Sollicitator, Gaudius Regius ad Legem Seruiens, Clericus Coronæ, & duo Actuarij.

Cum illa aduenisset & in sede se composuisset, silentio indicto, Bromleius Cancellarius ad eam conversus, in hanc sententiam pauca verba habuit. *Serenissima Angliæ Regina certior non sine summo animi angore facta, te in suam, Angliæq; perniciem, necnon in Religionem machinatam fuisse, ex officio, ne Deo, sibi, & populo defuisse videretur, & ex nulla planè animi malitia, hos Delegatos constituit, qui audiant quæ tibi obijcientur, quomodo obiecta diluas, & innocentiam demonstras tuam.* Illa assurgens dixit, *Se in Angliam ad promissum auxilium implorandum venisse, nihilominus iam inde in carcere detentam fuisse. Protestata est, Se subditam Reginae non esse, sed Reginam liberam & absolutam fuisse & esse, nec adigendam vt coram Delegatis sistatur, aut quocunq; iudice, quacunq; de causa, nisi vno Deo, Iudice supremo: ne Regiæ suæ Maiestati, filio Scotorum Regi, successoribus, aut cæteris Principibus absolutis præiudicaret. Cæterum se iam præsentem comparere vt obiecta crimina refelleret. Suos autem rogauit vt hoc testarentur.* Cancellarius non agnoscens auxilium fuisse promissum, respondit, *Protestationem hanc inuani esse, eò quòd quicunq; cuiuscunq; loci, & ordinis sit, contra Leges Angliæ in Anglia deliquerit, iisdem subijciatur, & ex nupera Legge examinetur & iudicetur. Protestationem igitur illam in præiudicium Legum & Reginae Angliæ factam, minimè admittendam esse.* Delegati tamen iusserunt tam illius Protestationem, quàm Cancellarij respõsionem in acta referri. Deinde Diplomate quod ex lege sæpius iam dicta fundatum, publicè perlecto, illa animosè contra eam legem, vtiq; contra se directè & compositò sancitam, Protestationem

tionem interponit, & hac de re eorum fidem appellat. Cum responsum esset à Thesaurario, singulos in hoc Regno legibus etiam nuperrimis teneri, nec eam debere legibus obloqui: Delegatos verò ea ex lege iudicatos, quascunque illa interponet Protestationes, aut Appellationes; demùm se ad audiendum & respondendum de quocunque contra Angliæ Reginam facto paratam dixit.

Gaudius legem iam sigillatim explicauit, illam in eandem peccasse asseruit, & hinc historicam Babingtonia coniurationis narrationem contexuit, conclusitque illam, hanc consciuisse, comprobasse, assensisse, opem promississe, viam & rationem monstrasse. Illa animo erecto respondit, Se Babingtonum non nosse, literas ab eo nunquam accepisse, nec ad eum scripsisse, perniciem Regine nunquam struxisse: & ad hoc euincendum suam ipsius propria manu subscriptionem in medium producendam. Se nunquam hac de re vel fando audiuisse, Ballardum nesciuisse, nunquam fouisse; à nonnullis verò intellexisse Catholicos in Anglia multa agerrimè ferre, & hoc Reginam suis literis edocuisse, utque eorum misereretur, efflagitasse. Plures etiam omninò ignotos sibi operam detulisse, se tamen neminem ad scelus concitasse: atque in carcere conclusam quid isti moliantur nec scire, nec impedire potuisse.

Hinc ex Babingtoni confessione vrgetur commercium per literas inter eam & Babingtonum intercessisse. Agnouit colloquium per literas cum multis intercessisse, non inde tamen posse colligi, se omnia praua eorum consilia conscisse. Postulauit ut sua ipsius manu subscriptio in medium produceretur, & rogauit, cui damno esset, si literas toto ferè anno detentas repetijset. Exemplaria deinde literarum Babingtoni ad eam perlecta, in quibus tota machinatio descripta. Quod ad has litteras, Fieri possit, inquit, ut Babingtonus scriberet, at probetur me accepisse. Si Babingtonus aut alij hoc affirmarint, eos aperte mentiri aio. Aliorum crimina non in me coniicienda. Fasciculus literarum, qui toto ferè anno detentus, sub id tempus ad manus peruenit, sed per quem transmissus, planè nescio.

Ad

M. D.
LXXXVI.

Processus

Obiecta negat.

Literarum
exemplaria
prolata.

M. D.

LXXXVI.

*Et quadam
ex Babingtoni confes-
sione.*

*Illa perne-
gat.*

*Ex Sauagij
& Ballardii
confessionibus
urgetur.*

*Et ex literis
ad Babingtonum.
Inficiatur.*

*Walsinghamum per-
stringit.*

Ad comprobandum illam Babingtoni literas accepisse legebantur ex Babingtoni confessione capita literarum, quas illam rescripsisse sponte confessus fuerat. In quibus, cum mentio fieret de Arundelia Comite, & fratribus, Northumbriisq;, lachrimis prorumpentibus, dixit, *Hei mihi, quæ & qualia meâ causâ pertulit nobilis illa Howardorum familia!* Pauloq; post lachrimis absterfis, respondit, Babingtonum posse, quæ lubuit fateri. Apertum autem esse mendacium se eiusmodi euadendi rationes excogitasse. Cybras, quibus apud alios vsa erat, aduersarios faciliè potuisse nancisci, & iisdem multa falsò perscribere. Verisimile non esse ut opera Arundelij, quem carcere conclusum nouerat, vteretur, aut Northumbrij qui admodum iuuenis, & sibi ignotus.

Lectæ erant itidem excerpta è Sauagij & Ballardii confessionibus, qui facti erant Babingtonum illis impertijisse literas à Scotorum Regina acceptas. Illa Babingtonum nullas à se accipisse affirmavit, imò alijs consilia de inuadenda Angliâ clam suggerentibus indignatam esse, & monuisse ut cauerent. Prolatæ iam literæ in quibus machinatio Babingtoni laudatur & comprobatur. Harum exemplum requisivit, affirmavit, non à se prodijisse, sed forsan ex suo Ciphrarum in Gallia Alphabeto, se ad libertatem recuperandam, quod ipsa natura fert, incubuisse, & cum suis ut liberarent, egisse; nonnullis tamen, quos nominare non lubuit, operam ad liberandum deferentibus ne verbo quidem respondisse. Percupijisse tamen ut persecutionis procellam à Catholicis auerteret, & hoc summo perè à Regina rogasse. Regnum se nolle sanguine vel infimi ex fœce plebis, nedum Regina, comparare; multos esse qui perniciofa, ipsa ignara, moliuntur, & recentissimis quas acceperat, literis, veniam à quibusdam petitam fuisse, si ipsa inconsulta, quid aggredierentur. Facile esse aliorum characteres & Cybras ementiri, quod iuuenis qui se fratrem nothum filij venditarat, nuper in Gallia fecit. Vereri etiam ne hoc in suum caput iam factum per Walsinghamum, quem in suam & filij vitam machinatum fuisse inaudierat. Protestatur in Reginae perniciem ne cogitasse quidem, se malle lubentissimè vitam profundere, quàm ut sua causa Catholici in odium sui ita affligerentur, & ad dira

sup-

supplicia raperentur. Simulq; lachrimas vbertim effudit.

At, inquit Thesaurarius, Nemo qui se ciuem obsequentem præstiterat, Religionis causa fuit morte affectus, sed nonnulli ob proditionem, dum Pontificis Bullam, & authoritatem contra Reginam assererent. Ego tamen, inquit illa, aliter audiui, etiam & in libris editis legi. Eiusmodi librorum authores, retulit ille, etiam Reginam Regia dignitate excidisse scribunt.

Walsinghamus, qui se modò verbis perstrictum senserat, occasione arrepta, assurgens & animum nulla malevolentia suffusum protestatus. Deum, inquit, testor me, vt priuatum nihil probo viro indignum, nec pro publica quam gero persona, nihil quod meo loco nō dignum fecisse. Fateor me anxie sollicitum de Regina & Regni salute machinationes in eam curiosè indagasse. Si operam suam Ballardus mihi detulisset, non recusaram, operamq; nauatam compensaram. Si quid ego cum illo machinatus sim, cur non enuntiauit, vt vitæ consuleret? Illa hoc responso se acquiescere dixit. Rogavit, ne succenseret quòd liberè dixerit, quæ fando acceperat. Vtq; non magis crederet illam calumniantibus, quàm illa suggillantibus eum. Exploratores ambiguae esse fidei homines, qui aliud simulant, aliud dicunt: Vtq; nullo modo crederet illam in Reginae exitium consensisse. Iam rursus in lachrimas effusa. Animæ, inquit, naufragium coniurando in perniciem charissimæ sororis nunquam fecerim. Responsum est à Iurisperitis, hoc testimonijs mox evincendum. Hæc ante meridiem.

A meridie, vt hoc evinceretur, prolatum est exemplar literarum quas Carolus Pagettus scripsit, & eam accepisse Curlus alter ex Amanuensibus testatus est, de colloquio inter Mendozam & Ballardum de Consilio Angliam invadendi, eamq; liberandi. Hoc nihil ad rem esse, respondit, nec probare se in Reginae perniciem consensisse. Perrexerunt porrò Iurisconsulti, vt eam & coniurationis consciam fuisse, & in Reginae cædem coniurasse ex Babingtoni confessione, atq; literis inter eam & Babingtonum comprobarent, in quibus ille eam Dominam Reginamq; suam Serenissimam salutarat: obiterq; meminerunt consilium initum esse de Regno Angliæ in Hispanum transcribendo.

M. D.
LXXXVI.

Ille se defendit.

Caroli Pagetti literæ proferuntur.

Et Babingtoni.

M. D.
LXXXVI.

*Et Amanu-
ensium testi-
monia.*

*Illa eorum
fidem eleuat.*

*De Regno
transferendo
arguitur.*

do. Illa agnovit Sacerdotem adiisse & dixisse, *si non interueniret*, quod & ipsa & filius hæreditate excluderetur. Sacerdotis autem nomen edere noluit, addidit Hispanum ius sibi in regnum Angliæ arrogare, nec alijs quam ipsi cessurum. Testimonijs deinde Nauui & Curli Amanuensium presserunt ex Babingtoni confessione, & mutuis inter eam & Babingtonum literis, omnisq; probationum fides eorum testimonio nitebatur; nec tamen illi coram producti. Curlum virum probum esse agnovit, sed non idoneum in se testem, Nauum quondam ab Epistolis Cardinali Lotharingo, à Gallia Rege sibi cõmendatum, facile aut pretio, aut spe, aut metu pertrahi posse, vt falsum perhiberet testimonium, vtpote qui iureiurando temerè se subinde obstrinxerat, Curlumq; ita facilem habuerat, vt ad eius nutum, quæ iussit, scriberet. Fieri posse vt isti literis insererent, quæ non dictarat; fieri etiam posse eiusmodi literas ad eorum manus pervenisse, quas tamen nunquam vidit; & in huiusmodi verba prorupit. *Omnis omnium Principum & Maiestas & salus iacet, si ex Amanuensium scriptis & testimonio dependeant. Ego illis nihil dictavi nisi quod natura mihi dictavit, vt libertatem tandem aliquando recuperare. Nec ego nisi ex meo ipsius verbo, aut scripto sum conuincenda. Si quid illi scripserint, quod Reginae sorori sit fraudi, me plane insciente, scripserunt, & inconsiderate audacie pœnas luant. Certò scio, si coram adesent, me extra omnem hanc culpam causamq; ponerent. Et ego si chartule meæ ad manus essent, singulatim ad hæc responderem.*

Inter hæc, Thesaurarius obiecit quod filium in Hispaniam mittere, iusque quod in Anglia regno vendicat, in Hispanum conferre destinârat. Cui illa *Regnum sibi nullum esse quod deferre posset, licitum tamen esse sua pro suo arbitrio donare, nec rationem cuiquam reddere.* Cùm Cyphrarum Alphabeta Babingtono, D. Lodovico, & Fernhurstiæ transmissa è Curli testimonio obijcerentur, non negavit, quin illa plura descripserat, & inter alia, illud pro D. Lodouico, cùm illum, & alium ad Cardinalis dignitatem commendasset; & citra offensam, vt speravit, quandoquidem non minùs sibi sit
licitum

licitum literarum commercia habere, & res suas cum hominibus suæ religionis agere, quàm Regiæ cum alterius cultoribus. Deinde consentientibus Naui & Curli testimonijs iteratis spissius presserunt, & illa sua responsa iteravit, aut præcisè negando repulit; iterum protestando se nec Babingtonum, nec Ballardum nosse. Inter hæc, cum Thesaurarius interiecisset, eam probè nosse Morganum, qui Parrium percussorem in Reginam submiserat, illiq; annuam pensionem assignasse. Retulit se nescire an Morganus hoc fecerit, scire autem Morganum sua causa omnia amisisse, ideoq; honoris sui interesse illum subleuare, nec teneri iniuriam ab amico bene merito Regiæ illatam vlisci: ab eiusmodi tamen sceleratis inceptis hominem deterruisse. Verumenimverò pensiones, inquit, ex Anglia Patricio Graio & Scotis mihi aduersantibus fuerunt assignatæ, uti & filio. Respondit Thesaurarius. Cum res Regni Scotici Proregum negligentia fuerint admodum accisæ, Regina Regi filio tuo cognato coniunctissimo aliquid munificè elargita est. Prolata sunt postea capita literarum ad Inglefeldum, & ad Baronem Pagettum, & Bernardinum Mendozam, de externis auxilijs. Cum autem illa respondisset, Hæc non facere ad Regiæ exitium. Quod si exteri eam liberare satagerent non sibi obijciendum, & se subinde Regiæ aperte significasse quòd libertati suæ consuleret; res in craftinum prorogatur.

Die craftino, illa Protestationem superiorem iteravit, & in acta referri, exemplumq; sibi tradi postulavit, lamentando æquissimas, quas Regiæ conditiones sæpius proposuerat, semper fuisse reiectas, etiam cum promiserit filium, Ducisq; Guisij filium obsides dare, ne quid detrimenti per se Regina aut regnum Angliæ caperet. Spem omnem libertatis omnino præclusam iam antea vidisse, nunc verò indignissimè secum agi, cuius honor & existimatio in quæstionem deuocatur coram forensibus causidicis, qui singulas circumstantias in consequentias contortis conclusiunculis trahunt, cum Principes inuncti & consecrati non iisdem legibus, quibus priuati subijciantur. Præterea, cum delegata sit illis authoritas examinandi, res ad læsionem Regiæ personæ tendentes, nihilominus causa ita agitur, &

M. D.
LXXXVI.
*Et suorum
testimonijs
premitur.*

*Pensionem
Morgano
assignatam
excusat.*

*Et pensiones
Scotis con-
cessas retor-
quet.*

*Denuò pro-
testatur, cum
querimonia.*

M. D.
LXXXVI.

literæ torquentur, ut Religio quam profitetur, immunitas & Maiestas Principum exterorum, & priuata inter Principes commercia in questionem deducantur, & ipsa infra Regiam dignitatem quasi rea pro Tribunali sistatur. Nec alio consilio, quam ut Reginae gratia, & suo in successione iure prorsus excluderetur: cum illa sponte comparuerit ut obiecta dilueret, ne bonori & innocentiae defuisse videretur. In memoriam etiam revocauit, Quomodo ipsa Elizabetha in questionem de coniuratione Wiati pertracta fuisset, cum tamen illa innocentissima; religiosè affirmando, Etsi Catholicorum incolumitati consultum optauerit, nolle tamen ut cuiuscunq; cade & sanguine hoc fieret. Se maluisse Hestheram, quam Iuditham agere, intercedere apud Deum pro populo, quam infimum de populo vita spoliare. Expostulavit inimicos divulgasse se irreligiosam fuisse. Tempus autem, inquit, erat, cum me in Protestantium Religione informari vellem, verum informari noluerunt, quasi de anima mea susq; deq; ferrent. Iam perorans. Cum omnia, inquit, in me egeritis, & meo me iure excluderitis, vos causa & spe cadatis. Simulq; ad diuinum numen, Principesq; agnatos appellatione facta, & protestatione iterata, rogauit ut alter haberetur hac de re conuentus, utq; Patronus ad causam agendam daretur, & Princeps cum sit, verbo Principis crederetur. Imprudentiae enim extremae esse, eorum iudicio stare, quos praëiudicijs contra se armatos planissimè vidit.

Burgheius
respondet.

Ad hæc Thesaurarius. Cum duplicem, inquit, personam gero, alteram Delegati, alteram Consiliarij, primum paucula à me tanquam Delegato accipe. Protestatio in aëla relata est, & eiusdem exemplum tibi tradetur. Authoritas sub Reginae chirographo & Magno Angliae Sigillo nobis delata est, à quo nulla est pronocatio; nec cum praëiudicio venimus, sed ad iustitiae amussim iudicaturi. Jurisperiti ad nihil aliud collineant quam ut veritas elucescat, quatenus in Regiam personam deliqueris. Potestas nobis facta est plenaria rem audiendi & examinandi, etiam te absente; adesse tamen volumus ne bonori detraxisse videremur. Nec cogitauimus tibi quicquam obijcere, nisi quod in Regiam personam consciueris, aut tentaueris. Literæ non alio consilio perlectæ sunt, quam ad facinus

facinus contra Regiam personam, & ad illud spectantia explicanda, quæ ita cum alijs rebus intertexuntur, ut seiungi non possint. Ideoq; literæ integræ, & non particula, hinc inde excerptæ publicè perlectæ, quandoquidem circumstantiæ fidem faciant quibus de rebus cum Babingtono egeris.

Illa interfata, Circumstantias probari posse dixit, at factum nunquam, integritatem suam non ex Amanuensium fide & memoria dependere, etsi ingenuos norit. Si tamen ex tormentorum metu, spe præmij, & impunitatis aliquid fassi sint, non admittendum ex iustis causis quas alibi proferat: hominum animos affectibus variè circumagi, illos nunquam huiusmodi nisi in rem vel spem, confiteri voluisse. Literas posse ad alios, quàm ad quos scribuntur, dirigi, & multa quæ non dictauerat, sæpius fuisse inserta. Si chartulæ non ablata fuissent, & Amanuensem haberet, obiecta feliciter confutaret.

At nihil, inquit Thesaurarius, nisi à x i x. die Iunij obicietur, nec chartulæ proderunt, cum Amanuenses & Babingtonus ipse tormentis intacti affirmauerint te literas illas ad Babingtonum dedisse, quod etiamsi tu neges, an potior tamen fides affirmationi quàm negationi habeatur, Delegati indicarint. Verum ut ad rem redeam. Hæc ut Consiliarius denuntio, multa de libertate subinde proposuisti, Quod successu caruerint, à te fuit, vel Scotis, & non à Regina. Proceres enim Scotia Regem obsidem tradere omninò recusarunt. Et cum postremò de libertate tractaretur, Parrius à Morgano cliente tuo ad Reginae cædem submissus erat. Ah, inquit illa, tu mihi aduersaris. Imò, refert ille, Aduersarijs Reginae Elizabethæ ego aduersor. Sed de his satis, ad probationes igitur pergamus. Cum illa audire abnueret. Nos tamen, inquit ille, audiemus, & ego etiam: inquit illa, alio loco audiam, & memet defendam.

Releguntur iam literæ ad Carolum Pagettum, quibus docuit non aliam superesse Hispano rationem Belgium in ordinem redigendi, quàm constituendo Principem in Anglia qui ipsi sit vsui; ad Baronem Pagettum ut ad Angliam invadendam auxilia acceleraret; Alani Cardinalis, quibus illa eam Serenissimam suam Dominam salutauit, & rem Principis Parmensis curæ commendatam significavit.

M. D.
LXXXVI.

Illa interfatur.

Ille pergit.

Iterum literæ proferuntur.

Illa interfatur.

M. D.
LXXXVI.

*Amanuensi-
bus fidem de-
rogat.*

⁊

⁊

*Eos periurij
arguit.
De Regno
transcriben-
do iterum ac-
cusatur.*

Respondet.

vit. Inter legendum hæc illa interposuit, Babingtonum & Amanuenses illam accusasse, ut se excusarent, nunquam de sex percussoribus audiuisse, cætera nihil ad rem facere. Alanum pro Præsule reuerendo habere, se aliud Ecclesiæ Caput quàm Pontificem Rom. non agnoscere. Quo in loco ab eo & exteris Principibus habeatur non ignorare, nec posse impedire si Angliæ Reginam in literis salutarent. Amanuenses, cum contra officium fidemq; iureiurando ipsi firmatam egerint, fidem minimè mereri. Semel peierantibus, si per omnes Deos iterum iurarent, minimè credendum. Nec istos se in foro conscientie obstrictos quocunq; iureiurando existimare, quandoquidem fidelitatem & taciturnitatem iam antea ipsi iurauerint, nec Angliæ sint subditi. Nauum seps aliàs quàm ipsa dictarat, scripsisse, & Curlum scripsisse quæcunq; Nauus iusserat. Ipsam verò velle istorum culpam in omnibus sustinere, nisi quæ labem honori inferant. Istos etiam hæc fortean confessos esse ut sibi consulerent, dum confitendo putarent non ipsi officere, quacum ut cum Regina mitius agendum existimarunt. De Ballardo nihil audiuisse, sed de quodam Hallardo qui operam suam detulerat, quam tamen recusarat, eò quòd eundem etiam Walsinghamo operam dicasse acceperat.

Postea, cum notulæ literarum ad Mendozam quas Curlus se privato charactere descripsisse agnouerat, prælegerentur, & ex illis premeretur, quasi ius Regni in Hispanum transferre cogitaret, Alanumque & Personium ea de causa Romæ iam hædere. Illa suos fidem iureiurando firmatam fregisse conquesta, respondit. Cum captiua sine spe libertatis curis elanguescerem, nec spes ulla superesset ea perficiendi, quæ plurimi à me & ætate & valetudine iam inclinata expectarunt: visum erat nonnullis ut successio regni Angliæ in Hispano, aut aliquo Catholico Anglo constabiliretur. Liberq; mihi ad Hispani ius astruendum missus erat, qui cum non admitteretur, ego apud nonnullos offensam subij: Cæterum spe omni iam in Anglia desperata, stat mihi sententia, opem externam nolle reijcere.

Sollicitator Delegatos submonuit, quid de illis & eorum honoribus, fortunis, & posteris fieret, si Regnum ita transferretur. Thesaurarius autem docuit Regnum An-

Angliæ transferri non posse, sed successionis iure ex legibus descendere; atque interrogavit, si plura vellet.

Illa postulavit, ut in pleno Parlamento audiretur, vel Reginam (quam Regina rationem habituram speravit,) & Consiliarios præsens alloqueretur. Iamque magna vultus securitate assurgens, cum Thesaurario, Hattono, Walsinghamo, & Comite Warwicenses pauca seorsim contulit. His peractis, Conventus in x xv. diem Octobris ad *Cameram Stellatam* Westmonasterij prorogatur. Haftenus hac de re è *Commentarijs Edwardi Barkeri Regiæ Maiestatis Regestarij Principalis, Tho. Wheeleri Notarij publici, Audientie Cantuariensis Regestarij, & aliorum fide dignorum qui interfuerunt.*

Die isto cōuenerunt omnes Delegati (præter Salopiensem & Warwicensem affecta tunc temporis valetudine) & postquam Navus, & Curlus singulas literas, & literarum exemplaria quæ antea prolata fuerunt, verissima esse iureiurando, viva voce, sponte, sine spe, aut pretio coram illis asseveranter affirmassent, & confirmassent; sententia in Scotorum Reginam prolata est & Delegatorum sigillis, & subscriptionibus firmata, atque in acta relata hisce verbis. *Ex unanimi assensu & consensu suis sententiam & iudicium ad diem & locum ultimum recitatum pronuntiant, reddunt, & dicunt, quod post finem prædictæ Sessionis Parlamenti in Commissione prædicta specificata, videlicet, post prædictum primum diem Iunij, Anno vicesimo septimo supradicto, & ante datum eiusdem Commissionis, diversæ res compassatæ & imaginatæ fuerunt infra hoc Regnum Angliæ per Anthonium Babingtonum & alios cum scientia Angliæ with the privitie ——— dictæ Mariæ prætendentis titulum ad Coronam huius Regni Angliæ, tendentes ad lesionem, mortem, & destructionem Regalis personæ dictæ Domine nostræ Reginæ. At scilicet, quod post prædictum primum diem Iunij, Anno vicesimo septimo supradicto, & ante datum Commissionis prædictæ, prædicta Maria prætendens titulum ad Coronam huius Regni Angliæ, compassavit & imaginata fuit infra hoc Regnum Angliæ diuersas res tendentes ad lesionem, mortem,*

M. D.

LXXXVI.

Sententia in
eam prolata.

M. D.
LXXXVI.
*De Amanuensium fide
dubitatur.*

*Nauui A-
pologia.*

*Filio non pre-
iudicare de-
claratur.*

*Parlamen-
tum habetur.*

*Proscriptio
proditorum.*

*Ordines pe-
tunt ut sen-
tentia pro-
mulgetur.*

& destructionem Regalis personæ Dominae nostræ Reginae contra formam Statuti in Commissione prædicta specificati. De hac sententia quæ ex Amanuensium fide tota pependit, nec illi coram in medium producti ex lege prima Anni x l l l ipsius Elizabethæ, plurimus variusque apud homines sermo, dum alij illos fide dignos, alij indignos existima- rent. Vidi Nauui ad Regem Iacobum Apologiam anno M D C v scriptam, quo se operosè protestando excusat nec fuisse suscepti consilij authorem, nec suasorem, nec primum indicem, nec officio per negligentiam aut im- prudentiam defuisse; imò strenuè capita accusationis contra Dominam suam hoc die impugnasse. Quod ta- men ex Actis publicis minimè constat. Verùm eodem die à Delegatis & Regni Iudicibus declaratum erat, sen- tentiam illam nihil derogare Iacobo Regi Scotorum in iure, aut honore; sed illum in eodem esse loco, ordine, & iure, ac si senten- tia illa nunquam lata fuisset.

Pauculis interiectis diebus habentur Comitia Parla- mentaria Westmonasterij, inchoata potestate quadam vicariâ à Regina Archiepiscopo Cantuariensi, Thesau- rario, & Derbiæ Comiti delegatâ, nec sine exemplo. In quibus proscriptio Baronis Pagetti, Caroli Pagetti, Fran- cisci Englefeldi, Francisci Throcmortoni, Antonij Ba- bingtoni, Thomæ Salisburij, Edwardus Iones, Chedioci Tichborni, Caroli Tilnei & reliquorum coniuratorum confirmatur; & eorum bona & possessiones fisco adiu- dicantur. Ordines etiam Regni qui sententiam in Sco- torum Reginam latam suis suffragijs approbarant, & confirmauerant, vnanimi assensu Reginae libellum sup- plicem per Cancellarium exhibuerunt, quo maximopere obsecrarunt, vt ad conservandam veram Christi Religio- nem, Regni tranquillitatem, Reginae incolumitatem, ip- sorum & posterorum salutem, sententia in Mariam Sco- torum Reginam lata ex lege publicaretur. Rationes pe- titæ à periculis, Religioni, Regiæ personæ, & Regno im- minentibus ab illa quæ Pontificiæ religioni innutrita, & in Sacrum Fœdus ad Protestantium Religionem extir- pan-

pandam iurata, Regnum sibi Reginâ superstiti, iam-
diu arrogaverat, quamque *Excommunicatam* oppug-
nare iustissimum, & vita spoliare meritorium cen-
suerat. Florentes Regni familias subverterat, & om-
nibus machinationibus, & tumultibus in Anglia fo-
mitem suggesserat. Illi parcere, nihil aliud esse quàm
populum perdere, qui impunitatem iniquissime fe-
ret, & se ab *Associationis* iuramento absolui non cre-
det, nisi in eam animadvertatur. Postremò in me-
moriâ revocant, quàm formidolosa extant exempla
divinæ ultionis in Regem Saul, quòd *Agagum* & *Be-
nadadum* morte non mulctaverit. Hæc Ordines Parla-
menti.

Regina magna & vultus & vocis Maiestate, in hanc
” sententiam respondet. Immensa illa superni Numinis
” erga me beneficia tot sunt & tanta, vt non solum pro
” beneficijs humilimè agnoscam, sed tanquam miracula
” cum admiratione suspiciam, quandoquidem oratione
” consequi planè nesciam. Quamvis nemo omnium
” mortalium sit, qui plus divino numini debeat quam e-
” go ipsa, toties non sine miraculo ex periculis erepta;
” plura tamen non alio quàm hoc vno nomine debeo,
” quòd & miraculi instar duco. Scilicet, quòd, vt cum
” propensissima omnium benevolentia Regni guberna-
” cula suscepi, ita annis nunc x x v i i i. decursis, eandem,
” si non maiorem benevolentiam perspicio. Qua, si se-
” mel excidero, me spirare fortasse, sed certè vivere ne
” quidem persentiscerem. Nunc autem quamvis vitæ
” periculum fuerit intentatum, nihil tamen me adeò so-
” licitam habuit, quàm quòd eiusmodi crimine illa se a-
” strinxit, quæ eiusdem sexus, eiusdem ordinis, eiusdem
” stirpis, & sanguinè quidem cõiunctissima. Tantumq;
” abfuit vt erga illam fuerim maleuola, vt cum molitio-
” nes in me nonnullæ dilucescerent, ad eam clam scrip-
” serim, si eas privatis ad me literis fateretur, silentio in-
” voluerentur. Nec eo sanè animo scripsi, vt irretirem;
” cum mihi innotescerent, quæcunq; fateri poterat. Ve-
runtamen,

M. D.
lxxxvi.

Elizabetha
respondet.

M. D.
LXXXVI.

” runtamen, etsi huc usque res devenerit, si verè resipisce-
 ” ret, nemo eius causam contra me susciperet; & hinc
 ” mea unius vita, non universi populi salus penderet (ab-
 ” sit fingendi vanitas) libentissimè sanè ignoscerem. Imò
 ” si Anglia ex morte mea res florentiores, & Principem
 ” sortiretur potiolem, vitam libentissimè ponerem. Vo-
 ” bis enim & populo, non mihi vivere expeto. Nec est,
 ” cùm ita vitam instituerim meam, cur aut vitam appe-
 ” tam, aut mortem extimescam. Vitæ communis ego
 ” haud ignara, parvi, imperavi. Vicinos bonos & malos
 ” habui, perfidiam in fiducia experta sum. Beneficia ma-
 ” lè collocavi, & cùm benè fecerim, malè audiui. Dum
 ” hæc præterita animo recolo, præsentia video, & futura
 ” expecto, foelicissimos eos existimo qui hinc citius de-
 ” migrant; contra huiusmodi tamen mala virilem ani-
 ” mum induo, ut quicquid evenerit, mors me impara-
 ” tam non opprimet.

” Quod ad has proditiones, non ita mihi, vel Regni
 ” mei Legibus præiudicabo, ut non existimem quin illa
 ” proditionis architecta legibus priscis teneretur, etiamsi
 ” lex recens nunquam sancita fuisset; quæ tamen in il-
 ” lius fraudem nequiquam sancita fuit, quod nonnulli
 ” prono in illam favore suspicati sunt. Tantum aberat ut
 ” ad illam illaqueandam sanciretur, ut potius ad præmo-
 ” nendam, & deterrendam ne quid contrà attentaret.
 ” Verum enim verò cùm iam legis vim habeat, ex ea in il-
 ” lam agere visum erat. At vos Iurisconsulti, in iuris api-
 ” cibus excutiendis, & formulis consuetandis, potius
 ” quàm ipsis legibus interpretandis adeò curiosuli estis,
 ” ut ex formula vestra, illa in quæstionem intra Staffor-
 ” diensem Comitatum fuerit vocanda, & ad tribunal ma-
 ” nu sublata, XII. virorum iudicio *de facto* sistenda. Bella
 ” sanè formula iudicij in Principem. Ad huiusmodi ab-
 ” surda amolienda consultius mihi videbatur causam
 ” tantam ad Regni Proceres, & Iudices examinandam
 ” referre, & hoc vix sufficit, cùm in nos Principes, tan-
 ” quam in Theatro propositos, omnes omnium oculi con-

” conijciantur, & in nobis vel minimus nœvus ex longif-
 ” simo intervallo conspiciatur. Vt anxie providendum ne
 ” quid nobis indignum admittamus. Me autem recenti
 ” lege in angustias compegistis, vt ego de illius supplicio
 ” statuam, quæ Princeps mihi sanguine coniunctissima,
 ” cuiusq; in me molitiones tantum inflixerunt dolorem,
 ” vt ne audiendo augerem, Parlamentarijs his Comitijs
 ” libens abfuerim; & non ex insidiantium metu, vt non-
 ” nulli opinantur. Veruntamen hoc arcanum ego effuti-
 ” am (quæ aliàs haud futilis) hisce oculis vidi, & legi iu-
 ” ramentum, quo nonnulli me intra mensem perimere
 ” se devinxerunt. Hinc vestrum in me periculum præui-
 ” deo, quod vt propulsem, sanè diligenter curabo.

” *Associatio* vestra pro mea salute mihi animo non ex-
 ” cidit, quam ne cogitavi quidem, priusquam plurimo-
 ” rum Syngraphæ sigillis munitæ mihi ostensæ. Ea certè
 ” animum & amorem erga vos meum arctissimis in per-
 ” petuum obstrinxit vinculis, quæ non aliundè, quàm è
 ” vestro & Reipub. amplexu solatia peto. Quandoqui-
 ” dem autem res quæ nunc agitur, rarissimi sit exempli,
 ” & longè maximi momenti, spero vos non expectare,
 ” vt aliquid iam certò statuam. Mei enim moris est etiam
 ” in rebus minoribus diu deliberare quod semel statuen-
 ” dum. Deum Optimum Maximum comprecabor, vt
 ” mihi radios luminis sui in mentem infundat, quo perui-
 ” deam, quid ex usu sit Ecclesiæ, Reipublicæ, & vestræ
 ” saluti. Ne mora tamen periculum attrahat, quæ mea
 ” sit sententia, opportunè significabo. Vos interim à me
 ” singula expectetis velim, quæ ab optima Principe opti-
 ” mi ciues expectare poterunt.

Duodecimo pòst die, cum animo rem altiùs agitasset,
 ancipiti cogitandi cura distracta, & quasi consilio impar,
 misso ad Proceres Cæcellario, & Puckeringo ad cæteros
 in Inferiori Confessu, rogavit vt de re tanta diligentius
 denuò consilium susciperent, & salutaris aliquod reme-
 dium excogitarent, quo Scotorum Reginæ vitæ parcere-
 tur, & suæ securitati consuleretur.

M. D.
LXXXVI.

Vt aliud re-
medium ex-
cogitent,
rogat.

M. D.
LXXXVI.

*Illi respon-
dent.*

Cum illi diu multumq; deliberassent, & bona malaq; Principis ad omnes spectare iudicassent, in eandem sententiam vna omnium voce denuo itur, & hisce de causis. Quod Reginae securitati, Scotorum Regina superstiti, consuli non poterat, nisi vel illa serio resipisceret, & crimina agnosceret, vel arctiori custodia, Syngraphis, & iureiurando constringeretur, vel obsides daret, vel regno discederet. Resipiscientiam in illa sperarunt nullam, quandoquidem Regina, quae vitam conseruat, malam gratiam retulerat, nec dum crimina agnoscat. Custodiam arctiorem, Syngraphas, iusurandum, & obsides instar nihili habuerunt, cum haec, Regina sublata, protinus euanescerent. Sin Regno discederet, metuerunt ne signa ad Regnum aggreddendum illico tolleret. Haec cum Cancellarius, & Puckeringus Inferioris Cōfessus Orator fuse explicassent, perurgendo vt sententia executioni demandaretur, quandoquidem sit iniustitia iuris executionem vel vni alicui subditorum petenti denegare; multo magis vniuersis Anglis eandem vna voce & vna mente tantopere efflagitantibus. Regina huiusmodi habuit orationem.

Illā replicat.

» Perquam graue est illud iter è quo, & dum pergitur,
» & cum conficiatur, nihil nisi molestia percipiatur. Con-
» flictata sum hodie, si vnquam aliàs, loquerer, an file-
» rem. Si loquar & non conquerar, certe simulabo: Si
» fileam, vestra opera luditur, sin autem conquerar, no-
» vum planè videatur. Attamen fateor mihi primis in
» votis fuisse, vt ad vestram securitatem, meamq; simul
» salutem, alia quæpiam ratio excogitaretur, quam quæ
» nunc proponitur. Ita vt non possim non conqueri co-
» ram vobis, etsi non de vobis, cum ex vestris intelligam
» petitionibus, meam salutem ex alterius exitio totam
» dependere. Si qui opinentur me tempus datâ operâ
» protelasse, ad ementitam clementiæ laudem captan-
» dam, me sanè iniuria indignè afficiunt, quod optimè
» ille novit, qui internas animorum cogitationes penitissi-
» mè explorat. Si qui arbitrentur Delegatos non ausos
» aliam pronuntiare sententiam, ne aut mihi displicere,
» aut meæ saluti deesse viderentur, illi iniurijs me one-
» rant

M. D.
LXXXVI.

rant longè indignissimis. Administri enim mei aut of-
 ficio defuerunt, aut meo nomine Delegatis significa-
 runt me voluisse, & iussisse vt singuli ex animi senten-
 tia liberè agerent, & quæ publicè expromere nolue-
 runt, mihi privatim impertirent. Ex propensissimo meo
 erga illam animo fuit, vt altera ratio occurrendi malo
 excogitaretur. Verùm cum iam certò constet meam
 salutem sine illius exitio deploratissimam esse, intimo
 doloris sensu afficior, quòd ego quæ tot rebellibus vi-
 tæ gratiam feci, tot proditones connivendo aut reti-
 cendo neglexi, in tantam Principem iam tandem sæ-
 uire videar.
 Ex quo ad gubernaculum huius Regni sederim, plu-
 res famosos libellos in me quasi tyrannam editos vidi.
 Scriptoribus cedat in bonum. Credo illos nova voluis-
 se significare, & novum eertè mihi videbatur, me tyran-
 nidis nota inuri. Vtinam tam novum esset de illorum
 impietate audire. Quid illi iam scriptis non prodent,
 cum audierint me cōsensisse, vt carnifex proximæ cog-
 natæ sanguine cruentetur? Tantum abest à me crude-
 litas, vt ad meam vitam conseruandam vim illi infer-
 rem nullam, nec tam sollicitè ad meam vitam produ-
 cendam, quàm vtriusq; conseruandam incubui: quòd
 iam fieri non posse, intoleranter doleo. Non adeò men-
 tis sum inops vt pericula mihi obiecta non videam, nec
 tantæ vecordiæ, vt ferrum ad me iugulandam exacu-
 am, nec tam supinæ socordiæ, vt vitæ non caueam. Sed
 hoc mecum cogito, plures esse qui pro Principis vita
 vitam suam periculis exponant, è quorum tamen nu-
 mero me non profiteor. Hæc animo subinde versaui.
 Verùm cum plures in me calamos & linguas strinxer-
 rint, liceat mihi qualemcunq; pro me defensionem in-
 stituere, vt videatis pro cuiusmodi foeminæ salute tan-
 toperè invigilastis. Vt vestram quidem vigilantiam
 gratissimo animo recolo, ita parem gratiam non re-
 tulero, si mihi totidem superessent vitæ, quot vestrûm
 singulis.

Quam-

M. D.
LXXXVI.

” Quamprimùm Sceptum acceperim, Dei largitoris
 ” non immemor, ab eius cultu, & Religione in qua na-
 ” ta, innutrita, & vt spero, moritura sum, Regnum auspi-
 ” cabar. Et si me haud latuerit, quot me ex Religione
 ” mutata circumfederint domi pericula, quantique Re-
 ” ges alterius professionis foras, hostilem in me ani-
 ” mum induerint, minimè tamen commovebar. Deum
 ” enim, quem solum spectavi, & me, & causam propug-
 ” naturū noui. Hinc tot in me promanarunt molitiones
 ” & coniurationes, vt me superesse demirer, nisi præter
 ” spem semper diuinitus adfuisset auxilium. Iam, vt ma-
 ” iores progressus in arte regnandi facerem, quæ Regi-
 ” bus digna, diu multumque cogitavi, deprehendi que
 ” apprimè necessarium esse, vt potioribus illis virtuti-
 ” bus, *Iustitia, Temperantia, Prudentia, & Fortitudine* a-
 ” bundè instruerentur. Has duas posteriores quæ om-
 ” ninò viriles, vt mihi arrogem, sexus non permittit. De
 ” prioribus autem illis, & lenioribus, hæc ausim (absit
 ” ostentatio) dicere. Summos cum infimis pari iure con-
 ” tinui, neminem extuli quem non dignum censui, au-
 ” res credulas minimè præbui, iudicium præiudicio,
 ” causa inaudita, non corrumpti. Non tamen dixero, quin
 ” multa mihi nimium prono partium favore referri po-
 ” tuerint. *Bonus enim cautusq; Princeps sæpè venditur*, cum
 ” singula audire non possit. Hoc tamen asseueranter
 ” dixero. Iudicium pro captu meo veritati semper
 ” famulabatur. Vt ille amicum monuit ne quid respon-
 ” deret, priusquam *Alphabetum* percurrisset, ita nec ego
 ” temerè & tumultuariò quicquam statui.

” Quod igitur ad consultationes & consilia vestra,
 ” tam evigilata, provida, & salutaria ad mei conserva-
 ” tionem esse agnosco, & ex animis tam integris, & mi-
 ” hi devotissimis emanasse; vt mihi omnibus nervis sit
 ” contendendum, ne optimè merentibus ingrata videar.
 ” Quod ad petitionem vestram, oro & obtestor, vt re-
 ” sponso sine respōso acquiescatis. Iudicium vestrum ap-
 ” probo, rationes percipio, ancipitem tamen cogitandi
 curam,

» curam, quæ me torquet, excusatam quæso habetote,
 » Animum erga vos gratissimum, & hoc responsum; si
 » modò responsum putetis, æqui bonique consulite.
 » Si dixerò me haud facturam quod petitis, dixerò
 » forsan plus quàm cogito; sin facturam dixerò, me,
 » quam conservatam velitis, in perniciem præcipita-
 » bo, quod pro vestra prudentia certò scio nolitis, si lo-
 » ca, si tempora, & mores hominum accuratè confidere-
 » tis. Post hæc Ordinum conventus prorogatur.

Per id temporis Baro Buckhurstus, Bealusq; ad Sco-
 torum Reginam mittuntur, vt significarent sententiam
 in eam latam; eandem vt iustissimam, Parlamentaria au-
 thoritate fuisse comprobata & confirmatam, executio-
 nemque ex *Iustitiæ, Securitatis, & Neceffitatis* ratione sum-
 moperè ab Ordinibus efflagitatam: ideòque persuade-
 rent vt peccata in Deum Reginamque agnoscens ante
 mortem poenitendo expiaret; innuentes quòd ea super-
 stite, Religio in Anglia recepta, non possit subsistere.
 Hinc illa insolita quadam alacritate triumphare videba-
 tur, Deo gratias agendo, sibi gratulando, quòd ad Reli-
 gionem restabiliendam in hac Insula instrumentum ha-
 beretur. Et vehementer rogabat vt Sacerdotem Catho-
 licum haberet ad conscientiam dirigendam & Sacra-
 menta ministranda. Episcopum & Decanum, quos in
 hunc vsum commendarunt, prorsus reiecit, gentemque
 Anglorum acrius perstrinxit dictitando, *Anglos in suos Re-*
ges subinde cædibus sævisse, vt neutiquàm novum nunc sit, si e-
tiam in me ex eorum sanguine natam itidem sævierint.

Promulgationi sententiæ aliquantisper intercessit
L'aubespinaeus Legatus Gallicus, sed aulicis nonnullis sedu-
 lò satagentibus, mense Decembre publica præconis voce
 per urbem Londinum Prætor, Senatu, & selectissimis
 civibus præsentibus, posteaque per reliquum Regnum
 promulgatur. In programmate Regina promulgatio-
 nem hanc non sine summa animi anxietate, ex quadam
 necessitate & vehementissimis Ordinum Regni obtesta-
 tionibus extortam fuisse seriò protestata est, etsi erant
 qui

M. D.
LXXXVI.

*Hæc Scota
significantur.*

*Latantèr
audit.*

*Sententia in
eam promul-
gatur.*

M. D. ^m
LXXXVI.

*Illæ solis
composuit.*

*Ad Elizabetham
quædam
petit.*

qui hoc ex arte muliebri existimarunt, quæ quod percipiunt, semper malint coactæ videri.

Funestæ huius sententiæ promulgatione Scotorum Regina denuntiata, tantum abfuit ut animo caderet, ut stabili vultu, sublati in cœlum oculis & manibus, gratias Deo egerit: Et quamquam omni dignitate à Powletto custode exuta, non alio quam miseræ ex infima sorte mulierculæ loco haberetur, animo tamen pertulit æquissimo, Facultate autem scribendi ægerrimè ab illo impetrata, literis ad Elizabetham xix. Decembris datis, *Om-nem in illam hostilis animi malitiam amolitur, de illa damnationis sententia Deo gratias agit, qui ærumnose in hac vita peregrinationis finem instare voluerit. Rogat ut hæc quæ sequuntur beneficia, ipsi soli, non alijs accepta ferat, cum à Zelotis nouatoribus qui primum in Anglia locum tenent, nihil boni expectare possit. Primum cum aduersarij innocenti sanguine fuerint saturati, ut corpus in aliquam sanctam terram sepeliendam à famulis deferatur; præsertim in Galliâ ubi mater in pace quiescit. Quandoquidem maiorum cineribus in Scotia vis sit illata, templaque diruta aut profanata; nec in Anglia inter priscos Reges, communes vtriusq; maiores sepulturam Catholico ritu sperare possit. Ita corpus requiescat tandem, quod animæ coniunctum requieuit nunquam. Secundum (quandoquidem occultam nonnullorum tyrannidem formidaret) ne, Elizabetha nescia, supplicio in occulto afficeretur, sed famulis & alijs spectantibus, qui verum de fide in Christum, obedientia erga Ecclesiam, & vitæ exitu testimonium perhiberent, contra falsos rumores quos aduersarij comminiscantur. Tertium, ut famuli liberè & in pace, quod velint, discederent, bonisq; quæ testamento legauerat, gauderent. Hæc nomine Iesu Christi per cognationem, per manes & memoriam Henrici VII. communis vtriusq; progenitoris, per honorem Regium quem gesserat, obtestando rogat. Deinde conqueritur omnem Regium cultum quorundam Consiliariorū iussu sibi abstrahi, eorum malitiam ad maiora prorupturam ominatur. Adijcit, si literas & chartulas ablatas sine fūco & fraude exhibuissent, ex illis liquido constare potuisse, non aliam subesse sui exitij causam, quam anxiam quorundam de Elizabetha securitate solli-*

licitudinem. Postremò vt paucis ipsa sua manu de his rescribat maximopere contendit. An hæ literæ ad Elizabethæ manus vnquam peruenerint, non dixero.

Cæterum variij pro vario hominum ingenio hac de re excitati sunt sermones, vt Ecclesiasticæ nationis (quæ plerumque admodum vehemens est) declamationes & exclamationes vtrinque taceam.

Erant æqui boni rerum æstimatores qui asperius cum illa actum existimabant, eò quòd fuerit Princeps libera & absoluta, in quam solius Imperium sit Dei, quòd arcta cognationis vinculo Elizabethæ coniunctissima, quæ etiam illi à rebellibus è Regno suo eiectæ, statim atque in Anglia appulisset, per Henricum Midlemorum, omnem humanitatem & hospitij iura prolixè verbo Principis pollicita; contrà tamen in custodia detinuerat, & sacra hospitij iura violarat. Quòd alio loco quàm bello captæ haberi non posset, omnemque expediendæ salutis, & libertatis rationem bello captis licitam esse. Quòd in Maiestatem peccare non posset, quia subdita non fuerit & *Par in Parem* non habeat potestatem; inde iudicium Imperatoris in Robertum Siciliæ Regem irritum fuisse, quia Imperio non esset subditus. Quòd Legati Principum administrari, si in Reges apud quos Legatione funguntur, coniuraverint, Maiestatis crimine non teneantur, multò minùs, ipsi Principes. Quodque affectus, nisi sequatur effectus, non puniendus. Inauditum etiam esse Principem carnifici subijci. Adhæc illam contra Ius Divinum, Civile Romanorum, & Anglorum, imò etiam contra Legem primam Parlamenti Anno xiii. ipsius Elizabethæ damnatam fuisse. Qua sancitum, *neminem in iudicium vocandum de perniciè in Principis vitam intentata, nisi ex testimonio & iureiurando duorum legitimorum testium qui coram reo sistendi*; cùm in hoc iudicio nullus testis in medium productus, sed illa absentium Amanuensium testimonio oppressa. Differebatur etiam variè de servorum, incarceratorum, & domestici testimonij fide, & illud Hadriani Imp. laudabatur. *Testibus non testimonijs credendum.*

M. D.
LXXXVI.

Contra illam

Hi tacitè conquerebātur emissarios subornatos fuisse, qui mulierem iniuriæ opportunam, & libertatis avidam simulatione, ementitis literis, & concinnatis dolis in fraudem illexerant, consilia præripuerant, & in peiora pertraxerant, quæ illa ne cogitasset quidem, si qua par fuit cura custodita fuisset, & eiusmodi subdoli machinatores non compositò submissi. Aulicis omni ævo familiare esse invisos, etiam invitos in prodicionis crimen impellere, & innocentiae incautæ semel incarceratæ periculum insidiosè creare.

Alij erant qui illam liberam & absolutam non censebant, sed tantum titularem Reginam quia Regno cesserat, & cum in Angliam primum veniret, se Reginae Angliæ protectioni subiecerat, utq; benè agendo legum beneficio usa erat, ita malè agendo earundem æquitati subesset, iuxta illud Iurisconsultorum. *Non mereri legis beneficium, qui in legem cōmisit*, aliàs melior esset conditio Principis extranei in alterius Regno peccantis, quàm benè regnantis. Illam etiam subditam esse, licet non *originariam*, tamen *temporariam* existimarunt, quia duo absoluti Principes quoad authoritatem Regiam, simul in vno Regno esse non possunt: Hanc esse receptam Iuris prudentum sententiam, *Rex extra suum territorium (nisi in expeditione bellica) prinatus est, ideoq; Regalia neq; conferre, neq; exercere possit*. Prætereà illam ex delicto merum imperium amisisse, subditos autem vel *domicilio*, in Maiestatem posse committere. Quod ad cognationem. Nullam esse cognationem propiorem quàm patriam. Illam alterum esse nobis Deum & primum maximumq; parentem. Quod ad humanitatis & hospitij officia promissa, non illa privilegia esse ad maleficia postea impunè committenda. Promissa intelligenda *rebus in eodem statu permanentibus, & non mutatis*. Qui crimen commisit, non meruit gaudere securitate promissa; & hospitij quidem sancta esse iura, at patriæ sanctiora. Principes perinde ac Pontificem sibi nunquam manus ligare. Et omnes fortius Reipub. quàm propriæ promissioni obligari. Quod si

M. D.
LXXXVI.

si cum illa ut bello capta sit agendum, obiectarunt è nescio quo. *Illis solis captiuis parcendum, à quibus nullam pacis perturbationem suspicari possumus, ceteris nequaquam. Parem autem in Parem habere potestatem, quoties Paris sui iudicio quis se subiecerit, vel expressè verbis, vel tacitè contrahendo, vel delinquendo intra sui Paris iurisdictionem. Papam sententiam Imperatoris in Robertum Siculum rescidisse, quòd factum in territorio Imperiali non fuerat patratum, sed Papali. Legatis iure gentium indultum esse propter necessitatem Legationis ut sint inuiolati, non autem Regibus in aliorum ditionibus scelera machinantibus. Deniq; in læsæ Maiestatis crimine affectum, sine effectu puniendum; & in mortem Principis moliri, imò molitionem scire, & reticere, inter læsæ Maiestatis crimina censerì. Plures Reges damnatos & supplicio affectos fuisse, scilicet Rhescuporim Thraciæ à Tiberio, Licinium & Maximianum à Constantino Maximo, Bernardum Italix, Conradinum Siciliæ, &c. Deniq; quod instar omnium, Salutem populi supremam legem esse, & nullam legem Reipub. incolumitate esse sanctiorem. Hoc ius Iouem ipsum sanxisse, ut omnia quæ Reipub. sunt salutaria, legitima & iusta habeantur. Imò Pontifices Romanos non in publicam, sed in suam securitatem Ecclesiasticos Principes è medio sustulisse, ut Bonifacius Octavus, Coelestinum v. Pontificatu abdicatum, tollendum curauit, dum metueret, ne ob singularem pietatem ad Pontificatum denuò revocaretur, Urbanus Sextus, quinque Cardinales saccis infutos in mare proiecit, aliosque capite truncauit, & duorum corpora in furno exsiccauit, quæ mulis imposita in terrorem circumferri iussit. Prætereà Amanuenses inter seruos non habendos, & domesticum testimonium ad ea quæ domi secretò gesta fuerunt, admittendum. Atq; subtilius disputatum erat, an accusatores sponte iurati, criminisq; affines ad accusationem tuendam in causis criminalibus sint coràm sistendi. Denique nullum magnum extare exemplum quod non aliquid ex iniquo habeat. Hæc & huiusmodi tunc iactari audivimus.*

M. D.

LXXXVI.

*Rex filius
pro i a inter-
cedit.**Scoti nonnul-
li contra.**Ille literis &
nuntijs.**Quedam
consideranda
proponit.*

Interea Rex Scotorum, qua eximia erat in matrem pietate, pro eius salute toto conatu enixè per Guil. Keithum contendit, nec quicquam quod filio optimo & pi-entissimo, & Rege prudentissimo dignum omisit. Sed nullo planè successu, cum Scoti factionibus inter se essent divulsi, & plures Elizabethæ quàm captivæ stude-
rent, usq; adeò, ut nonnulli ex illis Elizabetham literis oc-
cultè sollicitarent ad supplicium maturandum; & Ministri
Scotici à Rege iussi, matris salutem precibus Deo per Ec-
clesias commendare, præ odio Religionis quam illa pro-
fitebatur, obstinatè recusarent. Ille tamen, ut antea cre-
bris nuntijs & creberrimis literis apud Reginam inter-
cesserat, nunc crebrioribus, & vehementissimis summo-
perè interpellavit. In quibus conquerebatur, iniquissi-
mum & indignissimum esse Proceres, Consiliarios, & subditos
Angliæ sententiam ferre in Reginam Scotorum, eamq; Regio An-
glorum sanguine natam: nec minùs iniquum, vel putare Ordines
Angliæ Parliamentaria authoritate veros & certos hæredes suc-
cessionis iure, & hæreditate legitima posse excludere (quod
nonnulli in terrorem subinde minabantur.)

Misit etiam Patricium Greium, & Robertum Melui-
num, qui Reginae significarunt, Eum pro summa necessitu-
dine, non posse credere quin illa celebritatem nominis virtutibus,
& inprimis clementia ubiq; comparatam, sine omni crudelitatis
macula illibatam conseruaret; eandemq; nullo modo sanguine
matris suæ inquinaret, quæ eiusdem Regiæ erat conditionis, eius-
dem sanguinis, & eiusdem sexus; quamq; ille (quandoquidem
magnam in se Religionem maternus sanguis possideat) derelin-
quere non poterat, aut eorum sævitæ relinquere qui iamdiu ipsi,
perinde ac matri perniciem anhelarunt. Alijs in literis post-
quam fusè explicasset, quàm ancipiti cogitandi cura, &
ægerrimi animi angoribus tanta de re, quæ eum tum na-
turæ, tum honoris ratione attingit, & astringit, discrucia-
retur; & in quas angustias, atq; existimationis discrimen
apud suos præcipitaretur, si qua vis matri inferatur: hæc
ex interno doloris sensu, & filiali affectu attentius Eliza-
bethæ perpendenda proposuit. Quantum sua ad honorem
interfit,

interfit, qui & Rex est & filius, si mater charissima, eademq; Princeps absoluta, morte infami ab illa afficiatur quæ sanguinis & fœderis vinculo est coniunctissima. An ex Iure Diuino quid in illos ex Lege iuste agatur, quos Numen Diuinum summos iustitiæ ministros constituit, quos Deos in terris dixit, quos inuinxit, inunctosq; tangi vetuit, impuneq; violari nõ sinet? Quàm portentosum sit, Principem absolutum subditorum iudicio subijcere? Quàm prodigiosum, si Princeps absolutus pernicioso ad sua, & aliorum Diademata prophananda exemplo præeat? Prætereà quid ad hanc seueritatem propelleret. Honor an Vtilitas? Si Honor, maiorem honorem compararet parcendo, ita enim cum æterna clementiæ laude, & se, omnesq; Orbis Christiani Principes beneficio obligaret, quos aliàs cum famæ iactura & seuitiæ nota non posset non abalienare. Sin Vtilitas, videndum an quid vtile esse possit, nisi quod rectum honestumq; sit. Conclufit rogando, vt Legati eiusmodi responsum referrent, quod Regina piissima sit dignissimum, & Rege cognatoq; amantissimo non indignum. Verum cum Legati minas interpellationibus intempestiuè intermiserent, minùs grati erant, & post aliquot dies spe quidem tenui dimissi.

Pomponius Bellienrus, qui hac de causa à Gallorum Rege missus, cum ad Reginam comitatus L'aubespinaeo a Castro Nouo, Legato ordinario accessisset, & paucis significasset, in quàm contrarias partes Rex Galliarum distractus esset, hinc pro singulari erga illam studio, inde pro arcta inter ipsum & Scotorum Reginam necessitudine, hæc & huiusmodi semel atq; iterum scripto proposuit.

Christianissimi Regis Gallorum & reliquorum Regum omnino interesse, ne Regina & Princeps libera, atq; absoluta morte afficiatur.

Salutem Reginæ in maius discrimen ex Mariæ morte, quàm ex vita deuocandam; illam custodia emissam nihil in Reginam posse moliri, cui iam valetudinarie exiguum vitæ curriculum superfit.

Quòd Regnum Angliæ arrogauerit, non crimini vertendum, sed tenellæ ætati, & prauis consultoribus ascribendum.

Illam in Angliam supplicem venisse, idè minùs iustè detentam,

M. D.
LXXXVI.

Gallus etiam
per Legatos.

Bellienri pro
Scotæ rationes.

M. D.
LXXXVI.

tam, nunc tandem vel pacto pretio dimittendam, vel misericordia prosequendam. Præterea Principem absolutum in questionem neutiquam vocandum, adeo ut Cicero dixerit, Ita inusitatum est Regem capitis esse reum, ut ante hoc tempus sit inauditum.

Si illa sit innocens, non plectendam, si nocens, parcendam. Hoc enim in maiorem honorem & utilitatem cessurum, & futurum æternum Anglicæ clementiæ exemplum, historia Porcennæ, in hanc rem memorata, qui Mutij Scauolæ in eius cædem coniurati, dextram e flammis abstraxit, & dimisit.

Primum bene regendi præceptum esse, ut sanguini parcatur, sanguinem clamare sanguinem. In eam sauire, non posse, non atrox, & sanguinolentum videri.

Gallum verò omnem operam sedulo daturum, ut omnes omnium in Reginam machinantium conatus retundantur, Guisiosq; Scotæ cognatos in idem iuratos & Sygraphis confirmaturos, qui, si illa morte afficiatur, grauissimè ferant, & forsitan non inultam patiantur.

Postremo postularunt ne ex iudicio tam rigido & extraordinario in eam ageretur; sin minus, Gallum non posse non grauissimam offensionem habere, quomodocumq; ceteri Principes persentiscant.

Eius rationibus responsa.

His scriptis ita in margine articulatè responsum, Reginam Angliæ sperare, Christianissimum Galliarum Regem non minorem eius rationem habiturum, quàm Scotæ, quæ perniciem machinata est Principi innocenti, proxima cognata, & Gallo confæderata. Regibus & rebus-publicis expedire, ne malefacta (maximè contra Principes) sint impunita.

Anglos, qui summum vnius Elizabethæ imperium in Anglia agnoscunt, non posse duas summas, liberas, & absolutas Principes in Anglia simul agnoscere; aut aliam quamcunq; in Anglia ei dum vixerit, adequandam. Nec videre quidem quomodo Scotæ & filius qui hodie regnat, Principes summi & absoluti simul habeantur.

An Regiæ salus maioribus exponatur periculis, illa sublata, ex futuris dependet contingentibus, Ordines Angliæ

M. D.
LXXXVI.

Angliæ hac re cogitatò perpensa aliter sentire. Mala moliendi nunquam defuturas occasiones, præcipuè cum res eò nunc deueniret, vt nulla spes alteri supersit, nisi altera extinguatur, & hæc subinde menti occurrat. Aut ego illam, aut illa me. Quo minus restat illi vitæ, hoc citius coniuratos Reginae periculum acceleraturos.

Ius quod arrogauit in Regnum Angliæ, necdum voluisse renuntiare, & idè iure optimo in carcere fuisse detentam, & detinendam, (quamuis supplex in Angliam venerit,) donec renuntiauerit. Et quæ in carcere crimina patrauit, luere debere, quancūq; de causa in carcerem fuerit coniecta.

Reginam etiam iam antea illi clementissimè pepercisse, cum vnanimi Ordinum consensu ob rebellionem ad conficiendas cum Norfolcio nuptias excitatam, damnaretur. Iterum parcere misericordiam esse male-sanam & crudelem. Neminem ignorare illud Iurisprudendum. Delinquens in alieno territorio & ibi repertus, punitur in loco delicti, nulla habita ratione dignitatis, honoris, aut privilegij. Idq; tum Legibus Angliæ licere, tum exemplis Licinij, Roberti Regis Siciliae, Bernardi Regis Italiae, Conradini, Elizabethæ Reginae Hungariae, Ioannæ Neapolitanae & Deiotari constare, pro quo Cicero agens, non iniquum esse dixit Regem capitis esse reum etsi inusitatum. Ita enim se verba habent. Quod primum dico de capite fortunisque Regis. Quod ipsum etsi non iniquum est, in tuo duntaxat periculo, tamen est ita inusitatum, &c.

Illam plebendam quæ iusto iudicio rea peracta, cum quod iustum, id sit honestum; & quod honestum, sit etiam vtile.

Historiam Porsennæ rei propositæ minùs conuenire, nisi quis longum esse agmen insidiantium Reginae, existimet, & persua-deat, Scotam intactam dimittere ex terrore & aliqua honoris, sed nulla salutis ratione, vt Porsenna Mutium dimisit, cum trecentos similes in eius cædem coniurasse, affirmasset. Ad hæc Mutium bello denunciato aggressum esse Porsennam, Mutioque dimisso, omni periculo se defunctum sibi certò persua-serat.

Sanguini parcendum, at innoxio. Hoc Deus mandauit, Verum

M. D.
LXXXVI.

rum est, vocem sanguinis innoxij clamare sanguinem, & Galliam ante lanienam Parisiensem, & postea hoc posse testari.

Supplicium iuste inflictum, non posse videri sanguinolentum, ut nec medicamentum rite & iuste præparatum, violentum censendum.

Quomodocunq; Guisij Scotæ cognati rem ferant, Reginae maximi interesse, ut potius sui, procerum, populiq; Anglici salutem spectet, è quorum complexu tota pendet, quàm quorumcunq; offensionem. Eò rem deuenisse, ut diuerbium vetus de duobus Principibus Conradino Siculo, & Carolo Andino, iam de duabus Reginis vsurpetur & verè dicatur, MORS MARIAE, VITA ELIZABETHÆ, ET VITA MARIAE, MORS ELIZABETHÆ.

Galli, aut Guisiorum promissa securitatem Regno & Reginae non posse præstare, multò minus vitam compensare, si illa fuerit sublata.

Gallum occultas contra se machinationes domi, non posse deprehendere, aut cohibere; nedum contra Reginam Angliæ. Proditionem etenim esse obscuram, ideoq; ineuitabilem. Si scelus semel peractum; quid proderit promissum exigere? Quomodo incomparabilis Principis mors resarciatur, & quod remedium Reipub. simul morenti in tristissima rerum omnium confusione inveniatur?

Guisiorum syngraphas & iuramenta quantuli sint momenti, qui meritorium iudicant Pontifici Rom. aduersantes è medio tollere, iuramentiq; dispensationes facillimè consequantur. Et quis Anglorum, Elizabetha extincta, & Scota ex Guisiana familia ad Regium fastigium euecta, eos Regicidij accusabit? Aut si quis accusauerit, an inde poterit mortuam in vitam reuocare?

Quod verò Legati hoc iudicium rigidum & extra ordinem dixerint, minùs consideratè dixisse (quandoquidem nec processum, nec probationes viderint) & asperius, quàm par est, Regni Angliæ Ordines, homines nobilitate, virtute, prudentia, & pietate selectissimos taxasse. Imò omninò inconsiderate eiusmodi verba Galli nomine protulisse, quasi & Reginam & Regis Ordines minando terrerent. Anglos non solere Gallorum minis terreri, quo minus suæ securitatis stabiliendæ rationem

tionem inirent, cum illi interim nullam idoneam pericula instantia depellendi commonstrârint.

M. D.
LXXXVII.

M. D. LXXXVII.

DVm hæc accuratè & copiosè pro hominum captu ex odio, vel studio disceptantur, *L'aubespineus* Ordinarius Galli in Anglia Legatus totus Guisianæ factioni devotus, non rationibus, sed malis artibus captivæ Reginæ saluti consulendum ratus, agit primùm tectè de tollenda Elizabetha cum Guilielmo Staffordo iuvene nobili, & ad spes novas facili; cuius mater è Sacro Reginæ cubiculo, frater Ordinarius apud Gallum tunc temporis Legatus, deinde apertius per *Trappium* Amanuensem, qui promisit, si hoc patraret, non solum gloriam immensam, grandemque pecuniam; sed etiam summam gratiam apud Pontificem Rom. Guisium & Catholicos vniuersos. Staffordus quasi scelus averfatus, patrare abnuuit. *Modium* tamen Sicarium, hominem manu promptum commendat, ut qui data pecunia proculdubio animosè rem conficeret. Huic publico Londini carcere detento significat Staffordus Galli Legatum velle libentissimè illum convenire. Se hoc percupere, respondit ille, modò è carcere liberaretur, interim ut Cordalionus alter Legati Amanuensis, quo familiariter usus erat, ad eum mitteretur, rogat. Die crastino mittitur *Trappius* vnà cum Staffordo. Ille, Staffordo amoto, sermones cum *Modio* conserit de ratione Reginam tollendi. *Modius* proponit venenum, aut sacculum xx. pondo pulveris nitrati Reginæ cubiculo subiiciendum, & clàm inflammandum. Hæc *Trappio* minimè placuerunt, optauit eiusmodi virum intrepidum posse reperiri ac fuit ille Burgundus qui Aurasionensem sustulerat.

Legatus in
Elizab. vi-
tam agit.

Hæc mox Regijs Consiliarijs detecta à Staffordo. Inde *Trappius* Galliam iam cogitans intercipitur, & de his

Staffordus
rem aperit.

M m m

in-

M. D.
LXXXVII.

*Legatus ne-
gando reijcit.*

*Leniter ar-
guitur.*

*An Legati
sit insidias in
Principem
detegere.*

interrogatus, quæ dixi, confitetur. Hinc ipse Legatus XII die Ianuarij ad Cecilianas ædes accersitus, sub vesperam venit, vbi adfuerunt Reginæ iussu Cecilius Baro Burghleius, Angliæ Thesaurarius, Comes Leicestriæ, Christophorus Hattonus, Reginæ Procamerarius, & Dauifonus alter è Secretarijs. Accersisse illum significant, vt docerent qua de causa *Trappium* eius Amanuenssem in Galliam profecturum interceperint; explicantq; singula quæ Staffordus, *Modius*, & ipse *Trappius* confessi erant, vtque eadem coràm testarentur, advocari iubent. Legatus qui impatientius fronte contracta, hæc audierat, consurgens dixit, se Legatum Regium nolle in fraudem Regis sui, & Legatorum præiudiciū accusationem quamcunq; audire. Cū responsū esset, illos non vt accusatores producendos, sed vt videret hæc non ficta & falsa esse, & ipse Staffordum liberè falsi coargueret; acquieuit. Simul atq; Staffordus introductus verba facere ceperat, interpellavit, hominemq; convitijs consecutus, asseveravit Staffordum rem primū proposuisse, illiq; se comminatum fuisse nisi incepto scelere desisteret, manibus pedibusq; vinctum ad Reginam mittere. Pepercisse autem ex suo in Staffordi matrem, fratrem, & sororem amore singulari. Staffordus in genua prouolutus, in animæ salutem pluribus protestatus est, Legatum rem primū proposuisse. Cum Legatus iam vehementius cōmoveretur, Staffordus iussus est secedere, nec *Modius* introductus.

Cumq; Burghleius Legatum, & ex ipsius verbis, & *Trappij* confessione, vt concepti sceleris consciū leniter arguisset. Respondet ille, si conscius fuisset, cū tamen Legatus, non debere nisi suo soli Regi indicium facere. Cū Burghleius interponeret, Si Legati non sit (quod tamen controvertitur) eiusmodi indicium facere cū salus Principis sceleratè in discrimen devocetur: Christiani tamen esse eiusmodi iniurias pro salute non solum Principis, sed Christiani cuiuslibet propulsare. Ille hoc strenuè pernegavit, simulq; memoravit Gallum non ita pridem apud Hispanum Legatum, qui cū machinationem in

in Hispani vitam resciret, non Hispano, sed Regi suo indicasse, laudemq; à Rege, & Regijs Consularijs inde retulisse. Burghleius autem graviter monuit, vt caveret ne in Maiestatem deinceps peccaret, & ne officij Legati, clementiæque Reginae obliuisceretur, quæ mali Legati poena bonos lædere noluit, illumq; noxâ non eximi, licet impune ferat.

Ex hac molitione, qui infesti & infensi Scotorum Reginae, occasionem mortem accelerandi arripuerunt; curaruntq; ad maiores terrores Reginae incutiendum, (gnari in summo salutis discrimine timorem excludere omnem misericordiam) falsos rumores passim per Angliam indies trepidis vociferationibus spargi, scil. *Hispanicam classem Milfordico Portui iam appulisse, Scotos in Angliam irrupisse, Guisium cum iusto exercitu in Suffexia terram conscendisse, Scotam e carcere euasisse, armatamq; manum conscripsisse, Septentrionales rebellionem concitasse, novos percussores in Reginae perniciem & Urbis Londini incendium coniurasse, imò Regiam expirasse;* & id genus alia, quæ vel versuti, vel territi sibi affingere, atq; ex insita alendi rumores cupiditate augere solent; & Principes, qui curiosè creduli, facile arripiunt.

Huiusmodi terriculamentis & formidolosis argumentis fluctuantem, & anxium Reginae animum eò pertraxerunt, vt literas consignaret quibus funesta sententia executioni mandaretur, suasorq; inter præcipuos erat (vt Scoti ferunt) Patricius Graius Scotus à Rege Scotorum ad Regiam à matris supplicio dissuadendam missus, qui sæpius illud (*Mortua non mordet*) in aures Reginae inculcavit.

Illa tamen naturâ cunctatrix, animo librare cepit, an consultius eam tollere, aut parcere. Ne tolleretur hæc prohibuerunt, Innata clementia ne in feminam, eamq; Principem & cognatam scire videretur, infamiæ apud posteros ex historys timor, & pericula impendentia tam à Scotorum Rege quàm ad spem Angliæ propius admoueretur, quàm à Catholicis Principibus, & desperatis hominibus qui iam quidvis ausuri. Sin parceret,

M m m 2

ret,

M. D.
LXXXVII.

Hæc, & rumores Elizabetham in Scotorum Regiam concitarent.

At Graius Scotus magis

Illam rem serio perpendit.

M. D.
LXXXVII.

Aulici exti-
mulant.

Rationibus.

ret, prævidit non minora pericula imminere, Procere qui sententiam contra Scotorum Reginam tulerant, gratiam apud eandem & filium non sine ipsius periculo latenter aucupaturos, reliquos subditos ipsius salutis studiosissimos, cum operam se lussisse viderint, agerrimè laturos, & ipsius salutem iam inde neglecturos, ad Pontificiorum professionem plures accessuros, & spem maiorem concepturos, cum eam in spem Regni quasi fato conseruatam viderint, Iesuitas & Seminarios qui illam solam spectant, cum valetudinariam videant, & non diu supersfuturam metuant, omnem lapidem moturos, ut mors Elizabethæ quamprimum acceleretur, eorumq; Religio restaretur.

Aulici etiam hæc, & huiusmodi indefinenter suggerunt. Cur illi nocenti & iuste damnatae parcas quæ pro tua salute Associationi subscripsit, mox tamen in te innocentem, & tuo exitio, in Religionem, Procere, & Plebem scuire destinavit? Clementiam Regiam esse virtutem, at in inclementes non adhibendam. Salutari seueritati cedat inanis species misericordiae. Cauendum ne misericordia tibi in miseriam cedat. Satis ad clementiae laudem vel semel pepercisse. Illi iterum parcere nihil aliud esse quam insontem pronuntiare, Ordines Regni iniustitiae damnare, illius administris ad scelera acceleranda animos augere, & fidelibus subditis ad Rempub. conseruandam minuere. Religio, Respub. Tua ipsius incolumitas, Patriæ Charitas, Associationis Sacramentum, & Posterorum Cura precibus coniunctis orant, Ut illa quæ singula subuertat, quamprimum è medio tollatur: nisi exorent, ne ipsa SALVS hanc Rempub. seruare poterit, & Historici succedenti ætati sunt prodituri serenissimos Angliæ sub Elizabetha dies in fœdissimum & tenebricosum vesperem, imò in æternam noctem desisse. Posterī prudentiam nostram desiderabunt, qui, (quod miseriam accumulet) mala prospicere, & non præuere potuimus, & miseriarum molem non tam aduersariorum malitiæ, quam supinæ horum temporum incuriæ imputabunt. Unius Scotæ, & titularis Reginæ vita vniuersæ Angliæ saluti non præponderet. Nullus in tanta re cunctationi sit locus, cum mora trahat periculum: nec interstitium sceleratis machinatoribus dandum, qui vltimum subsidium ab audacia iam petent, & super impunitatem sceleris præmium sperabunt.

sperabunt. Qui periculum quantum cauere potest, non cauet, magis Deum tentat, quàm in Deo sperat. Pericula quæ ab exteris imminuant, sublata causa tollentur singula, nec nisi per illam Angliæ officere possunt. Quæcunq; sit in Pontifice Romano, voluntas aut facultas nocendi una cum illa peribit. Hispanus non habeat quod succenseat, cum ipse unicum filium Carolum in suam securitatem sustulerit, & Antonij Lusitani vitæ in suam ambitionem iam insidietur. Gallus amicitiam cum Angliâ sanctissimè colit, illiusq; in primis interest, ut matura Scotæ morte, Guisianorum spes extenuentur, qui sperata cognatæ potentia freti, suo Regi insolentiùs iam insultant. Scotorum Rex, & naturæ ductu, & honoris ratione pro matre grauiùs quidem commoueat, at pro prudentia expectabit potiùs tarda cum securitate, quàm præpropere cum periculo: Et quò ille summæ spei propior, Principes externos longiùs absuturos, quandoquidem illis familiare, augescenti alterius potentie quouis modo obsistere.

Exempla domestica etiam proponunt (cum quod exemplis fit, sit excusatiùs) quomodo Reges Angliæ se gesserunt in suam securitatem, erga cognatos & Competitores; nominatim, Henricus Primus erga Robertum fratrem natu maximum, Edwardus Tertius, aut potiùs eius mater erga Edwardum Secundum, Henricus Quartus erga Richardum Secundum, Edwardus Quartus erga Henricum Sextum, & filium eius Principem Walliæ, & erga germanum sui ipsius fratrem Georgium Ducem Clarentiæ, Henricus Septimus erga Warwicensen tenellum Ducis Clarentiæ filium, Henricus Octauus erga De la Polum Suffolciæ Comitem, Margaretam Sarisburiensem, & Courtenaium Exoniæ Marchionem, qui singuli lenioribus de causis, si crimina conferantur, sublati fuerunt. Nec soli aulici hæc apud Reginam, sed & concionatores quidam acriùs, & plebei nonnulli ex spe aut metu, ingeniorum libidinem in hoc argumento procaciùs exercuerunt.

Inter has anxias cogitationes, quæ Reginam adeò sollicitam & ancipitem habuerunt, ut solitudine gauderet, sine vultu, sine voce subinde federet, & sæpiùs suspirans,

AVT

M. D.

LXXXVII.

Et exemplis.

Illam tamen
anxia dubi-
tat.

M. D.
LXXXVII.
*Funestum
Mandatum
confici iubet.*

*Consiliarij
clām mittunt*

*Scota ad
mortem se
parat.*

AVT FER, AVT FERI. & è nescio quo Emblemate NE FERIARE, FERI. sibi immurmuraret; Dauifono è Secretarijs alteri literas sua manu signatas tradit, vt sub magno Angliæ Sigillo *Mandatum* de supplicio sumendo conficeretur, quod in promptu esset, si quid periculi, tempore illo formidoloso, ingrueret; iubetque ne cuipiam rem communicaret. Postridiè autem, dum pavor etiam suamet consilia formidaret, sententia mutata, per Guil. Killegreium Dauifono, ne *Mandatum* illud conficeretur, imperat. Ille mox Reginam accedit, *Mandatum* confectum Sigilloque firmatum significat. Illa commotior, tantæ festinationis hominem arguit, qui nihilominus *Mandatum*, & rem Regijs Consiliarijs communicat, illisque pronè quod voluerunt credentibus facilè persuadet, Reginam iussisse vt executioni mandaretur. Nulla morâ interpositâ, Beal⁹ quo non alter Scotorum Reginae præ Religionis studio iniquior, cum vno & altero carnifice, & literis, quibus Comitibus Salopiæ, Cantij, Derbiæ, Cumberlandiæ, & alijs authoritas defertur, vt in eam ex lege ageretur, Regina inconsulta, mittitur. Quo ipso tempore licet illa significasset Dauifono se aliam de Scotorum Regina rationem inituram, ille tamen Bealum minimè revocavit.

Quamprimùm Comites *Fotheringhaiam* venerant, illam cum Amicio Powletto, & Drugone Drurio, quorum custodiæ mandata erat, accedunt, causam adventus, lecto *Mandato*, significant, paucisque monent vt ad mortem se accingat, utique postridiè moriendum. Illa intrepidè, mente composita respondet, *Haud putaram Reginam Sororem in meam mortem, quæ iuri vestro subdita non sum, assensuram: Verùm cum ita visum, mors mihi erit gratissima; nec illa quidem anima supernis & sempiternis gaudijs digna, cuius corpus vnum carnificis ictum perferre non poterit.* Rogat vt cum Eleëmofynario, Confessore, & Melvino hospitij præfecto conferret. Vt Confessor accederet planè negatum, Comitesque Episcopum aut Decanum Petroburgensem ad consolandum commendarunt, quos cum illa reie-

M. D.
LXXXVII.

reiecisset, Comes Cantij Religione fervidè flagrans, ad illam conversus, inter alia, hæc in verba prorupit. *Tua vita exitium erit nostræ Religionis, ut contra tuum exitium eiusdem erit vita.* Mentione Babingtoni facta, illa hominis machinationem sibi notam constanter pernegavit, Deo vindictam reliquit. Et quid de Nauuo & Curlo factum percunctata, rogavit an prius auditum seruos in Dominorum perniciem fuisse subornatos, testesque admissos. Cum Comites discessissent, illa iubet cœnam maturari ut res suas melius componeret. Parcè & sobriè pro more cœnat. Inter cœnandum famulos famulasque lugentes lachrimisque oppletos conspicata; infracta animi magnitudine consolatur, luctum abstergere iubet, & potius gaudere, quod è malorum abyssu iam emigratura esset. Conversa ad Burgonium Medicum rogat, an non iam vim veritatis magnam esse obseruarit. *Dicunt, inquit, mihi moriendum, quod consilium contra Regine vitam inierim, nihilominus Comes Cantij innuit, non aliam esse mortis meæ causam; quàm quod ipsorum Religioni à me timeant. Nec meum in Reginam flagitium, sed ipsorum à me timor mihi exitium attraxit, dum nonnulli suis seorsim rationibus, sub quæsito Religionis & publici boni integumento, consulunt.* Sub finem cœnæ famulis vniuersis propinat, qui flexis genibus ordine suo responderunt, lachrimas vino commiscentes, & neglecti officij veniam petentes; ut ipsa vicissim ab illis. A cœna testamentum recognoscit, bonorum & monilium indicem perlegit, & nomina eorū quib⁹ singula destinavit, adscribit, quibusdam pecuniam sua manu viritim distribuit. Ad Confessorem scribit ut pro ipsa apud Deum precibus intercederet, literas etiam ad Regem Galliarum & Guisium commendatitias pro famulis scribit. Tempore consueto cubitum se recipit, horās aliquot dormit; somno soluta, reliquam noctem precationibus producit.

Fatali die iam elucescente vi Idus Februarij; comptius & ornatius, ut festis dieb⁹ assolet, se apparat, famulis convocatis, testamentum perlegi iubet, rogat ut legata æqui boni consulerent, cum non facultatis suæ esset maiora elar-

*Ad Regina
ducitur.*

M. D.
LXXXVII.

Ad Melvi-
num verba.

Ad Comites.

largiri. Deinde tota in Deum defixa in Oratorio suspirijs, gemitibus, & precibus diuinam gratiam supplex implorat, donec T. *Andraeus* Vicecomes Provinciae significarit, iam prodeundum esse. Prodiit illa, statura, forma, & specie ad Maiestatem appositâ, vultu hilari, habitu matronali & perquam modesto, capite linteo, velo, eodemque demisso, oblecto. Globulis precatorijs and cingulum dependentibus, & *Crucifixum* eburneum in manibus gestans. In porticu exceperunt illam Comites, & nobiles alij, vbi Melvinus famulus genibus flexis lachrimisque offusis, sortem suam deploravit quod ille tristissimum nuntium de infœlici Dominae suae fato in Scotiam perlaturus esset. Illa hominem consolata, *Ne lamenteis*, inquit, *potius leteris, tu Mariam Stuartam omnibus curis solutam statim videbis. Nunties me in Religione mea constantem, in fide erga Scotiam & Galliam firmam mori. Ignoscat illis Deus qui sanguinem meum ut cerui fontem, sitierunt. Tu Deus qui ipsa veritas, & intimos animi mei recessus penitus & verè nosti, noris quantoperè expeterim ut Angliæ & Scotiæ Regna in vnum coalescerent. Salutes mihi filium & certiore facias, me nihil quod fraudi sit Regno Scotiæ fecisse, moneas ut cum Regina Angliæ amicitiam colat; & fac tu fideliter illi inservias.*

Iam lachrimis obortis, iterum atque iterum Melvino collachrimanti valedixit. Ad Comites conversa, rogavit, ut cum famulis humaniter ageretur, quæ testamento legauerat fruerentur, morienti adstarent, & in patriam fide publica remitterentur. Priora illa promiserunt, ut adstarent morienti, Comes Cantij difficilem se præbuit, superstitione veritus. Illa ne verearis, inquit, miselli illi mihi supremum valedicere percipiunt. Scio sororem Elizabetham nolle mihi tantillum negasse, ut vel pro muliebris sexus honore, famulae adsint. Ego illi sanguine sum coniunctissima, Rege Henrico VII prognata, Dotaria Galliae Regina, & Scotorum Regina inuncta.

Quæ cum dixisset, & se averteret, permissum ut è famulis quos nominaret, adessent. Nominavit Melvinum, Burgoinum Medicum, Pharmacopolam, Chirurgum famulas binas, & alios, è quibus Melvinus syrma sustulit.

Ita

Ita, præeuntibus nobilibus, Comitibus duobus, & Vicecomite Provinciæ, ad pegma venit quod in superiori aula parte erectum, in quo cathedra pulvinus, truncus, & omnia pannis funebribus instrata. Ut primum confedit, silentio indicto, Bealus *Mandatum* perlegit, illa attentè audit quasi aliud agens. Deinde Fletcherus Decanus Ecclesiæ Petroburgensis verbosam ad eam instituit orationem de vitæ antea, præsentis, & futuræ conditione. Illum loquentem semel atque iterum interpellat, *ne sibi faceretur negotium rogat, protestata se in antiqua, Catholica Romana Religione esse firmatam, & pro ea vitam profundere paratam.* Illi vehementer suadenti ut poenitentiam verè ageret, & certa fide spem in Christo collocaret. Respondit *se in ea Religione natam, enutritam, & iam morituram.* Comitibus dicentibus, se velle pro illa precari, dixit *se gratias habituram maximas, si vellent unà cum ipsa precari; vobiscum verò qui alterius estis professionis, precibus communicare, mihi, inquit, sit peccatum & piaculum.* Tunc Decanum precari iusserunt, quocum dum multitudo circumfusa comprecaretur, illa ingenua procumbens, *Crucifixum* manibus prægestans, Latine unà cum suis ex *Officio B. Mariæ* precatur.

Postquàm Decanus precibus finem imposuisset, illa Anglicè, Ecclesiam, filium, Elizabetham Reginam Deo commendat, precata ut indignationem ab hac insula averteret, & professa se spem salutis in Christi sanguine (*Crucifixum* attollens) reponere, cælestem Sanctorum chorum, ut apud illum pro ipsa intercederent, invocat; inimicis omnibus ignoscit, *Crucifixum* exosculans, & se cruce signans, inquit, *Ut brachia tua, Christe, in cruce erant expansa, ita misericordiæ tuæ vlnis expansis me suscipe, & peccata remitte.* Carnificibus deinde veniam petentibus concessit. Cùmque famulæ indumenta exteriora illi festinanti exuissent, in eiulatus & lamentationes effusæ; illas exosculata, & Cruce signans, hilari fronte, muliebribus lamentis abstinere iubet; *Etenim iam sibi ærumnarum adesse requiem.* Similiter ad famulos collachrimantes conversa,

N n n

eos

M. D.
LXXXVII.

Ad Decanum.

Moriuntur
verba.

M. D.
LXXXVII.

eos cruce itidem signat, & subridens, valedicit. Iam facie linteo obvelata, ad truncum procumbens, recitat Psalmum, *In te Domine confido, ne confundar in aeternum*. Deinde corpus protendenti, sæpiusq; iteranti, *In manus tuas Domine commendo spiritum meum*, caput geminato ictu amputatur. Decano exclamante. *Sic pereant Reginae Elizabethæ hostes*, Cantij Comite succinente, multitudine ingemiscente. Corpus vnguentis dilibutum & ritè apparatus, postea Regio funere in Ecclesia Cathedrali Petroburgi inhumatum. Iustaq; Lutetiae Parisiorum magnificentissimè soluta, Guisij curantibus, qui omnia summa necessitudinis officia cognatae & vivæ, & mortuæ cum laude præstiterunt.

Elogium.

Hunc lamentabilem vitæ finem habuit Maria Scotorum Regina, Iacobi v. Regis Scotorum filia, Henrici vii. Regis Angliæ è filia natu maiori proneptis, anno ætatis xlv. captivitatis xvi. Fœmina in Religione sua constantissima, eximia in Deum pietate, invicta animi magnitudine, prudentia supra sexum, formaq; venustissima: Principibus illis accensenda, quæ foelicitatem calamitate mutarunt. Infans ab Henrico vii. Rege Angliæ pro filio Edwardo, ab Henrico ii. Gallia pro Francisco *Delphino* magno ambitu certatim in nurum expedita, quinquennis in Galliam abducta, quindecennis *Delphino* nupta. Gallia Regina annum vnum & menses iiii. floruit. Marito defuncto, in Scotiam reversa, Henrico Stuarto Darlio renupta, Iacobum, primum Magnæ Britanniæ Monarcham peperit. A Morauio fratre notho, & alijs subditis ingratis, & ambitiosis exagitata, Regno abdicata, & in Angliam fugata; ab Anglis nonnullis (vt æqui boniq; censuerunt) de sua Religione retinenda, & Elizabethæ salute tuenda sollicitis circumventa, ab alijs Rom. Religionem restaurandi percupidis ad consilia periculi plena protrusa: & Amanuensium absentium, qui pretio corrupti videbantur, testimonijs oppressa. Iuxta tumulum hoc affixum erat, & mox ablatum Epitaphium.

MARIA

MARIA SCOTORVM REGINA, REGIS FILIA, REGIS GAL-
LORVM VIDVA, REGINÆ ANGLIÆ
AGNATA, ET HÆRES PROXIMA,
VIRTVTIBVS REGIIS ET ANIMO
REGIO ORNATA, IVRE REGIO,
FRVSTRA SÆPIVS IMPLORATO,
BARBARA ET TYRANNICA CRV-
DELITATE, ORNAMENTVM NO-
STRI SECVLI, ET LVMEN VERE
REGIVM EXTINGVITVR: EODEM-
QVE NEFARIO IVDICIO ET MA-
RIA SCOTORVM REGINA MORTE
NATVRALI, ET OMNES SVPERSTI-
TES REGES, PLEBEII FACTI, MOR-
TE CIVILI MVLCTANTVR. NOVVM
ET INAVDITVM TVMVLI GENVS,
IN QVO CVM VIVIS MORTVI IN-
CLVDVNTVR, HÎC EXTAT: CVM
SACRIS ENIM DIVÆ MARIÆ CINE-
RIBVS OMNIVM REGVM ATQVE
PRINCIPVM VIOLATAM, ATQVE
PROSTRATAM MAIESTATEM HÎC
IACERE SCITO; ET QVIA TACI-
TVM REGALE SATIS SVPERQVE
REGES SVI OFFICII MONET, PLV-
RA NON ADDO VIATOR.

M. D.
LXXXVII.
Epitaphium

M. D.
LXXXVII.
*Providentia
Divina.*

*Elizabetha
dolet.*

*Consiliarijs
indignatur.*

*R. d. Eliza.
Scotorum
Regi se ex-
cusat.*

Ex hoc tristissimo tantæ Principis fato, divinæ providentiæ dispositio, ut prudentes quidam observarunt, clarissimè eluxit. Quæ enim & Elizabetha & Maria primis in votis habuerunt, & in omnibus consilijs sibi proposuerunt, hinc consequuta sunt. Hæc quod & moriens dixit, nihil ardentius expetivit, quàm ut divisa Angliæ & Scotiæ Regna in charissimi filij persona adunarentur : illa nihil flagrantius exoptavit, quàm ut verâ Religio cum populi salute & securitate in Anglia conservaretur. Et utriusq; votis supremum numen annuisse, Anglia inexpectata foelicitate iam videt; & lætissima agnoscit.

Simul atq; Scotorum Reginam morte fuisse affectam ad Elizabetham, nec opinantem quidem, rumore nuntio perlatum, indignanter audivit, vultus & verba ceciderunt, ingenti dolore quodammodo obstupuit, usque adeò ut pullata se angoribus dederit, in lachrimis iacuerit, Consiliarios graviter reprehensos, & à conspectu submotos examini subiecerit, Davisonum iudicio in Camera Stellata susti iusserit. Et quamprimum dolor permiserit, hæc sua manu ad Scotorum Regem per Rob. Carium raptim scripsit.

Mi frater charissime, utinam scires, at non sentires, quàm incomparabili dolore animus mihi discrucietur ex lamentabili contra meam sententiam euentu, quem, cum calamus memorare horreat, ex hoc meo cognato plenè intelliges. Te oro, ut Deus, & multi alij meam hac in re testentur innocentiam; ita & tu credas, si imperassem, me nunquam iri inficiatum. Non sum animo ita angusto, ut ex terrore, quod iustum sit facere formidem, aut factum denegem. Non ita degener, aut animo sum ignobili. Sed ut minimè Regium est animi sensum verbis obuelare, ita actiones meas nunquam dissimulabo; sed efficiam ut suis coloribus elucescant. Tibi ad veritatem persuadeas, ut scio hoc ex merito euenisse, ita si hoc cogitassem, non in alios transtulissem; nec mihi imputabo, quod ne quidem cogitavi. Cætera, qui tibi has tradet literas, impertiet. Quod ad me, credas velim, non aliam esse qui te maiori charitate prosequitur, aut studiosius tibi, tuisq; rebus inuigilat. Si quis contrà suggesserit, eum alijs, magis quàm tibi

tibi studere existimes. Deus te diutissime conseruet incolunem. Dum Carius in itinere cum his literis, Dauifonus in Camera Stellata sistitur coram Delegatis selectis, scilicet, Christophoro Wraio Primario in Banco Regio Iustituario, qui pro eo tempore Dominus Custos Priuati Sigilli constitutus, Archiepiscopis Cantuariensi, & Eboracensi, Comitibus Wigornia, Cumberlandia, & Lincolnia, Baronibus, Greio, & Lumleio, Iacobo Crofto Aulae Regiae Contrarotulatore, Gualtero Mildmaio Fisci Regij Cancellario, Gilberto Gerardo Sacrorum scriniorum Praefecto, Edmundo Andersono Primario ad Communia Placita Iustituario, & Rogero Manwoodo Primario Fisci Regij Barone. Coram his Pophamus Procurator Regius, Dauifonum Maiestatis contemptae, fidei violatae, officij neglecti postulat, quod cum Regina, pro innata clementia, Scotorum Reginam iam damnatam supplicio affici noluerit, ob causas sibi vni compertas, alijs inscrutabiles; nec à Regni Ordinibus, nec à Consiliarijs acriter urgentibus eò perducì potuerit; nihilominus Mandatum pro eiusdem supplicio ad pericula praeventenda confici iusserit, Davisoniq; fidei, & taciturnitati commiserit: ille Secretarius iuratus fidei, & officij oblitus, spretaq; Maiestate; contra ac Regina imperaverat, Consiliarijs impertierat, & executioni, ipsa prorsus inconsulta; mandaverat.

Dauifonus, pro singulari modestia, sedatè, animo tamen praesenti respondet, *Se admodum moleste ferre quòd in causa iustissima de Scotorum Regina, & iudicio in eam, si quod aliud, longè grauius, ipse Delegatis molestiam denuò exhiberet, idq;, si non cum iactura, certè cum detrimento existimationis suae, quae sibi instar omnium. Longè autem molestissime hoc ferre, quòd argueretur in eius Maiestatem contemptim deliquisse, quae quanto in ipsum fuerit beneficentior, & ipse ob mèrita deuinctior; tanto delictum atrocius videretur. Se reum obiectorum criminum si agnosceret, vim faceret suae existimationi, quae sibi vita charior. In sui defensione si cum Regina contestaretur, faceret quòd subditi obsequio, famuli obseruantia, & Secretarij fide*

M. D.

LXXXVII.

Dauifonus
iudicio sisti-
tur.Pro se re-
spondet.

M. D.
LXXXVII.

fide atq; honore indignissimum. Protestatur coram divino numine, & Delegatis, quòd nihil sciens, prudens, & libens hac in re fecerit, nisi quod Reginam voluisse sibi persuaserat. In quo si ipse se in fraudem vel ex inscitia, vel negligentia egerit, non posse non gravissimè dolere; & Delegatorum censuram æquissimo animo subire.

Quod ad particularia. Cùm Regina illum reprehenderet, quòd tam festinanter Mandatum Magno Sigillo firmasset, asserit illam innuisse, non tamen expressè iussisse, ut apud se custodiret. Nec in taciturnitatis fidem se commississe existimat, cùm ne verbum cuiquam, nisi Consiliarijs de hac re fecerit. Quòd Mandatum non revocaret, postquàm Regina sententiam mutasse ipsi innueret, affirmat, inter Consiliarios omnes convenisse ut protinus mitteretur, & supplicium sumeretur, ne quid detrimenti Respub. aut Regina caperet.

*Ex confessione
ne premittitur.*

Hinc Davisonum ex ipsius confessione premere cepit Egertonus Procurator Secundus, particula eiusdem prælecta. Ille autem integram legere rogavit, & nō hinc inde decerptas particulas; maluit tamen ne omninò legeretur, cùm in ea arcana quædam non enuncianda continerentur, subinde interfatus, Quòd ut noluit cum Regina contestari, ita non posse pati, ut ipsius modestia fraudi foret veritati, & suæ integritati.

Gaudius & Puckeringus ad Legem Serviētes, iam hominem magna vi verborum arguunt, quòd Consiliariorum Regionum prudentia callidè sit abusus, idq; ex confessione Burghlæi Thesaurarij; cui dubitanti an Regina certò statuisset de supplicio sumendo, asseveranter affirmavit; ut etiam cæteris, qui literas de ratione supplicij subsignarunt. Davisonus lachrimis oborientibus, Iurisconsultos rogavit, ne vehementius premerent, Meminerint se nolle cum Regina contestari, cuius conscientie & Delegatorum sententia se totum submisit.

*Iudicium in
eum senten-
tia.*

*Manwoodus exorsus, historicam de Scotorum Regina, ab Insignibus Angliæ tenella ætate arrogatis, ad Babingtoni usq; coniurationem pertexuit narrationem, sententiam ex Lege in illam latam laudavit, Reginæ clemen-
tiam*

M. D.
LXXXVII.

tiam prædicavit, quam quòd Dauifonus inconsideratiùs antevertisset, decies mille libris mulctandum, & in carcere, quoad Reginæ visum fuerit, detinendum censuit. Anderfonus iustum fecisse, etsi non iustè differuit; hominem cæteroquin minimè malum existimavit. In eandem sententiam iuit Gerardus. Mildmaius cum explicasset quàm matura cum deliberatione, & gravitate iudicium in Reginam Scotiæ comparatum fuerit, quantisq; populi obtestationibus Elizabetha ad sententiam promulgandam perducta; illud è sacris literis in Dauifonum torfit. *Cor Regis in manu Domini*, ideoque neminem, nedum administrum, debere Principibus consilium occultè & subdolè præripere: quibus inconsultis, nihil agendum, potissimùm in rebus tanta momenti, quanta sit mors Principis. Hominem verò malitiæ absoluit, imperitiā in Principum negotijs perstrinxit, præproperam festinationem in prævertendo Reginæ consilium damnavit. Ne verò homines eius loci & ordinis in idem deinceps impingerent, de mulcta, & incarceratione cum cæteris consensit.

Croftus hominem sugillavit, quòd tacenda imprudenter enuntiaverat; cum Principes quod vni Consiliarios impertiant, cæteros sæpenumerò celent.

Baro Lumleius sententiam iustè latam fuisse in Scottorum Reginam iuxta cum iudicibus sensit, verùm asseueranter dixit. Nunquam ex omni seculorum memoria eiusmodi in Principem contemptum auditum, vel lectum esse, Consiliarios Regios, in Regio Palatio, in Senaculo iuxta Reginam, quæ quasi Præses Consilij, rem tantam, ipsa inconsulta, statuisse; cum tam facilis ad eam aditus illis, & Dauifono pateret. Protestatus si filium haberet vnicum, qui in eodem crimine esset, seueriùs eum plectendum censeret. Cæterum de ingenuo hominis animo persuasus, graviolem poenam quàm cæteri, infligere noluit.

Hunc Baro Greius Religionis ardore inflammatus, cõposita oratione, & acri quadam incitatione excepit. *Dauifonus,*

M. D.
LXXXVII.
Greij pro eo
defensio.

uifonus, inquit, contemptim erga Reginam se gessisse arguitur, contemptusq; ille exaggeratur, quod Reginam Scotorum e medio tollendam curauerit, arcana enuntiauerit, Reginamq; de Mandato misso celauerit. At quanam illa Regina fuit, quam tollendam curauit? illa scilicet, à qua superstitie, Religioni, Reginae, Reipub. & nobis singulis pericula indies impendebant, & à qua nunc sublata, negotium hodie nobis faceßitur. Adeo ut qui tantis periculis Angliam liberauerit, honore prosequendus merito videatur. Illum arcana enuntiasse non existimo, qui non alijs quàm Consiliarijs, & maximarum rerum administris rem impertijt, quorum inprimis interest huiusmodi scire, & quæ ipsa Regina vni & alteri iam antea impertierat. Si qua in re deliquerit Davisonus, in hac certe maximè, quod Regina nouam rationem ineunti non significauit Mandatum iam missum fuisse. At ille ancipiti cogitandi cura perplexus proculdubio stetit, an ex Regina gratia excideret Mandatum clam ipsa mittendo, vel reuocando, Reginae noua pericula crearet. Quis non meminit, quàm turbulentum fuerit tempus, & quàm formidabiles rumores ubiq; locorum sparsi? Si qua vis Religioni, aut Reginae tunc illata fuisset, aut vita erepta, dum Mandatum illi esset in manibus, an non ille culpam præstitisset? Nonne in illum nos ipsi, liberi, uxores violentè irruissemus? non sanguine manus imbuissemus? non imprudentiam diris deuouissemus? & non monumentum inconsiderantiae cruentis iniustum literis, ad ignominiam sempiternam statuissemus? Quamcunq; vel pœnam vel mulctam illi infligatis, non mihi displiceat, certè viri boni & probi existimationem apud me nunquam perdet. Hæc fusè, oratoriè & animosè Greium differentem audiuimus.

Tres Comites de pœna cum reliquis, de existimatione Davisoni cum Greio consenserunt. Archiepiscopus Eboracensis de inobedientia ex animi cæcitæ, & mentis corruptione Theologicè differuit, Cantuariensis factum probauit, hominem laudauit, modum autem & formam prorsus damnavit. Wraius Priuati Sigilli Custos, sententijs Delegatorum summatim repetitis, pœnam inflictam confirmavit; simulque significauit, licet Regina Consiliarijs non temerè subirata, examini illos subiecerit, nunc

Sententia in
eum pronun-
tiata.

nunc tamen ignoscere: simulque agnoscere illos ad Religionem & Rempublicam tuendam, & ad omnia pericula propulsanda animo & consilio diligenter excubasse.

Davisonus Delegatos oravit ut apud Reginam intercederent, non pro honorifico quo fungebatur Secretarij munere, vel libertate, vel multa irrogata imminutione; sed ut in eius gratiam restitueretur. Quam tamen nunquam recuperavit, licet illa hominis indigentia nonnunquam subveniret. Ita Davisonus, vir ingenuè bonus, in aulicis artibus minus versatus, in scenam aulicam ex composito ut plerique existimarunt, inductus, ut huic personæ in ista tragædia tantisper serviret; detracta mox persona, quasi extremo actu defecisset, è scæna extrusus, & non sine multorum commiseratione in carcere diu conclusus. Quid publicè contra Davisonum actum, iam dixi; quomodo autem ille se privatim excusavit, habet compendiò ex ipsius fide, & Apologetica ad Walsinghamum narratione.

Regina, inquit, post Gallicorum & Scotorum Legatorum discessum sponte iussit, ut Mandatum de sententia in Scotam exequenda exhiberem, exhibitum sua manu lubens signavit, signatum Magno Angliæ Sigillo muniri imperavit, & iocans dixit, Hæc Walsinghamo ægotanti significes, etsi male metuo, ne inde præ morore exspiret. Causas etiam tam diu differendi addidit, nimirum, ne videretur violenter, vel malitiosè eò pertractam fuisse, cum interea minimè ignoraret, quàm hoc sit necessarium. Porro Powlettum & Drurium culpavit, quòd eam hac cura non liberassent, & optavit ut Walsinghamus eorum animos hac de re tentaret. Postridiè, postquam Magno Sigillo munitum esset, per Killegræum iussit, ne fieret, cumq; iam factum docuissèm, festinationem tantam reprehendit, innuendo aliam rationem, ex prudentum quorundam iudicio, posse iniri; Ego respondi, eam rationem semper esse optimam & tutissimam, quæ iustissima. Sed veritus ne in me crimen deriuaret (ut Norfolci supplicium in Burghleium contulerat) rem totam Hattono communicavi, protestatus me nolle memet aliùs tanto negotio im-

Ooo

mer-

M. D.
LXXXVII.

Eius Petitiò.

Privata pro
se Apologia.

M. D.
LXXXVII.

mergere. Ille mox Burghleio impertijt, Burleighus reliquis Consiliarijs, qui omnes de supplicio maturando consenserunt, & singuli vouerunt ex æquo culpam præstare: Bealumq; cum Mandato & literis miserunt. Tertio post die, cum ex somnio quod de morte Scotæ narrauit, eam animo fluctuare sentirem, rogaui an sententiam mutarat. Negauit, at inquit, alia ratio excogitari poterat, simulq; an à Powletto aliquid responsi acceptum quaesivit. Cuius literas cum monstraßem, in quibus planè recusauit id suscipere, quod cum honore & iustitia non coniunctum; illa commotior, eum & alios qui Associatione se obstrinxerant, periurij & voti violati accusauit, qui magna pro Principis salute promiserant, at nihil præstabunt: esse tamen innuit qui hoc sui causa præstabunt. Ego autem quàm infame, & iniustum hoc foret, demonstraui, simulq; in quantum discrimen Powlettum & Druarium conijceret. Si enim illa factum approbaret, & periculum & dedecus non sine iniustitiæ nota sibi attraheret; sin improbareret, homines optimè meritos, & eorum posteros prorsus pessundaret. Posteaq; me, eodem, quo Scotæ sublata est, die, quod supplicium nondum sumptum, leuiter perstrinxit.

Quantamcunque in Dauisonum iram, & dolorem ex morte Scotorum Regina Elizabetha conceperit, aut præ se tulerit, certè acerbissimum dolorem nec sine summa iracundia Rex Scotorum vnicus eius filius hausit, qui matrem charissimam pietate coluit, quæ in filio conspici potest, longè maxima; & luctu lamentisq; prosequutus est plurimis. Etenim non existimauit eam pro mutuo inter ipsos amore & Arctioris amicitiae fœdere nuperrimè inito, omnibus Principum intercessionibus neglectis, matrem suam pari Maiestate Principem, Regio genere coniunctissimam, vili carnifici subiecturam. Robertum Carium, Baronis Hunsdonij filium, qui ex Anglia missus vt Reginam excusaret, culpâ in Consiliarios & Dauisonum coniectâ, in Scotiam non admisit, vix per alium audivit, & literas quas attulit, ægrè accepit. Legato suo in Anglia auctoritatem abrogavit, & vindictam spirauit. Non deerant enim qui persuadere conati, Orbis Christiani Principes tantam iniuriam Regiæ Maiestati,

no-

Scotorum
Regis dolor.

nominiq̃ue Regio illatam non inultam dimissuros.

Ordines Scotiæ qui iam frequentes convenerant, profitebantur ad matrem vindicandam, & ius eius in Angliæ Regnum tuendum se paratissimos esse, & vitam & fortunas profundere, nec posse iniuriam non tam Regi, quàm vniversæ Scotorum genti illatam vlllo modo concoquere. Erant, qui Regi suadebant vt à Rege Danorum, cuius filiam iam in vxorem ambire cœperat, suppetias navales contra Angliam efflagitaret. Erant, qui Pontificiæ Religioni addicti, suggesserunt, vt potius Hispano, Gallo, & Pontifici Romano se adiungeret, ita Angliam facilè posse occupare. Ante omnia, Protestantibus Angliæ nullam fidem haberet; eos iam rerum potiri, & ipsi perniciem tectè struere, occinentes illud, *Qui matrem sustulit & filios tollet*: Erant, qui submonuerunt, nullius partis se palàm declarare, sed tùm Pontificios, tùm Protestantes suspensos tenere. Vtiq̃ue si à Protestantibus palàm staret, vniversi Europæ Pontificij in ipsum tanquam in scopum omnes machinationes collinearent; aliudq̃ue statumen in Anglia non sine ipsius periculo, sibi erigerent. Erant etiam, qui suaserunt vt amicitiam cum Anglia sanctissimè coleret, spem certam ad incertam Martis aleam non devocaret, in Religione recepta sibi constaret, in qua si semel fluctuaret, nec amicos pararet, nec inimicos tolleret. Hæc homines, vt sua quemq̃ue utilitas traxit. Rex ipse supra ætatem acutus, & perspicax, non festinatione, quæ semper cæca, sed consideratè, diu multumq̃; secum & cum paucissimis animo lustravit.

Elizabetha verò culpâ omni in Davisonum & Confiliariorum suorum inconsultam credulitatem, reiectâ, paulatim dolori occurrit, ne solatia intempestiua irritarent; expectavitq̃; dum dolor morâ lenitus tractari se pateretur. Tunc enim cùm Gallos iuvenem Regem ad vlciscendum acriùs incitare perspiceret, verita ne ille à Protestantium Religione, Anglorumq̃ue amicitia, versutijs & inflammato vlciscendi ardore abduceretur; omni animi contentione incumbit, vt exulceratum animum &

M. D.

LXXXVII.

Scotica gentis indignatio.

Qualia consilia suggesta.

Elizabetha placare studet.

M. D.
LXXXVII.
*Placandi ra-
tiones.*

iam abalienatum, omni ratione Principe non indigna, placaret.

Per suos igitur in Scotia, & mox per Baronem Hunfdonium Berwici Præfectum, hæc illi diligentissimè perpendenda proponit. *Primum, quanti periculi sit in bellum contra Angliam hac de causa prorumpere, quæ tùm necessaria ad vniuersæ Insulæ salutem, tùm iustissima vniuersis Angliæ Ordinibus visa. Deinde, an ille par sit huiusmodi bello gerendo, cùm Anglia à viris militaribus, à copijs, & opibus nunquam fuerit instructior; & Scotia intestinis bellis exhausta nunquam infirmior. Si externis innitatur auxiliaribus, quàm difficulter, & serò consequatur, vel mater doceat, quæ toties frustra implorauit. Et si consequatur, quem speret successum, cùm Anglia, Hollandiæ, & Zelandiæ classibus adiunctis, à Potentissimis Europæ Regibus nihil timeat? In Gallo, aut Hispano quam spem collocet? cùm eius potentia Angliæ accessione adaucta ipsorum conatibus aduersetur, eiusq; Religio illorum professione ita è diametro opponatur, vt illi, nisi cum suo ipsorum damno, auxiliari non possint. Nec Gallus æquis oculis intueri potest Regem Scotorum Angliæ Regno auctum, ne antiquum ius Anglorum in Gallia denudò persequeretur, aut Guisys cognatis iam Gallie Regno inhiantibus opitularetur. Hispanus autem ambitioni suæ proculdubio inseruiet, quandoquidem se primum esse Catholicum Principem è Regio Anglorum sanguine, & stirpe Lancastræ, etsi falsò, venditet. Quo nomine Iesuitæ quidam & alij illum, Scotorum Regina superstite, electione ad Diadema Angliæ prouehere conati sunt, quasi hominem ad Romanam in Anglia auctoritatem restaurandam maximè idoneum, matre vnà cum filio posthabita. Etiam suadere ceperunt illam Angliæ Regnum supremis tabulis isti Hispano legare, cogitasse, si filius in Protestantium Religione perseveraret.*

Quorsum hæc tendant, & quid auxilij ab Hispano sperandum, Rex viderit? & simul si à Religione in qua educatus desciverit, quanta cum ignominia animam in eternam perniciem, & vniuersam Britanniam in exitium præcipitet? Prætereà illi cogitandum, si vindictam cogitet, an Angliæ Ordines qui sententiam in matrem tulerunt, non ipsum etiam noua sententia,
suc-

M. D.
LXXXVII.

successionis iure omninò excluderent: quorum amorem necessitati cedendo, & animi motus cohibendo facile conciliet, cum id quod factum, infectum esse nequeat. Suo autem tempore florentissimo Angliæ Regno tranquille potiatur. Interim securitate fruatur, suoq; honori satis consuluisse apud omnes æquos rerum æstimatores videatur; quandoquidem dum tempus erat, nullum pientissimi filij erga matrem officium prætermiserit. Ad veritatem autem sibi persuadeat, Reginam Angliæ illum vt filium animo materno amantissime & indulgentissime habituram. Hæc illa in aures Scotorum Regis inculcanda curavit, statuitq; ne ille dubitaret matrem, ipsa inconsulta, sublatam fuisse, sententiam contra Dauisonum omnium Delegatorum subsignationibus, imò & Magno Angliæ Sigillo testatam, ad eum mittere; aliudq; itidem instrumentum, vt magis placaret, Iudicum Angliæ chirographis subsignatum, quo testarentur sententiam illam, eius in successione iuri nihil officere, aut præiudicare posse.

*Dum Regem his & huiusmodi rationibus leniter demulcet, vt bellum quod ab Hispano imminere prospexit, præverteret, Dracum cum quatuor Navibus Regijs, & alijs in Hispaniæ littora emisit, ad Naves in portibus opprimendas, & apparatus intercipiendum, qui Portum Gaditanum ingressus, sex triremibus, quæ se obiecerant, ad propugnacula fugatis, centum plùs minùs navigia, in quibus plurimum bellici apparatus, & rei annonariæ, submersit, cepit, aut ignibus absumpsit; & inter eas Galeonam grandem Marchionis S. Crucis, & alteram Ragusinam mercibus onustam. Inde ad * Promontorium Sacrum reuersus, propugnacula tria oppugnavit, & deditione cepit, totaq; ora piscatorum naviculis & retibus incensis, Cascaletum ad ostium Tagi accessit, vbi Marchionem S. Crucis ad pugnam provocauit, qui ne mouit quidem, sed illum liberè per littora grassari, & naves abripere, nullo prohibente, permisit. Inde velis ad Azoras Insulas versis, fortè fortunâ in Onerariam ingentem, & admodum opulentam (Caraquam vocant) S. Philippi nomine insignem, ex India Orientali redeuntem incidit, eamq; facile expugnauit.*

*Dracus ad
Hispanum
auertendum
missus.*

*Quid ille
præstitit.*

* Cabo S.
Vincente.

*Caragua S.
Philippi
capta.*

M. D.
LXXXVII.
*Utilitates
hinc conse-
quuntur.*

*Indica Mer-
catorum So-
cietas.
Cauendishus
orbem cir-
cumnavigat.*

*Stanleius &
Yorcus pro-
ditores.*

pugnauit. Quod plebs nautica vtrinque; ex nomine *Philippi*, Philippo Hispano male ominabatur. Ex hac breui expeditione, magnae sane utilitates Anglis consecutae sunt, quando quidem Hispani tantam bellici apparatus iacturam passi, a consilio Angliam hoc anno invadendi necessariò destiterint, & Angli immania illa navigia instar castellorum, quae antea formidarunt, alacrius iam inde oppugnarunt; necnon Indicarum mercium opulentiam, negotiandi que in Orientali illo orbe rationem e mercatorum indicibus adeò plenè perspexerunt, vt quaestuosam eò navigationem postea instituerint, inita mercatorum Indiae Orientalis Societate.

Eodem tempore in altera Orbis plaga, Tho. Cauendishus è Suffolcia, qui ante biennium ex Anglia cum tribus navibus soluerat, *Fretum Magellanicum* praetervectus, in ora *Chili*, *Peruiae*, & *Novae Hispaniae*, plura Hispanorum oppidula incendit, x i x. naves onerarias, & inter eas Regiam navem opulentissimam iuxta *Calliformiam* cepit & diripuit; per *Philippinas*, *Moluccas*, *Promontorium Bonae Spei*, & *S. Helenae Insulam* domum hoc anno opima cum praeda, & insigni cum gloria redijt, utique, tertius à Magellano qui Orbem terrarum circumnavigavit. Si particularia desideres, adeas Anglorum navigationes tribus voluminibus à Richardo Hacluito diligentissime descriptas.

Vt Dracus & Cauendishus hoc tempore illustrem cum laude famam, ita alij duo Angli, Guilielmus Stanleius, & Rowlandus *Yorcus* ignominiosam prodicionis infamiam sibi compararunt. *Yorcus* ille Londinensis, homo discincto ingenio & praecipiti audaciâ, suo tempore inter sicarios celebris, quòd feralem illam rationem in duellis punctim petendi, summa cum audaciae admiratione primus in Angliam intulerit, cum Angli haecenus peltis armati, gladijs latioribus caesim depugnarent, & vel punctim, vel infra cingulum ferire minimè virile existimarent. Hic nescio qua iniuria à Leicestrio affectus, profugit, & aliquandiu inter Hispanos in Belgio meruit; tandemque;

M. D.
LXXXVII.

tandemq; reconciliatus propugnaculo iuxta Zutphaniam præficebatur. Sed insolens contumeliæ animus, statim de vindicta ita cogitavit, ut pretio corruptus, non solum locum hosti tradiderit, sed etiam Stanleium, qui singulari fide, & fortitudine in Hibernico bello meruerat, iteratis & iuratis asseuerationibus eum *coniurationis Babingtoniæ* manifestum ex coniuratorum confessionibus teneri, & iamiam in Angliam ad patibulum abripiendum, in sceleris societatem pertraxerit, atque persuaserit homini, ut Daventriam Urbem munitam & opulentam contra fidem Leicestrio & Ordinibus obstrictam, Hispanis proderet. Sceleris autem magnitudine perspecta, contra prodicionis notam, se conscientia solatus, quod locum à rebellibus detentum vero Domino restituerit, & summè Pontificius, mox Sacerdotes accersijt ad legionem suam, quæ ex mille trecentis Anglis & Hibernicis constabat, in Pontificia Religione imbuendam, iactitando hanc fore *Seminariam militum legionem*, qui Romanam Religionem armis, ut *Seminary Sacerdotes* scriptis, propugnarent. Et ad hanc quidem rem Alanus, paulò post Cardinalis factus, non solum Sacerdotes protinùs misit, sed vnà libellum edidit, quo ex Pij v. in Elizabetham *Bulla*, & prodicionem laudavit, & ad eiusmodi perfidiam alios excitavit, quasi Reginæ excommunicatæ nec seruire, nec obsequi tenerentur. Sed vide quo exitu.

Hispani *Yorcum* & Stanleium inter se committunt. *Yorcum* veneno tollunt & bona diripiunt; cadaver post tres annos ab Ordinibus effossum, & patibulo suspensum, computruit. Stanleium eiusq; Legionem à Daventria emouent, huc illuc raptatam periculis obijciunt, adeoque negligunt, ut alij inedia miserè perierint, alij sensim diffugerint. Ipse spe præmij in Hispaniam profectus, operam ad Hiberniam invadendam obtulit; sed nec pro honore, quem expectavit, acceptus, nec fides vlla habita. Hispanis enim diverbium esse fertur, *Proditori honorem aliquem habere fas est, fidem nefas*. Seroq; iam didicit sese primum omnium prodidisse.

Quo Successu

Hæ

M. D.
LXXXVII.
*Ordines Lei-
cestrium ac-
cusant.*

Clerk

*Ad Sclufam
liberandam
evocant.*

Exagitant.

Hæ proditiones magnam Leicestrio invidiam apud Belgas Confœderatos conflarunt, quòd proditores fuerint illi ex intimis; & Anglicæ etiam nationi, quam convitijs gens linguæ liberioris insectari non destitit, donec edictis coereretur. Ordines verò longis ad Reginam literis Leicestrium reipub. malè administratæ in re monetaria, militari, & mercatoria accusant, & eius *Restriktioni*, & credulitati damna à proditoribus accepta imputant. Illa ad rem examinandam & componendam, & animos de pace cum Hispano tentandos, Thomam Sackuillum Baronem *Buckhurstum*, in sanctius consilium Leicestrio absente nuper adscitum, Norrisium, & Bartholomæum Clercum mittit, qui in hæc fideliter incubuerunt. Verum cum officiosa *Buckhursti* sedulitas Leicestrio insidiosa videretur, eius ira, & firmata apud Reginam gratia ita valuerunt, ut *Buckhurstus* reversus plures menses domi se continere iuberetur.

Sclufâ postea à Parmensi obsessâ, Leicestrius ad suppetias ferendas ex Anglia ab Ordinibus accitur. Eam furenter, septendecim millibus, è maioribus tormentis, eiaculationibus impetitam, hiatuq; magno aperto, Rogerus *Williams*, Franciscus *Verus*, Nich. *Baskervillus*, cum præsidiarijs Wallonibus & Anglis magna fortitudinis laude aliquandiu propugnarunt, & tandem necessariò dediderunt, cum Leicestrius, qui opem laturus, hostibus impar, recessisset. Nec sanè Ordines iustum exercitum præbere voluerunt, qui potestatem quam illi verbis maximam detulerant, re vera sibi reservarant. Nec ille dignatus privatis hominibus minoris notæ sub Ordinum nomine subesse, qui eandem in ipsum Gubernatorem authoritatem, quàm Carolus Quintus in suos Belgij gubernatores tenuerat, exercere contenderunt. Hinc simultates, imò inimicitia vtrinq; apertæ proruperunt; & sanè apertiores, postquàm de pace cum Hispano verba semel fecisset. A Pacis enim nomine ut suis rationibus damnosissimo, auribus, animoq; abhorrerent. Ille autem cum suam authoritatem indies evilesce sentiret, ad fraudes

fraudes conversus, factiones in populo alere, Lugdunum aliasq; vrbes in suam potestatem redigere statuit. Sed hac spe cum quorundam exitio excussus, gravissima offensione concitata, in Angliam à Regina revocatus, gubernatione cessit, liberamq; administrationem Provinciarum Ordinibus reliquit, ab invidis irrisus, *Excellentiaq;* titulo, quo primus Anglorum vsus erat, exploso.

Discedens nonnullis quos in factionem traxerat, Symbola auro fusa occultè distribuit, in quorum altera parte ipsius effigies, in altera Grex, aliquot, oviculæ errantes, & Canis abiturus respectans. Iuxta hunc, INVITVS DESERO, iuxta illas, NON GREGEM, SED INGRATOS. Nec dubium, quin ille dominationem sibi arripere cogitarit. Verùm hæ gentes non solum contra Hispanorum vires qui & auro & arte bellum gerere callent, sed etiam contra Gallorum & Anglorum versutias, ipsiusque Aurasionensis vulpinantis astutias avitam libertatem, non tantum sua solertia retinuerunt, sed supra fidem, pro no vicinorum favore adauxerunt; & quod magis mirandum, cum cæteri bello exhauriantur, soli ditescunt. Mauritius Nassovius Principis Aurasionensis ex Anna Saxonica Mauritij illius Heroici Electoris filia filius, annos viginti natus in Leicestrij locum, *Unitis & confederatis Provincijs* ab Ordinibus; & Peregrinus Baro *Willoughbeius* Anglorum in Belgio copijs à Regina præficitur: quibus factio Leicestrij multum faceffit negotij. Præsidarij enim *Getrudis Bergæ, Nardæ, Worcomij, Huesdæ,* & in primis *Medenblicæ* Anglis addicti, quasi Reginae obsequij fidem iurarent, tumultus concitarunt. Et Guilielmus *Russellus Flushingæ* Præfectus, pellectis in partes *Armuenfibus & Campuerensibus*, Ordinibus diffidentia plenissimis suspectus erat, quasi *Valachriam* insulam in Anglorum potestatem redigere cogitaret, suspicionemque auxit adventus Admiralli Angliæ, qui quamvis rem pacare studuerit: illi tamen, sibi metuentes, diffidentiam minimè celarunt, sed & publicè nummis ingeniosè, signatis cum duabus Ollis mari innatantibus (ex veteri Apologo) atq;

Ppp

in-

M. D.

LXXXVII.

*Ille eorum
vrbes tentat.
Renocatur.*

*Excellentia
titulus.*

*Symbola suis
distribuit.*

*Mauritius
Nassovius
substituitur.*

*Factio Leice-
striana in
Belgio.*

*Russellus su-
spectus.*

M. D.
LXXXVII.

Leicestrius
adversariorū
criminationes
eludit.

Baronis A-
bergenne
obitus.

Et Ducissa
Somersetti.

inscriptis, Si COLLIDIMVR, FRANGIMVR: & privatim ad Reginam literis testati sunt. Quæ illorum perstudiosa, nec sui negligēs, pericula (classe Hispanica iam imminente) prospexit, & Willoughbeio imperavit vt tumultuantes in Ordinum obsequium reduceret, quòd cum Mauritio foeliciter præstitit.

Leicestrius reversus, subodoratus criminationem in se comparatam à *Buckhursto*, & cæteris de re in Hollandia malè administrata, & iudicio coram Consiliarijs sistendum; priuatim se supplicem ad Reginæ pedes cum lachrimis abiecit, eiusq; fidem imploravit. Obtestatus vt quem abeuntem cum honore emiserat, redeuntem cum ignominia non exciperet. Quem humi iacentem extulerat, vinum, videntemq; non inhumaret. Et huiusmodi blandiloquentia offensum Reginæ animum deliniuit, vt nobilis ira deferbuerit, & eum in pristinam gratiam receperit. Adeò, vt cum postridie in iudicium vocaretur, suum inter Consiliarios locum capefferet, nec ad mensæ caput de more procumberet; atq; Secretarium capita accusationis legere incipientem interromperet, conquestus iniquiùs secum absente actum, publica quæ habuit documenta priuatis instructionibus restringendo, & facta ad Reginæ iudicium *Appellatione*, totam criminationem, non sine tacita adversariorum indignatione, elusit.

E vita hoc anno mense Februario emigravit Henricus Neuillus Baro Abergeuennæ, pronepos Edwardi Neuilli, qui regnante Henrico Sexto, hoc titulo potitus est iure vxoris filia vnicæ, & hæredis Richardi de Bellocampo, Comitæ Wigornia & Baronis Abergeuennæ. Quo iure, cum vnica filia huius Henrici, vxor Thomæ Fani Equitis aurati, titulum Baronissæ Abergeuennæ vendicaret, lis orta est memorabilis de titulo inter eam, & proximum hæredem masculum, cui testamento, eodemq; auctoritate Parlamentaria confirmato, Castrum Abergeuennæ legatum erat.

Fatis iam etiam concesserunt, & vno quidem mense Aprili, alij quatuor magna in primis apud nos celebritate;
Anna

Anna Stanhopia Somersetti Ducissa nonagenaria, quondam Edw. Seimori Ducis Somersetti, & Angliæ Protectoris vxor, quæ muliebri æmulatione cum Catharina Parra, Regis Henrici VIII. Regina Dotaria, de dignitatibus prærogativa tragædias in Seimeria familia excitavit, persuasa à Dudleio Warwicensi, dum ille perniciem huic præpotenti iam familiæ strueret, ne illa Protectoris vxor, Regina Dotariæ quæ Protectoris fratri enupta, sirma tolleretur, aut locum cederet. Radulphus Sadleirus Ducatus Lancastriæ Cancellarius, vir magnis & multis Reipub. negotijs spectatus, & vltimus Angliæ Banerettus, qua dignitate in prælio Musselburgensi fuit ornatus. Thomas Bromleius Angliæ Cancellarius sexagenario minor, Vir iuris prudentia insignis. Et sexto post die, qui illi successor à Regina destinatus, Edwardus Rutlandiæ Comes ex *Maneriorum* familia tertius, iuris scientia, & omni politiori eruditione ornatissimus, vnica filiola Elizabetha relicta, quæ Guil. Cecilio Thesaurarij Burghlæi nepoti vxor. Christophorus verò Hattonus florentissima apud Principem gratia, suffectus erat ex Aula Cancellarius, quod Iuris Anglici consultissimi permolestè tulerunt. Illi enim ex quo Ecclesiastici de gradu deiecti, hunc Magistratum, summum togatæ dignitatis culmen, viris Ecclesiasticis & Nobilibus plerumq; olim delatum, magna cum æquitatis & prudentiæ laude gesserant. Cæterum ille euectus erat Aulicis quorundam artibus, vt ex eius ab Aula absentia, & difficili tanti Magistratus munere, cui imparem nôrunt, gratia apud Principem imminueretur. Splendidissimè tamen omnium quos vidimus, gessit, & quod ex iuris scientia defuit, æquitate supplere studuit.

Ioannes Perottus hoc anno ex Hibernia revocatus, Provinciam Guilielmo *Fitz-Williams* tradidit pacatissimam, cum suspectos ad fidem, datis obsidibus, obstringendam induxisset; idq; quamprimùm ne si deliberarent, defecisse viderentur, suspectissimos providè interceptos in custodiam dedisset, & reliquos fidei in Principem hoc ambiguo tempore admonuisset, qui illi ob

M. D.
LXXXVII.

Stanhop

Et Radulphi
Sadleri.

Et Comitæ
Rutlandiæ.

Hattonus fit
Cancellarius.

Guil. Fitz-
Williams
iam quintum
Hiberniæ
Prærex.

M. D.
LXXXVIIJ

amorem in gentem Hibernicam, lubentissimè auscultarunt.

Hactenus (vt tantisper exspatier) Anglis bella in Hibernia fatis erant facilia. Octingenti Pedites, & trecenti Equites invictus habebatur exercitus. Randolphus cum sexcentis Anglis, O-Nealum cum 1111 M. Hibernicis, Colierus, Anno M. D. LXXI. cum sua vna cohorte mille Hebridianos in Connachtia, Butleros cum numerosa rebellium turba trecenti equites facilè profligarunt, & duo peditum turmae supra xx Hibernicorum castella vno die expugnarunt, vt alia taceam. Verùm postquàm Perrotti iussu assiduè domi exerciti, armorum doctrina imbuti, & destinato ictu bombardulas displodere edocti, vt paratiores essent contra Hebridianos: & deinde Belgicis bellis innutriti, muniendi rationes edidicerant; difficiliiori sanè bello, vt videbimus, Anglos exercuerunt.

*Hibernici
belli difficultates unde.*

M. D. LXXXVIII.

Annis Mirabilis.



Am ad Annum Christi M. D. LXXXVIII. quem Regiomontanus Astronomus ante seculum, *Annum fore Mirabilem*, & Germani Chronologi *Mundi Climactericum* prædixerunt, pervenimus. Rumores bellorum qui priùs tenues, indies magis magisq; increbuerunt, & iam non varia fama, sed clara, & vna omnium voce perferebatur classem invictissimam in Hispania contra Angliam instrui, clarissimosq; scientia militari duces, & veteranos ex Italia, Sicilia, etiam & America, in Hispaniam acciri.

*Apparatus
in Hispania
contra Angliam.*

Quo consilio.

Pontifex enim Romanus, Religiosi quidam Hispani, & Angli nonnulli patria profugi Hispanum ad consilium debellandi Angliam, Lusitanico bello ante annos decem interruptum, iampridem revocauerant; sedulò hortati, quandoquidem Deus immensis illum beneficijs cumlasset, Lusitania cum India Orientali, & plurimis opulentissimis insulis imperio adiectis, vt ipse aliquid vicissim præstaret,

præstaret, quod Deo tantorum bonorum largitori gratum esset, & Catholici Regis Maiestate dignissimum. Nihil autem Deo gratius, aut ipso dignius esse, quàm Dei Ecclesiam propagare. Hanc nec gloriosius nec maiori cum merito propagari posse, quàm Angliam debellando, & Catholicam Romanam Religionem, hæresi profligata, replantando. Iustissimum hoc bellum futurum differuerunt, non solum quòd necessarium, sed etiam quòd pro Christi Religione asserenda. Quandoquidem Regina Angliæ excommunicata, contumax in Ecclesiam Romanam persistit, rebelles in Belgio fovet, Hispanos assiduis deprædationibus infestat, vrbes in Hispania, atq; America intercipit, & diripit: atq; nuperrimè Scotorum Reginam, omnium Regum Maiestate violata, è medio sustulit. Nec minùs vtile fore, quàm iustum.

Ita enim ille Regna florentissima ad Imperiũ adijciat, rebellionem Belgicam, quæ Anglica quasi aura animatur, extinguat, navigationes ex vtrâque India securas reddat, sumptusque annuos, ad deducendas & reducendas classes Indicas, minuat. Vt facile etiam probarent, suggererunt classem Anglicam nec numero, nec magnitudine, nec firmitate cum Hispanica, (Lusitanica iam adiecta,) esse conferendam; Angliam minimè esse munitam, à ductoribus, militibus, equitatu, bellico apparatu minus instructam, opibus & amicis nudam, plures passim esse per Regnum Romanæ Religionis addictos, qui auxilia illicò adiungent. Denique tantas esse Hispani terræ marique vires, tantam Hispanorum virtutem, ut nemo se opponere auderet, & certissimam victoriam fidentissimè sponderent. Ad hæc, opportunitatem iam diuinitus esse oblatam, cum ne à Turca, pactis nuper inducijs, nec à Gallis intestino nunc bello implicatis, sit metuendum. Fidem etiam fecerunt facilius esse Angliam, quàm Belgium expugnare; quòd navigatio ex Hispania in Angliam sit brevior & opportunior, per mare scilicet apertum; in Belgium longior, & difficilior per mare magna ex parte conclusum, & Angliæ obiacens. Item, quòd Bel-

M. D.

LXXXVIIJ

*Quibus de
causis.*

M. D.
LXXXVIIJ

*De inuaden-
di ratione de-
liberatio.*

Belgium sit quasi continuum propugnaculum, tot vrbi-
bus & arcibus vbiq; munitum, Anglia verò nullis; vt faci-
le sit illis statim in ipsa regni viscera, non minùs quàm
nuper in Lusitaniam, penetrare. Postremò ex Axioma-
te militarij. *Hostem a tergo non relinquendum.* Anglos itaq;
hostes Hispanis acerrimos ante omnia necessariò ex-
pugnandos, quorum auxilijs Belgæ subnixj tam diu belli
molem sustinuerant, & sine quibus subsistere non pote-
runt. Adeò vt Angliâ debellatâ, Belgium necessariò
subiugetur.

His ita constitutis, de ratione Angliam inuadendi seri-
as instituunt deliberationes. Aluarus Bassanns Marchio
S. Crucis, cui summa classis imperium delatum fuit, ante
omnia censuit portum aliquem in Hollandia aut Zelan-
dia, a terrestribus Parmensis copijs, & aliquot nauibus
Hispanicis præmissis; ex improviso occupandum; in
quem Hispanica classis receptum haberet, & è quo inua-
sionem opportunè exordiretur, quando quidem in mari
Britannico turbido, ventis subindè mutantibus; & in quo
æstus inprimis sunt observandi, classis tutò consistere
non possit. Iuxtaq; cum illo sensit Parmensis, qui hanc
expeditionem maximoperè vrgebat. Alij tamen hoc mi-
nimè probarunt, vt difficile, periculi plenum, longi tem-
poris, multæ operæ, magnæ expensæ, incerti successus;
quòdque nec clàm, nec ex improviso fieri posset, & facile
ab Anglis impediretur. Hi putarunt, ijsdem expensis
Angliam posse faciliùs expugnari, certamq; & explora-
tam fore victoriam, si instructissimus ex Hispania & Bel-
gio exercitus, valida classe ad Tamisis ostium exponatur,
& Londinum vrbs primaria inopinato assultu opprima-
tur. Hoc factu facillimum visum, ideòque protinus exe-
quendum omnibus sedit sententia. Inter hos tamen, non-
nulli bellum priùs per facialem denunciandum censue-
runt, callido, vt ipsis videbatur, consilio, tum vt suspicio-
nem ex vicinorum Principum animis eximerent, tum vt
Reginam exteros milites in auxilium vocare adigerent;
spe concepta (qua mercenariorum est insolentia) eos tu-
mul-

multuosiùs acturos, agrosque populaturos: & inde illam odium apud suos subituram, & omnia in Anglia fore confusissima. Sed nec hi auditi apud homines virium fiducia ferocientes, satisque habuerunt Pontifici Rom. & Catholicorum apud Deum Sanctosque intercessionibus causam, classem, & exercitum commendare; librumque typis in terrorem edere, in quo vniversus apparatus sigillatim proponitur; qui sanè tantus per Hispaniam, Italiam, & Siciliam, vt ipsi Hispani obstupescerent, & *Classem Inuincibilem* nominarent.

Parmensis quoque in Belgio, Hispani mandato, naues ædificat, & navigia panda quamplurima, quorum singula, x x x. equis vehendis satis ampla, pontibus ad eadem adaptatis; nautas ex Orientali Germania conducit, trabes inferiori parte acuminatas ferroque munitas, & à latere falcatas; viginti millia vasorum, immensamque fasciculorum ligneorum struem comparat, & in maritimis Flandriæ oppidis exercitum c i i i cohortium peditum, & i i i i c i o equitū collocat, inter quos septingenti profugi Angli, qui omnium despiciatissimè habiti. Nec Stanleius qui præfuit, nec Westmorlandius, nec alij qui operam & consilium detulerunt, auditi: sed pro impietate in patriam, omni aditu prohibiti, & tanquam pessima auspicia meritò, non sine detestatione reiecti. Sixtus etiam Quintus Pont. Rom. ne deesse videretur, Alano Cardinali Anglo in Belgium misso, *Bullas Declaratorias* Pij v. atque Gregorij x i i i renouat, Reginam excommunicat, Regno abdicat, subditos ab omni fidelitate absoluit, *Cruciatamq;* vt contra Turcas & infideles, typis publicat, qua omnibus adiutoribus plenarias ex Ecclesiæ thesauro elargitur indulgentias. Vnde huic militiæ nomina sponte dederunt Marchio à *Burgaw* è familia Austriaca, Dux Pastranæ, Amadæus Sabaudus, Vespasianus Gonzaga, Ioannes Medices, & plurimi vndiquaque nobiles.

Elizabetha contrà, ne incauta opprimeretur, classem quantum posset maximam, & omnia ad bellum necessaria singulari studio apparat. Et ipsa (quæ in ingenijs dig-

M. D.
LXXXVIIIJ

Classis in-
vincibilis.

Apparatus in
Belgio.

Proditores o-
diosi.

Subsidium à
Papa.

Apparatus in
Anglia.

M. D.
LXXXVIII

Mari.

noscendis iudicio acerrimo, & cum soluta sibi fuerit eligendi optio, non de aliorum commendatione, semper foelicissima, ad singula munia optimos nominatim designavit. Vniuersæ verò classi præfecit Carolum Howardum *Effinghamium*, Angliæ Thalassiararcham siue Admirallū. De cuius foelicitate optimè sibi persuaserat, quem rei maritimæ gnarum, providentia cautum, animo fortem, in agendo industrium, & magna inter classarios autoritate, tum ex moderatione, tum ex nobilitate noverat. Eum ad Occiduas Angliæ partes tempestiuè mittit, ubi Dracus, quem Subthalassiararcham constituit, se adiunxit. Henricum *Seimorum* filium secundo-genitum Ducis Somersetti, ad oram Belgicam cum x l. navibus Anglicis & Belgicis, ne quâ Parmensis cum suis copijs egrederetur, excubare iubet; etsi non deerant, qui hostem expectandum, & terrestri prælio excipiendum summoperè suaserunt, iuxta ac deliberatum fuerat, regnante Henrico VIII. cum Galli numerosa classe Angliæ imminerent.

Et terrâ.

Ad terrestre bellum, per littora Australia disponuntur x x m. bellatorum, duo prætereà exercitus à delectu & disciplina lectissimi conscribuntur, quorum alteri, qui constabat ex Equitibus m. Peditibus x x i i m. præfuit Leicestrius, castraq; ad Tilburiam haud procul à Tamisis ostio, habuit: (hosti enim certum constitutumq; fuit Londinum primum aggredi,) alteri qui constabat ex x x x i i i i. millibus peditum & i i m. equitum ad Regnam stipandam, præficitur Baro Hunsdonius.

*De resistendo
consultatio.*

Arthurus Baro Greius, Franciscus *Knolles*, Ioannes Norrius, Richardus Binghamus, Rogerus *Williams*, viri ex ordine Equestri, & militari scientia clarissimi seliguntur, qui de ratione belli terrestres consilia conferrent. His visum ut loca hostili exscensionem tam ex Hispania, quam Belgio opportuna, scilicet, *Portus Milfordicus, Falmoutha, Plimoutha, Portlandia, Vecta Insula, Portsmoutha*, apertum illud Cantij littus, quod *Downes* vocamus, *Tamisis ostium, Harewicus, Yarmoutha, Hullum, &c.* præsidij, & operibus

bus munirentur, milites exercitati per Provincias maritimas ad hæc defendenda, signo dato, convenirent, hostem exscensione quantis possent viribus prohiberent. Sin exscensionem faceret, vastitatem agris longè lateq; inferrent, omnia quæ vsui essent corrumpere, ne alia, quàm quæ humeris ferret, cibaria inveniret; assiduisq; ad arma conclamationibus noctu & interdiu ita hosti insisterent, vt quietem non concederent. Belli verò aleam non tentarent, donec plures ductores cum suis numeris convenirent. E ductoribus autem vnum nominarunt, qui in singulis Comitatus cum imperio præesset. Nec lubet figillatim referre, quas mediterraneas Provincias huic & illi littori subsidio assignarunt, quos numeros, quæ arma, & quam pugnandi rationem præscripserunt.

Hac tempestate cum nonnulli Reginae sæpius inculcarent, non tam Hispanos foras, quàm Pontificios domi formidandos esse. Siquidem Hispanos nihil hostile in Angliam aufuros nisi fiducia auxilij ab ijs, ideoq; ad securitatem capita Pontificiorum quæ sitis causis demetenda; prolato Henrici Octavi exemplo, cum Imperator & Gallus, instigante Pontifice, in procinctu essent ad Angliam invadendam. Statim vt ille Marchionem Exoniæ, Baronem Montis-acuti, Edw. Neuillum, & alios quos cœpto fautores suspicabatur, è medio sustulisset, expeditio suscepta simul cecidit. Illa autem hoc, vt crudele cōsiliū averfata, satis habuit quosdam Pontificiorum, nec illos quidem è primarijs ad *Wisbecham* in palustri Regione, in custodiam amandare. Et in omnes partes oculos animumq; intendens, Ordines minimè dormientes crebris literis excitat, Guil. *Fitz-Williams* Hiberniæ Proregem, quid faceret edocet. Scotorum Regem per suos in Scotia & nuntios comonefacit, vt sibi à Pontificijs & Hispanica factione inprimis caueret. Ille autem non ignarus quanta tempestas & vastitas impenderint, pro perpetuo suo in veram Religionem & Reginam studio, sponte incitatus, iam antea *Dumblanensem* Episcopum à Pōtifice Romano missum audire recusaverat, & foedus inter Scotiæ Protestantes ad re-

M. D.
LXXXVIIJ

Et de Pontificijs domi.

Regis Scotorum contra Hiss. alacritas.

M. D.
LXXXVIIJ

*De pace in-
terim collo-
quium.*

sistendum Hispanis, ineundum curaverat. Ipseq; in *An-
nandiam* cum exercitu profectus Maxwellium, nuper ex
Hispania contra fidem datam in Scotiam reversum, Hi-
spanoq; studentem, expugnatis castris, in carcerem con-
iecit, Hispanos hostium loco habendos declaravit, &
contra eos arma magna alacritate expedit.

Inter hos belli apparatus vtrinq; maximos, nec pacis
consilia abiecta fuere. Ante biennium, cum Parmensis
secum perpēdisset quàm difficile foret bellum Belgicum
conficere, dum Reginæ subsidijs quotidie aleretur; per
litteras operâ Iacobi Crofti à sanctiori consilio pacis per-
quàm studiosi, Andreæ Loei Belgæ, & aliorum, sedulò
egerat ut de pace tractaretur, utiq; auctoritatem sibi ab
Hispano esse delegatam. Illa verita ne subdolè hoc age-
ret, ut amicitiam inter ipsam & Confoederatas Provincias
dissueret, easq; clandestinò ad Hispanum pelliceret, rem
aliquandiu distulit. Nunc autem, ut bellum vtrinq; im-
minens averteretur, de pace, sed armata manu, tractare
constituit, nec Parmensis quidem abnuvit.

Mense itaq; Februario in Flandriam delegantur Hen-
ricus Comes Derbiæ, Guil. Brookus Baro Cobhamus,
Iacobus Croftus Regiæ Censor, Valentinus Dalus, &
Ioannes Rogersius LL. Doctores. Qui omni humanita-
te Ducis nomine excepti, Dalum protinùs ad eum mise-
runt, ut de loco conveniendi consuleret, & auctoritatem
ab Hispano delegatam cerneret. Ille locum constituit
prope *Ostendam*, non in ipsa *Ostenda* quæ contra Regem
ab Anglis iam detenta; auctoritatem autem delegatam
cum convenirent, monstrandam promisit. Optavit au-
tem ut rem maturarent, ne quid intereà interveniret,
quòd pacis negotium interturbaret. Richardotus autem
apertius dixit, *se nescire quid contra Angliam intereà fieret*.
Haud ita diu pòst, Rogersius ad Principem expresso Re-
ginæ mandato mittitur, ut certò sciret an consilium inva-
dendi Angliam susceptum fuerit, quod ille & Richardo-
tus modò innuere videbantur. Affirmavit ille, se de An-
glia invadenda ne cogitasse quidem, cum rem maturatò
fieri

fieri optaverit, & Richardoto quodammodo succensuit, qui eiusmodi verba sibi excidisse negavit.

Die Aprilis x i. in tentorijs prope Ostendam Comes Arenbergius, Champignius, Richardotus, Maesius Doctor, & Garnierus à Parmensi delegati cum Anglis conuenerunt, quibus dignitatis prærogativam & incedendo, & sedendo vtrò detulerunt. Cumq; affirmassent Ducem autoritate ad pacem tractandam satis munitum esse, Angli proposuerunt inducias primò ineundas esse. Illi negarunt, vtiq; damnosas Hispano futuras, qui numerosum exercitum iam totos sex menses aluerat, si pax non conficeretur. Angli instabant inducias illas priusquam in Belgium advenerant, promissas fuisse. Illi contrà, inducias ante sex menses promissas fuisse agnoscunt, sed non admissas, nec Reginae integrum esse inducias pro Hollandis & Zelandis pacisci, qui quotidie hostilia moluntur. Angli urgent vt induciæ sint generales pro omnibus Reginae territorijs, & Regno Scotiae. Illi nisi pro quatuor Belgij oppidis in Reginae manibus, viz. *Ostenda, Flushinga, Berga ad Zomam, & Briela* concedere abnuunt, easq; durante tractatu, & dies viginti subsequentes, idq; eiusmodi verbis, vt interea liceret Reginae Angliæ Hispaniam, & Hispano Angliam ex Hispania & Belgio inuadere. Dum ita de inducijs & loco, qui tandem *Bourburgi* constitutus, procrastinatur, Crostus præ summo pacis studio Bruxellam, cæteris delegatis incòsultis, profectus, articulos quosdam privatim proposuit, quod Leicestrio criminante, carcere postea luit, licet illi sanè, reliquorum iudicio, non improbandi. Sed Delegatis circumscripti limites non sunt transfiliendi. Demùm, cum vt ab armis omninò abstineretur, Angli extorquere, & Diploma, quo Parmensi tractandi de pace autoritas concessa, nulla ratione videre possent, hæc proposuerunt, *Vt fœdera antiqua inter Reges Angliæ & Duces Burgundiae renouarentur & constabilirentur, vt Belgæ vniuersi priuilegijs suis plenissimè fruerentur, & libera conscientia Deum colerent, vt Hispani & externi milites è Belgio submouerentur, ne vel Belgæ, vel finitimæ*

M. D.
LXXXVII)

*Anglorum
propositiones,
& ex altera
parte respon-
sa.*

M. D.
LXXXVIIIJ

regiones ab illis timerent. Quæ si concederentur, Reginam ad æquas conditiones de Belgij oppidis, quæ iam possidet, descensuram (vt constaret se non sui commodi causa, sed necessariae defensionis tam Belgarum, quàm sui ipsius, arma sumpsisse) dummodò pecunia quæ inde debetur refunderetur. Illi respondent, In fæderibus antiquis renouandis nullam futuram difficultatem, quando amicè de ijs inter se conferre placebit. Non esse cur exteri Principes de Belgarum priuilegijs sint solliciti, quæ non modò Prouincijs & Urbibus reconciliatis, sed etiam vi armorum reductis benignissimè concessa fuere. Militem externum ex vrgète necessitate retineri, cum Hollandia, Anglia, & Gallia iam arma induerint. Quod ad oppida illa Regi erepta, & pecuniam expensam, Hispanum posse postulare tot aureorum myriades sibi à Regina rependi, quot ille in bellum Belgicum impendit, ex quo illa Belgas deficientes fouerit, & in tutelam suscepit.

Cum Parmense
se expostula-
tio.

Sub hoc tempus, Dalus iussu Reginae ad Parmensem profectus, leniter cum eo expostulat de libello recens edito ab Alano Anglo Cardinale, quo Nobiles populumque Anglicum & Hibernicum adhortatur vt se adiungerent copijs Hispanicis sub ductu Ducis Parmensis, ad exequendam sententiam Sixti Quinti Pontificis Romani in Reginam Angliæ Bullâ iam promulgatam. Qua illa heretica, illegitima, crudelis in Mariam Scotorum Reginam, &c. declaratur, subditisque mandatur vt Parmensi contra ipsam auxiliarentur. (Et magnus profecto harum Bullarum, & libellorum numerus Antwerpiae erat impressus, quæ per Angliam distraherentur.) Ille huiusmodi libellum, aut Bullam se vidi se inficiatur, nec quicquam Pontificis Romani nomine suscepturum, Regi tamen suo obtemperandum esse. Cæterum Angliæ Reginam ob Regias virtutes ita observare, vt secundum Regem, illi plurimum tribuat, & inseruire cupiat. Se Regi persuasisse, vt ad hanc pacem tractandam descenderet, quæ magis è re sit Anglis, quàm Hispanis. Si enim hi victi, facile damnum refarciant, sin vos semel victi, inquit, Regnum simul amittitur. Cui Dalus, Regina nostra ad Regnum defendendum à viribus satis est instructa, nec vnius prælij fortuna Regnum facile ex-

M. D.
LXXXVII.

expugnari posse ipse pro prudentia diiudices; cum Hispanus auxilium in Belgio patrimonium bello tam diuturno nondum recuperare valeat. Esto, inquit ille, Hæc in manu Omnipotentis.

Postea replicationibus mutuis Delegati decertarunt, & eandem quasi telam retexuerunt. Cum Angli instarent ut Religionis toleratio ad duos saltem annos *Prouincijs Confederatis* concederetur, responsum est, *Ut Hispanus pro Anglijs Catholicis hoc non petijt, ita sperarunt Reginam pro prudentia, nihil ab eo postulaturam quod Hispani honori, iuriurando, & conscientie aduersetur.* Pecuniam à Brabantia Ordinibus debitam efflagitantibus, respondent, *Rege, nec conscio, nec auctoritate præbente, mutuò datam esse. Verum rationibus subductis, quanta ea pecunia fuerit, & quantam Rex in hoc bellum impenderit; constare posse, cui plus rependi debeat.* Huiusmodi responsis Anglos eluserunt, donec ipsa classis Hispanica Angliæ oram accederet, & tormentorum tonitrua ex mari exaudirentur. Tunc enim com meatum à Parmensi (qui interea omnes ferè copias ad oram deduxerat) acceperunt, & ab ipsius Delegatis ad limites, prope Caletum honorificè sunt deducti. Ita in nihilum cecidit hic tractatus, à Regina, ut prudentiores iudicarunt, susceptus ad classem Hispanicam avertendam, ab Hispano continuatus, ad Angliam imparatam, nec opinantem opprimendam: ut pelli Leoninæ Vulpinam asfuere vtrinque viderentur.

Classis illa Hispanica, viris, machinis, & omni apparatu, omnium quas Oceanus vnquam vidit, longè instructissima, & arroganti nomine *Inuincibilis* dicta, constabat è cxxx navibus, in quibus milites xixmccxc. nautæ viiimcccl. Remiges catenati iimlxxx. tormenta maiora iimdccc. Præerat cum summo Imperio *Alphonsus Perezius Gusmanus, Dux Medina Sidorina.* (Antonius enim Columna Dux Paliani, & Marchio S. Crucis, quibus hoc Imperium destinatum, dum apparabatur, diem obierant) & sub eo Ioannes Martinus Recaldus, in re nautica versatissimus. Tertio Calendas Iunij è Tago solvit, dumque cursum ad * *Corunnam Gallicia* in

Colloquium abruptum.

Hispanica classis.

*Oram soluit.
* Groin.*

M. D.
LXXXVIIJ
Dissipatur.

intendit, horrida tempestate tota erat disiecta, tribus trimibus *Davidis Gwini* mancipij Anglici opera, & remigum Turcicorum perfidia, in Galliam abductis, & ægrè post aliquot dies ad *Corunnam*, & stationes vicinas convenit. Adeò afflictam fama perhibuit, ut Reginae persuasissimum fuerit, classem illam hoc anno non expectandam, & *Walsinghamus* à Secretis ad Admirallum scripserit, ut quatuor è maximis nauibus remitteret, quasi bello iam confecto. Ille haud facile credidit, molliq̃ue responso, ne quid temerè in re tanta crederetur, utq̃ue eas, vel proprijs impensis retineret, rogavit. Et vento favente vsus, Hispaniam versus vela pandit, ut afflictas hostium naves in stationibus opprimeret. Cum non longè ab Hispaniæ ora abesset, ventus in Notum mutavit, & ille, qui iussus, ut Angliæ oram tueretur, veritus ne eodem vento illi inconspècti in Angliam appellerent, *Plimoutham* redijt.

Iterum soluit

Eodem vento, XII die Iulij ad rationem Anni Iuliani è *Corunna* solvit Dux Medinæ cum vniversa classe; post vnum & alterum diem, Rodeticum Telium in Belgium præmittit, ut *Parmensem* de classe adveniente edoceret, & quod in rem esset, admoneret. In mandatis enim habuit ut se cum *Parmensis* militibus, & navibus coniungeret, eosq̃ue sub protectione suæ classis in Angliam deduceret, simulq̃ue terrestres copias ad *Tamisis* Ostium exponeret. Iam quid singulis diebus in hac navigatione gestum, tam ex Hispanorum, quàm nostrorum relatione fide dignissima, ut veritas clariùs elucescat, paucis perstringam.

Die XVI. magna fuit malacia, & densa nebula mari incubuit ad meridiem vsque, inde Aquilo turbidè spiravit, mox Zephirus ad mediam noctem, & deinde Eurus: adeò ut classis Hispanica dissipata difficulter recolligetur, priusquàm in Angliæ conspectum venerit die mensis vndeicesimo. Quo die Angliæ Admirallus à *Flemmingo* nauarcho certò edoctus classem Hispanicam *Mare Britannicum* (quod *Canalem* vulgus nautarum vocat) ingressam esse: conspectamq̃ue prope *Ocranum Promontorium*,
(vulgò

(vulgò the Lizard) classem Anglicam vento in portum gra-
uiter incumbente, non sine magna difficultate, summa
sanè cum solertia, & mira classiariorum alacritate, ipse
gregarijs militibus & nautis opere helciario immixtus, in
altum eduxit.

Postridiè Angli classem Hispanicam turribus, castel-
lorum instar, sublimem, lunata fronte, cornibus VII. plùs
minùs milliaria extentam, quasi ventorum labore, nec si-
ne Oceani gemitu tardiùs, etsi plenissimis velis nauigan-
tem conspiciunt, pratervehiq; lubenter sinunt vt à tergo
vento secundo insequerentur.

Vicesimo primo Iulij, Angliæ Admirallus præmissa
celoce *Defiance* dicta, bellum displosione denuntiavit, &
mox *Prætoriam* quam putavit Hispanorum (sed ea erat
Alphonfi Læuæ) è sua *Prætoria* (*Archa Regia* dicta) pri-
mum crebra eiaculatione adortus est. Mox Dracus, Haw-
kinsus, & Forbisherus in vltimum agmen quod Recal-
dus regebat, detonuerunt, qui nihil non fecit vt suos ad
classem fugientes sisteret, donec ipsius navis multis icti-
bus diverberata, & iam inutilis, in aciem se ægrè recipe-
ret. Quo tempore Dux Medinæ dissipatam hinc inde
classem collegit, & maioribus velis pansis cursum inten-
dit. Nec aliud poterat, cùm & ventus Anglis faueret, &
eorum naves incredibili celeritate ad impetus faciendos,
flexus, recursusq; capiendos, in quamcunque partem se
converterent. Iam duabus horis acriter pugnatum erat,
nec visum Admirallo Angliæ pugnam diutiùs continua-
re, cùm XL naves vix dum è portu eluctatæ, abessent.

Nocte insequente, S. *Catharina* navis Hispanica, hac
pugna admodum lacerata, in mediam aciem erat recepta
vt reficeretur. Ingensq; navis Cantabrica *Oquenda*, in qua
Regius Quæstor, vi tormentarij pulveris à Belga tor-
mentario malè habito de industria inflammati, deflagrare
cœpit. Incendium tamen tempestiuè extinctum à navi-
bus in auxilium submissis, inter quas *Galeona* Petri Val-
desij, anteriori malo alterius navis antennis implicata, &
fracta; cùm turbido mari, & nocte cæca nemo pericli-
tanti

M. D.
LXXXVIII
*Anglica
classis soluit.*

Prima pugna

*Anglicarum
navium ha-
bilitas.*

M. D.
LXXXVIIJ
Petrus Val-
desius captus

Oquendæ
navis capta.

Pugna se-
cunda.

tanti subvenire posset, derelicta, Draco in prædam obve-
nit, qui Valdesium ad *Dertmoutham* misit, pecuniam mi-
litibus diripiendam reliquit. Ille lumen ea nocte præ-
ferre iussus neglexit, Germanicas mercatorum holcadas,
hostes ratus, insequutus, in causa fuit ut classis Anglica
ferè tota subsisteret, cum nocturnum lumen nusquam
conspiceretur. Nec ille & reliqua classis, priusquam ad-
vesperasceret die sequenti, Admirallum affecuti sunt, qui
tota nocte præcedente cum *Vrso* & *Maria Rosa* (hæc na-
vium nomina) Hispanorum vestigijs sedulò institit. To-
to isto die, Dux securus in sua classe ordinanda ad labo-
ravit, Alphonso Læuæ ut primùm agmen cum extremo
coniungeret, mandavit, unicuique navi suam stationem
assignavit secundum præscriptam in Hispania formulam,
extremo supplicio ijs proposito, qui stationem defere-
rent; Glichum Vexilliferum ad Parmensem misit, qui
doceret quo statu esset; & Cantabricam illam *Oquendæ*
navem, Regia pecunia, & vectoribus in alias naves trans-
latis, fluctibus commisit. Quæ, eodem die, cum quin-
quaginta plus minus nautis & militibus miserrimè muti-
latis & semiustis, in Anglorum manus devenit, & in por-
tum *Weymoutham* deducta.

Die mensis xxiij. primo diluculo, Hispani Aquilo-
ne favente vsi, vela vertunt in Anglos, qui quod in rem
erat, Occidentem versus naves facillè convertunt, & post-
quam de venti beneficio præripiendo decertatum, ad
præliandum vtrinque accingitur, varioque Marte confuse
pugnatur; dum hinc Angli naves Londinenses ab Hi-
spanis circumfessas periculo animosè eximerent, inde
Hispani Recaldum periclitantem non minus fortiter li-
berarent. Nunquam fuerunt maiores vtrinque effulmina-
tiones, quæ tamen pleræque ab Hispanis irritæ Anglos su-
pervolitarunt. Solus *Cockus* Anglus in sua inter medios
hostes navicula, cum laude perijt. Anglorum enim naves
multò minores mira in hostem agilitate inuectæ, dispo-
sitione facta, statim in altum auolarunt, atque in prægran-
des illas Hispanorum, quæ graves & ad omnia præpeditæ,
certos

certos ictus collinearunt. Nec visum Angliæ Admirallo confertè per harpagines aleam belli subire, quod nonnulli inconsiderati suaserunt. Hostes enim iustum exercitum in classe habuerunt, ille nullum. Eorum naves erant numero longè plures, mole maiores, robore firmiores, structura altiores; vt à desuper propugantibus è tabulatis, nihil nisi certum exitium inferius oppugnantibus immineret. Peruiditq; cladem multò magis sibi obfuturam, quàm victoriam profuturam. Victus enim Regnum Angliæ in vltimum discrimen adduxisset, victor, tantum gloriolam de classe superata, & hoste cæso retulisset.

Die mensis xxi. à pugna vtrinq; feriatum, Admirallus nonnulla minora navigia ad vicina Angliæ littora misit, ad bellici apparatus supplementum; & vniuersam classem in quatuor * Phalanges diuisit, quarum primæ ipse præfuit, secundæ Dracum, tertiæ Hawkinsum, quartæ Forbilherum præfecit, & designavit quasdam ex vnaquaq; Phalange nauiculas, quæ ex diversis partibus nocte intempesta impressionem facerent; sed malacia interveniente, consilium effectui caruit.

Die xxv. qui S. Iacobo sacer, S. Anna, Galeona Lusitanica, quæ cum cæteris cursum tenere non poterat, à minoribus navigijs Anglicis impetita fuit. In cuius suppetias Læua, & Didacus Telles Enriques cum tribus Galeassibus prodierunt, quas ipse Admirallus, & Thomas Howardus in Aureo Leone, lembis helciario opere attracti (tanta erat maris malacia) vi tormentorum ita inceserunt, vt aegrè, nec sine iactura, Galeonam illam liberarint, & nullæ iam inde Galeassæ pugnam capefferent. Produnt Hispani Anglos eodem die Hispanicam Prætoriam in extremo agmine collocatam, propius quàm antea, maioribus tormentis diverberasse, multisq; occisis, maiorem malum deturbasse; sed Mexiam & Recaldum opportunè Anglos repulisse. Prætoriam deinde Hispanicam comitatam Recaldo, & alijs, Anglicam Prætoriam oppugnasse, eam venti vertentis beneficio euasisse; Hispanos iam inde insequi destitisse, & cursum tenentes iterum nuntium ad

M. D.
LXXXVIII
Admiralli
presidentia.

* Squadrons

Pugna tertia

R r r

Par-

M. D.
LXXXVIIJ

Parmensem ablegasse, vt quamprimùm classem suam cum Regia coniungeret, & simul pilas tormentarias mitteret. Hæc Anglos latuerunt, qui scribunt se vni Hispanicarum navium lanternam, alteri rostrum deterfisse, & tertiæ multa damna intulisse. *Non-Parigliam* verò, & *Mariam Rosam* aliquantisper cum Hispanis conflixisse, aliasq; naves *Triumpho* periclitanti subuenisse. Ita in pugnarum ratione qui rebus gerendis adfuerunt, non eadem de iisdem referunt; dum quisq; ex vtraq; parte, quod ipse observavit, commemorat.

Equites creati.

* Straight
of Calais.

Postridiè Admirallus Thomam Howardum, Baronem Sheffieldum, Rogerum Townsendum, Ioannem Hawkinsum, & Martinum Forbilherum ob fortitudinem Equestri dignitate ornauit. Deliberatumq; iam inde hostem non adoriri, priusquàm ad * *Fretum Britannicum* peruenirent, vbi Henricus *Seimorus*, & Guil. *Winterus* eorum adventum præstolabantur. Ita secundo Etesiarum flatu (qui nostro cœlo à Libonoto sereni plerumq; spirant) Hispanica classis, Anglica subsequente, prouehitur. Tantum autem absuit vt *inuincibili* nomine, aut terribili spectaculo oram maritimam terruerit, vt iuventus Anglica incredibili quadam alacritate (parentibus, vxoribus, liberis, cognatis, & amicis, ex intima in patriam charitate, derelictis) navigijs vndiq; priuatis impensis conductis, se classi magno numero adiunxerit; & inter alios, Comites Oxoniæ, Northumberlandiæ, Cumberlandiæ, Thomas & Robertus Cecilij, H. Brookus, Carolus Bluntus, Walterus Raleighus, Guilielmus Hattonus, Robertus Carius, Ambrosius Willoughbeius, Thomas Gerardus, Arthurus Gorgæus, & alij clarioris notæ.

Nobiles vndiq; se classi adiungunt.

Hispanica
classis subsistit.

Die xxvii. huius mensis ad vesperum, Hispani prope Caletum anchoras iecerunt, à naucleis moniti, si classis vltcrius progredederetur, verendum ne vi æstus in Septentrionalem Oceanum abriperetur; & iuxta eos in anchoris subsistit Admirallus cum suis intra maioris tormenti ictum, quibus *Seimorus* & *Winterus* suas naues adiungunt. Iam c xl. naues in classe Anglica numerabantur,

tur,

tur, habiles illæ quidem omnes ad præliandum, navigandum, & quò velint circumagendum; nec tamen plures quàm x v. erant, quæ quodammodo belli molem pertulerunt, & repulerunt. Hispani illicò, vt sæpius antea, crebrioribus nuntijs Ducem Parmensem urgent, vt x l. *Fleibotas*, id est, *leniora nauigiola* mitteret, sine quibus commodè cum Anglis configere non possent ob nimiam Hispanicarum nauium magnitudinem & tarditatem, & summam Anglicarum agilitatem; maioremque in modum rogant, vt mari se cum suo exercitu committeret, quem quasi sub alis, Hispanica classis (ita enim delibatum erat) protegeret, donec in Anglia terram conscenderet. Ille autem imparatus, ad nutum adesse non poterat, carinæ pandæ alueis planioribus, firmis fatiscabant, res annonaria deerat, nautæ inviti hætenus detenti, se subduxerant. Imminebant etiam portibus *Dunkerkæ*, & *Newporti*, vnde soluendum erat, naues bellicæ Hollandorum & Zelandorum maioribus tormentis, & sclopetarijs adeò instructæ, vt oram soluere non posset, nisi in perniciem ante oculos positam, se & suos sciens & prudens conijceret. Nec quicquam tamen omittere videbatur vir nauis & industrius, cupiditate Angliam debellandi inflammatus.

At diligentiam eius, & spem credulam Hispanorum prævertit Elizabethæ providentia, cuius iussu, postridie quàm Hispani anchoras fixerant, Admirallus naues octo ex vilioribus, igne Græco pice, resina illitas, sulphure, varioque ignis fomite repletas, ductu *Youngi* & *Prowfi*, vento ferente in Hispanicam classem nocte intempesta immisit. Quas, vt propius adventantes Hispani conspexerunt, toto mari flammis collucente, rati naves illas incendiarias, præter ignis periculum, exitialibus etiam machinis instructas fuisse; ululabili quodam clamore sublato, anchoras tollunt, rudentes dissecant, vela expandunt, remos merant, & terribili parrico horrore perculsi, repentino impetu in fugam confusissimè protuunt. Inter quas, *Galeassa Prætoria* gubernaculo fracto fluitans, dum

M. D.
LXXXVII
Parmensis
acteritur.

Ille imparatus.

Hispaniter-
riti confuse
fugiant.

M. D.
LXXXVIII
Hugo Mon-
cada occidi-
tus.

Pugna quar-
ta.

die sequente trepidè Caletum petit, arenæ illis, ab Amia Prestono, Tho. Gerardo, & Harveio ancipiti pugna occupatur, *Hugone Moncada* Præfecto occiso, militibus & remigibus vel aqua haustis, vel gladio peremptis, magna vi auri in prædam abrepta. Nauigium & tormenta Caleti Præfecto cesserunt.

Perhibent Hispani Ducem, cum incendiariæ illæ naues accederent, iussisse anchoras per vniversam classem tolli; ita tamen vt periculo defunctæ, quæque naus ad suam stationem rediret. Et ipse sanè redijt, signo redeundi dispfusione dato, quod tamen à paucis auditum, cum illæ vndique dissipatæ, aliæ in apertum Oceanum, alię ad breuia in Flandrię littore præ metu propellerentur.

Interea Dracus & Fennerus in Hispanicam classem è regione Grauelingæ se colligentem magno tormentorum fragore irruunt, quibus se protinùs adiunxerunt Fentonus, Southwellus, Beestonus, Crossus, Rimanus, & statim ipse Admirallus, Thomas Howardus, & Sheffeldus. Dux, Læua, Oquenda, Recaldus, & cæteri è breuibus eluctati, impetum, quantum possent, sustinuerunt, adeò vt pleræque ipsorum naues admodum essent laceratæ & perforatæ. *Galeona S. Matthæus*, cui præerat Diegus Pimentellus, suppetias Fran. Toletano in S. Philippo allatura, à Seimoro & Wintero crebris tormentorum ictibus quassata, iuxta *Ostendam* adacta, & denuò à Zelandis transverberata, à Flussingensibus caperetur. Vt etiam altera illa *S. Matthæus*, classisque Hispanica toto die grauissimè afflicta.

Die ultimo mensis, primo manè Caurus invaluit, & Hispanica classis satagens ad *Freti* angustias redire, Zelandiam versus propellitur. Angli insequi destiterunt, vt Hispani credunt, quia in exitium penè abreptas viderant. Cauro enim spirante, non poterant non in arenas & breuia iuxta Zelandiam impingere. Sed Cauro in Africum mox commutato, vento obsecundarunt, & è breuibus liberati, vesperi consultant quid faciendum: communibusque suffragijs decretum in Hispaniam per Sep-
ten-

tentrionalem Oceanum redire, quandoquidem plura necessaria, inprimis pilæ tormentariæ, deessent, naues laceræ, & spes nulla Parmensem suam classem posse educere.

Itaque iam in altum evecti, in Septentriones cursum dirigunt, Anglia classe persequente, cui per intervalla nonnunquam proras obverterunt. Cumq; redituros plerique existimarent, Regina masculo animo exercitum & castra ad *Tilburiam* lustravit, & per dispositas acies Ductoris bacillo puro in manu, nunc gressu militari, nunc muliebri obequitans, incredibile quantum ductorum & militum animos præsentia, & alloquio firmavit.

Eodem die, quo postremo pugnatum, Parmensis, postquam vota *B. Maria Hallensi* fecerat, serius *Dunkirkam* venit, Hispanorum opprobrijs exceptus, quasi in gratiam *Elizabethæ* pulcherrimam rei gerendæ occasionem volens corrupisset. Ille, ut non nihil satisfaceret, in rei annonariæ curatores animadvertit, Hispanorū insolentiæ tacite illudens, cum gloriantes audiret, quocunque se inferrent, victoriam secum haud dubiam trahere. Anglos ne vultum quidem ipsorum, aut aciem oculorum ferre potuisse. Et triumphum sane ante victoriam, editis libris *Bernardinus Mendoza* vanè & mendaciter in Gallia cecinit. Ne tamen Parmensis è *Dunkirka* prodiret, *Admirallus Seimorum*, & *Hollandos* ad *Flandriæ* oram excubare iussit, ipse Hispanos à tergo insequutus est, donec *Bodotriam* *Scotiæ* (*Edenborough Frith* hodie vocant) prætervecti essent. Subverebantur enim nonnulli, ne ad *Scotorum* Regem ob matris cædem iam infensum, se recipe-
rent. Certè *Ashbeius* Reginæ in *Scotia* Legatus, ut eius animum leniret, luculentas hoc mense illi obtulit conditiones, scilicet, titulum *Ducatus* in Anglia, annuam v m. librarum pensionem, stipatorum cohortem Reginæ sumptu alendam, & alia: an ex suo ingenio, vel aliorum mandato, non facile dixerò, nec rimari placet; culpa in illo resedit, & conditiones nunquam impletæ.

Hispani autem omni redeundi spe iam abiecta, non ali-

M. D.

LXXXVIIJ

*Hispani fu-
gunt.*

*Regina Ca-
stra adit.*

*Scotorum Re-
gi conditiones
oblata.*

M. D.
LXXXVIIJ

*Nummi in
victoria me-
moriam.*

*Hispanorum
miseric.*

*Quibus cau-
sis cladem
assignarunt.*

aliunde quàm fuga salutis consulentes, nusquam stiterunt. Et ita classis toto triennio immensis sumptibus apparatus, intra mensem saepe impugnata, & demum multis occisis fugata, ex Anglis ne centum quidem desideratis, nec nauicula præter illam Cocki amissa, (elaculationes enim omnes ex altissimis Hispanicis navibus Anglicas super-
volarunt) univèrsam Britanniam per Scotiam, Orcades, & Hiberniam circumvecta, tempestatibus, naufragijs, & miserijs omnibus gravissimè conflictata, plurimumque accisa, domum ingloria redijt. Vnde signata Numisma-
ta, alia in rei memoriam cum classe passis velis fugiente, & inscriptione VENIT, VIDIT, EVGIT. Alia in Reginae honorem cum incendiarijs navibus & classe confusâ, inscripta, DVX FOEMINA FACTI. Inter fugiendum certum est plures naves in Hiberniæ & Scotiæ littoribus perijsse, & supra septingentos milites & nautas in Scotiam eiectiones fuisse; qui, intercedente apud Scoto-
rum Regem Parmense, & Regina permittente, post annum in Belgium transmissi. At inclementius cum miseris illis actum qui in Hiberniam tempestatibus adacti. Alij enim à sylvestribus Hibernicis occisi, alij Proregis mandato. Ille enim dum timeret, ne cum rebellibus Hibernicis se coniungerent, & Binghamus Connacthiæ Præfectus semel atque iterum iussus in dedititios sæuire, abnuisset; *Fowltum* Promarescallum misit, qui latitantes extraxit, & ducentos plus minus obtruncavit; quod ut sæuitia plenum Regina ex animo damnavit. Hinc reliqui perterriti, morbidi, & famelici, laceris navigijs se mari commiserunt, & plures fluctibus absorpti.

Hispani reduces hanc infelicitatem Parmensis incuriæ, & obsequiosæ suæ ipsorum prudentiæ imputarunt, qui mandatorum Religionem violare nefas existimarent. Illis etenim strictissimè mandatis imperatum erat, nequid tentarent priusquàm Parmensis suas copias adiungeret, & nihil ipsorum iudicio pro occasione relictum. Alias, iactitarunt se classem Anglicam facillimè in portu opprimere potuisse. Et acriter disputarunt viri militares,

militares, an mandatis religiosè obtemperandum quæcunque acciderint, ne obsequio neglecto, convellatur Imperium. An ex necessitate mandata corrigant, & ad præsentem vsum pro re nata accommodent, ne occasiones & rerum gerendarum momenta amittantur.

Hispanus ipse cladem acceptam vt à Deo, composito animo tulit, Deoque & Sanctis; quòd non tristior fuerit gratias egit, & per Hispaniam agi iussit: afflictosque milites & nautas sublevando misericordiam adhibuit singularem.

Elizabetha similiter supplicationem & gratiarum actionem per omnes Angliæ Ecclesias decrevit, ipsaque quasi triumphum agens, cum spectatissimo nobilium agmine per plateas Londini cæruleo panno vestitas, & civium societates cum suis *Bannerijs* pulcherrimo spectaculo utrinque adstantes, pilento bijugi (nec quadrijugæ adhuc Principibus in usu, vt hodie priuatis) Templum Paulinum adiit (vbi vexilla hosti rapta, proposita) gratias divino numini demississimè egit, & concioni, qua Deo soli gloria relata, interfuit. Admirallo quosdam redditus ob operam tam foeliciter navatam assignavit, eum, & navium Præfectos, vt patriæ conseruandæ natos subinde laudavit. Cæteros nominatim, quoties vidit, vt præclarè meritos gratanter salutavit, (quod instar præmij illi habuerunt) faucios atq; egentiores pensionibus honestis remuneravit. Eruditi verò domi forisq; animis lætitia prægestientibus, victoriæ congratulantes **TRIVMPHALIA** omnibus linguis cecinerunt.

Lætitiam hanc publicam adauxit Robertus Sidneius, qui è Scotia reversus, certò significavit Scotorum Regem Regine amicitiam constantissimè amplecti Religionem veram syncerè colere, eandemq; propugnaturum. Ille ad eum missus erat dum Hispanica classis adhuc Britannia immineret, vt eius erga Reginam benevolentiam gratulando, gratiasque agendo agnosceret, alacritatem ad communem causam defendendam laudaret, & opem vicissim promitteret, si Hispani in Scotia excensio-

nem

M. D.
LXXXVIIIJ

*Quomodo
Hispanus
tulit.*

*Elizabetha
Deo gratias
agit.*

*Classarios
laudat.*

*Publica lætitia
è Scotia
auxta.*

M. D.
LXXXVIIIJ

Facetum Re-
gis dictum.

Leicestrij o-
bitus.

Eius honores.

nem facerent. Præterea, ut in memoriam revocaret, quàm ambitiosè Hispanus vniverſe Britannia inhiaret, vrgendo Pont. Rom. ad eum excommunicandum, quo & Regno Scotiæ exueret, & ſucceſſione in Anglia excluderet; nec non ut ſubmoneret, cuiusmodi minas Mēdoza & Nuntius Pontificius in eum ſpirarant; ideoque ſibi à Scotis Pontificijs prouidē cauendum. Quo tempore, ut obiter adnotem, Rex facetè dixit, *Se non aliud ab Hispano beneficium expectare, quàm quod Uliſſi Polyphæmus promiſerat, ſcilicet, ut cæteris deuoratis, poſtremus deglutiretur.*

Nec lætitiā imminuit mors Leiceſtrij (etſi Regina permoleſtiſſimè tulit) qui ſub hoc tempus in itinere ad Killingwortham ex febre continua quarto die Septembris expirauit. Filius ille erat quintus Ioannis Ducis Northumbriæ, Edwardo Sexto ab interiori cubiculo, ſub Maria quæ eum fratres, & ſorores natalibus reſtituit, Machinarum Anglicarum in obſidione S. Quintini Præfectus: Elizabethæ, cui ob animorum coniunctionem, eamque fortasſe, ex occulta ſyderum conſpiratione (quam Synaſtriam Aſtologi Græci vocant) longè chariſſimus. Præfectus equorum, in S. Georgij, & S. Michaelis Ordines cooptatus, *A Sacris Conſilijs, Regiæ Senefchallus, Academia Oxoniensis Cancellarius, Forreſtarum citra Trentam ꝑ. Inſtitutarius, Locum-tenens & Capitaneus Generalis Anglicarū in Belgio copiarum. Gubernator & Capitaneus Generalis Vnitarum in Belgio Prouinciæ, & hoc anno Generalis Exercitus Anglorum contra Hispanos.* Quique iam in vitæ exitu novam honoris & potentiæ ſpem inchoavit de ſummo in Angliæ, & Hiberniæ Imperio vicaria ſub Regina potestate. Quod quidem, Diplomate iam ſcripto, conſequutus erat, niſi Burghleius & Hattonus interceſſiſſent, & Regina periculum nimia in vno potentiæ tempeſtiuè prævidiſſet. Aulicus habebatur omnibus numeris abſolutus, lautus, & largus, viris militaribus, & ſtudioſis beneficus, tempori & ſuo commodo inſeruire gnarus; ingenio obſequioſo, in æmulos inſidioſo, aliquandiu mulierofus, demum ſupra modum vxorius. Cæterum, dum in-

invidiosam potentiam solide virtuti anteposuit, obtrektoribus amplam convitiandi materiam arripuerunt, qui, cum maximè floreret, libellis famosis, non sine mendaciunculis, contumeliosè prosciderunt. Vt semel dicam, palàm inter laudandos censebatur, arcana apud plerosque malè audiebant. Cum autem in ære Reginæ esset, bona auctione divendita. Nec illa cætera facilis, ærario debita vix vnquam remisit.

Parmensis iam consilij Angliam invadendi irritus, vt cum numerofo tamen illo exercitu in Angliam parato aliquam de Anglis gloriam reportaret, & simul viam in Zelandiam aperiret, Brabantiamque incursionibus liberaret; *Bergam ad Zomam fl.* Brabantia oppidum loci ingenio & propugnaculis circumpositis munitum, in quo præfidiarij plerique omnes erant Angli obsidet. Sed vanus etiam hic fuit conatus providentiâ Baronis *Willoughbei* & virtute præfidiariorum. Etenim, licet obsidione fervente, discordia inter eos efferuesceret, dum alij *Guil. Drurio*, quem *Willoughbeius* Anglorum *Generalis*, alij *Morgano*, quem Regina suis literis loco præfecit, fauerent: nihilominus singuli in commune consulentes strenuè se gesserunt. Eruptionibus verò & astu militari ita hostes exercuerunt, vt quadringentis, quos *Grimstonus*, & *Redheadus* se transfugas simulantes, multa pollicitando, protestando, & deierando, in propugnaculum illexerant, cæsis, captis, aut submersis: Parmensis omni spe portus occludendi, & oppidi potiundi excussus, hyeme ingruente, & annona deficiente, obsidionem post duos menses soluerit. *Willoughbeius* autem vt militarem virtutem præmio decoraret *Franciscum Verum* qui iam inclarescere coepit, *Tho. Knolles*, *N. Parkerum*, & *I. Polium* ob fortitudinem dignitate Equestri meritò ornauit.

Vt externo bello, ita etiam interno schismate hoc tempor elaboravit Anglia, (Schismatica enim pravitas semper bello ardente maximè luxuriat.) Nec certè contumax in Ecclesiasticos Magistratus impudentia, & contumeliosa improbitas insolentiùs aliàs se exeruit. Etenim cum

M. D.
LXXXVIII

Bona diuendita.

*Parmensis
Bergam ad
Zomam obsidet.*

*Obsidionem
soluit.*

*Novatorum
insolentia.*

M. D.
LXXXVIIJ

* Marr-Pre-
lat.

Regina quæ *Semper eadem*, novatores in Religione audire noluerit, quos Ecclesiasticæ administrationis, & *Regiæ Prærogatiuæ* nervos succisuros existimauit; nonnulli ex ijs qui Genevensis Ecclesiæ *Disciplinam* vnicè admirabantur, non aliam rationem cōstituendi eandem in Anglia excogitari posse putarunt, quàm Anglicam Hierarchiam infectando, & Præsulibus invidiam apud populum conflando. Hi itaque & in Hierarchiam, & in Præsules probrosis editis libellis, quibus tituli erant *Martinus* * *Præsulibus exitiosus vel Præsulo-Mastix*, *Mineralia*, *Diotrepbes*, *Demonstratio Disciplinæ*, &c. calumnijs & convitijs virulentissimis adeò scurriliter debacchati sunt, vt authores non pietatis cultores, sed è popina ganeones viderentur. Authores tamen erant *Penrius* & *Udallus* Verbi Ministri; & Iobus Throcmortonus vir doctus & facetè dicax. Fautores Richardus Knightleius, & Wigstonus Equites aurati, viri alioquin boni, graues, & prudentes, (sed à quibusdam Ministris sibi sapientibus circumventi) qui crimen gravi mulctâ in *Camera Stellata* irrogatâ luissent, nisi Archiepiscopus Cantuariensis, qua fuit ille lenitate, Reginam ægre exorasset.

Dum hi, inquam, calumniando viam ad illam *Disciplinam* præstruerent, alij consilij participes eandem per angulos, sprete legum autoritate, exercere cœperunt, Synodos atque *Classes* certis locis habendo, & Præsbyteria instituendo. Eoque nomine in iudicium vocati erant Thomas *Cartwrightus*, Edmundus *Snaps*, Andræas *Kingus*, *Proudlous*, *Painus*, & alij Verbi Ministri; ad quos è Magistratuum manu liberandos præservidî quidam conspirarunt. Sed quanta fuerit horum petulantia, quam Archiepiscopus sua prudentia & patientia fregit, Ecclesiastico Historico cuius interest, relinquo.

Diffolata iam erat tempestas illa quæ tam minaciter ex Hispania intonuit, turbines tamen, quasi eiusdem reliquæ, in Hibernia & Scotia eruperunt, & procella grauior ex Anglia Hispaniam perculit, vt postea dicemus. In Hibernia enim dum Guilielmus *Fitz-Williams* Prorex Hif-

Innitium
magnæ re-
bellionis in
Hibernia.

Hispanorum bona naufragijs eiecta indagat, & rigidè exigit, eoq̃ue nomine, nonnullos vt Hispanorum fautores incarcerat; inter alia, turbulentis motibus, qui postea proruperunt, occasio & data, & arrepta fuit.

Daniel *Rogersius*, qui in Daniam iampridem missus ad condolendum Frederici II. morti, & pristinam amicitiam cum filio successore confirmandam, cum Regni curatoribus egit. Ne Dani contra Reginam Angliæ hostibus militarent, Ne *arrestationes* navium ob privatorum delicta, in *Freto Danico*, siue *Sundenfi* concederentur, Ne piscatio Islandica, cuius libertas singulo septennio ex antiquo fœdere renovanda, nouis artibus interciperetur, Telonium in *Freto illo* ab Anglis non solueretur, nisi in reditu è mari Baltico; idq̃ue pecunia per Daniam vsitata, Ne Proprietarij luerent poenas fraudium à Navarchis committendarum, vt involucra pannorum libera essent à solutione vectigalium, & Telonium, *Last-gelt* vocatum, Anglis remitteretur. Verùm ob minorem Regis ætatem, hæc in aliud tempus reijciuntur. Dani enim paulò iniquiores erant Anglis, quòd non iam per *Fretum* illud *Danicum*, sed per Norwegiæ, Finmarchiæ, Lappiæ, Scricfiniæ, Biarmiæque littora in Russiam nauigarent. At *Boris Theodorides*, qui Theodoro Ioannidi sub principium huius anni defuncto successor in Russiæ imperio electus, nullum Anglos iuuandi, leuandiq̃ue locum prætermisit, Reginæ amicitiam conciliare omnibus officijs sedulò enixus.

M. D.
LXXXVIIIJ

Legatio in
Daniam.

Russi in An-
glos fauor.



INDEX.

A

	<i>Successore designato pericula.</i>	106	<i>Alexander Areskinus.</i>	237
	<i>Abbas Martinegus.</i>	68	<i>Alexander Briantus.</i>	326
<i>Abdal-Melechus.</i>		280	<i>Alexander Carrogh.</i>	381
<i>Abergeuennius Baro.</i>	415. obit.	474	<i>Alexander Cosbeius.</i>	273
<i>Abbenilla.</i>		66	<i>Alexandrinus Cardinalis.</i>	146
<i>Abingtonus.</i>	405, 412		<i>Alexander Farnesius, vide Parmensis.</i>	
<i>Academia Cantabrigensis.</i>		91	<i>Alexander Gordonius.</i>	185
<i>Academia Oxoniensis.</i>		103	<i>Alexander Humius.</i>	313
<i>Achinus.</i>		294	<i>Alostum proditum.</i>	348
<i>Adamus Smircoritus.</i>		98	<i>Alphonsus Lana.</i>	488
<i>Adolphus Dux Holsatia.</i>		55	<i>Alphonsus Perisus Gusmanus.</i>	89, 134, 485. vide Medina Dux.
<i>Adolphus Metkercus.</i>		269	<i>Altercatio inter Scotos.</i>	192
<i>Adrianus Poiningus.</i>		77	<i>Alvarus à Quadra.</i>	80
<i>Adrianus Stokes.</i>		87	<i>Alvarus Bassanus.</i>	478
<i>Aris vena reperta.</i>		70	<i>Amadis Oriana.</i>	151
<i>Agnus Mac-Conell.</i>		350	<i>Amadeus Sabaudia Dux.</i>	479
<i>Aimouth.</i>	49, 53, 66		<i>Ambrosius Caue.</i>	18
<i>A Lasco.</i>		344	<i>Ambrosius Willoughbeius.</i>	490
<i>Albanus Dux.</i>	69, 89, 146, & seq.		<i>Ambletum.</i>	46
	164, 224, 242. è Belgio renocatur.	242	<i>Amias Prestonus.</i>	492
<i>Albericus Darcus.</i>		83	<i>Amicus Powlettus.</i>	364, 416, 454
<i>Albertus Gondius.</i>	234, 237		<i>Amnesia.</i>	378
<i>Albion Noua.</i>		307	<i>Anna Bolena nata. 2. Regina.</i>	5.
<i>Albeusius Marchio.</i>	45, 49		<i>Obtruncata.</i>	6
<i>Aldegondius.</i>		323	<i>Anna Cluensis Regina.</i>	7
<i>Alenconius.</i>	229, 236, 247 & seq.		<i>Anagramma.</i>	364
<i>Angliam inuisere cogitat.</i>	247, 274, 276		<i>Andinus Dux.</i>	133. <i>Ambit Elizabetham,</i> ibid. 146, 159, 195, 236
			<i>In Angliam venit.</i>	283, 319.
			<i>Pericula</i>	

I N D E X.

<i>Pericula ex eius nuptijs.</i>	283.	<i>Arania Comes.</i>	54, 112, 192, 258, 331, 362, 376.	
<i>Commoda. ibid. in Belgium navigat.</i>	329. <i>Obit.</i>	365	<i>Arbrothius.</i>	228, 378
<i>Andreas Gregorivitzius.</i>	154	<i>Archantus.</i>	196	
<i>Andreas Iuddus.</i>	127	<i>Archibaldus Douglassius.</i>	317	
<i>Andreas Kingus.</i>	498	<i>Ardernus.</i>	347	
<i>Anglia Ecclesia Rom. reconciliata.</i>	11	<i>Arenbergius Comes.</i>	483	
<i>Angliam inuadendi consilium.</i>	279	<i>Argathelia Comitissa.</i>	113. <i>Comes.</i>	
<i>Anglia Libripens in Europa.</i>	271	115, 120, 173, 183, 191, 277		
<i>Anglicarum nauium habilitas.</i>	487	<i>Armigillus Waadus.</i>	20	
<i>Angli in Belgio militant.</i>	225, 274	<i>Articuli de coniugio Eliz. cum Carolo Austr.</i>	126	
<i>Angli in Scotiam missi.</i>	47	<i>Arthurus Baro Greius.</i>	52, 53, 209	
<i>Angli in Hungaria.</i>	103	<i>Hibernia Prorex.</i>	292, 480	
<i>Angli in Hispania, & Belgio duriter habiti.</i>	89	<i>Arthurus Carterus.</i>	287	
<i>Angli fusi. 293. In Hollandia.</i>	250	<i>Arthurus Cossaus.</i>	248, 319	
<i>Angli à Belgio emoti.</i>	253	<i>Arthurus Gorgaus.</i>	490	
<i>Anglorum libertas in Russia.</i>	153	<i>Arthurus Gregorius.</i>	408	
<i>Angli milites.</i>	225	<i>Arundellia Comes Henricus.</i>	18, 27, 56, 102, 144, 145, 151, 157, 158, 162. <i>Obit.</i>	
<i>Anglorum querela ad Danum.</i>	330	310. <i>Philippus, ibid.</i>	319. <i>Fugam cogitat.</i>	
<i>Angli sacrilegi. 296. Deficiunt.</i>	329	372. <i>Mulctatur.</i>	395	
<i>Angusus.</i>	174, 317, 351, 358	<i>Arundell de Wardour.</i>	345	
<i>Animaduersio in Catholicos.</i>	327	<i>Asbbeius.</i>	493	
<i>Anniuersarium Regni Elizabethæ.</i>	186	<i>Ashtonus.</i>	14	
<i>An mandatis in bello obsequendum.</i>	494	<i>Assaphensis Episcopus.</i>	37	
<i>Anto. Borbonius.</i>	74	<i>Associatio. 360. Sancitur.</i>	370	
<i>Anto. Brownus.</i>	74	<i>Assonuilus.</i>	90	
<i>Anto. Cocus obit.</i>	265	<i>Astonus.</i>	410	
<i>Anto. Columna.</i>	485	<i>Astracana.</i>	153	
<i>Ant. Fortescuus.</i>	73	<i>Atholia Comes.</i>	120, 142, 238, 277	
<i>Anto. Huseius.</i>	127	<i>Atslous Medicus.</i>	241	
<i>Anto. Ienkenfonus.</i>	128, 154	<i>Aubignus.</i>	284. & seq.	
<i>Anto. Lusitanus in Angliam venit.</i>	319	<i>Audleius.</i>	293, 390	
<i>Antwerpia. 126. Diripitur.</i>	260	<i>Aumalius.</i>	68	
<i>Apparatus in Hispania contra Angliam. 476. In Belgio. 479. In Anglia, ibid.</i>		<i>Aurasonensis Princeps.</i>	225, 253, 275. <i>Occiditur.</i>	
<i>Aquilanus Episcopus. 80. Obit.</i>	85.	365		
		<i>Austriacus nuptias cum Scota am- bit. 267. Dissimulatio.</i>	268.	
		<i>Obit.</i>	275	
		<i>Authoritas Regia in Ecclesiasticis explicata.</i>	39	
		<i>Axela capitur.</i>	393	
			Bacher-	

I N D E X.

B

B *Acheruilus.* 276
Bainus Episcopus. 27, 37
Ballardus. 403, 405, 412
Baltinglassus Vicecomes. 266
Banisterus. 200, 214
Barbarica Mercatorum Societas. 389
Barhamus. 211, 215, 271
Barkerus. 193, 194, 199, 417, 431
Barones creandi forma. 189. *Eorum dignitas.* *ibid.* *Creati.* 216 *Euocati.* *ibid.*
Barneius morte affectus. 216, 329
Barnewellus. 405, 410, 412
Bartho. Clericus. 472
Bassettus. 390
Bathonia Comes. 72
Bealus. 260, 338, 358, 454, 457
Bedfordia Comes. 18, 63, 94, 98, 109, 114, 208, 390
Beeftonus. 492
Belleuri pro Scota rationes. 445. *Responsa.* 446
Bellendenus. 374, 377
Belga portubus Anglia prohibiti. 244, 253. *Ad fidem Gallorum confugiunt.* *ibid.* *De Protectore deliberant.* 254. *Ad Anglam confugiunt.* *ibid.*
Belgici Belli initium. 148
Bellus. 105
Bensonus. 133
Berga ad Zomam obsidetur. 497
Berghanus Comes. 253
Bernardus Brissonius. 319
Bernardinus Mendoza. 309, 355, 493
Bertrandus Salignacus. 319. *vide Motta-Fenellonus.*
Berwicum munitum. 70
Betonius Cardinalis. 92
Bexius. 322
Bishoppus. 317
Bodellanus. 396
Bodotria. 493
Bodleius. 374

Boidus Baro. 136, 139, 162, 341, 398
Boisshotus. 252
Bolenorum Genealogia. 1
Bombardula in Regina phaselum exonerata. 283
Bononia capta. 7. *Gallis reddita.* 8
Boris Theodorides Imperator Russiae. 499
Bothwellius. 112. & *seq.* *Orcadum Dux creatus.* 117. & *seq.* 141, 142, 317, 377, 398.
Bowes. 339
Brianus Mac-Phelim. 244. & *seq.*
Brianus Rori. 246
Brickwellus. 174
Briminghamus. 380
Briquemotius. 82
Bromfeldus. 83
Brossius. 44
Brownista. 347
Brownus. 199, 214
Buchlinius. 167, 173
Buckhurstus Baro. 195, 209, 415, 439
Bulla contra Reginam. 178, 479
Burchettus. 242
Burghleius. 194, 198, 202, 228, 229, 233, 245, 283. *Eius monita.* 313, 320, 396, 414. *Responsum.* 428, 496
Burgoinus. 455
Burroughus Baro. 209
Buttonus. 133

C

C *Acofoga nauis.* 306
Calaminaris lapis. 70
Caldwellus D. obit. 390
Calentura morbus. 386
Caletum amissum. 14. *Repetitur.* 28, 122
Califormia. 470
Calthropus. 1
Campegius Cardinalis. 3, 368
Cantiae Comes Reginaldus. 208, *obit.* *Henricus.* 243, 414, 454
Cantuariensis Archiepiscopus. 199, 414, 461
Caput

I N D E X.

<i>Caput Bone Spei.</i>	307	<i>Cete eiectum.</i>	251
<i>Caraqua S. Philippi capta.</i>	469	<i>Chadseius D.</i>	27
<i>Carellus.</i>	163	<i>Champernounus.</i>	103, 169
<i>Carmichellus.</i>	256	<i>Champignus.</i>	255, 483
<i>Carolus Archidux Austrie. 41, 54, 76, 84,</i>		<i>Chandos Baro.</i>	209
<i>125. & seq.</i>	1	<i>Chapinus Vitellius. 164, 168, 220, 232</i>	
<i>Carolus Arundellus.</i>	353	<i>Charnocus.</i>	405, 409
<i>Carolus Bailifus.</i>	198	<i>Chasteau in Cambresis.</i>	31
<i>Carolus Blountus.</i>	490	<i>Chattertonus.</i>	247
<i>Carolus Brandonus.</i>	102	<i>Chidiocus.</i>	405
<i>Carolus Howardus. 42, 186. Admirallus</i>		<i>Chreictonus.</i>	358, 368
<i>Anglia. 390, 473, 480. & seq. eius pro-</i>		<i>Christophorus Badensis Marchio.</i>	100
<i>uidencia. 489</i>		<i>Christophorus Carlilus.</i>	385
<i>Carolus Nonus Rex Gallia. 88, 102, 112,</i>		<i>Christophorus Hattonus. 242, 282, 320,</i>	
<i>195. 248</i>		<i>420. Eius Oratio. ibid. 450. Fit Can-</i>	
<i>Carolus Octauus.</i>	106	<i>cellarius. 475, 496</i>	
<i>Carolus Pagettus.</i>	408, 425	<i>Christophorus Marmeducus.</i>	167
<i>Carolus Quintus. 2, 7, 8, 11, 23, 69, 134,</i>		<i>Christophorus Montius.</i>	81
<i>175, 237, 472</i>		<i>Christophorus Neuillus.</i>	167
<i>Carolus Rochfoucaldius.</i>	53	<i>Christophorus Nortonus.</i>	167
<i>Carolus Septimus Rex Gallia.</i>	284	<i>Christophorus Rokesbeius.</i>	103
<i>Carolus Tilneius.</i>	405, 412	<i>Christophorus Vraiuis. 416, 461, 464</i>	
<i>Carrus. 167, 173, 194, 284</i>		<i>Clandeboia</i>	131
<i>Carthageria expugnata.</i>	387	<i>Clan-Richard Comes. 230, 259, 265,</i>	
<i>Carualettus.</i>	196	<i>380</i>	
<i>Caruillus.</i>	174	<i>Clarentia.</i>	57
<i>Casimirus. 252, 263, 274, 281. In An-</i>		<i>Classis Hispanica profligata. 232. Inuinci-</i>	
<i>gliam venit. ibid.</i>		<i>bilis. 479. & seq.</i>	
<i>Castelerius.</i>	149	<i>Claudius Albospinaus.</i>	32
<i>Catelinus. 210, 214, & seq.</i>		<i>Claudius Pinartus.</i>	319
<i>Cathaneffa Episcopus.</i>	284	<i>Clemens Septimus P. R.</i>	3
<i>Catharina Caria.</i>	109	<i>Clerus.</i>	1
<i>Catharina Greia incarceratur. 73. Mori-</i>		<i>Clientela coercita.</i>	230
<i>tur. 74</i>		<i>Clogher.</i>	131
<i>Catharina Hispanica.</i>	2	<i>Cobhamus. 19, 198, 200, 253, 275, 322,</i>	
<i>Catharina Howard Regina.</i>	7	<i>415, 482</i>	
<i>Catharina Parra Regina. 7, 178</i>		<i>Coches.</i>	310
<i>Catharina Pola.</i>	62	<i>Cocksonus.</i>	83
<i>Ceasse, quid.</i>	260	<i>Cockus occisus.</i>	488
<i>Cecilus. 18, 27, 45, 53, 91, 102, 104,</i>		<i>Cockinus.</i>	241
<i>144, 151, 159, 160. & seq. 183. Fit</i>		<i>Cognitores in causa Regina Scotorum. 139</i>	
<i>Baro. 189, 240, 265, 272</i>		<i>Eorum autoritas renocata. 144</i>	
<i>Cecilia Suecica.</i>	100	<i>Coldinghamus.</i>	174
<i>Caelum ardere visum.</i>	251	<i>Coldingknollus.</i>	377, 378, 398
		<i>Colierus</i>	

INDEX.

<i>Colierus.</i>	476	<i>Curlus.</i>	412, 425
<i>Colinius.</i>	76, 172, 234, 253	<i>Curwenus.</i>	184
<i>Colmannus.</i>	133	<i>Cusakus.</i>	129
<i>Colonia.</i> 126. <i>In Ardes.</i> 231. <i>Colonias</i> <i>deducere non facile priuatis.</i> 345		<i>Cuthbertus Amanuensis.</i>	198
<i>Colloquium de Nuptijs Scota cum Leice-</i> <i>strio.</i> 94. <i>Simulatum.</i> 362. <i>De pace.</i> 482.		<i>Cuthbertus Collinwoodus.</i>	257
<i>Coluilius.</i>	339	<i>Cuthbertus Mainus.</i>	272
<i>Colus D.</i>	27	<i>Cuthbertus Scotus Cestrensis Episcopus.</i>	37
<i>Comensis Cardinalis.</i>	369	<i>Cuthbertus Tunstallus.</i>	32, 37
<i>Commercia inter Anglos & Lusitanos re-</i> <i>stitutum.</i>	261	<i>Cuthbertus Vaughanus.</i>	52.
<i>Cometa.</i>	329	D	
<i>Comptonus.</i>	419	<i>D'Aluius.</i>	82
<i>Concilium Tridentinum.</i>	68	<i>Daglishus.</i>	121
<i>Concilij conuocandi ius.</i> 69. <i>Septentrio-</i> <i>nalis origo.</i>	249	<i>Daltonus.</i>	326, 348
<i>Condens Princeps.</i> 76, 80. & seq. 94, 123		<i>Daniel Rogersius.</i>	253, 267, 499
<i>Congregationis Domini.</i>	44	<i>Danorum Rex Christianus Elizabetha fa-</i> <i>uet.</i> 13. <i>Fredericus Garterio donatus.</i> 330. <i>Pro pace cum Hispano intercedit.</i> 396	
<i>Coniugij externi incommoda.</i>	125	<i>Darcus Baro.</i>	245
<i>Coniuratio in Ceciliam.</i> 151. <i>In Elizabe-</i> <i>tham.</i>	402	<i>Darlij de nuptijs cum Scota agitur.</i> 95. <i>A</i> <i>Scota adamatur. ibid. Eam ducit.</i> 97. <i>Inde turba.</i> 98, 109, 112. <i>Occiditur.</i> 110, 145, 184	
<i>Connogherus O'Brien.</i>	188	<i>Dauentria prodita.</i>	471
<i>Consultatio de Scota.</i> 118. <i>De detinenda</i> <i>Scota.</i> 137. <i>De Legato.</i> 201. <i>De Scota</i> <i>liberanda.</i> 338. <i>De Pontificijs.</i> 481. <i>vid.</i> <i>Deliberatio.</i>		<i>David Gwin.</i>	486
<i>Corbettus.</i>	253	<i>David Lewisus.</i>	201
<i>Corcellius.</i>	397	<i>David Polus Petroburgensis Episcopus.</i>	37
<i>Cordalionus.</i>	449	<i>David Rizius.</i> 98, 113. & seq.	
<i>Cormacus Mac-Teg.</i>	292	<i>David Spensius.</i>	204
<i>Cornishus.</i>	329	<i>Dauilius occisus.</i>	287
<i>Corunna.</i>	488	<i>Decima.</i>	80
<i>Cosbeius.</i>	293	<i>Declaratio Delegatorum pro Rege & Regi-</i> <i>na Scotorum.</i> 140. <i>Contra eam.</i> 141.	
<i>Cottonus.</i>	240, 317	<i>Replicatio.</i>	142
<i>Courtneius.</i>	286	<i>Delegati pro Scotorum Rege.</i>	139
<i>Cralingum.</i>	173	<i>Deliberatio an Scotis subueniendum.</i> 45. <i>De colloquio cum Scota.</i> 75. <i>De Regina</i> <i>Scotorum.</i> 137. <i>De nuptijs Norfolcij</i> <i>cum Scota.</i> 156. <i>De Anglia inuadenda.</i> 478. <i>De resistendo Hispanis.</i> 480. <i>De</i> <i>protectione Belgarum.</i> 255, 382, 384 <i>Vid. Consultatio, & Disceptatio.</i>	
<i>Crawfordius.</i>	378	T et Deluinius	
<i>Crocus.</i>	118, 228		
<i>Crokerus.</i>	83		
<i>Crossus.</i>	492		
<i>Culenbergius Comes.</i>	253		
<i>Cumberlandia Comes.</i>	166, 454, 461		
<i>ibidi</i>			

INDEX.

<i>Deluinius Baro.</i>	266	<i>contra Anabaptistas. 60. Sacrilegos. ibid.</i>	
<i>Denius.</i>	294	<i>de re nummaria. 61. in Polonia gratiam</i>	
<i>Derbia Comes. 18, 229, 414, 454, 482</i>		<i>71. pro Religiosis. 71. contra adficta. 296</i>	
<i>Desmonius. 100, 101, 131, 132, 244, 259</i>		<i>in Profugos. 300</i>	
<i>266. eius rebellio. 289. trucidatur. 348</i>		<i>Edmundus Andersonus. 461</i>	
<i>Desmenallus. 397</i>		<i>Edm. Bonerus. 36</i>	
<i>Didacus Telles. 489</i>		<i>Edm. Butlerus. 169</i>	
<i>Diegus Pimentellus. 492</i>		<i>Edm. Campianus. 299, 324</i>	
<i>Dillonus. 380</i>		<i>Edm. Grindallus. 27, 38. obit. 345</i>	
<i>Dirria. 130</i>		<i>Edm. Scamblerus. 38</i>	
<i>Driburgius. 341</i>		<i>Edm. Snapus. 498</i>	
<i>Dissentio inter Leicestrium & Suffex-</i>		<i>Edw. Carnus. 12, 69</i>	
<i>um. 98</i>		<i>Edw. Chesterus. 250</i>	
<i>Disceptatio de Caletio. 28, 122. de coniugio</i>		<i>Edw. Clintonus. 18</i>	
<i>externo. 125. de Secretarij authorita-</i>		<i>Edw. Courtneius. 12, 66</i>	
<i>te. 352</i>		<i>Edw. Dacreus. 129, 167, 227</i>	
<i>Disputatio de religione. 26. de successione.</i>		<i>Edw. Fittonus. 188, 230, 244</i>	
<i>105</i>		<i>Edw. Fitz-Giraldus. 162</i>	
<i>Dissertatio Ridolfi. 193. contra nuptias cum</i>		<i>Edw. Fortunatus. 100</i>	
<i>Alenconio. 236. de via ad Cathariam. 262</i>		<i>Edw. Gueftus. 27, 38</i>	
<i>Dissertatiuncula Elizabethæ cum Gallis.</i>		<i>Edw. Hastings. 183</i>	
<i>223</i>		<i>Edw. Horseius. 236, 261, 267</i>	
<i>Donaldus Mac-Cartimore. 100</i>		<i>Edw. Neullus. 481</i>	
<i>Donellus Mac-Gormus. 350, 381</i>		<i>Edw. Randolphus. 83, 84, 130</i>	
<i>D'osellius. 63. & seqq. 119</i>		<i>Edw. Rishtonius. 355</i>	
<i>Doughteus morte affectus. 304</i>		<i>Edw. Rogers. 18</i>	
<i>Downius. 378</i>		<i>Edw. Seimorus Protector. 8, 73</i>	
<i>Drago Drurius. 364, 454</i>		<i>Edw. Sextus. 8, 102, 162, 178</i>	
<i>Dudleius. 14, 85, 91. Rob. commendatur</i>		<i>Edw. St. Lo. 130</i>	
<i>Scotæ in maritum. 84</i>		<i>Edw. Staffordus. 274, 355</i>	
<i>Duellum ridiculum. 317</i>		<i>Edw. Stanleius. 183. fortitudo. 394</i>	
<i>Duisburgum obsidetur. 393</i>		<i>Edw. Warnerus. 74</i>	
<i>Dundalkia. 130</i>		<i>Edw. Windesorijs. 405</i>	
<i>Dunfermelinus. 341</i>		<i>Edw. Wottonus. 375, 397, 413</i>	
<i>Dunganonus Baro. 62, 130, 132, 245, 258</i>		<i>Edwinus Sands. 27, 38</i>	
<i>Duttonus. 105</i>		<i>Egidius Fletcherus. 343</i>	
<i>Dwina fl. 153</i>		<i>Egremondus Ratcliffus. 167, 275</i>	
E		<i>Eliensis Episcopus. 199</i>	
<i>E Brietas in Angliam deducta. 318</i>		<i>Elizabetha Austriaca. 195</i>	
<i>Eboracensis Archiepisc. 461</i>		<i>Elizabetha nata. 5. exagitata. 12. eius Consi-</i>	
<i>Edenburgense castrum obsidetur. 140</i>		<i>liary. 18 ab Hispanis ambitur. 20. inan-</i>	
<i>Edictum contra disputantes de Religione,</i>		<i>guratur. 24. Parlamentum habet. 25. ad</i>	
		<i>nuptias suadet. 33. respondet. 34. eius</i>	
		<i>Symbolum. 40. Responsum de religione.</i>	
		<i>ibid.</i>	

INDEX.

<i>ibid.</i> à Ferdinando pro filio ambitur. 41		<i>Felonia.</i>	371
<i>proci.</i> 54. <i>provida cura.</i> 71. <i>ad nubendum</i>		<i>Fentonius.</i>	492
<i>suadetur.</i> 104. <i>Oratio.</i> 107, 212, 433		<i>Ferdinandus Imperator.</i>	41. 76
436. <i>patris debita soluit.</i> 233. <i>Mortonio</i>		<i>Feria Comes.</i>	20, 57, 58
<i>indignatur.</i> 257. <i>cur cœlibatum prætulit.</i>		<i>Fernihurstius.</i> 167, 173, 194, 284, 375	
324. <i>pacē Sueco impetrat.</i> 342. <i>in Pon-</i>		<i>obit.</i>	376
<i>tificios clementia.</i> 354. <i>Belgas in prote-</i>		<i>Fernihurstia.</i>	426
<i>ctionem recipit.</i> 384. <i>ad Leicestrium liti-</i>		<i>Fitz-Edmunds.</i>	170. 244
<i>ra.</i> 391. <i>responsum.</i> 433. <i>excitata ab Au-</i>		<i>Fitz-Eustatius Vicecomes.</i>	293
<i>licis in mortem Scota rationibus.</i> 452		<i>Fitz-Warin. Baro.</i>	72
<i>Exemplis.</i> 453, 467. <i>castra inuisit.</i> 493		<i>Fleccus.</i>	240
<i>de victoria gratias agit.</i> 495. <i>Classarios</i>		<i>Flemingus.</i>	135
<i>laudat.</i> 495. & <i>passim.</i>		<i>Flemingus Nauarchus.</i>	486
<i>Elemosynarius.</i>	454	<i>Flerius.</i>	229. 235
<i>Elphenstenius.</i>	55	<i>Fletcherus.</i>	305. 457
<i>Elringhamus.</i>	174	<i>Foixius.</i>	84, 88, 196, 197, 225, 227
<i>Emanuel Philibertus Sabaudia Dux.</i>	14	<i>Fortescuus.</i>	1, 403
<i>Emblemata.</i> 364, 385, 411, 445, 473, 494		<i>Franciscus Angolismensis.</i>	106
<i>Emporium Emde.</i>	90	<i>Fran. Barkleius.</i>	169
<i>Entwessellius.</i>	83	<i>Fran. Bertius.</i>	241
<i>Episcopi abdicati.</i> 36. <i>substituti.</i> 38. <i>Eorum</i>		<i>Fran. Borbonius.</i>	319
<i>Ordinatio.</i>	108	<i>Fran. Delphinus.</i>	110
<i>Erricus Rex Succia.</i>	54	<i>Fran. Dracus, eius origo.</i> 301. <i>orbem cir-</i>	
<i>Eringtonius.</i>	285	<i>cum nauigat. ibid. Fit Eques.</i> 308. <i>in</i>	
<i>Essexia Comes.</i> 244, 246, 258. <i>in Hibernia</i>		<i>Americam missus.</i> 385. <i>in Hispaniam.</i>	
<i>Angustia. ibid. mors.</i>	263, 390	<i>469. Subthalassarcha.</i>	480, 487
<i>Euerus Baro.</i>	167, 398		492
<i>Exonia Marchio.</i>	481	<i>Fran. Gerrardus Lusitanus.</i>	407, 323
<i>Expediitio in Scotiam.</i> 47, 173. & <i>seqq.</i>		<i>Fran. Inglefeldius.</i>	37, 364, 408
	183, 240	<i>Fran. Knolles.</i>	18, 109, 136, 147, 265
<i>Expostulatio cum Scota.</i>	220		415, 480
<i>Exteri testimonium.</i>	212. 214	<i>Fran. Russellus.</i> 184. <i>captus.</i> 256. <i>occisus.</i>	375
F		<i>Fran. Secundus Rex Gallia Anglia titulum</i>	
F <i>Acultas Pontificijs concessa.</i>	299	<i>assumit.</i> 42. <i>moritur.</i> 60.	
<i>Familia Amoris.</i>	301	<i>Fran. Throcmortonus.</i> 353. & <i>seqq.</i>	
<i>Farnhamia.</i>	160	<i>Fran. Toletanus.</i>	307
<i>Fædus Berwicense.</i> 48. <i>Russicum.</i> 154		<i>Fran. Verus.</i>	472. 497
<i>Blessense.</i> 225. <i>renouatur.</i> 251. <i>cum ordi-</i>		<i>Fran. Vindocinus.</i>	30
<i>nibus.</i> 269. <i>cum Germania Principibus</i>		<i>Fran. Walsinghamus.</i> 163, 198, 247, 252	
<i>374. expetitur cum Scoto.</i> 375. <i>Arcti-</i>		<i>322. eius Legatio in Scotiam.</i> 340, 369	
<i>oris Amicitia.</i>	398	<i>396, 408, 415, 425, 486</i>	
<i>Fekenhamus Abbas.</i>	37	<i>Franciscopolis.</i> 76. <i>vide. Newhauen.</i>	
		<i>Fredericus Elector Palatinus obit.</i>	263
		<i>T t t 2</i>	<i>Fretum</i>

I N D E X.

<i>Fretum Danicum.</i>	498	<i>Goodalus.</i>	84
<i>Fuesregiuncula.</i>	247	<i>Goodus Medecine D.</i>	241
G			
G <i>Ainsfordus.</i>	250	<i>Gourius. 331, 341, 352. obtruncatur.</i>	353
<i>Galli de pace violata protestantur.</i>	50	<i>Grangius Kirckaudius. 239, 142, 194. sus-</i>	
<i>Gallonidensis Episcopus.</i>	190, 192	<i>penditur.</i>	241
<i>Gallus fit Eques Garterij.</i>	366	<i>Granuellanus Cardinalis.</i>	89, 242
<i>Garnierus.</i>	483	<i>Gregorius Fines.</i>	36
<i>Gaspar Heywoodus.</i>	355	<i>Grego. Martinus.</i>	354
<i>Gaudus Seruiens ad legem.</i>	423	<i>Grego. XII. PP.</i>	279
<i>Gawinus Kilwinini Commendator.</i>	139	<i>Greius Baro. 30, 32, 47, 51. Prorex Hiber-</i>	
<i>Georgius Barneſius.</i>	127	<i>nia. 292. & seqq. 415, 461, 463. vide</i>	
<i>Geor. Bouchierus.</i>	293	<i>Arth. Greius.</i>	
<i>Geor. Bowes.</i>	166	<i>Greius supplicio affectus.</i>	275
<i>Georgius Buchananus falsi damnatus. 110</i>		<i>Greshami Collegium.</i>	286
<i>139. obit. 332. Quædam eius scripta Par-</i>		<i>Gretzius.</i>	127
<i>lamento prohibita improbata. 362</i>		<i>Grimstonus.</i>	497
<i>Georgius Carius. 174, 240, 273, 290, 293</i>		<i>Groome-Porter.</i>	87
<i>Geor. Douglassius.</i>	134	<i>Gualterus Haddonus.</i>	90
<i>Geor. Gordonius Huntlee Comes. 112, 238</i>		<i>Guido Caualcantius.</i>	30, 195
<i>Geor. Heronus, 256, occiditur. ibid.</i>		<i>Guil. A. Burgo.</i>	288
<i>Geor. Hernaius.</i>	130	<i>Guil. Alanus. 297, eius liber. 369, 428. &</i>	
<i>Geor. Morus.</i>	293	<i>seq. Cardinalis. 471, 479, 484</i>	
<i>Georg. Shirleius.</i>	407	<i>Guil. Alleius.</i>	38
<i>Geor. Staffordus.</i>	167	<i>Guil. Aubreius.</i>	201
<i>Gerardus D' Spesius. 149, 151</i>		<i>Guil. Babingtonus.</i>	271
<i>Gerardus Gorus.</i>	389	<i>Guil. Barlous Episcopus.</i>	38
<i>Gervasius Cliftonus.</i>	390	<i>Guil. Baro Pagettus. 86. obit ibid.</i>	403
<i>Gibsonus.</i>	329	<i>Guil. Cornewallius.</i>	272
<i>Giffardus. 402, 407, 411</i>		<i>Guil. Courtneius.</i>	87
<i>Gilbertus Barcleius.</i>	38	<i>Guil. Dauisonus. 256, 282, 339, 415, 450</i>	
<i>Gilb. Bournus Episcopus.</i>	37	<i>454 iudicio sistitur. 461. Petitio. 465</i>	
<i>Gilb. Episcopus London.</i>	4	<i>Apologia ibidem.</i>	
<i>Gilb. Gerardus. 207, 213, 461, 463</i>		<i>Guil. Dormerus,</i>	57
<i>Giraldus. Fitz-Girald. vide Desmondie</i>		<i>Guil. Downhamus.</i>	38
<i>Comes.</i>		<i>Guil. Drurius, 83, 173, 201, 228, 240, 265</i>	
<i>Glamius. 341, 351, 358, 378</i>		<i>Momonie prefectus, 265, Hibernia Pro-</i>	
<i>Glasceusis Archiepiscopus.</i>	408	<i>rex, 281, 288, obit.</i>	290
<i>Glencarnie Comes. 100, 120, 140, 174</i>		<i>Guil. Drurius de Hawsted.</i>	497
<i>Glichus Vexillifer.</i>	488	<i>Guil. Fitz-Williams.</i>	208
<i>Glasum.</i>	389	<i>Hibernia Prorex ibidem. 244, 475</i>	
<i>Gonorus.</i>	88	<i>481, 498</i>	
		<i>Guil. Fleetwoodus.</i>	201
		<i>Guil. Geraldus Londinensis,</i>	127
		<i>Guil. Gorgeus,</i>	103
		<i>Guil.</i>	

I N D E X.

<i>Guil. Hattonus.</i>	490	<i>Hamiltonij deiecti.</i>	285
<i>Guil. Hiltonus.</i>	184	<i>Hamonti impietas.</i>	285
<i>Guil. Holstockus.</i>	235, 260	<i>Hannibal Gonzaga.</i>	394
<i>Guil. Howardus Effinghamius Baro.</i>	18,	<i>Harcourtus.</i>	271
20, 31, 42, 209. <i>Obit.</i>	243	<i>Harpsfeldus D.</i>	27
<i>Guil. Howardus filius Th. Ducis Norfolcia.</i>	354	<i>Hauraus Marchio.</i>	269
<i>Guil. Keithus.</i>	444	<i>Hansius.</i>	298
<i>Guil. Killegraus.</i>	240, 454	<i>Hemartus.</i>	393
<i>Guil. Kircaldius. Vide Grangius.</i>		<i>Henricus Balnanius.</i>	139
<i>Guil. Knolles.</i>	174, 240	<i>Henr. Brookus.</i>	490
<i>Guil. Maitlandus.</i>	44	<i>Henr. Candishus in Belgio militat.</i>	274
<i>Guil. Markhamus.</i>	275	<i>Henr. Carius.</i>	240
<i>Guil. Neuillus.</i>	254	<i>Henr. Cheneius.</i>	415
<i>Guil. Norrisius.</i>	245	<i>Henr. Cliffordus obit.</i>	187
<i>Guil. Pagens.</i>	325	<i>Henr. Darlius. 276. Vide Darlium.</i>	
<i>Guil. Parr Marchio Northampton.</i>	18	<i>Henr. Dauilius.</i>	287
<i>Obit.</i>	207	<i>Henr. Dunus.</i>	405, 410, 412
<i>Guil. Parrius. 366. Suspenditur.</i>	370	<i>Henr. Fenwicus.</i>	257, 376
<i>Guil. Pelhamus.</i>	290, 393	<i>Henr. Gates.</i>	36
<i>Guil. Periamus.</i>	416	<i>Henr. Goodierus.</i>	200, 242
<i>Guil. Petrus obit.</i>	229	<i>Henr. Harringtonus.</i>	273
<i>Guil. Pickeringus.</i>	56	<i>Henr. Howardus. 36, 199, 241, 354, 407</i>	
<i>Guil. Russellus.</i>	390, 473	<i>Henr. Hunsdonius Baro. 88, 161, 167,</i>	
<i>Guil. Ruthuenus.</i>	331	168, 173, 229, 352, 369, 390, 480	
<i>Guil. Sandersonus.</i>	388	<i>Henr. Iones.</i>	201
<i>Guil. Staffordus.</i>	449, 450	<i>Henr. Killegraus.</i>	20, 103, 238, 265
<i>Guil. Stanleius. 229, 290, 395, 470, 479</i>		<i>Henr. Knolles.</i>	81, 245
<i>Guil. Stuartus.</i>	339	<i>Henr. Leius.</i>	218, 240
<i>Guil. Waadus in Hispaniam missus. 356,</i>		<i>Henr. Lusitanus Cardinalis.</i>	69
358. & seq. 410		<i>Henr. Manours.</i>	87
<i>Guil. Winterus. 47, 122, 149, 260, 292,</i>		<i>Henr. Midlemorus.</i>	441
294, 305, 490		<i>Henr. Morleius Baro.</i>	37
<i>Guisiorum in Elizabetham maleuolentia. 50</i>		<i>Henr. Neuillus.</i>	183, 200
<i>Excommunicationem urgent. 68, 331,</i>		<i>Henr. Norrisius.</i>	122
446. <i>In Scotorum Reginam charitas.</i>	458	<i>Henr. Octavius Rex Anglia. 1. & seq.</i>	
		<i>Eius luxus. 62, 102, 134, 237</i>	
		<i>Henr. Percius.</i>	45, 194, 200
		<i>Henr. Ramelius Danus.</i>	396
		<i>Henr. Seimorus.</i>	480, 490
		<i>Henr. Septimus Rex Anglia. 106, 376,</i>	
		396, 415.	
		<i>Henr. Sidneius in Galliam, & mox in Sco-</i>	
		<i>tiam missus. 74, 100, 130, 208. Hiber-</i>	
		<i>nia Prorex. 258, 264. Hibernie vale-</i>	
		<i>dicit.</i>	

H

H <i>Aius.</i>	77
<i>Hallinghamus.</i>	133
<i>Hallus.</i>	183, 221, 347
<i>Hamiltonium Castrum.</i>	174

I N D E X.

<i>dicit.</i> 281. <i>Obit.</i>	394	<i>Hugo Moncada interfectus.</i>	492
<i>Henr. Tertius Rex Gallie.</i>	248	<i>Hugo O-Moil.</i>	311
<i>Herbertus Baro.</i>	178	<i>Hugo O-Neal.</i> 132. <i>Vide Dunganoni Baro.</i>	
<i>Herefordia Vice-Comes.</i> 208. <i>Comes Essexia.</i> 216. <i>Vide Essexia Comes.</i>		<i>Hugo Powlettus.</i>	83
<i>Herisus Baro.</i> 135, 136, 155, 183, 191, 199, 210		<i>Hugo Willoughbeius.</i>	127
<i>Herlus.</i>	216	<i>Huicus Medicus.</i>	104
<i>Hertfordia Comes.</i> 24. <i>Incarceratur.</i> 73. <i>Mulctatur.</i> 74, 96, 155, 208		<i>Humfredus Gilbertus.</i> 170, 225, 345	
<i>Heydonus.</i>	1, 161	<i>Humius Baro.</i> 32, 140, 174, 191, 239, 240, 241, 377	
<i>Hibernia in Regnum erecta.</i>	12	<i>Huntingdonia Comes.</i> 62, 145, 166, 177, 208, 249, 257	
<i>Hibernia Proreges & Iustitiarj.</i> 101. <i>Infelicitas.</i> 170. <i>Hibernici belli difficultas, unde.</i>	476	<i>Huntleius Comes.</i> 115, 116, 173, 175, 183, 191, 228, 238	
<i>Higfordus.</i>	193, 199		
<i>Hironimus Bellamius.</i>	412		
<i>Hieronimus Bowes.</i>	174, 342		
<i>Hieronimus Catena.</i>	146, 218, 220		
<i>Hispani & Itali in Hibernia.</i> 293. <i>Eorum terror.</i>	491		
<i>Hispanica Classis.</i>	465		
<i>Hispaniarum Rex Elizabetha fauet.</i> 14. <i>Ambit.</i> 20. <i>Eius grauitas laudata.</i> 21. <i>Anglorum apparatus detinet.</i> 49. <i>Fœdus renouare recusat.</i> 56. <i>Excommunicationem contra Elizabetham impedit.</i> 57. <i>Repulsam in paruis agrè fert.</i> 57. <i>Garterium remittit, ibid.</i> <i>Offensor.</i> 69. <i>In Anglos commotior.</i> 86, 125, 126, 201, 210, 220. <i>Elizabetha titulos admitti iubet.</i> 261, 293. <i>Que proprietates in America.</i> 309. <i>Lusitaniam occupat.</i> 318. <i>Eius potentia.</i> 366. <i>Classem invincibilem parat.</i> 485. <i>Quomodo cladem tulit.</i>	495		
<i>Hodgesonus.</i>	402		
<i>Hohenlous Comes.</i>	392		
<i>Hothius Baro.</i>	266		
<i>Holy Maide of Kent.</i>	5		
<i>Hoo & Hastings Baro.</i>	1		
<i>Hoptonus.</i>	74, 212		
<i>Horatius Pallavicinus.</i>	322, 396		
<i>Horseius.</i>	83		

INDEX.

<i>monium in Anglia petit.</i> 277. <i>A suis interceptus.</i> 331. <i>Se Elizabethæ applicat.</i> ibid. <i>Se liberat.</i> 340. <i>Walsinghamo liberè respondet.</i> ibid. <i>In interceptores clementia.</i> 141. <i>Duci Lenoxio famam restituit.</i> 342. <i>In eum coniuratio.</i> 351. <i>Coniuratos dissipat.</i> ibid. <i>Eos ex Anglia repetit.</i> ibid. <i>Leges Ecclesiasticas sancit.</i> 361. <i>Et Amnestiam.</i> 378. <i>Fædus Arctioris amicitie cum Anglis init.</i> 398. <i>Pro matre intercedit literis, & nuntijs.</i> 444. <i>Litera eius.</i> ibid. <i>Ex matris morte dolor & indignatio.</i> 466. <i>Consilia ei suggesta.</i> 467. <i>Dolorem eius Angli placare adlaborant.</i> ibid. <i>Eius contra Hispanos alacritas.</i> 481. <i>In Maxwellum Hispanizantem monet & capit.</i> 482. <i>Conditiones ei oblata.</i> 493. <i>Hispanos naufragos Parmensi roganti remittit.</i> 494. <i>Auget Anglorum latitiam.</i> 495. <i>Eius Edictum facetum.</i> 496	<i>Ioan. Christopher sonus Episcopus.</i> 37
<i>Iac. Stuartus.</i> 312	<i>Ioan. Dauersius.</i> 272
<i>Iac. Turberuillus Episcopus Exon.</i> 37	<i>Ioan. Dauisus Nauarchus.</i> 388
<i>Iac. Wingfeldius.</i> 293	<i>Ioan. Deus.</i> 231
<i>Iac. Wraius.</i> 319, 326	<i>Ioan. De-la-Pole.</i> 106
<i>Iana Greia.</i> 9	<i>Ioan. Desmonius.</i> 287, 289, 290. <i>captus.</i> 292
<i>Iana Seimora Regina.</i> 6	<i>Ioan. Dux Finlandie.</i> 55
<i>Ianus Douza.</i> 254	<i>Ioan. Elmarus.</i> 27
<i>Idiacius.</i> 356	<i>Ioan. Feltonus.</i> 182
<i>Iesuite in Anglia subrepunt.</i> 298	<i>Ioan. Forsterus.</i> 256, 257, 375
<i>Ioachimus Agidius.</i> 90	<i>Ioan. Fulthropus.</i> 167
<i>Ioannes Austriacus.</i> 256. <i>In Belgium venit.</i> 261, 267, 268	<i>Ioan. Gageus.</i> 37
<i>Ioannes Basilides Russorum Imper.</i> 127, 128	<i>Ioan. Gordonius.</i> 112, 139
<i>Ioan. Best.</i> 38	<i>Ioan. Greius.</i> 36
<i>Ioan. Betonius.</i> 135	<i>Ioan. Halesius.</i> 73, 91
<i>Ioan. Binghamus.</i> 380	<i>Ioan. Hamiltonius Archiepiscopus S. Andree.</i> 192. <i>Ioan. Hamiltonius</i> 358, 378
<i>Ioan. Bishopus.</i> 327	<i>Ioan. Hartsus.</i> 355
<i>Ioan. Borroughus.</i> 395	<i>Ioan. Hastingsus.</i> 243
<i>Ioan. Caius Medecine D.</i> 243	<i>Ioan. Hawkinsus.</i> 134. <i>male tractatus.</i> ibid. 302, 487, 490.
<i>Ioan. Carius.</i> 245	<i>Ioan. Hepburnus.</i> 121, 141
<i>Ioan. Charnocus.</i> 405, 414	<i>Ioan. Ionesus.</i> 405, 412
<i>Ioan. Checus.</i> 295	<i>Ioan. Itclausus.</i> 380
	<i>Ioan. Iuellus Episc. Sarisb.</i> 27, 38. <i>obit.</i> 207
	<i>Ioan. Lestus.</i> 139, 241
	<i>Ioan. Manerius.</i> 410
	<i>Ioan. Martinus Recaldus.</i> 485, 492
	<i>Ioan. Masonus.</i> 18, 109
	<i>Ioan. Medices.</i> 479
	<i>Ioan. Mendoza.</i> 170
	<i>Ioan. Monlucius.</i> 50
	<i>Ioan. Mornillerius Aurelianensis Episcopus.</i> 32, 88
	<i>Ioan. Neuillus.</i> 167
	<i>Ioan. Nogentus.</i> 311
	<i>Ioan. Norrisius.</i> 245, 274, 296. <i>vincit & vincitur.</i> 317, 392, 472, 480
	<i>Ioan. Northus.</i> 274
	<i>Ioan. Parkhurstius.</i> 38
	<i>Ioan. Perenottus.</i> 255
	<i>Ioan. Perottus.</i> 208, 244, 288. <i>Hibernie Prorex.</i> 350, 381, 475
	<i>Ioan. Ribalius.</i> 81
	<i>Ioan.</i>

INDEX.

<i>Ioan. Rogersius.</i>	482	<i>Legatio Setoni.</i> 176. <i>Buckhursti.</i> 195. <i>De Legato Consultatio.</i> 201. <i>Legatio Gendy.</i> 234. <i>Comitis Wigornia.</i> ibi. <i>Baronis Northi.</i> 248. <i>Legatio I. Smithi.</i> 267. <i>Wilkesij.</i> 269. <i>Legatio irrita.</i> 275. <i>Patricij Grayj.</i> 362. <i>Legatus an Principi insidietur.</i> 450. <i>Legatio in Daniam.</i> 459
<i>Ioan. Smithus.</i> 260. <i>Legatus in Hispania.</i>	267	<i>Leges Sex Articulorum.</i> 6, 79. <i>In turbulentor.</i> 204. <i>In Pontificios.</i> 328. <i>Ecclesiastica in Scotia.</i> 361. <i>Rogata contra Episcopos.</i> 370. <i>Contra Iesuitas.</i> 371
<i>Ioan. Somerus.</i>	321	<i>Leicestria Comes.</i> 91, 94, 104, 125, 144, 145, 151, 158, 160, 162, 198, 205, 208, 228, 245, 264, 276, 282. <i>Nuptijs Andini se opponit.</i> ibid. 320, 369, 389. <i>In Hollandiam missus.</i> 390. <i>Ab Ordinibus exagitatus.</i> 395, 414, 450, 472
<i>Ioan. Storius L. L. D.</i>	13, 38, 152, 206	<i>Leicestriana factio in Belgio.</i> 473, 474. <i>Renocatur.</i> ibid. 478. <i>Obit.</i> 496
<i>Ioan. Stubbis.</i>	325	<i>Lenoxia Comitissa.</i> 72, 112. <i>Comes.</i> 92, 97, 116, 119, 146, 155. <i>Prorox Scotia.</i> 174. <i>Occiditur.</i> 203. <i>Esmaus Lenoxia Dux.</i> 284, 312, 331. <i>In Galliam redit.</i> 338. <i>Obit.</i> 339. <i>Liberi in Scotiam vocati.</i> 341. & seq.
<i>Ioan. Suffraganeus Bedfordiensis.</i>	38	<i>Leonardus Dacrus.</i> 160
<i>Ioan. Swinbornus.</i>	167	<i>Letha.</i> 51. <i>Obsidetur.</i> 52. & seq.
<i>Ioan. Throcmortonus.</i>	182	<i>Leuingtonus.</i> 139, 185, 190, 192
<i>Ioan. Trauersius.</i>	405, 414	<i>Libri de nuptijs Scotia cum Norfolcio.</i> 164
<i>Ioan. Whitgiftus.</i> 233. <i>Archiepiscopus Cant.</i>	347, 498	<i>Contra nuptias Andini.</i> 324
<i>Ioan. Wolleius.</i>	416	<i>Lidingtonus.</i> 44, 67, 94, 95, 115, 118, 121, 139, 142, 147, 157, 159, 239. & seq.
<i>Ioan. Zoucheus.</i>	83	<i>Moritur.</i> 241
<i>Iobus Throcmortonus.</i>	498	<i>Lignerolius.</i> 121
<i>Incurisiones inter Scotos & Anglos.</i>	173, 362	<i>Ligonus.</i> 147
<i>Indica Mercatorum Societas.</i>	470	<i>Limitanea probationes.</i> 376
<i>Iudicium contra Scotorum Reginam.</i>	423	<i>Limnuchum.</i> 171
<i>Indicia de eius causa.</i> 441. & seq.		<i>Lincolnia Comes.</i> 106, 167, 208, 227, 282, 320, 389, 414, 461
<i>Ius Castrense.</i>	243	<i>Lindseius Baro.</i> 115, 139, 140, 143, 145, 174, 331
K		<i>Lites inter Anglos, & Lusitanos.</i> 206
<i>K Eius.</i>	87	<i>Lixnaw Baro.</i> 292
<i>Kelwaius.</i>	240	<i>Lochleuinus.</i> 341
<i>Kernisius.</i>	83	<i>Lodonius</i>
<i>Keswicus oppidum.</i>	70	
<i>Kildavia Comes.</i>	62, 246, 293	
<i>Kilkennia.</i>	170	
<i>Knoxius.</i>	111, 118, 120	
L		
<i>L A-Mottus.</i>	164	
<i>Lana Anglica.</i>	90	
<i>Langdallus D.</i>	27	
<i>Laniema Parisiensis.</i>	228	
<i>Latt-Gelt.</i>	330, 499	
<i>Latimerus Baro.</i>	272	
<i>La-Warus Baro.</i> 209, 220. <i>Obit.</i>	272	
<i>Legato quousq; iniuria ferenda.</i> 70. <i>Legatio a Mosco.</i> 127, 154. <i>Legatus in Hispaniam.</i>	133	

INDEX.

<i>Lodonicus Aurelianensis.</i>	106	<i>Maria Sidneia.</i>	57
<i>Lodonicus Lusignianus.</i>	319	<i>Markensfeldius.</i>	209
<i>Lodonicus Malanus.</i>	90.242	<i>Marria Comes.</i> 112. 120. 140. 174. <i>Pro-</i>	
<i>Lodowicus Zuniga Requesenius.</i> 252. <i>Obit.</i>		<i>rex statim obit.</i> 204. <i>Ioan.</i> 317. 331	
	255	341. 351. 358. 378	
<i>Londinensis Episcopus.</i>	171	<i>Martinus Forkisberus.</i> 262. 487. 489. 490	
<i>Lotharingus Cardinalis.</i> 30. 31. 45. 53		<i>Matberus morte affectus.</i>	216
63. 76. 84. 197		<i>Matrimonij cum Andino pacta.</i> 320. <i>Disse-</i>	
<i>Lowderus.</i>	136. 200. 242	<i>rendi causa.</i>	322
<i>Lucas Kirbius.</i>	326	<i>Matthaus Parkerus Archiepiscopus Can-</i>	
<i>Lumleius Baro.</i> 162. 198. 200. 407. 415		<i>tuariensis.</i>	38. 237
461. 463		<i>Maueiseirus.</i>	196. 247. 319
<i>Luscrina pelles.</i>	127	<i>Mauritius Barkleius.</i>	52
M		<i>Mauritius Dennis.</i>	83
<i>Mac-Arti-More.</i>	170	<i>Mauritius Nassonius.</i>	473
<i>Maclena Saga.</i>	352	<i>Maximilianus Imperator.</i> 11. 98. 125.	
<i>Machlis Animal.</i>	343	<i>Obit.</i> 263	
<i>Mac-Genis.</i>	129	<i>Maxwellus Baro.</i> 135. 136. 183. 377.	
<i>Mac-Gillespic.</i>	131. 245	<i>Missam erigit.</i>	378.
<i>Mac-Guilli.</i>	245	<i>Mechlinia capitur.</i>	296
<i>Mac-Guir.</i>	129. 259	<i>Medina Cæli Dux.</i>	193. 232.
<i>Mac-Mahon.</i>	259	<i>Medina Sidonia Dux Præfectus Classis</i>	
<i>Mac-William.</i>	380. 381	<i>Inuincibilis.</i>	485
<i>Mackworthus.</i>	294	<i>Meilerius.</i>	379
<i>Madridum.</i>	134	<i>Melsenus D.</i>	254
<i>Magellani Fretum.</i> 304. <i>Nubecula.</i> 305		<i>Michael Carius.</i>	245
470		<i>Mich. Hospitalius.</i>	122
<i>Mahonus O-Brean.</i>	379	<i>Mic. Seurius.</i>	50
<i>Mainus Sacerdos.</i>	272. 298	<i>Mic. Tempest.</i>	167
<i>Maitlandus.</i>	377	<i>Milo Couerdalus.</i>	380
<i>Maesius D.</i>	483	<i>Ministri illusi.</i> 251. <i>Scotti, Regi se opponunt.</i>	
<i>Malbeius.</i>	231. 289		342
<i>Manninguillus.</i>	332. 339	<i>Modius.</i>	449. 450
<i>Mannus Legatus in Hispania.</i>	133	<i>Moguntia.</i>	126
<i>Mansfeldia Comes.</i>	392	<i>Momonie Præses.</i>	101
<i>Marcanus Lumaus Comes.</i>	224. 253	<i>Monsonus.</i>	105. 326
<i>Marchio à Burgaw.</i>	479	<i>Montgomery Comes.</i>	169. 235
<i>Margareta Douglassia.</i> 93. <i>vide Comitiss-</i>		<i>Montignius.</i>	90
<i>sa Lenoxia.</i>		<i>Montioius Baro.</i>	209
<i>Margareta Goldinga.</i>	77	<i>Montlucius.</i>	177
<i>Maria Ducis Bauaria filia.</i>	127	<i>Montmorentius.</i> 30. 31. 43. 82. 124. 225.	
<i>Maria Regina Ang.</i> 10. <i>Obit.</i> 14. 106. 125		227. 248	
& seqq.		<i>Montpensieriani Ducis filia Charlotta.</i>	
<i>Maria Scotorum Regina. vide Scotorum</i>			248
<i>Regina.</i>		V v v	Mon-

I N D E X.

<i>Montifacuti Vice-Comes.</i>	12, 26, 51, 203	<i>Nic. Parkerus.</i>	497
	414	<i>Nic. Sanderus.</i>	83, 132, 286, 287, 291,
<i>Montifacuti Baro.</i>	481	299. <i>Fame perit.</i>	349
<i>Montrofia Comes.</i>	378	<i>Nic. Throcmortonus.</i>	43, 60, 63, & seq. 69
<i>Moravia Comes.</i>	53, 85, 94, & seq. 110.	80, 82, 88, 96. <i>Regina Scotorum causam</i>	
<i>Ambitio.</i>	111, 112, 114, & seq. 118.	<i>defendit.</i>	117. & seq. 145, 151, 158,
& seq. 135, 139, 141, 145, & seq. 167		160, 162. & seq. <i>Obit.</i>	187
<i>Occiditur.</i>	171. <i>De eo iudicia.</i>	<i>Nic. Woottonus.</i>	18, 19, 31, 43, 53, 90.
172,		<i>Obit.</i>	129
184, 194, 238, 257		<i>Nobiles restituti.</i>	36
<i>Mordantus Baro.</i>	209, 415	<i>Non Pariglianaus.</i>	490
<i>Morcttus.</i>	113	<i>Norfolcia Ducissa.</i>	129. <i>Obit.</i> <i>ibid.</i> <i>Dux</i>
<i>Morganus Phelipps.</i>	163	27, 48, 52, 53, 56, 97, 104, 139, 144,	
<i>Morleius Baro.</i>	415	145, 147, 151. <i>Se subducit.</i>	161. <i>Re-</i>
<i>Mortonius Comes.</i>	32, 110, 113, & seq.	<i>dit.</i>	162. <i>Custodia datur.</i>
120, 139, 174, 190. <i>Scotia Prorex.</i>		163. <i>Libe-</i>	
237, 238. <i>Loco mouetur.</i>	277. <i>Ad-</i>	<i>ratur.</i>	182. <i>Iterum incarceratur.</i>
<i>ministracionem resumit.</i>	278. <i>Incarce-</i>	200.	
<i>ratur.</i>	314. <i>Obtruncatur.</i>	208. <i>Condemna-</i>	
	317, 376	<i>tur.</i>	215. <i>Obtruncatur.</i>
<i>Mopus.</i>	354		217
<i>Mosconia detecta.</i>	127	<i>Northamptonia Marchio.</i>	18, 24, 56.
<i>Moscius moritur.</i>	343	<i>Obit.</i>	207
<i>Mota-Fenelonus.</i>	196, 227, 229, 236, 259	<i>Northumbria Comitissa.</i>	214, 221
332, 339		<i>Northumbria Comes.</i>	32, 145, 151, 157,
<i>Mulleius Hamett.</i>	389	163. & seq. 171, 209, 219, 229, 272.	
		<i>Capite plectitur.</i>	230, 354, 272. <i>Mor-</i>
		<i>tuus repertus.</i>	<i>ibid.</i> 490
		<i>Northumbria Dux.</i>	8, 9, 56
		<i>Northus Baro.</i>	125, 209, 248, 390
		<i>Nonatores Ecclesiam turbant.</i>	233. <i>Eorum</i>
		<i>petulantia.</i>	498
		<i>Nowellus S. Pauli Decanus.</i>	217, 218
		<i>Numismata honoraria.</i>	494
		<i>Nuptia cum Alemnconio proposita.</i>	229
		<i>Nuptia cum Andino proposita.</i>	196. <i>Nor-</i>
		<i>folcio cum Scota.</i>	146
			O
		<i>O Bignius.</i>	260
		<i>O-Conor.</i>	244, 273
		<i>Odetus Castillionaus Cardinalis.</i>	149
		<i>O-Donell.</i>	62, 129, 131, 264
		<i>O-Hanlan.</i>	247
		<i>Oluarius Manours.</i>	83
		<i>Oluarius Templeus.</i>	296
		<i>O-Mores.</i>	231, 244, 273
		<i>O-Neale. Vide Shanus.</i>	
			Orcadum

INDEX.

<i>Orcadum Episcopus.</i>	139	<i>Petrus Clausius.</i>	319
<i>Ocranum Promontorium.</i>	486	<i>Petrus Mcwtas.</i>	60, 68
<i>Ormesbeius.</i>	83	<i>Petrus Sarmientus.</i>	307
<i>Ormondia Comes.</i>	1, 101, 131, 152, 170	<i>Petrus Seburna.</i>	309
	291	<i>Petrus Valdesius captus.</i>	488
<i>Oquenda naui capta.</i>	488, 492	<i>Pettus.</i>	310
<i>Oswaldus.</i>	165	<i>Pheogus Mac-Hugh.</i>	293
<i>Owenus Hoptonus.</i>	208	<i>Phetiplaceus.</i>	271
<i>Owenus Oglethorpus Episcopus Carlisolen-</i>		<i>Philippus Butshidus.</i>	103. 169
<i>sis.</i>	37	<i>Phil. Hispanus Rex, vide Hispaniarum Rex.</i>	
<i>Owenus.</i>	194	<i>Phil. Lantgranus Hassia.</i>	55
<i>Oxonie Comes obit.</i>	77, 414, 490	<i>Phil. Marmixius.</i>	254
<i>Oxenhami nauigatio.</i>	303	<i>Phil. Sidneius. 263, 393. occiditur.</i>	394
P		<i>Phil. Staelius.</i>	49
<i>Pactum cum Protestantibus Gallia.</i>	76	<i>Philippina Insula.</i>	470
<i>Painus.</i>	498	<i>Pigottus.</i>	348
<i>Parlamentum.</i>	79, 103, 204, 216, 328	<i>Pirata coerciti.</i>	235
	366, 432	<i>Pius Quartus P P.</i>	58, 68
<i>Parmensis, 281. Antwerpian deditione</i>		<i>Pius Quintus P P. 147, 178, 188. Litera</i>	
<i>capit, 384, 392. & seq. Sclafam obsi-</i>		<i>ad Scotum. 190. 201. 210. 218. Machi-</i>	
<i>det. In Angliam bellum apparat, 479</i>		<i>natio. 219. Bulla.</i>	402
<i>Pacem tamen simulat, 482. Imperatus,</i>		<i>Plomtreus sacerdos.</i>	167
<i>493, Bergam frustra obsidet.</i>	497	<i>Plowdenus obijt.</i>	365
<i>Pastrana Dux.</i>	479	<i>Poli in iudicium vocati.</i>	73
<i>Patricius Graius.</i>	375, 377, 444, 451	<i>Pollus.</i>	411
<i>Paulus Busus.</i>	254	<i>Polus Cardinalis.</i>	10. Obijt. 15. 37. 62
<i>Paulus Foixius.</i>	77	<i>Pomponius Belleiurus.</i>	275. 445
<i>Paulus Tertius, P P.</i>	5	<i>Pontificij absoluunt. 132. Remp. turbant.</i>	
<i>Paulus Wentworthus.</i>	105	<i>233. 347. Eorum quarela. 353. In Re-</i>	
<i>Pax cum Scota. 32. Inter Gallum & An-</i>		<i>ginam malitia.</i>	354
<i>glum.</i>	88	<i>Pophamus.</i>	373, 461
<i>Pax Scotiae parta.</i>	241	<i>Portus Gratia, vide New-hauen.</i>	
<i>Pecunia repurgata. 61. Detenta.</i>	149	<i>Powellus.</i>	194, 200
<i>Pelhamus. 83. Hibernia Iustitiarius.</i>	290	<i>Powlettus Baro.</i>	209
<i>Penbrochia Comes. 104, 151, 157, 160</i>		<i>Præmunire.</i>	96, 371
	163, 178, 207, 414	<i>Prestallus.</i>	206
<i>Pericula in mutanda Religione.</i>	22	<i>Proditores odiosi.</i>	348, 471, 479
<i>Personius Iesuita.</i>	299	<i>Profugi repetiti.</i>	355
<i>Pestilens ex pedore morbus.</i>	271	<i>Promotores.</i>	108
<i>Pestis Londini sauit.</i>	84	<i>Protestantes Galli Anglos distitunt.</i>	81
<i>Petcarnius Dunfermilini Abbas.</i>	190	<i>Protestatio de cade Darlij.</i>	115
<i>Petrus Botelerus.</i>	169.	<i>Pronus.</i>	83
<i>Petrus Carewus senior. 12, 170, 208. Obit.</i>		<i>Pronidentia diuina.</i>	460
<i>259. Petr. Carewus iunior. 259. 292.</i>		<i>Prowdlous.</i>	498
		V v v 2	<i>Prunus</i>

INDEX.

Præneus. 382
Puckeriugus. 435
Pyramis Paulina deflagrauit. 72

Q

*Q*uestio de Administratione Scotia. 145
Quindena. 80

R

*R*adesianus Comes. 234, 237
Radulphus Chamberlanus. 33, 58
Radul. Lanus. 387
Radul. Roulettus. 265
Radul. Sadleirus. 45, 139, 144, 198, 200
 415, Obit. 475
Radul. Sherwinus. 326
Ramboulettus. 102, 276
Randanus. 119
Randolphus. vide Tho. Rand.
Red-headus. 497
Rebellio Septentrionalis. 164. *Rebelles pro-*
scripti. 167, 168. *In Hibernia,* 169. *In*
Norfolcia, 182. *Rebellio oritura cadit,*
 188, 230, 273, 278, 286.
Regens Scotia obit. 53
Religio mutata, 8, 10, 22, 25, 39, 40. *In Sco-*
tia. 44
Religiosi subleuati. 71
Renatus Biragus. 225
Renuennus Baro, 48, 113, & seqq. 140, 170
Rex Dania fit Eques Garterij. 330
Richardus Bagottus. 410
Ric. Binghamus. 275, 480, 494
Ric. Candishus. 158, 159, 212
Ric. Chancellorus. 127
Ric. Cheneius. 38
Ric. Coxus. 27, 38
Ric. Davis. 38
Richardottus. 483. & seqq.
Ric. Greenuillus. 103
Ric. Hacluitus. 470
Ric. Harrisonus. 347
Ric. Knightleius. 498
Rich. Nortonus. 102, 166, 167

Ric. Patus. 37
Ric. Sackuillus. 18, 72, 109
Ric. Secundus Rex Anglia. 106
Ric. Shelleius. 57, 86
Ric. Tertius Rex Anglia. 106
Ricbus Baro. 209, 227, 245
Rimanus. 492
Robertus Bellus. 271
Rob. Bowes. 279, 313
Rob. Carius. 466, 490
Rob. Cecilius. 490
Rob. Constable. 174, 184
Rob. D'oilius. 271
Rob. Dunfermilinus. 139
Rob. Gagens. 405, 412
Rob. Gamus. 174
Rob. Hornus, 27. *Episc. Winton.* 38
Rob. Meluinus. 134, 146, 158, 240, 444
 454, 456
Rob. Peckhamus, 37
Rob. Penemanus, 167
Rob. Ridolphus Florentinus, 146, 163, 189
 193, 198, 200, 219, 220
Rob. Siculus. 443
Robertus Sydneius, 495
Rob. Stapletonus, 184
Rob. Tempestus. 167
Robinsonus, 84
Robsertus, 84
Rodericus Gomezus, 89, 242
Rodolphus Rex Romanorum, 263
Rodericus Telius, 486
Rogerus Aschamus, 150
Rogerus De-Mortuo-mari. 106
Rogerus Manwoodus, 416, 461
Rogerus Townsendus. 490
Rogerus Williams. 317, 393, 472, 480
Rohanus. 76
Rolstonus, 183, 199, 221
Rorinus Ogc, 273
Roos Baro. 87
Rossensis Episcopus, 163, 165, 171, 177
 183, 190, 194, 198, *In custodiam datur,*
 199, *Anglia expellitur.* 241
Rothesius

INDEX.

<i>Rothesus Comes.</i>	378
<i>Rowlandus Ienkus.</i>	271
<i>Rowlandus Meric.</i>	38
<i>Rowlandus Torcus.</i>	395, 470
<i>Rumores contra Morauium.</i>	155
<i>Ruffelliacades.</i>	375
<i>Ruslandia Comes.</i>	56, Obiit. 87, 167, 398 414, 415

S

S <i>ackuillus.</i>	1
<i>Saffron Walden.</i>	272
<i>Salmon Castrum.</i>	131
<i>Salopia Comes.</i>	18, 26, 47, 145, 147, 166 177, 208, 414
<i>Samierus.</i>	397
<i>San-Iosephus.</i>	295
<i>Sandes Baro.</i>	209, 227, 415
<i>Sanagius.</i>	405, 409, 412
<i>Saulus.</i>	83
<i>Scota Commentarium.</i>	193
<i>Scoti profugi domum remissi.</i>	377
<i>Scotorum Regina Maria.</i>	14. Regnum Anglia vendicat. 42. Insignia assumit, ibid. & seqq. Tractatum confirmare abnuat. 59. Transitus in Scotiam ei negatur. 64 Cum Throcmortono disceptat. 65. Domum redit. 67. Haredem Anglia declarare petit. ibid. Eius proci. 94. Sui insultant. 85. Darlio nubit. 97. Rebellantes fugat. 98. Sclopetum grauida intentatur. 113. A suis circumuenta. 114. In carcerem truditur. 117. Regnum resignare cogitur. 119. E carcere euadit. 134. In Angliam venit. 135. De ea deliberatur. 137. Causa Eboraci audita. 139. Nouos cognitores recusat. 145. Ei nuptia cum Norfolcio proposita. 146. Salopia Comiti in custodiam committitur. 147. De eius nuptijs cum Norfolcio occulte tractatur. 156, 159. De ea liberanda consilium. 160. Cum ea tractatus. 184. De ea liberanda tractatus. 191. Commenta-

<i>riolum ad Norfolcium scribit.</i>	192, 199
<i>Lex in eam rogata.</i>	206. Cum ea expostulatur. 220. De ea dissertiuncula. 223
<i>Literas querulas ad Eliz. scribit.</i>	332.
<i>De ea liberanda iterum consultatur.</i>	338
<i>Nonus cum ea tractatus.</i>	359, 360. Nouis Custodibus committitur. 364. Litera ablata. 410. Amanuensis. 412. Sententia in eam. 431. Promulgatur. 439. Ad Elizabetham litera postrema. 440. Mors. 454. & seq. Epitaphium 457. Elogium. 458
<i>Scotorum indignatio.</i>	467
<i>Scoticorum Ministrorum insolentia.</i>	361
<i>Scriptum contra potestatem Regiam.</i>	190
<i>Scropus Baro.</i>	166, 173, 183
<i>Scudamorus.</i>	409
<i>Sebastianus Cabota.</i>	345
<i>Sebastianus L'Aubespinaus.</i>	225, 439, 449
<i>Sebastianus Martignius.</i>	49, 52, 169
<i>Sebastianus Rex Lusitania.</i>	207, 280
<i>Seminariorum initium.</i>	297
<i>Sempillus.</i>	140
<i>S. Anna Nauis.</i>	489
<i>S. Clerus.</i>	32
<i>S. Crucis Marchio.</i>	485
<i>S. Ioannis Baro.</i>	209, 415
<i>S. Michaelis Equites.</i>	102
<i>S. Maria Halensis.</i>	493
<i>Setonus Baro.</i>	175, 224
<i>Shanus O-Neale.</i>	62. In Angliam venit. 78, 98, 129. & seq. Occiditur. ibid. 103, 476
<i>Sheffeldus Baro.</i>	490
<i>Sheltonus.</i>	1
<i>Shirwoodus.</i>	298
<i>Signa Hispanorum capta, & proposita.</i>	495
<i>Simierus.</i>	276, 282
<i>Simon Digbeius.</i>	167
<i>Simon Musgrauus.</i>	184
<i>Singletonus.</i>	325
<i>Sixtus Quintus P. R.</i>	479, 484
<i>Skenkins Frisius.</i>	393
<i>Somerfetti Dux.</i>	8. Ducissa obit. 474 Somer-

I N D E X.

<i>Someruillus.</i>	347	<i>Tempestat.</i>	329
<i>Southamptonia Comes.</i>	157, 183, 200,	<i>Terra-Motus.</i>	195, 197, 344
241. <i>Obit.</i>	345	<i>Teuderius.</i>	282
<i>Southwellius.</i>	492	<i>Theodorus Ioannides Imp. Russorum.</i>	343
<i>Staffordus.</i>	14	<i>Theodorus Pogorella.</i>	127
<i>Standonus.</i>	98	<i>The Lyzard.</i>	486
<i>Statuta in Parlamento primo.</i>	35	<i>Tho. Andrews.</i>	456
<i>Stephanus Twerdicus.</i>	127	<i>Tho. Benthamus.</i>	38
<i>Stella Austrina.</i>	305	<i>Tho. Bishopus.</i>	167
<i>Stella Noua.</i>	231	<i>Tho. Bromleius.</i>	214, 220. <i>Fit Cancellarius.</i>
<i>Sterlinium.</i>	204	286, 373, 414. <i>Obit.</i>	475
<i>Stipendia Iustitiariorum.</i>	71	<i>Tho. Candisbus orbem circumnavigat.</i>	470
<i>Stolbergensis Comes.</i>	125	<i>Tho. Cartwrightus.</i>	325, 498
<i>Strangius Baro.</i>	229	<i>Tho. Cecilius.</i>	490
<i>Strangwainus.</i>	84	<i>Tho. Chalonerus.</i>	19, 41, 65, 80. <i>Obit.</i>
<i>Strozius.</i>	238	<i>Tho. Chamberlanus.</i>	51, 69
<i>Stuartus.</i>	275, 378	<i>Tho. Cheneius.</i>	18
<i>Sturtonus Baro.</i>	415	<i>Tho. Copleius.</i>	252, 268. <i>Factus Baro à Gallo. ibid.</i>
<i>Subsidij pars remissa.</i>	107	<i>Tho. Cornwallius.</i>	14, 161
<i>Successio Regni controuertitur.</i>	92	<i>Tho. Cottonus.</i>	103
<i>Suffolcia Ducissa obit.</i>	87	<i>Tho. Digseius.</i>	231
<i>Surly-Boi.</i>	62, 131, 350	<i>Tho. Finche.</i>	82
<i>Suprematus Titulus. 5, 25. Explicatus.</i>	39	<i>Tho. Fines.</i>	36
<i>Surria Comes.</i>	1	<i>Tho. Gargranus.</i>	33
<i>Suffexia Comes.</i>	18, 19, 47, 125, 127, 139,	<i>Tho. Gawdy.</i>	416
145, 157, 161, 163. & <i>seq.</i>	173. <i>In Consilium adscitus.</i>	<i>Tho. Gerardus.</i>	183, 199, 490, 492
183, 198, 208, 220,	245, 273, 282	<i>Tho. Goldwellus.</i>	37
<i>Suttonus.</i>	240	<i>Tho. Gorgius.</i>	410
<i>Swartzenbergius Comes.</i>	275	<i>Tho. Greshamus.</i>	189, 286
<i>Symbolum Leicestrij.</i>	473	<i>Tho. Hardingus.</i>	96, 132, 208
T		<i>Tho. Harueius.</i>	57
		<i>Tho. Hobains.</i>	265
<i>T</i> <i>Abacca.</i>	388	<i>Tho. Howardus.</i>	489, 492
<i>Talbottus.</i>	227	<i>Tho. Knolles.</i>	497
<i>Tamaricum in Angliam illatum.</i>	316	<i>Tho. Leightonus.</i>	83, 267
<i>Tamisis fluxus insolitus.</i>	251	<i>Tho. Manours.</i>	174
<i>Tamworthus in Scotia Legatus.</i>	99, 202	<i>Tho. Markensfeldus.</i>	167
<i>Tanergius Corcongius.</i>	319	<i>Tho. Morganus.</i>	225, 241, 274, 355, 403,
<i>Tanistria Lex.</i>	78	427, 429	
<i>Taylorus.</i>	348	<i>Tho. Newdigatus.</i>	57
<i>Tegus.</i>	100	<i>Tho. Nortonus.</i>	167
<i>Teisa fl.</i>	205	<i>Tho. Pagettus Baro.</i>	351
		<i>Tho. Parrinus.</i>	18
		<i>Tho.</i>	

INDEX.

<i>Theo. Phelipps.</i>	408	<i>Turcica Mercatorum Societas.</i>	285
<i>Theo. Randolphus.</i> 63,76,94,153,173,248 276,315,397,476		<i>Turloghus Lencigh.</i>	131,170,258
<i>Theo. Ratcliffus.</i>	320	V	
<i>Theo. Roe-Burke.</i>	379	V	
<i>Theo. Sackvillius.</i>	195,472	<i>Valentinus Brownus.</i>	184
<i>Theo. Salisburinus.</i>	405,412	<i>Valentinus Dalus.</i> 201,247,251,482	
<i>Theo. Seimorus.</i>	9	<i>Cum Parmensi expostulat.</i>	484
<i>Theo. Shelleius.</i>	37	<i>Valentinus Episcopus.</i>	53,60
<i>Theo. Shirleius.</i>	354,390	<i>Vaughanus.</i>	83,165
<i>Theo. Smithus.</i> 88,112,123, & seq. 208, 225,231. Obit.	272	<i>Vellus aureum Burgundia.</i>	90
<i>Theo. Stanleius.</i>	183,199,280	<i>Venlo amittitur.</i>	393
<i>Theo. Starkius.</i>	389	<i>Vespasianus Gonzaga.</i>	479
<i>Theo. Strangius.</i>	265	<i>Vestium luxus.</i>	250,296
<i>Theo. Stucleius.</i>	188,220	<i>Via in Indiam quaesita.</i>	388
<i>Theo. Wiattus.</i>	11,106,178	<i>Vidamus Carnutensis.</i>	77,235
<i>Theo. Wilkesius.</i>	247,269,271,274	<i>Villeroius.</i>	118,253
<i>Theo. Wilsonus.</i>	273	<i>Vincentius Proditor.</i>	348
<i>Theo. Yong.</i>	38	<i>Vincentius Parpalia.</i>	58
<i>Thorntonus.</i>	108	<i>Vincola Marchio.</i>	279
<i>Thurbeius Episcopus Eliensis.</i> 12,19,31,	37	<i>Virginia.</i>	387
<i>Tichburnus.</i>	405,412	<i>Vlma.</i>	126
<i>Tilburia.</i>	495	<i>Vlstropus.</i>	165
<i>Tina fl.</i>	205	<i>Vologda.</i>	153
<i>Tir-Oenia Comes.</i>	130,132	<i>Vpnora.</i>	70
<i>Toletanus Archiepiscopus.</i>	261	W	
<i>Topcliffus.</i>	165	WV	
<i>Tormenta maiora fusa.</i>	70	<i>Albus.</i>	98,348
<i>Tractatus Cameracensis.</i> 28,31. Edenbur- genfis. 53. Cum Scota. 184. De Scota. 191,358,360		<i>Walterus D'euereux. Vide Es-</i>	
<i>Trappius.</i>	449	<i>sexia Comes.</i>	
<i>Tremainus.</i>	83	<i>Walterus Kittagh.</i>	380
<i>Trimlestonius.</i>	266	<i>walterus Mildmainus.</i> 109,184,198,330, 358,417,461,463	
<i>Triumphalia.</i>	495	<i>Walterus Raleghus.</i> 169,292,294,387,	490
<i>Trugionus.</i>	272	<i>Walterus Scotus.</i>	173
<i>Tuamensis Archiepiscopus.</i>	380	<i>Walterus Wallerus.</i>	390
<i>Tullibardinus.</i>	142	<i>Warhamus S. Leger.</i> 87,101,107,292	
<i>Tumultus in Hibernia.</i>	265	<i>Warwici Comes.</i> 77,91,145,167,208,389	414
<i>Tunstallus Episcopus Dunelmensis.</i>	249	<i>Watsonus Episcopus.</i>	27,37
<i>Vide Cuttbertus.</i>		<i>Wenemanus.</i>	271
<i>Turbain Hibernia.</i> 244. In Scotia. 351		<i>Wentworthus Baro.</i>	33,209,415
		<i>West-</i>	

INDEX.

<i>Westmorlandia Comes.</i>	77, 145, 151, 157,	<i>Wolfens Cardinalis.</i>	25
163. & seq.	209, 219, 253.	<i>Wormestonius.</i>	204
<i>Westmonasterij Ecclesia Collegiata.</i>	60		
<i>Wheelerus.</i>	431	Y	
<i>Whitheadus.</i>	27	<i>Y Axleius.</i>	98
<i>Whites Castle.</i>	130	<i>Y Teraflania.</i>	153
<i>Wigornia Comes.</i>	145, 167, 234, 414, 461	<i>Yester-wemminus Baro.</i>	341
<i>Wilbrahamus.</i>	214		
<i>Willoughbeius Baro.</i>	77, 167, 330, 393, 497	Z	
<i>Wilsonus D.</i>	200, 253, 260, 268	<i>Zelandi Anglos infestant.</i>	259
<i>Windeforus Baro.</i>	77	<i>Zibellinae pelles.</i>	127
<i>Wintoniensis Episcopus.</i>	27, 37	<i>Zoucheus Baro.</i>	294
<i>Wintonia Marchio.</i>	18, 151, 229, 414		
<i>Wittinghamus.</i>	317		

SOLI DEO GLORIA.



